






Early European Books, Copyright © 2012 ProQuest LLC.
Images reproduced by courtesy of the Biblioteca Nazionale Centrale di Firenze.
CFMAGL 2.3.283



Early European Books. Copyright © 2012 ProQuest LLC.
Images reproduced by courtesy of the Biblioteca Nazionale Centrale di Firenze.
CFMAGL.2.3.283

2
3
283
BIBLIOTECA NAZIONALE
CENTRALE • FIRENZE •





VETERUM ALIQUOT SCRIPTORUM

Qui in Gallie Bibliothecis, maximè Benedictinorum latuerant,

SPICILEGIUM.

Tomus Undecimus continet

- | | |
|---|---|
| 1. Collectionem antiquam Canonum
Pœnitentialium tribus libris distin-
ctam. | 4. Miscellanea Epistolarum ac Diplo-
matum. |
| 2. STATUTA Synodalia NICOLAI
Gelant, & GUILLELMI Majoris
Episcoporum Andegavensium. | 5. Chronicon Guillelmi de Nangis,
Continuationem ejusdem primam, &
Continuationem alteram, Monachis
S. Dionysij in Francia Auctoribus. |
| 3. Sermonem vetusti Auctoris de Na- | |

Prodeunt nunc primùm in lucem

*Operâ & studio Domni LUCÆ ACHERII è Congregatione
S. Mauri Monachi Benedictini.*




PARISIIS,

Apud VIDUAM CAROLI SAVREUX ad Turrim Metropolis Ecclesiæ
sub insigni trium Virtutum.

CIO. DC. LXXII.

Cum Privilegio Regis, & Superiorum permissis.





LECTORI.

PERACTO Spicilegij Tomo x. nunc Tomum xi. exhibemus, ut ad perfectum tandem numerum duodenarium accedamus, in quo metam imponere Spicilegiis nostris constituimus; ultra nihilominus progredientur, si Deus faverit, è nostris Sodalibus aliqui & ætate juniores, & valetudine firmiores, & eruditione instructiores, quales nunc nobis Christo donante non desunt.

Primum in Tomo undecimo locum occupat **COLLECTIO CANONUM PÆNITENTIALIUM**; in tres libros distincta ab Auctore anonymo, qui ante sæculum nonum vixit. Quid utilitatis Reip. Christianæ proveniat ex ejusmodi antiquis monumentis nemo nescit, quibus non solum genuini Conciliorum Canones probantur emendanturque, verum etiam prisca disciplina Ecclesiastica quasi ob oculos ponitur. Hanc verò Collectionem duo potissimè commen-

ā ij

dant, antiquitas, & sinceritas; de quibus adnotabo nonnulla, cùm de Collectionis inscriptione dixerò. Inscribitur, ut jam præmissum est, COLLECTIO CANONUM PÆNITENTIALIUM, rectiùs appellanda simpliciter COLLECTIO CANONUM, nisi Auctor PÆNITENTIALIUM nomen apposuisset. Certè ex Præfatione apparet, ipsius mentem fuisse, ut modum pœnitentiæ sacris Canonibus præscriptum traderet, & liber primus ferè peccatorum pœnas definit: at reliqui duo potiùs spectant disciplinam judiciorum Ecclesiasticorum. Siquidem secundus *maximè de accusatis & accusatoribus, de judiciis ac testibus*, ut loquitur Auctor; tertius *de sacris Ordinibus, seu de iis qui promovendi sunt ad Clerum aut ab eo removendi; ac de regulis ac privilegiis omnium Clericorum & Præsulum* tractat.

Antiquitatem hujusce Collectionis probantur veteres codices, in quibus continetur, tum Halitgarius in libro suo Pœnitentiali. Duobus codicibus Mss. usus sum, uno Bibliothecæ Thuanæ, altero musæi V. C. Stephani Baluzij, Bibliothecæ Colbertinæ moderatoris eruditissimi, qui mihi Collectionem istam indicavit. Uterque codex superat annos septingentos, uti & Agobardinus, quem recens Lugduno huc advehi curavit Stephanus Baluzius, & ille quem vidit Johannes Morinus, qui de ipsamet Collectione quædam observat in

lib. 5. de Pœnitentia cap. 1. §. 13.

Hinc mihi persuadeo, Halitgarium dum Pœnitentialem suum conderet, ob oculos habuisse hancce Collectionem, ex cujus Præfatione suam mutuatur, sicut ipse fatetur his verbis: *Hanc autem epistolam nemo quidem existimet meam, ne illi pro parvitate nominis mei vilescat: sed sciat à Majoribus nostris ex Sanctorum sententiis esse collectam, à me quidem excerptam* *, *ne nimia prolixitate negligentibus Lectoribus fastidium generaret.* Et quidem Collectoris nostri Præfatio prolixior est quàm Halitgarij, ac sententiis maximè S. Augustini constat, nonnullis etiam Gregorij Magni.

* id est, in epitomen coactam.

Alterum quo istud Opus commendatur, est, quòd Auctor è puris fontibus suos derivat Canones, non verò è turbidis illis librorum suppositiciorum lacunis. Ut autem Lectoris studium quantum in me fuit relevarem, curavi quo ex Concilio Auctoreve singuli Canones decerpti essent, ad marginem indigitare.

Porrò in fine Præfationis hujusce Collectionis notanda sunt Auctoris verba, queis *plenariam Synodum*, de qua nostro tempore tam multiplices exortæ sunt controversiæ, dicit eam esse, *ubi cum suis Diocesaneis Metropolitanus fuerit Episcopus.* Quibus verbis explicatur canon. xvi. Antiochenus, in quo ita scriptum est: *Perfèctum verò Concilium illud est, ubi interfuerit Metropolitanus Antistes.* Leges No-

tas V. C. Stephani Baluzij in Agobardi librum
de Dispensatione cap. 20.

Animadvertas etiam velim, Lector, summaria capitum indicata initio istius Collectionis, non omnino ad verbum respondere summarijs in Operis serie ad singula capita præfixis. Id accidit, quòd in duobus Mss. ejusmodi summaria sæpiùs variant, cùm in uno prioris libri dumtaxat, in alio posteriorum librorum capita indicentur.

Secundo loco occurrunt STATUTA SYNODALIA NICOLAI GELANT & GUILLELMI MAJORIS Episcoporum Andegavensium, quorum priora condita sunt anno MCCLXI. posteriora anno MCCCXIV. In his Statutis elucet maxima utriusque Episcopi vigilantia in emendandis corruptelis, quæ mores & disciplinam Ecclesiasticam sua ætate labefactabant: nec memini in ullis umquam alijs ejusmodi Synodis tot singularia legisse decreta, quot in istis præscripta sunt. Qua de re jam egregium specimen exhibui pro GUILLELMO Majore, cujus gesta in decimo Spicilegij tomo edita nemo non probavit. Is verò ipse est, qui Statuta isthæc tam à decessore suo Nicolao quàm à seipso publicata, collegit in unum, uti ipsemet commemorat in Præfatione Statutis præfixa, ut excusationem Clericorum suorum, qui ea se ignorare prætendebant, removeret.

Illis in Statutis cùm multa sunt observatione

digna, tum illud in primis venit in mentem, quòd Nicolaus in Synodo Pentecostes anno MCCLXIII. abrogat usum hostiarum, quæ in die Paschæ non communicantibus præbebantur loco panis benedicti. Deinde quòd in Synodo S. Lucæ anni MCCLXX. iis qui comitarentur Sacerdotem Eucharistiam ad ægrotos deferentem, viginti dies de injunctis pœnitentiis relaxat. Tum quòd in eodem Festo post duos annos præcipit, ut non post elevationem Sanctissimi Sacramenti, sed paulò ante eam campana pausatim pulsetur, ad excitandos absentes in cultum Corporis Dominici. Et anno sequenti in Festo eodem vetat, ne Diaconi qui Confessiones (ut solebant) infirmorum excipiebant, eisque ministrabant Eucharistiam, ulterius id præstare audeant citra necessitatem, ubi scilicet abfuerit Presbyter. Accedit, quòd anno MCCLXXIV. in Synodo Pentecostes monet & exhortatur Presbyteros suæ diœcesis, ut *post Dominicam ante Cineres usque ad Pascha carnibus non utantur*. Antiquum hunc morem penes Clericos fuisse probat Anonymus, qui vitam S. Udalrici Augustani Episcopi scripsit sub finem sæculi decimi, cùm in cap. 10. Dominicam Quinquagesimæ appellat eam *Dominicam, in qua mos est Clericorum ante Quadragesimam carnes manducare, & deinceps usque ad sanctum Paschæ tempus de vitare*. Denique anno insequente in Synodo S. Lucæ, præcipit in Baptismo tri-

nam immersionem, aut certè trinam effusionem observari, contra nonnullos qui *semel tantùm* baptizandos *immergebant in aquam, vel uno contextu aquam fundebant super eos*. In Synodo itidem S. Lucæ anni MCCXCII. Barbitonsoribus sub pœna excommunicationis interdicat, *ne diebus Dominicis barbas radant, vel aliàs barbitonsoris officium exerceant, etiam minuendo,* (nempe sanguinem per venæ sectionem) *nisi mortis vel gravis infirmitatis periculo imminente*. Eam denique pœnam molitoribus, qui diebus Dominicis operi suo vacarent, interminatur. Hæc in specimen de illis Statutis sufficiat adnotare.

Postea subjungitur SERMO IN NATALI DOMINI, nescio an à S. Fulgentio compositus adversus Nestorium. Quippe Sermonem hunc sæculo quinto dixisse se profiteretur Auctor, quisquis fuit, hisce verbis hæreticum quempiam compellans in fine: *Christus circa quingentos annos, nativitatis suæ causas præstat, ortus sui lites patitur, status sui sustinet quæstiones. Hæretice desine judicare judicem tuum &c.*

Subsequuntur MISCELLANEA Epistolarum ac Diplomatum, quæ maxima ex parte diligentia debemus viri de republica litteraria optimè meriti, ANTONII VIONIS HEROVALLII, qui aliorum studia fovet ac promovet velut sua. Hisce in monumentis animadvertenda præcipuè est Constitutio LUDOVICI VI. Francorum

corum Regis, Leges pacis ab ipso in civitate Laudunensi constitutas confirmantis: PHILIPPI Augusti, qui ratas habet Consuetudines Communæ, civitati Sueffionensi à prædicto Ludovico concessas: PHILIPPI II. Usus & Consuetudines Tornacensium ordinantis: PHILIPPI Flandriæ Comitis, Leges Arienfium, & ALPHONSI Comitis Pictavenfis, antiquas Arvernorum Consuetudines confirmantium. Insuper considerandæ sunt Litteræ Pontificum Romanorum ad Francorum Reges & Principes de sua ad Pontificatum promotione, quales etiam ad Universitates, præsertim Parisiensem, videre est in lib. de Scholis celebrioribus V. C. Johan. Launoij, pag. 239. & seqq. Qua de re plures mihi suppeditavit V. C. ANTONIUS HEROVALLIUS, nempe NICOLAI Papæ III. ad PHILIPPUM III. JOHANNIS Papæ XXII. ad CAROLUM Marchiæ Comitem, & alias; ex quibus duæ priores visæ sunt sufficere in exemplum. Observa demum in his Miscellaneis Litteras Manumissionis, quas Ludovicus X. in gratiam servorum Regni sui promulgavit; Litteras Clementis Papæ X. contra monetæ adulteratores: & Ordinationem Caroli IV. pro expensis domus Reginæ conjugis suæ.

Postremo loco habes, Lector, CHRONICON GUILLELMI DE NANGIS, Monachi Dionysiani, qui ab Orbe condito ad annum Chri-

Iti MCCC. illud deduxit, idemque continua-
vere anonymi duo itidem Monachi S. Dionysij
ad annum MCCCLXVIII. in quibus continua-
tionibus singularia occurrunt multa : prior
definit in anno MCCCXL. altera in anno
MCCCLXVIII. cujus Auctor pinguiori minerva,
& barbarico sapius stilo quam priores duo res
describit. Nec mirum, siquidem Scriptor iste
refert, nullum pæne qui grammaticam doce-
ret, sua ætate reperiri potuisse. Is ad annum
1358. proprium natale solum designat Venittam,
vulgo *Venette*, villam quondam regiam paulo
infra Compendium ad Oesiam, cujus villæ men-
tio fit ab Aigrado in libro de vita S. Ansberti
Episcopi Rothomagensis, in Sæculo 2. Bened.
num. 38. & seqq. Ut tamen illius Chronici
editionem nonnisi ab anno MCXIII. inchoa-
rem, suasit adnotatio ipsius Guillelmi, scri-
bentis ab eo anno Sigiberti Chronicon se con-
tinuavisse; tam etsi nonnulla mutuatur ab An-
selmo Gemblacensi Monacho, Sigiberti Con-
tinuatore.

Unicus mihi fuit codex Ms. Chronici Nan-
giaci ac Continuationis ejusdem, in majori
folio chartaceo abhinc trecentis circiter, ut
reor, annis exaratus, unde exscribi quæ edita
sunt curavi; nec alibi alium codicem potui
comparare, quo possem menda & labes qui-
bus scatebat castigare & extergere: idcirco
sapius conjecturas correctionesque margini

LECTORI.

IV

affigere meas vel alienas sum coactus. Maximo mihi hac in re adjumento fuit V. C. ac eruditissimus CAROLUS DU FRESNE D. du Cange, qui ope præsertim Gallicæ Continuationis prædictæ, quam habet, multa emendavit. Nec mirere, Lector, si adhuc occurrant nævi & lacunæ, vix enim ac ne vix quidem dilui & suppleri potuerunt, etsi omnem adhibuerimus diligentiam industriamque. Porro codex ille olim fuit V. C. Philippi de Lautier, *Generalis pecunie Præfecti*, quem dono dedit Jacobo Brolio, nostri Monasterij Cœnobitæ, uti Brolius ipse quondam sua manu notavit sub operimento ligneo nunc perfracto.

Atque ut Nangius his qui linguam Latinam minimè noverant, & Monasterium Sandionysianum sæpissimè adibant faceret satis, suum Gallicè vertit Chronicon, quo facilius possent Regum ejus in Abbatia Basilica sepulchrorum notitiam percipere. Ist hæc in Præfatione Gallica significat Nangius.

Scripsit Guillelmus Nangius, præter Chronicon, gesta S. Ludovici (sive incepta ab Ægidio Remensi prosecutus est, sicut ipse faretur) & filij ejus Philippi cognomine Audacis, Regum Francorum, quæ edita reperiuntur, notissima utique viris rerum historicarum peritis, qui Scriptorem hunc satis accuratum ac diligentem reputant.

Illud verò ad commendationem Dionysiani
é ij

Monasterij observare juvat, moris quondam fuisse, ut Chronica de Regum Francorum gestis ibi adservarentur, & (quod in Anglicanis etiam Monasteriis Benedictinis fiebat) periti designarentur è Monachorum cœtu Historiographi, qui res Francorum præcipuas litteris mandarent. Utrumque nobis testatum facit Præfatio Chronici Gallico idiomate conscripti, quod vulgò *Chronicon S. Dionysij* appellatur. Illud ipsum confirmant anonymi *Gesta Dagoberti*, & *Sugerij liber de Gestis Ludovici vi.* *Rigordi Gesta Philippi Aug.* anonymi Monachi historia de *Carolo vi.* latinè scripta, aliaque Monachorum istius Regalis Abbatia monumenta, quæ in direptione Bibliothecæ Dionysianæ superiorum temporum procellis facta perierunt magna ex parte, aut certè in externorum manus venerunt. Ex his Scriptoribus Rigordus Regius etiam Historiographus esse promeruit, cum se *Magistrum Rigordum*, *Regis Francorum Chronographum*, *B. Dionysij Clericorum minimum*, in præfatione Gestorum Philippi Aug. ad Ludovicum ejus filium ipsemet appelleret: quo nomine à Guillelmo Armorico, tamquam laudem & vanos Chronographi sive Historiographi titulos ambiret, sine causa reprehenditur. Neque enim qui Historiographus est modestiæ terminos excedit, si se Regium Historiographum suis in libris vocet: cum aliter aut meliùs quàm suæ quisque pro-

fessionis titulis innotescere non possumus.

Tandem scias, Lector, mihi suppetias plurimum adtulisse V. C. HADRIANUM VALESIUM universo Orbi litterario & eruditione & scriptis notissimum ac celeberrimum, qui de Epistolis potissimum sive antiquis chartis, quas publicavi, observationes & adnotationes mihi perhumaniter ut solet communicavit. Contulit quoque suam operam, suumque Studium Sodalis meus, & particeps studiorum ac laborum, D. Johannes Mabillon, imbecillitatem mei corporis identidem sublevans peramanter. Ad extremum, quid beneficii V. C. CAROLUS BULTELLUS, Regi à secretis, mihi præstiterit in editione utriusque Continuationis Nangiacæ, haud prætermittendum est. Ab annis duodeviginti me sæpius adhortati sunt plerique viri eruditi & rerum historicarum curiosi indagatores, ut Guillelmi de Nangis Chronicon & Continuationes, quæ nullibi nisi in Bibliotheca Sangermanensi reperiiebantur, diutiùs latere non sinerem, immo in lucem proferrem incunctanter. Verùm ab eo consilio me semper deterruit labor improbus, qui ad corrigenda manuscripti codicis menda & errata suscipiendus erat. Bultellus verò ut est rei historicæ non minus studiosus quàm peritus, eloquentior mihi non verbis modò, sed etiam beneficio persuasit, uti Continuationes Nangiacas Spicilegio insererem, atque ut ad id sus-

ẽ iij

cipiendum alacriorem me & faciliorem redderet, eas tametsi prolixiores suis sumptibus exscribi curavit, & exemplum quo in hac editione usus sum mihi liberaliter concessit.


CORRIGENDA IN TOMO X.

MOnitus ab amico quòd in nonnullis Tomi X. Spicilegij exemplis errata quædam minimè à Typographo fuissent emendata, uti mandaveram, operæ pretium est heic illa Lectori indigitare.

In Præfatione mea, pag. 20. *lin.* 26. Henricum III. *lege* II. & *lin.* 23. circa 1240. *lege* 1140.

In tomo, pag. 400. *lin.* 23. Robinus & Brito. *lege*, Robinus Brito. Pag. 631. *in marg.* 787. *lege* 687. & in Elencho pag. 3. *lin.* 28. eadem correctio adhibenda.





ELENCHUS

CONTENTORUM IN TOMO UNDECIMO

SPICILEGII.

COLLECTIO antiqua Canonum Pœnitentialium in tres libros distincta, Pag. 1

Ex duplici Codice MS. Thuanæo & Balusiano.

STATUTA Synodalia Nicolai Gelant & Guillelmi Majoris Episcoporum Andegavensium ab an. 1261. ad 1314. 201

Ex MS. Bibliotheca Thuanæa.

SERMO in Natali Domini per vetusti Auctoris circa an. 500. 279
Erui R. P. Petrus Franciscus Chiffletius S. I.

MISCELLANEA EPISTOLARUM, CHARTARUM AC DIPLOMATUM.

I. GUILLELMUS Dux Aquitanie decernit ut mensæ Canonico- An. CHR.
rum Brivatenſium ablata restituantur, 282 DCCCC-

Ex majori Chartulario Brivatenſi à D. d'Herouval commu- nicato. XIX.

II. FUNDATIO Capellæ S. Juliano dicatæ à Johanne Archidia- DCCCC-
no facta, 283 XXIV.

Ex eodem Chartulario.

III. FUNDATIO Cantuoli Monasterij facta ab Stephano Claro- DCCCC-
montano Episcopo, 285 XLV.

Ex eodem Chartulario.

IV. FUNDATIO Ecclesiæ Liziniacensis pro 12. Canonicis à Ste- DCCCC-
phano Arvernensi Episcopo, 289 LXII.

Ex eodem Chartulario.

V. PONTIUS Gabalitanensis & Forensis Comes fundat Eccle- MX.
siam Canonicorum Colidenſium, 292

Ex eodem.

VI. DONATIO Ecclesiæ S. Machuti facta Majori-Monaste- MLXVII.
rio à Roberto de Sabulio & uxore ejus Hadulfa, 294

Ex Membris ejusdem Monasterij.

VII. GERVASIUS Miles dat Monachis Majoris-Monasterij Ec- MLXX.
clesiam S. Guingaloëi, amotis Canonicis, 296

Ex iisdem membranis.

VIII. GUILLELMUS Dux Aquitanie condit Monasterium S. MA- MLXXVI.

Elenchus content. in Tom. 11. Spicil.

- RIÆ in suburbio Pictavensi pro Cluniacensibus Cœnobitis, 300
Ex iisdem membranis.
- MLXXXV. IX. PHILIPPUS Trecensis Episcopus instituit Canonicos Regg.
 S. Quintini Belvacensis in Ecclesia S. Georgij, 301
Erui R. P. Robertus de Gyvès Canonicus Reg. Cong. S. Genou.
- MXC. X. PHILIPPUS Trecens. Episcopus Canonicis Regg. confert
 præbendam in Ecclesia Cathedrali, & Ecclesiam sanctæ MA-
 RIÆ, 302
Erui idem.
- MXCIII. XI. DIPLOMA foundationis Abbatiae Hamensis Ord. S. Bene-
 dicti, vulgò *Ham* in Artesia inter Lilerium & Ariam, ab In-
 gelranno nobili viro factæ, & à Roberto Flandrensi Comite
 confirmatæ, 304
Communicavit Illustriss. Johan. Robertus Toparcha D. de Rebec.
- MXCV. XII. CHARTA confraternitatis inter Ecclesias S. Nicolai & S.
 Laudi in civitate Andegavensi sitas, 309
Descripsit R. P. Robertus de Gyvès.
- MCI. XIII. Adela Virmandensis Comitissa præbendam Ecclesiæ S.
 Quintini confert Canonicis Regg. Belvacensibus, 314
Erui idem.
- MCI. XIV. DONATIONES factæ Roberto de Arbricellis Auctori Mo-
 nialium Fontis Ebraldi, 314
Ex chartis nostris.
- XV. GUILLELMUS Petragoricensis Episcopus & Canonici sancti
 Frontonis concedunt eidem Roberto iisdemque Monialibus
 locum in Sylva Caduni Salvitas, 317
Ex iisdem chartis.
- XVI. XVII. XVIII. XIX. XX. XXI. XXII. Aliæ item Dona-
 tiones, 318. 319. 320. 321.
Ex iisdem chartis.
- MCXVI. XXIII. Confirmatio donationum à Guillelmo Petragoricensi
 Episcopo concessa, 321
Ex iisdem chartis.
- MCXX-
 VIII. XXIV. CONSTITUTIO Ludovici VI. Francorum Regis, quæ
 leges pacis ab ipso præscriptas in civitate Laudunensi conti-
 net, 322
A Domino d'Herouval eruta.
- MCXXX-
 VII. XXV. Quæ Abbatiae Caricampi Ord. Cist. vulgò *Cercamp*, in
 Artesia &c. contulerat Hugo Candavenæ, rata habent Theo-
 dericus Ambianens. & Milo Morinensis Episcopi, 328
Erui Illustr. D. de Rebec.
- MCLXXX.
 VI. XXVI. DIPLOMA * foundationis Abbatiae Monialium Or-
 Cist. in Blandeca, vulgò *Blandegue* prope S. Audomarum, ab
 Desiderio

Elenchus content. in Tom. 11. Spicil.

- Desiderio Morinenſi Epifcopo confirmatæ, 330 *lanceis poſi-
tum eſt.*
Eruiſt idem.
- XXVII. PETRUS Venerabilis Abbas Cluniacenſis pro Radulfo MCXL.
de Perrona benefactore ordinat Miſſas ac preces tum Cluniaci,
tum in toto Ordine celebrandas, 332
Ex noſtris membranis.
- XXVIII. Charta foundationis S. Bartholomæi Apoſtoli in Al- MCLII.
nienſi pago ſub Hyenſi Prioratu, 334
Ex iſdem.
- XXIX. JUDICIUM Ludovici VII. Regis Franc. quo Godefrido MCLIII.
Lingonenſi Epifcopo ablata ab Hugone Burgundiæ Duce re-
ſtituuntur, 335
Eruiſt D. d'Herouval.
- XXX. PACTUM matrimonij inter Guillelmum de Turre & Se- MCLXXII.
belliam Arnaldi de Villis Paſſantis filiam, 339
Idem eruiſt.
- XXXI. CONSUETUDINES Communie Urbi Sueſſionenſi conceſ- MCLXX-
ſæ à Ludovico Craſſo Rege Franc. confirmatæ à Ludovico Ju- XI.
niore & à Philippo Auguſto, 340
Communicavit idem D. d'Herouval.
- XXXII. Usus & Conſuetudines Tornacenſis Communie à MCLXX-
Philippo II. Rege Franc. ordinatæ, 345 XVII.
Idem eruiſt.
- XXXIII. PHILIPPUS Flandriæ & Viromandenſ. Comes confir- MCLXX-
mat Leges & Conſuetudines amicitie Arienſium in Arte- XVIII.
ſia, 351
Idem eruiſt.
- XXXIV. PACTUM matrimonij inter Bernardum Convenarum
Comitem, & Mariam filiam Guillelmi domini Montipeſſu-
lani, 356
Idem eruiſt.
- XXXV. GUILLELMUS de Turre & Guillelma matrimonium MCCIV.
ineunt, 360
Idem eruiſt.
- XXXVI. JURA & Conſuetudines civibus Attrebatî conceſſa ab MCCXI.
Ludovico Philippi Auguſti filio, & à Roberto Comite Attre-
trebatenſi approbata, 362
*Eruiſt Dionyſius Godefrøy Camera Computorum in Vrbe In-
ſularum à Rege Preſeſtus ac Rector.*
- XXXVII. GUILLELMUS Comes Forcalquerij fœdus init cum MCCXI.
Guidone de Dampetra, quo ſuum omne jus quod prætendebat
in Borbonio ipſi relinquit, 365
Eruiſt D. d'Herouval.
- XXXVIII. LITTERÆ Associationis Monafterij B. Johannis in MCCXX-
VIII.

Elencbum content. in Tem. 21. Spicil.

	Valle-Carnotensi cum Monasterio S. Quintini Bellovac.	367
	<i>Descriptit R. P. Robertus de Gyu's.</i>	
MCCXXX- VII.	XXXIX. CONCORDIA inita inter Petrum Archiepiscopum Roto- mag. & Canonicos S. Mellonis Pontisarenfis,	370
	<i>Ex veteri membrana D. d'Herouval.</i>	
MCCXLVI.	XL. LITTERÆ per quas Rex S. Ludovicus dedit fratri suo Carolo Andegaviam & Cenomaniam,	372
	<i>Eruiť idem.</i>	
MCCCLXX.	XLI. LIBERTATES & Consuetudines villæ Ricomago concessæ ab Alfonso Comite Pictavenfi fratre S. Ludovici, quæ anti- quarum Legum & Consuetudinum Arvernix locum te- nent,	373
	<i>Eruiť idem.</i>	
MCCCLXX- VIII.	XLII. NICOLAUS Papa III. scribit ad Philippum III. Regem Francorum se Papam electum,	381
	<i>Idem eruit.</i>	
MCCCXV.	XLIII. MANUMISSIO servis Regni Franciæ à Ludovico X. con- cessa,	385
	<i>Idem eruit.</i>	
	Eadem Manumissio confirmatur,	387
MCCCXVI	XLIV. JOHANNES XXII. se ad Summum Pontificatum evectum scribit Carolo Marchæ Comiti,	388
	<i>Eruiť idem D. d'Herouval.</i>	
MCCCXXII	XLV. ORDINATIO Caroli IV. Regis Franc. pro expensis do- mus Regiæ uxoris suæ,	391
	<i>Idem eruit.</i>	
MCCCXL- VI.	XLVI. CLEMENTIS Papæ VI. contra adulteratores moneta- rum,	392
	<i>Idem eruit.</i>	
MCCCC- XXV.	XLVII. MARTINUS Papa V. gratias agit Regi Franc. de Orato- ribus ad se missis,	394
	<i>Idem eruit.</i>	
	Idem ejusdem argumenti,	395
MCCCC- XLVII.	XLVIII. MEDIA proposita ad Ecclesiæ pacem & concordiam ineundam,	396
	<i>Ex chartis D. d'Herouval.</i>	
MCCCC- LIX.	XLIX. LUDOVICO Delphini patrus Carolus VII. Franco- rum Regi nuntiat sibi natum filium,	402
	Regis responsio ad præfatas litteras,	403
	<i>Idem eruit.</i>	
MCCCC- LXXXII.	L. Rex Ludovicus XI. ordinat publicas supplicationes in Ec- clesia S. Dionysij	<i>ibidem.</i>
	<i>Idem eruit.</i>	

Elenchus content. in Tom. 11. Spicil.

CHRONICON


GUILLELMI DE NANGIS Monachi S. Dionysij in Francia Ord.
S. Benedicti, ab anno MCCXIII. ad MCCC. 405

Ex M.S. codice S. Germani à Pratis.

Continuatio duplex ejusdem Chronici à duobus Monachis itidem Dionysianis, ab anno MCCC. ad MCCCXLVIII.

Ex eodem M.S.





SVMMA PRIVILEGII.

CHRISTIANISSIMI Francorum Regis LUDOVICI XIV. Privilegio die iv. Junij MDCLXIX. concesso, & ejusdem anni ejusdemque mensis die vi. in Typographiæ Parisiensis Codicem relato, cautum est, ut Congregationis S. Mauri R. P. Superior Generalis librum, cui titulus est, *Veterum Scriptorum Spicilegium*, in plura volumina distributum, per quem maluerit Typographum, nevé alius citra ejus consensum, edat: uti uberiùs Diploma ipsum explicat.

Idem Superior Generalis facultatem dedit Viduæ Caroli Savreux Bibliopoleæ Parisiensis, imprimendi Tomum undecimum Spicilegij Veterum Scriptorum, die 4. Novembris 1671.

INDEX RERUM, ET VERBORUM.



- A**
CADEMIA, v. Uni-
 versitas.
Adela Virmanden-
 Comitissa confert
 præbendam S. Quintini Ca-
 nonicis Regg. Belvacenf.
 314.
Adela uxor Stephani Carnot.
 409.
Adela uxor Ludovici VII. Re-
 gis Franc. 440.
Adulfus Rex Romanorum, 584.
 589.
Ægidius Cornuti Senon. Ar-
 chiep. 550.
Ægidius Archiep. Bituricens.
 591. 618. 620.
Ægidius Abbas S. Dionysij,
 613.
Ægidius ex Narbonensi Archie-
 piscopus Rotomag. 639.
Agnes filia Ludovici VII. Regis
 Franc. Imperatrix, 447.
Albericus Cornuti Carnotensis
 Episc. 530.
Albericus Bituricensis Archiep.
 423.
Albertus Dux ut Imperator age-
 bat, 899. & seq.
Albertus Rex Romanorum, 598.
 600. 631.
Albigensium hæresis, 484.
 486. 488. & seqq. 493. &
 seqq. 507. 514. 516.
Alexius Græcorum Imperator,
 408. 481. & seq.
Alfonfus Comes Pictau. 435.
 536.
Alienordis Regina uxor Ludo-
 vici VII. Reg. Franc. 429.
Almaricus de Leva hæreticus,
 624.
Almaricus de Monte-forti, 510.
 513.
Almaricus Rex Jerusalem, 440.
 445.
Almaricus Abbas Cariloci fit
 Episcop. Silvanect. 442.
Aluifius Attrebat. Episcopus,
 423.
Altum-folium castrum anti-
 quum Paris. 837.
Amorrici hæretici dogmata dam-
 nantur, 501.
S. Anastasij Monasterium Ro-
 mæ fundatur, 412.
Ancellus Comes Caprusiæ, 615.
Andegaviam S. Ludovicus dat
 fratri suo Ludovico, 372.
Andreas Noviom. Episcopus,
 602.
Andronicus Græcorum Imp.
 453.
Anselmus Bellicenf. Episc. 446.
Anselmus ex Abbate S. Vincen-
 tij Laud. Episcopus Tornac.
 428.
Anselmus Laudunenf. 407. 421
Appamea à Tolosa separata pro-
 a

- prium habet Episcopum, 598. Benedictus Avinion. pontem
de Argentolio ejiciuntur Monia- super Rhodanum construit,
les, quibus Monachi subro- 446.
gantur, 416. Bernardus de S. Dionysio Epif-
Ariensium Consuetudines, 351. cop. Aurel. 625.
Arnaldus Arvernens. Episco- Bernardus Comes Convenarum
pus, 284. & seq. init matrimonium cum Maria
Arnaldus Brixiens. hæreticus, Guillelmi Montispeff. filia,
426. 356.
Arvernæ consuetudines, 373. S. Bernardus cum sociis Cister-
Arnulfus Episcopus Leodiens. cium ingressus ætatis suæ 22.
781. de eodem sancto, 405. 416.
de Asinariis Abbatia fundatur, & seq. 423. 427. & seq.
419. 429. 430. 434. decessit,
Attrebatii jura & consuetudines, 436.
362. Bertrandus de S. Dionysio Epif-
Arturus Britannæ Comes, 479. copus Aurelian. 601.
Auriflamma, id est vexillum, Bertrandus Episcop. Noviom.
apud S. Dionysium, 664. ubi 750.
Rex de manu Abbatis eam
fufcipit, 732. Bertrandus de Cliquin, sive du
Aymo Comes Sabaudia, 781. Guesclin, 890. 894. & seqq.
898. 901. 915. & seq.
Blancha Austria Ducissa, 617.
Blancha Trecent. Comitissa, 365.
Blendecæ Monasterium condi-
tur, 330.
Bona uxor Johannis Ducis Nor-
man. 813.
Bonifacius de Monte-ferrato,
481.
Bonifacio Papæ VIII. crimina
objiciuntur à nonnullis No-
bilibus, 610. 633. 636.
Borbonium Guillelmus Forcal-
querij relinquit Guidoni de
Dampetra, 365.
Britanniæ Ducatum tradere Re-
gi Franc. Johannes Dux de-
creverat, 763.
Britones aliqui contradicunt &
impediunt, 764.
de Britannia Ducatu gravis

B

- B**ALDUINUS Rex Jerusalem, 406. 408. 412. 418. 437.
440. 445. 449.
Balduinus de Burgo Rex Jerus.
408. 411.
Balduinus Comes Fland. nepos
Calixti Papæ, 409.
Balduinus Comes Fland. 478.
482.
Baptizandi ter immergantur,
223.
Bartholomæus Archiep. Taron.
445. 484.
Bartholomæus Abbas Majoris-
monasterij, 299.
Beguinæ, 672.
Bellum montense Cænobium
fundatur, 417.

ET VERBORVM. iij

controversia, 791. & seq. 586. 589. & seq. 601. & seq.
 Burchardus Vindocinensis Co- 604. 608. 630. 657. 660.
 mes, 555. 713.
 Burdegalenses sibi dominium ur- Carolus Comes Fland. Rex Je-
 bis usurpant, 609. rosolym. 414.

C

CALESIIUM capitur ab An-
 glis, 803.
 Carolus de Blefis, 791. & seqq. 795.
 Carolus de Bohemia Imperator, 805.
 Carolus de Hispania Conestabi-
 lis Franc. 818.
 Carolus de Ebroidis Rex Na-
 varræ, 818, 820. & seqq. 832.
 & seqq. 838. 844. 849. 855.
 & seqq. 890. 894. 906. 910.
 & seqq.
 Carolus Dux Norman. 819. &
 seq. 825. 827. & seqq. 855. &
 seqq. 887. Rex, Carolus VI.
 896. & seqq. 906.
 Carolus Delphinus Viennæ,
 808.
 Carolus de Blefis, 900. 902.
 Carolus Imperator, 907.
 Carolus Andegavens. Comes,
 907.
 Carolus Comes Clarimontis,
 723.
 Carolus Comes Marchiæ, 667.
 Rex, Carolus IV. 696. 723.
 725. ordinatio pro expensis
 domus Reginæ, 391.
 Carolus Princeps Salernæ, 572.
 579. 581. Rex Sicilia, *ibid.*
 589.
 Cantioli Monasterij fundatio,
 285.
 Carolus Comes Valesiæ, 584.

Carolus Comes Valesij, 668.
 Caricampi Monasterio quæ do-
 nata sunt confirmantur, 328.
 Carolus Marchiæ Comes, 392.
 Carolus Rex Danorum, 409.
 Carthusienses laudantur, 418.
 Cenomaniam S. Ludovicus dat
 fratri suo Ludovico, 372.
 Clarevallis Cœnobium, 407.
 descriptio loci, *ibid.*
 Clementia vidua Regis Ludovi-
 ci, 679.
 Clementinæ Constitutiones in
 Gallia ad tempus suspensæ,
 672.
 Clerici, v. Sacerdotes. Ab esu
 carniū per septem hebdo-
 madas ante Pascha abstinere
 jubentur Clerici, 221. quid
 ediscere debeant priusquam
 ad Ordines sacros promo-
 veantur, 235. quis eorum
 habitus, 238. 268. & seq.
 Colidensium Canonicorum Ec-
 clesiæ fundatio, 292.
 S. Columbæ Cœnobium dedi-
 catur ab Alexandro Papa,
 441.
 Concilia bis in anno celebranda,
 10. *Vide*, Synodus.
 Concilium Remense præsidente
 Calixto Papa, 410. sub Eu-
 genio, 429. 431.
 Concil. Turonense sub Alexand.

- II. Papa, 441. Lateranense, 447. Sueffionense, 476. Lateranense, 501. Parisiense, 514. 747. apud Montempefulanum, *ibid.* Lugdunense, 563. Senonense, Paris. celebratum, 635. Silvanectense, 636. 665. Viennense Provincia, 643. & *seqq.*
- Confessiones à proprio Sacerdote excipiendæ, 218. id prohibetur Diaconis & corpus Dominicum infirmis deferre nisi necessitatis articulo, 220. Confessiones non audiendæ sine licentia Episcopi, quia non sufficit Parochi consensus, 232. 236. confiteri oportet proprio Sacerdoti semel in anno, 241. qui secus fecerint, excommunicantur, *ibid.* casus reservati Episcopo, 272. & *seq.* Confessionum audiendarum privilegium Prædicatoribus & Minoribus concessum irritatur à Bonifacio Papa, 597. gravis controversia an quædam in confessione dicta possint revelari, 753.
- Confraternitatis charta inter Ecclesias S. Albini & S. Laudi Andegav. 309.
- Cono Apost. Sedis Legatus in Gallia tria Concilia celebrat, 406.
- Conradus, 413.
- Conradus Imperator, 421. 426. 428. & *seq.* 431. & *seq.* 436.
- Corrardus Abbas Cisterciens. 670.
- Constantia uxor Ludovici VII. Regis Franc. 437. 440.
- Cotarelli prædones, 451. Franciam & Ecclesias devastantes, *ibid.*
- Crimen, v. *peccatum.*
- Cursat Imp. Græcorum, 453.

D

- D**AINBERTUS Senonens. Archiep. 411.
- Delphinatum Viennæ Humbertus confert Regi Franc. 898.
- Dionysij Corinth. Episcopi corpus deferretur ad Monasterium S. Dionysij, 501.
- S. Dionysij caput esse in Monasterio Sandionys. probatur, 467. 501. quanta devotione erga ipsum S. Ludovicus fuit affectus, 559. controversia, an cor Regis Philippi Audacis sepeliri posset in Ecclesia Fratrum Prædicat. Paris. 577. corpus S. Ludovici ad S. Dionysium transfertur, 599.
- Drogo ex Abbate fit Episcop. Hostiens. & Cardinalis, 415.
- Drogo Sacri-Cæsaris Comes, 631.
- Dulcinus hæreticus, 623. quæ ejus hæreses, *ibid.*

E

- E**CCLSIÆ sive Oratoria & Capellæ cum Episcopi consensu debent construi, 249. alioquin suspensa declarantur, *ibid.*
- S. Edmundus Cantuar. Archiep. catalogo Sanctorum adscriptus, 533.
- Eduardus Rex Angliæ, 585. &

seq. 587. & seq. 597. 609. &
seq. 624.

Eduardus ejus filius successit,
624. 628. 655.

Eduardus Rex Angl. 718. 766.

774. & seq. 779. & seq. 787.

793. & seq. Regem Franciæ

se nominat, 797. lilia & leo-

pardos in armis gestat, *ibid.*

& seq. armis Galliam expu-

gnat, & grassatur, 819. & seq.

866. & seq.

Eduardus de Renty, 905.

Eleemosynæ quando profunt,

6. & seq. multa sunt genera

eleemosynarum, 7.

Eleemosynæ Abbatia fundatur,

421.

Elinandus Monachus Frigidi-

montis chronographus, 491.

Elizaberrh Sanctimonialis visio-

nes, 439.

Engelbertus Turon. Archiep.

434. 439.

Engerrannus, v. Ingerran.

Engelbertus de Anguien, 892.

899.

Engolmense. Comitatus ad Re-

gem devolvitur, 611.

ab Episcopo quæ fiunt in Ecclesia

assensu Clericorum stabilien-

da sunt, 303.

Episcopatum mutationes non

approbantur, 750.

Erardus de S. Veranno, 631.

Evangeliorum lib. Mahometanæ

sectæ sapientes summè vene-

rantur, maximè Evang. Lu-

cæ, 506.

Eucharistia. Medicamenta cor-

poris & Sang. Domini quæ

differenda sunt, p. 2. remo-

vendi & reconciliandi sunt

pœnitentes auctoritate Anti-

stitis *ib.* & seq. 4. comitanti-

bus Sacerdotem qui ad infir-

mos desert corpus Christi in-

dulgentia viginti dierum con-

ceditur, 215. in Missa ante

elevationem sanctiss. sacra-

menti paulatim campana est

pulsanda, 219.

Eufridus de Turone Princeps

Palestinæ, 444.

Eugenius Papa III. 427.

Eutachius de Bello-marescalio,

564. & seq.

Excommunicationis sententia

quando & quomodo publi-

canda, 224. 233. 275. & seq.

quid agendum contra excom-

municatos obstinatos, 277.

Extrema unctio perquam utilis,

240. periculosum est absque

hoc sacramento è vita migra-

re, *ibid.*

F

FLANDRENSIS Regem Franc.

Philippum contumeliis affi-

ciunt, 733. victi & capti mul-

tantur, 735. & seq.

S. Florentij Salmur. Abbatia

fundatur, 421.

Ferrandus Comes Fland. 495.

498. 517.

Ferricus Aurelian. Episcopus,

587. 601.

Ferricus de Picqueniaco, 690.

Flagellantium se societas prohi-

betur & dissolvitur, 811.

Fratrum Minorum controversia

circa paupertatem in eorum

Regula constitutam, 676.

& seq. 681. & seq.

â iij

- Fredericus Coloniae Archiep. Turon. 484.
 675. In S. Georgij Ecclesia Trecenti
 Fredericus Imperator, 437. 442. constituuntur Canonici Regg.
 447. 449. & seq. 463. 465. à Philippo Episcopo, 301.
 Fredericus Rex Siciliae Impera- ipsis confert præbendam in
 tor, 500. 509. 518. Ecclesia Cathedrali, 302.
 Fredericus Dux Bavariae, 680. Gilbertus Porrée, 421. 429.
 685. 437.
 Frigidi-Montis Cœnobium fun- Gilo Cornuti Senon. Archiep.
 datur, 422. 564. 586.
 Fulcaudus de Mula Franc. Ma- Giraldus de Monte-falconis Mi-
 rescallus, 609. les, 769.
 Fulco Andegav. Comes, 415. Giraldus de Lathiliaco Catha-
 418. Rex Jerusalem, 416. laun. Episcopus, 652.
 Fulco de Laval, 837. Girardus Abbas Clareval. Mar-
 tyr, 450.
 Girardus Bellai, 434.
 Girardus de Papione, 489.
 Girardus Bituric. Archiep. 504.
 Godefridus de Haricuria, 797.
 Guelfi, 683. & seq. 689. 733.
 Guibellini, 679. & seq. 683. &
 seq. 689. 721. 728. 761.
 Guichardus Trecent. Episcopus,
 631. 651.
 Guido Namursij Comes, 606.
 Guido Franc. Marefcallus, 606.
 Guido S. Pauli Comes, 610.
 Guido Trajectens. Episcop. 613.
 Guido Sueffion. Episcop. 652.
 Guido Silvanect. Episcopus,
 ibid.
 Guido de Castris Abbas S. Dio-
 nysij, 715.
 Guido Archiep. Senon. 446.
 448. 469.
 Guido Leponens. Rex Jerusa-
 lem, 454. 457. 460.
 Guido de Thoarcio, 479.
 Guido Comes S. Pauli, 502.
 Guido Comes Fland. 601.
 Guido Autissidorens. Episcopus,
 554.

G

- G**ALEATIUS Mediolanens.
 Capitaneus, 689. 721.
 Galo Cardinalis, 486. 502.
 Galterus Abbas Cisterciens. 670.
 Galterus Castellionis dominus,
 585.
 Galterus sive Gualterus de Ca-
 stellione Conestabularius, 625.
 Galterus de Creciaco Conesta-
 bularius Franc. 731.
 Galterus Carnot. Episc. 505.
 Galterus Senon. Archiep. 524.
 530.
 Galterus Brenens. Comes, 477.
 483.
 Garinus Silvanectensis Episc.
 497.
 Gaufridus Carnot. Episcopus,
 416. 423.
 Gaufridus de Ponte Cheuroni
 electus Archiep. Bitur. obit,
 563.
 Gaufridus Comes Andegav. 434.
 Gaufridus Comes Britan. 454.
 Gaufridus de Landa Archiep.

ET VERBORVM.

vij

- Guido de Monte-forti Comes 380. Guillelmus de Barris, *ibid.*
 de Bregna, 380. Guillelmus Autissiod. Episcop. 587.
 Guido Comes S. Pauli, 585. Guillelmus de Aureliaco Paris.
 Guido Comes Fland. 589. 595. Episcop. 614.
 & seq. 612. 615. 628. Guichardus ex Abbate Ponti-
 niae. Archiepisc. Lugdu. 442.
 Guido Comes Montis-feltri, 569.
 Guillelmus de Domna-petra, 546.
 Godefridus Lingonensis Episcopus, 335. 423.
 Guillelmus Rollandi Cenoman. Episcop. 547. Gossenus Sueff. Episcop. 423.
 Guillelmus de Nogareto, 610. Guido Nivern. Comes, 443.
 633. 639. & seq. Guido de Dampetra, 365.
 Guillelmus Paris. Episcop. 618. Guido de Vallegriosa, 469.
 Guillelmus Ambian. Episcop. *ibid.* Guido Rubeus de Rupe-forti, 406. & seq.
 Guillelmus Alaudis, dictus Magnus-ferratus, 858. Guido de Monte-forti, 509.
 Guillelmus de Dormans Cancellarius Norman. 907. Guillelmus de Nangis suum incepit Chronicon ubi desit Sigibertus, 405.
 Guillelmus de Hannonia, 612. Guillelmus Dux Norman. 409.
 746. 788. 792. 796. Guillelmus Nivern. Comes fit Carthusianus, 421.
 Guillelmus Comes Autissiodor. 615. Guillelmus Comes Forcalquerij, 365.
 Guillelmus de Jullieriis, 615. Guillelmus de S. Amore, 540.
 Guillelmus Archiepisc. Senon. 607. 545.
 Guillelmus de Tria Archiepisc. Remens. 729. Guillelmus Comes Pictavens. 420.
 Guillelmus de Melduno Archiepisc. Senon. 744. Guillelmus Dux Aquitaniae, 282.
 Guillelmus de S. Maura Regis Franc. Cancellarius, 750. 300.
 Guillelmus de Tancarville, 797. Guillelmus Autissiodor. Episcopus, 484. deinde Paris. 509.
 Guillelmus Marcelli Miles, 864. Guillelmus Petragoricenf. Episcopus, 317. & seq.
 Guillelmus de Rupe-forti, 907. Guillelmus Comes Nivern. 440.
 Guillelmus Abbas S. Dionysij & seq. 443.
 navem cibariis & pannis oneratam misit ad S. Ludovicum in transmarinis part. commorantem, 540. Guillelmus Fland. Comes, 415.
 Guillelmus de Melloro, 534. 442. 461. 464. Guillelmus Paris. Episc. 512.
 S. Guingualoei Ecclesia donatur

- Monachis Majorismonasterij, 296.
 Guillelmus Bituric. Archiepif. 475. 504.
 Guillelmus de Turre init matrimonium cum Sebellia, 339.
 item cum Guillelma, 360.
 Guillelmus Archiep. Senonens. post Remens. 421. 443. 446, & seq. 449. 452. 469. 478. 513. 517.
 Henricus de Gresseio Carnot. Episc. 530.
 Henricus Nivern. Comes, 505.
 Henricus Comes Barri, 595. 600. & seq. 604.
 Henricus Johannis filius Rex Angliæ, 503. 548.
 Henricus Rex Romanorum, 632. 638. 641. & seq. fit Imperator, 647.
 Herardus de Valerico, 545.
 Herchembaudus de Borbonio, 534.
 Hildebertus Cenom. Episc. dein Archiep. Turon. 414. 419.
 S. Hildegardis, 428.
 Hildefonfus Comes S. Ægidij, 431.
 Hugo Autissiod. Episcopus, 423. 436.
 Hugo Abbas S. Germani Autissiodor. nepos S. Hugonis Cluniac. 411.
 Hugo de Boves, 498.
 Hugo de Baucio, 542.
 Hugo Burgundiæ Dux, 335. 504.
 Hugo Candavenæ Comes pœnitentia ductus condit Monasterium Caricampi, 328. & seqq.
 Hugo de Folieto, 423.
 Hugo de Puifaco, 406.
 Hugo de Pompona dominus Creciaci, 406. & seqq.
 Hugo Turon. Archiep. 434.
 Hugo Comes Marchiæ, 517. 529. 612.
 Hugo Comes S. Pauli, 585.
 Hugo de Bovilla, 615.
 Hugo de Cuiffiaco Miles, 769.
 Huguelinus Burgundiæ Dux, 662.
 Hamonis Borbonius, 407.
 Hamensis Monasterij fundatio ab Ingelranno nobili viro, 304.
 Hæretici in Gallia combusti, 452.
 Henricus Abbas Cistercij, 614.
 Henricus Rex Angliæ, 455. 461. 461.
 Henricus Bituricens. Archiep. 475.
 Henricus Aper Senonens. Archiep. 421. 446. 546.
 Henricus Imperator, 409. 412, & seq. 502.
 Henricus 6. Imp. 469, & seq. 473.
 Henricus Comes Andegav. Rex Angliæ, 416. 444. & seq.
 Henricus Dux Norman. 435.
 Henricus Rex Hispaniæ, 914, & seq.
 Henricus frater Regis ex Monacho Episcopus Belvac. 422.
 Archiep. Remens. 442.
 Henricus Comes Trecent. 435. 449.
 Henricus Comes Campaniæ, 465. 468. 472.

Humbertus

ET VERBORVM. ix

Humbertus relicto Delphinatu Johannes de Vienna Episcop.
 Viennæ Regi Franc. Prædi- Ebroicenf. 741. 770.
 catorum Ordini se addixit, Johannes Rex Bohemiæ, 781.
 898 fit Patriarcha Alexand. Johannes de Sabaudia, 790.
 & Archiep. Remenf. 898. Johannes de Soilliaci Bituricenf.

I

IACOBUS S. Pauli Comes, Johannes de Aurelianis Franciæ
 604. 607. Cancellarius abdicato Episco-
 Indulgentiæ, quæ vulgò Jubi- patu Parif. ingreditur Ordinem
 leus dicuntur, & erant cen- prædicat. 567.
 tum annorum, ad quinquaginta
 ginta reduxit Clemens Papa Archiep. 561.
 VI. 813. Johannes Dux Brabantia, 580.
 Ingeburgis uxor Philippi Augu- Johannes Drocent. Comes, 610.
 sti R. Franc. 476. Johannes de Pontifara Abbas
 Ingerrannus de Marigniaci, Cistercij, 613.
 657. 660. & seqq. 713. & seq. Johannes de Parisius malè
 Joachim Abbas, 454. & seqq. tiens de vera existentia corporis
 465. 501. Christi in sacramento altaris
 Johanna Regina Franc. & Navar. damnatur, 617. & seq.
 Comitissa Briæ & Campaniæ, 617. 791.
 Johanna Britan. Ducissa, 902. Johannes de Marigniaci Episcopus
 Johanna Regina Navarra, 812. Belvac. 648.
 ejus genealogia, *ibid.* Johannes de Namursio, 662.
 Johanna de Burgundia Regina Johannes Comes Sueffion. 667.
 Franc. 813. Johannes de Hannonia, 716.
 Johannes Dux Brabantia, 788. & seq.
 793. Johannes Hautfune Abrincenf.
 Johannes Dux Calabria, 733. Episcopus, 750.
 Johannes de Gallendia Episcopus, Johannes Comes Domni-Martin, 572.
 Carnot. 598. Johannes de Gonduno, 719.
 Johannes Comes Hannonia, Johannes de Bregna Rex Jeru-
 584. 586. 609. salem, 487.
 Johannes de Britannia Comes S. Johannis Monasterio Laudu-
 Richemondia, &c. 699. ojectis Monialibus substituuntur
 Johannes Mauclare Dux Sabaudia, 790. Monachi, 415. primus
 Johannes de Cherchemont Cancellarius Regis Franc. 738. Abbas Drogo, deinde Cardinalis, *ibid.*
 & seq. S. Johannis Bap. caput trans-

- fertur in Franciam, 483. vernensi fundatur, 283.
 Johannes Imperator Græcorum, Ivo Carnor. Episcop. 437.
 408. 420. & seqq.
 Johannes Rex Jerusalem, 507. S. Ivo catalogo Sanctorum ad-
 & seq. 512. & seq. scriptus, 811.
 Johannes Dux Britannia, 763.
 Johannes de Temporibus, 422.
 Johannes Montis-fortis Comes, 534.
 Johannes vocatus *sine terra* Rex
 Angl. 474. 477. 479. 483. Landetum, nundina, vulgo *len-*
 486. 495. & seq. 497. 505. dit, apud S. Dionysium, 911.
 Johannes Comes Montis-fortis, Laudunensis civitatis leges, 322.
 791. Leprosi puteos & fontes veneno
 Johannes Dux Norman. 764. inficiunt, 691. & seqq.
 793. 800. 802. Rex Franc. Liuterius, v. *Lotharius*.
 814. & seqq. captus est ab Liziniacensis Ecclesie fundatio
 Anglis, 826. & seqq. 876. pro 12. Canonicis, 289.
 & seqq. 886. & seqq. 892. Loelinus Princeps Wallia, 566.
 & seqq. 570.
 Johannes de Artesio, 875. Lotharius sive Liuterius Saxo-
 Johannes de Meullent Episcopus niæ Dux, 413. Imperator,
 Paris. 883. 419. 420.
 Johannes de Joinvilla, 885. Lucionensis Episcopatus institu-
 Johannes de Pequigny, 832. tus, 665.
 Johannes de Craon Archiepisc. Ludovicus Dux Andegavi, 887.
 Remensis, 889. 903. & seqq.
 Johannes de Monte-forti, 902. Ludovicus Ebroicens. Comes;
 Dux Britannia, 903. 610. 657. 668. 682.
 Jordanus de Insula, 701. Ludovicus Nivern. & Rethel
 Jossius Turonens. Archiepisc. Comes, 662.
 439. 445. Ludovicus de Claromonte Co-
 Jostenus Episcop. Sueff. 436. mes, 714.
 Judæi ex Gallia expelluntur, 451. Ludovicus X. dictus Hutinus,
 622. revertuntur, 474. de iis v. Ludovicus Rex Navarra.
 constitutio à Rege Philippo Ludovicus Dux Bavaria Rex
 Aug. facta, 506. puteos & Alemannorum, 674. 685.
 fontes veneno inficiunt, 691. 709. 719. 771. & seqq. 805.
 & seqq. interfecti sunt in Ludovicus primogenitus Comi-
 multis regionibus, 809. tis Fland. 677. 806.
 Ivellus ex Turonensi Remens. Ludovicus Nivernens. fit Fland.
 Archiepiscopus, 530. Comes, 697.
 S. Juliani Capella in diocesi Ar- Ludovicus de Haricuria, 864.

L

L AMBERTUS Attrebat. Epif-
 copus, 407.
 Landetum, nundina, vulgo *len-*
dit, apud S. Dionysium, 911.
 Laudunensis civitatis leges, 322.
 Leprosi puteos & fontes veneno
 inficiunt, 691. & seqq.
 Liuterius, v. *Lotharius*.
 Liziniacensis Ecclesie fundatio
 pro 12. Canonicis, 289.
 Loelinus Princeps Wallia, 566.
 570.
 Lotharius sive Liuterius Saxo-
 niæ Dux, 413. Imperator,
 419. 420.
 Lucionensis Episcopatus institu-
 tus, 665.
 Ludovicus Dux Andegavi, 887.
 & seqq.
 Ludovicus Ebroicens. Comes;
 610. 657. 668. 682.
 Ludovicus Nivern. & Rethel
 Comes, 662.
 Ludovicus de Claromonte Co-
 mes, 714.
 Ludovicus X. dictus Hutinus,
 v. Ludovicus Rex Navarra.
 Ludovicus Dux Bavaria Rex
 Alemannorum, 674. 685.
 709. 719. 771. & seqq. 805.
 Ludovicus primogenitus Comi-
 tis Fland. 677. 806.
 Ludovicus Nivernens. fit Fland.
 Comes, 697.
 Ludovicus de Haricuria, 864.

- Ludovicus Tolozan. Episcopus, 598.
 Ludovicus Andegaviæ Comes, 533.
 Ludovicus Comes Stampensis, 911.
 Ludovicus Blesens. Comes, 478. 482.
 Ludovicus Philippi Pulcri primogenitus, 619.
 Ludovici VI. Regis Franc. Constitutio pro civitate Laudunensi, 322. consuetudines pro Communia Sueff. 340. plura vide de Ludovico, pag. 406. & seqq. 412. 417. 420.
 Ludovici VII. Regis Franc. judicium pro Godefrido Lingonensi Episcopo, 335. Consuetudines pro Communia Sueff. 340. de Ludovico, 420. 425. 426. 428. & seqq. 431. & seqq. 448.
 S. Ludovicus Rex Franc. ordinat jura & consuet. Attrebat, 362. Andegaviam & Cenomaniam dat fratri suo Ludovico, 372. Ricomagi sive Arvernæ consuetudines ab illo editæ, 373. de S. Ludovico plura, 517. & seqq. 520. & seqq. 524. & seqq. 531. & seq. 535. & seq. 548. & seq. 558. 559. 571. corpus transfertur apud S. Dionysium, 599. caput in sacra æde Paris. deponitur, 621. & costa in Ecclesia Cathed. Paris. *ibid.*
 Ludovici X. Regis Franc. manumissio servorum, 385. & seq.
 Ludovicus VIII. Rex Franc. 475.
 Ludovicus Regis Philippi Aug. filius, 503. 507. Rex, 513. 514. & seqq. 517.
 Ludovicus Navarræ Rex, 625. 649. dictus Hutinus Rex Franc. 659. 666.

M

S. MACHUTI Ecclesia Majorimonasterio conceditur à Roberto de Sabulio, 294. ejus uxor & frater, 295.
 S. Malachias Ep. Hiberniæ, 433.
 Malatolta sive exactio indebita, 658. 660. 662. 730. 879. 904.
 Malleacens. Episcopatus institutus, 665.
 Manasses Comes Gifnensis, 309.
 Manasses Episcopus Aurelian. 510.
 Manuel Imperator, 420. 425. 433.
 Manumissio servorum Regni Franc. à Ludovico X. facta, 385. & seq.
 Marcilius de Padua, 719.
 Margaretæ Porrette liber in quo errores & hæreses, 636.
 Margareta Regina Navarræ de adulterio vincitur, 653. 662.
 S. MARIE Monasterium in suburbio Pictavensi fundatur à Guillelmo Duce Aquitanæ, 300.
 Maria uxor Caroli 4. Regis Franc. 702.
 Mathildis uxor Henrici Imperatoris, 413. 416. 423. 424. 436. 442.

ē ij

- Matrimonium de præfenti veta-
tur, 205. variæ ordinationes
circa matrimonium, 217. Menfura unica vini & bladi or-
clandestina matrimonia pro-
hibentur, 255. & *seq.* dinatur in toto Regno Franc.
695.
- Matthæus Abbas S. Dionysij in
Francia, 556. 558. plura de
ipfo, 578.
- Matthæus de Monmorenciaco, 591.
- Matthæus Mediolanenf. Capi-
taneus, 689. 705. & *seq.*
- Michaël Archiepisc. Senonenf.
469. 475.
- Militiæ Ordo incipit, 410.
- Milo de Nucherico five de Nu-
cheriis vexillifer Auriflammæ,
732. 735. & *seq.*
- Milo de Noëriis, 631.
- Milo Morinenf. Episc. 422.
- Milo Belvac. Episcop. 523.
- Minores, v, Fratres.
- Miramolinus Rex Saracenorum
à Christianis devictus, 492.
- Missæ & divina officia in priva-
tis domibus Dominicis & fe-
stis diebus non debent cele-
brari, 270. nec ante Tertiam
in Prioratibus & Capellaniis,
271.
- Monachi, v, *Religiosi.*
- Monetarum adulteratores ex-
communicantur à Papa, 392.
monetæ in Gallia mutantur,
621. 865. quanta inde mala,
622. 652. 660. 666. 696.
701. 866. 881. in meliorem
statum reducantur, 756. 879.
- Mons Dei Monasterium Car-
thuf. fundatur, 422.
- Mauricius Paris. Episc. 446.
- Mauricius Paris. Episc. 471.
- S. Mellonis Pontifar. Canoni-
corum concordia cum Archiep.
Rotomag. 370.
- Mensura unica vini & bladi or-
dinatur in toto Regno Franc.
695.
- N
- NICOLAUS Papa III. se
electum scribit Philippo
Regi Franc. 381.
- Nicolaus V. Antipapa, 728. &
seqq. 733. 739. 741. & *seqq.*
tandem coram Papa summa
animi demissione se errasse fa-
tetur, 747.
- S. Norbertus, 410. 414. 415.
419.
- O
- O BEDIENTIÆ Oratores à
Rege missi ad Summum
Pontif. 394. & *seqq.*
- Odo Burgund. Dux, 465. 468.
486.
- Odo Clementis Abbas S. Dio-
nyfij, 522. Archiep. Rotho-
magenf. 530.
- Oratorij Abbacia fundatur, 411.
- Ordinarium librum quilibet Sa-
cerdos apud se hab. re tenetur,
202.
- Othelinus Comes Burgundiæ,
572. 608.
- Otho Rex Romanorum, 488.
491. & *seq.* 498. & *seq.*
- Otho Cardinalis, 527.
- Oudardus de Monte-acuto, 631.
- P
- PAPÆ se electos faciunt cer-
tiores Reges Franciæ, &
alios, 381. 388.

ET VERBORVM. xiiij

Parisiorum urbs extenditur ultra muros à Philippo Aug. 492.
 Parochus, *vide*, Sacerdos.
 Pastores in cuneum congregati per Galliam debacchantur, 687. & *seqq.*
 Peccatis unde homines sunt obnoxij, p. 1. non omne peccatum crimen est, p. 2. de crimine qualicumque Dei misericordia numquam desperandum est, *ib.* ut agatur pœnitentia Dei misericordia necessaria est, *ib.* & *seq.* quomodo peccator pœnitere debet, p. 3. & *seq.* 5. & *seq.* quotidianis & levibus peccatis satisfacit oratione, elemosynis &c. p. 6. quædam levia putantur peccata quæ graviora sunt, 8. canones pœnitentiales, 29. & *seqq.*
 Petronilla Abbat. Fontis-Ebraldi, 319.
 Petrus Aragoniæ Rex, 576.
 Petrus de Larilliac Cathalau. Episcopus, 661.
 Petrus de Brocia Regis Cambellanus communi patibulo suspensus, 567.
 Petrus Flotte, 607.
 Petrus Comestor, 445. 447. & *seq.*
 Petrus de Corbolio Senon. Archiep. 475.
 Petrus de Chaniaco Senonens. Archiep. 564.
 Petrus Allensonis Comes, 558. 563.
 Petrus ex Aurelianensi Autissiodor. Episcopus, 587.
 Petrus Abaelardus, 423. & *seq.* 430.
 Petrus Cluniac. Abbas ordinat Missas & preces pro Radulfo de Perrona benefactore, 332.
 Petrus de Courtenayo, 422.
 Petri Archiep. Rotomag. concordia cum Canonicis S. Mellonis, 370.
 Petrus Rex Aragonum, 482.
 Petrus Cantor, 473.
 Petrus Lombard. Episc. Paris. 437. 501.
 Petrus Mauclerc, 479.
 Petrus Imperator, 509.
 Petrus Noviom. Episc. 602.
 Petrus de Arbloi Cancellarius Franciæ, 670.
 Petrus de Morneyo Episcopus, Autissiodor. 621.
 Petrus de Bella-pertica Episcop. Autissiod. *ibid.* 625.
 Petrus de Gressibus Episc. Autissiod. *ibid.*
 Petrus Remigij Thesaurarius Regis suspenditur in patibulo quod ipse constitui fecerat, 726. & *seq.*
 Petrus Rogerij Abbas Fiscanensis, 739. ex Attrebat. Archiep. Senon. 744. & Archiep. Rotomag. 750.
 Petrus de Palude Patriarcha Hierosol. 741. 753. 755.
 Philippus Bononiæ Comes, 523.
 Philippus Dux Suaviæ, 473.
 Philippus Imperator, 486.
 Philippus Aurel. Episcop. 512.
 Bituric. Archiepisc. 522. 549.
 Petrus de Cortenayo Comes Autissiodor. 502. Imperator Græc. *ibid.* 503.
 Petrus Britannici Comes, 517. 519. 525.
 Philippus Dux Aurelian. 814.

ẽ iiij

- Comes Valesia, *ibid.* 435. 449. 465. 495.
 Philippus de Marigniaco Archiep. Senon. 670. Philippus Ludovici VI. filius
 Philippus VI. Comes Valesij Poissiacense Monasterium à Re-
 Rex Franc. 725. & seq. 727. ge Franc. Philippo conditum,
 730. & seq. 767. & seq. 614.
 787. & seq. 799. & seq. Poncius Comes Gabalitanens.
 Philippus Ebroicens. Rex Na- condit Ecclesiam Colidensium
 varra, 730. 743. Canonicorum, 592.
 Philippus Pulcher edicto vetuit de Prato Monasterium funda-
 ne aurum, argentum &c. ex- tur, 419.
 tra Regnum veherentur. 605. Præmonstratens. Ordo incipit,
 ejus rota progenies extincta, 410.
 725. *Vide infra.*
 Philippus Pictavens. Comes, Q
 657. 666. & seq. Rex Franc.
 & Navarra, 669. & seq. **Q**UADRAGESIMA. Ab esu
 695. & seq. 745. 757. & seq. carnum abstinere juben-
 814. tur Clerici per septem hebdo-
 Philippus dictus Audax Rex madas ante Pascha, 221.
 Franc. 559. & seq. 561. & S. Quintini Belvac. Canonici
 seq. 574. & seq. 576. Regg. 301.
 Philippus Majoricarum Rex,
 746. R
 Philippus Dux Burgund. 802.
 Philippus Pulcher Rex Franc. **R**ADULFUS Dux Lotharin-
 577. & seq. 595. & seq. 604. gia, 781.
 & seq. 618. & seq. 650. 658. Radulfus Aurelian. Episcopus,
 Philippus August. Rex Franc. 625.
 confirmat consuetud. Com- Radulfus Austriae Dux, 602.
 muniæ Sueff. 340. idem or- Radulfus de Nigella, 586. 596.
 dinat Consuetudines Tornac. 606.
 345. de eodem Rege 442. Radulfus Viromand. Comes,
 447. 451. 453. 455. 461. 415. 425. 435.
 465. & seq. 470. & seq. 472. Raimundus Comes Tripol. Rex
 474. 476. 479. & seq. 483. Jerusalem, 453.
 492. 496. 498. & seq. 513. Remundus sive Raimundus
 Philippus Trecent. Episc. insti- Princeps Antioch. 433.
 tuit Canonicos Regg. in Ec- Remundus Bernardi Comes Fu-
 clesia S. Georgij, 301. xens. 562. 686.
 Philippus Fland. & Viromand. Remundus Comes Tolofanus,
 Comes ordinat consuetudines 501. 514.
 Arienfium, 351. de Philippo, Reginaldus de Avella Comes

- Attrebat. 580. Robertus Droc. Comes, 422.
 Reginaldus Princeps Antiochiæ, 471.
 454. 457. Robertus Fland. Comes, 663.
 Reginaldus de Domno-martino Robertus Vicecomes Arvernensis, 291.
 Comes Boloniæ, 494. Robertus Comes Attrebatensis, 536. 558. 593.
 Reginaldus de Tria, 607. Roberto de Arbricellis donationes factæ, 314. & seq.
 Reginaldus Abbas S. Dionysij, 613. Robertus Græc. Imperat. 424.
 Reginaldus de Lor Miles, 734. Robertus de Claromonte Marefcal. Franc. 831.
 Reginaldus Colon. Archiepisc. 440. Rodulfus de Perrona, 332.
 Religiosi tempore pestis recipientibus Sacerdotibus sacramenta administrant, 808. Rogerus de Mortuo-mari, 749.
 Mendicantibus Religiosis multa imponunt Cardinales, Episcopi, & Parochi coram Papa, 815. agunt ut Ordo Mendicantium extingueretur, *ibid.* illos protegit Papa, & plura obijcit Prælati & Parochis, 816. in Mendicantes insurgit Armacanus Archiepisc. 834.
 Religiosi diversorum Ordinum an. 1132. florent in Gallia, 418.
 Reges & Regina Franc. possunt in Cappella Regia à quovis Archiep. vel Episcopo inungi, 567. & seqq. quam devoti erga Summum Pontificem, 619. 667.
 Richardus Rex Angliæ, 463. 465. & seqq. 468. 471. 474.
 Richardus de S. Viatore, 423.
 Ricomagenfes consuetudines, 373.
 Robertus de Artesio, 788.
 Robertus Bertrandus Marefcalus Franc. 722.
 Robertus Attrebatens. Comes, 556. 572. 587. 599. 606. 616.
 Robertus Dux Burgundiæ, 621. Robertus Græc. Imperat. 424.
 Robertus de Claromonte Marefcal. Franc. 831.
 Rodulfus de Perrona, 332.
 Rogerus de Mortuo-mari, 749.
 Rogerus Rex Sicilia, 432. & seq.
 Rogerus de Laurea, 602.
 Romanus Cardinal. 516.

S

SACERDOTI prohibetur filium siquem habet in Ecclesia ministrum habere, vel in domo retinere, 205. venatio Presbyteris, Diaconis, & Subdiaconis prohibetur, 210. Sacerdotes extranei quomodo sunt discutiendi antequam admittantur ad divina ministranda, 219. 235. 238. ligati aliqua censura, *ibid.* ab esu carniū per septem hebdomadas ante Pascha jubentur abstinere Sacerdotes & alij Clerici, 221. ad Synod. venientes quid agere debeant, 237. *Vide* Synod. ad residentiam tenetur Sacerdos sive Parochus, 242. qui non resident perjuri habentur, *ib.*
 de Sanctorum visione beatifica gravis disceptatio, 758.
 Satisfactio quomodo peragen-

- da, p. 4. & seq. Synodus plenaria ubi cum suis
Sarraceni vincunt Hispanos diœcesaneis fuerit Metropoli-
Christianos, 684. tanus, 10. Synodalia Statuta
Savaricus de Malo-leone, 514. Nicolai Gelant & Guillelmi
& seq. Majoris Episcoporum Ande-
Senonensem Ecclesiam à pravis gavenf. 201. & seq. Sacerdoti-
exactionibus Rex Ludovicus bus quaterniones seu libros in
eximit, 438. quibus continentur Synodi
Sepultura tradi corpus laici in diœcesis habere præcipitur,
Choro Ecclesiæ vetatur, 220. 206. 212. 237. 263. 271. 274.
Simon de Monte-forti, 496. ad Synodum Abbates & Ec-
502. 504. clesiæ Rectores ire tenen-
Simon filius ejus, 527. tur, 247. 250.
Simon Bitur. Archiep. 504. 522.
Simon de Bello-loco Archiepisc.
Bitur. 563.
Simon de Nigella, 558.
Simon Carnot. Episcop. 595.
Simon ex Noviom. Belvacensis Tanquerville Cambellanus, 607.
Episcopus, 602. 619. 648. Templarij capiuntur, 624. &
Simon Parisiensi. Episc. 614. seqq. de iis plura, 626. & seqq.
Stephanus Cantuar. Archiepisc. 629. & seq. 635. 618. 612.
496. 509. Theobaldus Belvac. Episc. 602.
Stephanus Comes Sacri-Cæsa- Theobaldus Comes Campaniæ
ris, 421. 441. 465. fit Rex Navarra, 523. 561.
Stephanus Comes Blef. 419. Theobaldus Comes Blefensi. 421.
Stephanus Carnot. Comes, 409. 465.
Stephanus Rex Angl. 436. Theobaldus Comes Trecent.
Stephanus Claromont. Episco- 476.
pus fundat Monasterium Can- Theobaldus Campaniæ Comes,
tioli pro duodecim Monachis, 406. 409. 419. 434. 472. 517.
285. ejus parentes, 286. 289. Theodericus de Alfatia, 415.
Ecclesiæ Liziniacensis funda- Comes Fland. 416.
tor fuit, 289. Testamenta quomodo exequi
Stephanus Decanus Paris. Car- debent Parochi & alij, 211.
dinalis, 883. 251. 267.
Stephanus Senon. Archiep. 586. Thomas de Marla dominus Co-
Stephanus Marcelli Præpositus ciaci, 407. 415.
Mercat. Paris. 830. & seq. S. Thomas Cancellarius Angl.
Suessionensis Communiæ con- dein Archiep. Cantuar. 439.
suetudines, 340. 441. 443. & seq. 509.
Sugerius fit Abbas S. Dionysij, Thomas Comes Pertici, 503.
411. dilaudatur, 411. 423. 436. Thomas de Lenclastre, 717.
S. Thomæ

T

TANCREDUS Rex Siciliae,
464. 469.

ET VERBORVM. xvij

S. Thomæ de Aquino enco- 598.
mum, 702. Tornacensis Communia consue-
à Tolosa separatur Appamea, tudines, 345.

V

VALLISLUCENTIS Monaste- vide Prefationem meam, p. 10.
rium fundatur, 416. Universitas Parisiensis, 614.
Veneta sive Venitta, villa olim Universitati Aurelianensi privi-
Regia, vulgò *Venette*, 861. legium Papa concedit, 643.



Addenda, pag. 920.

Ernit V. C. Ex codice Camerae computorum Paris. *notato C. fol. 169. verso.*

Anto. du

Fresne D.

du Cange.

* v. vulgò

Longus.

PHILIPPUS Magnus * Francorum Rex & Navarrae
obiit 2. Jan. 1321.

PHILIPPUS de Valesio ob. 22. Aug. 1350.

JOHANNES ejusdem Philippi filius coronatur Remis
26. Sept. 1350. & ob. in Anglia 8. Apr. 1364.


CAROLUS ejus filius regnavit 17. an. & ob. apud ne-
mus Vincennarum, videl. in hospicio vocato *Beau-
té*, 16. die Sept. an. D. 1380.

CAROLUS ejus filius VI. de hoc nomine, ob. Par. in
sua domo S. Pauli 22. die Octob. an. 1422. & regna-
vit 43. an.

CAROLUS VII. ejus filius obiit Magduni super Eu-
ram hora 1. post meridiem, 22. Julij 1461. & regna-
vit an. 39.

LUDOVICUS ejus filius obiit penult. Aug. 1483.

LUDOVICUS 12. Dux Aurel. Rex Franc. obiit Parisiis
die Lunæ circiter decimam horam post meridiem in
æde Turricularum an. 1514. 1. Janvar. regnavit an. 16.
m. 8. dies 23.



QVÆDAM CORRIGENDA.


P Ag. 200. lin. 5. *l*, *Υίός*

Pag. 337. lin. 4. volo, *l*, nolo.

In Chronico pluries, Sybilla, *l*, Sibylla.

In fine Prefationis nostræ, lin. 9. post verborum indigitare pone
qua in lin. 13. & in Elencho &c. ad finem usque.

Sunt & alia errata, non diffiteor, quæ Lector eruditus benigna
manu, ut spero, castigabit.





COLLECTIO ANTIQUA
CANONUM
POENITENTIALIVM.

INCIPIT DE UTILITATE
pœnitentiæ, & quomodo credendum sit de
remissione peccatorum per pœnitentiam,
cum præfatione Operis subsequētis.



ACCEPTO Baptismatis mu-
nere, quod contra peccatum
originale donatum est, unde in-
cipit hominis renovatio, in qua
solvitur omnis reatus & inge-
neratus & additus, * etiam ce-
tera vita jam ratione utentis
ætatis, quantalibet præpolleat
fœcunditate justitiæ, sine remis-
sione peccatorum non agitur, quoniam Filij Dei quam-
diu mortaliter vivunt, cum morte conflagunt, & sic
Spiritu Dei excitantur, & tamquam Filij Dei profi-
ciunt ad Deum, ut etiam spiritu suo adgravante corru-
ptibili corpore tamquam Filij hominis in quibusdam
humanis motibus deficiunt ad se ipsos, & ideo pec-
cant.

* Augustin.
Enchirid. ad
Laur. c. 64.

Tom. XI.

A

*Iohan. 1.
1. 8.*

*Psal. 37.
10.*

Interest quidem quantum; neque enim quia peccatum est omne crimen, ideo crimen etiam omne peccatum. Itaque sanctorum hominum vitam, quamdiu in hac morte vivitur, inveniri posse dicimus sine crimine; unde Apostolus eligendum dicit Episcopum, si quis sine crimine est. *Peccatum autem si dixerimus quia non habemus*, ait alius Apostolus, *nos ipsos seducimus, & veritas in nobis non est*. Sed neque de ipsis criminibus quamlibet magnis in sancta Ecclesia remittendis Dei misericordia desperanda est agentibus poenitentiam secundum modum cujuscunque peccati. In actione autem poenitentiae, ubi tale commissum est peccatum ut is qui commisit à Christi etiam corpore separetur, non tam consideranda est mensura temporis quam doloris. Cor enim contritum & humiliatum Deus non spernit. Verum quia plerumque dolor alterius cordis occultus est alteri, nec in aliorum notitiam per verba vel quaecumque alia signa procedit, cum sit coram illo cui dicitur: *Gemitus meus à te non est absconditus*: rectè constituuntur ab his qui Ecclesiis praesunt tempora poenitentiae, ut satisfiat etiam Ecclesiae, in qua remittuntur ipsa peccata. Extra eam quippe non remittuntur.

** Augustini
ibid. ut supra, c. 82.*

Ergo cum tanta est plaga peccati atque impetus morbi, ut medicamenta corporis & sanguinis Domini differenda sint auctoritate Antistitis, debet se quisque ab altario remove ad agendam poenitentiam, & eadem auctoritate reconciliari. Hoc est enim indigne accipere corpus & sanguinem Domini, si eo tempore accipiat, quo debet agere poenitentiam.* Nam & ipsa poenitentia quando causa digna est, ut secundum morem Ecclesiae agatur, plerumque infirmitate non agitur, quia & pudor est timor displicendi, dum plus delectat hominum existimatio quam justitia, qua se quisque humiliat poenitendo. Unde non solum cum agitur poenitentia, verum etiam ut agatur, Dei misericordia necessaria est; alioquin non diceret Apostolus de quibusdam: *Ne forte det illis Deus*

Canonum pœnitentialium.

3

pœnitentiam. Et ut Petrus amarè fletet, præmisit Evangelista, & ait: *Respexit eum Dominus.*

2. Timot.

2. 25.

Luca 22. 61.

Judicet ergo seipsum homo voluntate dum potest, & mores convertat in melius, ne cùm jam non poterit, etiam præter voluntatem à Domino judicetur, & cùm in se protulerit severissimæ medicinæ, sed tamen medicinæ sententiam, veniat ad Antistites per quos illi in Ecclesia claves ministrantur, & tamquam bonus jam incipiens esse filius, maternorum membrorum ordine custodito, à Præpositis Sacramentorum accipiat satisfactionis suæ modum, & in offerendo sacrificio contribulati cordis devotus & supplex: id tamen agat quod non solum ipsi profit ad recipiendam salutem, sed etiam ceteris ad exemplum, ut si peccatum ejus non solum in gravi ejus malo, sed etiam in tanto scandalo aliorum est, atque hoc expedire utilitati Ecclesiæ videtur Antistiti, in notitia multorum, vel etiam totius plebis, agere pœnitentiam non recuset, non resistat, non letali & mortiferæ plagæ per pudorem addat tumorem. Meminerit semper quia *Deus superbis resistit, humilibus autem dat gratiam.* Iac. 4. 6. Quid enim est infelicius, quid perversius quàm de ipso vulnere quod latere non potest non erubescere, & de ligatura plus erubescere?

Nemo arbitretur propterea se consilium salubre hujus pœnitentiæ debere contemnere, quia multos fortè advertit, & novit ad Sacramenta Altaris accedere, quorum talia crimina non ignorat. Multi enim corriguntur, ut Petrus, multi tolerantur ut Judas, multi nesciuntur donec veniat Dominus & illuminet abscondita tenebrarum & manifestet cogitationes cordis. Nam plerique propterea volunt alios accusare, quia se per illos cupiunt excusare. Plerique autem boni Christiani propterea tacent & sufferunt aliorum peccata quæ noverunt, quia documentis sæpe deferuntur, ut ea quæ ipsi sciunt judicibus Ecclesiasticis probare possint; quamvis enim vera sint quædam, non tamen judici faciliè credenda sunt, nisi certis in-

A ij

diciis demonstrentur. Nos verò à communione quemquam prohibere non possumus, quamvis hæc prohibitio nondum sit mortalis, sed medicinalis, nisi aut sponte confessum, aut aliquo sæculari sive Ecclesiastico judicio accusatum atque convictum. Quis enim sibi utrumque audet assumere, ut cuiquam ipse sit & accusator & iudex? Non enim temerè & quomodolibet, sed per iudicium ab Ecclesiæ communione separandi sunt mali, ut si per iudicium auferri non possunt, tolerantur potiùs velut palea cum tritico usque ad ultimum ventilabrum; velut pisces mali cum bonis usque ad segregationem quæ futura est in littore, hoc est, in finem sæculi.

Plerique autem attendunt multos etiam in ipsis honoribus Ecclesiasticis Præpositorum & Ministrorum non congruenter vivere sermonibus & Sacramentis, quæ per eos populis ministrantur. O miseros homines! qui hos intuendo Christum obliviscuntur, qui & tanto antè prædixit, ut legi Dei potiùs obtemperetur quàm imitandi videantur illi, qui ea quæ dicunt non faciunt, & traditorem suum tolerans usque in finem, etiam ad evangelizandum cum ceteris misit. Quisnam hominum erit, qui sibi manendum existimet in itinere, cùm viderit milliaria lapidea litteris plena viam docere & * non ambulare?

al. * & ambulare.

Fortasse alius dicat: Ego jam baptizatus in Christo, à quo mihi omnia peccata præterita dimissa sunt, vilis factus sum nimis iterans vias meas, & canis horribilis oculis Domini conversus ad vomitum suum: quo abibo à Spiritu ejus, & à facie ejus quo fugiam? Quo, frater, nisi ad ejus misericordiam pœnitendo, cujus potestatem peccando contempseras? Nemo enim rectè fugit ab illo nisi ad illum, ab ejus severitate ad ejus bonitatem. Quis enim locus te excipiet fugientem, ubi ejus præsentia te non inveniatur? Si ascenderis in cœlum, ibi est; si descenderis in infernum, adest. Recipe ergo pennas tuas in directum & habita in spe in extrema hujus sæculi. Etenim illuc manus sua de-

Canonum pœnitentialium. §

ducat te, & perducet te dextera sua. Quidquid enim feceris, quæcumque peccaveris, adhuc in hac vita es, unde te omnino si sanare nollit, auferret. Cur ergo ignoras quia *patientia Dei ad pœnitentiam te adducit*? Qui enim clamando non tibi persuasit ut non recederes, parcendo clamat ut redeas. Sed non sufficit mores in melius commutare, & à factis malis recedere; nisi etiam de his quæ facta sunt satisfiat Domino per pœnitentiæ dolorem, per humilitatis gemitum, per contriti cordis sacrificium, cooperantibus eleemosynis: *Beati misericordes, quoniam ipsis miserebitur Deus.* Luca 6. 36. Non enim dictum est ut tantum abstinemus à peccatis, sed & *de præteritis*, inquit, *deprecare Dominum ut* Eccli. 21. 1. *tibi dimittantur.*

Oportet igitur ad pœnitentiam accedere cum omni fiducia, & ex fide credere indubitanter pœnitentiâ aboleri posse peccata, etiam si ultimo vitæ spiritu admissorum pœniteat, & publica lamentatione peccata prodantur, quia propositum Dei, qui decrevit salvare quod perierat, stat immobile; & ideò quia voluntas ejus non mutatur, siue emendatione vitæ si tempus conceditur, siue supplici confessione si continuo vita exceditur, venia peccatorum fideliter præsumatur ab illo, qui *non vult mortem peccatoris, sed ut convertatur* à perditione pœnitendo, & salvatus miseratione Domini vivat. Sed fac incertum esse utrum ignoscat Deus, quid perdit homo cum supplicat Deo, qui salutem perdere non dubitavit cum offenderet Deum? Quis enim certus est etiam quòd Imperator ignoscat? Et tamen pecunia funditur, maria transeuntur, procellarum incerta subeuntur, & ut mors vitetur pene mors ipsa suscipitur. Supplicatur dein per homines homini. Sine dubitatione fiunt ista, cum sit dubium quo fine proveniant*: & tamen certiores sunt claves Ec- f. * primò
clesiæ quàm corda Regum, quibus clavibus quod- veniant.
cumque in terra solvitur, etiam in cælo solutum promittitur: & multo est honestior humilitas quàm se quisque humiliat Ecclesiæ Dei, & labor minor imponitur,

& nullo temporalis mortis periculo mors æterna vitatur.

Hæc dicta sunt de publica satisfactione, quâ quisque humiliando se non solum coram Deo, sed etiam coram Ecclesia, quæ habet claves regni cælorum, in qua fit remissio peccatorum ad arbitrium Antistitis, satisfacere debet. Sed & secreta satisfactione solvi mortalia crimina non negamus, sed mutato prius sæculari habitu, & indefesso Religionis studio per vitæ correctionem, & jugi immo perpetuo luctu miserante Deo, ita dumtaxat, ut contraria pro his quæ pœnitent agat.

De quotidianis autem levibusque peccatis, sine quibus hæc vita non ducitur, quotidiana fidelium oratio satisfacit. Eorum est enim dicere: *Pater noster qui es in cælis*, qui jam tali Patre regenerati sunt ex aqua & spiritu: delet omnino hæc oratio Dominica quotidiana peccata, delet & illa à quibus vita fidelium etiam sceleratè gesta, sed pœnitendo in melius mutata discedit. Si quemadmodum veraciter dicitur: *Dimitte nobis debita nostra*, quoniam non desunt quæ dimittantur; ita veraciter dicatur: *Sicut & nos dimittimus debitoribus nostris*, id est fiat quod dicitur, quia & ipsa eleemosyna est veniam homini petenti ignoscere, ac per hoc ad omnia quæ utili misericordia fiunt, valet quod Dominus ait: *Date eleemosynam, & ecce omnia munda sunt vobis*. Non solum ergo qui dat esurienti cibum, sitienti potum, nudo vestimentum, peregrinanti hospitium, fugienti latibulum, ægro vel incluso visitationem, captivo redemptionem, debili subvectionem, cæco deductionem, tristi consolationem, non sano medelam, erranti viam, deliberanti consilium, & quodcumque necessarium est indigenti; verum etiam qui dat veniam peccanti, eleemosynam dat, & qui emendat verbere in quem potestas datur, vel coercet aliquâ disciplinâ, & tamen peccatum ejus, quod ab illo læsus aut offensus est dimittit ex corde, vel orat ut ei dimittatur, non solum in eo quod

dimittit atque orat, verùm etiam in eo quod corripit, & aliqua emendatoriâ pœnâ plectit, eleemosynam dat, quia misericordiam præstat. Multa enim bona præstantur invitis, quando eorum consulitur utilitati non voluntati.

Multa itaque sunt genera eleemosynarum, quæ cùm facimus, adjuvamus, ut dimittantur nostra peccata. Sed ea nihil est majus, quæ ex corde dimittimus quod in nos quisque peccavit. Quisquis autem roganti & peccanti, sive pœniteni ex corde non dimittit, nullo modo æstimet à Domino sua peccata dimitti. Quæ sint autem levia quæ gravia peccata, non humano sed divino sunt pensanda iudicio. Videmus enim quædam ab ipsis quoque Apostolis ignoscendo fuisse concessa, quale illud est quod venerabilis Paulus conjugibus ait: *Nolite fraudare invicem, nisi ex consensu ad tempus, ut vacetis orationi, & iterum revertimini in idipsum, ne tentet vos Satanas propter incontinentiam vestram.* Quod putari posset non esse peccatum, misceri scilicet conjugii, non filiorum procreandorum causa, quod bonum est nuptiale, sed carnalis etiam voluptatis, ut fornicationis sive adulterij, sive cujusquam alterius immunditiæ mortiferum malum, quod turpe est etiam dicere; quò potest tentante Satana libido pertrahere incontinentem, devitet infirmitas. Posset ergo, ut dixi, hoc putari non esse peccatum, nisi addisset: *Hoc autem dico secundum veniam, non secundum imperium.* Quis autem jam neget esse peccatum, cùm dari veniam facientibus Apostolica auctoritas fateatur. Tale quiddam est, ubi dicit: *Iam quidem omninò delictum est, quia iudicia habetis vobiscum. Quare non magis iniquitatem patimini: quare non potiùs fraudamini?* Ut ad illud redeatur quod Dominus ait: *Si quis voluerit tunicam tuam tollere, & iudicio tecum contendere, dimitte illi & pallium.* Et alio loco: *Qui aufert quæ tua sunt, ne repetas.* Prohibuit itaque suos Apostolos de sæcularibus rebus cum aliis habere iudicium, quod dicit esse delictum, & tamen cùm finit in Ecclesia talia

1. Cor. 7. 5.

Ibid.

1. Cor. 7. 5.

Matt. 5. 40.

Luc. 6. 30.

judicia finire inter fratres fratribus judicantibus, extra Ecclesiam verò terribiliter verat, manifestum est etiam hîc, quòd secundum veniam concedatur infirmis.

S. Augu-
stin. ubi su-
pra c. 79.

Sunt autem quædam quæ levissima putarentur, nisi in Scripturis demonstrarentur opinione graviora. Quis enim dicentem fratri suo fatue, reum gehennæ putaret, nisi Veritas diceret? Aut quis æstimaret quàm magnum peccatum sit dies observare & menses & annos & tempora, sicut observant qui certis diebus, sive mensibus, sive annis volunt vel nolunt aliquid inchoare, eo quòd secundum vanas doctrinas hominum fausta vel infausta æstiment tempora, nisi magnitudinem ex timore Apostoli pensarem, qui talibus ait: Galat. 4. 11. *Timeo vos ne fortè sine causa laboraverim in vobis?* Quàm multa sunt alia peccata, sive in loquendo de rebus & negotiis alienis, quæ non ad te pertinent, sive in vanis Eccli. 21. 23. cachinnationibus, cùm scriptum sit: *Stultus in risu exultat vocem suam; sapiens autem vix tacitè ridebit:* sive in ipsis escis, quæ ad necessitatem sustendendæ hujus vitæ præparantur, avidior atque immoderatio appetitus; sive in emendis & vendendis rebus caritatis & vilitatis vota perversa. Propter hæc atque hujuscemodi peccata, & alia licet minora his quæ fiunt, verborum & cogitationum offensionibus, Apostolo Jacobo Jacobi 3. 2. confitente ac dicente: *In multis enim offendimus omnes; oportet quotidie crebròque oremus ad Dominum atque dicamus: Dimitte nobis debita nostra; nec in eo quod sequitur mentiamur: Sicut & nos dimittimus debitoribus nostris.* Pro quibus etiam sacrificia elemosynarum & jejuniorum quisque pro suis viribus offerre non cesset. Ceterum pro illis peccatis quæ legis decalogus continet, & de quibus Apostolus ait: *Quoniam qui talia agunt, regnum Dei non possidebunt;* illa actio pœnitentiæ subeunda est, in qua majorem in se quisque severitatem debeat * exercere, ut à se ipso judicatus non judicetur à Domino. Quæ actio pœnitentiæ tunc erit perfecta & Deo acceptabilis, si ascenderit homo ad-

versum

Canonum pœnitentialium.

9

versum se tribunal mentis suæ, & constituerit se ante faciem suam, ne hoc ei postea fiat sicut comminatur Deus peccatori. Atque ita constituto in corde iudicio adsit accusatrix cogitatio, testis conscientia, carnifex timor, deinde sanguis animæ confitentis per lacrymas profluat. Postremò ab ipsa mente talis sententia proferatur, ut se indignum homo iudicet participatione corporis & sanguinis Domini. Versetur ante oculos imago futuri iudicii, ut cum alij accedunt ad altare Dei, quo ipse non accedit, cogitet quàm sit contremiscenda illa pœna, qua percipientibus alijs vitam æternam, alij in mortem præcipitantur æternam.

Mensuram autem temporis in agenda pœnitentia, idcirco non satis attentè præfigunt Canones pro uno quoque crimine, sed magis in arbitrio Antistitis relinquendum statuunt, quia apud Deum non tam valet mensura temporis quàm doloris, nec abstinencia tantum ciborum, sed mortificatio potius vitiorum. Propter quod tempora pœnitentiæ fide & conversatione pœnitentum abbrevianda præcipiunt, & negligentia protelanda. Extant tamen pro quibusdam culpis modi pœnitentiæ impositi, juxta quos ceteræ perpendendæ sunt culpæ, cum sit facilè per eosdem modos vindictam & censuram Canonum æstimare.

Librum autem quem de corpore Canonum excerptimus, cuique hoc opus quasi præfationem præponimus, in tribus libellis dividi placuit, quò faciliùs lector quod quærît inveniat. Et primus quidem libellus continet ea quæ sunt de pœnitentia & pœnitentibus, criminibus atque iudicijs. Secundus maximè de accusatis & accusatoribus, iudicibus ac testibus, cum ceteris ad hæc pertinentibus Ecclesiasticis regulis. Tertius de sacris ordinibus vel qui promovendi sunt ad Clerum, quive removendi à Clero, & de regulis ac privilegijs omnium Clericorum & Præsulum. In quibus si quisquam aliquid invenit de talibus Concilijs, quæ aut despicienda, aut non recipienda iudicat, ignoscat paupertati sensus nostri. Nos tamen dignum putamus plurimo-

Divisio totius Operis.

Tome XI.

B

rum sententiam singulorum suspicionibus præferendam, & in quibuscumque rebus generalium Conciliorum auctoritatem non habemus, magis earum Synodorum quæ per singulas provincias factæ sunt quàm proprium nostrum sequendum sensum. Denique ipsa sacra & generalia Canonum decreta præcipiunt, ut bis in anno per singulas provincias Episcoporum celebretur Concilium, & plenariam Synodum dicunt esse ubi cum suis diocæsaneis Metropolitanus fuerit Episcopus. Cùm ergo ita specialia Concilia ex generalium auctoritate fiant, constat nullum posse de eorum aliquid improbare statutis, nisi eum qui apertis indicijs potuerit convincere eos aliqua contra fidem aut mores bonos constituisse.

Explicit præfatio.

INCIPIUNT CAPITULA Libri primi.

- I. **Q**uod nulli sit ultima pœnitentia deneganda.
- II. **Q**uod his qui necessitate mortis urgente pœnitentiam simul & Viaticum petunt: & de his qui obmutescunt antequam ad eos Sacerdos daturus pœnitentiam accedat.
- III. Quod oporteat eum qui pro illicitis veniam poscit, etiam à multis licitis abstinere.
- IV. Quod pœnitenti nulla lucra negotiationis exercere conveniat.
- V. Quod ad militiam sæcularem post pœnitentiam redire non liceat.
- VI. Quod adolescens si urgente quocumque periculo pœnitentiam gessit, & non se continet, uxoris potest remedio sustineri, quousque possit adipisci continentie statum per temporis maturitatem. Ceteri tamen pœnitentes à conjugijs debent contineri.
- VII. De his qui post pœnitentiam habitum sæcularem præsumunt.

- VIII. *Quòd quibusdam pœnitentibus pristina reddantur conjugia propter juvenilem ætatem, quibusdam verò interdican- tur conjugia; & quòd hæc à viris vel à femi- nis uniformiter observari debeant.*
- IX. *De his qui pœnitentiam minimè servaverint.*
- X. *Qualiter majores pœnitentiam accipiant, quæ mi- noribus facillè non committenda est.*
- XI. *Vt pœnitentiæ tempora juxta qualitatem peccati dis- cernantur.*
- XII. *Item in eodem ex Concilio Affricano. cap. LXXIV.*
- XIII. *Ex Concilio Arelatense secundo.*
- XIV. *De remedio pœnitentiæ; & quòd absolutio pœniten- tum per manuum impositionem Episcoporum supplica- tionibus fiat, propter quòd necesse est ut reatus peccato- rum ante ultimum diem Sacerdotali supplicatione solva- tur, etiam si periculo mortis urgente statim post acceptio- nem pœnitentiæ & reconciliatio subsequatur.*
- XV. *De his qui pro diversis erratis pœnitentiam ferven- ter exegerunt.*
- XVI. *Ex Concilio Cartaginis.*
- XVII. *Item ex eodem Concilio cap. LXXXVIII.*
- XVIII. *De his qui communionem tempore mortis expos- cunt, ut si desperatus & consecutus communionem iterum convaluerit.*
- XIX. *De pœnitentibus, ut à Presbyteris non reconcilien- tur nisi præcipiente Episcopo.*
- XX. *Item ex Concilio Cartaginis de eadem re.*
- XXI. *De tempore remissionis pœnitentum.*
- XXII. *Vt pœnitentes ab aliis Episcopis vel Presbyteris non recipiantur, nec alibi communicentur, nisi in ipsis locis ubi fuerint exclusi.*
- XXIII. *De pœnitentibus subito mortuis, ut oblationes eo- rum non recipiantur.*
- XXIV. *De pœnitentibus transgressoribus. Ex Concilio Toletano, cap. VII.*
- XXV. *Vt Presbyteri & Diaconi in graviore convicti, manus impositionem tamquam Laici in aqua susci- piant.*

XXVI. Ex Concilio Arelatense, cap. XXVI.

XXVII. Quòd Presbyteri aut Diaconi si in aliquo crimine prolapsi fuerint, non possint per manus impositionem pœnitentiæ remedium consequi.

XXVIII. De his qui in diversis causis gentilitatis ritus aliquid peregerunt.

XXIX. De Lapsis. Ex Concilio Niceno, cap. XI.

XXX. De his qui abrenunciaverunt, & iterum ad sæculum sunt reversi.

XXXI. De Catholicis in hæresim transeuntibus si revertantur.

XXXII. Item ex Concilio Agatense de eadem re.

XXXIII. Quòd hi qui ad iterationis baptismum vel vi, vel timore coacti animos inclinaverint, pœnitentiæ sint sublevandi remedio, ita ut senibus ætatis periculorum quoque ægritudinum, ceterarumque necessitatum habeatur sollicita consideratione respectus.

XXXIV. Quòd Arrianorum Clerici non sint suscipiendi in suis officijs, quamvis eorum baptismum, quod Catholicum constat, infirmet Ecclesia.

XXXV. Item de eadem re. Ex epistola ad Rufum & ad Eusebium Episcopos, cap. LIV.

XXXVI. De Episcopis qui hæreticos vel paganos heredes instituunt.

XXXVII. Non debere in hæresi permanentes.

XXXVIII. De hæreticis si in mortis discrimine convertantur.

XXXIX. De his qui compulsi sunt terrore ut hæreticis communicarent, si se ab hæreticis separare voluerint, ut ab Ecclesia Catholica suscipiantur.

XL. Quòd omnis cujuslibet ordinis Clericus, qui Catholicam deferens hæreticæ se communioni miscuerit, si ad Ecclesiam reversus fuerit, in eo gradu quo erat sine promotione permaneat.

XLI. De his qui cum hæreticis nuptiarum copulam jungunt.

XLII. Ab hæreticis eulogias accipere non debere.

XLIII. De Episcopis, vel sequentibus ordinibus, qui sa-

et sancta mysteria contrectant, placuit ab uxoribus abstinere.

XLIV. De his qui ad honorem Presbyterii sine examinatione proventi sunt.

XLV. De Presbyteris qui uxores acceperunt, vel fornicati sunt.

XLVI. De Diaconibus.

XLVII. De Diaconibus, si ante honorem peccare probantur.

XLVIII. De Monachis & Virginibus propositum non servantibus.

XLIX. De subintroductis mulieribus.

L. De Clericis & Monachis non manentibus in suo proposito.

LI. De Clericis qui sunt in ptochis, Monasterijs atque Martyrijs, qui sub potestate Episcoporum unius cujusque civitatis existunt.

LII. De Virginibus vel Monachis.

LIII. De his qui fornicantur irrationabiliter, id est, qui miscantur pecoribus; vel si qui cum propinquis junguntur, aut cum masculis polluuntur.

LIV. De his qui in pecudes, vel in masculos, vel olim polluti sunt, aut hactenus hoc vitio tabescunt.

LV. De his qui adulteras habent uxores, vel si qui adulteri comprobantur.

LVI. De his qui pariter suos ex fornicatione diversis modis interimunt.

LVII. De his qui Virginum corruptionibus conscij sunt.

LVIII. Ut natalitia vel nuptie in Quadragesima non fiant.

LIX. Ut in Christianorum non saltetur nuptijs.

LX. De parentibus qui fidem sponsaliorum frangunt.

LXI. Qualiter sponsus & sponsa benedicantur, & de castimonia eorum tempore nuptiarum.

LXII. Quodd aliud sit uxor, aliud concubina; nec erret quisquis filiam suam in matrimonium concubinam habenti tradiderit.

LXIII. Quodd non sit conjugij duplicatio, quando ancilla

relictâ uxor assumitur.

- LXIV. Quod debeant femine, quæ captis viris nups-
erant, aliis regressis de captivitate viris prioribus copu-
lari, ut quod suum est unusquisque recipiat.
- LXV. Quod non probetur esse culpabilis, qui uxorem
capti in matrimonium videtur esse sortitus.
- LXVI. *et. * volue-
rint.* Vt si viri de captivitate reversi intemperantia
uxorum offensi non fuerint & noluerint* eas in conjugium
recipere, liberam habeant facultatem.
- LXVII. Vt si mulieres ad priores maritos redire nolue-
rint, velut impiæ Ecclesiastica communione privandæ
sint.
- LXVIII. Quod non liceat alterius sponsam ad matrimonij
jura sortiri.
- LXIX. De Raptoribus.
- LXX. De his qui rapiunt puellas.
- LXXI. De desponsatis puellis & ab alijs raptis.
- LXXII. De raptoribus si ad Ecclesiam confugerint.
- LXXIII. Quod hi qui intercedente repudio divortium per-
tulerunt, si se alijs junxerint nuptijs, adulteri sint.
- LXXIV. De his qui uxores, aut quæ viros dimittunt, ut
sic maneant.
- LXXV. De feminis quæ relictis viris suis alijs nubunt.
- LXXVI. De feminis quæ adulteros relinquunt, & alijs
nubunt.
- LXXVII. De secularibus, ut sine judicio Episcopi cul-
pabiles conjuges non relinquunt.
- LXXVIII. De multinubis.
- LXXIX. De Virginibus secularibus si mæchaverint.
- LXXX. De bigamis.
- LXXXI. De eo qui uxorem habet, si concubinam habue-
rit, ut non communicet.
- LXXXII. De eo qui uxorem habens si sæpius mæchatur.
- LXXXIII. De viris conjugatis postea in adulterio lapsis.
- LXXXIV. Qui viri cum adulteris uxoris non conve-
niant.
- LXXXV. De mulieribus quæ lenocinium fecerint.
- LXXXVI. De feminis quæ conscijs maritis adulterant.

LXXXVII. De fidelibus inconjugatis si cum Iudea vel gentili machaverint.

LXXXVIII. Ex Concilio Bracarense, vel * Lucensis, cap. LXXV*. * alibi deest vel Lucensis. * aliàs LXIV.

LXXXIX. De his quæ duobus fratribus nupserint, vel qui duas sorores uxores acceperint.

X C. De incestis ut quamdiu in scelere sunt inter Cathemenos habeantur*.

* aliàs. IV.

XCI. De his qui proximis suis se copulant, ut à communione Christi separentur.

XCII. De incestis conjugijs.

XCIII. Gregorius sanctissimus ac Beatissimus Papa, dixit, cap. XXIII.

XCIV. De his qui divinationes expetunt.

XCV. De devinis & sortilegis.

XCVI. De eo quod non liceat Christianis observationes diversas attendere.

XCVII. Ex Concilio quo supra.

XCVIII. Ex Concilio quo supra.

XCIX. Ex Concilio Cartaginense.

C. De his qui partus suos ex fornicatione diversis modis interimunt.

CI. De homicidijs.

CII. De his qui non sponte homicidium commiserant.

CIII. Si Domina per zelum ancillam occiderit.

CIV. Si quicumque per malefium hominem interfecerit.

CV. Ex Concilio Bracarense, cap. VI.

CVI. Ex Concilio Agatense, cap. XXXV.

CVII. Ex Concilio pro supra.

CVIII. De servis qui ad Ecclesiam confugerint, ut post juramentum exire nolentes occupare.

CIX. Dissidentes Episcopos, si non timor Dei, Synodus reconciliet.

C X. De his qui per odium ad pacem non revertuntur.

CXI. De his qui Sacramento se obligant, ne ad pacem redeant.

CXII. Ut oblationes fratrum discordantium non recipiantur.

- CXIII. *Caput tondere mulieri non licet.*
 CXIV. *Ne femine in cœmeterijs pervigilent.*
 CXV. *De uliione nequiter judicantium.*
 CXVI. *Vt nullus civium festivitates majores in villa celebret.*
 CXVII. *De his qui ad Ecclesiam tardiùs accedunt.*
 CXVIII. *De Laicis quibus temporibus communicare debeant.*
 CXIX. *De Laicis qui in solemnitatibus ad civitatem non occurrunt.*
 CXX. *De his qui intrant in Ecclesiam, & propter nimiam luxuriam suam à Sacramento se abstincent.*
 CXXI. *De non permittendum imperare Religiosis.*
 CXXII. *Quod usuram non solum Clerici exigere non debeant, sed nec Laici Christiani.*

INCIPIUNT CAPITULA
 Libri secundi.

- I. **D**E conjuratione vel conspiratione.
 II. De delatoribus.
 III. De accusatis & accusatoribus.
 IV. Quod excommunicati ad accusationem admitti non debeant.
 V. Quod servi & liberti, omnesque infames personæ non debeant accusare.
 VI. Vt qui unum crimen non probaverit, ad alterum admitti non debeat.
 VII. Qui ad testimonium admittendi sunt.
 VIII. De Episcopo qui excommunicat eum, qui sibi soli crimen dicit esse confessum.
 IX. Vt non temerè quemquam communione privet Episcopus.
 X. De his qui in accusationem majoris natu veniunt; & ut Episcopum nulli criminoso liceat accusare.
 XI. De his qui meritò facinorum suorum ab Ecclesiæ congregatione pelluntur.
 XII. De Presbyteris qui à proprijs corripiuntur Episcopis.
 XIII.

- XIII. Si *Episcopus absque tempore Synodi in crimine detentus fuerit à duodecim Episcopis audiatur.*
- XIV. De *diversis ordinibus Ecclesie servientibus, ut si quis in causam criminis incurrerit, & abnuerit iudicium Ecclesiasticum, debeat periclitari: & ut filij Sacerdotum spectacula secularia non adeant.*
- XV. *Ut si quis Episcopus accusatur, ad Primatem ipsius provincie causa deferatur.*
- XVI. De *Presbyteris vel Clericis accusatis.*
- XVII. De *accusato, vel accusatore.*
- XVIII. Qui *causam suam ad transmarina putaverit appellandam, in communione minime suscipiatur.*
- XIX. *Ut accusatores de levibus causis non audiantur; de criminalibus verò discutiantur, in quo Episcopus accusatoris vice se discutiendum sciat.*
- XX. De *accusatoribus fratrum.*
- XXI. Clerici *accusatores fratrum ad communionem recipiantur non ad Clerum.*
- XXII. *Ne sine accusatore legitimo quispiam condemnatur.*
- XXIII. *Ejus, qui frequenter litigat, & ad accusandum facilis est, testimonium nemo absque gravi examine recipiat.*
- XXIV. De *Episcoporum aut Clericorum accusatoribus.*
- XXV. De *falsis testibus.*
- XXVI. *Ut nullus Episcopus, vel infra positus, die Dominico causas audire presumat.*
- XXVII. *Ut nullus Episcopus pro judiciis munera accipiat.*
- XXVIII. *Ut Episcopus nullius causam audiat absque presentia Clericorum suorum.*
- XXIX. De *discretionem causarum, in quibus Sacerdotes iudices fieri possunt.*
- XXX. De *contemptu iudicij.*
- XXXI. *Ut inter discordes Episcopos comprovinciales Antistites audiant; quod si damnatus appellaverit Romanum Pontificem, id observandum quod ipse censuerit.*
- XXXII. *Ut nullus accusati sedem usurpet Episcopi.*
- XXXIII. De *Clericis à communione submotis ab alijs non recipiendis Episcopis.*

- XXXIV. De excommunicatis apud vicinos Episcopos audiendis.
- XXXV. Quòd non oporteat Clericos habentes adversus invicem negotia proprium Episcopum relinquere, & ad secularia judicia convolare.
- XXXVI. Si quis excommunicatus ante audientiam communicare præsumpserit, ipse in se damnationem protulit.
- XXXVII. Vt Clerici de judicij sui cognitione non cogantur in publico dicere testimonium.
- XXXVIII. De Clericis damnatis.
- XXXIX. De Clericis qui intra annum causam suam agere non procurarint.
- XL. Quòd electorum judicum sententia sperni non debeat.
- XLI. De Presbyteris & Clericis, ut non appellent nisi in Africano Concilio.
- XLII. Vt Clericus sine Pontificis sui misso nullum ad secularare judicium præsumat trahere.
- XLIII. De damnatis & ministrare tentantibus.
- XLIV. De Clericis excommunicatis & laicis.
- XLV. De Episcopis & Clericis adeuntibus Imperatorem.
- XLVI. De damnatis Episcopis aut Clericis, & adeuntibus Imperatorem.
- XLVII. De Episcopis ab ejusdem provinciæ Sacerdotibus consonanter exclusis.
- XLVIII. De Synodis quæ ab Episcopis suis debent temporibus in provincia celebrari.
- XLIX. De Episcopis qui ad Concilia non occurrunt.
- L. Vt de alieno Monasterio susceptos nec Præpositos monasterij, nec Clericos liceat ordinare.
- LI. De ordine quo depositi iterum ordinentur.
- LII. Vt Episcopus diæcesanos Presbyteros, & quosdam ex laicis conveniat litteris.
- LIII. Vt ad Metropolitanæ arbitrium Synodus congregetur.
- LIV. De defensoribus Ecclesiarum ab Imperatore poscendis.

- L V. De his qui Ecclesiastica ministeria præter Ecclesiam faciunt.
- LVI. De fructuum oblationibus quæ ministris Ecclesiæ conferuntur.
- LVII. De his quæ in usus pauperum conferuntur.
- LVIII. De his qui agapas, id est pastiones pauperum sui deputant.
- LIX. Vt qui oblationes defunctorum retinent excommunicentur.
- LX. De his qui suas, vel propinquorum oblationes Ecclesiæ fraudant.
- LXI. Si quis pœnitentium quemlibet expoliaverit, & admonente Episcopo non reddiderit excommunicetur.
- LXII. Si Episcopus à Metropolitano admonetur pro Synodo, vel ordinatione Episcopali venire distulerit.
- LXIII. Vt Episcopus qui contra professionem in Concilio habitam venerit, deponatur.
- LXIV. De communione privatis & ita defunctis.
- LXV. De terminis minimè transferendis.
- LXVI. De Episcopis qui quod ropetere potuerant prætermisso Synodo invaserint.
- LXVII. Vt basilica in cujus territorio sunt in ejus Episcopi maneant potestate.
- LXVIII. De parrochijs.
- LXIX. Quòd Ecclesiarum omnium doctes ad Episcopi ordinationem debeant pertinere.
- LXX. De tricennali præscriptione, ut post xxx. annos nulli liceat pro eo appellare quod legum tempus exclusit.
- LXXI. Vt Episcopus ambulet per diocesim suam.
- LXXII. Vt Episcopus duos solidos tantùm accipiat, neque tertiam partem de oblationibus quærat: & ut Clerici non cogantur more servili.
- LXXIII. De exactione Ecclesiarum.
- LXXIV. De dispensatoribus singularum Ecclesiarum.
- LXXV. Vt ab Imperatoribus postuletur advocatorum defensio pro causis Ecclesiæ.
- LXXVI. De his quæ à fidelibus in parrochianis Ecclesiis offeruntur.

LXXVII. De sacris locis noviter institutis, quamvis superius dictum sit, hoc nunc tamen adjicitur, ut nulla basilica sub defunctorum nomine constructa dedicetur.

LXXVIII. Quod in una quaque Ecclesia cui Episcopus præest quatuor tam de redditibus, quam de oblatione fidelium fieri debeant portiones.

al. * Recen-
tiori manu.
Contracum
qui illicitè
ordinat
Clericos: &
de redditibus
Eccle-
siae.

LXXIX. * Ut Episcopus qui præter quartam portionem aliquid præsumpserit sibi vindicare, reddere compellatur.

LXXX. Ut nulli Apostolica sedis Præsuli possessionem Ecclesie magnam vel parvam in perpetuum liceat alienare.

LXXXI. Ut non liceat Presbyteris titulorum suorum prædia, seu quidquid juris eorum fuerit quod libet alienare commutuo.

LXXXII. Ut qui petierit prædium Ecclesie & acceperit, aut si quis Presbyterorum & Diaconorum vel defensorum danti subscripserit, anathemate feriat.

LXXXIII. Ut si quis anathematis penam parvi duxerit; etiam documento quo se putat prædium possidere frustratur, liceatque cuilibet Ecclesiastica persone vocem contradictionis adferre, & cum fructibus præteriti temporis eadem prædia alienata reposcere.

LXXXIV. Si quis Clericorum pauper in ordine promotus postea habuerit aliquid, Ecclesie potestati subiciat.

LXXXV. Ut Presbyteri rem Ecclesie in qua sunt constituti non vendant; & nulli Episcopo liceat rem tituli matricis Ecclesie usurpare.

LXXXVI. Ut res Ecclesie nemo distrahat.

LXXXVII. De rebus ad Ecclesiam pertinentibus; & de his quæ propria Episcopi esse noscuntur.

LXXXVIII. Ut Episcopus dispensandi res Ecclesiasticas habeat potestatem.

LXXXIX. Ut de rebus Ecclesie nihil Episcopi auferant; & qualiter proximi fundatores Ecclesiarum sollicitudinem gerant.

* In hoc lib.
2. subsequen-
tibus.

XC. * Ut Episcopus exiguum aliquod sine Clericorum cohibentia distrahat.

capitula Libri secundi. 21

- XCI. *Vt servos Ecclesie fugitivos liceat vendere Episcopo.*
- XCII. *De Episcopis qui per testamentum de rebus Ecclesie aliquid contulerint.*
- XCIII. *De venditionibus quas Abbates facere presumunt.*
- XCIV. *De libertis ex familia Ecclesie factis.*
- XCV. *De discretionem manumissorum ex familia Ecclesie, qualiter manumittantur; & ne adversa testificent vel accusent.*
- XCVI. *De libertis patrocinio Ecclesie commendatis.*
- XCVII. *Vt laici contemptores Canonum excommunicentur, Clerici honore priventur.*
- XCVIII. *Vt si quis Sacerdotum contra interdicta fecerit à suo sit officio submovendus.*
- XCIX. *De flectendo genua.*
C. *Vt populus ante completam Missam & benedictionem acceptam egredi non presumat.*
- CI. *Quòd debeat manere firmum si servi fisci Ecclesias fecerint, easque de peculio suo ditaverint.*
- CII. *Vt vallematia & turpia cantica prohibeantur.*
- CIII. *De his qui Ecclesiastica jejunia absque necessitate dissolunt.*
- CIV. *Non debere in diebus jejuniorum commemorationes Martyrum fieri.*
- CV. *Oblationes in domibus offerri non oportere.*
- CVI. *Vt Sacramentum Cathecumenis non prabeatur.*
- CVII. *Quòd* Pascha & Pentecosten sit baptizandum.*
- CVIII. *Quòd omni tempore hi qui in necessitate mortis, aut ægitudinis, vel obsidionis, sive persecutionis, aut naufragij urgentur debeant baptizari.*
- CIX. *De Cathecammina pregnante.*
- CX. *De infantibus baptizandis quoties dubitatur utrum fuerint baptizati.*
- CXI. *De baptizatis qui nondum confirmati moriuntur.*
- CXII. *De his qui rebaptizati sunt quantum pœniteant.*
- CXIII. *Quòd non debeant baptizati nisi ab Episcopis consignati.*

De discre-
tione &c.
infra; o-
missis quin-
que cap?

supple, * ad

CXIV. De energumenis baptizatis.

CXV. De epistola sancti Iacobi Apostoli, in qua pro infirmis orare præcipitur.

CXVI. Ut nulla pretia de baptizandis consignandisque fidelibus exigantur.

CXVII. De energumenis.

INCIPIUNT CAPITULA in Libro tertio.

- I. **P**resbyterorum & Diaconorum ordinationes certis celebrare temporibus.
- II. Ut nemo litteras nesciens, vel aliqua parte corporis imminutus promoveatur ad clerum.
- III. De his qui seipsos abscindunt.
- IV. Quòd ad clerum criminosi nequeant promoveri, & in clero positi, si in aliquibus fuerint inventi criminibus, à suis officiis arceantur.
- V. Quòd demoniis aliisque passionibus irretitis ministeria sacra tractare non liceat.
- VI. De his qui viduas aut dimissas ducunt, vel in malis consiliis mixti sunt.
- VII. Item de eadem re.
- VIII. Item de eadem re.
- IX. De his qui virginitatem professi sunt, & de his quæ sub sororis habitu cum aliquibus commorantur.
- X. Ut ex curialibus Clericus non fiat propter voluptates quas à diabolo inventas exhibere compellitur.
- XI. De administratoribus.
- XII. Quòd qui preces vel criminales dictant habeantur immunes.
- XIII. Si quis volens partem sibi corporis amputaverit clericus esse non potest, nolens autem potest.
- XIV. Quòd digami ad clerum admitti non possunt.
- XV. Qui de laicis ad clerum non debeant promoveri.
- XVI. Qui de laicis possunt Clerici fieri.
- XVII. De temporibus morandi in clero.
- XVIII. Quæ in singulis Clerici gradibus tempora sint præfixa.

- XIX. Quod non debeant Sacerdotes aut Clerici amicti
palleis & præcincti lumbis in Ecclesia ministrare.
- XX. De Clericis quales debeant promoveri.
- XXI. Quod extra conscientiam Metropolitanæ non ordi-
netur Episcopus.
- XXII. Quod nolentibus Clericis vel populis nemo debeat
Episcopus ordinari.
- XXIII. Quod ab illicitis sit ordinationibus abstinendum.
- XXIV. Ut nullus Episcoporum servum alterius ad clerica-
tus officium promovere præsumat.
- XXV. Ut quicumque ad Sacerdotium vel viduarum ma-
riti, vel habentes numerosa conjugia promoti fuerint,
ab omnibus Ecclesiasticis officiis arceantur.
- XXVI. Ut si quis Sacerdotum contra hæc interdicta fece-
rit, a suo sit officio submovendus.
- XXVII. Quod non habeantur Episcopi quos nec clerus ele-
git, nec populus exquisivit, nec Provinciales Episcopi
consecraverint: si qui tamen Clerici ab his Pseudoepi-
scopis ordinantur, rata potest ordinatio talis existere.
- XXVIII. Ut nullus invitatus ordinetur Antistes.
- XXIX. Ut nullus alienum Clericum sollicitare vel tenere
præsumat, suo Episcopo non præbente consensum.
- XXX. Ut implicati negotiis alienis antè redditam ra-
tionem, Clerici non ordinentur.
- XXXI. Rebaptizati ad nullum clericatus gradum pro-
movendi.
- XXXII. De his qui in peregrè baptizantur ad clerum non
veniant.
- XXXIII. De discretionem pœnitentium, qui possint ad Ec-
clesiasticos ordines provehi, vel qui non possint.
- XXXIV. De discretionem libertorum qui ad Ecclesiasticos
ordines pervenire possunt, vel qui provehi non possunt.
- XXXV. De Clericis scurrilibus.
- XXXVI. Non transmigrandum de civitate in civitatem.
- XXXVII. Quod non oporteat absolute quoslibet ordi-
nari.
- XXXVIII. De singulis gradibus sacri ordinis, qualiter
ordinentur.

- XXXIX. *Qualiter Ostiarij ordinentur.*
 XL. *Qualiter Lectores ordinentur.*
 XLI. *Qualiter Exorcistæ ordinentur.*
 XLII. *De Exorcistis qui non sunt ab Episcopis ordinati.*
 XLIII. *Qualiter Acoliti ordinentur.*
 XLIV. *Qualiter Subdiaconi fiant.*
 XLV. *Vt Clerici nullas negotiationes inhonestas & turpia lucra sectentur.*
 XLVI. *De eadem re.*
 XLVII. *Vt Clericus nec suo nec alieno nomine fœnas exerceat.*
 XLVIII. *De contumacibus Clericis & ad officium tardis.*
 XLIX. *Si Clericus furtum Ecclesiæ fecerit.*
 L. *Vt cujuslibet ordinis Clericus si tardius ad Ecclesiam venerit, deponatur.*
 LI. *Quod nullus Ecclesiasticorum in tabernis comedere debeat.*
 LII. *De Clericis qui in mutuam cædem prorumpunt.*
 LIII. *De Clericis qui ad secularium defensionem confingunt propter distractionem Episcopi.*
 LIV. *De Clericis negotia & nundinas sectantibus.*
 LV. *Vt si voluntariè Clericus damnum Ecclesiæ fecerit, & satisfaciat, & excommunicetur.*
 LVI. *De conversatione Clericorum, ut in uno conclavi sint.*
 LVII. *Vt Clericis vitetur ebrietas, quæ omnium vitiorum fomes ac nutrix est.*
 LVIII. *Cujuscumque ordinis Clerici nuptialia convivia vitent.*
 LIX. *De Clericis qui magos aut sortilegos consuluerunt.*
 LX. *Clerici tabernas non ingrediantur absque peregrinationis necessitate.*
 LXI. *De Clericis qui in seditione arma sumpserint.*
 LXII. *De Clericis per plateas & andronas ambulantes.*
 LXIII. *De Clericis in nundinis & foro deambulantibus.*
 LXIV. *Clerici qui vigiliis defuncti stipendiis privandi.*
 LXV. *Clerici maledici degradentur.*

LXVI.

- LXVI. De Clericis sepulcra demolientibus.
 LXVII. *Vt* Clerici invidi non provehantur.
 LXVIII. Clerici adulatoribus & proditores degradentur.
 LXIX. Clerici nec vestimenti nec calceamenti quærant
 decorem.
 LXX. De Clericis scurrilibus vel inter epulas cantan-
 tibus.
 LXXI. De Clericis per creaturas jurantibus.
 LXXII. Ne ante horam tertiam convivia iniantur.
 LXXIII. De his qui in parva ætate coram parentibus re-
 ligionis habitum tenuerunt.
 LXXIV. Penitens si usus exegerit inter Ostiarios depute-
 tur.
 LXXV. Ex Concilio Cartaginense.
 LXXVI. Si Lector bigamus aut viduam ducit non amplius
 quàm subdiaconus fiat.
 LXXVII. Lectores Cantoresque cum orariis agere suum
 officium non debere.
 LXXVIII. De Diaconis.
 LXXIX. *Vt* levitæ & virgines ante XXV. annos non
 consecrentur.
 LXXX. De honore quem Presbyteris Diaconi, & Dia-
 conis qui sub ipsis sunt debeant exhibere.
 LXXXI. De obedientia Diaconorum erga Presbyteros.
 LXXXII. Ne Diaconus præsentem Presbytero Eucharis-
 tiam det.
 LXXXIII. *Vt* Diaconus Iubente Presbytero sedeat.
 LXXXIV. *Vt* Diaconus in conventu Presbyterorum non
 loquatur nisi interrogatus.
 LXXXV. *Vt* Diaconus tempore tantum oblationis alba
 utatur.
 LXXXVI. Quod præter Episcopum Clericus proficisci non
 debeat.
 LXXXVII. *Vt* Sacerdos & Levitæ canes ad venandum
 & accipitres non habeant.
 LXXXVIII. De his qui in ægitudine sunt baptizati.
 LXXXIX. Quod non oporteat peregrinos Clericos sine
 commendatitiis ministrare.

- XC. *Vt nullus minister sine chrismate proficiscatur.*
 XCI. *Vt ab alterius Episcopo chrisma nullus accipiat.*
 XCII. *Presbyter Diaconum aut Presbyterum non ordinabit.*
 XCIII. *De his qui prohibentur à Presbyteris in ecclesiasticis Sacramentis agere.*
 XCIV. *Vt si Presbyter inconsulto Episcopo agendam celebraverit honore privetur.*
 XCV. *Ne Presbytero alterius regionis præsente Episcopo vel Presbyteris civitatis liceat ministrare, & quo ordine panem sive calicem dent, & quòd Coepiscopi ad exemplum septuaginta seniorum ordinati sunt.*
 XCVI. *De his qui ex vasis ministerij Ecclesiæ aliquid vendiderunt.*
 XCVII. *Ne Presbyter benedictionem vel pœnitentiam in Ecclesia dare præsumat.*
 XCVIII. *De his qui in Ecclesiis in quibus provecti sunt minimè perdurarunt.*
 XCIX. *Qualiter Diaconi ordinentur.*
 C. *De numero certo Diaconorum.*
 CI. *Quo tempore Presbyterum conveniat ordinari.*
 CII. *Qualiter Presbyter ordinetur.*
 CIII. *De non contemnendo oblationes Presbyteri conjugati.*
 CIV. *Quòd non liceat Clerico in duarum civitatum Ecclesiis ministrare.*
 CV. *De his qui vocantur Coepiscopi.*
 CVI. *Iudicio multitudinis ordinationes fieri non debere.*
 CVII. *De Episcopalibus ordinationibus.*
 CVIII. *De electione Episcopi.*
 CIX. *De his qui ad Episcopatum in provinciis provehuntur.*
 CX. *Quòd addi debeant Episcopi numero ordinatorum, si de ordinando Episcopo fuerit contradicendum.*
 CXI. *Non accipiendum præmium pro Episcoporum honore de communione peccati.*
 CXII. *Quòd non oporteat Episcopos aut quemlibet ex clero per pecunias ordinari.*

- CXIII. *De his qui cum sint ex alia provincia in aliis
audent ordinationes efficere.*
- CXIV. *De his qui cum ad Episcopatum vocantur, evi-
tant.*
- CXV. *De Episcopalibus in provinciis ordinationibus.*
- CXVI. *Vt nullo modo de parrochia ad aliam parrochiam
Episcopus transeat.*
- CXVII. *Vt in altera parrochia Clericus alterius parro-
chie Episcopus non ordinet.*
- CXVIII. *Vt nullus Episcoporum Presbyterorum & Dia-
conorum conductor existat: & ut Lectores uxores acci-
piant, & Clerici abstineant ab usuris; & quo tempore
vel ipsi vel virgines consecrentur.*
- CXIX. *Si qui Clerici ab Episcopis suis promoti contem-
pserint, nec illic maneant unde recedere noluerunt.*
- CXX. *De his qui plebes proprias derelinquunt.*
- CXXI. *Vt Episcopi qui ordinantur ab ordinatoribus suis
epistolas accipiant, quæ diem & Consulem præferant.*
- CXXII. *De his qui semel in Ecclesia legerint ab aliis non
posse promoveri.*
- CXXIII. *De rebaptizationibus & reordinationibus, vel
translationibus Episcoporum.*
- CXXIV. *Quod non oporteat ordinationes Episcoporum
diu differre.*
- CXXV. *Quales, vel quàm docti debeant ordinari Epis-
copi.*
- CXXVI. *Qualiter consecrentur Episcopi.*
- CXXVII. *De ordinatione ministrorum Sacerdotum quan-
do fiat.*
- CXXVIII. *Vt Episcopus juxta Ecclesiam habeat hospi-
tium.*
- CXXIX. *Vt Episcopus pauperes & infirmos tueatur.*
- CXXX. *Vt Episcopus suppellectilem & mensam vilem
habeat.*
- CXXXI. *Vt Episcopus libros gentilium non legat.*
- CXXXII. *Vt Episcopus gubernationes pauperum per mi-
nistros agat.*
- CXXXIII. *Vt Episcopus testamenta non tueatur.*

CXXXIV. *Vt Episcopus non litiget.*

CXXXV. *Vt Episcopus Canones agnoscat antequam ordinetur.*

CXXXVI. *Vt Episcopus die Dominico ab Ecclesia deesse non debeat.*

CXXXVII. *Vt Episcopus nullam curam rei familiaris ad se revocans tantum orationi & doctrinae vacet.*

CXXXVIII. *Vt Episcopus sedens stare Presbyterum non patiat.*

CXXXIX. *Vt Episcopus collegam se Presbyterorum cognoscat.*

CXL. *Quamdiu Episcopus in aliena civitate remoretur.*

CXLI. *Non liceat Episcopo à sua Ecclesia plus tribus hebdomadibus abesse.*

CXLII. *De laicis non temere faciendis Episcopis.*

CXLIII. *Quando & in quibus causis Episcopi ad Comitatum ire debeant.*

CXLIV. *De Diaconis ad Comitatum dirigendis.*

CXLV. *Quòd ad Comitatum pro pupillis & viduis ac necessitatem patientibus sit eundum.*

CXLVI. *Quòd non oporteat Episcopos, Clericos & Monachos prædia aliena conducere.*

CXLVII. *De honore Monachis competente; & ut nullus eorum tentet Ecclesiastica aut secularia inquietare negotia, nec alienum servum præter conscientiam Domini ejus suscipere.*

CXLVIII. *De pacificis peregrinorum, id est commendatiis litteris.*

CXLIX. *De Metropolitanis singularum provinciarum.*

CL. *De vacantibus Episcopis.*

CLI. *Vt Metropolitanis sua jura servantur.*

CLII. *Vt Episcopus absque Metropolitana conscientia nihil agat in causis generalibus.*

CLIII. *De Præsidibus, vel ceteris rempublicam agere volentibus, ne sine litteris Episcopi sui communicent, & cum contra disciplinam egerint excommunicentur.*

Ezech. 18. & 33. *mortem peccatoris sed tantum ut convertatur & vivat.*

al. * spera-
tam poenit.
al. * despc-
rat.

al. * pro-
fessionem.

Isa. 30.

al. * ille.

Salutem ergo homini adimit quisquis ei mortis tem-
pore poenitentiam * denegarit; & desperavit * de
clementia Dei, qui eum ad subveniendum morienti
sufficere vel in momento posse non credidit. Perdidit
latro in cruce primum ad Christi dexteram pen-
dens, si illum unius horae poenitentia non juvisset,
cum esset in poena poenituit, & per unius sermonis pro-
missionem *, habitaculum Paradisi Deo promittente
promeruit. Vera ergo ad Deum conversio in ultimis
positorum mente potius est aestimanda quam tem-
pore, Prophetà hoc taliter asserente; *Cum conversus in-
gemueris, tunc salvus eris.* Cum ergo Dominus sit cor-
dis inspector, quovis tempore non est deneganda poe-
nitentia postulanti, cum illi * se obliget iudici, cui
occulta omnia noverit revelari.

CAPUT II.

*De his qui necessitate mortis urgente poeniten-
tiam simul & Viaticum petunt. Et de his
qui obmutescunt antequam ad eos Sacerdos
daturus poenitentiam accedat.*

Ex epistola
xci. Leonis
Papa 1. sub
finem, scri-
pta an.
452.

Ex Epistola Papae Leonis ad Theodorum Forojulianensem
Episcopum.

* Sacerdo-
tis.

* paterno-
rum.

al. * qui in
Deum a fi-
de.

IT A ergo talium necessitati auxiliandum est, ut nec
actio illis poenitentiae, nec Communionis gratia de-
negetur, si eam etiam amisso vocis officio per indicium
integri sensus quaerere comprobentur: quod si ita ali-
qua aegritudine fuerint adgravati, ut quod paulò antè
poscebant, sub praesentia * significare non valeant,
testimonia eis fidelium circumstantium prodesse debe-
bunt, ut simul & poenitentiae & reconciliationis benefi-
cia consequantur. Servatà tamen regulà Canonum *
circa eorum personas quae * in dominica fide disceden-
do peccaverunt.

CAPUT III.

*Quòd oporteat eum qui pro illicitis veniam
poscit, etiam à multis licitis abstinere.*

Ex Epistola Papæ Leonis ad Rusticum Narbonensem Episcopum, cap. xxxvi. Epistola
xcii. Inqui-
sit. x.

ALID quidem est debita iusta * reposcere, aliud al. * pro-
pria.
al. * justè
proprio * perfectionis amore contemnere. Sed
illicitorum veniam postulantem oportet etiam à li-
citis abstinere, dicente Apostolo : *Omnia licent, sed non
omnia expediunt.* Undè si pœnitentes * habent causam al. * pœni-
tens, & c.
al. * exigit
Eccles.
quam negligere fortè non debeant, melius expetit *
quis Ecclesiasticum quàm forense iudicium.

CAPUT IV.

*Quòd pœnitenti nulla lucra negotiationis exer-
cere conveniat.*

Ex eadem Epistola xxiii. Inquisit. &
resp. xi.

QUALITAS lucri negotiantem aut excusat * aut ar- al. * exho-
nestat.
guit, quia est & honestus quæstus & turpis. Ve-
rumtamen pœnitenti utiliùs est dispendia pari, quàm
periculis negotiationis obstringi, quia difficile est inter
ementis vendentisq; commercium non intervenire
peccatum.

CAPUT V.

*Quòd ad militiam secularem post pœnitentiam
redire non debeat.*

Ex Eadem Epistola. Inquisit. &
resp. xii.

CONTRARIUM est omnino ecclesiasticis regulis post
pœnitentiæ actionem redire ad militiam sæcula-
rem, cum Apostolus dicat : *Nemo militans Deo implicat*

se negotiis secularibus. Unde non est liber à laqueis diaboli qui se militiæ mundanæ voluerit implicare.

CAPUT VI.

*al. * se urgente.*
*al. * contineat ab uxoris amplexu.*
*al. * remedium sustinere,*

*Quòd adolescens si urgente * quocumque periculo pœnitentiam gessit & non se continet *, uxoris potest remedio * sustineri, quousque possit adipisci continentia statum per temporis maturitatem : ceteri tamen pœnitentes à conjugis debeant continere.*

Inquisit.
xlii.

Ex eadem Epistola.

IN adolescentia constitutus si urgente aut metu mortis aut captivitatis periculo pœnitentiam gessit, & postea timens lapsum incontinentiæ juvenilis copulam uxoris elegit, ne crimen fornicationis incurreret; rem videtur fecisse venialem, si præter conjugem nullam omnino cognoverit. In quo tamen non regulam constituimus, sed quid sit tolerabilius æstimamus, nam secundum veram cognitionem nihil magis ei congruit qui pœnitentiam gessit, quàm castitas perseverans mentis & corporis.

CAPUT VII.

De his qui post pœnitentiam habitum secularem præsumunt.

** secundo
sub Liberio.*

*Ex Concilio Arelatense *, capitulo xxv.*

HI qui post sanctam religionis professionem apostatant, & ad sæculum redeunt, & postmodum pœnitentiæ remedia non requirunt, sine pœnitentia communionem penitus non accipiant : quos etiam jubemus ad clericatus officium non admitti, & quicumque ille sit post pœnitentiam habitum secularem non præsumat,

Canonum pœnitentialium. Lib. 1. 33
præsumat, quod si præsumpserit, ab Ecclesia alienus
efficiatur. *

* al. habeatur.

CAPUT VIII.

*Quòd quibusdam pœnitentibus pristina red-
dantur conjugia propter juvenilem ætatem;
quibusdam verò interdiciantur conjugia; Et
quòd hæc Et à viris Et à feminis uniformiter
observaveri debeant.*

Ex Concilio Toletano *, capitulo VIII.

* VI. sub
Honorio an.
638.

ANTIQUI & sanctissimi est patris sententia Papæ
Leonis, ut is qui in ætate adolescentiæ positus
dum mortis formidat casum pervenerit ad pœnitentiæ
remedium, si conjugatus & fortè fuerit incontinens, ne
postea adulterij incurrat lapsum, redeat ad pristi-
num conjugium quousque possit adipisci temporis ma-
turityte continentiae statum. Quod nos sicut de viris
ita & de feminis æquo modo censemus. Non quidem
hoc generaliter & legitimè * præceptum; sed constat
à nobis pro humana fragilitate indultum, ea dumtaxat
ratione, ut si is qui pœnitentiæ non est legibus dedi-
tus * antè ab hac vita discefferit, quàm ex consensu ad
continentiam eorum * fuerit regressus superstiti non
liceat denuò ad uxorios transire amplexus. Si autem
illius vita extiterit superstes * qui non accepit bene-
dictionem pœnitentis, nubat si se continere non po-
test, & * alterius fruatur consortio uxoris. Quod de
utroque sexu pari modo à nobis manifestum est decre-
visse: ita videlicet ut in his omnibus Sacerdotis ordi-
natio expectetur, ut juxta quod ætatem aptam prof-
pexerit * continentiae, absolutionis vel districtio-
nis tribuat legem.

al. * cano-
nicè.

al. * subdi-
tus.
al. * defi-
niverit.

al. * super-
stitis.

al. * alter
ad conti-
nentiam
eat unde
fuerit.

al. * pœni-
tentiae.

CAPUT IX.

De his qui pœnitentiam minimè servaverunt.

Tome XI.

E

al. * Tar-
raconen-
sem.

Ex Epistola Papæ Syricij ad Hymerium Episcopum * Terraco-
nensem, cap. v.

al. * sacris
myster. ce-
lebritati-
bus.

DE his verò non incongruè dilectio tua Apostoli-
cam sedem credidit consulendam, qui actâ pœ-
nitentiâ tamquam canes & sues ad vomitus pristinos
& volutabra redeunt, & militiæ cingulum & ludi-
cras voluptates, & nova conjugia & inhibitos denuò
appetivere concubitus: quorum professam inconti-
nentiam generati post absolutionem filij prodiderunt.
De quibus quia jam suffugium non habent pœnitendi
id duximus decernendum, ut sola intra Ecclesiam fi-
delibus oratione jungantur, sacre * mysteriorum ce-
lebritati quamvis non mereantur interfine: à Domini-
cæ autem mensæ convivio segregentur, ut hac saltem
districciónē correcti & ipsi in se sua errata castigent,
& alijs exemplum tribuant quatenus ab obcœnis cu-
piditatibus retrahantur. Quibus tamen quoniam car-
nali fragilitate ceciderunt viatico munere cum ad Do-
minum cœperint proficisci per communionis gratiam
volumus subveniri: quam formam & circa mulieres,
quæ se post pœnitentiâ talibus pollutionibus devin-
xerunt, servandam esse censemus.

CAPUT X.

*Qualiter majores pœnitentiâ accipiant, qua
minoribus non faciliè committenda est.*

sub Symma-
cho.

Ex Concilio Agathense, cap. xvii.

PŒNITENTES tempore quo pœnitentiâ petunt,
impositionem manuum & cilicium super capita à
Sacerdote sicut ubique constitutum est consequantur.
Si autem comas non deposuerint, aut vestimenta non
mutaverint, abjiciantur: & nisi dignè pœnituerint,
non recipiantur. Juvenibus etiam pœnitentiâ non fa-
ciliè committenda est propter ætatis fragilitatem: Via-
ticum tamen omnibus in morte positis non negandum.

CAPUT XI.

Vt pœnitentiæ tempora juxta qualitatem peccati decernantur.

Ex Concilio Africano, cap. x.

POENITENTIBUS secundum differentiam peccatorum Episcopi arbitrio pœnitentiæ tempora decernantur.

Ex Concilio Africano
vulgo dicto
seu collectio-
ne vario-
rum cano-
num Affri-
cana pro-
vincia.

CAPUT XII.

Ex Concilio Carthagenense *, cap. LXXIV.

* IV. sub
Anastasio.

VT Sacerdos pœnitentiam imploranti absque per-
sonæ acceptione pœnitentiæ leges injungat.

CAPUT XIII.

Vt pœnitentia conjugatis ex consensu detur.

Ex Concilio Arelatenſe, cap. XXII.

Ex Arelat.
2.

POENITENTIAM conjugatis non nisi ex consensu dandam.

CAPUT XIV.

De remedio pœnitentiæ; Et quod absolutio pœnitentum per manuum impositionem Episcoporum supplicationibus fiat; propter quod necesse est ut reatus peccatorum ante ultimum diem Sacerdotali supplicatione solvatur, etiam si periculo mortis urgente statim per acceptionem pœnitentiæ Et reconciliatio subsequatur.

E ij

Leonis I.
epist. xci.

Ex Epistola Papæ Leonis ad Theodorum Forojulianensem
Episcopum.

al. * viola-
veriat.

Math. 28.
20.

al. * actio-
nem.

al. * grato.

al. * nec
neceffe.

MULTIPLEX misericordia Dei ita lapsibus huma-
nis subvenit, ut non solum per baptismi gra-
tiam, sed etiam per poenitentiae medicinam spes vitae
reparetur aeternae: & qui regenerationis dona violaf-
sent *, proprio se iudicio condemnantes ad remissio-
nem criminum pervenirent. Sic divinae bonitatis pra-
sidiis ordinatis, ut indulgentiam Dei nisi supplicatio-
nibus Sacerdotum nequeant obtinere. Mediator enim
Dei & hominum Dominus CHRISTUS JESUS hanc
Praepositis Ecclesiae tradidit potestatem, ut & confi-
tentibus sanctificationem * poenitentiae darent, & eos-
dem salubri satisfactione purgatos ad communionem
Sacramentorum per januam reconciliationis admitter-
rent: cui utique operi incessabiliter ipse Salvator in-
tervenit, nec umquam ab his abest quae ministris suis
exequenda commisit dicens: *Ecce ego vobiscum sum om-
nibus diebus usque ad consummationem saeculi.* Qua de re
innuitur, ut si quid servitutem nostram bono ordine
& gratulando * impletur affectu, non ambigamus per
Spiritus sanctum nobis donatum fuisse. Si autem ali-
quis eorum, pro quibus Domino supplicamus, quo-
cumque interceptus obstaculo à munere praesentis in-
dulgentiae exciderit, & priusquam ad constituta re-
media perveniat, temporalem vitam humana condi-
tione finierit, quod manens in corpore non recepit,
consequi exutus carne non poterit. Idcirco * necesse
est nos eorum qui sic obierint merita actusque discu-
tere, cum Dominus noster, cujus iudicia nequeunt
comprehendi, quod Sacerdotale implere ministerium
non potuit, suae iustitiae reservavit: ita potestatem
suam timeri volens, ut hic terror omnibus profit, &
quod quibusdam tepidis aut negligentibus accidit,
nemo non metuat. Multum enim utile ac necessarium
est, ut peccatorum reatus ante ultimum diem Sacer-
dotali supplicatione solvatur. His autem qui in tem-

Canonum pœnitentialium. Lib. 1. 37

pore necessitatis, & periculi urgentis instantia præsidium pœnitentiæ & mox reconciliationis implorant, nec satisfactio interdicenda est, nec reconciliatio deneganda : quia misericordiæ Dei nec mensuras possumus ponere, nec tempora definire, apud quem nullas patitur veniæ moras vera conversio, dicente Dei spiritu per Prophetam. *Cum conversus ingemueris, tunc salvus eris*, & alibi, *Dic iniquitates tuas prior, ut justificeris*. Item : *quia apud Dominum misericordia est, & copiosa apud eum redemptio*. In dispensandis itaque Dei donis non debemus esse difficiles, nec accusantium se gemitus lacrymæque negligere, cum ipsam pœnitendi affectionem ex Dei credamus inspiratione conceptam, dicente Apostolo : *Ne fortè det illis Deus pœnitentiam ut resipiscant à diaboli laqueis, a quo captivi tenentur ad ipsius voluntatem*.

Isai. 30. &

43.

Psal. 129.

7.

al. * pœnitentiam.

2. Tim. 2.

26.

CAPUT XV.

De his qui pro diversis erratibus pœnitundinem ferventiùs exegerunt.

Ex Concilio Laodicense, cap. 11.

* **D**E his qui diversis facinoribus peccaverunt, & perseverantes in oratione confessionis, & pœnitentiæ conversionem à malis habuere perfectam pro qualitate delicti, talibus pœnitentiæ tempus impensum * propter clementiam & bonitatem Dei communitio concedatur.

Tempore Sylvestri Papa; sed, ut quidam volunt & rectius, sub Liberio, alii etiam sub Damaso.

* ex interpretatione Dionysij Exigui.

al. * impensuri.

CAPUT XVI.

Ex Concilio CARTHAGINIS IV. cap. LXXV.

UT negligentiores pœnitentes tardiùs recipiantur.

CAPUT XVII.

Item ex eodem Concilio, cap. LXXVIII.

E ij

POENITENTES qui in infirmitate Viaticum Eucharistiae acceperint, non se credant absolutos sine manus impositione si supervixerint.

CAPUT XVIII.

De his qui communionem tempore mortis expescunt; aut si desperatus & consecutus communionem iterum convalescerit.

Ex Concilio Niceno *, cap. XIII.

* 1. sub
Sylvestro.
1.

al. * & ma-
ximè neces-

al. * ora-
tionum.

al. * Eu-
charistia.
al. * post
quam pro-
baverit da-
re, &c.

DE his qui ad exitum veniunt etiam nunc lex antiqua regularisque servabitur; ita ut si quis egreditur è corpore ultimo & * necessario viatico minimè privetur: quòd si desperatus, & consequutus communionem, oblationisque particeps factus, iterum convalescerit, sit inter eos qui communionem orationis * tantummodò consequuntur. Generaliter autem omni cuilibet in exitu posito, & poscenti sibi communionis * gratiam tribui, Episcopus probabiliter * ex oblatione dare debet.

CAPUT XIX.

De pœnitentibus ut à Presbyteris non reconcilientur, nisi precipiente Episcopo.

Ex Concilio Carthaginis tertio, cap. XXXI.

* Hic inci-
pit, cap.
XXXII.

al. * quod
universa
Ecclesia
noverit.

UT pœnitentibus secundum differentiam peccatorum Episcopi arbitrio pœnitentiæ tempora decernantur: & ut * Presbyter inconsulto Episcopo non reconciliet pœnitentem, nisi absentia Episcopi necessitate cogente. Cujuscumque autem pœnitentis publicum & vulgatissimum crimen est, quod * universam ecclesiam commoverit; ante absidem manus ei imponatur.

CAPUT XX.

Item ex Concilio Carthagenſi 11. de eadem re, cap. iv.

AVRELIUS Episcopus dixit : si quisquam in periculo fuerit constitutus, & se reconciliari divinis altaribus petierit, si Episcopus absens fuerit, debet utique Presbyter consulere Episcopum, & sic periclitantem ejus præcepto reconciliare : quam rem debemus salubri consilio roborare. Ab universis Episcopis dictum est : placet quod sanctitas vestra necessario nos instruere dignata est.

CAPUT XXI.

De tempore remissionis pœnitentium.

Ex Epistola Papæ Innocentii * ad Decentium Episcopum, * *Papa 1.*
cap. vii.

DE pœnitentibus autem qui sive ex gravioribus commissis, sive ex levioribus pœnitentiam gerunt, si nulla interveniat ægritudo, quintâ feriâ ante Pascha eis remittendum Romanæ Ecclesiæ consuetudo demonstrat. Ceterum de pondere æstimando delictorum Sacerdotis est judicare, ut attendat ad confessionem pœnitentis, & ad fletus atque lacrymas corrigentis, ac tum jubere dimitti cùm viderit congruam satisfactionem. Sanè si quis in ægritudinem inciderit, atque usque ad desperationem devenerit, ei est ante tempus Paschæ relaxandum, ne de sæculo absque communione discedat.

CAPUT XXII.

Vt pœnitentes ab aliis Episcopis vel Presbyteris non recipiantur, nec alibi communicent, nisi in ipsis locis ubi fuerunt exclusi.

Ex Epistola Papæ Felicis ad Episcopos per Siliciam.

CURANDUM verò maximè, & omni cautela est providendum, nè quis fratrum Coepiscoporum-

*Epistola Felicis Papa
III. 7. quæ
alibi inscribitur ad*

universos
Episcopos.

al. * aut in
parrochia
Presbyter
aut Episco-
pus in civi-
tate.

al. * Cleri-
cum.

al. * ves-
trarum.

al. * con-
venerat.

que nostrorum, aut etiam Presbyterorum in alterius civitate vel diœcesi pœnitentem, vel sub manu positum Sacerdotis, aut eum qui reconciliatum se esse dixerit, sine Episcopi vel Presbyteri testimonio & litteris ad * cuius pertinet parrochiam suscipiat : quod si aliqua dissimulatione negligitur, culpa tangit etiam clerum, * qui in locis in quibus hoc minus curatum fuerit, commoratur. His itaque ritè dispositis, & ad Ecclesiarum nostrarum * notitiam nostra deliberatione perlatis, parere vos * convenit. De his similiter & in Concilio Arelatense, cap. xvi.

CAPUT XXIII.

De pœnitentibus subito mortuis, ut oblationes eorum recipiantur.

Ex V asensi.
i.

Ex Concilio V asensi, cap. ii.

PRO his qui pœnitentiâ acceptâ in bono vitæ cursu satisfactoria compunctione viventes, sine communione inopinato nonnumquam transitu, in agris, aut in itineribus præveniuntur, oblationem recipiendam, & eorum funera ac deinceps memoriam Ecclesiastico affectu prosequendam, quia nefas est eorum commemorationem excludi à salutaribus sacris, qui ad eadem sacra fidei affectu contententes, dum se diutiùs reos statuunt, indignos salutiferis ministeriis judicant, ac dum purgatiores restitui desiderant, absque sacramentorum Viatico intercipiuntur; quibus fortè nec absolutissimam reconciliationem Sacerdos denegandam putasset.

CAPUT XXIV.

De pœnitentibus transgressoribus.

Ex Concilio Toletano vi. cap. vii.

al. * tantis
facinori-
bus.

QUAMVIS priora numquam filuerint de tanto facinore * Concilia, ratio tamen poscit ut ea quæ

Canonum pœnitentialium. Lib. 1. 41

quæ frequenti prævaricatione iterantur, frequenti etiam sententia condemnentur. Et ideo quando * tanta existit perversitas hominum, ut hi quos sub religioso habitu pœnitentiæ professio pro peccatorum venia ad manum Sacerdotis deduxit, vel adduxit, iterum rediviva malitia ad vitæ pristinæ sordes revocet; hujus rei causa, sancta Synodus decrevit, ut si qui ingenuorum utriusque sexus, si sub nomine pœnitentis * in habitu religioso sunt conversati, postea autem comam nutrientes, vel vestimenta sæcularia sumentes, ad id quod reliquerant redierunt, aut redierint, ab Episcopo civitatis, in cujus territorio sunt conversati *, comprehensi rursus legibus pœnitentiæ in Monasteriis subdantur inviti: quod si facere propter aliquem potestatis vigorem * difficilè fuerit, tunc sicut priscorum canonum statuerunt decreta, quousque ad dimissum ordinem revertantur, excommunicati & anathemate condemnati habeantur: * sed & hi qui post excommunicationem vel interdictum cum ipsis communicaverint. Sacerdos autem ad quem pertinere noscuntur, si eos quolibet munere vel favore aut negligentia admonere noluerit, ut aut revertentes suscipiat, aut contemnentes de Ecclesia rejiciat, simili sententia plectatur, quousque emendationis vel damnationis eorum ab eo sententia promulgetur.

al. * quoniam.

al. * pœnitentiæ.

al. * conversi.

al. * non potuerint.

al. * similiter.

CAPUT XXV.

Vt Presbyteri & Diaconi in graviore culpa convicti manus impositionem tamquam laici nequaquam suscipiant.

Ex Concilio Carthagenensi. v. cap. xi.

ITEM confirmatum est, ut si quando Presbyteri vel Diaconi in aliqua graviore culpa convicti fuerint, pro qua eos à ministerio necesse sit removeri, non eis manus tamquam pœnitentibus vel tamquam fidelibus

Tom. XI.

F

laicis imponatur, neque permittendum ut rebaptizati ad Clericatus gradum promoveantur. De hac re Papa quoque Syricius ita decrevit dicens : Illud quoque vos par fuit providere, ut sicut pœnitentiam agere cuiquam non conceditur Clericorum, ita & post pœnitentiam ac reconciliationem nulli umquam laico liceat honorem Clericatus adipisci.

CAPUT XXVI.

Araus. i.

Ex Concilio Arauficano, cap. iv.

PŒNITENTIAM desiderantibus Clericis non negandam.

CAPUT XXVII.

Quòd Presbyteri aut Diaconi, si in aliquo crimine prolapsi fuerint, non possint per manus impositionem pœnitentiæ remedium consequi.

Leonis. i.
Epist. xcii.
Inquisit. &
resp. ii.

Ex Epistola Papæ Leonis ad Rusticum Narbonensem Episcopum, cap. xvi.

al. * qui
Presbyteralem honorem aut
Diaconi gradum
fuerint consecuti.

al. * confessio.

ALIE NUM est à consuetudine Ecclesiastica, ut qui in Presbyterali * honore aut Diaconij gradu fuerint consecrati, hi pro crimine aliquo suo per manus impositionem remedium accipiant pœnitendi, quod sine dubio ex Apostolica traditione descendit, secundum quod scriptum est : *Sacerdos si peccaverit, quis orabit pro illo?* Unde huiusmodi lapsis ad promerendam misericordiam Dei privata est expetenda concessio *, ubi illis satisfactio si fuerit digna, sit etiam fructuosa.

CAPUT XXVIII.

De his qui diversis causis gentilitatis ritus aliquid peregerunt.

Ex Concilio Ancyrano *, cap. iv.

* Ancy. r.

DE his qui sacrificare coacti sunt, insuper & coenaverunt in idolio, quicumque eorum cum ducebantur latiore habitu fuerunt, & vestimentis pretiosioribus usi sunt, & preparatæ coenæ indifferenter participes extiterunt: placuit eos inter audientes uno anno constitui, subcumbere verò tribus annis, in oratione autem communicare biennio, & tunc ad perfectionis gratiam pervenire. * Quotquot autem ascenderunt templa veste lugubri, & recumbentes per omne tempus flevire discubitus, si compleverunt pœnitentiam trienni temporis, sine oblatione suscipiantur. Si autem non manducaverint, biennio subiecti pœnitentiæ, tertio anno sine oblatione communicent, ut perfectionem quadriennio consequantur. Penes autem Episcopos erit potestas, modum conversionis * eorum probantes, vel humanius erga eos agere, vel amplius tempus adjicere. Ante omnia verò præcedens eorum vita & posterior inquiratur, & ita eis impertiatur humanitas.

* Græcis hic incipit canon quintus.

al. * conversionis.

CAPUT XXIX.

De lapsis.

Ex Concilio Nicæno, cap. xi.

sub Sylvestro. s.

DE his qui præter necessitatem prævaricati sunt, aut præter ablationem facultatum, aut præter periculum, vel aliquid hujusmodi quod factum est sub tyrannide Licinij, placuit Synodo quamvis humanitate probentur indigni, tamen eis benevolentiam commodari. Quicumque ergò veraciter pœnitentiam gerunt, tribus annis fideles inter audientes habeantur, & sex * annis omni se contritione dejiciant, al. * sep. duobus autem annis sine oblatione populo in oratione communicent.

tem.

F ij

CAPUT XXX.

*De his qui abrenunciaverunt, & iterum ad
seculum sunt regressi.*

Ex eodem Concilio, cap. xii.

al. * pa-
tientia.
al. * con-
versionem.
al. * simu-
latione.

al. * confu-
lere.
al. * aditum
introeun-
di, item ha-
bitum non
intreundi.

QUICUMQUE vocati per gratiam primùm qui-
dem impetum monstraverunt deponentes mili-
tiæ cingulum, postmodum verò ad proprium vom-
itum sunt relapsi, ita ut quidam & pecunias tribuerent
& beneficiis militiam repeterent: hi decem annis post
triennij tempus quo inter audientes erunt in afflictione
permaneant. Sed in his omnibus propositum & spe-
ciem poenitentiae convenit explorare: quotquot enim
metu & lacrymis atque poenitentia*, vel bonis operi-
bus, rebus ipsis conversationem* suam non simulatio-
nem* demonstrant; hi definitum temptus auditionis
implentes tum demum fidelibus in oratione commu-
nicent, postmodum verò licebit Episcopo de his ali-
quid humaniùs cogitare*. Quicumque verò indiffe-
renter tulerunt, & habitum* introeundi Ecclesiam sibi
arbitrati sunt, ad conversionem posse sufficere, hi
definitum modis omnibus tempus impleant.

CAPUT XXXI.

De Catholicis in haeresim transeuntibus.

* Sub Mar-
cello, i.

Ex Concilio heliberitano*, cap. xxii.

SI quis de Ecclesia Catholica ad haeresim transitum
fecerit, rursusque ad Ecclesiam recurrerit, placuit
huic poenitentiam non esse negandam, eo quòd co-
gnoverit peccatum suum: qui etiam decem annis agat
poenitentiam, cui post decem annos praestari commu-
nio debet. Si verò infantes fuerint transducti quòd
non suo vitio peccaverint, incunctanter recipi de-
bent.

CAPUT XXXII.

Item ex Concilio Agathensi de eadem re, cap. LXI.

Circiter annum. 506
cap. LX.

LAPSIS, id est qui in Catholica fide baptizati sunt, si prævaricatione damnabili post in hæresim transierint, grandem redeundi difficultatem sanxit antiquitas; quibus nos annorum multitudine brevitatâ pœnitentiam biennij conditione infra scriptæ observationis imponimus, ut præscripto biennio tertia die^{* al. * biennio tertio;} sine relaxatione jejurent, & ecclesiam studeant frequentare atque in pœnitentium loco, stando & orando humilitatem ita noverint observandam, ut etiam ipsi cum cathecumeni egredi commonentur abscedant. Hoc si observare voluerint, constituto tempore admittendis ad altarium observatio relaxetur: quod si arduum vel durum fortè putaverint, statuta præteritorum canonum implere debebunt.

CAPUT XXXIII.

Quod hi qui ad iterationem baptismi vel vi vel timore coacti animos inclinarunt, pœnitentia sint sublevandi remedio, ita ut senilis ætatis periculorum quoque & ægritudinum, ceterarumque necessitatum habeatur sollicita consideratione respectus.

Ex Epistola Papæ Leonis ad Nicetam Aquileiensem Episcopum, cap. XLVII.

Leonis I.
Epist.
LXXIX. cap.
VI.

HI verò de quibus similiter dilectio tua nos credidit consulendos, qui ad iterandum baptismum vel metu^{* al. * vi.} coacti vel errore^{* al. * tertio.} transducti sunt, & nunc se contra fidei Catholicæ Sacramentum egisse cognoscunt, ea est custodienda moderatio, quâ in societatem nostram nonnisi per pœnitentiæ remedium, &

F iij

per impositionem Episcopalis manus communionis recipiant unitatem, tempora poenitudinis habitâ moderatione, tuo constituenda iudicio, prout converforum animos inspexeris esse devotos; pariter etiam habens ætatis senilis intuitum, & periculorum quorumque aut ægritudinum respiciens necessitates: in quibus si quis ita graviter urgeatur, ut dum adhuc poenitet de salute ipsius desperetur, oportet ei per Sacerdotalem sollicitudinem communionis gratiâ subveniri.

CAPUT XXXIV.

*Quòd Arrianorum Clerici non sint suscipiendi * in suis officiis, quamvis eorum baptisma, quod Catholicum constat, confirmet Ecclesia.*

al. * recipiendi.

Ex Epistola Ex Epistola Papæ Innocentij ad Alexandrum Antiochenum
xviii. Episcopum, cap. XLVII.
cap. 3.

ARRIANOS præterea ceterasque ejusmodi pestes, quia eorum laicos conversos ad Dominum sub imagine poenitiæ ac sancti Spiritus sanctificatione per manus impositionem suscipimus, non videtur Clericos eorum Sacerdotij aut ministerij cuiuspiam suscipere * dignitatem; quoniam quibus solum baptisma ratum esse permittimus, quod utique in nomine Patris & Filij & Spiritus sancti perficitur, nec sanctum Spiritum eos habere ex illo baptismo, illisque mysterijs arbitramur; quoniam cum à Catholica fide eorum auctores desciscerent, perfectionem Spiritus quam acceperant, amiserunt: nec dare ejus plenitudinem possunt, quæ maximè in ordinationibus operatur, quam per impietatis suæ perfidiam potius quàm fidem dixerim, perdiderunt. Quomodo fieri potest, ut eorum profanos Sacerdotes dignos Christi honoribus arbitremur, quorum laicos imperfectos, ut dixi, ad sancti Spiritus gratiam per-

al. * suscipere debet.

CAPUT XXXV.

Item ipse de eadem re.

Ex epistola ad Rufum & Eusebium Episcopos, cap. III.

Ex Epistola
XXII. ad
Episcopos
Macedonia.

VENTUM est ad tertiam quæstionem, quæ pro
sui difficultate longiorem exigit disputationem,
cùm nos dicamus ab hæreticis ordinatos vulneratum
per illam manus impositionem habere caput, & ubi
vulnus infixum est, medicina est adhibenda, quo *
possit recipere sanitatem; quæ sanitas post vulnus se-
cuta sine cicatrice esse non poterit; atque ubi pœni-
tentia remedium necessarium est, illic ordinationis
honorem locum habere non posse decernimus: nam si,
ut legitur, *quod tetigerit immundus, immundum erit*,
quomodò id ei tribuetur quod munditia ac puritas
consuevit accipere? * ut vel
qua
Num. 19.

CAPUT XXXVI.

*De Episcopis qui hæreticos vel paganos heredes
instituunt.*

Ex Concilio Affricano *, cap. XLVIII.

* Vulgo
dicto, seu ex
collectione
variorum
canonum ex
Conciliis
Affricana
provincia.

ITEM constitutum est: si quis Episcopus heredes
extraneos à consanguinitate sua vel hæreticos
etiam consanguineos, aut paganos Ecclesiæ prætule-
rit, saltem post mortem anathema ei dicatur, atque
ejus nomen inter Dei Sacerdotes nullo modo recite-
tur; nec excusari possit si intestatus defecerit * quia
utique debuit factus Episcopus rei suæ ordinationem
congruam suæ professioni nequaquam differre. * deces-
serit, qui

CAPUT XXXVII.

*Non debere hæreticos in hæresim permanentes
Ecclesiam ingredi.*

Ex Laodiceo Concilio.

Ex Concilio Laodiciæ, cap. vi.

NON concedendum hæreticis ingressum domus Dei in hæresi permanentibus.

CAPUT XXXVIII.

De hæreticis si in mortis discrimine convertantur.

Araus. i.

Ex Concilio Arausico, cap. ii.

Ex interpretat. Iſidori Mercatoris.

HÆRETICOS in mortis discrimine positos, si Catholici esse desiderant, si desit Episcopus, à Presbyteris cum chrismate & benedictione consignari placet.

CAPUT XXXIX.

De his qui terrore compulsi sunt ut hæreticis communicarent, si se ab hæreticis separare voluerint, ut ab Ecclesia catholica suscipiantur.

Epist. xl. cap. ii. circa medium.

Ex Epistola Papæ Leonis ad Anatholium Constantinopolitanum Episcopum.

al. * accusari.

HI qui plenis satisfactionibus malè gesta condemnant & accusare* magis se eligunt, quàm tueri, pacis & communionis nostræ unitate lætentur, ita ut digno priùs anathemate quæ contra fidem Catholicam sunt precepta damnentur. Aliter enim in Ecclesia Dei, quæ corpus est Christi, nec rata sunt Sacerdotia, nec vera sacrificia, nisi in nostræ proprietate naturæ verus nos Pontifex reconciliat, verus immaculati agni sanguis emundat. Nec asperè igitur communionis nostræ gratia deneganda est, nec temerè largienda.

CAPUT

CAPUT XL.

Quòd omnis cujuslibet ordinis Clericus, qui catholicam deferens hæretica se communioni miscuerit, si ad Ecclesiam reversus fuerit, in eo gradu quo erat sine promotione permaneat.

Ex Epistola Papæ Leonis ad Januarium * Aquileiensem Episcopum, cap. XIV.

Leonis I.
Epistola. 3.
al. * Julianum.

AD animæ periculum pertinet, si quisquam de his qui à nobis in hæreticorum atque schismaticorum sectam delapsus est, se utcumque hæreticæ communionis contagione macularit, resipiscens in communione Catholica sine professione * legitimæ satisfactionis habeatur. Saluberrimum enim & spiritalis medicinæ utilitate plenissimum est, ut sive Presbyteri, sive, Diaconi sive Subdiaconi, aut cujuslibet ordinis Clerici, qui se correctos videri volunt, atque ad Catholicam fidem, quam jampridem amiserant, rursus revertere ambiunt, priùs errores suos, & ipsos auctores errorum damnari à se sine ambiguitate fateantur. Ut sensibus pravis etiam peremptis nulla speranda * superfit occasio nec illud * membrum talium possit societate violari, cùm per omnia illis professio propria cœperit obviare. Circa quos etiam illam Canonum constitutionem præcipimus custodiri, ut in magno habeant beneficio, si adempta sibi omni spe promotionis, in quo inveniuntur ordine, stabilitate maneant perpetua: si tamen iterata tinctione non fuerint maculati: non levem apud Dominum noxam incurrit, qui de talibus ad sacros promovendos ordines judicavit. Quòd si cum grandi examinatione promotio conceditur inculpatis, multò magis non debet licere suspectis.

al. * promotione.

al. * sperandi.
al. * ullum.

CAPUT XLI.

*De his qui cum hæreticis nuptiarum copulam
jungunt.*

Ex Concilio Laodicæ * cap. x. & xxx.

* Sub Sylve-
stro seu Li-
berio.

Dionys. exi-
guo interpr.

* sequentia
ex cap.

xxx. sicut
ea quæ præ-
cedunt.

cxx.

al. * Chri-
stianos.

QUOD non oporteat indifferenter Ecclesiasticos
fœdere nuptiarum hæreticis suos filios filiâsque
conjugere, sed * magis accipere, si tamen Catholi-
cos * se fieri promittant.

CAPUT XLII.

Ab hæreticis eulogias accipere non debere.

Ex eodem Concilio, cap. xxxii.

* ex cap.
xxxiii.

NON oportet ab hæreticis eulogias accipere,
quæ sunt maledictiones potius quàm bene-
dictiones : * neque cum hæreticis aut schismaticis pari-
ter orare.

CAPUT XLIII.

Ex eodico
can. Affri-
cana Eccle-
sia cap.
xxv.

*De Episcopis vel sequentibus ordinibus, qui
sacro sancta mysteria contractant, placuit
ab uxoribus abstinere.*

ex Carth.
v. cap. 3.

Ex Concilio Carthaginensi, cap. xxv.

AVRELIUS Episcopus dixit : Addimus, fratres
charissimi, præterea cùm de quorundam Cleri-
corum, quamvis Lectorum erga uxores proprias in-
continentia referretur, placuit quod & in diversis
Conciliis firmatum est, ut Subdiaconi qui sacra my-
steria contractant, & Diaconi & Presbyteri, sed &
Episcopi secundum propria * statuta etiam ab uxori-
bus se contineant, ut tamquam non habentes videan-
tur.

al. * prio-
ra vel prio-
rum.

Canonum pœnitentialium. Lib. 1. 51
tur esse. Quod nisi fecerint, ab Ecclesiastico removeantur officio. Ceteros autem Clericos ad hoc non cogi nisi maturiori ætate. Ab universo Concilio dictum est: Quæ vestra sanctitas est justè moderata, & sancta, & Deo placita sunt, confirmamus.

CAPUT XLIV.

De his qui ad honorem Presbyterij sine examine provecti sunt.

Ex Concilio Nicæno, cap. ix.

Sub Sylvestro. l.

SI qui Presbyteri sine examine sunt provecti, vel cum discuterentur peccata sua confessi sunt, & homines contra Canones commoti manus confessis imponere tentaverint, tales regula non admittit, quia quod irreprehensibile est Catholica defendit Ecclesia.

CAPUT XLV.

De Presbyteris qui uxores acceperunt, vel fornicati sunt.

Ex Concilio Neocæsariensi, cap. i.

Sub Sylvestro. l.

PRESBYTER si uxorem acceperit ab ordine deponatur. Si verò fornicatus fuerit, aut adulterium perpetraverit, ampliùs pelli debet, & ad pœnitentiam redigi.

CAPUT XLVI.

De Diaconis similiter.

Ex eodem Concilio, cap. x.

SIMILI modo etiam Diaconus si eodem peccato subcubuerit, ab ordine ministerii subtrahatur.

CAPUT XLVII.

Ex Concilio
Eliberit. sub
Marcello. I.
cap. 76.

*De Diaconis si antè honorem peccare
probantur.*

al. * Si
quis Dia-
conum.

OVISQUIS * Diaconus se permiserit ordinari, & postea fuerit detectus in crimine mortis, quod aliquando commiserit, si spontè fuerit confessus, placuit eum actâ legitimâ pœnitentiâ post triennium accipere communionem. Quod si alijs eum detexerit, post quinquennium acceptâ pœnitentiâ accipere communionem laicam debere.

CAPUT XLVIII.

*De Monachis & Virginibus propositum non
servantibus.*

Ex epistola Papæ Syricij ad Hymerium Episcopum Terracoensem, cap. vi.

al. * Mona-
charum.

PRÆTEREA Monachorum quosdam atque Monialium * abjecto proposito sanctitatis in tantam protestaris demersos esse lasciviam, ut prius clanculo velut sub monasteriorum prætextu illicita ac sacrilega se contagione miscuerint: postea verò in abruptum conscientiae desperatione perducti de illicitis complexibus liberè filios procrearint, quod & publicæ leges & Ecclesiastica jura condemnant. Has igitur impudicas detestabilesque personas à Monasteriorum cœtu Ecclesiarumque conventibus eliminandas esse mandamus, quatenus retrusæ in suis ergastulis tantum facinus continua lamentatione descentes purificatorio possint pœnitudinis igne decoquere, ut eis vel ad mortem saltem solius misericordiae intuitu per communionis gratiam possit indulgentia subvenire.

CAPUT XLIX.

De subintroductis mulieribus.

Ex Concilio Nicæno, cap. III.

Nicæno. I

INTERDIXIT per omnia magna Synodus, non Episcopo, non Presbytero, non Diacono, nec alicui omnino qui in clero est licere subintroductam habere mulierem, nisi fortè matrem, aut sororem, aut auitam vel eas tantum personas quæ suspiciones *
effugiunt.

al. * omnem suspicionem.

CAPUT L.

De Clericis & Monachis non manentibus in suo proposito.

Ex Concilio Calcedonenſi, cap. VII.

Sub Leone.

I.

QVI semel in clero deputati sunt, aut Monachorum vitam expetiverunt * statuimus neque ad militiam, neque ad dignitatem aliquam venire mundanam *, aut hoc tentantes & non agentes pœnitentiam quominus * redeant ad hoc quod propter Deum primitus elegerunt, anathematizari.

al. * egerunt.

al. * secularem.

al. * ita ut

CAPUT LI.

De clericis qui sunt in ptochiis, Monasteriis atque Martyriis, quæ sub potestate Episcoporum uniuscujusque civitatis existunt.

Ex eodem Concilio, cap. VIII.

CLERICI qui præficiuntur ptochiis *, vel qui ordinantur in monasteriis & basilicis martyrum, sub Episcoporum qui in unaquaque civitate sunt, secundum sanctorum Patrum traditiones potestate

al. * dispensationi pauperum seu ptochiis.

permaneant; nec per contumaciam ab Episcopo suo
diffilient. Qui verò audent evertere hujusmodi for-
mam quocumque modo, nec proprio subijciuntur
Episcopo; si quidem Clerici sunt Canonum correptionibus
* subjaceant, si verò laici, vel monachi fuerint
communione priventur.

al. * censu-
ris item
damnationi
sive ultio-
nibus.

CAPUT LII.

De virginibus vel monachis.

Ex eodem Concilio, cap. xvi.

VIRGINEM quæ se Domino Deo consecravit,
similiter & monachum, non licere nuptialia jura
contrahere: quòd si hoc inventi fuerint perpetrantes
excommunicentur*. Confitentibus autem decrevi-
mus ut habeat auctoritatem ejusdem loci Episcopus
misericordiam humanitatemque largiri.

al. * sint
excommu-
nicati.

CAPUT LIII.

*De his qui fornicantur irrationabiliter, id est
qui miscentur pecoribus, aut cum masculis
polluuntur.*

Ex Ancyra-
no, I.

Ex Concilio Anchirano, cap. xv.

DE his qui irrationabiliter versati sunt, five ver-
santur, quotquot ante vicesimum annum tale
crimen commiserint, quindecim annis exactis in poe-
nitentia communionem mereantur orationum, dein-
de quinquennio in hac communione durantes, tunc
demum oblationis sacramenta contingant. Discu-
tiatur autem & vita eorum qualis tempore poenitudi-
nis extiterit, & ita misericordiam consequantur.
Quòd si inexplebiliter his hædere criminibus, ad agen-
dam poenitentiam prolixius tempus infumant. Quot-
quot autem peracta viginti annorum ætate, & uxores

Canonum pœnitentialium. Lib. I. 55
habentes hoc peccato prolapsi sunt, viginti quinque
annis pœnitundinem gerentes in communionem sus-
cipiantur orationum, in qua quinquennio perduran-
tes tunc demum oblationis sacramenta percipiant.
Quòd si qui & uxores habentes & transcendentes quin-
quagesimum annum ætatis ita deliquerint, ad exi-
tum vitæ communionis gratiam consequantur.

CAPUT LIV.

*De his qui in pecudes, vel in masculos, vel
olim polluti sunt, vel hætenus hoc vitio
tabescunt.*

Ex eodem Concilio, cap. xvi.

EOs qui irrationabiliter vixerint, & leprâ iniusti ^{al. * iniusti.}
criminis alios polluerint, præcepit sancta Syno-
dus inter eos orare qui spiritu periclitantur immundo.

CAPUT LV.

*De his qui adulteras habent uxores, vel si ipsi
adulteri comprobantur.*

Ex eodem Concilio, cap. xix.

Si cuius uxor adulterata * fuerit, vel si ipse adul- ^{al. * adul-}
terium commiserit, septem annorum pœnitentiâ ^{tera.}
oportet eum perfectionem consequi secundum pristi-
nos gradus.

CAPUT LVI.

*De his qui partus suos ex fornicatione diversis
modis interimunt.*

Ex eodem Concilio, cap. xx.

DE mulieribus quæ fornicantur & partus suos
necant, vel quæ agunt secum ut utero con-

ceptos excutiant, antiqua quidem definitio usque ad exitum vitæ eas ab Ecclesia remouet: humanis autem nunc diffinimus, ut eis decem annorum tempus secundum præfixos gradus poenitentiae largiamur.

CAPUT LVII.

De his qui virginum corruptionibus conscij sunt.

Ex eodem Concilio, cap. xxiv.

QUIDAM sponsam habens sororem ejus violavit, & gravidam reddidit; postmodum desponsatam sibi duxit uxorem; illa verò quæ corrupta est laqueo se peremit: hi qui fuerunt conscii post decennem satisfactionem iussi sunt suscipi secundum gradus poenitentiae constitutos.

CAPUT LVIII.

sub Syluestro vel ut aliis placet sub Liberio circa. 364. Interp. Dionys. exiguus.

Vt natalitia vel nuptia in Quadragesima non fiant.

Ex Concilio Laodicæ, cap. lxx.

QUOD non oporteat in Quadragesima aut nuptias, aut natalitia celebrari.

CAPUT LIX.

Vt in Christianorum non saltetur nuptiis.

Ex eodem Concilio, cap. lxxx.

QUOD non oporteat Christianos euntes ad nuptias plaudere, vel saltare, sed venerabiliter cœnare vel prandere sicut Christianos decet.

CAPUT

CAPUT LX.

De parentibus qui fidem sponsaliorum frangunt.

Ex Concilio Heliberitano, cap. LIV.

Anno. 305.
sub Mar-
cello. 1.

SI qui parentes fidem fregerint sponsaliorum, trien-
nii tempore * abstineantur, si tamen iidem sponsus
vel sponsa in gravi crimine fuerint deprehensi, excu-
fati erunt parentes.

al. * absti-
neant se à
commu-
nione.

CAPUT LXI.

*Qualiter sponsus & sponsa benedicantur, &
de castimonia eorum tempore nuptiarum.*

Ex Concilio Carthagenensi, cap. XIII.

Carthag.
IV.

SPONSUS & sponsa cùm benedicendi sunt à Sa-
cerdote, à parentibus suis vel à paranympis of-
ferantur, qui cùm benedictionem acceperint, eadem
nocte pro reverentia ipsius benedictionis in virginitate
permaneant.

CAPUT LXII.

*Quòd aliud sit uxor, aliud concubina, nec
erret quisquis filiam suam in matrimonium
concubinam habenti tradiderit.*

Ex epistola Papæ Leonis ad Rusticum Narbonensem
Episcopum, cap. XVII.

Epist. xcii.
Inquisit. &
resp. IV.

NON omnis mulier viro juncta uxor est viri, quia
nec omnis filius heres est patris: nuptiarum autem
foedera inter ingenuos sunt legitima, & inter æqua-
les: multo prius hoc ipsum Domino constituyente,
quàm initium Romani juris existeret. Itaque aliud

Tome XI.

H

al. * mini-
sterium.

est uxor, aliud concubina, sicut aliud ancilla aliud libera: propter quod etiam Apostolus ad manifestandam harum personarum discretionem testimonium ponit ex genesi, ubi dicitur Abraham: Ejice ancillam & filium ejus; non enim heres erit filius ancillae cum filio meo Isaac. Vnde cum societas nuptiarum ita ab initio constituta sit, ut praeter sexuum conjunctionem haberet in se Christi & Ecclesiae Sacramentum, dubium non est eam mulierem non pertinere ad matrimonium, in qua docetur nuptiale non fuisse mysterium *. Igitur cujuslibet loci Clericus si filiam suam viro habenti concubinam in matrimonium dederit, non ita accipiendum est quasi eam conjugato dederit, nisi fortè illa mulier & ingenua facta & dotata legitime, & publicis nuptiis honestata videatur. Paterno arbitrio viris junctae carent culpa, si mulieres quae à viris habebantur in matrimonio non fuerunt, quia aliud est nupta, aliud concubina.

CAPUT LXIII.

Quòd non sit conjugij duplicatio, quando ancillâ relictâ uxor adsumitur.

Inquisit. &
resp. VI.

Ex eadem Epistola, cap. XIX.

* Hic incipit. Inquis.
VII.
al. * discutienda vel deferenda,

ANCILLAM à thoro abjicere, & uxorem certae ingenuitatis accipere, non duplicatio conjugij, sed profectus est honestatis. * Culpanda est sanè tantulum negligentia, sed non penitus desperanda *, ut crebris exhortationibus incitati, quod necessariè expetierint fideliter exequantur. Nemo enim desperandus est dum in hoc corpore constitutus est, quia nonnumquam quod diffidentiâ ætatis differtur, consilio maturiori perficitur.

CAPUT LXIV.

Quòd debeant femina, quae captis viris nupsē-

Canonum pœnitentialium. Lib. 1. 59
rant aliis , regressis de captivitate viris
prioribus copulari , ut quod suum est unus
quisque recipiat.

Ex epistola Papæ Leonis ad Nicetam Aquileiensem Episcopum, *Leonis. 1.*
cap. XLII. *Epist.*
LXXIX.

Cùm ergo per bellicam cladem , & per gravissimos
hostilitatis incurfus , ita quædam dicatis divisa
esse conjugia , ut abductis in captivitatem viris feminæ
eorum remanserint destitutæ , quæ viros proprios aut
interemptos putarent , aut numquam à dominatione
crediderint liberandos , & in aliorum conjugium soli-
tudinē * cogente transferint. Cùmque nunc statu *al. * solici-*
rerum auxiliante Domino in meliora converso , non-
tudinē.
nulli eorum qui putabantur periisse remearint , meri-
tò charitas tua videtur ambigere quid de mulieribus ,
quæ aliis junctæ sunt viris , à nobis debeat ordinari.
Sed quia novimus scriptum quod à Domino jungitur *Proverb. 19.*
mulier viro ; & iterum præceptum agnovimus : *ut quod Math. 19.*
Deus junxit , homo non separet. Necesse est ut legiti-
marum fœdera nuptiarum redintegrandam credamus ,
& remotis malis quæ hostilitas intulit , unicuique id
quod legitimè habuit reformetur , omnique studio
procurandum est ut recipiat unusquisque quod pro-
prium est.

CAPUT LXV.

Quòd non probetur esse culpabilis , qui uxorem
capti in matrimonio videtur esse sortitus.

Ex eadem epistola , cap. * XLIII.

* Cap. 11.

NE c tamen culpabilis judicetur & tamquam alie-
ni juris pervasor habeatur qui personam ejus ma-
riti , qui * jam non esse æstimabatur , adsumpsit. Si enim *al. * quia*
multa quæ ad eos , qui in captivitatem ducti sunt , per-
tinebant , in jus alienum transire potuerint , & tamen

H ij

plenum iustitiæ est, ut iisdem reversis propria refo-
mentur. Quod si in mancipiis vel in agris aut etiam in
domibus ac possessionibus ritè servatur, quanto magis
in conjugiorum redintegratione faciendum sit, ut
quod bellica necessitate turbatum est, pacis remedio
reformatur?

CAPUT LXVI.

*Vt si viri de captivitate regressi intemperantia
uxorum offensi non fuerint, & voluerint
eas in conjugium recipere, liberam habeant
facultatem.*

* Cap. III.

Ex eadem epistola, cap. * XLIV.

ET ideò si viri post longam captivitatem reversi ita
in dilectione suarum conjugum perseverant, ut
eas cupiant in suum redire consortium, omittendum
est & inculpabile judicandum quod necessitas intulit,
& restituendum quod fides poscit.

CAPUT LXVII.

*Vt si mulieres ad priores maritos redire nolue-
rint, velut impia ecclesiastica communione
privanda sunt.*

* Cap. IV.

Ex eadem epistola, cap. * XLV.

SI autem aliquæ mulieres ita posteriorum virorum
amore sunt captæ, ut malint his cohærere, quàm
ad legitimum redire consortium, meritò sunt notan-
dæ, ita ut etiam Ecclesiastica communione priventur;
quæ * de re excusabili contaminationem criminis ele-
gerunt, ostendentes sibimet pro sua incontinentia
placuisse, quod iusta remissio poterat expiare. Re-
deant ergo in suum statum voluntaria redintegratione

al. * quia
inexcusabi-
ter conta-
minatio-
nem.

conjugia, neque ullo modo ad opprobrium malæ voluntatis trahatur, quod conditio necessitatis extorsit; quia sicut hæ mulieres, quæ revertere ad viros suos nolunt, impiæ sunt habendæ, ita illæ quæ in affectum ex Deo initum redeunt meritorè sunt laudandæ.

CAPUT LXVIII.

Quòd non liceat alterius sponsam ad matrimonii jura sortiri.

Ex epistola Papæ Syricij ad Hymerium Terraconensem Episcopum, cap. iv.

DE conjugali autem violatione *requisisti, si desponsatam alij puellam alter in matrimonium possit accipere. Hoc ne fiat modis omnibus inhibemus, quia illa benedictio quam nupturæ Sacerdos imponit apud fideles cujusdam sacrilegij instar est, si ulla transgressione violetur.

al. * violatione.

CAPUT LXIX.

De raptoribus.

Ex epistola Papæ Symmachi ad Cæsarium, cap. iiii.

Arelatensem Episcopum, cap. iv.

RAPTORES igitur viduarum, vel virginum, ob immanitatem tanti facinoris detestamur, illos vehementiùs persequendo, qui sacras * virgines vel volentes vel invitas matrimonio suo sociare tentaverint; quos pro tam nefandissimi criminis atrocitate à communione suspendi præcipimus.

al. * Deo sacratas.

CAPUT LXX.

De his qui rapiunt puellas.

Ex Concilio Calcedonensi, cap. xxvii.

Sub Leone.

EOs qui rapiunt mulieres sub * nomine simul habitandi, cooperantes aut conniventes raptoribus

al. * hospitalis toleratij nomine.

H iij

decrevit sancta Synodus, ut si quidem Clerici sunt decidant gradu proprio, si verò laici anathematizentur.

CAPUT LXXI.

De desponsatis puellis & ab aliis corruptis.

*Ex Ancy.
1. sub Syl-
vestro. 1.*

Ex Concilio Ancyrano, cap. x.

DESPONSATAS puellas, & post ab aliis raptas, placuit erui & eis reddi quibus antè fuerant desponsatæ, etiam si eis à raptoribus vis inlata constiterit.

CAPUT LXXII.

De raptoribus si ad Ecclesiam confugerint.

Aurelian. 1.

Ex Concilio Aurelianensi, cap. 11.

DE raptoribus autem id constituendum esse censuimus, ut si ad Ecclesiam raptor cum rapta con-
venerit, & feminam ipsam violentiam pertulisse consti-
terit, statim liberetur de potestate raptoris, & raptor
mortis vel pœnarum impunitate concessa, aut servien-
di conditioni subiectus sit, aut redimendi se liberam
habeat facultatem. Si verò quæ rapitur patrem habere
constiterit, & puella raptori * consenserit, potesta-
te * patris excusata reddatur, & raptor à patre superio-
ris conditionis satisfactione teneatur obnoxius.

*al. * rapto-
ri aut ra-
pienda aut
rapta.
al. * po-
testati.*

CAPUT LXXIII.

*Quòd hi qui intercedente repudio divortium
pertulerunt, aliisque se junxerint nuptiis,
adulteri esse monstrantur.*

*Innoc. 1.
epist. 3.*

Ex epistola Papæ Innocentij ad Exuperium Tolosanum
Episcopum, cap. vi.

DE his etiam requisivit dilectio tua, qui interve-
niente repudio alij se matrimonio copularunt,

Canonum pœnitentialium. Lib. 1. 63

quos in utraque parte adulteros esse manifestum est. Qui * verò & uxore vivente, quamvis dissociatum esse videatur conjugium, ad aliam tamen copulam festinarunt, neque possunt adulteri non videri, in tantum ut etiam hæ personæ, quibus tales conjuncti sunt, etiam ipsæ adulterium commisisse videantur; secundum illud quod legimus in Evangelio : *Qui dimiserit uxorem suam, & duxerit aliam, mæchatur: Similiter & qui dimissam duxerit, mæchatur.* Et ideo omnes * à communione fidelium abstinendos. De parentibus autem aut de propinquis eorum nihil tale statui potest, nisi si incentores illiciti consortij fuisse detegantur.

*al. * qui ergo vel quæ, viro, vel.*

Math. 19.

** al. tales.*

CAPUT LXXIV.

De his qui uxores, aut quæ viros dimittunt, ut sic maneant.

Ex Concilio Africano, * cap. LXIX.

PLACUIT ut secundum Evangelicam & Apostolicam disciplinam neque dimissus ab uxore, neque dimissa à marito alteri conjungantur, sed ita maneant aut sibimet reconcilientur. Quod si contempserint, ad pœnitentiam redigantur; in qua causa legem Imperialem petendam promulgavi.

** vulgo dicto seu collectione variorum canon. d. Concilii Africanae provincie.*

CAPUT LXXV.

De feminis quæ relictis viris suis aliis nubunt.

Ex Concilio Heliberitano, cap. VIII.

ITEM feminæ quæ nullâ præcedente causâ relinquerint viros suos, & alteri se copulaverint *, nec in fine accipiant communionem.

Sub Marcello. 1.

*al. * & in hoc permanere voluerint, nec &c.*

CAPUT LXXVI.

De feminis quæ adulteros relinquunt, & aliis nubunt.

Ex Concilio quo supra, cap. ix.

ITEM femina fidelis, quæ adulterum maritum reliquerit fidelem, & alterum ducit, prohibeatur ne ducat; si autem duxerit, non prius accipiat communionem, quàm is quem reliquit de sæculo exierit, nisi fortè necessitas infirmitatis dare compulerit.

CAPUT LXXVII.

De secularibus, ut sine iudicio Episcopi culpabiles conjuges non relinquant.

Ex Concilio Agathensi, cap. xxvi.

*Circiter annum 506.
cap. xxv.*

*al. * hoc
verbum*

*al. * Episcopos.com-
provincia-
les causas.
al. * sancto.*

HI verò sæculares qui conjugale consortium nulla * culpa graviore dimittunt, vel etiam dimiserunt, & nullas causas discidii probabiliter proponentes, propterea sua matrimonia dimittunt, ut aut aliena aut illicita præsumant. Si antequam apud Episcopum * comprovincialem discidij causam dixerint, & prius uxores quàm iudicio damnentur abjecerint, à communione Ecclesiæ, ac * sancti populi coetu pro eo quod fidem conjugij maculant excludantur.

CAPUT LXXVIII.

De multinubis.

Ex Concilio Neocæsariensi, cap. iii.

*Sub Sylvestro an.
314.*

DE his qui in plurimas nuptias inciderunt, tempus quidem præfinitum manifestum est, sed conversatio eorum & fides tempus abbreviat.

CAPUT LXXIX.

De virginibus secularibus si machaverint.

Sub Marcello. 1.

Ex Concilio Heliberitano, cap. xiv.

VIRGINES

VIRGINES quæ virginitatem suam non custodierint, si eosdem qui eas violaverint maritos * acceperint; eo quòd solas nuptias violaverint, post anni unius pœnitentiam reconciliari debebunt; vel si alios cognoverint viros, eo quòd mœchatae sunt, placuit per quinquennii tempora actâ legitimâ pœnitentiâ admitti eas ad communionem oportere.

*al. * duxerint & tenuerint maritos.*

CAPUT LXXX.

De bigamis.

Ex Concilio Laodicæ, cap. 1.

DE his qui secundum Ecclesiasticam regulam liberè ac legitimè secundis nuptiis juncti sunt, nec occultè nuptiarum copulam fregerunt *, oportet ut parvo tempore transacto vacent orationibus & jeuniis, quibus etiam juxta indulgentiam communionem reddi decrevimus.

*Sub Silvestro vel posterioribus Liberio. Interp. Dion. exiguu. al. * fecerunt.*

CAPUT LXXXI.

De eo qui uxorem habet, si concubinam habuerit, ut non communicet.

Ex Concilio Toletano, cap. xvii.

Ex Toletano primo.

CETERUM is qui non habet uxorem, & pro uxore concubinam habet, à communionem non repellatur; tantum ut unius mulieris, aut uxoris, aut concubinæ, ut ei placuerit, sit conjunctione contentus. Aliàs verò vivens abjiciatur, donec desinat, & ad pœnitentiam revertatur.

CAPUT LXXXII.

De eo qui uxorem habens sæpius machatur.

Ex Concilio Heliberitano, cap. xlvii.

Tome XI.

I

SI quis fidelis habens uxorem non semel sed saepe fuerit moechatus, in fine mortis est conveniendus; quòd si se promiserit cessaturum, detur ei communio; si resuscitatus rursus fuerit moechatus, placuit ulteriùs non ludere eum de communione pacis.

CAPUT LXXXIII.

De viris conjugatis postea in adulterium lapsis.

Ex Concilio quo supra, cap. LXIX.

SI quis fortè habens uxorem semel fuerit lapsus, placuit eum quinquennium agere de ea re poenitentiam, & sic reconciliari; nisi necessitas infirmitatis coegerit ante tempus dare communionem. Hoc & circa feminas observandum.

CAPUT LXXXIV.

Quòd viri cum adulteris uxoribus non conveniant.

Epistola 3.
Innoc. 1.

Ex epistola Papæ Innocentij ad Exsuperium, cap. IV.

ET illud desiderandum est sciri, cur communi-
cantes viri cum adulteris uxoribus non conveniant, cùm contra uxores in consortium adulterorum virorum manere videantur. Super hoc christiana religio adulterium in utroque sexu pari ratione condemnat; sed viros suos mulieres non facilè de adulterio accusant, & non habent latentia peccata vindictam: viri autem liberiùs uxores adulteras apud Sacerdotes deferre consueverunt: & idè mulieribus prodito earum crimine communio denegatur; viro-
rum autem latente commisso non facilè quisquam ex suspicionibus abstinetur: qui utique submovebitur, si ejus flagitium detegatur. Cùm ergo par causa sit, interdum probatione cessante vindictæ ratio conquiescit.

CAPUT LXXXV.

De mulieribus quæ lenocinium fecerint.

Ex Concilio Heliberitano, cap. xii.

MA TER * vel parens, vel quælibet fidelis, si ^{al. * pater.} lenocinium exercuerit, eo quòd alienum vendiderit corpus vel potiùs suum, placuit eam nec in fine accipere communionem.

CAPUT LXXXVI.

De feminis quæ conscijs maritis adulterant.

Ex Concilio quo supra, cap. lxx.

SI conscio marito uxor fuerit mœchata, placuit nec in fine dandam ei esse communionem: si verò eam reliquerit, post decem annos accipiat communionem.

CAPUT LXXXVII.

De fidelibus conjugatis si cum Iudæa vel Gentili mœchaverint.

Ex Concilio quo supra, cap. lxxviii.

SI quis fidelis habens uxorem cum Iudæa vel Gentili fuerit mœchatus, à communione arceatur: quòd si alius eum detexerit, post quinquennium actâ legitimâ pœnitentiâ poterit dominicæ sociari communioni.

CAPUT LXXXVIII.

Ex Concilio Bracarensi, cap. lxxiv.

SI cujus uxor adulterium fecerit, aut vir in alienam uxorem intruerit, septem annis pœnitentiam agat.

I ij

Ex capitulis
Marini
Bracarensis
Episcopi, ex
Orienta-
lium præfer-
tim Synodis
collectis,
cap. lxxvi.

CAPUT LXXXIX.

*De his quæ duobus fratribus nupserint, vel qui
duas sorores acceperint.*

*Sub Silve-
stro an. 314.*

Ex Concilio Neocæsariensi, cap. II.

MV L I E R si duobus fratribus nupserit, abjiciatur usque ad mortem: verumtamen in exitu propter misericordiam si promiserit quod facta incolumis hujus conjunctionis vincla dissolvat, fructum poenitentiae consequatur: quod si defecerit mulier, aut vir in talibus nuptiis, difficilis erit poenitentia in vita permanenti.

CAPUT XC.

*De incestis, ut quamdiu in scelere sunt, inter
cathecumenos habeantur.*

*Ilerdensi,
tempore
Johannis
Papa, circi-
ter. 524.
et. * incesta.*

Ex Concilio Hilardenfi, cap. IV.

DE his qui se incesti * pollutione commaculant, placuit, ut quousque in ipso detestando & inlicito carnis contubernio perseverant, usque ad Missam tantum cathecumenorum in Ecclesia admittantur; cum quibus etiam nec cibum sumere ullum Christianorum, sicut Apostolus iussit, oportet.

CAPUT XCI.

*De his qui proximis se copulant, ut à commu-
nione Christi separentur.*

Ex Tolet. 1.

Ex Concilio Toletano, cap. V.

NA M & hæc salubriter præcavenda sancimus, nè quis fidelium propinquam sanguinis sui usquequo affinitatis liniamenta generis successione cognoscit, in matrimonio sibi desideret copulari: quoniam

Canonum pœnitentialium. Lib. 1. 69

scriptum est : *Omnis homo ad proximam sanguinis sui non* Levit. 18.
accedat, ut revelet turpitudinem ejus. Nec sine denun-
tiatione fit sententiæ. Nam paulò pòst infert & dicit :
Anima quæ fecerit de abominationibus istis quidpiam,
peribit de medio populi sui. Si quis ergo hujus decreti
temerator extiterit, ac vetitum violare præsumperit,
tantò graviore se mulctandum sententia recognoscat;
quantò & propinquiorem cui se copulari maluit, suæ
originis esse non ambigat ; tantòque annosioris ex-
communicationis tempore à Christi corpore ac frater-
nitatis consortio sequestretur, quantò fuerit propin-
quioris sanguinis contagione pollutus. Hujus insti-
*tutionis regulam, cui * subscribimus, irrefragabili* al. * quam,
auctoritate nos spondemus servaturos. Si quis autem vel cui.
tam nostrum vel eorum qui nunc sanctæ Synodo ex
hac provincia defuerunt, huic tam salubri ordinationi
obviare præsumperit, vel solleter adimplere negle-
xerit, convictus totius fraternæ charitatis aliquando
habeatur extraneus.

CAPUT XCII.

De incestis conjunctionibus ; & widua vel
virgine in uxore furata : & de ariolis
& aruspiciibus.

Ex Concilio Agathensi * cap. lxi.

DE incestis conjunctionibus nihil prorsus veniæ
 reservamus, nisi cùm adulterium separatione
 sanaverint : incestos verò nullo conjugij nomine depu-
 tandos, quos etiam designare funestum est, hos esse
 censemus. Si quis relictam fratris, quæ pene prius so-
 ror extiterat, carnali conjunctione ^a violaverit : Si
 quis frater germanam ^b uxoris accipiat. Si quis nover-
 cam duxerit : Si quis consobrinæ ^c se societ : ^d quod
 ita præsentis tempore prohibemus, ^e ut ita ea quæ sunt
 ante nos instituta non dissolvamus. Si quis relictæ vel

I iij

* An. 506.

al. ^a pollue-

rit.

al. ^b acci-

perit uxo-

rem.

al. ^c socia-

verit.

^d In re-

liquis est

transpositio

& omisso

nonnullo-

rum.

al. ^e Vt ea

quæ sunt

hactenus.

filiae avunculi misceatur, aut patruī filiae vel privignae
f. Aut qui ex propria consanguinitate ali- suae conjugio polluat^r. Sanè quibus conjunctio inli-
 cita interdicitur habebunt ineundi melioris conjugii
 libertatem.

quam aut quam consanguinem habuit concubitu polluat, aut duxerit uxorem; quos
 omnes & olim, atque sub hac constitutione incestos esse non dubitamus, & inter cathe-
 cumenos usque ad legitimam satisfactionem manere & orare praecipimus: quod ita prae-
 senti tempore prohibemus, ut ea quae sunt haecenus instituta non dissolvamus.

Gregorius sanctissimus ac beatissimus Papa dixit.

DE o verò favente sollicitudine nimia freti ani-
 maquiori mente divino juvamine pro salute
 omnium studere debemus, ut inconfuso vultu non de
 fraude cujusquam perculsi adstare aeterno judici me-
 reamur, & vocem audire inquietem: *Euge serve bone
 & fidelis, quia super pauca fuisti fidelis supra multa te
 constituam, intra in gaudium Domini tui.* Hinc namque
 est, quod ingemiscens dico, quia populi Christiani ali-
 quos per provinciam Italiam hanc commorantes au-
 dio temerè contra Catholicam fidem & Patrum statu-
 ta agere*; ita ut Deo sacratas feminas ducere praesu-
 mant mulieres, & propinquas conjugio socient: quod
 opportunum est spiritali amputari mucrone, atque si
 vestrae placet sanctitati radicibus evelli, ne seges boni
 agricolae zizaniorum* mixta horrentibus fructatis for-
 descat. Et infra:

*al. * patra-
 re.*

*al. * ini-
 quorum.*

*al. * Pres-
 byterum.*

*al. * Si
 quis Pres-
 byter vel
 Diaconus
 duxerit
 uxorem.*

** Et sic de-
 incipit in le-
 gentibus
 canonibus:
 quod in edit.
 non reperit-
 tur.*

I. Si quis Presbyteram* duxerit in conjugio, anathe-
 ma sit. Et responderunt omnes tertio, anathema sit.

II. Si quis Diaconum* duxerit in conjugio, ana-
 thema sit. Et responderunt omnes tertio, anathema
 sit*.

III. Si quis Monacham, quam Dei ancillam appel-
 lant, in conjugio duxerit, anathema sit. Et respon-
 derunt omnes tertio, anathema sit.

IV. Si quis conmatrem spiritalem duxerit in conju-
 gio, anathema sit. Et responderunt omnes tertio,
 anathema sit.

V. Si quis fratris uxorem duxerit in conjugio, anathe-
 ma sit. Et responderunt omnes tertio, anathema sit.

Canonum pœnitentialium. Lib. 1. 71

VI. Si quis neptem duxerit in conjugio, anathema sit. Et responderunt omnes tertiò, anathema sit.

VII. Si quis novercam aut nurum suam duxerit in conjugio, anathema sit. Et responderunt omnes tertiò, anathema sit.

VIII. Si quis consobrinam duxerit in conjugio, anathema sit. Et responderunt omnes tertiò, anathema sit.

IX. Si quis de propriâ cognatione, vel quam * co- al. * in edit. in qua. gnatus habuit, duxerit uxorem, anathema sit. Et responderunt omnes tertiò, anathema sit.

X. Si quis viduam * furatus fuerit in uxorem, vel Item *, virginem raperit vel. consentiens ei, anathema sit. Et responderunt omnes tertiò, anathema sit.

XI. Si quis virginem, nisi * desponsaverit, furatus fuerit in uxorem, & consentientibus * ei, anathema sit. Et responderunt omnes tertiò, anathema sit. al. * quam sibi non. al. * vel consentiens ei aut cum consentientibus & una cum sibi faventibus.

XII. Si quis ariolos, aruspices, vel incantatores observaverit, aut phylacteriis usus fuerit, anathema sit. Et responderunt omnes tertiò, anathema sit.

CAPUT XCIII.

De his qui divinationes expetunt.

Ex Concilio Ancyrano, cap. xxiii.

Ancyr. 1.

QVI divinationes expetunt, & morem gentiliū subsequuntur; aut in domos suas huiusmodi homines introducunt exquirendi aliquid arte malefica, aut expiandi causa, sub regula quinquennii jaceant secundum gradus pœnitentiæ definitos.

CAPUT XCIV.

De divinis & sortilegis.

Ex Concilio Bracarenſi, cap. xx.

Ex capitulis Martini Bracarenſis, cap. LXXI.

SI quis paganorum consuetudinem sequens divinos & sortilegos in domum suam introduxerit, quasi ut malum foras mittant, aut maleficia inveniant, vel lustrationes paganorum faciant; quinque annis poenitentiam agant.

CAPUT XCV.

De eo quod non liceat Christianis observationes diversas adtendere.

Ex Concilio quo supra, cap. xxi. *

* cap.

LXXII.

ai. * tenere
tradit. gen-
til. & ob-
servare.

Coloss. 3.

NON liceat Christianis traditiones * gentilium observare, vel colere elementa, aut lunæ aut stellarum cursum, aut inanem signorum fallaciam pro domo facienda, vel propter segetes vel arbores plantandas, vel conjugia socianda. Scriptum est enim: *Omnia quæ facitis aut in verbo, aut in opere, omnia in nomine Domini nostri JESU CHRISTI facite, gratias agentes Deo.*

CAPUT XCVI.

Ex Concilio quo supra, cap. xxii. *

* cap.

LXXIV.

addunt edi-
ta * Crea-
tor om-
nium &
Dom.

sub Anast.
an. 398.

* Carthag.
iv.

NON liceat in collectione herbarum, quæ medicinales sunt aliquas observationes aut incantationes adtendere, nisi tantum cum Symbolo divino & oratione Dominica, ut tantum Deus * & Dominus honoretur.

CAPUT XCVII.

Ex Concilio Carthaginensi *, cap. LXXXIX.

al. * feris
vel feriis.

AVGURIIS vel incantationibus servientem à conventu Ecclesiæ separandum. Similiter & Judaicis superstitionibus, vel * fereis inhærentem.

CAPUT

CAPUT XCVIII.

Ex Concilio Bracarenſi, cap. xxiii. *

NON liceat mulieres Chriſtianas vanitatem * in ſuis laneficiis obſervare, ſed Deum invocent adjutorem, qui eis ſapientiam texendi donavit.

* Ex colle-
ctis capp.
Martini
Brac. Epiſ.
cap. lxxv.
al. * ali-
quam va-
nit.

CAPUT XCIX.

*De his qui partus ſuos ex fornicatione diverſis
modis interimunt.*

Ex Concilio Ancyrano, cap. xx.

DE mulieribus quæ fornicantur & partus ſuos ne-
cant, vel quæ agunt ſecum ut utero conceptos
excutiant: antiqua quidem diffinitio uſque ad exitum
vitæ eas ab Eccleſia removet; humaniùs autem nunc
diffinimus, ut eis decem annorum tempus ſecundùm
præfixos gradus pœnitentiæ largiamur.

ex Ancy. 1.
hoc idem
cap. ſupra
num. lvi.

CAPUT C.

De homicidis.

Ex Concilio quo ſupra, cap. xxi.

QUI voluntariè homicidium fecerint, pœniten-
tiæ quidem jugiter ſe ſubmittant, perfectionem
verò circa vitæ exitum conſequantur.

CAPUT CI.

*De his qui non ſponte homicidium
commiſerunt.*

Ex Concilio quo ſupra, cap. xxii.

DE homicidiis non ſponte commiſſis, prior qui-
dem diffinitio poſt ſeptennem pœnitentiam per-
Tome XI. K

fectionem consequi præcepit, secunda verò quinquennii tempus explere.

CAPUT CII.

Si domina per zelum ancillam occiderit.

Ex Concilio Heliberitano, cap. v.

al. * domi-
na.
al. * in

al. * ad
commu-
nion. plac.
admitti.

SI quæ femina * furore zeli accensa flagellis verberaverit ancillam suam, ita ut infra * tertium diem animam cum cruciatu effundat: & quodd incertum sit voluntate an casu occiderit; si voluntate, post septem annos, si casu, per quinquennii tempora actâ legitimâ pœnitentiâ à * communione placuit abstinere: quodd si infra tempora constituta fuerit infirmata, accipiat communionem.

CAPUT CIII.

Si quicumque per maleficium hominem interfecerit.

Ex Concilio quo supra, cap. vi.

al. * venefi-
cio.
al. * nisi in
fine imper-
tiendam
non esse
illi, &c.

SI quis verò maleficio * interficiat alterum, eo quodd sine idolatria perficere scelus non potuit, nec * in fine impertiendam illi communionem.

CAPUT CIV.

Ex Concilio Bracarenfi, cap. xvi.

Ex Braca-
rensi Con-
cil. primo,
aliis secun-
do, hoc ca-
put sic inci-
pit.
Item pla-
cuit ut hi,
&c.
al. * vio-
lentiâ.

DE his qui sibi quacumque negligentia mortem inferunt, eorum commemoratio in oblatione non fiat. Similiter & de his qui pro suis sceleribus puniuntur. Placuit ut hi qui sibi ipsis aut per ferrum, aut per venenum, aut per præcipitium, aut suspendium, vel quolibet modo violentam * inferunt mortem, nulla pro illis in oblatione commemoratio fiat; neque cum psalmis ad sepulturam eorum cadavera deducan-

Canonum pœnitentialium. Lib. I. 75

tur : multi enim sibi hoc per ignorantiam * usurpa-
runt. Similiter & de his placuit fieri, qui pro suis sec-
leribus puniuntur.

CAPUT CV.

De homicidis vel falsis testibus.

Ex Concilio Agathense, cap. xxxv. *

Anno 506.
habito. in

Edit. *

xxxvii.

ITAQUE censuimus homicidas & falsos testes à
communione Ecclesiastica submovendos, nisi pœ-
nitentiæ satisfactione crimina admissa diluerint.

CAPUT CVI.

De his qui servos suos extra iudicem necant.

Ex Concilio Agathensi, cap. lxiij.

cap. lxiij.
in edit.

SI quis servum proprium sine conscientia iudicis
occiderit, excommunicatione, vel pœnitentia
biennii reatum sanguinis emundabit *.

al. * emen-
dabit.

CAPUT CVII.

*De servis qui ad Ecclesiam confugerint, ut
post iuramentum exire nolentes liceat
occupare.*

Ex Concilio Aurelianensi, cap. iij.

Aurel. i.

SERVUS qui ad Ecclesiam pro qualibet culpa con-
fugerit, si à domino pro admissa culpa sacramen-
tum * suscepit, statim ad servitium domini sui redire
cogatur : & * postea quàm dato sacramento domino
suo fuerit consignatus, si aliquid pœnæ pro eadem
culpa, qua excusatur, probatus fuerit pertulisse, pro
contemptu Ecclesiæ & prævicatione fidei à com-
munionem & convivio Catholicorum * extraneus habea-

al. * sacra-
menta.

al. * sed
post datis
à Domino
Sacramen-
tis.

Hic * ad-
dunt edita :

K ij

Sicut superius comprehensum est.

tur. Si verò servus pro culpa sua ab Ecclesia defensus sacramenta domini Clericis exigentibus de impunitate perceperit, exire nolentem à domino liceat occupari.

CAPUT CVIII.

De discordantibus Episcopis.

Ex Cartha.
IV.

Ex Concilio Carthaginense, cap. xxv.

DISSIDENTES Episcopos, si non timor Dei, Synodus reconciliet.

*Episcopus dissidentes Clericos sive laicos
concordari * compellat.*

al. * concordare.

Ex Concilio Carthaginensi, cap. xxvi.

STUDENDUM Episcopo ut dissidentes fratres sive Clericos sive laicos ad pacem magis quàm ad iudicium hortetur.

CAPUT CIX.

al. * propter.

*De his qui per * odium ad pacem non revertuntur.*

Anno 506.
ut supra.

Ex Concilio Agathensi, cap. xxxi.

PLACUIT etiam ut sicut plerumque fit, quicumque odio aut longinqua inter se lite dissenserint, & ad pacem revocari diuturna * intentione nequiverint, à civitatis primitus Sacerdotibus arguantur; qui si inimicitias deponere perniciofa intentione noluerint, de Ecclesiæ cœtu iustissima excommunicatione pellantur.

al. * diuturna.

CAPUT CX.

De his qui sacramento se obligant ne ad pacem redeant.

Ex Concilio Hilerdensi, cap. vii.

QVI sacramento se obligaverit ut * litigans cum quolibet ad pacem nullo modo redeat, pro perjuriò uno anno à communione corporis & sanguinis Domini segregetur : reatum suum eleemosynis & fletibus, ac quantis potuerit jejuniis absolvat * : ad charitatem verò, *quæ operit multitudinem peccatorum*, celeriter redire festinet.

Circiter

524.

al. * ut litiget cum quolibet ne ad pacem ullo modo.

al. * abluat.

CAPUT CXI.

Vt oblationes fratrum discordantium non recipiantur.

Ex Concilio Carthaginensi *, cap. xcix.

Ex * Carthag. iv.

OBLATIONES dissidentium fratrum neque in gazophylacio, neque in sacrario recipiantur.

CAPUT CXII.

Caput tondere mulieri non licere.

Ex Concilio Agathensi *.

* Ex Concil. Agathensi sub Silvestro i. al. * quæcumque mulier.

QVICUMQUE * mulierem religioni judicans convenire comam sibi amputaverit, quam Deus ad velamen ejus & ad memoriam subjectionis illi dedit, tamquam resolvens jura subjectionis anathema sit.

CAPUT CXIII.

Ne feminae in cimiteriis pervigilent.

Ex Concilio Heliberitano, cap. xxxv.

PLACUIT prohiberi nè feminae in cimiterio pervigilent, eo quòd sæpe sub obtentu orationis latenter scelera committant.

CAPUT CXIV.

*De ultione nequiter judicantium.*Ex Toletano
no IV.

Ex Concilio Toletano, cap. xxxii.

al. * & po-
testates.al. * emen-
dare.

EPISCOPI in protegendis populis ac defendendis impositam à Deo sibi curam non ambigant, ideoque dum conspiciunt iudices ac potentes * pauperum oppressores existere, prius eos Sacerdotali commonitione redarguant; & si contempserint, emendari * eorum insolentiam regiis auribus intiment, ut quos Sacerdotalis admonitio non flectit ad justitiam, regalis potestas ab improbitate coerceat.

CAPUT CXV.

*Vt nullus civium festivitates majores in villa celebret.*Aurel. i.
al. in edit.
* xxv.

Ex Concilio Aurelianensi, cap. xx.*

UT nulli civium Paschæ, Natalis Domini, vel Quinquagesimæ solemnitatem in villa liceat celebrare, nisi quem infirmitas probabitur tenuisse.

CAPUT CXVI.

De his qui tardiùs ad Ecclesiam accedunt.

Ex Concilio Heliberitano, cap. xxi.

al. * tanto.
al. * absti-
neat.

SI quis in civitate positus tres Dominicas ad Ecclesiam non accesserit, pauco * tempore abstinetur*, ut correptus esse videatur.

CAPUT CXVII.

De laicis, quibus temporibus communicare debeant.

Canonum pœnitentialium. Lib. I. 79

Ex Concilio Agathensi. *

Anno 506.

* cap.

xviii.

SÆCULARES verò qui Natalem Domini, Pascha, Pentecosten non communicaverint, Catholici non credantur, nec inter Catholicos habeantur.

CAPUT CXVIII.

De laicis qui in solemnitatibus ad civitatem non occurrunt.

Ex Concilio, quo supra. *

* cap.

lxiii.

UT cives qui superiorum solemnitatum, id est, Paschæ aut Natalis Domini festivitatibus * cum Episcopis interesse neglexerint, in * quibus civitatibus positus accipiendæ communioni suæ benedictionis desiderio noverint; qui hoc facere neglexerint triennio communione priventur Ecclesiæ.

addunt edi-

ta * vel

Pente-

costes.

sic habent

edita *

(Cum in

civitatis

communi-

onis vel be-

nedictionis

accipiendæ

causâ posi-

tos se nosce

debeant)

triennio

&c.

Ex capitulis

Martini Ep.

Bracar. cap.

lxxxiii.

CAPUT CXIX.

De his qui intrantes in Ecclesiam per nimiam luxuriam suam Sacramento se abstinent.

Ex Concilio Bracarenfi.

SI quis intrat in Ecclesiam Dei, & sacras scripturas non audit, & pro luxuria sua avertit se à communionem Sacramenti, & in observandis mysteriis declinat constitutam regulam disciplinæ, istum talem projiciendum de Ecclesia Catholica esse decernimus, donec pœnitentiam agat, & ostendat fructum pœnitentiæ suæ, ut possit communionem perceptâ indulgentiâ promereri.

CAPUT CXX.

De non permittendum imperare Religiosis.

Ex Concilio Toletano.

Ex Tolera-

no, dicto

decimo

cap. i.

al. * audi-
tu percipia-
tur.
al. * adiit.
al. * cogi-
tur.
al. * extir-
pari.
1. Pet. 5.

al. * ad
suum ne-
fandæ præ-
sumptionis
excidium
& quod.
al. * ei qui.

REVERENTIÆ totius auditum *, quia res adeo * dura non frustra cogimur * hanc duriori extirpare * censura : agnovimus enim quosdam Pontifices præcepti Principis Apostolorum, qui ait : *Pascite qui in vobis est gregem non coactè, sed spontaneè, neque vi dominantes in clero, sed forma facti gregis* : ita esse immemores, ut quibusdam Monasteriis, parrochialibusque Ecclesiis, aut suæ consanguinitatis personas, aut sui favoris participes iniquum sæpe statuant in Prælatum, ita illis providentes commoda inhonesta, ut eisdem deferantur, aut quæ proprio Episcopo dare justus ordo poposcerit, aut quæ rapere deputati exactoris violentia potuerit : proinde decenter omnibus placet, & in præsentem tale rescindi factum, & non esse de cetero faciendum. Nam quisquis Pontificum deinceps aut sanguine propinquis, aut favore sibi personis quibuscumque devinctis, talia commodare lucra tentaverit ausu * nefandæ præsumptionis, & quod visum fuerit devocetur in irritum, & qui ordinabit annuæ excommunicationis ferat excidium. Quæ verò ablata fortasse fuerint, ab eo qui * tulit reddantur in duplum.

CAPUT CXXI.

Quòd usuram non solum Clerici exigere non debeant, sed nec laici Christiani.

Leonis 1.
epist. 1.

Ex epistola Leonis ad Episcopos per Campaniam & diversas provincias.

NEC hoc quoque prætereundum duximus, quosdam lucri turpis cupiditate captos usurariam exercere pecuniam, & fœnore velle ditescere : quod nos non dicam in eos qui sunt in clericali officio constituti, sed in laicos cadere qui Christianos se dici cupiunt, condolemus. Quod vindicari acrius in eos qui fuerint confutati decernimus, ut omnis peccandi oportunitas adimatur.

Explicit Liber I.

INCIPIT

INCIPIT LIBER II.

CAPITULUM I.

De conjuratione vel conspiratione.

Ex Concilio Calcedonensi, cap. xviii.

Sub Leone.
I.

CONJURATIONIS vel conspirationis crimen & ab exteris * legibus est omnino prohibitum, multò magis hoc in Dei Ecclesia ne fiat admonere conveniet. Si qui ergo Clerici vel Monachi reperti fuerint conjurantes, aut conspirantes *, aut insidias ponentes Episcopis vel Clericis *, gradu proprio penitus abjiciantur *.

*al. * secularibus vel veteribus legibus.*

*al. * & per conjurationem calumniam facientes.*

*al. * aut conclericis.*

*al. * excident vel abscindantur.*

CAPUT II.

De delatoribus.

Ex Concilio Heliberitano, cap. lxxiii.

DELATOR si quis extiterit fidelis, & per delationem ejus aliquis fuerit proscriptus vel interfectus, placuit eum nec * in fine accipere communionem: si levior causa fuerit, intra quinquennium accipere poterit communionem, si cathecumenus fuerit, post quinquennii tempora admittatur ad baptismum.

*al. * non nisi in.*

CAPUT III.

De accusatis & accusatoribus.

Ex Concilio Carthaginis, cap. xcvi.

ex Cartha.
iv.

QVÆRENDUM in judicio cujus sit conversationis & fidei is qui accusat, & is qui accusatur.

CAPUT IV.

Quòd excommunicati ad accusationem admitti non debeant.

Ex Concilio Africano*, cap. xcv.

* vulgo dicto, seu collectione variorum canonum Concilii Africana provincia.

PLACUITQUE omnibus, quoniam superioribus Conciliorum decretis de personis quæ admittendæ sunt ad accusationem Clericorum jam constitutum est, & quæ personæ non admittentur non expressum est; idcirco diffinimus eum ritè ad accusationem non admitti, qui postea quàm excommunicatus fuerit, in ipsa adhuc excommunicatione constitutus sive sit Clericus, sive laicus accusare voluerit.

CAPUT V.

Quòd servi & liberti, omnesque infames personæ non debeant accusare.

Ex eodem Concilio, cap. xcvi.

ITEM placuit ut omnes servi vel proprii liberti ad accusationem non admittantur, & omnes quos ad accusanda publica crimina leges publicæ non admittunt. Omnes etiam infamiæ maculis aspersi, id est histriones ac turpitudinibus subjectæ personæ, hæretici etiam, sive pagani, sive Judæi. Sed tamen omnibus quibus accusatio denegatur, in causis propriis accusandi licentia non neganda.

CAPUT VI.

Ut qui unum crimen non probaverit, ad alterum admitti non debeat.

Ex eodem Concilio, cap. xcvi.

ITEM placuit ut quotiescumque Clericis ab accusatoribus multa crimina objiciuntur, & unum ex ipsis, de quo prius egerint, probare non valuerint, ad cetera jam non admittantur.

CAPUT VII.

Qui ad testimonium admittendi sunt.

Ex eodem Concilio, cap. xcviij.

TESTES autem ad testimonium non admittendos, qui nec ad accusationem admitti præcepti sunt, vel etiam quos ipse accusator de sua domo produxerit; ad testimonium autem infra annos quatuordecim ætatis suæ non admittantur.

CAPUT VIII.

De Episcopo qui excommunicat eum, qui sibi soli crimen dicit esse confessum.

Ex eodem Concilio, cap. xcix.

ITEM placuit, ut si quando Episcopus dicit aliquem sibi soli proprium crimen fuisse confessum, atque ille neget*; non putet ad injuriam suam Episcopus pertinere, quod illi soli non creditur, & si scrupulo propriæ conscientiæ se dicit neganti nolle communicare.

*Edit. addunt * & pœnitere noluerit.*

CAPUT IX.

Ut non temere quemquam communicatione privet Episcopus.

** al. * communicatione.*

Ex Concilio quo supra, cap. c.

QVAMDIU excommunicato non communicaverit suus Episcopus, eidem Episcopo ab aliis non communicetur Episcopis, ut magis caveat Episcopus

L ij

copus, ne dicat in quemquam quod aliis documentis convincere non potest.

CAPUT X.

De his qui in accusationem majoris natu veniunt, & ut Episcopum nulli criminoso liceat accusare.

Ex Concilio Carthaginensi, cap. vi. *

* Ex Carthagin. 2. In codice canon. Afric. Ecl. cap. viii. al. * Masculitanus, Masclianitanus vel Maxulianus al. * secularibus. al. * omnibus.

NUMIDIUS Episcopus Assulitanus * dixit: Præterea sunt quamplurimi non bonæ conversationis, qui existimant majores natu vel Episcopos passim vagæque in accusationem pulsandos: debent tam facile admitti nec ne? Aurelius Episcopus dixit: Placet igitur charitati vestræ, ut is qui aliquibus sceleribus * inretitus est, vocem adversus majorem natu non habeat accusandi. Ab universis Episcopis dictum est; si criminosus est, non admittatur, * placet.

CAPUT XI.

De his qui merito facinorum suorum ab Ecclesia congregatione pelluntur.

Ex eodem Concilio *, cap. ix.

* Non extat in Carthag. 2. est que nonus in codice canon. Afric. Ecclesiæ.

AUGUSTINUS Episcopus legatus provinciæ Numidiæ dixit: Hoc statuere dignamini, ut si qui fortè merito facinorum suorum ab Ecclesia pulsi sunt, & sive ab aliquo Episcopo vel Presbytero fuerint in communione suscepti, etiam ipse cum eis pari crimine teneatur obnoxius, refugientes sui Episcopi regulare judicium. Ab universis Episcopis dictum est; Omnibus placet.

CAPUT XII.

*De Presbyteris qui à proprijs corripiuntur
Episcopis.*

Ex eodem Concilio, cap. x.

ALIPPIUS Episcopus legatus Provinciæ Numidiae dixit : Nec illud prætermittendum est, ut si quis fortè Presbyter ab Episcopo suo correptus timore vel superbia inflatus putaverit separatim sacrificia Deo offerenda, vel aliud erigendum altare contra Ecclesiasticam fidem disciplinamque crediderit; non exeat impunitus. Valentinus primæ sedis provinciæ Numidiae dixit : Necessariò disciplinæ Ecclesiasticæ & fidei congrua sunt, quæ frater noster Alippius persequutus est, proinde quid videatur vestræ dilectioni edicite.

*In Cartha.
11.
initio cap. 8.
In codice
autem can.
cap. 10.*

CAPUT XIII.

*Si quis Episcopus absque tempore Synodi in
crimine detentus fuerit, à duodecim
Episcopis audiatur.*

Ex eodem Concilio, cap. XII.

FELIX Episcopus dixit : Suggesto secundum statuta veterum Conciliorum, ut si quis Episcopus, quod non optamus, in reatum aliquem incurrerit, & fuerit ei nimia necessitas non posse plurimos congregare, ne in crimine remaneat, à duodecim Episcopis, & Presbyter à sex Episcopis cum proprio suo Episcopo audiatur; & Diaconus à tribus.

*In cod. can.
cap. XII.
& in Carthag. 11.
cap. 10.*

CAPUT XIV.

*De diversis ordinibus Ecclesiæ servientibus;
ut si quis in causam criminis incurrerit*

L iij

abnuerit iudicium Ecclesiasticum, debeat periclitari: Et ut filij Sacerdotum spectacula secularia non exhibeant.

* In cod.
can. ar. 9.
in Concil.
Carth. III.

* capitulo, xv.

al. * acqui-
sivit.
* Carth.
conc. 3.
cap. x.

* Cap. 9.
Carth. 3.
f * spe-
ctant.

ITEM placuit, quisquis Episcoporum, Presbyterorum, & Diaconorum, seu Clericorum, cum in ecclesia ei fuerit crimen institutum, vel civilis causa fuerit commota, si relicto ecclesiastico iudicio publicis iudiciis purgari voluerit, etiam si pro ipso fuerit prolata sententia, locum suum amittat. Et hoc in criminali actione, in civili verò perdat quod evicit *, si locum suum obtinere maluerit. Hoc etiam placuit, ut à quibuscumque iudicibus Ecclesiasticis ad alios iudices Ecclesiasticos, ubi est major auctoritas, fuerit provocatum, non eis obsit quorum fuerit soluta sententia, si convicti non fuerint, vel inimico animo iudicasse, vel aliqua cupiditate aut gratia depravati. Sanè si ex consensu partium electi fuerint iudices, etiam à pauciore numero quàm constitutum est, non liceat provocari *. Et ut filij Sacerdotum spectacula secularia non exhibeant; sed nec expectent *, licet hoc semper Christianis omnibus interdictum sit, & ubi blasphemix sunt non accedant.

CAPUT XV.

Vt si quis Episcopus accusatur, ad Primum ipsius provincie causa deferatur.

* In cod.
can. cap. 19.
ar. in
Carth. 3.
cap. 7.

cap. xix. *

AVRELIUS Episcopus dixit: Quisquis Episcoporum accusatur, ad Primum provincie ipsius causam deferat accusator, nec à Communione suspendatur, cui crimen intenditur, nisi ad causam suam dicendam electorum iudicum die statuta litteris

evocatus minimè occurrerit ; hoc est infra spatium mensis ex ea die qua eum litteras accepisse constiterit : quòd si aliquas veras necessitatis causas probaverit, quibus eum occurrere non potuisse manifestum sit, causæ suæ dicendæ intra alterum mensem integram habeat facultatem ; verùm tamdiu post mensem secundum non communicet donec purgetur. Si autem ad Concilium universale anniversarium occurrere noluerit, ut vel ibi causa sua terminetur, ipse in se damnationis sententiam dixisse judicetur. Tempore sanè quo non communicat, nec in sua Ecclesia vel parrochia communicet. Accusator autem ejus si numquam diebus causæ dicendæ defuerit, à communione non removeatur ; si verò aliquando defuerit subtrahens se, restituto in communione Episcopo, ipse removeatur à communione accusator, ita tamen ut nec ipsi adimatur facultas causæ peragendæ, si se ad diem occurrere noluisse * probaverit. Illud verò placuit, ut cùm al. in edit. non noluisse * sed non potuisse. agere cœperit in Episcoporum judicio, si fuerit accusatoris persona culpabilis, ad arguendum non admitratur, nisi proprias causas non tamen Ecclesiasticas asserere voluerit.

CAPUT XVI.

De Presbyteris vel Clericis accusatis.

Ex eodem Concilio, cap. xx.

SI autem Presbyteri vel Diaconi fuerint accusati, adjuncto sibi ex vicinis locis * proprius Episcopus * legitimo numero collegarum, quos ab eodem accusati petierunt, id est unà secum in Presbyteri nomine sex, in Diaconi tres, qui ipsorum causas discutiant : eadem dierum & dilationum & à communione remotionum, & discussione personarum inter accusatores, & eos qui accusantur formâ servatâ : reliquorum autem Clericorum causas etiam solus Episcopus ejusdem loci agnoscat, & finiat.

Ex cod. can.
cap. 20.
ex conc.
Carth. 3.
cap. 8.
al. * Cum
prop. & c.
al. * proprio
Episcopo.

CAPUT XVII.

De accusato vel accusatore.

Ex cod. can.
Eccles.
Africana.

Ex eodem Concilio, cap. xxx.

al. * produ-
cere.

ITEM placuit, ut accusatus vel accusator in eo loco unde est ille qui accusatur, si metuit aliquam vim temerariae multitudinis, locum sibi eligat proximum, quo non sit difficile testes perducere * ubi causa finiat-
tur.

CAPUT XVIII.

*Qui de causa sua ad transmarina putaverit
appellandum, in communione minimè
suscipiatur.*

Ex cod. can.
ut supra.

Ex eodem Concilio, cap. xxviii.

ITEM placuit, ut Presbyteri, Diaconi vel ceteri Clerici inferiores in causis quas habuerint, si de iudiciis Episcoporum suorum questi fuerint, vicini Episcopi eos cum consensu sui Episcopi audiant, & inter eos diffiniant adhibiti ab eis Episcopi: quòd & si ab eis provocandum putaverint, non provocent ad transmarina iudicia, sed ad Primates suarum provinciarum, sicut & de Episcopis sæpe constitutum est. Ad transmarina autem qui putaverit appellandum, à nullo intra Africam ad communionem suscipiatur.

CAPUT XIX.

*Vt accusatores de levibus causis non
audiantur.*

Ex Concilio Vasensi, cap. vii.

PLACUIT præterea accusandi licentiam in nostris ordinibus, si qua existat levitate, comprimere, quod

Canonum pœnitentialium. Lib. II. 89

quòd * si Episcopus, aliquem judicat abstinendum *
pro humiliatione & correctione fratris, & adsurgitur,
exorari à ceteris adquiescat fratri, de quo agitur, cor-
rectione & comminatione adhibita; sin autem de cri-
mine aliquem putet esse damnandum, accusatoris vice
* discutiendum se sciat: fas est enim ut quæ uni pro-
bantur, probentur omnibus.

*al. * ut si
Episcopus
sit, qua ju-
dicat absti-
nendum si
pro humi-
liatione &
correctione
fratris ad-
surgit.
al. * vicem.*

CAPUT XX.

De accusatoribus fratrum.

Ex Concilio Arelatense, cap. xxiv.

Ex Arelat.

EOS qui falso fratribus suis capitalia objecisse cri-
mina * convicti fuerint, placuit eos usque ad exi-
tum non communicare, sicut magna * Synodus antè
constituit, nisi digna satisfactione pœnituerint.

*2.
* deest in
editis.
al. * sancta.*

CAPUT XXI.

*Clerici accusatores fratrum ad communionem
recipiantur, non ad clerum.*

Ex Concilio Carthagenensi, cap. lv.

*Ex Carth.
lv.*

UT Episcopi accusatores fratrum excommuni-
cent, & si emendaverint vitium, recipiant eos
ad communionem, non ad clerum.

CAPUT XXII.

*Ne sine accusatore legitimo quispiam
condemnetur.*

Ex Concilio Toletano, cap. xi.

*Ex Toler.
vi.*

DIGNUM est, ut vita innocentis nulla macule-
tur perniciè accusatoris, ideo quisquis à quoli-
bet criminatur, non antè accusatus supplicio detur,
quàm accusator præsentetur, atque legum & cano-
Tome XI. M

num sententiæ exquirantur. Quod si indigna ad accusandum * persona invenitur, ad ejus accusationem non admittatur, nisi ubi pro capite regiae majestatis causa versatur.

al. * ad
causandum.

CAPUT XXIII.

De Clericis frequenter litigantibus.

Ex Carth.
iv. cap. 58.

al. * ad
causandum.

Ejus qui frequenter litigat, & ad accusandum * facilis est, testimonium nemo absque gravi examine recipiat.

* Sic habet Ex Concilio Carthaginensi, cap. vii. & Africano, cap. i.
cap. i.

Concilij
Carthag. v.
sub finem
cap. Nulla
ad testimo-
nium di-
cendum Ec-
clesiastici
cujuslibet
persona
pulsatur.

^b Hic inci-

pit cap. xcv. Concilij Africani vulgò dicti, seu collectionis Canonum Africana provincia. Titulus hic est. Quod excommunicati ad accusationem admitti non debent. Estque cap. i. Carthaginensis septimi. ^c Jam constitutum est, & quæ personæ non admittantur non expressum est, ideoque diffinimus eum ritè ad accusationem non admitti.

DE Clericis placuit, ut nullius ^a Ecclesiastici ad testimonium dicendum persona pulsatur. ^b Placuitque omnibus quoniam superioribus Conciliorum decretis, de personis quæ admittendæ sunt ad accusationem Clericorum non admitti ^c. Qui postea quàm excommunicatus fuerit, in ipsa adhuc excommunicatione constitutus sive sit Clericus sive laicus accusare voluerit.

CAPUT XXIV.

De Episcoporum aut Clericorum accusatoribus.

Ex Concilio Calcedonensi, cap. xxi.

Sub Leone.

i.

an. 451.

CLERICOS aut laicos accusantes Episcopos aut Clericos passim & sine probatione, ad accusationem recipi non debere, nisi prius eorum discutiatur

al. * existi-
mationis, existimationibus * opinio.

CAPUT XXV.

De falsis testibus.

Ex Concilio Heliberitano; cap. LXIV.

FALSUS testis prout crimen est, abstinebitur; si tamen non fuerit causa mortis quod objecit & probaverit, quod diu tacuit, biennij tempore abstinebitur: si autem non probaverit, conventu Clericorum placuit per quinquennium abstineri.

CAPUT XXVI.

*Vt nullus Episcopus vel infra positus die Dominico causas audire * præsumat.*

Ex Concilio Terraconensi, cap. IV.

NVL L U S Episcoporum, aut Presbyterorum, vel Clericorum die Dominico Præpositum cuiuscunque causæ negotium audeat judicare*, nisi * hoc tantum ut Deo statuta solemnia peragant: cæteris verò diebus convenientibus personis illa quæ justa sunt habeant licentiam judicandi *, excepto criminali negotio.

al. * judicare.

Tempore
Hormida
circa 516.

al. * vindicare item ventilare.

al. * nisi ut: sed forte nisi ad.

al. * vindicandi.

CAPUT XXVII.

Vt nullus Episcopus pro judiciis munera accipiat.

Ex Concilio quo supra, cap. X.

OBSE RU ANDUM quoque decrevimus, ne quis Sacerdotum vel Clericorum more sæcularium judicum audeat accipere * pro impensis patrociniis munera, nisi fortè in Ecclesia oblata gratuita, quæ non favore muneris videantur accepta, sed conlatione devotionis inlata. Quòd si quæsitæ * probantur accipere, veluti exactores fœnoris, aut usurarum possessores secundum statuta Patrum se noverint degradandos.

al. * exigere.

al. * quia si qui illa.

CAPUT XXVIII.

*Vt Episcopus nullius causam audiat absque
præsentia Clericorum suorum.*

* Carthag.

iv.

sub finem
cap.

Ex Concilio Carthaginensi *, cap. xxiii.

IR R I T A erit sententia Episcopi, nisi Clericorum
suorum præsentiâ confirmetur.

CAPUT XXIX.

*De discretionem causarum in quibus Sacerdotes
iudices fieri possunt.*

Ex Tolet.

iv.

Honor. i.

Ex Concilio Toletano, cap. xxxi.

al. * con-
sentient.al. * pro-
mittatur.

SÆ P E Principes contra quoslibet majestatis obno-
xios Sacerdotibus negotia sua committunt ; &
quia Sacerdotes à Christo ad ministerium salutis electi
sunt, ibi consentiant * Regibus fieri iudices, ubi jure-
jurando supplicij indulgentia permittitur *, non ubi
discriminis sententia præparatur. Si quis etiam Sacer-
dotum contra hoc commune consultum discussor in
alienis periculis extiterit, sit reus effusi sanguinis
apud Christum, & apud Ecclesiam perdat proprium
gradum.

CAPUT XXX.

De contemptu judicij.

Ex epistola Papæ Bonifacij.

Bonifacij

Papa i.

Epistola. 2.

ad Episcopos
Gallia. an.

419.

al. * versu-
tis agen-
dum cre-
dunt esse
consiliis.

PR O B A T vera esse illa quæ adversum se dicta sunt,
qui ad ea confutanda adesse minimè vult, & nul-
lus dubitat quòd ita iudicium nocens subterfugit ;
quemadmodum ut absolvatur qui est innocens quærit,
sed astuta cavillatio eorum qui versutias * eorum ar-
guendas credunt esse consiliis, numquam innocentia

nomen accipiet *. Confitetur enim de omnibus, quif-
 quis se subterfugere iudicium dilationis * putat: ve-
 niet tamen aliquando ille qui talis perhibetur in me-
 dium, nec proderit illi totiens latuisse, totiens sub-
 terfugisse, quem sui actus & commissa quocumque
 fuerit *, ea quæ obijciuntur illi si vera sunt crimina,
 persequuntur; * ut si adesse voluerit præsens, si confi-
 dit, ad objecta respondeat: quod si adesse neglexerit,
 dilationem sententiæ de absentia non lucretur. Nam
 manifestum est confiteri cum de crimine, qui indulto
 & toties delegato iudicio purgandi se occasione non
 utitur: nihil enim interest utrum in præsenti examine
 omnia quæ dicta sunt comprobentur, cum ipsa quo-
 que pro confessione procurata totiens constet absen-
 tia.

CAPUT XXXI.

*Vt inter discordes Episcopos comprovinciales
 Antistites audiant: quod si damnatus ap-
 pellaverit ad Romanum Pontificem, id
 observandum quod ipse censuerit.*

Ex Concilio Sardicensi, cap. III.

OS I U S Episcopus dixit: Illud quoque necessario
 adjiciendum est, ut Episcopi de sua provincia ad
 aliam provinciam in qua sunt Episcopi non transeant,
 nisi fortè à fratribus suis invitati, ne videamur januam
 claudere charitatis. Quod si in aliqua provincia aliquis
 Episcopus contra fratrem suum Episcopum litem ha-
 buerit, ne unus è duobus ex alia provincia advocet
 Episcopum * cognitorem. Quod si aliquis Episcopus
 iudicatus * fuerit in aliqua causa, & putat se bonam
 causam habere ut iterum Concilium * renovetur; si
 vobis placet, sancti Petri Apostoli memoriam hono-
 remus, ut scribatur vel ab his qui causam examina-
 runt * Julio Romano Episcopo, & si iudicaverit re-
 novandum esse iudicium, renovetur, & det iudices:

M iij

Sub Julio 1.

an. 347.

al. * sta-

rum sit.

al. * Epif-

copos ad

iudicium.

al. * adju-

dicatus.

* al. judi-

cium.

Edita. ad-

dunt * vel

etiam ab

aliis Epif-

copis qui in

provincia

proxima

morantur,

Romano

&c.

* Romanus
Episcopus.

si autem probaverit talem causam esse ut non refricentur ea quæ acta sunt, quæ decreverit * confirmata erunt. Si hoc omnibus placet? Synodus respondit: Placet.

CAPUT XXXII.

Vt nullus accusati sedem usurpet Episcopi.

Ex eodem Concilio, cap. iv.

GAUDENTIUS Episcopus dixit: Addendum est si placet huic sententiæ, quam plenam sanctitate protulistis, ut cum aliquis Episcopus depositus fuerit, eorum Episcoporum iudicio qui in vicinis locis commorantur, & proclamaverit agendum sibi negotium in urbe Roma, alter Episcopus in ejus * cathedra post appellationem ejus qui videtur esse depositus omnino non ordinetur; nisi fuerit causa in iudicio Episcopi Romani determinata.

al. * eadem.

CAPUT XXXIII.

De Clericis à communione summotis ab aliis non recipiendis Episcopis.

Ex eodem Concilio, cap. xvi.

OSIRUS Episcopus dixit: Si hoc quoque omnibus placet, ut siue Diaconus, siue Presbyter, siue quis Clericorum ab Episcopo suo communione fuerit privatus, & ad alterum perrexerit Episcopum, & scierit ille ad quem confugit eum ab Episcopo suo fuisse abjectum, non oportet ut ei communionem indulgeat: quod si fecerit, sciat se convocatis Episcopis causas esse dicturum. Universi dixerunt: Hoc statutum & pacem servabit, & concordiam custodiet.

CAPUT XXXIV.

De excommunicatis apud vicinos Episcopos audiendis.

Ex eodem Concilio, cap. xvii.

OS IUS Episcopus dixit: Quod me adhuc movet reticere non debeo. Si Episcopus quis fortè iracundus, quod non esse debet, citò aut asperè commoveatur adversus Presbyterum, sive Diaconum suum, & exterminare eum de Ecclesia voluerit, providendum est nè innocens damnetur, aut perdat communionem: & ideò habeat potestatem is qui abjectus est, ut Episcopos finitimos interpellet, & causa ejus audiat, ac diligentius tractetur: quia non oportet ei negari audientiam roganti. Et ille Episcopus, qui justè aut injustè eum abjecit, patienter accipiat ut negotium discutiatur, ut vel probetur sententia ejus à plurimis, vel emendetur. Tamen priùs quàm omnia diligenter & fideliter examinentur, eum qui fuerat à communione separatus, ante cognitionem nullus debet præsumere ut eum recipiat & communioni societ. Hi verò qui conveniunt ad audiendum, si viderint Clericorum esse fastigium * & superbiam, quia jam non decet ut Episcopus injuriam vel contumeliam patiatur, superioribus eos verbis castigent, ut obediant honesta præcipienti Episcopo: quia sicut ille Clericis sincerum exhibere debet amorem charitatis, ita quoque vicissim ministri infucata debent Episcopo suo exhibere obsequia.

al. * studium.

CAPUT XXXV.

Quòd non oporteat Clericos habentes adversus se invicem negotia proprium Episcopum relinquere, & ad secularia judicia convolare.

Sub Leone
I. an. 451.

Ex Concilio Calcedonenſi, cap. ix.

SI quis Clericus adverſus Clericum habet negotium, non deferat Episcopum proprium, & ad ſæcularia percurrat judicia, ſed prius actio ventiletur apud Episcopum proprium; vel certè conſilio ejuſdem Episcopi apud quos utræque partes voluerint iudicium continebunt *. Si quis autem præter hæc fecerit, canonicis correptionibus ſubjacebit. Quod ſi Clericus habet cauſam adverſus Episcopum proprium, vel adverſus alterum *, apud Synodum provinciæ judicetur: quod ſi adverſus ejuſdem provinciæ Metropolitanum Episcopus vel Clericus habet querelam, petat * Primatem Diocæſeos, aut ſedem Regiæ urbis Conſtantinopolitanæ, & apud * ipſum judicetur.

al. * obtrinebunt.

al. * extraneum.

al. * ad primam ſedem recurrant.

al. * ibi cauſam definiant.

CAPUT XXXVI.

Si quis excommunicatus ante audientiam communicare præſumpſerit, ipſe in ſe damnationem protulit.

Ex codice
canon. Eccleſiæ
Africane.
cap. 29.

Ex Concilio Carthaginis, cap. xxviii.

ITEM placuit univerſo Concilio, ut qui excommunicatus fuerit pro ſuo neglectu, ſive Episcopus, ſive quilibet Clericus, & tempore excommunicationis ſuæ ante audientiam cõmunionem præſumpſerit, ipſe in ſe damnationis judicetur protuliſſe ſententiam.

CAPUT XXXVII.

Vt Clerici de judicij ſui cognitione non cogantur in publico dicere teſtimonium.

* Seu collectione
variorum
canon. è
Conciliis
Africane
provinciæ.

Ex Concilio Africano *, cap. xxvi.

PETENDUM etiam ut ſtatuerè dignentur, ut ſi qui fortè in Eccleſia quamlibet cauſam jure Apoſtolico

Canonum pœnitentialium. Lib. II. 97

Apostolico Ecclesiis imposito agere voluerint, & fortè decisio Clericorum uni parti displicuerit, non liceat Clericum in iudicium ad testimonium devocari eum qui cognitor vel præsens fuit, & nulla ad testimonium dicendum Ecclesiastici cujuslibet persona pulsetur.

CAPUT XXXVIII.

De Clericis damnatis.

Ex Concilio Africano, cap. xxix.

Ibidem.

ET illud petendum ut statuere dignentur, ut si quis cuiuslibet honoris Clericus iudicio Episcoporum quocumque crimine fuerit damnatus, non liceat eum sive ab Ecclesiis quibus præsuit, sive à quolibet homine defensari, interposita poena damni pecuniæ atque honoris, quo nec ætatem, nec sexum excusare * præcipiant.

*al. * excusandum esse.*

CAPUT XXXIX.

De Clericis qui intra annum causam suam agere non procurarint.

Ex Concilio Africano, cap. xlvi.

Ibidem.

RVRSUM constitutum est, ut quotiens Clericis convictis & confessis in aliquo crimine, vel propter eorum quorum verecundiæ parcitur, vel propter Ecclesiæ opprobrium, aut insolentem insultationem hæreticorum atque gentilium, si fortè causæ suæ adesse voluerint, & innocentiam suam adferere, intra annum excommunicationis hoc faciant: si verò intra annum causam suam purgare contempserint, nullarum eorum vox postea penitus audiatur.

CAPUT XL.

*Quòd electorum iudicum sententia sperni non
debeat.*

Ibidem.

Ex Concilio Africano, cap. LXXXIX.

A iudicibus autem quos communis consensus elegerit, non liceat provocare; & quisquis probatus fuerit pro contumacia nolle obtemperare iudicibus, cum hoc primæ sedis Episcopo fuerit probatum, det litteras, ut nullus ei communicet Episcoporum donec obtemperet.

CAPUT XLI.

*De Presbyteris & Clericis, ut non appellent
nisi ad Africanum Concilium.*

Ex eodem Concilio, cap. xcii.

ITEM placuit, ut Presbyteri, Diaconi vel ceteri inferiores Clerici in causis quas habuerint, si de iudiciis Episcoporum suorum questi fuerint, vicini Episcopi eos audiant, & inter eos quidquid est finiant, adhibiti ab eis ex consensu Episcoporum suorum: quòd si & ab eis provocandum putaverint, non provocent nisi ad Africanum Concilium, vel ad Primate provinciarum suarum. Ad transmarina autem qui putaverit appellandum, à nullo intra Africam in communionem suscipiatur.

CAPUT XLII.

Aurel. 3.

Ex Concilio Aurelianensi, cap. xxxii.

CLERICUS in cuiuslibet gradu positus sine Pontificis sui permissu nullum ad sæculare iudicium præsumat attrahere, neque laico, inconsulto Sacerdote Clericum in sæculare iudicium liceat exhibere.

CAPUT XLIII.

De damnatis & ministrare tentantibus.

Ex Concilio Antiocheno, cap. iv.

*Sub Iulio 1.
an. 341.*

SI quis Episcopus damnatus à Synodo, Presbyter aut Diaconus à suo Episcopo, ausi fuerint aliquid de ministerio sacro contingere, five Episcopus juxta præcedentem consuetudinem, five Presbyter aut Diaconus, nullo modo liceat ei nec in alia Synodo restitutionis spem aut locum habere satisfactionis: sed & communicantes ei omnes abjici de Ecclesia, & maxime si postea quàm didicerint adversum memoratos prolatam fuisse sententiam eisdem communicare tentaverint.

CAPUT XLIV.

De Clericis excommunicatis & laicis.

Ex Concilio Antiocheno, cap. vi.

SI quis à proprio Episcopo communione privatus est, non ante suscipiatur ab aliis, quàm suo reconcilietur Episcopo; aut certè ad Synodum quæ congregatur occurrens pro se satisfaciatur, & persuadens Concilio sententiam suscipiat alteram. Hæc autem definitio maneat circa laicos, & Presbyteros, & Diaconos omnesque qui sub regula esse monstrantur.

CAPUT XLV.

*De Episcopis & Clericis adeuntibus
Imperatorem.*

Ex Concilio Antiocheno, cap. xi.

SI quis Episcopus aut Presbyter, aut quilibet regulæ subiectus Ecclesiæ præter consilium & litteras

N ij

Episcoporum provinciae, & praecipue Metrōpolitani adierit Imperatorem, hunc reprobari & abjici oportet, non solum à communione, verum & ab honore cuius particeps videtur existere; quia venerandi Principis auribus molestiam tentavit inferre contra leges Ecclesiae. Si igitur adire Principem necessaria causa deposcit, hoc agatur cum tractatu & consilio Metrōpolitani & ceterorum Episcoporum, qui in eadem provincia commorantur: qui etiam proficiscentem suis prosequantur epistolis.

CAPUT XLVI.

De damnatis Episcopis aut Clericis, & adeuntibus Imperatorem.

Ex eodem Concilio, cap. xii.

SI quis à proprio Episcopo, Presbyter, aut Diaconus, aut à Synodo fuerit Episcopus forte damnatus, & Imperatoris auribus molestus extiterit, oportet ad majus Episcoporum converti Concilium, & quae putaverint habere iusta plurimis Episcopis suggerant, eorumque discussiones ac iudicia praestolentur. Si verò hæc parvi pendentes molesti fuerint Imperatori, hos nulla venia dignos esse, nec locum satisfactionis habere, nec spem futuræ restitutionis penitus opperiri dijudicamus.

CAPUT XLVII.

De Episcopis ab ejusdem provinciae Sacerdotibus consonanter exclusis.

Ex Concilio Antiocheno, cap. xv.

SI quis Episcopus de certis criminibus accusatus condemnatur ab omnibus Episcopis ejusdem provinciae, cunctique consonanter eandem contra eum formam decreti protulerint, hunc apud alios nullo

Canonum pœnitentialium. Lib. II. 101
modo judicari, sed firmam concordantium Episcoporum provinciæ manere sententiam.

CAPUT XLVIII.

De Synodis quæ ab Episcopis, suis debent temporibus in provincia celebrari.

Ex Concilio Antiocheno, cap. xx.

PROPTER utilitates Ecclesiasticas, & absolutiones earum rerum, quæ dubitationem controversiamque recipiunt, optimè placuit ut per singulas quasque provincias bis in anno Episcoporum Concilia celebrentur. Semel quidem post tertiam septimanam festi Paschalis, ita ut quarta * septimana Pentecostes conveniat Synodus, Metropolitano provinciales Episcopos ammonente. Secunda verò Synodus fiat Idibus Octobris, id est decimo quinto die mensis Octobris, quem hyperbereteon Græci cognominant. In ipsis autem Conciliis adsint Presbyteri, & Diaconi, & omnes qui se laicos existimant, & Synodi experiantur examen. Nullis verò liceat apud se celebrare Concilia, præter eos quibus Metropolitana jura videntur esse commissa.

*al. * in quarta septimana quæ consequitur, id est medio Pentecostes conveniat.*

CAPUT XLIX.

De Episcopis qui ad Concilia non occurrunt.

Ex Concilio Africano *, cap. XLIII.

ITEM placuit, ut quotienscumque Concilium congregandum est, Episcopi qui neque ætate, neque ægritudine, neque aliqua graviori necessitate impediuntur, competenter occurrant; & Primatibus suarum quarumque provinciarum intimetur, ut de universis Episcopis, vel duæ vel tres turmæ fiant, ac de singulis turmis vicissim quotquot electi fuerint ad diem Concilii instantissime occurrant: quòd si non

** vulgo dicto, seu collectione variorum canon. & Conciliis Africana provincia.*

N iij,

potuerint occurrere, excusationes suas in tractoria subscribant, vel si post adventum tractoriae aliqua necessitates repente forsitan ortae fuerint, nisi rationem impedimenti sui apud suum Primate[m] reddiderint, Ecclesiae suae communione debere esse contentos.

CAPUT L.

Vt de alieno Monasterio susceptos nec Praepositos Monasterij nec Clericos liceat ordinare.

Ibidem.

Ex Concilio Africano, cap. XLVII.

ITEM placuit, ut si quis de alterius Monasterio repertum, vel ad Clericatum promovere voluerit, vel in suo Monasterio maiorem Monasterij constituerit, Episcopus qui hoc fecerit à ceterorum communione sejunctus, suae tantum plebis communione contentus sit: & ille neque Clericus neque praepositus perseveret.

CAPUT LI.

De ordine quo depositi iterum ordinentur.

Ex Tolet.
IV.

Ex Concilio Toletano, cap. XXVIII.

al. * sancta.
al. * secundum Synodum.

EPISCOPUS, Presbyter, aut Diaconus si à gradu suo injustè dejectus in secunda * Synodo * innocens reperiatur, non potest esse quod fuerat, nisi gradus amissos recipiat coram altario de manu Episcoporum, si Episcopus est, orarium, annulum, & baculum recipiat, si Presbyter, orarium & planetam; si Diaconus orarium & albam; si Subdiaconus patenam & calicem, sic & reliqui gradus ea in reparationem sui recipiant, quae cum ordinarentur perceperunt.

CAPUT LII.

Vt Episcopus dioecesanos Presbyteros, &

Canonum pœnitentialium. Lib. II. 103
quosdam ex laicis convenire litteris ad Synodum moneat.

Ex Concilio Terraconense, cap. XIII.

EPISTOLÆ tales per fratres * ad Metropolitanos * sunt dirigendæ, ut non solum à cathedralibus * Ecclesiæ Presbyteris, verum etiam de diocesanis ad Concilium trahant, & aliquos de filiis Ecclesiæ sæcularibus secum adducere debeant.

Tempore
Hormisdæ
circa 516.
*al. * pa-*
tres.
*al. * à Me-*
tropolitano.
*al. * è ca-*
thedralis.

CAPUT LIII.

Ut ad Metropolitanum arbitrium Synodus congregetur.

Ex Concilio Arelatensi, cap. XVIII.

AD Arelatensis Episcopi arbitrium Synodus congreganda, ad quam urbem ex omnibus mundi partibus * sub sancti Martini * tempore legimus celebratum fuisse Concilium atque Conventum. Si quis commonitus infirmitatis causa defuerit personam vice sua dirigat.

Ex Arelat.
II.

*Edita addunt * præcipue Gallicanis.*
*al. * Martini.*

CAPUT LIV.

De defensoribus Ecclesiarum ab Imperatore poscendis.

Ex Concilio Carthaginiensi, cap. XIV.

AB Imperatoribus, universis visum est postulandum propter afflictionem pauperum, quorum molestiis sine intermissione fatigatur Ecclesia, ut defensores eis adversus potentias divitum cum Episcoporum provisione delegentur.

Ex Carth.
v. d. 80
cap. 9.

CAPUT LV.

*De his qui Ecclesiastica ministeria præter
Ecclesiam faciunt.*

Tempore
Silvestri
circa 324.

Ex Concilio Gangrensi, cap. vi.

SI quis extra Ecclesiam seorsum conventus celebrat, & despiciens Ecclesiam ea quæ sunt Ecclesiæ voluerit usurpare, non conveniente Presbytero iuxta decretum Episcopi, anathema sit.

CAPUT LVI.

*De fructuum oblationibus, quæ ministris
Ecclesia conferuntur.*

Ex eodem Concilio, cap. vii.

SI quis oblationes Ecclesiæ extra Ecclesiam accipere vel dare voluerit præter conscientiam Episcopi, vel ejus cui huiusmodi officia commissa sunt, nec cum eius voluerit agere consilio, anathema sit.

CAPUT LVII.

De his quæ in usus pauperum conferuntur.

Ex eodem Concilio, cap. viii.

SI quis dederit aut acceperit oblata præter Episcopum, vel eum qui constitutus est ab eo, ad dispensandam misericordiam pauperibus, & qui dat & qui accipit, anathema sit.

CAPUT LVIII.

*De his qui agapas, id est pastiones pauperum
risui deputant.*

Ex eodem Concilio, cap. xi.

Si quis

SI quis despicit eos qui fideliter agapas, id est convivium pauperibus exhibent, & propter honorem Domini convocant fratres, & noluerit communicare hujusmodi vocationibus, parvi pendens quod geritur, anathema sit.

CAPUT LIX.

*Ut qui oblationes defunctorum retinent,
excommunicentur.*

Ex Concilio Vasensi, cap. iv.

Ex Vasensi
I.

QUOD oblationes defunctorum retinent, & Ecclesiis tradere demorantur, ut infideles sunt ab Ecclesia abjiciendi, quia usque ad exinanitionem fidei pervenire certum est hanc pietatis divinæ exacerbationem, quia & fideles de corpore recedentes votorum suorum plenitudine, & pauperes conlatu alimoniarum & necessaria sustentatione fraudantur. Hi enim tales quasi egentium necatores, nec credentes iudicium Dei habendi sunt. Unde & quidam Patrum hoc scriptis suis inseruit congruente sententia, quâ ait * : Amico quippiam rapere, furtum est; Ecclesiam fraudare, sacrilegium. Augustinus * in sermone Evangelii Johannis: Ecce inter sanctos est Judas: ecce fur est Judas: Et ne contemnas, fur sacrilegus *, non qualiscumque fur loculorum, sed dominicorum: loculorum, sed sacrorum; si crimina discernuntur in foro, qualiscumque fur & peculatus; peculatus enim dicitur furtum de Republica, & non sic judicatur furtum rei privatæ, quomodò publicæ: Quanto vehementius judicandus est fur sacrilegus qui ausus fuerit non undecumque tollere, hoc est * de Ecclesia tollere? qui aliquid de Ecclesia furatur, rapit * & tollit, Judæ perdito comparatur.

* Hieron,
epist. 2.
ad Nepotianum.
* Exposit. in
Evangel. Iohannis.
tract.
50.
al. * & sacrilegus.

al. * sed.
* Haec voces
rapit &
tollit de-
sunt in edit.

CAPUT LX.

*De his qui suas vel propinquorum oblationes
Ecclesie fraudant.*Anno Chri-
sti 506.

Ex Concilio Agathensi, cap. iv.

al. * testa-
mentis.
al. * persti-
terint. CLERICI etiam vel seculares, qui oblationes
parentum, aut donatas, aut testamento * relictas
retinere præsumpserint *, aut id quod ipsi donaverunt
Ecclesiis, vel Monasteriis crediderint auferendum,
sicut Synodus sancta constituit, velut necatores pau-
perum quousque reddant, ab Ecclesiis excludantur.

CAPUT LXI.

*Si quis potentium quemlibet expoliaverit, &
admonente Episcopo non reddiderit,
excommunicetur.*

Ex Tolet. i.

Ex Concilio Toletano, cap. xi.

al. * pau-
perem.
al. * habe-
tur ipse do-
nec obediat
& reddat. SI quis de potentibus Clericum aut quemlibet pau-
perem * aut religiosum expoliaverit, & man-
daverit eum ad se venire Episcopus ut audiatur; &
contempserit, invicem mox scripta percurrant per
omnes provinciae Episcopos, & quoscumque adire
potuerint, ut excommunicatus habeatur *, donec au-
diatur & reddat aliena.

CAPUT LXII.

*Si Episcopus à Metropolitano admonitus pro
Synodo, vel ordinatione Episcopali,
venire distulerit.*Anno 506.
cap. xxxv.

Ex Concilio Agathense, cap. xxxvi.

SI Metropolitanus Episcopus ad Comprovinciales Episcopos * epistolas direxerit, in quibus eos aut ad ordinationem summi Pontificis, aut ad Synodum invitet, postpositis omnibus, exceptâ gravi infirmitate corporis, aut præceptione regia, ad constitutam diem adesse non differant: quod si defuerint, sicut prisca Canonum præcepit auctoritas, usque ad proximam Synodum charitate fratrum & Ecclesiæ communionem priventur.

Symmachus * Casario Episcopo: Igitur quemadmodum supra diximus per singulas Ecclesias beneficia que sunt diu custodita servantur, & si tamen Ecclesiæ Aquensis Antistes, vel alius quilibet Metropolitano Pontifici juxta Canonum diffinitionem vocatus obtemperare noluerit, noverit se * succidendum, quod non optamus, Ecclesiasticâ disciplinâ.

CAPUT LXIII.

Vt Episcopus, qui contra suam professionem in Concilio habitam venerit, deponatur.

Ex Concilio Carthaginensi, cap. xiiii *.

SI quis contra suam professionem & subscriptionem venerit in aliquo, ipse se honore * privabit. Genedius Episcopus dixit: Omnia ergo quæ a cœtu gloriosissimo statuta sunt placet ab omnibus custodiri. Ab universis Episcopis dictum est, placet, placet ut custodiantur ab omnibus.

CAPUT LXIV.

De communione privatis & ita defunctis.

Ex epistola Leonis Papæ ad Rusticum.

HORUM causa Dei judicio reservanda est, in cujus manâ fuit, ut talium obitus usque ad communionis remedium non * differretur: nos autem

O ij

*hæc * vox
deest in edis.
recentiori-
bus.*

** Ex epistola
x.*

*al. * sub-
dendum se
Ecclesiasti-
cæ discipli-
næ.*

** Ex Carth.
nomine se-
cundo.*

** ubi sunt
quidam
transposita.
al. * ab
hoc cœtu se
separabit.
seu à vestro
cœtu.*

*Leonis 1.
epist. 92.
inquisit. 8.*

*alibi deest
non.*

quibus viventibus non communicavimus, mortuis communicare non possumus.

CAPUT LXV.

De terminis minimè transferendis.

Ex Epistola Ex epistola Papæ Innocentij ad Florentinum, cap. xxxi.

viii. Innoc.
i. ad Flo-
rentinum
Episc. Ti-
burtinens.

al. * Feli-
cientem.

INNOCENTIUS Florentino Episcopo Tiburtinensi. Non semel sed aliquotiens clamat scriptura divina transferri non oportere terminos à Patribus constitutos, quia nefas est, si quod alter semper possederit, alter invadat. Quod tuam bonitatem frater & Coepiscopus noster Ursus adserit perpetrasse: nam Nomentanam sive Feliciensem * parochiam ad suam dioecesim à majoribus pertinentem invalisse te, atque illic divina celebrasse mysteria inconsulto eodem ac nesciente, non sine dolore conquestus est. Quod si verum est, non leviter te culpam incurrisse cognoscas: unde si declinare cupis tantæ usurpationis invidiam, nostris litteris admonitum te convenit abstinere. Certè si aliquid tibi credis justitiæ suffragari, integris omnibus & in pristino statu manentibus post dies venerabiles Paschæ adesse debebis, ut memoratis possis intentionibus respondere, partibusque in medio collocatis quid antiquitas aut veritas habeat requiramus.

CAPUT LXVI.

De Episcopis qui quod repetere potuerint, pratermissa Synodo invaserint.

Ex Concilio Carthaginis.

Ex cod. can.
cap. 120.
Ex conc.
Afric.
cap. 87.

PLACUIT, ut Episcopi quascumque Ecclesias vel plebes, quas ad suam cathedram existimant pertinere, non ita repetierint, ut causas suas, Episcopis judicantibus, agant: Sed alio renitente intruerint, sive volentibus, sive nolentibus plebibus causæ suæ

detrimentum patiantur. Et quicumque jam hoc fecerunt *, si nondum est inter Episcopos finita contentio, ^{al. * fecerint.} sed adhuc inde contendunt; ille inde discedat quem constiterit, prætermisissis iudiciis * Ecclesiasticis, in- ^{al. * iudiciis.} ruisse. Nec sibi quisque blandiatur, si à Primate, ut retineat, litteras impetrarit: sed sive habeat litteras, sive non habeat, conveniat eum qui tenet, & ejus litteras accipiat, ut eum appareat pacificè tenuisse Ecclesiam ad se pertinentem. Si autem ille aliquam quæstionem retulerit, per Episcopos iudices causa finiatur, sive quos eis Primates dederint, sive quos ipsi vicinos cum consulto * Primatis delegerint. ^{al. * ex consensu, seu, consultu.}

CAPUT LXVII.

Vt basilica, in cujus territorio sunt, in ejus Episcopi maneant potestate.

Ex Concilio Aurelianense, cap. xxxiii. *

*Aurel. i.
In editis. **

OMNES autem basilicæ, quæ per diversa * con- <sup>xvii.
al. * diversa loca.</sup> structæ sunt, vel quotidie construuntur, placuit secundum priorum Canonum regulam, ut in ejus Episcopi, in cujus territorio positæ sunt, potestate consistant.

CAPUT LXVIII.

De parrochiis.

Ex Concilio Calcedonensi, cap. xvii.

*Sub Leone.
i.*

SINGULARUM Ecclesiarum rusticas * parrochias <sup>al. * regionarias.
al. * positionibus.</sup> vel in possessionibus * manere debere inconcussas illis Episcopis, qui eas retinere noscuntur, & maximè si per tricennium eas absque vi obtinentes sub * dis- ^{f. * sua.} pensatione rexerunt. Quod si intra tricennium facta fuerit vel fiat altercatio, licere eis qui se læsos adferunt apud sanctam Synodum provinciæ certare *. ^{al. * de his movere certamen.} Quod si quisquam à Metropolitano læditur, apud Pri-

O iij

al. * primam sedem provinciarum suarum.

al. * nova constituta est aut certe constituantur.

al. * in posterum.

al. * civilibus & publicis formulis etiam ecclesiasticarum parochiarum ordo celebratur.

Ex Toletano 3.

al. * & taliter in præterito.

matem * Dioeceseos, aut apud sanctam Constantinopolitanam sedem iudicetur, sicut superius dictum est. Si quæ verò civitas potestate imperiali novata * est, aut si protinus * innovetur, civiles * dispositiones & publicas Ecclesiasticarum parochiarum quoque ordines subsequantur.

CAPUT LXIX.

Quòd ecclesiarum omnium dotes ad Episcopi ordinationem debeant pertinere.

Ex Concilio Toletano, cap. xix.

MULTI contra Canonum constituta sic Ecclesias, quas ædificaverint, postulant consecrari, ut dotem quam ei Ecclesiæ contulerint censeant ad Episcopi ordinationem non pertinere, quod factum & * in præteritum displicet, & in futuro prohibetur: Sed omnia secundum constitutionem antiquam ad Episcopi ordinationem & potestatem pertineant.

CAPUT LXX.

l. * præscriptione.

*De tricennali perscriptione *, ut post triginta annos nulli liceat pro eo appellare quod legum tempus exclusit.*

Ex epistola Papæ Gelasij.

Ex epistola x. Gelasij I. ad Episcopos Sicilia, sub finem.

al. * tricennaria.

al. * Idibus Maij. Ast. & Pres. viris clarissimis Consulibus.

IL LUD etiam adnecti placuit, ut si, quod absit, facultates Ecclesiæ, nec non & dioeceses quæ ab aliquibus possidentur Episcopis iure sibi vindicent quod tricennalis * lex conclusit, quia & filiorum nostrorum Principum ita emanavit auctoritas, ut ultra triginta annos nulli liceat pro eo appellare, quos legum tempus excludit. Datum Iduum * Maiarum Asterio & Præsidio.

CAPUT LXXI.

Vt Episcopus ambulet per diœcesim suam.

Ex Concilio Bracarenſi, cap. 1.

Ex Concl.
Bracay.
d. 2to tertio.

PLACUIT omnibus Episcopis atque convenit,
ut per singulas Ecclesias Episcopi per diœceses
ambulantes, primùm discutiant Clericos quomodò
ordinem baptismi teneant, vel Missarum, & qualiter
quæcumque officia in Ecclesia peragant: & si rectè qui-
dem invenerint, Deo gratias, sin autem minimè,
docere debent ignaros, & hoc modis omnibus præci-
pere, ut sicut antiqui Canones iubent ante dies viginti
baptismi ad purgationem exorcismi cathecumeni cur-
rant, in quos * viginti dies omnino cathecumeni
Symbolum quod est, *Credo in Deum Patrem omnipo-*
tentem specialiter doceantur. Postquam ergo hæc *
suos Clericos discusserint vel docuerint Episcopi, alia
die convocatâ plebe ipsius Ecclesiæ doceant illos ut
errorem * fugiant idolorum, vel diversa crimina, id
est homicidium, adulterium, perjurium, falsum testi-
monium, & reliqua peccata mortifera; & quod no-
lunt sibi fieri non faciant alteri: & ut credant resur-
rectionem omnium hominum, & diem iudicii in quo
unusquisque secundùm sua opera recepturus sit. Et
sic postea Episcopus de Ecclesia illa proficiscatur ad
aliam.

al. * in
quibus vi-
ginti die-
bus.
al. * in his.

al. * erro-
res.

CAPUT LXXII.

*Vt Episcopus duos solidos tantùm accipiat,
neque tertiam partem de oblationibus qua-
rat, & ut Clerici non cogantur more servili.*

Ex Concilio quo supra, cap. 11.

PLACUIT ut nullus Episcoporum cùm suas diœ-
ceses perambulant, præter honorem cathedræ

suæ, id est duos solidos, aliquid aliud per Ecclesias tollat; neque tertiam partem ex quacumque oblatione populi in Ecclesiis parrochialibus requirat*; sed illa tertia pars pro luminaribus Ecclesiæ, vel recuperatione servetur: & singulis annis Episcopo exinde ratio fiat: nam si tertiam partem illam Episcopus tollat, lumen & sacra* tecta abstulit Ecclesiæ. Similiter & ut parrochiales Clerici servili more in aliquibus operibus Episcopo servire non cogantur, quia scriptum est.

al. * facta sibi usurper, sed Ecclesiæ reparationi servetur, & in singulis annis Episcopo ratio fiat.

al. * facta tecta, vel sacra sustulit Eccl.

1. Pet. 5.

*Neque vi dominantes in clero.**

CAPUT LXXIII.

De exactione Ecclesiarum Gallitiæ provinciae.

Ex Tolet.
VII.

Ex Concilio Toletano VII. cap. IV.

al. * communiter.

al. * Ecclesias.

al. * solutione pensionis.

al. * quinquarium.

INTER cetera denique quæ communi consensu nos conferre competenter* oportuit, querimonias etiam parrochialium Presbyterorum Gallitiæ provinciae solertissimè discernere decuit, quas contra Pontificum suorum rapacitates necessitas, ut comperimus, tandem compulit in publicum examen deferre. Hi enim Pontifices ut evidens inquisitio patefecit, indiscreto moderamine parrochianas Ecclesias prægravantes, dum in exactionibus superfluis frequenter existunt, penè usque ad exinanitionem extremæ virtutis quasdam basilicas perduxisse probantur. Ne ergo fiat de cetero quod constat hætenus inordinatè præsumptum, non ampliùs quàm duos solidos unusquisque Episcoporum præfatæ provinciae per singulas dioceses, vel basilicas* juxta Synodum Bracarensem annua inlatione sibi expetent conferri, Monasteriorum autem basilicis ab hac solutionis* impensione se junctis. Cùm verò Episcopus dioecesim visitat, nulli præ multitudine onerosus existat; nec umquam quinquagenarium* numerum evectionis excedat, aut ampliùs quàm una die per unamquamque basilicam remorandi licentiam habeat. Quicumque verò Pontificum

tificum eorundem aliter quàm decernimus agendum præsumperit, correptioni procul dubio Canonum subiacebit tamquam constitutionum Synodaliū transgressor, & priscorum Patrum edicti corruptor, sicut oportet. Quod si Episcopus aut languore detentus, aut aliis occupationibus implicatus id explere nequiverit, Presbyteros probabiles aut Diaconos mittat, qui & redita basilicarum, & reparationes, & ministrantium vitam inquirent.

CAPUT LXXIV.

De dispensatoribus singularum Ecclesiarum.

Ex Concilio Calcedonensi, cap. xxvi.

Sub Leone
1.

QUONIAM in quibusdam Ecclesiis, ut rumore comperimus, præter * œconomos Episcopi facultates Ecclesiasticas tractant, placuit omnem Ecclesiam habentem Episcopum habere œconomum de clero proprio; qui dispenset res Ecclesiasticas secundum * sententiam Episcopi proprii, ita ut Ecclesiæ dispensatio præter * testimonium non sit, & ex hoc dispergantur Ecclesiasticæ facultates, & Sacerdotio maledictionis derogatio * procuretur *. Quod si hoc minimè fecerit, divinis constitutionibus subiacebit.

*al. * sine*
œconomis.

*al. * cum*
consensu.

*al. * sine*
testimonio.

*al. * con-*
tumelia.

*al. * inge-*
ratur.

CAPUT LXXV.

Vt ab Imperatoribus postuletur Advocatorum defensio pro causis Ecclesiæ.

Ex Concilio Africano *, cap. lxiv.

* *Vulgò*
dicto, seu
collectione
canonum
Africana
provincia.

PLACUIT etiam, ut petant ex nomine provinciarum omnium legati perrecturi Vincentius & Fortunatianus à gloriosissimis Imperatoribus, ut dent facultatem Defensores constituendi scholasticos, qui in actu sunt vel in munere defensionis causarum, ut more Sacerdotum provinciarum, iidem ipsi, qui de-

Tome XI.

P

fensionem Ecclesiarum susceperint, habeant facultatem pro negotiis Ecclesiarum quotiens necessitas flagitaverit, vel ad obstitendum obrepentibus, vel ad necessaria suggerenda, ingredi iudicium secretaria.

CAPUT LXXVI.

De his quæ à fidelibus in parrochianis Basilicis offeruntur.

Aurel. 1.

Ex Concilio Aurelianense, cap. xi.

al. * statuta.

DE his quæ parrochiis, in terris, vineis, mancipiis, atque peculiis quicumque fideles obtulerint antiquorum Canonum instituta * servantur, ut omnia in Episcopi potestate consistant. De his tamen quæ in altario acceperint, tertia fideliter Episcopis deferantur.

CAPUT LXXVII.

De sacris locis noviter institutis quamvis superius dictum sit, hoc nunc tamen adjicitur, ut nulla basilica sub defunctorum constructa nomine dedicetur.

Ex epistola
9. Gelasij
Pape primi
ad Episcopos
Lucanis.
al. * strictim non.

Ex epistola Papæ Gelasij, cap. xxv.

al. * indicio.
al. * quorumcumque.
al. * processionibus
ac processionibus.

DE locorum consecratione Sanctorum quamvis superius scriptum * fuerit comprehensum, nobis quoque patefactum est, quod absque præcepto Sedis Apostolicæ nonnulli factas Ecclesias vel oratoria sacrare præsumant; hoc sumus tamen iudicio * detestabiliore permoti, quod in quocumque * nomine defunctorum & quantum dicitur nec omnino fidelium constructiones ædificatas sacris processionibus * audacter instituere memorantur: quæ quoniam tam acerba, tam dura sunt, ut eadem vix noster ferre possit auditus: Si re vera Christianitatis affectus in illis regionibus certus & fixus est, & districtius ista quæran-

tur, & à quibus fuerint gesta prodantur: quoniam sicut latentibus in hac atrocitate nominibus non extat in quem sententia debita proferatur, ita cùm manifestis fuerit documentis expositus, quem sceleris tanti poscit immanitas non vitabit ullatenus ultionem.

CAPUT LXXVIII.

Quòd in unaquaque Ecclesia, cui Episcopus præest, quatuor tam de redditibus quàm de oblatione fidelium fieri debeant portiones, ut una sit Episcopi, alia Clericorum, tertia pauperum, & quarta fabricis Ecclesiasticis adplicetur.

Ex epistola Papæ Gelasij, cap. xxviii.

*Ex eadem
epist. cap.
27.*

QUATUOR autem tam de redditu quàm de oblatione fidelium, prout cujuslibet Ecclesiæ facultas admittit, sicut dudum rationabiliter est decretum, convenit fieri portiones, quarum una sit Pontificis, altera Clericorum, pauperum tertia, quarta fabricis adplicanda, de quibus sicut Sacerdotis intererit integram ministris Ecclesiæ memoratam dependere quantitatem, sic Clericus * ultra delegatam sibi summam nihil insolenter noverit expetendum. Ea verò quæ Ecclesiasticis ædificiis adtributa sunt, huic operi veraciter prærogata locorum doceat instauratio manifesta sanctorum; quia nefas est si sacris ædibus destitutis in lucrum suum Præsul impendia his designata convertat. Ipsam nihilominus adscriptam pauperibus portionem, quamvis divinis rationibus se dispensasse monstraturus esse videatur, tamen juxta quod scriptum est, *Vt videant opera vestra bona, & glorificent Patrem vestrum qui in cælis est*; oportet etiam præsentis testificatione prædicari, & bonæ famæ præconiis non taceri.

*al. * Clericus.*

Matth. 5.

CAPUT LXXIX.

Contra eum qui illicitè ordinat Clericos, & de redditibus Ecclesie.

Ex epistola
3 ad Flo-
rentium, E-
quistium &
Severum
Episcopos.
al. * serie

Ex epistola Simplicij Papæ ad Episcopos.

RELATIO nos vestræ dilectionis instruxit, & gestorum series * plenius intimavit, Gaudentium Aufiniensis Ecclesiæ Sacerdotem contra statuta Canonum ac nostra præcepta ordinationes illicitas perpetrasse, quarum illi totam penitus auferri præcipimus potestatem. Scripsimus enim ad Severum fratrem & Coepiscopum nostrum, ut si necesse fuerit ipse in supradicta Ecclesia, consideratis Patrum regulis hoc fungatur officio quo ille abusus esse convictus est, ita ut hi qui illicitè ab eodem sunt provecti, ab Ecclesiasticis ministeriis sint remoti. Simul etiam de redditibus Ecclesiæ vel oblatione fidelium quid deceat nescienti nihil licere permittat, sed sola ei ex his una * portio remittatur; duæ Ecclesiasticis fabricis & erogationi peregrinorum & pauperum profuturæ, ab Onagro * Presbytero sub periculo sui ordinis ministrentur: ultima Clericis * pro singulorum meritis dividatur. At verò ministeria Ecclesiæ quæ alienata comperimus, reparare præsumptor prædicti fratris compellatur instantiâ: cui etiam in hoc specialiter præcipimus imminere, ut tres illas portiones, quas triennio dicitur sibi tantummodò vindicasse, restituat. Datum decima quarta * Calendarum Decembrium post consulatum Leonis Augusti.

al. * quarta.

al. * à Bo-
nagro item
ab Ovagio.
al. * inter
se Clericis.

al. * deci-
mo tertio.

CAPUT LXXX.

Ut nulli Apostolica sedis Præsuli possessionem Ecclesiæ magnam vel parvam in perpetuum liceat alienare, vel commutationis obtentu ad cuiuslibet jura transvertere: & de do-

Canonum pœnitentialium. Lib. II. 117
mibus Ecclesiasticis quæ sunt in urbibus com-
mutandis.

Ex institutis Papæ Symmachi, cap. iv.

Ex Synodo
Romana 4.
aliàs Pal-
mari appel-
lata.

His ergo perpensis mansuro cum Dei nostri confi-
deratione decreto sancimus, ut nulli Apostolicæ
sedis Præsuli à præsentē die, donec disponente Do-
mino catholicæ fidei manserit doctrina salvatoris *,
liceat prædium rusticum quantæcumque fuerit vel
magnitudinis vel exiguitatis, sub perpetua alienatione,
vel commutatione ad cuiuslibet jura transferre, nec
cujusquam excusentur necessitatis obtentu: quippe
cū non sit personale quod loquimur, nec aliquis
Clericorum vel laicorum sub hac occasione accepta
tueatur: sed nec in usum fructuum * rura aliquibus
dari liceat, nec data retineri præter Clericos & capti-
vos atque peregrinos, ne malæ tractationis ministre-
tur occasio, cū liberalitatis illi alia itinera reserven-
tur. * Sanè tantū domus in quibuslibet * urbibus
constitutæ, quarum statim necesse est expensā non
modicā sustentari, acceptis si offerri contigerit sub
justa existimatione redditibus, & divini timore judicij
commutentur *.

al. * salu-
taris.

al. * usu-
fructuario
jue.

* Hic inci-
pit cap. v. in
editis.

al. * cujus-
libet & ur-
bibus.

al. * com-
modentur.

CAPUT LXXXI.

Vt non liceat Presbyteris titularum suorum
præsidia, seu quidquid juris eorum fuerit
quidlibet alienare commento: qui verò hoc
agere tentaverit, ordinis sui amissione
pletatur.

capitulo v.

1b. Cap. vi.
in edit.

PARI etiam Ecclesiarum per omnes Romanæ ci-
vitatis titulos, qui sunt Presbyteri, vel quicum-
que fuerint, adstringi volumus lege custodes, quia

P iij

nefas dictu est obligatione, qua se per charitatem Christi connectit summus Pontifex, ea hominem secundi in Ecclesia ordinis non teneri. Quicumque tamen oblitus *, Dei, & decreti hujus immemor, cujus Romanae civitatis Sacerdotes volumus religiosis nexibus devinci, in constitutum praesens committens quidquam de jure titularum, vel Ecclesias * superius praefatas, quolibet modo praeter aurum, argentum vel gemmas, vestes quoque si sint, vel si accesserint aliqua mobilia ad ornamenta divina minimè pertinentia, perpetuo jure, exceptis duntaxat sub praefata conditione domibus, alienare tentaverit, donator, alienator, ac venditor honoris sui amissione mulctetur.

al. * obligatus.

al. * Ecclesie sup. praefatae.

CAPUT LXXXII.

Ut qui petierit praedium & acceperit, aut si quis Presbyterorum aut Diaconorum, nec non defensorum danti subscripserit, anathemate feriatur.

Ibidem.
Cap. VII.

Cap. VI.

PRÆTEREA qui petierit aut acceperit, vel qui Presbyterorum aut Diaconorum seu defensorum danti subscripserit; quo iratus Deus animas percutit, anathemate feriatur: Sitque accipienti vel subscribenti de personis superius comprehensis, id est, quas anathemate feriri censuimus, in statuta poena contubernalium servata, quam praemisimus, in alienatore vindicta; nisi fortè & alienator sibi dum repetit, & qui acceperit celeri restitutione perspexerit *.

al. * perspexerit.

CAPUT LXXXIII.

Ut si quis anathematis poenam parvi duxerit, etiam documento quo se putat Ecclesiae praedium possidere, frustretur, liceatque cui-

Canonum pœnitentialium. Lib. II. 119
libet Ecclesiastica persona vocem contra-
ditionis adferre, & cum fructibus prateri-
ti temporis eadem prœdia alienata repos-
cere.

capitulo ix.

QUOD si minore animæ suæ cura sibi * quisquam
 remedium oblatum fortè neglexerit super ea
 pœnarum genera, quæ superiùs tenentur adscripta,
 contra nefas *. Si quod conceptum fuerit documen-
 tum universis viribus, quamvis ab initio nullas ha-
 buerint *, effectetur *. Sed etiam liceat quibuscum-
 que Ecclesiasticis personis vocem contradictionis af-
 ferre & Ecclesiastica auctoritate fulciri, ita ut cum
 fructibus possit alienata reposcere, nec aliquis se ante
 tribunal Christi obstaculo muniat, qui à religiosis ani-
 mabus ad substantiam pauperum derelicta contra fas
 sine aliqua pietatis consideratione dispergit. Hujus au-
 tem constitutionis legem in Apostolica tantum volu-
 mus sede servari, universis * Ecclesiis per provincias
 secundùm animarum considerationem, quem propo-
 sito religionis convenire Rectores earum viderint more
 servato.

1b. cap. 8.
in edit.

** vox ista*
sibi deest.

*al. * fas.*

*al. * ha-*
buerit.

*al. * effere-*
tur.

*al. * in uni-*
versis.

CAPUT LXXXIV.

Si quis Clericorum pauper in ordine promotus
postea habuerit aliquid, Ecclesia potestati
subjiciat.

Ex Concilio Carthageniensi, cap. xxxii.

ITEM placuit ut Episcopi, Presbyteri, Diaconi,
 vel quicumque Clerici, qui nihil habentes ordi-
 nantur, & tempore Episcopatus vel Clericatus sui
 agros vel quæcumque prœdia nomine suo comparant,
 tamquam rerum domini earum invasionis crimine te-
 neantur *, nisi admoniti in Ecclesia eadem ipsa con-

Ex codice
can. Afric.

Ecclesiæ

cap. 32.

ex Cartha.

Conc. 3.

cap. 49.

*al. * obno-*
xijs.

tulerint. Si autem ipsis propriè aliquid liberalitate alicujus vel successionis cognationis obvenerit, faciant inde quod eorum proposito congruit: quòd si à suo proposito retrorsum exorbitaverint, honore Ecclesiastico indigni & tamquam reprobi judicentur

CAPUT LXXXV.

Vt Presbyteri rem Ecclesie in qua sunt constituti non vendant: nulli Episcopo liceat rem tituli matricis Ecclesie usurpare.

Ex cod. can.
Africana.
cap. 33.

Ex eodem Concilio, cap. xxxviii.

ITEM placuit ut Presbyteri non vendant rem Ecclesie ubi sunt constituti nescientibus Episcopis suis; quomodò & Episcopis non liceat vendere prædia Ecclesie ignorante Concilio vel Presbyteris suis. Non habente ergo necessitatem, nec Episcopo liceat matricis Ecclesie rem tituli sui usurpare.

CAPUT LXXXVI.

Vt res Ecclesie nemo distrahat.

Ex eodem
cod. ce, &
ex Carth. 5.
cap. 4.

Ex eodem Concilio, cap. xxvi.

ITEM placuit ut rem Ecclesie nemo vendat: quòd si redditus non habet, & reliqua nimia necessitas cogit, hoc insinuandum esse Primati provincie ipsius, ut cum statuto numero Episcoporum utrùm faciendum sit arbitretur. Quòd si tanta urget necessitas Ecclesie, ut non possit antè consulere, saltem vicinos testes convocet Episcopus, curans ad Concilium omnes referre sue Ecclesie necessitates. Quòd si non fecerit, reus Deo & Concilij * venditor honore amisso teneatur.

al. * Con-
cilio vel
Concilij
sanctum, &
non Deo.

CAP. LXXXVII.

CAPUT LXXXVII.

*Derebus ad Ecclesiam pertinentibus; & de his
quæ propria Episcopi esse noscuntur.*

Ex Concilio Antiocheno, cap. xxiv.

*Sub Iulio 1.
an. 341.*

QUÆ sunt Ecclesiæ sub omni sollicitudine & conscientia bona & fide, quæ in Deum est, qui cuncta considerat judicatque, servantur. Quæ etiam dispensanda sunt iudicio & potestate Pontificis, cui commissus est populus, & animæ quæ intra * Ecclesiam congregantur. Manifesta verò sint quæ pertinere videntur Ecclesiæ * cum notitia Presbyterorum & Diaconorum, qui circa ipsum sunt, ita ut agnoscant nec ignorent quæ sint Ecclesiæ propria, nec eos aliquid lateat: ut si contigerit Episcopum migrare de sæculo, certis existentibus rebus, quæ sunt Ecclesiæ, nec ipsæ conlapsæ depereant, nec quæ propria probantur Episcopi, sub occasione rerum pervadantur Ecclesiæ. Justum namque & acceptum est coram Deo & hominibus, ut sua Episcopus quibus voluerit derelinquat, & quæ Ecclesiæ sunt eidem conserventur Ecclesiæ, ut nec Ecclesia aliquod patiatur incommodum, nec Episcopus sub occasione proscribatur Ecclesiæ, & in causas incidant qui ad eum pertinent, & ipse post obitum maledictionibus ingravetur.

*al. * in
Ecclesia.*

*al. * ad
Ecclesiam.*

CAPUT LXXXVIII.

*Ut Episcopus dispensandi res Ecclesiasticas
habeat potestatem.*

Ex eodem Concilio, cap. xxv.

EPISCOPUS Ecclesiasticarum rerum habeat potestatem ad dispensandum erga omnes qui indigent cum summa reverentia & timore Dei: participet autem & ipse quibus indiget, si tamen indiget, tam

Tome XI.

Q

fuis quàm fratrum qui ab eo suscipiuntur necessariis
 usibus profuturis, ita ut in nullo qualibet occasione
 fraudulentur juxta sanctum Apostolum sic dicentem :
 1. Tim. 6 *Habentes victum & tegumentum, his contenti simus.*
 Quòd si contentus istis minimè fuerit, convertat au-
 tem res Ecclesiæ in suos usus domesticos & ejus com-
 moda, vel agrorum fructus non cum Presbyterorum
 conscientia Diaconorumque pertractet, sed horum
 potestatem domesticis suis, aut propinquis, aut fratri-
 bus filiisque committat, ut per hujusmodi personas
 occultè ceteræ lædantur Ecclesiæ, Synodo provincia
 pœnas iste persolvat. Si autem & aliter accusetur Epif-
 copus aut Presbyteri, qui cum ipso sunt, quòd ea quæ
 pertinent ad Ecclesiam vel ex agris, vel ex alia qualibet
 Ecclesiastica facultate sibimet usurpent, ita ut ex hoc
 affligantur quidem pauperes, criminationi * verò &
 al. * crimi- blasphemiis tam sermo prædicationis, quàm hi qui
 natori. dispensant, taliter exponantur, & hos oportet cor-
 rigi, sancta Synodo id quod condecet approbante.

CAPUT LXXXIX.

*Ut de rebus Ecclesiæ nihil Episcopi auferant, &
 qualiter proximi fundatoris Ecclesiarum
 sollicitudinem gerant.*

Ex Tolet.
 IX. an. 655.

Ex Concilio Toletano, cap. 1.

OMNIS itaque rei Ecclesiasticæ quantitas sicut
 remedium veniæ tribuit conferenti, ita dam-
 num ritè præparat fraudatori; & ideo nullus Sacerdo-
 tum vel ministrorum ex rebus Ecclesiæ, quæ in qui-
 buscumque locis à fidelibus largiuntur, aliquid afe-
 rat, vel juri suo aut cathedræ propriæ * unitati con-
 al. * civi- nectat. Devotio enim uniuscujusque sicut grater
 tatis. vorem contulit Deo; ita definivit quòd * plenitudo
 al. * quo. vorem conservaretur in loco, in quo vel ut si con-
 al. * manet. lata tenentur, manent * gratia offerentis, ita si frus-

trantur imminet perniciēs defraudantis. Verum ut rei
hujus potior soliditas habeatur *, condignis filiis vel
nepotibus honestioribûsque propinquis ejus, qui con-
struxit vel ditavit Ecclesiam, licitum sit hanc bonæ
intentionis habere solertiam : ut si Sacerdotem seu
ministrium aliquid ex conlatis rebus providerint de-
fraudare, aut commonitionis honesta * conventionē
compescant, aut Episcopo vel judici corrigenda de-
nuntient. Quod si talia Episcopus agere tentet, Me-
tropolitano ejus hæc insinuare procurent. Si autem
Metropolitanus talia gerat, Regis hæc auditibus * in-
timare non differant. Ipsi tamen heredibus in eisdem
rebus non liceat quasi juris * proprii potestatem præ-
ferre, non rapinam, non fraudem gerere, non violen-
tiam quamcumque præsumere, sed hoc solum in salu-
tarem sollicitudinem adhibere, quod aut in nullam
noxam operatio nocens attingat, vel in multam vel
in aliquam partem salutaris merces adsumat. Si quis
verò deinceps hæc monita temerare voluerit, & malè
rapta cum confusione restituet, & excommunicatio-
nis annuæ sententiam sustinebit : nam * sententiam
metuant, & liberos ex familiis Ecclesiæ ad conden-
nationem suam facere non præsumant. Impium est enim
ut qui res suas Ecclesiæ Christi non contulit, damnum
inferat, & ejus * Ecclesiæ rem alienare intendat. Ta-
les igitur liberos * successor Episcopus absque aliqua
oppositione ad jus Ecclesiæ revocabit, quia eos non
æquitas sed improbitas absolvit.

al. * habea-
tur propin-
quis ejus
qui con-
struxerunt
vel ditave-
runt.
al. * ho-
nestæ.

al. * auri-
bus.

al. * in ju-
ris.

al. * hanc
divinam,
quæ verba
& sequen-
tia perti-
nent ad
cap. 67.
Tolet. 4.
sub finem.
al. * jus
Eccles. alien.
al. * libe-
ros.

CAPUT XC.

*De discretionē manumissorum ex familia Ec-
clesiæ, qualiter manumittantur; & ne
adversa testificent vel accusent.*

Ex Concilio quo supra, cap. LXVIII.

Ex Tolet.
VI.

EPISCOPUS qui mancipium juris Ecclesiæ non
retento Ecclesiastico patrocínio * manumitti desi-

al. * patri-
monio.

Q ij

derat, duo meriti ejusdem & peculii coram Concilio Ecclesiae, cui praeminet, & per commutationem subscribentibus Sacerdotibus offerat, ut vera * & justa inveniatur definitio commutantis *. Tunc enim libera * manumissione sine patrocinio Ecclesiae concedere poterit, quia * eum, quem libertati tradere disponit, jam juri * proprio adquisivit. Hujusmodi autem liberto adversus Ecclesiam, cujus juris exitit, accusandi vel testificandi denegetur licentia: quod si praesumpserit, placet ut stante commutatione in servitutem propriae * Ecclesiae revocetur, cui nocere conatur.

al. * rata.

al. * commutationis.

al. * liberam missio-

nem.

al. * qui

al. * jure.

al. * pro-

prium.

CAPUT XCI.

De libertis patrocinio Ecclesiae commendatis.

Ex Concilio Toletano, cap. LXXII.

Ibidem.

LIBERTI qui à quibuscumque manumissi sunt, atque Ecclesiae patrocinio commendati existunt, sicut & regulae antiquorum Patrum constituerunt, Sacerdotali defensione à cujuslibet insolentia protegantur, sive in statu libertatis eorum, seu in peculio quod habere noscuntur.

CAPUT XCII.

Ut laici contemptores Canonum excommunicentur, Clerici honore priventur.

Ex Concilio Carthaginensi, cap. xiv.

Ex Carth.
primo.

GRATU S Episcopus dixit: Juxta statuta Concilii & mediocritatis meae sententiam placet facere rerum omnium conclusionem. Universi tituli designati & digesti teneant sententias suas. Sanè credo vos tenere multis Conciliis à Patribus nostris & traditionem temerariam esse damnatam, & rebaptizationis impietatem esse puniendam. Quas res etiam

nostro Concilio credo jam terminum accepisse. Reliqua verò quæ facta vel dicta superius comprehensa sunt, vel ab aliis Conciliis conscripta, quæ secundum legem inveniuntur custodire nos oportet. Si quis verò statuta supergressus corruperit, vel pro nihilo habenda putaverit, si laicus est communione; si Clericus honore privetur. Universi dixerunt, placet, placet.

CAPUT XCIII.

Ut si quis Sacerdotum contra hæc interdicta fecerit, à suo sit officio submovendus.

Ex epistola Papæ Leonis ad Episcopos per Campaniam, Picenum, & Tusciam, cap. v. *Leonis 1. epist. 11.*

HOc itaque admonitio nostra denuntiat, quòd si quis fratrum contra hæc statuta * venire tentaverit, & prohibita fuerit ausus admittere, à suo se noverit officio submovendum: nec communionis nostræ futurum esse consortem qui socius esse noluit disciplinæ. *deest * venerit, vel*

CAPUT XCIV.

De flectendo genua.

Ex Concilio Nicæno, cap. xx.

QUONIAM sunt quidam in die Dominico genua flectentes, & in diebus Pentecosten; ut omnia in universis locis consonanter observentur, placuit sancto Concilio stantes Domino vota persolvere. *Sub silve. pro 1. az. 325.*

CAPUT XCV.

Ut populus ante completam Missam, & benedictionem acceptam, egredi non præsumat.

Q iij

Aurel. 1.
al. * XXVI.

Ex Concilio Aurelianensi, cap. xxii *.

CUM ad celebrandas Missas in Dei nomine convenitur, populus non ante discedat quàm Missæ solemnitates compleatur, & ubi Episcopus fuerit, benedictionem accipiat Sacerdotis. Ex Concilio Carthaginis, Sacerdote verbum in Ecclesia faciente qui egressus de auditorio fuerit, excommunicetur.

CAPUT XCVI.

*Quòd manere debeat firmum si servi fisci
Ecclesias fecerint, easque de peculio suo
ditaverint.*

Ex Tolet. 3.

Ex Concilio Toletano, cap. xv.

al. * has.
al. * glo-
riosi Prin-
cipis.

SI quis ex servis fiscalibus fortasse Ecclesias construxerint, easque de sua paupertate ditaverint, hoc * procuret Episcopus prece sua auctoritate Regia * confirmari.

CAPUT XCVII.

al. * alle-
mandia vel
gallemantia.

*Ut vallemantia * & turpia cantica
prohibeantur.*

Ex eodem Concilio, cap. xxiii.

al. * per
sanctorum.

EXTERMINANDA omnino est inreligiosa consuetudo, quam vulgus priscorum * solemnitates agere consuevit; ut populi qui debent officia divina adtendere, saltationibus & turpibus invigilent canticis; non solum sibi nocentes, sed & religiosorum officiis perstrepentes: hoc etenim ut ab omni Hispania depellatur, Sacerdotum & iudicum à Concilio sancto curæ committatur.

CAPUT XCVIII.

*De his qui Ecclesiastica jejunia absque
necessitate dissolunt.*

Ex Concilio Gangrensi, cap. xix.

*Sub Silve-
stro I.*

SI quis eorum qui continentia student absque ne-
cessitate corporea tradita in commune jejunia, &
ab Ecclesia custodita, superbiendo dissoluit stimulo
sue cogitationis impulsus, anathema sit.

CAPUT XCIX.

*Non debere in diebus jejuniorum commemora-
tiones Martyrum fieri.*

Ex Concilio Laodicensi, cap. LI.

*Sub Silve-
stro, vel rec-
tus Liberio
circa 364.*

QUOD non oporteat in Quadragesima Martyrum
natalitia celebrari, sed eorum sancta commemo-
ratio in diebus Sabbatorum & Dominicarum fieri
conveniat.

CAPUT C.

Oblationes offerri in domibus non oportere.

Ex Concilio quo supra, cap. LVIII.

QUOD non oporteat in domibus oblationes ce-
lebrari ab Episcopis vel Presbyteris.

CAPUT CI.

Vt Sacramentum cathecumenis non prabeatur.

Ex epistola Papæ Leonis.

*Ex Carth.
tertio cap. 5.*

ITEM placuit ut etiam per sollemnissimos Paschales
dies sacramentum cathecumenis non detur nisi

*al. * mutari.* solutum falis : quia si fideles per illos dies sacramenta non mutant, nec cathecumenos oportet * mutare *.

*deest * quæ forma etiam publicè pœnitentibus omninò sequenda est.*

Epistola 14. cap. 5.

CAPUT CII.

Quòd Pascha & Pentecoste sit baptizandum.

Ex eadem epistola ad Episcopos per Siciliam.

UNDE quia manifestissimè patet baptizandis in Ecclesia electis hæc duo tempora, de quibus loquuti sumus, esse legitima, dilectionem vestram monemus ut nullos alios dies hujus observantiæ misceatis.

CAPUT CIII.

Quòd omni tempore hi qui in necessitate mortis, aut ægrotudinis, vel obsidionis, sive persecutionis, aut naufragii urgentur, debeant baptizari. De reddita etiam Christi baptismi ratione.

Cap. vi.

Ex eadem epistola.

*al. * traditionis rationabilis.*

QUia etsi sunt alia quoque festa, quibus multa in honorem Dei reverentia debeatur, principalis tamen & maximi sacramenti custodienda nobis est mysticæ * rationis exceptio non interdictâ licentiâ, qua in baptismo tribuendo quolibet tempore periclitantibus subvenitur. Ita enim ad has duas festivitates connexas sibi met atque cognatas incolumium & in pacis securitate degentium libera vota differimus; ut in mortis periculo, in obsidionis discrimine, in persecutionis angustiis, in timore naufragii nullo tempore hoc veræ salutis singulare præsidium cuiquam denegemus.

CAP. CIV.

CAPUT CIV.

De cathecumena pragnante.

Ex Concilio Neocæsariensi, cap. vi.

Sub Sylvestro. 1.

GRVIDAM oportet baptizari quando voluerit, nihil enim in hoc quæ parit nascenti communicat, propterea quòd uniuscujusque suum propositum in confessione declaretur.

CAPUT CV.

De infantibus baptizandis quoties dubitatur utrum fuerint baptizati.

Ex Concilio Carthagenensi, cap. xxxix.

Ex Concil. Carthag. nomine quinto, cap. iv. & ex eod. can. Affricana Eccl. cap. hic notato.

ITEM placuit de infantibus quoties non inveniuntur certissimi testes, qui eos baptizatos esse sine dubitatione testentur, neque ipsi sunt per ætatem de traditis sibi sacramentis idonei respondere, absque ullo scrupulo eos esse baptizandos, ne ista trepidatio eos faciat sacramentorum purgatione privari. Hinc enim legitima * vestrorum fratres nostri consuluerunt, quia multos tales à barbaris redimunt.

*al. * legati Mauro-rum.*

CAPUT CVI.

De baptizatis qui nondum confirmati moriuntur.

Ex Concilio Heliberitano, cap. lxxvii.

sub Marcello. 1.

SI quis Diaconus regens plebem sine Episcopo vel Presbytero aliquos baptizaverit, Episcopus eos per benedictionem perficere debet: quòd si antè de sæculo recesserint *, sub fide qua quisque credidit poterit esse justus.

*al. * recesserit.*

CAPUT CVII.

*De his qui rebaptizati sunt quantum
pœniteant.*

Ex Concilio Hilerdense, cap. ix.

*Tempore Io-
han. Papa
circiter an.*

524.

*al. a reba-
ptizati sunt
aliqua ne-
cessitate vel
per tor-
menta di-
lapsi sunt.
al. b præva-
ricatione
rebaptismi.*

*al. c obla-
tione Eu-
charistiae.*

d deest hic.

*quam for-
mam se-
quantur &
reconfirma-
ti. Quod*

*deest etiam
in edit. qui-
busdam.*

*e Innoc. i.
epist. i.*

*al. * Para-
cletum san-
ctum.*

DE his qui^a in prævaricationem rebaptizati^b sine aliqua necessitate vel tormento dilapsi sunt, placuit ut circa eos illa Nicænæ Synodi statuta serventur, quæ de prævaricatoribus constituta esse noscuntur; id est ut septem annis inter cathecumenos orent, & duobus inter Catholicos, & postea moderatione & clementia Episcopi fidelibus in oblatione^c & Eucharistia communicent^d.

CAPUT CVIII.

*Quòd non debeant baptizati nisi ab Episcopis
consignari.*

Ex epistola Papæ^e Innocentij ad Decentium, cap. iiii.

DE consignandis verò infantibus manifestum est non ab alio quàm ab Episcopo fieri licere: nam Presbyteri licet sint Sacerdotes, Pontificatus tamen apicem non habent. Hæc autem Pontificibus solis deberi ut vel consignent vel Paraclitum Spiritum^{*} tradant; non solum consuetudo Ecclesiastica demonstrat, verum & illa lectio actuum Apostolorum, quæ asserit Petrum & Johannem esse directos, qui jam baptizatis traderent Spiritum sanctum. Nam Presbyteris seu extra Episcopum seu præsentem Episcopum cum baptizant chrismate baptizatos ungere licet, sed quod ab Episcopo fuerit consecratum, non tamen frontem ex eodem oleo signare, quod solis debetur Episcopis cum tradunt Spiritum Paraclitum. Verba verò dicere non possum, ne magis prodere videar, quàm ad consultationem respondere.

CAPUT CIX.

De energuminis baptizatis.

Ex eadem epistola cap. vi.

DE his verò baptizatis qui postea dæmonio, aut vitio aliquo, aut peccato interveniente arripiuntur *, quæsit dilectio tua, si à Presbytero vel Diacono possint aut debeant consignari; quod hoc nisi Episcopus * præcepit non licet; nam ei manus imponenda omninò non est, nisi Episcopus auctoritatem dederit id efficiendi. Ut autem fiat, Episcopi est imperare, ut manus ei vel à Presbytero vel à ceteris Clericis imponatur: nam quomodò id fieri sine magno labore poterit, ut longè constitutus energuminus ad Episcopum deducatur, cum si talis casus ei in itinere acciderit, nec perferri ad Episcopum nec referri ad sua facile possit.

al. * corripiuntur.

al. * Episcopis præcipere non licet.

CAPUT CX.

De epistola sancti Iacobi Apostoli, in qua pro infirmis orari præcipitur.

Ex eadem epistola, cap. viii.

SANE quoniam de hoc sicuti de ceteris consulere voluit dilectio tua, adjecit etiam filius meus Cœlestinus Diaconus in epistola sua esse à tua dilectione positum illud, quod in beati Apostoli Iacobi epistola conscriptum est: *Infirmitur * quis in vobis, inducat Presbyteros & orent super eum, ungentes eum oleo in nomine Domini, & oratio fidei salvabit infirmum*, & suscitabit eum Dominus: & si in * peccatis fuerit, remittetur ei.* Quod non est dubium de fidelibus ægrotantibus accipi vel intelligi debere, qui sancto oleo chrismatis perungi possunt, quo ab Episcopo confecto non solum Sacerdotibus, sed omnibus uti Christianis licet in sua

al. * si infirmus aliquis in vobis est vocet Presbyteros.

al. * laborantem.

al. * peccata fecit remittet ei.

R ij

al. * ad un-
gendum.

aut suorum necessitate inungendo *. Ceterum illud superfluum videmus adjectum, ut de Episcopo ambigatur quod Presbyteris licere non dubium est: nam idcirco de Presbyteris dictum est, quia Episcopi occupationibus aliis impediti ad omnes languidos ire non possunt. Ceterum si Episcopus aut potest aut dignum ducit aliquem à se visitandum & benedicere & tangere chrismate sine cunctatione potest, cujus est ipsum chrisma conficere; nam poenitentibus istud fundi non potest, quia genus est sacramenti; nam quibus reliqua sacramenta negantur, quomodo unum genus putatur posse concedi?

CAPUT CXI.

Vt nulla pretia de baptizandis consignandisque fidelibus exigantur; quod si qui perpetrare fuerint deprehenfi, honoris sui sint periculum subituri.

Ex epistola Papæ Gelasij, cap. v.

Ex epistola
Gelasij pri-
mi ad Epif-
copos Luca-
nia.
* Sacerdo-
tes hic ap-
pon. ex qui-
busdam
Mss.

BAPTISANDIS consignandisque fidelibus * pretia nulla præfigant, nec inlationibus quibuslibet impositis exagitare cupiant renascentes; quoniam quod gratis accepimus, gratis dare mandamur, & ideo nihil à prædictis prorsus exigere moliantur, quo vel paupertate cogente deterriti, vel indignatione revocati redemptionis suæ causas adire despiciant; certum habentes quòd qui prohibita deprehenfi fuerint admisisse vel commissa non potius sua spontè correxerint, periculum subituri proprii sint honoris.

CAPUT OXII.

Ex Concilio Auranico, cap. xiv.

Ex Auranico
cano 1.

ENERGUMINI jam baptizati si de purgatione sua curant, & se sollicitudini Clericorum tra-

Canonum pœnitentialium. Lib. II. 133

dunt, monitisque obtemperant, omnimodis communicent, sacramenti ipsius virtute vel muniendi ab incurſu dæmonum quo infeſtantur, vel purgandi quorum jam oſtenditur vita purgator.

CAPUT CXIII.

*De energuminis omni die ab Exorcistis manus
* imponenda.*

Ex Concilio Carthaginis, cap. xc.

*al. * imponendis.*

Ex Carth. IV.

OMNI die Exorcistæ energuminis manus imponent.

CAPUT CXIV.

Ex Concilio quo supra, cap. xci.

PAVIMENTA domorum Dei energumini verant.

CAPUT CXV.

Ex Concilio quo supra, cap. xcii.

ENERGUMINIS in domo Dei adſidentibus victus cotidianus per Exorcistas opportuno tempore miniſtretur.

Explicit Liber II.

INCIPIT LIBER III.

CAPUT I.

*Presbyterorum & Diaconorum ordinationes
certis celebrari poſſe temporibus.*

Ex decreto Papæ Gelasij, cap. xi.

*Ex epistola
Gelasij I.
ad Episcopos
Lucania.*

ORDINATIONES etiam Presbyterorum Diaconorumque niſi certis temporibus & diebus

R iij

exerceri non debeant, id est quarti mensis jejunio septimi & decimi, sed etiam Quadragesimalis initij ac mediana Quadragesimæ die sabbati jejunio circa vespeream noverint celebrandas. Nec cujuslibet utilitatis
* vox causa hic abest, qua in quibusdam aliis reperitur. * seu Presbyterum seu Diaconum his præferre *, qui ante ipsos fuerint ordinati.

CAPUT II.

Ut nemo litteras nesciens, vel aliqua parte corporis imminutus promoveatur ad Clerum.

Ex quo supra, cap. xvi.

al. * quosque.

IN LITTERATOS quoque *, & nonnulla parte corporis imminutos sine ullo respectu ad Ecclesiasticum didicimus venire servitium; quod simul antiqua traditio & Apostolicæ sedis vetus forma non recipit; quia nec litteris carens sacris esse potest aptus officiis, & vitiosum nihil Deo prorsus offerri legalia præcepta sanxerunt. Itaque de cetero modis omnibus hæc vitentur, nec quisquam talis suscipiatur in Clerum. Si qui verò vel temeritate propria vel incuriâ præsentium tales antè suscepti sunt, in his quibus constituti sunt locis nullatenus * perseverent, ut nihil umquam promotionis arripiant *; satisque habeant hoc ipsum sibi pro nimia miseratione permissum.

al. * catenatus.
al. * accipiant.

CAPUT III.

De his qui se ipsos abscindunt.

Ex quo supra, cap. xvii.

al. * abscindunt.

DE his autem qui semetipsos absciderint * paterni Canones evidenter sequenda posuerunt, quorum tenorem sufficiat indidisse. Dicunt enim talia perpetrantes mox ut agniti fuerint, à munere Clericali debere secludi. Quod modis omnibus custodire nos convenit, quia fas esse nullus suppeditat, præter illa

Canonum pœnitentialium. Lib. III. 135
quidquam quæ memorabilis decrevit forma censuræ.

CAPUT IV.

*Quòd ad clerum criminosi nequeant promo-
veri, & in clero positi si in aliquibus suc-
rint inventi criminibus, à suis officiis ar-
ceantur.*

Ex quo supra, cap. xviii.

COMPERIMUS etiam horrendis quibusdam cri-
minibus implicatos tota discretione summoti
non solum de factis atrocibus necessariam pœnitudi-
nem non habere, sed nec aliqua correptione penitus
succeedente ad divinum ministerium honorémque con-
scendere *. Nonnullos autem etiam in ipsis ordinibus
constitutos gravius delinquentes facinoribus non re-
pelli, cum & Apostolus clamet: *Nemini citò manus im-
ponendas*, neque communicandum peccatis alienis,
& majorum veneranda constituta pronuntient. Hujus-
modi etiam si fortè subreperint, tam qui ante pecca-
verunt detectos oportere depelli, quam sacræ pro-
fessionis oblitos prævaricatorésque sancti propositi pro-
cul dubio submovendos.

al. * con-
tendere.

1. Tim. 5.

CAPUT V.

*Quòd demoniis aliisque passionibus inretitis
ministeria sacra tractare non liceat.*

Ex quo supra, cap. xix.

USQUE adeò sanè comperimus illicita quæque
prorumpere, ut demoniis * similibúsque passio-
nibus inretitis ministeria * sacrosancta tractare tribua-
tur: quibus si in hoc opere positis aliquid propriæ ne-
cessitatis occurrat, quis de sua * fidelium salute confi-
det, ubi ministros ipsos curationis humanæ tanta

al. * damo-
niacis.

al. * my-
steria.

al. * sua
ac.

perspexerit calamitate vexari ? atque ideò necessariò removendi sunt, ne quibuslibet, pro quibus Christus mortuus est, scandalum generetur infirmis. Postremo si corpore sauciatum fortassis aut debilem nequaquam sancta contingere lex divina permittit; quantò magis doni cœlestis dispensatores esse non convenit, quod est deterius, mente percussos * ?

al. * percussos.

CAPUT VI.

De his qui viduas aut dimissas ducunt, vel in malis consiliis mixti sunt.

In excerptis Martini.

Ex capitulis
Martini
Bracarensis
Ep. cap.
xxvi.
al. * obre-
psit vel ob-
repperit.
al. * defen-
sione.

SI quis viduam aut ab alio dimissam duxerit, non admittatur ad clerum; aut si obrepsit * dejiciatur. Similiter si homicidii aut facti, aut præcepto, aut consilio, aut assensione * post baptismum conscius fuerit, & per aliquam subreptionem ad Clericatum venerit, dejiciatur, & in finem vitæ suæ communionem recipiat.

CAPUT VII.

al. * Hilari. *Ex decreto Papæ Hilarii *, qui non debeant ad clericatum admitti.*

cap. i.

* Hic inci-
pit cap. 2.
tertium au-
tem sic.
Inscij quo-
que litera-
rum, ut in-
fra: quar-
tum verò:
sed & quod
quis com-
misit. Qua
omnia in isto cap. contenta desumpta sunt ex Concilio Romano circa 465. habito.
b Inscij quoque lit.

CAVENTUM * ergo inprimis ne ad sacros gra-
dus, sicut gestis prioribus ante præscriptum est,
quisquam qui uxorem non virginem duxit, adspiret:
repellendus est etiam quisque qui in secundæ uxoris
nuptias contra Apostolica præcepta convenerit. Quod
Inscij litterarum, nec non & aliqua membrorum
damna perpessi, & hi qui ex pœnitentibus sunt, ad sa-
cros ordines adspirare non audeant. Quisquis talium

consecrator

Canonum pœnitentialium. Lib. III. 137

consecrator extiterit, factum suum ipse dissolvit; & quod commisit illicitè, aut à decessoribus invenit admissum^d, si proprium periculum vult vitare, dampnabit. Nos enim in nullo volumus severitatem ultionis exercere, sed qui in causis Dei vel contumaciâ vel in aliquo excessu deliquerit, aut ipse quod perperam fecit abolere noluerit, in se quidquid in alium^e non resecarit, inveniet. Quod ut deinceps possit tenaciùs custodiri, si placet omnes causas^f & subscriptiones proprias commodate^g, ut Synodali iudicio aditus claudatur illicitus. Ab universis Episcopis & Presbyteris adclamatum est, hæc confirmamus & hæc docemus.

al. e sed & quod quis commisit.
al. d quod proprius ejus prædecessor fecit abolere.
al. e alio non resecarit item resecaverit.
al. f sententias omnes vel sententias, causas &c.
al. g commodate.

CAPUT VIII.

Item ejusdem de eadem re, cap. 17.

NONNULLI * Episcopatum quibus nonnisi meritis præcedentibus datur, non divinum munus sed hereditarium putant esse compendium; & credunt sicut res caducas atque mortales, ita Sacerdotum velut legali * aut testamentario jure posse dimitti. Nam plerique Sacerdotes in mortis confinio constituti in locum suum feruntur alios designatis nominibus subrogare, ut scilicet non legitima expectetur electio, sed defuncti * gratificatio pro populi habeatur * adsensu: quod quàm grave sit æstimate: atque idè si placet etiam hanc licentiam generaliter de Ecclesiis auferamus, ne quod turpe dictu est homini se putet debere quod Dei est.

** Hac in cap. 5. editorum continetur: & post pauca sic habet: Nonnulli &c.*
*al. * legatorio.*
*al. * gratificatio populi habeatur assensu.*
*al. * præbeatur.*

CAPUT IX.

De his qui virginitatem professi sunt: & de his quæ sub sororis habitu cum aliquibus commorantur.

capitulum XIX.

Ex Concil. Ancyrano sub Silvest. an. 314. cap. 18.

Tome XI.

S

QUOTQUOT virginitatem promittentes irritam faciunt sponſionem, inter bigamos cenſeantur. Virgines autem quæ conveniunt cum aliquibus tamquam ſorores habitare prohibemus.

CAPUT X.

Ut ex curialibus Clericus non fiat propter voluptates, quas à diabolo inventas exhibere compellitur.

Ex epist. 2. Ex epistola Papæ Innocentij ad Viſtriciū Episcopum, cap. xi. Innoc. 1. ad Viſtric. Rothomag. Episc.

PRÆTEREA frequenter quidam è fratribus nostris curiales vel quibuslibet publicis functionibus occupatos Clericos facere contendunt, quibus postea major tristitia cum de revocandis eis aliquid ab Imperatore præcipitur, quam gratia de adſcito nascitur: constat enim eos in ipsis muniis voluptates etiam *al. * quas à* exhibere quæ ** à* diabolo inventæ esse noscuntur, & ludorum vel munerum apparatibus aut præesse aut forſitan interesse: sit certè in exemplum sollicitudo & tristitia fratrum quam sæpe pertulimus. Imperatore præſente, cum pro his sæpius rogaremus, quam ipse nobiscum positus cognovisti: quibus non solum inferiores Clerici ex curialibus, verum etiam jam in Sacerdotio constituti, ingens molestia ut redderentur *al. * immi-* instabat **.* nebat.

CAPUT XI.

De ministratoribus.

Epistola 3.

Ex ejusdem epistola ad Exuperium, cap. iiii.

QUÆSITUM etiam est super his qui post baptismum administraverunt, & aut tormenta sola exercuerunt, aut etiam capitalem protulere sententiam: de his nihil legimus à majoribus diffinitum:

Canonum pœnitentialium. Lib. III. 139

meminerant enim à Deo potestates has fuisse concessas, & propter vindictam noxiorum gladium fuisse permissum & Dei ministrum esse, datum in hujusmodi vindicem. Quomodò igitur reprehenderent factum, quod auctore Domino viderent esse concessum. De his ergo ita ut hactenus servatum est sic habemus *, *al. * habeamus.* ne aut disciplinam evertere, aut contra auctoritatem Domini venire * mereamur. *al. * videamur.* Ipsis autem in ratione reddenda gesta sua omnia servabuntur.

CAPUT XII.

Quòd qui preces vel criminales dictant habentur immunes.

Ex eadem epistola, cap. v.

ILUD etiam sciscitari voluisti, an preces dictantibus liberum concedatur, utique post baptismi regenerationem, à Principibus pscere mortem alicujus vel sanguinem de reatu: quam rem Principes nunquam sine conditione * concedunt, sed ad iudices *al. * cognitione.* commissa ipsa vel crimina semper remittunt, ut causâ cognitâ vindicentur; quæ cum quæritori fuerint delegata aut absolutio, aut damnatio pro negotij qualitate profertur; & dum legum in improbos exercetur auctoritas, erit dictator immunis.

CAPUT XIII.

Si quis volens partem sui corporis amputaverit, Clericus esse non potest, nolens autem potest.

Ex epistola Papæ Innocentij ad Felicem Episcopum, cap. xxviii.

Epist. 4. ad Felicem Nucerianum Episc. cap. 1.

QUI igitur partem cujuslibet digiti sibi ipsi volens abscidit, hunc ad Clerum Canones non admittunt: cui verò casu aliquo contigit, dum aut operi rustico curam impendit, aut aliquid faciens se non

S ij

sponte percussit, hos Canones præcipiunt & Clericos fieri; & si in clero fuerint reperti * non abjici: in illis enim voluntas est iudicata *, quæ sibi ausa fuit ferrum injicere, quòd scilicet & alii id facere dubitari * non possit: in istis verò casus veniam meruit.

al. * rece-
pti.
al. * vindi-
cata.
al. * dubi-
tare non
possunt.

CAPUT XIV.

Quòd digami ad Clerum admitti non possunt.

Ex eadem epistola, cap. xxix.

cap. 2.

1. Tim. 3.
Tit. 1.

DE digamis autem nec consuli debuit, quòd manifesta sit lectio Apostoli: *Vnius uxoris virum*, ad Sacerdotium sive ad Clericatum admitti debere, & hanc ipsam tamen si virginem accepit: nam ea quæ habuerit antea virum, licet defunctus sit, tamen si postea Clerico fuerit copulata, Clericus qui eam acceperit esse non poterit: quia in lege cautum est: Non viduam, non abjectam habere posse in conjugem Sacerdotem.

CAPUT XV.

Qui de laicis ad clerum non debeant promoveri.

Ex eadem epistola, cap. iiii.

f* sed fieri.

DE laicis verò consuluit tua religio, quod Canones ordinare prohibeant. Certum est quidem hoc regulas Ecclesiasticas continere, sed non ita diffinitum est, ut de omnibus sit laicis constitutum: neque enim Clerici nosci & non * fieri possunt: sed designata sunt genera de quibus ad Clericatum pervenire non possunt, id est si quis fidelis militaverit, si quis fidelis causas egerit, hoc est postulaverit, si quis fidelis administraverit. De curialibus autem manifesta ratio est, quoniam & si inveniantur hujusmodi viri qui debeant Clerici fieri, tamen quoniam sæpius ad

Canonum pœnitentialium. Lib. III. 141
curiam repetuntur, cavendum ab his est propter tribulationem quæ sæpe de his Ecclesiæ provenit.

CAPUT XVI.

Qui de laicis possunt Clerici fieri : hîc aperte concuba prohibetur.

Ex eadem epistola, cap. iv.

LAICI verò qui habentes uxores baptizati sunt, ac sic se instituerunt, ut opinio eorum in nullo vacillet, ut aut Clericis juncti sunt aut monasteriis, ex quo baptizati sunt hæserint. Si non concubinam, non pellicem noverint, si in omnibus bonis operibus vigilarint, non prohibentur hujusmodi ad Clericatus sortem adsumi.

CAPUT XVII.

De temporibus morandi in clero.

Ex eadem epistola, cap. v.

ITA sanè ut in eos tempora à majoribus constituta servantur, nec citò quilibet Lector, citò Acolytus, citò Diaconus, citò Sacerdos fiat : quia in minoribus officiis si diu perdurent, & vita eorum pariter & obsequia comprobantur, ut ad Sacerdotium postea emensis stipendiorum meritis veniant, nec præripiant quod vita probata meretur accipere. Quoniam ergo certa diffinitione monstratum est qui debeant admitti, quivè reprobari ex his omnibus, quos videt dignatio tua non posse reprobari, eligere debebis quos Clericos facias : Si enim nullam gratiam hominibus aut beneficium præstare velimus, tales invenire possumus, de quorum adsumptione nec incurrere scandalum nec erubescere valeamus *.

al. * videamur.

CAPUT XVIII.

al. * Clericorum.

*Quæ in singulis Clerici * gradibus tempora sint præfixa.*Data an.
418.

Ex epistola Zozimi Papæ, cap. III.

al. * Pontificium.

HÆc sunt autem in singulis gradibus observanda tempora. Si ab infantia Ecclesiasticis ministeriis nomen dederit, inter Lectores usque ad vicesimum ætatis annum continuata observatione perduret: si major jam & grandævus accesserit, ita tamen ut post baptismum statim se divinæ militiæ desideret mancipari, sive inter Lectores, sive inter Exorcistas quinquennio teneatur; exinde Acolytus vel Subdiaconus quatuor annis: & sic ad benedictionem Diaconatus si meretur accedat, in quo ordine quinque annis si inculpatè se gesserit hæere debet: exinde suffragantibus stipendiis per tot gradus datis propriæ fidei documentis Presbyterii Sacerdotium poterit promereri; de quo loco, si eum exactior ad bonos mores vita perduxerit, summum Pontificatum * sperare debet. Hac tamen lege servata, ut neque digamus, neque poenitens, neque viduæ maritus ad hos gradus possit admitti. Sanè ut etiam defensores Ecclesiæ, qui ex laicis fiunt, supradicta observatione teneantur, si meruerint esse in ordine Clericatus.

CAPUT XIX.

Ex Cælestini
1. Epistola
2. ad Episcopos provincie
Viennensis
Ep. Narbonensis,
cap. 1.
al. * quosdam Domini.

Quòd non debeant Sacerdotes aut Clerici amicti palliis, & præcincti lumbis in Ecclesia ministrare.

Ex epistola Papæ Cælestini, cap. XIV.

IDICIMUS enim Domini * Sacerdotes superstitioso potius cultui inservire, quàm mentis

Canonum pœnitentialium. Lib. III. 143

vel fidei puritati. Sed non mirum si contra Ecclesiasticum morem faciunt qui in Ecclesia non creverunt. Sed * alios venientes in itinere secum hæc in Ecclesiam al. * alio venientes itinere. quæ in alia conversatione habuerant intulerunt : amici pallio & lumbis præcincti credunt se sanctæ scripturæ fidem non per spiritum sed per litteram impleturos : nam si ad hoc ista præcepta sunt, ut taliter servarentur, cur non fiunt pariter quæ sequuntur ut lucernæ ardentes * unà cum baculo teneantur ? habent suum al. * ardentes in manibus. ista mysterium, & intelligentibus ita clara sunt, ut ea magis qua decet significatione servantur. Nam in lumborum præcinctione castitas, in baculo regimen pastorale, in lucernis ardentibus boni fulgor operis, de quo dicitur ; *Sic opera vestra luceant*, indicatur. Habent * tamen istum forsitan cultum, morem potius Matth 5. al. * habeant. quàm rationem sequentes, qui remotioribus habitant locis & procul à ceteris degunt, unde hic habitus in Ecclesiis Gallicanis ut tot annorum tantorumque Pontificum in alterum habitum consuetudo vertatur. Discernendi à plebe vel ceteris sumus doctrinà non veste, conversatione non habitu, mentis puritate non cultu. Nam si studere incipiamus novitati traditum nobis à Patribus ordinem calcabimus, ut locum supervacuis superstitionibus faciamus. Rudes ergo fidelium mentes ad talia non debemus inducere : docendi enim sunt potius quàm illudendi ; nec imponendum est eorum oculis, sed mentibus infundenda præcepta sunt. Erant quidem multa quæ pro disciplina Ecclesiastica vel ipsius rei dicere ratione possemus : sed ab his ad alia devocamur.

CAPUT XX.

De Clericis quales debeant promoveri.

Ex Decretis Papæ Syricij, cap. viii.

DIDI CIMUS etiam licenter ac liberè inexplorata Ex epistola ad Himerium Ter- racon. Epif. vitæ homines, quibus etiam fuerint numerosa

al. * non
obstant.

Levit. 21.

Ezech. 44.

1. Tim. 3.

al. * ista.
Psal. 49.

conjugia ad præfatas dignitates prout cuicumque li-
buerit adspirare ; quod non tantum illis qui ad hæc
immoderata ambitione perveniunt, quantum Metro-
politani specialiter Pontificibus inputamus, qui dum
inhibitis ausibus connivent *, Dei nostri quantum in
se est præcepta contemnunt. Et ut taceamus quod al-
tius suspicamur ubi illud est quod Dominus noster da-
ta per Moysen lege constituit dicens : *Sacerdotes mei*
semel nubant. Et alio loco : *Sacerdos uxorem virginem*
accipiat, non viduam, non repudiatam, non meretricem.
Quod secutus Apostolus ex persecutore prædicator :
Unius uxoris virum tam Sacerdotem quam Diaconum
fieri debere mandavit. Quæ omnia ita vestrarum re-
gionum despiciuntur Episcopis quasi in contrarium
magis fuerint constituta : & quia non est nobis de hu-
jusmodi usurpationibus negligendum, ne nos indi-
gnantis Domini vox * justa corripiat quæ dicit : *Vide-*
bas furem & currebas cum eo ; & ponebas tuam portio-
nem cum adulteris. Quid ab universis post hæc Ec-
clesiis sequendum sit, quid vitandum generali pronun-
tiatione decernimus.

CAPUT XXI.

Quòd extra conscientiam Metropolitanam non ordinandus sit Episcopus.

Ex epistola
2. ad victri-
cium Rotho-
mag. Epif.
cap. 1.

Ex Decretis Papæ Innocentij, cap. ix.

PRIMUM ut extra conscientiam Metropolitanam
Episcopum nullus audeat ordinare : integrum
enim iudicium est quod plurimorum sententiis confir-
matur. Nec unus Episcopus ordinare præsumat Epif-
copum, ne furtivum beneficium præstitum videatur.
Hoc enim & à Synodo Nicæna constitutum atque
diffinitum.

CAP. XXII.

CAPUT XXII.

*Quòd nolentibus Clericis , vel populis , nemo
debeat Episcopus ordinari.*

Ex epistola Papæ Cælestini ad universos Episcopos per Vien- Epistola 2.
nensem & Narbonensem provinciam constitutos , cap. XVIII. Cælestini 1.
cap. v.

NULLUS invitis detur Episcopus : Cleri, plebis
& ordinis consensus & desiderium requiratur.
Tunc alter de altera eligatur Ecclesia si de civitatis
ipsius Clericis, cui est Episcopus ordinandus, nullus
dignus, quod evenire non credimus, poterit inveni-
ri. Primum enim illi reprobandi sunt ut aliqui de
alienis Ecclesiis merito præferantur. Habeat unusquis-
que * suæ fructum militiæ in Ecclesia in qua suam per al. * unus-
quisque
Clerico-
rum.
omnia officia transegit ætatem : in aliena stipendia
minimè alter obrepat, nec alii debitam alter sibi au-
deat vindicare mercedem. Sit facultas Clericis reni-
tendi si se viderint prægravari : & quos sibi ingeri ex
transverso cognoverint, non timeant refutare : quia * al. * qui
ctfi.
si non debitum præmium vel liberum de eo qui eos
recturus est debeant * habere iudicium. al. * de-
bent.

CAPUT XXIII.

*Quòd ab illicitis sit ordinationibus
abstinendum.*

Ex eadem epist, cap. XIX.

Cap. VI.

ABSTINEATUR etiam ab illicitis ordinatio-
nibus. Nullus ex laicis, nullus digamus, nullus
qui sit viduæ maritus aut fuerit, ordinetur ; sed inre-
prehensibilis & qualem elegit Apostolus, fiat. Per
Moysen Dominus præcepit : *Virginem accipiat Sacer-* Levit. 1.
dos uxorem. Subsequitur & supplet Apostolus eodem 1. Tim. 3.
loquutus Spiritu, unius uxoris virum debere Episco-
pum consecrari. Ad hanc ergo eligantur formulam

Tome XI.

T

Sacerdotes : & si quæ factæ sunt ordinationes illicitæ removeantur , quoniam stare non possunt : nec discussionem nostram subterfugere poterunt , quamvis latere se æstiment qualiter * pervenerunt. Ut nulla religionis reverentia obscuritate fuscetur , non sit vana gloriatio palliatis , Episcopalem morem qui Episcopi sunt sequantur. Daniel * , ut diximus , qui accusationem Pontificali honore subterfugere se posse credidit , & ad fastigium tantum accusatores suos latendo pervenit , à sanctitatis vestræ cœtu interim se non verit segregatum , qui se nostro iudicio debet obicere , si conscientia suæ novit confidentiam obtinere *.

al. * se habere.
* Hic cap. 2. incipit Massiliensis Episc.

Massiliensis * verò Ecclesiæ Sacerdotem , qui dicitur , quod dictu nefas est , in necem fratris sui taliter gratulatus , ut huic qui ejus sanguinem cruentatus advenerat , portionem cum eodem habiturus occurreret ; vestro cum audiendum collegio delegamus.

CAPUT XXIV.

Ut nullus Episcoporum servum alterius ad Clericatus officium promovere præsumat.

Ex decretis Papæ Leonis in epistola ad Episcopos per Campaniam.

Leonis I.
epistola I.
cap. 1.
alibi sic incipit ,
* Admittuntur passim.
* jure.

al. * ministerium.

NON admittantur * passim ad ordinem sacrum , quibus nulla natalium , nulla morum dignitas suffragatur ; & qui à dominis suis libertatem consequi minimè potuerunt , ad fastigium Sacerdotij tamquam servilis vilitas hunc honorem * capiat , provehantur : & probari Deo se posse creditur qui domino suo necdum probare se potuit. Duplex itaque in hac parte reatus est , quod & sacrum ministerium * talis confortij vilitate polluitur , & dominorum quantum ad illicitæ usurpationis temeritatem pertinet jura solvuntur. Ab his itaque , fratres charissimi , omnes vestræ provinciæ abstineant Sacerdotes , & non tantum ab his , sed ab aliis etiam qui originali aut alicui

Canonum pœnitentialium. Lib. III. 147

conditioni obligati sunt, volumus temperari; nisi fortè eorum petitio aut voluntas accefferit, qui ali- quid sibi in eos vindicant potestatis; debet enim esse immunis ab aliis qui divinæ militiæ fuerit adgregan- dus, ut à castris dominicis, quibus nomen ejus ad- scribitur, nullis necessitatis vinculis abstrahatur.

CAPUT XXV.

Ut quicumque ad Sacerdotium vel viduarum mariti, vel habentes numerosa conjugia promoti fuerint, ab omnibus Ecclesiasticis officiis arceantur.

Ejusdem, cap. II.

QUALIS verò unicuique natalium honestas & morum esse debeat, qui sacri altaris ministerio est sociandus, & Apostolo nos docente, & divina præ- ceptione didicimus & Canonum regulis, à quibus plerosque fratrum declinasse & penitus deviasse repe- rimus: nam constat ad Sacerdotium pervenisse vidua- rum maritos quosdam, etiam quibus fuerint nume- rosa conjugia, & ad omnem licentiam vita liberior, ad sacrum ordinem passim patefactis * aditibus fuisse al. * per- missos. promotos contra illam beati Apostoli vocem qua tali- i. Tim. 3. bus exclamat dicens: *Vnius uxoris virum*: & contra al. * indi- citur. illud antiquæ legis præceptum quo dicitur * & cave- Levit. 21. tur: *Sacerdos virginem uxorem accipiat, non viduam, non repudiatam*, hos ergo quicumque tales admissi sunt ab Ecclesiasticis officiis & à Sacerdotali nomine Apo- stolicæ sedis auctoritate jubemus arceri. Nec hoc enim sibi poterunt pro arbitrio vindicare, cujus capaces per hoc quod illis obstiterat non fuerunt: hujus discussio- nis curam nobis specialiter vindicantes, ut si qua forsitan de his commissa sunt, corrigantur, ne liceat ultra committi; & * ne qua excusatio de ignorance al. * ne qua occasio. nascatur, quamquam ignorare numquam licuerit

T ij

Sacerdotem quid Canonum regulis fuerit diffinitum. Hæc ergo ad provincias vestras per Innocentium, Legitimum & Segetium fratres & Coepiscopos nostros scripta direximus, ut quæ malè pullulasse noscuntur radicitus evellantur, & messem Dominicam zizania nulla corrumpat. Ita enim fructum uberem quæ sunt sincera præstabunt, si ea quæ natam segetem enecare consuerunt, diligentius amputentur.

CAPUT XXVI.

Ut si quis sacerdotum contra hæc interdicta fecerit à suo sit officio submovendus.

Ejusdem, cap. v.

HOc itaque admonitio nostra denuntiat, quòd si quis fratrum contra hæc statuta venerit vel venire tentaverit, & prohibita fuerit ausus admittere, à suo se noverit officio submovendum, nec communionis nostræ futurum esse consortem, qui socius esse noluit disciplinæ. Ne quid verò sit quod prætermisum à nobis fortè credatur, omnia decretalia constituta tam beatæ recordationis Innocentij, quàm omnium decessorum nostrorum, quæ de Ecclesiasticis ordinibus * & Canonum promulgata sunt disciplinis, ita à vestra dilectione custodiri debere mandamus, ut si quis in * illa commiserit, veniam sibi deinceps noverit denegari.

al. * ordi-
nationibus.
al. * illa
contempe-
rit.

CAPUT XXVII.

Quòd non habeantur Episcopi, quos nec Clerus elegit, nec populus exquisivit, nec provinciales Episcopi consecraverunt: si qui tamen Clerici ab his pseudo-Episcopis ordinantur, rata potest ordinatio talis existere.

Ejusdem, cap. xv.

NULLA ratio finit ut inter Episcopos habeantur, qui nec à Clericis sunt electi, nec à plebibus ex-
petiti, nec à provincialibus Episcopis cum Metropo-
litani judicio consecrati : unde cum sæpe quæstio de
malè accepto honore nascatur, quis ambigat nequa-
quam istis esse tribuendum quod non docetur eis fuisse
conlatum ? si qui autem Clerici ab ipsis pseudo-Epif-
copis in eis Ecclesiis ordinati sunt, quæ ad proprios
Episcopos pertinebant, & ordinatio eorum cum con-
sensu & judicio præsentium facta est, potest rata
haberi, ita ut in ipsis Ecclesiis perseverent : aliter au-
tem vana habenda est consecratio *, quæ nec in loco
fundata est, nec auctoritate munita.

Leonis ejus-
dem episto-
la, seu res-
poniones
ad inquisi-
tiones Rusti-
ci Narbon.
Episcopi,
hæc est xcii.
respons. i.

al. * ordi-
natio.

CAPUT XXVIII.

Ut nullus invitis ordinetur Antistes.

Ejusdem, cap. xxxv.

CUM ergo de summi Sacerdotis electione tracta-
bitur, ille omnibus præponatur, quem Clerici
plebisque consensus concorditer postulaverint ; ita ut
si in aliam fortè personam partium se vota dividerint,
Metropolitani judicio is alteri præponatur, qui ma-
joribus & studiis juvatur & meritis, tantum ut nullus
invitis & non petentibus ordinetur ; ne civitas Epif-
copum non optatum aut contemnat aut oderit & fiat
minus religiosa quàm convenit, cui non licuerit ha-
bere quem voluit.

Ad Anas-
tadium
Thessaloni-
cens. Episc.
epist. 84.
cap. 5.

CAPUT XXIX.

*Ut nullus alienum Clericum sollicitare, vel
tenere præsumat suo Episcopo non prabente
consensum.*

T iij

Cap. ix.

Ejusdem, cap. xxxix.

AL IENUM Clericum invito Episcopo ipsius nemo suscipiat, nemo sollicitet; nisi fortè ex placito charitatis id inter dantem accipientemque conveniat: nam gravis injuriæ reus est, qui de fratris Ecclesia id quod est utilius aut pretiosius audet vel alligere vel tenere. Itaque si intra provinciam res agitur, transfugam Clericum de Ecclesia sua Metropolitanus redire compellat. Si autem longiùs recessit, tui præcepti auctoritate revocabitur, ut nec cupiditati nec ambitioni occasio relinquatur.

CAPUT XXX.

Ut implicati negotiis alienis ante redditam rationem Clerici non ordinentur.

* Primo
Sub Iulio 1.
cap. viii.
al. * Ap-
tungenfis.
al. * exa-
ctores.

Ex Concilio Carthaginensi *, cap. iv.

MA GNUS Episcopus Astuagenfis * dixit: Quid dilectioni vestræ videtur procuratores * & actores, tutores etiam seu curatores pupillorum si debeant ordinari. Gratus Episcopus dixit: Si post deposita universa & reddita ratiocinia, si actus vitæ ipsorum fuerint comprobati, in omnibus debent & cum laude Clerici si postulati fuerint honore munerari. Si enim quis ante libertatem negotiorum vel officiorum ab aliquo sine consideratione fuerit ordinatus, Ecclesia infamatur. Universi dixerunt: Rectè omnia statuit sanctitas tua, ideoque tua nostra est quoque sententia.

CAPUT XXXI.

Rebaptizati ad nullum Clericatus gradum promovendi.

Ex codice
can. Afric.
Eccles. cap.
notato, &
ex Carthæ.
nomine v.
cap. xi.

Ex Concilio quo supra, cap. xxvii.

ITEM confirmatum est ut si quando Presbyteri vel Diaconi in aliqua graviore culpa convicti fuerint, quâ eos à ministerio necesse sit removeri, non eis manus vel tamquam pœnitentibus, vel tamquam fidelibus laicis imponatur; neque umquam permittendum ut rebaptizati ad Clericatus gradum promoveantur.

CAPUT XXXII.

De his qui peregrè baptizantur, ut ad Clerum non veniant.

Ex Concilio Heliberitano, cap. xxiv.

OMNES qui peregrè * fuerint baptizati, eo quòd eorum minimè sit cognita vita, ad Clerum non esse promovendos in alienis provinciis.

*Sub Marcello P. I.
anno 305.
al. * in peregrinatione.*

CAPUT XXXIII.

De discretione pœnitentium, qui possint ad Ecclesiasticos ordines provehi vel qui non possint.

Ex Concilio Toletano v. cap. liv.

HI qui in discrimine constituti pœnitentiam accipiunt, nulla manifesta scelera confitentes, sed tantum peccatores se prædicantes, huiusmodi scire valuerint, possunt etiam per morum probitatem ad gradus Ecclesiasticos pervenire. Qui verò ita pœnitentiam accipiunt, ut aliquod mortale peccatum perpetrasse publicè fateantur, ad Clerum vel honores Ecclesiasticos pervenire nullatenus possunt, quia se confessione propria notaverunt.

CAPUT XXXIV.

De discretione libertorum, qui ad Ecclesiasti-

*cos ordines pervenire possunt, vel qui pro-
vehi non possunt.*

Ex eodem, cap. x.

QUICUMQUE libertatem ab omnibus suis ita percipiunt, ut nullum sibi in eis obsequium patronus retinet, isti si sine crimine sunt ad Clericatus ordinem liberi suscipiuntur; quia directa manumissione absoluti noscuntur. Qui verò redempto obsequio manumissi sunt, pro eo quod adhuc à patrono servituti tenentur obnoxii, nullatenus sunt ad Ecclesiasticum ordinem promovendi, ne quando voluerint eorum domini, fiant ex Clericis servi.

CAPUT XXXV.

Ex Concilio Carthagenensi, cap. lx.

*Ex Cath.
iv. sub
Anastaf. i.
an. 398.
al. * retra-
hendum.*

CLERICUM scurrilem, & verbis turpibus jocularem, ab officio detrahendum*.

CAPUT XXXVI.

*Non transmigrandum de civitate in
civitatem.*

Ex Concilio Calcedonensi, cap. v.

*Sub Leone.
i.
an. 451.*

DE his qui transmigrant de civitate in civitatem Episcopis aut Clericis, placuit ut Canones, qui de hac re à sanctis Patribus statuti sunt, habeant propriam firmitatem.

CAPUT XXXVII.

*Quòd non oporteat absolute quoslibet
ordinari.*

Ex eodem Concilio, cap. vi.

NULLUM

NULLUM absolutè ordinari debere Presbyterum aut Diaconum, nec quemlibet in gradu * Ecclesiastico, nisi specialiter Ecclesiæ civitatis aut possessionis * aut Martyrij aut Monasterij qui ordinandus est, pronuntietur. Qui verò absolutè ordinantur, decrevit sancta Synodus irritam haberi hujusmodi manus impositionem, & nusquam posse ministrare ad ordinantis injuriam.

*al. * ordin.*

*al. * pagi aut in Martyrio aut Monasterio qui*

CAPUT XXXVIII.

De singulis gradibus sacri ordinis qualiter ordinentur.

Ex Concilio Carthagenensi de psalmistis, cap. x.

Ex Carth.

IV.

an. 398.

PSALMISTA, id est Cantor, potest absque scientia Episcopi sola jussione Presbyteri officium suscipere cantandi, dicente sibi Presbytero: Vide ut quod ore cantas corde credas, & quod corde credis operibus comprobet.

CAPUT XXXIX.

Qualiter Ostiarii ordinentur.

Ex Concilio Carthagenensi, cap. ix.

ut supra.

OSTIARIUS cùm ordinatur postquàm ab Archidiacono instructus fuerit qualiter in domo Dei debeat conversari, ad suggestionem Archidiaconi tradat ei Episcopus Ecclesiæ claves de altario, dicens ei: Sic age quasi redditurus Deo rationem pro his rebus quæ istis clavibus * redduntur.

*al. * recluduntur.*

CAPUT XL.

Qualiter Lectores ordinentur.

Ex Concilio eodem, cap. viii.

Tome XI.

V

LECTOR cū ordinatur faciat de illo verbum
Episcopus ad plebem, indicans ejus fidem ac vi-
tam atque ingenium: post hæc expectante plebe tra-
dat ei codicem de quo lecturus est, dicens ad eum:
Accipe & esto verbi Dei relator, habiturus si fideliter
& utiliter impleveris officium, partem cum eis qui ver-
bum Dei ministraverunt.

CAPUT XLI.

Qualiter Exorcistæ ordinentur.

Ex eodem Concilio, cap. vii.

EXORCISTA cū ordinatur accipiat de manu
Episcopi libellum in quo scripti sunt exorcismi,
dicente sibi Episcopo: Accipe & commenda memoriæ,
& habeto potestatem imponendi manus supra energu-
menos sive baptizatos * sive cathecumenos.

al. * ener-
gumenum
sive bap-
tizandum.

CAPUT XLII.

*De Exorcistis qui non sunt ab Episcopis
ordinati.*

Ex Concilio Laodicensi, cap. xxvi.

Sub Silve-
stro, vel
Liberio po-
tius, circa
364.

QUOD hi qui non sunt ab Episcopis ordinati tam
in Ecclesiis, quàm in domibus exorcizare non
possint.

CAPUT XLIII.

Qualiter Acolyti ordinentur.

Ex Concilio Carthaginensi, cap. vi.

Carth. iv.
ut supra.

ACOLYTUS cū ordinatur, ab Episcopo qui-
dem doceatur qualiter in officio suo agere de-
beat, sed ab Archidiacono accipiat ceroferarium cum
cereo, ut sciat se ad accendenda Ecclesiæ luminaria

Canonum pœnitentialium. Lib. III. 155
mancipari; accipiat & urceolum vacuum ad suggerendum vinum in Eucharistiam sanguinis Christi.

CAPUT XLIV.

Qualiter Subdiaconi fiant.

Ex eodem Concilio, cap. i.

SUBDIACONUS cùm ordinatur quia manus impositionem non accipit, patenam de manu Episcopi accipiat vacuum & calicem vacuum; de manu verò Archidiaconi accipiat urceolum cum aquamabile * ac manutergium.

*Capite
quinto.*

*al. * Manu-
tile.*

CAPUT XLV.

*Incipit de regulis omnium Clericorum. Ut
Clerici nullas negotiationes inhonestas
& turpia lucra sectentur.*

Ex decreto Papæ Gelasij, cap. xv.

CONSEQUENS fuit ut illa quoque quæ de Piceni partibus nuper ad nos missa relatio nuntiavit non prætereunda putaremus, id est plurimos Clericorum negotiationibus inhonestis & lucris turpibus immingere, nullo pudore cernentes Evangelicam lectionem, quia ipse Dominus noster negotiatores è templo verberatos flagellis adseritur expulisse; nec Apostoli verba recolentes quibus ait: *Nemo militans Deo* 1. Tim. 2. *implicat se negotiis secularibus*: Psalmistam quoque David surda dissimulantes aure cantantem: *Quoniam* Psal. 70. *non cognovi negotiationes, introibo in potentias Domini.* Proinde hujusmodi aut ab indignis post hæc * quæstibus noverint abstinendum, & ab omnibus * quibuslibet negotiationis ingeniis cupiditatēque cessandum, aut in quocumque gradu sint positi mox à Clericalibus officiis abstinere cogantur: quoniam domus Dei

*Ex epistola
9. Gelasij, 1.
ad Episcopos
Lucania.*

1. Tim. 2.

Psal. 70.

*al. * post
hac vel
postea.*

*al. * omni
cujuslibet
negot. in-
genio.*

V ij

domus orationis & esse debet & dici, ne officina negotiationis & spelunca potius sit latronum.

CAPUT XLVI.

Tempore
Hormisdæ
circa 516.

Ex Concilio Terraconensi, cap. II.

QUICUMQUE in Clero esse voluerit, emendivilius vel vendendi carius studio non utatur. Certè si hoc voluerit exercere, cohibeatur à Clero.

CAPUT XLVII.

Ut Clericus nec suo nec alieno nomine fœnus exerceat.

Ex Leonis I.
epistolæ ad
Episcopos per
Campaniam &c.

Ex decretis Papæ Leonis, cap. IV.

ILUD etiam duximus præmonendum, ut sicut non suo, ita non alieno nomine aliquis Clericorum exercere fœnus adtentet: indecens enim est crimen suum commodis alienis impendere. Fœnus autem hoc solum aspicere & exercere debemus, ut quod hîc misericorditer tribuimus ab eo Domino, qui multipliciter & in perpetuum mansura retribuet, recipere valeamus.

CAPUT XLVIII.

De contumacibus Clericis, & ad officium tardis.

An. 506.

Ex Concilio Agathense, cap. II.

CONTUMACES verò Clerici prout dignitatis Cordo permiserit ab Episcopis corrigantur, & si qui prioris gradus elati superbiâ excommunicationem * fortasse contempserint, aut Ecclesiam frequentare vel officium suum implere præsumpserint *, peregrina eis communio tribuetur; ita ut cùm eos potentia * correxerit, rescripti in matricula gradum suum dignitatèque recipiant.

al. * communionem.
al. * neglexerint.
al. * poenitentia.

CAPUT XLIX.

Si Clericus furtum Ecclesiae fecerit.

Ex Concilio quo supra, cap. v.

SI quis Clericus furtum Ecclesiae fecerit, peregrina
ei communio tribuatur.

CAPUT L.

*Ut si cuiuslibet ordinis Clericus tardius * ad* al. * non
venerit.
Ecclesiam venerit deponatur.

Ex Concilio Toletano, cap. v.

Ex Tolet. x.

PRESBYTER, Diaconus, vel Subdiaconus, vel
quilibet Ecclesiae deputatus Clericus si intra civi-
tatem fuerit, vel in loco in quo Ecclesia est, aut castel-
lo, aut vico, aut villa & ad Ecclesiam ad sacrificium
cotidianum non venerit *, Clericus non habeatur, al. * acces-
serit.
si castigatus * per satisfactionem veniam ab Episcopo
noluerit * promereri. al. * casti-
gatus non
emendave-
rit.
al. * noluit.

CAPUT LI.

*Quòd nullus Ecclesiasticorum in tabernis
comedere debeat.*

Ex Concilio Laodicensi, cap. xxiv.

*Sub Silve-
stro ant po-
stius Liberio
circa 364.*

QUÒD non oporteat sacro ministerio deditos à
Presbyteris usque ad Diaconos, & reliquum
Ecclesiasticum ordinem, id est usque ad Subdiaconos,
Lectores, Cantores, Exorcistas, & Ostiarios, & ex
numero continentium & Monachorum ingredi ta-
bernas.

CAPUT LII.

De Clericis qui in mutuam cadem prouunt.

V iij

Tempore Io-
han. Pap. i.
circa ann-
num 524.

al. * pertu-
lerit.
al. * vindi-
centur.

Ex Concilio Hilerdensi, cap. xi.

SI qui Clerici in mutuam eadem proruperint, prout dignitas officiorum in tali excessu contumeliam protulerit *, à Pontifice districtius judicentur *.

CAPUT LIII.

*De Clericis qui ad saecularium defensionem
confugiunt propter districtiorem Episcopi.*

Anno 506.

Ex Concilio Agathensi, cap. viii.

ID etiam placuit, ut Clericus si relicto officio suo propter districtiorem ad saecularem iudicem forte confugerit, & ei is ad quem recurrit solatium ei defensionis impenderit, cum eodem de Ecclesiae communione pellatur.

CAPUT LIV.

De Clericis negotia & nundinas sectantibus.

sub Mar-
cello. i.
cap. xviii.

Ex Concilio Heliberitano, cap. xvi.

EPISCOPUS, Presbyteri & Diaconi de locis suis negotiandi causam non discedant, nec circumeuntes provincias quaestuosas nundinas sectentur. Sanè ad victum sibi conquirendum, aut filium, aut liberum, aut mercenarium, aut amicum, aut quemlibet mittant; & si voluerint negotiari, intra provinciam negotientur.

CAPUT LV.

*Ut si voluntarie Clericus damnum Ecclesiae
fecerit, satisfaciat, & excommunicetur.*

Ut supra
cap. xxvi.

Ex Concilio Agatensi, cap. xxvii.

SI quis verò de Clericis documenta quibus Ecclesiæ possessio firmatur, aut subprimere, aut negare, aut adversariis fortasse tradere damnabili & punienda obstinatione præsumpserit, quidquid per absentiam documentorum damni Ecclesiæ inlatum est, de propriis facultatibus reddat, & communione privetur. Hi autem qui in damno Ecclesiæ instrumenta Ecclesiæ impiè sollicitatis traditoribus susceperint, pari sententia feriantur.

CAPUT LVI.

De conversatione Clericorum, ut in uno conclavi sint.

Ex Concilio Toletano, cap. xxiv.

*Ex Tolet.
iv. an. 633.
Proverb. 50.*

PRONA est omnis ætas ab adolescentia in malum: nihil enim incertius quàm vita adolescentiæ *. Ob hoc constituendum * oportuit, ut si qui in Clero pueri * aut adolescentes existunt, omnes in uno conclavi atrij commorentur, ut lubricitatis * annos non in luxuria sed in disciplinis Ecclesiasticis agant, deputati probatissimo seniori, quem & magistrum doctrinæ & testem vitæ habeant. Quòd si aliqui ex his pupilli existunt, Sacerdotali tutela foveantur, ut & vitam à criminibus intacta sit, & res * ab injuria improborum. Qui autem his præceptis resultaverint, monasteriis deputentur, ut vagantes animi & superbi feaveriori regula distringantur.

*al. * adolescentium.
al. * constituere.
al. * puberes ac etiam impuberes.
al. * lubricæ ætatis.*

*al. * res eorum ab injuria improborum.*

CAPUT LVII.

Ut Clericis vitetur ebrietas, quæ omnium vitiorum fomes ac nutrix est.

Ex Concilio Agatensi, cap. xlii *.

*In edit. *,
xli.*

ITAQUE eum quem ebrium fuisse constiterit, ut ordo patitur aut triginta dierum spatio à commu-

al. * sub-
dendum.
nitione statuimus submovendum, aut corporali dan-
dum * supplicio.

CAPUT LVIII.

*Cujuscumque ordinis Clerici nuptialia convi-
via vitent, ne sacer auditus aut obtutus
pollui possit.*

Cap. xxxix.

Ex Concilio quo supra, cap. xl.

al. * falti-
bus.
PRESBYTERI, Diaconi, Subdiaconi, vel deinceps, quibus ducendi uxores licentia non est, etiam alienarum nuptiarum evitent convivia, neque his coetibus admisceantur ubi amatoria cantantur & turpia, aut obsceni motus corporum choris & saltationibus * efferantur; ne auditus & obtutus sacris mysteriis deputati turpium spectaculorum atque verborum contagione polluantur.

CAPUT LIX.

Ex Tolet.
iv. an. 633.

Ex Concilio Toletano, cap. xxix.

al. * artem.
al. * magi-
cam.
al. * sus-
pensus.
al. * Mo-
nasterium
ingressus,
ibique.
al. * pœ-
nam vel
curam.
SI Episcopus quis, aut Presbyter, sive Diaconus, vel quilibet ex ordine Clericorum, magos aut aruspices, aut ariolos, aut certè augures, vel sortilegos, vel eos qui profitentur sortem * aliquam *, aut aliquos eorum similia exercentes consulere fuerit deprehensus, ab honore dignitatis suæ depositus * Monasterii * censuram * excipiat, ibique perpetuæ pœnitentiæ deditus scelus admissum sacrilegij luat.

CAPUT LX.

*Clerici tabernas non ingrediantur absque
peregrinationis necessitate.*

Ex Carth.
nomine ter-
tio, sub Si-
vicio an.
397.

Ex Concilio Carthaginensi, cap. xxvii.

Ut

UT Clerici edendi vel bibendi causâ tabernas non ingrediantur nisi peregrinationis necessitate compulsi.

CAPUT LXI.

Ex Concilio Toletano, cap. xlv.

*Ex Tolet.
iv.*

CLERICI qui in quacumque seditione * arma volentes sumpserint vel sumpserunt reperti amisso ordinis sui gradu in Monasterium pœnitentiæ * re-
*al. * seditione.
al. * perenniter.*

CAPUT LXII.

Ex Concilio Carthagenensi, cap. xlvii.

*Ex Carth.
iv. & sequentia Capitula.*

CLERICUS per plateas & andronas nisi certa & maxima officii sui necessitate non ambulet.

CAPUT LXIII.

Ex Concilio quo supra, cap. xlviii.

CLERICUS qui non pro emendo aliquid in nundinis vel in foro deambulat, ab officio suo degradetur.

CAPUT LXIV.

Clerici qui vigiliis desunt, stipendiis privandi.

Ex Concilio Carthagenensi, cap. xlix.

CLERICUS qui absque corpusculi sui inæqualitate vigiliis deest, stipendio * privatus excommunicetur.
*al. tantum.
* stipendiis privetur.*

CAPUT LXV.

Clerici maledici degradentur.

Ex Concilio Carthagenensi, cap. lvii.

Tome XI,

X

CLERICUS maledicus, maximeque in Sacerdotibus, cogatur ad postulandam veniam; si noluerit, degradetur, nec umquam ad officium absque satisfactione revocetur.

CAPUT LXVI.

De Clericis sepulcra demolientibus.

Ex Toler.
IV.

Ex Concilio Toletano, cap. XLVI.

SI quis Clericus in demoliendis sepulcris fuerit deprehensus, quia facinus hoc pro sacrilegio legibus publicis sanguine vindicatur, oportet Canonibus in tali scelere proditum à Clericatus ordine submoveri, & poenitentiae triennio deputari.

CAPUT LXVII.

Vt Clerici invidi non promoveantur.

Ex Carth.
IV. sicut &
sequentia
cap.

Ex Concilio Carthaginensi, cap. LIV.

CLERICUS invidens fratrum profectibus, donec in vitio est non promoveatur.

CAPUT LXVIII.

Clerici adulatorum & proditores degradentur.

Ex Concilio quo supra, cap. LVI.

CLERICUS qui adulationibus & proditionibus vacare deprehenditur, degradetur ab officio.

CAPUT LXIX.

Clerici nec vestimentis nec calceamentis querant decorem.

Ex Concilio Carthaginensi, cap. XLV.

CLERICUS professionem suam etiam habitu & incessu probet, & ideò nec vestibus nec calceamentis decorem quærat.

CAPUT LXX.

Ex Concilio Carthagenensi, cap. LX.

CLERICOS * scurriles & verbis turpibus joculariores ab officio detrahendos. Clerici inter epulas cantantes supradictæ sententiæ severitate feriantur.

CAPUT LXXI.

De Clericis per creaturas jurantibus.

Ex Concilio quo supra, cap. LXI.

CLERICUM per creaturas jurantem acerrimè obvirgandum; si perstiterit in vicio, excommunicandum.

CAPUT LXXII.

Ex Concilio Bracarenfi, cap. LXIV.

NON oportet Clericos vel laicos religiosos ante sacram horam diei tertiam inire convivium, neque aliquando Clericos nisi hymno dicto edere panem, & post cibos gratias auctori Deo deferre.

CAPUT LXXIII.

De his qui in parva ætate coram parentibus religionis habitum tenuerunt.

Ex Concilio Toletano, cap. VI.

CUM hucusque dissolutæ operationis effectus interdum mutare * fecit honestum * constitutionis edictum, dum * incognitè * resolui putatur quod indissolubile * sanctionis auctoritate tenetur. Ideò quid-

X ij

*Iam citatum est capitulum istud numero XXXV. al. * Clericum scutillam &c. jocularum ab off. retrahendum.*

istud est capitulum LXII.

Ex capitulis Martini Bracarensis Episcopi cap. LXV.

*Ex Toler. x. anno Christi 656. al. * mutare. al. * honeste. al. * proponimus ne resolui putetur. al. * inconditè. al. * indissolubili.*

al. * incur-
rit.

al. * fortè.

al. * æter-
na.

al. * duo-
decimum
ac etiam
quatuordec-
imum.

quid obvium ex incerto occurrit * evidenter abjici decet, ut de cetero nihil supersit, quod in dubium nutetur: ideoque si in qualibet minori ætate vel religionis tonsuram, vel religione debitam vestem in utroque sexu filiis aut unus aut ambo parentes dederint, certè * aut nolentibus, aut nescientibus se, susceptam non mox visam in filiis abdicaverint, sed vel coram se, vel coram Ecclesia palàmque in conventu eisdem filios talia habere permiserint, ad sæcularem reverti habitum ipsis filiis quandòque penitus non licebit; sed convicti quòd tonsuram aut religiosam vestem aliquando habuerint, mox ad religionis cultum habitumque revocentur, & sub strenua * districtione hujuscemodi sanctæ observantiæ inservire cogantur. Parentibus sanè filios suos religioni contradere non ampliùs quàm usque ad decimum * ætatis eorum annum licentia poterit esse; postea verò an cum voluntate parentum an suæ devotionis sit solitarium votum, erit filiis licitum religionis adsumere cultum. Quisquis autem vel abolitione tonsuræ, vel sæcularis vestis adsumptione detectus fuerit adtigisse transgressionem, & excommunicationis censuram accipiat, & religioni semper inhæreat.

CAPUT LXXIV.

Pœnitens si usus exegerit inter Ostiarios deputetur, vel de quibus pœnitentibus dicitur.

Ex capitulis
Martini
Bracarensis
Episcopi.

Ex excerptis Martini, cap. xxiiii.

al. * ante
ordinati.

al. * ideo
quòd post.

PÆNITENS tantum si necessitas aut usus exegerit, inter Ostiarios priùs deputetur, vel inter Lectores, ita ut Evangelium vel epistolam non legat. Si qui autem ordinati * sunt, inter Subdiaconos habeantur, ita ut manum non imponant, aut sacra non contingant. Ex pœnitente enim dicimus de eo * qui post baptismum pro homicidio, aut pro diversis criminibus, aut gravissimis peccatis publicam pœni-

tentiam sub cilicio gerens divino fuerit altario reconciliatus.

CAPUT LXXV.

Ex Concilio Carthagenſi.

Ex Charra.

3. cap. 21.

ſub ſinem.

QUOD Clericorum nomen etiam Lectores, Pſalmiſtæ & Oſtiarii retineant.

CAPUT LXXVI.

Si Lector bigamus, aut viduam ducat, non amplius quàm Subdiaconus fiat.

Ex epiſtola Martini, cap. XLIII.

Ex capitulis

Martini

Brac. Epiſc.

LECTOR ſi viduam uxorem acceperit in lectoratu permaneat: aut ſi fortè neceſſitas ſit, Subdiaconus fiat: nihil autem ſupra: ſimiliter & ſi bigamus fuerit.

CAPUT LXXVII.

Lectores cantoresſque cum orariis agere ſuum officium non debere.

Sub Sylveſtro, vel ut

alii volunt,

ſub Liberio

circa 364.

* Cap.

XXIII.

Ex Concilio Laodiceſe *.

QUOD non oporteat Lectores aut Cantores orariis uti, & ita legere vel pſallere.

CAPUT LXXVIII.

De Diaconibus.

Ex Concilio Ancyrano, cap. VIII.

Ex Ancyran.

al. * qui

ſunt ordi-

nandi, ſi

confeſſati

ſunt ante

ordinationem

& dixerunt

pottere ſe

nubere.

DIACONI quicumque * cùm ordinantur ſi in ipſa ordinatione proteſtati ſunt dicentes velle ſe habere uxores, nec poſſe ſe continere; hi poſtea ſi ad nuptias venerint, mancant in miniſterio, propterea

quòd his Episcopus licentiam dederit. Quicumque sanè tacuerint, & susceperint manus impositionem professi continentiam, & postea ad nuptias venerint, à ministerio vel clero cessare debebunt*.

* additur
in edictis
Laicam
tantum re-
cipientes
communio-
nem.

CAPUT LXXIX.

Vt levita & virgines ante xxv. annos non consecrentur.

Ex Carth.
nomine ter-
tio, an.
397.

Ex Concilio Carthaginensi, cap. iv.

ITEM placuit ut ante xxv. annos ætatis nec Diaconus ordinetur, nec virgines consecrentur.

CAPUT LXXX.

De honore quem Presbyteris & Diaconis, qui sub ipsis sunt, debeant exhibere.

sub Silve-
stro, &c.
ut supra.

Ex Concilio Laodicensi, cap. xx.

QUOD non oporteat Diaconum coram Presbytero sedere, sed iussione Presbyteri sedeat. Similiter autem & Diaconi honorem habeant ab obsequentibus, id est Subdiaconibus & omnibus Clericis.

CAPUT LXXXI.

De obedientia Diaconorum erga Presbyteros.

Ex Carth.
iv. an. 398.
ita habetur.
Diaconus
ita se Pres-
byteri ut
Episcopi
ministerium
noverit.
Ibidem.
cap. 37.

Ex Concilio Carthaginensi, cap. xxxvii.

DIACONI ita se Presbyteris ut Episcopis ministros esse cognoscant.

CAPUT LXXXII.

Ex Concilio quo supra.

UT Diaconus præsente Presbytero Eucharistiam corporis Christi populo si necessitas cogit iussus eroget.

CAPUT LXXXIII.

Ex Concilio cujus superscriptum, cap. ix.

Cap. 39.

UT Diaconus jubente Presbytero sedeat quolibet loco.

CAPUT LXXXIV.

Ex Concilio Carthagenensi.

Cap. 40.

UT Diaconus in conventu Presbyterorum interrogatus loquatur.

CAPUT LXXXV.

Cap. 41.

UT Diaconus tempore tantum oblationis & * al. * vel. lectionis alba utatur.

CAPUT LXXXVI.

Quòd præter Episcopum clericus proficisci non debeat.

Ex Concilio Laodicensi, cap. XLII.

Laodicensi.

QUOD non oporteat Sacerdotem vel Clericum præter jussionem sui Pontificis proficisci.

CAPUT LXXXVII.

Vt Sacerdotes & Levitæ canes ad venandum & accipitres non habeant.

Ex Concilio Agathensi, cap. LVI.

EPISCOPIS, Presbyteris, Diaconis canes ad venandum aut accipitres habere non liceat. Quòd si quis talium personarum in hac voluntate * detentus al. * detentus fuerit, si Episcopus, tribus mensibus se à communione suspendat, Presbyter duobus mensibus abstineat, Diaconus verò uno ab omni officio suo vel communione cessabit.

CAPUT LXXXVIII.

De his qui in ægritudine sunt baptizati.

Sub Silve-
stro. 1.
an. 314.

Ex Concilio Neocæsariensi, cap. xii.

SI quis in ægritudine constitutus fuerit baptizatus, Presbyter ordinari non debet: non enim fides illius voluntaria, sed ex necessitate est; nisi fortè postea ipsius studium & fides probabilis fuerit, aut hominum raritas * cogat.

al. * chari-
tas.

CAPUT LXXXIX.

Quòd non oporteat peregrinos clericos sine commendatitiis litteris ministrare.

Sub Leone
I.
an. 451.

Ex Concilio Calcedonensi, cap. xiii.

al. * sine
commenda-
titiis litte-
ris sive Sy-
nodocis
litteris.

PEREGRINOS Clericos & Lectores in alia civitate præter * commendatitias litteras sui Episcopi nusquam penitus ministrare debere.

CAPUT XC.

Vt nullus minister proficiscatur sine chrismate, ubi & Presbyter minister ostenditur.

Ex Arausico.
I.
Sub Leone
I. an. 441.

Ex Concilio Arausico.

* Hac in
pluribus
tam editis
quàm Ma-
nuscriptis
desunt.
al. * non
commone-
bitur
al. * quos-
libet.
al. * neces-
saria abs-
que non.

NULLUM ministrorum qui baptizandi recepit officium, sine chrismate usquam debere progredi, quia inter nos placuit semel in * baptismo chrismari: de eo autem qui in baptismo quacumque necessitate faciente non chrismatus fuerit in confirmatione, Sacerdos * commonebitur: nam inter nos * chrismatis ipsius nonnisi una benedictio est; non ut prejudicans quidquam dico, sed ut non necessaria * habeatur repetita chrismatio.

CAP. XCI.

CAPUT XCI.

Ut ab alterius Episcopo chrisma nullus accipiat.

Ex Concilio Vafensi, cap. III.

Ex Vafensi
1. sub Leone
1. an. 442.

PER singula territoria Presbyteri vel ministri ab Episcopis non prout libitum fuerit à vicinioribus, sed à suis propriis per annos singulos petant chrisma appropinquante solemnitate Paschali; nec per quemcumque Ecclesiasticum, sed si qua necessitas aut ministrorum occupatio est, per Subdiaconum, quia inhonorum est inferioribus summa committi. Optimum autem est ut ipse suscipiat, qui in tradendo usus est: si quid autem obstat, saltem is cujus officii est sacramentum * disponere & sacramenta suscipere.

al. * sacra-
rium.

CAPUT XCII.

Presbyter Diaconum aut Presbyterum non ordinabit.

Ex Concilio Hispalensi, cap. v.

Ex Hispa-
lensi II. sub
Bonifacio v.
an. 619.
al. * nostri.
al. * Aga-
brensis seu
etiam
Aniani E-
gabrensis.
al. * per-
venit.

QUINTO iudicio ad cognitionem nostram * examinis Gabrensis * Diaconi relatu deductum est * de quibusdam ipsius Ecclesiæ Clericis, quorum dum unus ad Presbyterium, duo ad Levitarum ministerium sacrentur, Episcopus eorum oculorum dolore detentus fertur manum suam super eos tantum posuisse, & Presbyter quidam illis contra Ecclesiasticum ordinem benedictionem dedisse: qui licet propter tantam præsumptionis audaciam poterat accusatus iudicio præsentis damnari, si adhuc in corpore positus, non fuisset mortis vocatione præventus: sed quia jam ille examini divino relictus humano iudicio accusari non potest, hi qui supersunt, & ab eo non consecrationis titulum sed ignominia potius elogium * perceperunt, ne sibi licentiam talis ultra usurpatio

al. * elo-
quium.

Tome XI.

Y

al. * abji-
ciantur,
al. * judi-
candi.

faciat, decrevimus ut à gradu Sacerdotalis, vel Levitici ordinis, quem perversè adepti sunt, depositi æquo judicio abutantur*. Tales enim meritò* judicati sunt removendi, quia pravè inventi sunt constituti.

CAPUT XCIII.

De his quæ prohibentur Presbyteris in Ecclesiasticis sacramentis agere.

Ex Concilio quo supra, cap. vii.

al. * Cor-
dubensis.

SEPTIMO examine relatum est nobis veneran-
tissimum quondam Agapium Cordoiensis* urbis
Episcopum frequenter Chorepiscopos, vel Presbyteros
destinasse, qui tamen juxta Canones unum sunt, qui
absente Pontifice altaria erigerent, basilicas conse-
crarent: quod quidem non est mirum id præcepisse
virum Ecclesiasticis disciplinis ignarum, & statim à
saculari militia in Sacerdotale ministerium delega-
tum. Ergo ne ultra talis à nobis licentia usurpetur,
communi sententia statuendum oportuit: Scientes
quia sicut Presbytero vel Chorepiscopo illicita conse-
cratio est altaris, ita & constitutio: in divinis enim
litteris præcipiente Domino solus Moyses in taberna-
culo Dei erexit altare, solus ipse unxit, utique quia
summus Sacerdos Dei erat, sicut scriptum est de eo:

Psalm. 98. Moyses & Aaron in Sacerdotibus ejus.

CAPUT XCIV.

Ut si Presbyter inconsulto Episcopo agendam celebraverit, honore privetur.

Ex Carth.
2. sub Siri-
cio, an.
397. cap. 9.
al. * Ma-
clianitanus
& Maxu-
litanus.

Ex Concilio Carthaginensi, cap. viii.

NUMIDIUS Episcopus Maxilitanus* dixit: In
quibusdam locis sunt Presbyteri, qui aut igno-
rantes simpliciter, aut dissimulantes audaciter præsen-
te & inconsulto Episcopo cum plurimis in domiciliis

Canonum pœnitentialium. Lib. III. 171

agant agendam, quod disciplinæ incongruum esse cognoscit sanctitas vestra. Genedius Episcopus dixit: fratres * & Coepiscopi nostri dignæ suggestioni tuæ respondere non morentur. Ab universis Episcopis dictum est: Quisquis Presbyter inconsulto Episcopo agendam in quolibet loco voluerit celebrare, ipse honori suo contrarius existit.

*al. * fratris
& c. sugges-
tioni rel-
pondere
non immo-
remur.*

CAPUT XCV.

*Presbytero alterius regionis presente Episcopo,
vel Presbyteris civitatis non liceat mini-
strare: ex quo ordine panem sive calicem
dent.*

Ex Concilio Neocæsariensi, cap. xiii.

PRESBYTERI qui conregionales non sunt, in Ecclesia * presentibus Episcopis vel Presbyteris civitatis offerre non possunt, nec panem dare sanctificatum, nec calicem porrigere. Quod si absentes sint civitatis Sacerdotes, & fuerint invitati ad dandam orationem, soli poterunt dare. Vicarii autem Episcoporum, quos Græci Chorepiscopos vocant, constituti sunt quidem ad exemplum septuaginta seniorum, sed tamquam Confacerdotes propter sollicitudinem * & studium quod in pauperes agunt, offerant, & honorabiles habeantur.

*Ex Concil.
Neocæsar.
Sub Sylve-
stro an. 314.
al. * in do-
minico ci-
vitatibus.
al. * sicut
communi-
cantes.*

*al. * curam
pauperum.*

CAPUT XCVI.

*De his qui ex * vasis Ecclesiæ ministerii aliquid
vendiderint.*

Ex Concilio Bracarensi, cap. xvi.

SI quis Presbyter aut Diaconus inventus fuerit de ministeriis * Ecclesiæ aliquid venundasse, quia sacrilegium commisit, placuit eum in ordinatione

*al. * de mi-
nisterio
Ecclesiæ.
Ex capitulis
Martini
Brac. Episc.
cap. xvii.
al. * ali-
quid de va-
sis ministe-
rii Eccl.
item de ele-
mosynis.*

Y ij

*al. * ut debeat gradu recipi.*
*al. * de hoc ipso vel pro hoc ipso.*
 Ecclesiastica non haberi ; in iudicio tamen Episcopi dimittendum esse siue dignus sit siue indignus, in suo debet recipi gradu * : quia multotiens * hoc ipsum quod de sacrosancto altario intaminaverint, id cum Episcopi potestate dimissum est.

CAPUT XCVII.

*al. * populo vel pœnitenti.*
*Ne Presbyter benedictionem vel * pœnitentiam in Ecclesia dare præsumat.*

Ex Concilio Carthaginensi *, cap. XLVI.

** sed rectius ex concilio Agathensi, cap. 44.*

BENEDICTIONEM super plebem in Ecclesia fundere, aut pœnitentem in Ecclesia benedicere, Presbytero penitus non licebit.

CAPUT XCVIII.

De his qui in Ecclesiis in quibus profecti sunt minimè perdurant.

Ex Concilio Nicæno, cap. XVI.

Niceno an. 325.

QUICUMQUE temerè ac periculose, neque timorem Dei præ oculis habentes, nec agnoscentes Ecclesiasticam regulam discedunt ab Ecclesia Presbyteri, vel Diaconi, vel quicumque sub regula prorsus existunt : hi nequaquam debent in aliam Ecclesiam recipi, sed omnem necessitatem convenit illis imponi, ut ad suas parrochias revertantur : quòd si non fecerint, oportet eos communione privari. Si quis autem ad alium pertinentem audaciter * invadere, & in sua Ecclesia ordinare tentaverit, non consentiente Episcopo à quo discessit, is qui regulæ mancipatur, ordinatio huiusmodi irrita comprobetur.

*al. * audacter.*

CAPUT XCIX.

Qualiter Diaconi ordinentur.

Canonum pœnitentialium. Lib. III. 173

Ex Concilio Carthaginiensi, cap. iv.

Ex Carth.
iv. an. 398.
* deest.
Diaconus
cùm ordi-
natur.

SOLUS * Episcopus, qui cum benedicit, manus
super caput illius imponat : quia non ad Sacer-
dotium, sed ad ministerium consecratur.

CAPUT C.

De numero certo Diaconorum.

Ex Concilio Neocæsariensi, cap. xiv.

Sub Silve-
stro i.

DIACONI septem debent esse juxta regulam,
licet & valde magna sit civitas : idipsum autem &
actuum Apostolorum liber insinuat.

CAPUT CI.

*Quo tempore Presbyterum conveniat
ordinari.*

Ex eodem Concilio, cap. xii.

PRESBYTER ante tricesimum ætatis suæ annum
nullatenus ordinetur licet valde sit dignus, sed
hoc tempus observet. Nam Dominus noster tricesimo
ætatis suæ anno baptizatus est.

CAPUT CII.

Qualiter Presbyter ordinetur.

Ex Concilio Carthaginiensi, cap. iii.

Ex Carth.
iv. an. 398.

PRESBYTER cùm ordinatur Episcopo cum be-
nedicente & manus super caput ejus tenente,
etiam omnes Presbyteri qui præsentes sunt manus
suas juxta manus Episcopi super caput illius teneant.

CAPUT CIII.

De non contemnendo oblationes Presbyteri conjugati.

Ex Concil.
Gangrensi
sub Silvest.
I. cap. 4.
al. * dis-
cernit.

Ex Concilio Agathensi.

SI quis decernit * Presbyterum conjugatum tamquam occasione nuptiarum quod offerre non debet, & ab ejus oblatione ideò se abstinet, anathema sit.

CAPUT CIV.

Quòd non liceat Clericum in duarum civitatum Ecclesiis ministrare.

Sub Leone
I. an. 451.

Ex Concilio Calcedonensi, cap. x.

NON liceat Clericum in duarum civitatum conscribi simul Ecclesiis, & in qua ab initio ordinatus est, & ad quam confugit quasi ad potiorem ob inanis gloriæ cupiditatem: hoc autem facientes revocari debere ad suam Ecclesiam in qua primitus ordinati sunt, & ibi tantummodò ministrare. Si verò jam qui translatus est ex alia in aliam Ecclesiam, prioris Ecclesiæ vel martyriorum, quæ sub ea sunt, aut ptochodochiorum *, aut xenodochiorum rebus in nullo communicet. Eos verò qui ausi fuerint post diffinitionem magnæ & universalis hujus Synodi quidquam ex his quæ sunt prohibita perpetrare, decrevit sancta Synodus à proprio hujusmodi gradu recedere *.

al. * pto-
chodochio-
rum.

al. * exci-
dere.

CAPUT CV.

De his qui vocantur Chorepiscopi.

Sub Iulio,
an. 341.

Ex Concilio Antiocheno, cap. x.

QUI in vicis vel possessionibus Chorepiscopi nominantur, quamvis manus impositionem Episcoporum perceperint, & ut Episcopi consecrati sint, tamen sanctæ Synodo placuit ut modum proprium recognoscant, & gubernent sibi subjectas Ecclesias, earumque moderamine curaque contenti sint. Ordinent etiam Lectores, & Subdiaconos atque Exorcistas, quibus promotiones istæ sufficiant. Nec Presbyterum verò, nec Diaconum audeant ordinare præter civitatis Episcopum, cui ipse cum possessione subjectus est. Si quis autem transgredi statuta tentaverit, depositus quo utebatur honore privetur. Chorepiscopum verò civitatis Episcopus ordinet, cui ille subjectus est.

CAPUT CVI.

Judicio multitudinis ordinationes fieri non debere.

Ex Concilio Laodicensi, cap. XIII.

sub Silvestro seu pontius Liberio.

QUOD non sit permittendum turbis electiones eorum facere qui sunt ad Sacerdotium provehendi.

CAPUT CVII.

*De Episcopalibus ordinibus *.*

*al. * ordinationibus.*

Ex eodem Concilio, cap. XII.

UT Episcopi judicio Metropolitanorum, & eorum Episcoporum qui circum circa sunt provehantur ad Ecclesiasticam potestatem; hi videlicet qui plurimo tempore probantur tam verbo fidei, quam rectæ conversationis exemplo.

CAPUT CVIII.

De electione Episcopi.

Ex capitulis

Martini

Brac. Episc.

al. * non li-

ceat popu-

lo.

al. * pro-

moventur

al. * spii-

tali.

Ex Concilio Bracarenfi, cap. i.

NON liceat * electionem facere eorum qui ad Sacerdotium provocantur * ; sed iudicium sit Episcoporum, ut ipsi eum qui ordinandus est probent si in sermone, & in fide & in Episcopali * vita edoctus sit.

CAPUT CIX.

De his qui ad Episcopatum in provinciis provehuntur.

Nicaen. i.

an. 325.

Ex Concilio Nicæno, cap. iv.

EPISCOPUM convenit maximè quidem ab omnibus qui sunt in provincia Episcopis ordinari : si autem hoc difficile fuerit aut propter instantem necessitatem, aut propter itineris longitudinem, tribus tamen omnimodis in idipsum convenientibus, & absentibus quoque pari modo decernentibus, & per scripta consentientibus, tunc ordinatio celebretur : firmitas autem eorum quæ geruntur per unamquamque provinciam Metropolitano tribuatur Episcopo.

CAPUT CX.

al. * Quot.

* valgo di-

cto, seu col-

lectione ca-

nonum, è

variis Con-

ciliis Afri-

canae pro-

vincia.

* Episcopi

in Edit.

* Edit. su-

pradictio-

rum (si ha-

beri pos-

sunt)

al. * duo

vel tres.

*Quòd * addi debeant Episcopi numero ordinatorum, si de ordinando Episcopo fuerit contradietum.*

Ex Concilio Africano *, cap. xvii.

SED & illud est statuendum, ut quando ad eligendum Episcopum convenerimus, si qua contradietio fuerit oborta, (quia talia tractata sunt apud nos) non præsumant ad purgandum eum, qui ordinandus est, tres * jam, sed postulentur ad numerum * unus vel duo * : & in eadem plebe qui ordinandus est, discutiantur

discutiantur primò personæ contradicentium, postremò etiam illa, quæ obijciuntur, pertractentur: & cum purgatus fuerit, sub * conspectu publico ita demum al. * in ordinetur. Si hoc cum vestræ sanctitatis animo concordat, roboretur vestræ dignationis responsione. Ab universis Episcopis dictum est: satis placet.

CAPUT CXI. *

Non accipiendum premium pro Episcoporum honore de communione peccati.

Ex epistola Hormisdæ ad Episcopos per Hispaniam, Epist. 25. cap. 11.

HOc quoque ad priora * jungimus, ne benedictio per impositionem manus, quæ à Deo esse creditur, pretio comparetur: quia ante oculos esse convenit, quia Simon Spiritum Sanctum volens redemptione mercari Apostoli fuerit detestatione percussus. Tunc deinde cui * non vile potest esse quod al. * ad præmissa adjungimus. vendidit? istam Sacerdotibus ordinandis reverentiam fervet electio, ut in gravi munere * populorum divinum credatur esse judicium: ibi enim Deus, ubi simplex sine pravitæ consensu. Verum nec * ab hac quidem parte sollicitudinis & admonitionis omittimus, ne vel ille se à culpa æstimet alienum, qui etsi ipse quidem à redemptione liber initiaverit benedictione mystica Sacerdotem, & tamen ad alterius redemptioni voluntatem vel sponte in hoc, vel necessitate consenserit, quid prodest illi suo errore non pollui, qui consensum præstat erranti? Procul dubio contra mandata committit & qui habet peccatum proprium, & qui * sequitur alienum; incassum animus resistit cupiditati, si non restiterit * & timori. Adversum hæc al. * peccatum seq. al. * resistit. facilius Deo adjuvante providebitur, si circa Metropolitanos privilegia à sanctis Patribus constituta permaneant; si Metropolitanis circa parrochias suas ordinem suum ea quæ * decet veneratione custodiant, al. * qua

Tome XI.

Z

al. * Præf-
lis empra
detur præ-
tiis, & nec
obsequentiis
fit quæſita
operibus,
ſed ita fixa
habeantur.
&c.

al. * retri-
buit pace
vivatur.

ut nec electio Præſules * nec contemptus depretiet obſequentes, quæ ſi in operibus ita fixa habeantur in cordibus, quemadmodum releguntur in ſcripturis: ſi nulla ſint in templis emptionum ſemina, nulla erunt fomenta diſcordiæ; ſed regnante charitate ſub illa quam nobis Deus promiſit & retribuet * pace vive-
tur.

CAPUT CXII.

Quòd non oporteat Episcopos ad quemlibet ex clero per pecunias ordinari.

Ex Concilio Calcidonenſi, cap. 11.

Sub Leone
1. an. 451.

al. * quæ
emi non
poſteſt vel
quæ niſi per
gratiam dei
non acqui-
ritur.

al. * cœco-
nomum.

al. * oſtia-
rium.

al. * tur-
piſſimo.

al. * cura.

SI quis Episcopuſ per pecuniam fecerit ordinatio-
nem & ſub pretio redegerit gratiam quæ non *
poſteſt vendi, ordinaveritque per pecunias Episco-
pum, aut Chorepiscopum, aut Presbyterum, aut Dia-
conum, vel quemlibet ex hiſ qui connumerantur in
clero, aut promoverit per pecunias diſpenſatorem *,
aut deſenſorem, aut manſionarium * vel quemquam
qui ſubjectuſ eſt regulæ, pro ſuo turpiſſimi * lucri
commodo; iſ qui hoc attentaffe probatuſ fuerit, pro-
prii graduſ periculo ſubjacebit: & qui ordinatuſ eſt,
nihil ex hac ordinatione vel promotione, quæ eſt per
negotiationem facta, proficiat, ſed ſit alienuſ ea di-
gnitate, vel ſollicitudine *, quam pecuniis quæſivit.
Si quiſ verò mediator tam turpibuſ & nefandiſ datuſ
vel acceptuſ extiterit, & ipſe ſi quidem Clericuſ fue-
rit, proprio graduſ decidat: ſi verò laicuſ aut monachuſ,
anathematizetur.

CAPUT CXIII.

*De hiſ qui cùm ſint ex alia provincia, in aliis
audent ordinationeſ efficere.*

Sub Iulio
an. 341.

Ex Concilio Antiocheno, cap. XIII.

NULLUS Episcopus ex alia provincia audeat ad aliam transgredi, & ad promotionem ministerii aliquos in Ecclesia * ordinare, licet consensum videantur præbere nonnulli, nisi litteris tam Metro-^{al * Ec-}politani quàm ceterorum qui cum eo sunt Episcoporum rogatus adveniat, & sic ad actionem ordinationis accedat. Si verò nullo vocante inordinato more deproperet super aliquibus ordinationibus & Ecclesiasticis negotiis ad eum non pertinentibus componendis, irrita quidem quæ ab eo geruntur existant; ipse verò incompositi motus sui & irrationabilis audaciæ subeat ultionem, ex hoc jam damnatus à sancta Synodo.

CAPUT CXIV.

De his qui cùm ad Episcopatum convocantur evitant.

Ex eodem Concilio, cap. xvii.

SI quis Episcopus per manus impositionem Episcopatum acceperit, & præesse populo constitutus ministerium subire neglexerit, nec adquieverit ire ad Ecclesiam sibi commissam, hunc oportet communione privari donec susceperit coactus officium, aut certè de eo aliquid integra decreverit ejusdem provinciæ Synodus Sacerdotum.

CAPUT CXV.

De Episcopalibus in provinciis ordinationibus.

Ex eodem Concilio, cap. xix.

EPISCOPUS præter Synodum & præsentiam Metropolitanam nullatenus ordinetur: hoc autem modis omnibus coram posito, melius quidem est ut omnes simul adsint ejusdem provinciæ Sacerdotes, quos Metropolitanus Episcopus advocare debet: & si quidem omnes occurrerint, optimè: quod si hoc diffi-

al. * om-
nino.

cile fuerit, saltem plures adesse omni modo * convenit, aut certè scriptis ejusdem sententiæ comprobari: & ita sub plurimorum vel præsentia vel decreto ordinatio celebretur. Quòd si secus contra definita factum fuerit, nullas ordinatio vires habeat: si verò juxta definitam regulam fiat, & nonnulli pro contentione propria contradicant, obtineat sententia plurimorum.

CAPUT CXVI.

Ut nullo modo de parrochia ad aliam parrochiam Episcopus transeat.

Ex eodem Concilio, cap. xxi.

EPISCOPUS ab alia parrochia nequaquam migret ad aliam, nec sponte sua prorsus infiliens, nec vi coactus à populis, nec ab Episcopis necessitate compulsus; maneat autem in Ecclesia quam primitus à Deo sortitus est, nec inde transmigret secundum pristinum de hac re terminum constitutum.

CAPUT CXVII.

Ut in altera parrochia Clericos alterius parrochia Episcopus nullatenus ordinet.

Ex eodem Concilio, cap. xxii.

al. * confi-
lio.

EPISCOPUS alienam civitatem quæ non est illi subjecta non adeat; nec ad possessionem accedat quæ ad eum non pertinet super ordinationem cujusquam: nec constituat Presbyteros aut Diaconos alteri subjectos Episcopo, nisi fortè cum silentio * & voluntate regionis Episcopi. Si quis autem tale aliquid facere tentaverit, irrita sit ejus ordinatio, & ipse coherceatur à Synodo: nam si ordinare non potuerit, nullatenus judicabit.

CAPUT GXVIII.

Ut nullus Episcopus, Presbyter & Diaconus conductor existat: & ut Lectores uxores accipiant; & Clerici abstineant ab usuris: & quo tempore vel ipsi vel virgines consecrentur.

Ex Concilio Carthagenſi, cap. xvi.

ITEM placuit * ut Episcopi, Presbyteri & Diaconi non sint conductores aut procuratores, neque ullo turpi negotio & inhonesto victum quærant, quia respicere debent scriptum esse: *Nullus militans Deo implicat se negotiis sæcularibus.* Item placuit * ut Lectores cùm ad annos pubertatis venerint, cogantur aut uxores ducere, aut continentiam profiteri. Item * placuit ut Clericus si * commendaverit pecuniam, pecuniam accipiat, si speciem eandem, speciem quantam dederit accipiat: Et ut * ante viginti quinque annos ætatis nec Diaconi ordinentur, nec virgines consecrentur: & ut Lectores populum non saluent.

Ex codice
can. Eccles.
Afric.
* Carth. 3.
cap. 15.

2. Tim. 2.
* Carth. 3.
cap. 19.
* Carth. 3.
cap. 16.
al. * com-
mendaverit.
* ibid.
cap. 4.

CAPUT CXIX.

Si qui Clerici ab Episcopis suis promoti contempserint, nec illic maneant unde recedere noluerunt.

Ex eodem Concilio, cap. xxxi.

ITEM placuit ut quicumque Clerici vel Diaconi pro necessitatibus Ecclesiarum non obtemperaverint Episcopis suis, nolentibus eos ad honorem ampliorem in sua Ecclesia promovere, nec illic ministrent in gradu suo unde recedere noluerunt.

Ex codice
canonum
Africana
Ecclesia.

CAPUT CXX.

De his qui plebes proprias derelinquunt.

Ex Concilio Africano * cap. xxxviii.

* vulgò dicto, seu collectione variorum can. Africana provincia. al. in Edit. * constitutum.

RURSUM placuit ut nemini sit facultas, relictâ principali cathedrâ ad aliquam Ecclesiam in Diœcesi constitutam * se conferre, vel in re propria diutius, quàm oportet, constitutam curam vel frequentationem propriæ cathedræ negligere.

CAPUT CXXI.

Ut Episcopi qui ordinantur ab ordinatoribus suis epistolam accipiant, qui diem & Consulem præferant.

Ex eodem Concilio, cap. lvi.

Edit. * ab Episcopis.

DEINDE placuit ut quicumque deinceps * ordinantur per provincias Africanas, litteras accipiant ab ordinatoribus suis manu eorum subscriptas, continentes Consulem & diem, ut nulla altercatio de posterioribus vel anterioribus oriatur.

CAPUT CXXII.

De his qui vel semel in Ecclesia legerint ab aliis non posse promoveri.

Ex eodem Concilio, cap. lvii.

Edit. * suscepto officio.

al. * prælecto.

ITEM placuit ut quicumque in Ecclesia vel semel * legerit, ab alia Ecclesia ad clericatum non teneatur. Et subscripserunt. Aurelius Episcopus Ecclesiæ Carthaginensis huic decreto consensu & * prælato subscripti. Similiter & ceteri Episcopi subscripserunt.

CAPUT CXXIII.

*De rebaptizationibus & reordinationibus,
vel translationibus Episcoporum.*

Ex eodem Concilio, cap. xv.

IL LUD autem suggerimus mandatum vobis, quod etiam in Capuensi * plenaria Synodo videtur statutum, ut non liceat fieri rebaptizationes, reordinationes, vel translationes Episcoporum. Nam Cresconius Villaregensis * Episcopus plebe suâ derelictâ Tubuniensem * invasit Ecclesiam; & usque in hodie commonitus (secundum quod statutum fuerat) relinquere eandem quam invaserat plebem contempsit: adversus istum quæ pronuntiata fuerant, confirmata quidem audivimus; sed petimus secundum quod nobis mandatum est, ut dignemini dare fiduciam quâ * jam, necessitate ipsa cogente, liberum nobis sit Rectorem provincie secundum statuta gloriosissimorum Principum adversus illum adire, ut qui miti ammonitioni sanctitatis vestræ adquiescere noluit & emendare illicitum, auctoritate judiciaria protinus excludatur. Aurelius Episcopus dixit: Servatâ formâ disciplinæ non æstimabitur adpetitus; si à vestra charitate modestè conventus recedere detraxerit, cum fuerit suo contemptu & contumacia faciente etiam auctoritate judiciaria conventus. Honoratus & Urbanus Episcopi dixerunt: hoc enim * omnibus placet. * f. * item. Ab universis Episcopis dictum est: Justum est, placet.

CAPUT CXXIV.

*Quòd non oporteat ordinationes Episcoporum
diu differre.*

Ex Concilio Calcedonense, cap. xxv.

Sub Leone
v. an. 451.

QUONIAM quidam Metropolitanorum quantum * comperimus negligunt commissos sibi greges, & ordinationes Episcoporum facere differunt, placuit sanctæ Synodo intra tres menses ordinationes Episcoporum celebrari, nisi fortè necessitas inexcusabilis * præparet * tempus dilationis extendi. Quòd si hoc minimè fecerit, correptioni Ecclesiasticæ subiacebit: verumtamen redditus Ecclesiæ viduatæ penes oconomum ejusdem Ecclesiæ integri reserventur.

al. * rumore comper.

al. * inexcusabilis.

al. * coegerit.

CAPUT CXXV.

*Quales vel quàm docti debeant ordinari
Episcopi.*

Ex Carth.
IV.

Ex Concilio Carthaginensi, cap. I.

QUI Episcopus ordinandus est, antea examine-
tur: si naturâ prudens est, si docibilis, si moribus temperatus, si vitâ castus, si sobrius, si misericors, si litteratus, si in lege Domini instructus, si in scripturarum sensibus cautus, si in dogmatibus Ecclesiasticis exercitatus, & ante omnia si fidei documenta verbis simplicibus adserat, id est, Patrem & Filium & Spiritum sanctum unum Deum esse confirmans, totâque in * Trinitate Deitatem coëssentialem & consubstantialem & coeternalem, & coomnipotentem prædicans, si singulam quamque in Trinitate personam plenum Deum, & totas tres personas unum Deum: si Incarnationem divinam non in Patre, neque in Spiritu sancto factam, sed in Filio tantum credat, ut qui erat in Divinitate Dei Patris filius, ipse fieret in homine hominis matris filius, Deus verus ex Patre, homo verus ex matre, carnem ex matris visceribus habens & animam humanam rationalem simul * in utriusque natura, id est, homo & Deus, una persona, unus filius, unus Christus, unus Dominus creaturarum * omnium, quæ sunt, & auctor & Dominus

al. * Trinitatis.

al. * simul in eo ambæ naturæ.
al. * Creator omnium.

Canonum pœnitentialium. Lib. III. 185

minus & Creator * cum Patre & Spiritu sancto omnium creaturarum, qui passus est * vera carnis passionē, mortuus vera corporis sui morte, resurrexit vera carnis suæ * receptione, & vera animæ resurrectione, in qua veniet iudicare vivos & mortuos. Quærendum etiam ab eo si Novi & Veteris Testamenti, id est, legis & Prophetarum & Apostolorum unum eundemque credat Auctorem & Dominum: si diabolus non per conditionem sed per arbitrium factus sit malus. Quærendum etiam ab eo si credat hujus quam gestamus & non alterius carnis resurrectionem; si credat iudicium futurum, & recepturos singulos pro his quæ in hac carne gesserunt vel pœnas vel præmia. Si nuptias non improbet; si secundum matrimonium non damnet: si carniū perceptionem non culpet; si pœnitentibus reconciliatis communicet. Si in Baptismo omnia peccata, id est tam illud originale contractum, quàm illa quæ voluntariè admissa sunt, dimittantur: si extra Ecclesiam Catholicam nullus salvetur.

Cum in his omnibus examinatus inventus fuerit plenè instructus, tunc * consensu Clericorum & laicorum & conventu totius provinciæ Episcoporum, maximèque Metropolitanì vel auctoritate vel præsentia ordinetur Episcopus: suscepto in nomine Christi Episcopatu non suæ delectationi nec suis motibus, sed his Patrum definitionibus adquiescens *. In cuius ordinatione etiam ætas requiratur, quia sancti Patres exemplo Salvatoris in prælegendis Episcopis constituerunt. Dehinc disponitur qualiter Ecclesiastica officia ordinentur.

CAPUT CXXVI.

Qualiter consecrentur Episcopi.

Ex Concilio quo supra, cap. 11.

Ibidem

EPISCOPUS cum ordinatur duo Episcopi ponant & teneant Evangeliorum codicem super caput Tome XI. A a

al. * verti-
cem.

& cervicem * ejus, & uno super eum fundente benedictionem, reliqui omnes Episcopi qui adsunt manibus suis caput ejus tangant.

CAPUT CXXVII.

*De ordinatione ministrorum Sacerdotum
quando fiat.*

Leonis 1.
epistola 81.
ad Diosco-
rum Alex.
Episc.
al. * nobis.

Ex Epistola Papæ Leonis ad Dioscorum, cap. 1.

QUOD ergo à Patribus nostris propensiore cura novimus esse servatum, à vobis * quoque volumus custodiri, ut non passim diebus omnibus Sacerdotalis vel Levitica ordinatio celebretur, sed post diem Sabbati, ejusque noctis quæ in prima Sabbati lucefcit exordia deligantur, in quibus his qui consecrandi sunt jejunis & à jejunantibus sacra benedictio confertur; quod ejusdem observantiæ erit si mane ipso Dominico Die continuato Sabbati jejunio celebretur, à quo tempore præcedentis noctis initia non recedunt, quem ad diem Resurrectionis sicut etiam in Pascha Domini declaratur, pertinere non dubium est. Nam præter auctoritatem consuetudinis, quam ex Apostolica novimus venire doctrina, etiam sacra scriptura manifestat; quod cum Apostoli Paulum & Barnabam ex præcepto Spiritus sancti ad Evangelium gentibus mitterent prædicandum, jejunantes & orantes imposuerunt eis manus; ut intelligamus quanta & dantium & accipientium devotione curandum sit, ne tantæ benedictionis sacramentum negligenter videatur impletum. Et ideò piè & laudabiliter Apostolicis morem gesseris institutis, si hanc ordinandorum Sacerdotum formam per Ecclesias, quibus Dominus præesse te voluit, etiam ipse servaveris, ut his qui consecrandi sunt numquam benedictio nisi in die Dominico Resurrectionis tribuatur, cui à vespere Sabbati initium constat adscribi, & tantis divinarum dispensationum * ministeriis * consecrata; quidquid à Domino est

al. * dispo-
sitionum.
al. * my-
steriis.

Canonum pœnitentialium. Lib. III. 187

insignius constitutum, in hujus diei dignitate sit gestum, in hac mundus sumpsit exordium; in hac per resurrectionem Christi & mors interitum & vita accepit principium; in hac Apostoli à Domino prædicandi omnibus gentibus Evangelii tubam sumunt, & ad * *al. * imperandum.* inferendum universo mundo sacramentum regenerationis accipiunt; in hac sicut beatus Johannes Evangelista testatur cum congregatis in unum discipulis clausis januis ad eos Dominus introisset, insufflavit & dixit: *Accipite Spiritum sanctum, quorum remiseritis* *Iohan. 20.* *peccata, remittuntur eis: & quorum detinueritis detenta sunt.* In hac denique promissus à Domino Apostolis Spiritus sanctus advenit; ut cælesti quadam regula insinuatum & traditum noverimus in illa die celebranda nobis esse mysteria Sacerdotalium benedictionum, in qua conlata sunt omnia dona gratiarum.

CAPUT CXXVIII.

Ex Concilio Carthagenensi, cap. XIII.

Ex Carth.
IV.

UT Episcopus non longè ab Ecclesia hospiciolum habeat.

CAPUT CXXIX.

Ut Episcopus & pauperes & infirmos tueatur.

Ex Concilio Aurelianensi, cap. XII *.

Auvel. 1.
*In edit *.*
XVI.

EPISCOPUS pauperibus vel infirmis, qui debilitate faciente non possunt suis manibus laborare, victum & vestimentum in quantum possibilitas habuerit largiatur.

CAPUT CXXX.

Ut Episcopus subpellectilem & mensam vilem habeat.

Ex Concilio Carthagenense cap. XV.

Ex Carth.
IV.

Aa ij

EPISCOPUS vilem subpellecilem & mensam ac victum pauperem habeat, & dignitatis suae auctoritatem fidei & vitae meritis quærat.

CAPUT CXXXI.

Ex Concilio quo supra, cap. xvi.

UT Episcopus libros gentilium non legat, hæreticorum autem pro necessitate temporis.

CAPUT CXXXII.

Cap. xvii.

Ex Concilio quo supra, cap. xix.

UT Episcopus gubernationem viduarum & pupillorum, ac peregrinorum non per semetipsum, sed per Archipresbyterum, aut per Archidiaconum
*al. * agar. regat *.*

Cap. xviii.

CAPUT CXXXIII.

Ex Concilio quo supra, cap. xvii.

UT Episcopus tuitionem testamentorum non suscipiat.

CAPUT CXXXIV.

Ex Concilio quo supra, cap. xix.

Cap. notat.
quibusdam
transpositis.

UT Episcopus nec provocatus pro rebus transitoriis litiget.

CAPUT CXXXV.

Vt Episcopus antequam ordinetur Canones agnoscat.

Ex Carth.
3. cap. 3. &
ex cod. can.
Afr. Eccl.
cap. 18.

Ex Concilio supra scripto.

ITEM placuit ordinandis Episcopis vel Clericis prius ab ordinatoribus suis decreta Conciliorum

Canonum pœnitentialium. Lib. III. 189
auribus eorum inculcentur, ne se aliquid contra sta-
tuta Concilii fecisse pœniteant *.

*al. * alle-
rant.*

CAPUT CXXXVI.

*Ut Episcopus die Dominico ab Ecclesia deesse
non debet.*

Ex Concilio Aurelianensi, cap. xxvi *.

*Aurel. i.
al. * in edit.*

EPISCOPUS si in infirmitate non fuerit impedi-
tus, Ecclesiæ cui proximus fuerit die Dominico
desse non debet.

CAPUT CXXXVII.

*Ut Episcopus nullam curam rei familiaris ad
se revocans tantum orationi & doctrina
vacet.*

Ex Concilio quo supra, cap. xx.

*Ex Concil.
Carthag. 4.*

EPISCOPUS nullam rei familiaris curam ad se
revocet, sed ut lectioni & orationi & verbi Dei
prædicationi tantummodò vacet.

CAPUT CXXXVIII.

Ex Concilio Carthagenensi, cap. xxxiv.

*Ex Carth.
iv.*

UT Episcopus quolibet loco sedens stare Presby-
terum non patiatur.

CAPUT CXXXIX.

*De consensu * Presbyteri cum Episcopo
in Ecclesia.*

*al. * con-
sensu.*

Ex Concilio quo supra, cap. xxxv.

ibidem.

UT Episcopus in Ecclesia in consensu Presbyterorum sublimior sedeat, intra domum verò collegam se Presbyterorum esse cognoscat.

CAPUT CXL.

Quamdiu Episcopus in aliena civitate remoretur.

Ex Concilio Sardicensi, cap. xiv.

Anno 347.

Sub Iulio 1.

al. a serviat

quam de-

votioni: ita

ut si volue-

rit in alien.

al. b & con-

tingat ut

Episcopus

civitatis ip-

sus non

tam instru-

ctus sit nec

tam doctus;

is verò.

al. c defor-

met.

al. d & diu-

tius reside-

re.

al. e in ea

qua com-

moratur ci-

virate.

al. f tanto

magis nec

licet nec de-

cet ut Epif-

copus si

nullam tam

gravem ha-

ber necessi-

tatem, c

tam diffi-

lem ratio-

nem tam-

diu desit ab

Ecclesia ne

populum

concrisset.

OSIUS Episcopus dixit: Et hoc quoque statuere debetis, ut Episcopus ex alia civitate cum venerit ad aliam civitatem, vel ex provincia sua ad aliam provinciam, & ambitioni magis quàm devotioni serviens voluerit in aliena civitate multo tempore residere: fortè enim evenit Episcopum loci non esse tam instructum neque tam doctum; is verò qui advenit incipiat contemnere eum & frequenter facere sermonem ut dehonestet & infirmet illius personam, ita ut ex hac occasione non dubitet relinquere adsignatam sibi Ecclesiam, & transeat ad alienam. Definìtè ergo tempus quia & non recipi Episcopum inhumanum est, & si diutius residet perniciosum est. Hoc ergo ne fiat providendum est. Memini autem superiori Concilio Fratres nostros constituisse, ut si quis laicus in eam in quam commoratur civitatem tres Dominicos dies, id est per tres septimanas non celebrasset conventum, communionem privaretur. Si hæc circa laicos constituta sunt, multo magis Episcopus non licet nec decet, si nulla sit tam gravis necessitas quæ detineat, ut amplius à supra scripto tempore absens sit ab Ecclesia sua. Universi Episcopi dixerunt placere sibi.

CAPUT CXLI.

Non liceat Episcopo à sua Ecclesia plus tribus hebdomadibus abesse.

Ex eodem Concilio cap. xv.

OS IUS Episcopus dixit : Quia nihil prætermitti oportet, sunt quidam fratres & Coepiscopi nostri qui non in ea civitate possident * in qua videntur Episcopi esse constituti, vel certè parvam * rem illic habeant ; alibi autem idonea prædia habere cognoscuntur, vel affectionem proximorum quibus indulgeant, hætenus permitti eis oportet ut accedant ad possessiones suas & disponant vel ordinent fructum laboris sui, ut post tres dies Dominicos, id est, post tres hebdomadas si morari necesse est in suis potiùs fundismorentur : aut si est proxima civitas in qua est Presbyter, ne sine Ecclesia videantur facere diem Dominicum, illuc accedant ; ut neque res ejus domesticæ per absentiam ejus detrimentum sustineant, & non frequenter veniendo ad aliam civitatem, in qua Episcopus moratur *, suspicionem jactantiæ & ambitionis evadat *. Universi dixerunt placere sibi.

al. * residenti.
al. * paucam rem ibi, alibi autem.

al. * est.
al. * inveniat.

CAPUT CXLII.

De laicis non temere faciendis Episcopis.

Ex eodem Concilio, cap. XIII.

OS IUS Episcopus dixit : Et hoc necessarium arbitror ut diligentissimè tractetis *, si fortè aut dives aut scholasticus de foro aut ex ministratore * Episcopus fuerit postulatus, ut non priùs ordinetur nisi antè & Lectoris munere & officium * Diaconii aut Presbyterii fuerit perfunctus ; & ita per singulos gradus si dignus fuerit ascendat ad culmen Episcopatus. Potest enim per has promotiones, quæ habebunt * utique prolixum tempus, probari qua fide sit, qua * modestia, qua gravitate & verecundia ; & si dignus fuerit probatus, divino Sacerdotio inlustretur : quia * conveniens non est, nec ratio nec disciplina patitur, ut temere & leviter ordinetur aut Episcopus, aut

al. * tractetur.

al. * administratione item ministratore.

al. * officio diaconi & Presbyteri.

al. * habent.

al. * quæve modest. & gravit.

al. * Nam nec conveniens est, nec ratio disciplinæ patitur.

i. Tim. 3.

Presbyter, aut Diaconus, qui neophitus est: maximè cum & magister gentium beatus Apostolus ne hoc fieret denuntiasse & prohibuisse videatur: sed hi quorum per longum tempus examinata sit vita, & merita fuerint comprobata. Universi dixerunt placere sibi hæc.

CAPUT CXLIH.

Quando & in quibus causis Episcopi ad comitatum ire debeant.

Ex eodem Concilio, cap. viii.

al. * Importunitatis nostræ nimia vel importunitate & nimia frequentia & injustæ petitionis fiducia, dum quidam &c.

al. * quidam.

al. * Episcopus &c. in singul.

al. * in exilium vel insulas.

al. * quicumque.

OSIUS Episcopus dixit: Importunitates * & nimia frequentia & injustæ petitiones fecerunt nos non tantam habere vel gratiam vel fiduciam, dum quidam non cessant ad comitatum ire Episcopi & maximè Afri, qui sicut cognovimus sanctissimi fratres & Coepiscopi nostri Grati salutaria consilia spernunt atque contemnunt, & non solum ad comitatum multas & diversas Ecclesiæ non profuturas perferant causas, ut fieri solet aut oportet, ut aut pauperibus, aut viduis aut pupillis subveniatur, sed & dignitates sæculares & administrationes quibusdam * postulant. Hæc itaque pravitas olim non solum murmuraciones sed & scandala excitat; honestum est autem ut Episcopi * intercessionem suam his præstent, qui aliqua iniqua vi opprimuntur, aut si vidua affigatur, aut pupillus expolietur, si tamen ista omnia justam habeant causam aut petitionem. Si vobis ergo, fratres charissimi, placet decernite, ne Episcopi ad comitatum accedant, nisi fortè hi qui religiosissimi Imperatoris litteris vel invitati vel vocati fuerint. Sed quoniam sæpè contingit ut ad misericordiam Ecclesiæ confugiant qui injuriam patiuntur, aut qui peccantes in exilio * vel insulis damnantur, aut certè * quamcumque sententiam suscipiunt, ideo subveniendum est his, & sine dubitatione eis petenda per Ecclesiam indulgentia.

Hoc

Hoc * ergo si vobis placet. Universi dixerunt, placet
& constituatur.

*al. * si verò
hoc vobis
placet sta-
tuatur.*

CAPUT CXLIV.

De Diaconibus ad comitatum dirigentibus.

Ex eodem Concilio, cap. ix.

OSUS Episcopus dixit: Hæc quoque providentia vestra tractare debet, qui * decrevistis ne Episcoporum improbitas notetur, ut * ad comitatum pergant: quicumque ergo, quales superius memoravimus, preces habuerint vel acceperint, per Diaconum suum mittant, quia persona ministri invidiosa non erit, & quæ impetraverit celerius poterit referre. Et hoc consequens esse videtur, ut * de qualibet provincia Episcopi ad eum fratrem & Coepiscopum nostrum preces mittant, qui in Metropoli consistit, ut ille & Diaconum ejus & supplicationes destinet, tribuens commendatitias litteras pari ratione ad fratres & Coepiscopos nostros, qui illo tempore his regionibus & urbibus morantur, in quibus felix beatus Augustus rempublicam gubernat. Si verò habet Episcopus amicos in palatio, qui cupit aliquid quod tamen honestum est impetrare, non prohibeatur per Diaconum suum rogare ac significare his, quos scit benigna * intercessione sibi absenti posse præstare.

*al. * ut
quia.
al. * ad co-
mitatum
pergendo.*

*al. * ut
unusquis-
que qui
preces ha-
buerit eas
ad fratres
& Coepi-
scopos nos-
tros, qui in
maxima ci-
vitate, id
est qui in
metropoli
consistunt,
mittat; &
illi per suos
diaconos
destinent
tribuendo
commenda-
titias epi-
stolas pari
ratione &c.
al. * beni-
gnam inter-
cessionem.*

CAPUT CXLV.

Quòd ad comitatum pro pupillis & viduis, ac necessitatem patientibus sit eundum.

Ex eodem Concilio, cap. x.

QUI verò Romam venerint, sicut dictum est, sanctissimo fratri & Coepiscopo nostro Romanæ Ecclesiæ preces quas habent tradant, ut & ipse prius examinet si honestæ & justæ sunt, & præstet diligen-

Tome XI.

Bb

* Hic inci-
pit cap. x.
superiora
autem ad
ix. perti-
nent in edi-
tis.
al. * pere-
grinationes
incommo-
das.

tiam atque sollicitudinem ut ad comitatum perferan-
tur. Universi dixerunt placere sibi, & honestum esse
consilium. Alippius * Episcopus dixit: Si propter pu-
pillos & viduas, vel laborantes, qui causas non ini-
quas habent, susceperint peregrinationis * incommo-
da, habebunt aliquid justæ rationis: nunc verò cum
ea postulent præcipuè quæ sine invidia omnium & sine
reprehensione esse non possunt, non necesse est eos
ire ad comitatum.

CAPUT CXLVI.

*Quòd non oporteat Episcopos, Clericos &
Monachos pradia aliena conducere.*

Sub Leone
I. an. 451.

Ex Concilio Calcedonensi, cap. III.

al. * sunt.

al. * adju-
mentes.

al. * im-
miscere.

al. * defen-
sione,

al. * poenis

PERVENIT ad sanctam Synodum, quòd qui-
dam qui in clero videntur * allekti, propter lucra
turpia conductores alienarum possessionum fiant, &
sæcularia negotia sub cura sua suscipiant; Dei quidem
ministerium parui pendentes, sæcularium verò dis-
currentes domos, & propter avaritiam patrimonio-
rum sollicitudinem sumentes *. Decrevit itaque san-
ctum hoc magnūque Concilium, nullum deinceps,
non Episcopum, non Clericum, non Monachum aut
possessiones conducere, aut negotiis sæcularibus se
misceri *, præter pupillorum (si fortè leges impo-
nant) inexcusabilem curam, aut civitatis Episcopus
Ecclesiasticarum rerum sollicitudinem habere præci-
piat, aut orphanorum & viduarum, earumque quæ
sine ulla provisione * sunt personarum, quæ maximè
Ecclesiastico indigent auxilio & propter timorem
Domini causa deposcat. Si quis autem transgredi de
cetero hæc statuta tentaverit, qui est hujusmodi Ec-
clesiasticis increpationibus * subiacebit.

CAPUT CXLVII.

De honore Monachis competente, & ut nullus eorum tentet Ecclesiastica aut secularia inquietare negotia; nec alienum servum præter conscientiam domini ejus suscipere.

Ex eodem Concilio, cap. iv.

QUI verè & sincere singularem * sectantur vitam, competenter honorentur: quoniam verò quidam utentes habitum * monachi Ecclesiastica negotia civiliæque conturbant, circumeuntes indifferenter urbes, nec non & Monasteria sibi instituire tentantes: placuit nullum quidem usquam ædificare aut constituere Monasterium vel Oratorii * domum præter conscientiam * civitatis Episcopi: Monachos verò per unamquamque civitatem aut regionem subjectos esse Episcopo, & quietem diligere, & intentos esse tantummodò jejuniis & orationi in locis in quibus renuntiaverunt sæculo permanentes: nec Ecclesiasticis verò nec sæcularibus negotiis communicent, vel in aliquo sint molesti propria monasteria deferentes, nisi fortè his præcipiatur * propter opus necessarium ab Episcopo civitatis. Nullum verò recipere in monasteriis servum ut sit Monachus cum eis obtentu monachi præter sui domini conscientiam *. Transgredientem verò hanc definitionem nostram excommunicatum esse decernimus, ne nomen Dei blasphemetur. Verumtamen Episcopum convenit civitatis competentem monasteriorum providentiam agere *.

al. * solitariam.

al. * habitu Monachali.

al. * orationis.
al. * voluntatem.

al. * permissum fuerit.

al. * voluntatem.

al. * gerere;

CAPUT CXLVIII.

De pacificis peregrinorum, id est commendatiis litteris.

Bb ij

Sub Iulio,
Papa
an. 341.

Ex Concilio Antiocheno, cap. viii.

PRESBYTERI autem qui sunt in agris Canonicas epistolas dare non possunt, ad solos tantum vicinos Episcopos litteras destinabunt. Corepiscopi autem qui sunt inreprehensibiles dare possunt pacificas, id est generales epistolas.

CAPUT CXLIX.

De Metropolitanis singularum provinciarum.

Ex Concilio Antiocheno, cap. ix.

PER singulas regiones Episcopos convenit nosse Metropolitanum Episcopum sollicitudinem totius provinciae gerere: propter quod ad Metropolim omnes undique qui negotia videntur habere concurrant: unde placuit eum & honore præcellere, & nihil amplius præter eum ceteros Episcopos agere secundum antiquam à Patribus nostris regulam constitutam, nisi ea tantum quæ ad suam Dioecesim pertinent, possessionesque subiectas. Unusquisque enim Episcopus habeat suæ parochiæ potestatem, ut regat iuxta reverentiam singulis competentem, & providentiam gerat omnis possessionis quæ sub ejus est potestate ita ut Presbyteros & Diaconos ordinet, & singula suo iudicio comprehendat. Amplius autem nihil agere teneat præter Antistitem Metropolitanum, nec Metropolitanus sine ceterorum gerat consilio Sacerdotum.

CAPUT CL.

De vacantibus Episcopis.

Ex eodem Concilio, cap. xvi.

SI quis Episcopus vacans in Ecclesiam vacantem profiliat, sedemque pervadat absque integro perfectoque consilio, hic abjiciatur necesse est, etsi

Canonum pœnitentialium. Lib. III. 197
cunctus populus, quem diripuit, cum habere delegerit. Perfectum verò Concilium illud est ubi inter fuerit Metropolitanus Antistes cum* subfraganeis suis.

* *hæc d. sunt
in editis
cum sub-
frag. suis.*

CAPUT CLI.

Ut Metropolitanis sua jura serventur.

Ex Decreto Papæ Leonis, cap. xxxii. in Epist. ad Anastasium*.

*Ex epistola
Leonis Pa-*

IGITUR secundum sanctorum Patrum Canones Spiritu Dei conditos & totius mundi reverentia consecratos, Metropolitanos singularum provinciarum Episcopos, quibus ex delegatione nostra fraternitatis tuæ cura prætenditur, jus traditæ sibi antiquitatis dignitatis intemeratum habere decernimus, ita ut à regulis præstitutis nulla aut negligentia aut præsumptione discedant.

*fa 1.
* Tessaloni-
cæ Episc.
cap. 2.*

CAPUT CLII.

Leotodoro Episcopo Forojulianensi salutem.

*Ejusdem
Leonis ini-
tium episto-
lae ad
Theodo-
rum Episc.
Forojulia-
nensem
circa 452.
scripta.*

SOLLICITUDINIS quidem tuæ iste ordo esse debuerat, ut cum Metropolitano tuo primitus de eo quod quærendum esse videbatur, conferres, ac si id quod ignorabat dilectio tua, etiam ipse nescisset, instrui vos pariter posceretis, quia in causis quæ ad generalem observantiam pertinent, nihil sine Primatibus oportet inquiri.

CAPUT CLIII.

*De Præsidibus, vel ceteris rem publicam agere
volentibus, ne sine litteris Episcopi sui
communicent; Et cum contra disciplinam
egerint, excommunicentur.*

Ex Concilio Arelatensi, cap. vii.

*Ex Arelat.
i.*

Bb iij

DE Præsidibus qui fideles ad præsidatum proficiant ita placuit, ut cum promoti fuerint litteras accipiant Ecclesiasticas communicatorias; ita tamen ut in quibuscumque locis gesserint, ab Episcopo ejusdem loci cura de illis agatur, ut cum coeperint contra disciplinam publicam * agere, tum demum à communione excludantur: similiter & de his fiat qui rempublicam agere volunt.

* alibi deest.

CAPUT CLIV.

Ut Clerici vel laici in aliena Ecclesia non communicent sine litteris Episcopi sui.

Ex Carth.

Ex Concilio Carthaginensi, cap. vii.

Sub Iulio 1.

CASIANUS Velenensis Episcopus dixit: Statuat gratuitas vestra, ut unusquisque Clericus vel laicus non communicet in alia * plebe sine litteris Episcopi sui.

al. * aliena.

CAPUT CLV.

*Quòd oporteat egenis epistolas * tribui, honestiores autem commendatitiis litteris adprobare.*

al. * epistolia.

Ex Concilio Calcedonensi, cap. xi.

Sub Leone 1.

OMNES pauperes & indigentes Ecclesiastico auxilio cum proficiuntur sub probatione epistolis, vel Ecclesiasticis pacificis tantummodò commendare * decrevimus, & non commendatitiis litteris: propter quod commendatitias litteras honoratioribus * tantummodò præstari personis conveniat.

al. * commendari sed forte utroque rectius commere.
al. * iis solis personis quæ sunt suspectæ præstari.

CAPUT CLVI.

De Clericis qui sine epistolis sui Pontificis proficiuntur.

Ex Concilio Agathensi, cap. LIII.

PRESBYTER *, aut Diaconus, vel Clericus sine Antistitis sui epistolis ambulans communionem ei nullus impendat.

Anno 506.
cap. LII.
al. * Presbytero aut diacono vel clerico &c. ambulanti communionem nullus impendat.

CAPUT CLVII.

Ut sine epistola Episcopi sui non liceat Clericum vel Monachum proficisci; Et de Monachis vel Abbatibus.

Ex eodem Concilio, cap. XXXVIII.

CLERICIS sine commendatitiis epistolis Episcopi sui licentia non pateat evagandi : in Monachis quoque præsentis * sententiæ forma servetur. Quod si verborum increpatione non emendaverint, etiam verberibus statuimus cœrceri. Servandum quoque de Monachis ne eis ad solitarias cellulas liceat à congregatione discedere, nisi fortè probatis post emeritos labores, aut propter infirmitatis necessitatem asperior Abbatibus regula remittatur : quod ita demum fiet, ut intra eadem monasterii septa manentes tamen sub Abbaris potestate separatas habere cellulas permittantur. Abbatibus quoque singulis diversas cellulas aut plurima * monasteria habere non liceat, nisi tantum propter incursum hospitalitatis * intra muros receptacula conlocare.

al. * par sententiæ.

al. * plur.
al. * hospitalitatis.

CAPUT CLVIII.

Incipit Epistola Formata Attici Episcopi Constantinopolitani.


GRÆCÆ elementa litterarum, numeros etiam exprimere nullus, qui vel tenuiter græci sermonis notitiam habet, ignorat. Ne igitur in faciendis

epistolis Canonicis, quas mos latinus Formatas appellat, aliqua fraus falsitatis temere præsumeretur, hoc à Patribus trecentis decem & octo Nicææ congregatis saluberrimè inventum est & constitutum; ut Formata epistolæ hanc calculationis seu supputationis habeant rationem, id est, ut adsumantur in supputationem prima græca elementa Patris & Filii & Spiritus sancti, hoc est ΠΥΑ. Πατήρ, j. Pater. *Υος, j. Filius. Αγιω πνευμα, j. Spiritus sanctus: quæ elementa LXX. octogenarium & cccc. quadringentessimum * & j, primum significant numeros. Petri quoque Apostoli prima littera j. π qui numerum octoginta significat. Ejus quoque qui scripsit epistolam, prima littera; cui scribitur, secunda; accipientis, tertia littera; civitatis quoque, de qua scribitur, quarta; & indictionis (quæcumque est) temporis idem qui fuerit numerus adsumatur. Atque ita his omnibus græcis litteris, quæ, ut diximus, numeros exprimunt in unum ductis, unam, quæcumque collecta fuerit, summam epistola teneat: Hanc qui suscipit omni cum cautela requirat expresse: addat præterea separatim in epistola etiam nonagenarium & nonum numerum, qui secundum græca elementa significat AMHN.

In * edit.
ha sunt
tantum tres
litteræ
π, υ, α.
quæ elem.
al * qua-
dragesi-
mum.

EXPLICIUNT CANONES.

Deo Gratias, Amen.





STATUTA SYNODALIA

NICOLAI GELANT, ET GUILLELMI
Majoris Episcoporum Andegavensium.



UILLERMUS permissione divina Andegavensis Episcopus universis & singulis Abbatibus, Prioribus, Archidiaconis, Archipresbyteris & Decanis, & Ecclesiarum Rectoribus, & quibuscumque aliis nostris subditis salutem. Juris remedia tot & tantis exquisita vigiliis, & per ora Præfidentium salubriter promulgata ad tutelam bonorum & malorum insolentias cohibendas, non decet verbis sed rebus imponi, nec convenit affectata oblivione delere, sed tenaci memoriæ commendare: sanè recolendæ memoriæ Prædecessor noster dum Andegavensem laudabiliter rexit Ecclesiam, circa Dominici gregis custodiam sollicitis vigiliis excitatus, & animarum saluti jugi meditatione intendens, & nos postmodum ipso feliciter migrante ad Christum, ad curam ipsius gregis, licet immeriti, Divina miseratione vocati, à nostris Synodis plura statuta Synodalia super diversis statutorum articulis edidimus successivè prout negotiorum & temporum qualitas exigebat. Quorum statutorum plures invenimus pluribus modis transgressores, ad sui excusationem dum corrigebantur, ignorantiam super hæc prætendentes, licet quoad illos, qui ad nostram Synodum venire tenentur, supina & crassa ignorantia dici deberet. Eapropter ne quis super hæc ulterius prætextu ignorantiae se valeat excusare, nec deinceps quæ sint instituta Synodalia valeat in posterum dubitari, omnia & singula statuta Synodalia prædicta tam à prædicto Prædecessore quàm à nobis edita fecimus recenser; & quibusdam statutorum ipsorum tamquam temporali-

Præfatio
Guillelmi
Majoris,
le Maire.

Tome XI.

Cc

bus vel superfluis pro præsentis temporis qualitate refecatis omnino, & aliis mitigatis, circa poenas appositas in eisdem in uno quaterno fecimus registrari; statuentes ut de cetero statuta ipsa in quaterno hujusmodi registrata, ab omnibus & singulis subditis nostris, prout tangunt, illibata servantur. Præcipientes etiam universis & singulis Abbatibus, Archidiaconis, Archipresbyteris, & Decanis Ecclesiarum Curatis in virtute obedientiæ, quâ nobis tenentur adstricti, quòd ipsi & eorum quilibet infra primi anni Synodum sancti Lucae scribi faciant in quaterno statuta eadem, quorum exemplar poni penes Johannem Benchies vel alium Stationarium faciemus, & eadem in quaterno ad dictam Synodum apportantes quibus dictorum Curatorum suo Archipresbytero vel Decano præsentent, qui nobis referant illos qui in præmissis fuerunt negligentes, scituri quòd illos qui in præmissis defecerint, graviter puniemus.

Synodus I. *NICOLAUS GELANT IN SYNODO*
Nicolai
Gelant.
sancti Lucae,

Anno Domini M. CCLXI.

Caput 1. **S**TATUIMUS quòd in singulis Ecclesiis liber, qui dicitur Ordinarius, habeatur quo Sacerdotes respiciant singulis diebus ante Vesperarum inceptionem, ut ipsas Vesperas, Matutinas, & officium diei sequentis faciant & exsequantur juxta Ordinarii instructionem.

Cap. 2. Prohibemus ne quis Sacerdos pro quacumque Ecclesiae suae necessitate obliget Missale Ecclesiae, vel calicem, vel parochianis obligare volentibus consentire præsumat. Si contra hoc statutum facit, Extra, Contra *De pignoribus c. 1.* Si quis verò contra hoc fecerit, sciat quòd ipsum ad redimendum & liberandum de suo proprio compellemus.

Cap. 3. Abbates & Priores Conventuales Monachos suos vagos & profugos studeant revocare, & ipsos reci-

piant, saluâ ordinis disciplinâ: quos verò monitos redire nolentes inveniunt, excommunicent, & id nobis significant, ut eos excommunicatos denunciari faciamus, & procedamus contra ipsos prout de jure fuerit procedendum.

Statutum provincialis Concilii innovantes prohibemus sub pœna suspensionis, ne quis Abbas vel Prior Conventualis aliquem Monachum juniorem octodecim annis mittat causâ morandi ad locum vel Prioratum non Conventualem, sed in Claustro Monasterii, vel saltem Prioratus Conventualis moretur, ut & ibidem à senioribus suis instruatur in officio & servitio Ecclesiæ & regularibus disciplinis. Cap. 4.

Item sunt quidam religiosi, ut intelleximus, Ab- Cap. 5. bates & alii, qui jurisdictionem Ecclesiasticam impediunt hominibus suis, prohibentes ne coram Ecclesiasticis judicibus litigent de iis quæ ad forum Ecclesiasticum spectant, & quod gravius est, jurisdictionem Ecclesiasticam sibi usurpant, de his quæ ad forum Ecclesiæ pertinent inter homines suos cognoscere & judicare præsumentes: quos monemus in generali ne talia vel similia de cetero attentare præsumant, scientes quòd si post monitionem istam hæc facere præsumpserint excommunicati erunt ipso facto à Canone in Concilio Lateranensi edito; & nihilominus contra ipsos procedemus prout de jure fuerit procedendum.

Præterea cùm avaritiæ stimulis sit interdicto resistendum, prohibemus ne Prælati qui depòrtus recipiunt in Ecclesiis vel Capellis uvas immaturas, vel segetes discerpere vel colligere præsumant; quod si quis præsumpserit, præsumptorem ad reddendum quod collegerit duplicatum illi, in cujus præjudicium hoc fecerit, præsentis statuto condemnamus. Cap. 6.



Synodus
II.
Nicolai.

IDEM IN SYNODO PENTECOSTES.

Anno Domini M. CC. LXII.

Capit. 1.

PROHIBEMUS ne Archidiaconi, Archipresbyteri & Decani alienationibus rerum Ecclesiasticarum consentiant, nec super alienationibus litteras concedant.

Cap. 2.

Statuimus ne Monachi extra villas in quibus morantur exeant ad exequias mortuorum, ne eo pretextu occasionem habeant evagandi, vel illicita committendi.

Cap. 3.

Inhibemus Abbatibus ne Monachis suis vineas, terras seu possessiones concedant, vel habere permittant, nisi ad pertinentes ad administrationem, ne eo pretextu occasionem habeant proprium retinendi. Item ne solitarii in Prioratibus commorentur: quòd si contra fecerint, Clericis sæcularibus juxta mandatum Apostolicum assignabimus Prioratus eorum, super quo mandatum recepimus.

Cap. 4.

Item præcipimus quòd singuli Capellani diligenter videant, quòd si aliqui eorum parrochiani ad nos fuerint pro aliquibus casibus remittendi, ad loca in quibus visitabimus mittant ad nos eosdem, ut inde expensis & laboribus releventur.

Cap. 5.

Præcipimus ut singuli Capellani omnia testamenta testatorum & executorum nomina, summam X. librarum excedentia intra mensem à tempore obitus testatoris nobis denuntient, vel Officiali nostro Andegavenfi.

Cap. 6.

Item Sacerdotes & alii Ecclesiarum Rectores circa divinum officium, & maximè horarum canonicarum, ad quas tenentur ex debito, diligentes existant, & ut mundanæ occupationes declinentur, mane surgentes pulsato primo signo matutinas & alias horas canonicas continuè dicant in Ecclesia, nisi ex causa probabili ad Ecclesiam accedere impedianur.

Cap. 7.

Prohibemus ne ea die qua benedictio nuptialis cele-

bratur mulieres admittantur ad purificationem cum præposteratio videatur.

Præcipimus ne qui Sacerdotes consentiant, fed publicè in Ecclesiis suis prohibeant contrahere *per de præfenti*, donec veniant ad benedictionem nuptialem. Cap. 8.

Item inhihemus sub pœna suspensionis, ne quis Sacerdos filium suum habeat sibi in Ecclesia ministrantem, vel secum in domo propria commorantem, cum testis evidens incontinentiæ suæ existat. Cap. 9.

Insuper sciant Sacerdotes & alii Ecclesiarum Rectores, quod mulieres quas baptizant, vel quæ ipsorum parrochianæ existunt, sunt ipsorum filiæ spirituales, & ideo à talium mulierum copula carnali penitus abstineant, si velint pœnam amissionis beneficiorum evitare. Cap. 10.

Prædecessoris nostri vestigiis inhærendo prohibemus ne quis Capellanium capiat vel habeat in Ecclesia sua, nisi nobis vel mandato nostro speciali præsentatum, & à nobis vel mandato nostro receptum. Cap. 11.

Item præcipimus sub pœna excommunicationis, quod omnes Rectores Ecclesiarum & singuli, qui ex indulgentia Domini Papæ vel ex nostra permissione in Ecclesiis suis residentiam non faciunt, habeant in Ecclesiis suis Capellanos continuè residentes, jacentes & commorantes ibidem. Cap. 12.

Præterea præcipimus ut singuli Sacerdotes in Ecclesiis suis, quos excommunicatos esse noverint, excommunicatos denuncient publicè singulis diebus Dominicis & festivis, & quorum auctoritate, & ad quorum instantiam, & si postquam satisfecerint super querelis de quibus impetebantur, noverint ipsos esse negligentes in eorum absolutione petenda, nihilominus ardentius & frequentius eos denuntient excommunicatos. Et super hæc faciant rotulos, quos Archipresbyteris, Decanis vel nobis tradant, si super hæc fuerint requisiti. Et si aliqui excommunicationem per annum sustinuerint, vel postquam satisfecerint

Cc iij

adversariis suis si negligentes fuerint in absolutionibus petendis, hæc denuncient Archidiaconis, Archipresbyteris, vel Decanis, saltem in Synodo subsequenti.

Synodus
III.
Nicolai.

IDEM IN SYNODO SANCTI LVCAE,

Eodem anno.

Caput 1.

PRÆCIPIMUS, quòd in quibuslibet Ecclesiis in Episcopatu Andegavenfi sit quaternus Synodalis, & illum quolibet mense perfectè legant Capellani parochiales, & bene intelligant & observent quod continetur in eo; eundem secum in Synodo de cetero deferentes & parati ad interrogata respondere.

Cap. 2.

Præcipimus parochialibus Sacerdotibus Ecclesiis deservientibus, ut quando eis præsentabimus citationes faciendas à iudicibus ordinariis, videant utrum major pars dilationis temporis comprehensæ in citatione à tempore data sit elapsa vel ne, & si sit elapsa faciant citationem ex transverso sigillantes eandem; & si non sit elapsa, directè per longum sigillent. Et volumus quòd si iudici appareat de sigillatione ex transverso, & citatus veniat, non compellatur citatus respondere, & qui citari fecerit eum, expensis condemnatur; & hoc publicè dicant Capellani in Ecclesiis suis.

Cap. 3.

Item injungimus Archidiaconis, quòd ipsi Sacerdotibus qui in Ecclesiis deservient, faciant competentem habere provisionem pecuniâ, vel etiam alia quantitate, consideratis facultatibus Ecclesiarum quibus deservient, habitâ æstimatione legitimâ eorum quæ viderint æstimanda; firmarios seu emptores fructuum penitus excludentes.

Cap. 4.

Præcipimus quòd omnes Decani & Archipresbyteri plebei in hac præsentì Synodo, & futuris de cetero, antequam recedant, omnium præceptorum Synodaliū copiam recipiant à nobis vel Archidiaconis, & secum asportent & studeant ut ea in suis Archipresby-

teratibus & Decanatibus à subditis sollicitè faciant observari; & hæc eisdem Archipresbyteris & Decanis in virtute obedientiæ injungimus.

IDEM IN SYNODO PENTECOSTES

Anno Domini M. CC. LXIII.

Synodus

IV.

Nicolai.

PROHIBEMUS singulis Sacerdotibus parrochialibus ne ipsi parrochianis suis die Paschatis testes * seu hostias loco panis benedicti ministrent, ne ex ejus ministracione seu receptione erubescantiam evitare videantur, sed panem benedictum faciant sicut aliis diebus Dominicis fieri consuevit.

Capit. 1.

f. * costas.

Intelleximus quòd quidam Archipresbyteri, seu Decani non per se sed per alios visitantes post visitationem hujus procuraciones recipere & exigere non verentur: quod dictis Archipresbyteris & Decanis districtius inhihemus sub pœna excommunicationis, Rectoribus Ecclesiarum & Capellanis nihilominus præcipientes, ne ipsi dictis Presbyteris & Decanis procuraciones reddant nisi personaliter visitaverint, nisi nostras litteras patentes eisdem exhibeant, continentes quòd à nobis obtinuerint licentiam per alios visitandi; quas litteras nisi causa rationabili sibi noverint nos minimè concessuros. Sententias verò suspensionis vel excommunicationis si ob procuracionem non traditam, facta visitatione per alium, seu à nobis licentiâ non obtentâ tulerint, ex nunc penitus revocamus.

Cap. 2.

IDEM IN SYNODO SANCTI LUCÆ,

Anno Domini M. CC. LXIV.

Synodus

V.

Nicolai.

STATUIMUS quòd Archidiaconi, Archipresbyteri, & Decani cappas manicatas vel tabarda non deferant in Archidiaconatibus, seu Archipresbyteratibus, vel Decanatibus suis, nisi sit tempus pluviale, & tunc super cappas clausas (quas in dictis locis in vir-

tute obedientiæ & sub pœna excommunicationis deferre præcipimus) ponere poterunt; ita tamen quòd dum Ecclesias intraverint, dicta tabarda deponant, nec coram nobis aliquatenus compareant in tabardis vel cappis manicatis, nisi hoc aliquibus eorum ex causa duxerimus indulgendum.

Synodus
VI.
Nicolai.

IDEM IN SYNODO PENTECOSTES,
Anno Domini M. CC. LXV.

Caput 1.

QUIA scriptum est, quòd simulata æquitas non est æquitas, sed duplex iniquitas; & in contractibus Judæorum multoties sigillationes interveniant, cum sæpissimè in illorum contractibus quædam agantur, & alia simulatè conscribantur; in virtute obedientiæ prohibemus ne aliquis iudex Ecclesiasticus hujus civitatis vel diœcesis litteras super contractibus Judæorum cum Christianis initis sigillare præsumat, vel facere sigillari.

Cap. 2.

Cum liber à servo difficilè discernatur, sic & Clericus à laico, nisi per statum & habitum distinguatur, ordinamus ut omnes & singuli Clerici sive conjugati sive non conjugati cum in Ecclesiis parochialibus, in quibus commorantur, ad Missam vel ad Vesperas veniant, cum tutuptiis * congruentem deferentes tonsuram incedant, psalmodiantes, legentes & cantantes ibidem cum Presbyteris & Capellanis; ut sic appareat an litterati existant nec non; tamen coram Episcopo, Archidiacono, Archipresbytero, vel Decano suis appareant cum tutuptiis, & amotis capuciis se præsentent: hæc complentes si velint Ecclesiastica defensione gaudere.

Cap. 3.

Si aliquis sustinuerit sententiam excommunicationis per duos menses à tempore publicæ denuntiatiōnis in Ecclesia factæ, uxor & familia sint suppositæ Ecclesiastico interdicto. Verùm multi qui mucronem Ecclesiasticæ disciplinæ licet excommunicati non verentes, se minimè reputant sauciato, nec curant
tam

ram letali vulnere quærere medicinam. Nos igitur quia vulnera, quæ medicinæ fomentum non sentiunt, ferro sunt abscidenda, uxores & familias totas omnium subditorum nostrorum, qui excommunicationem sustinuerunt per duos menses à tempore publicæ denuntiationis in Ecclesia factæ, ex tunc Ecclesiastico supponimus interdicto, prohibentes ne quis Sacerdos uxorem vel aliquem de familia alicujus parrochiani sui, qui excommunicationem per dictum tempus sustinuerit, ad ingressum Ecclesiæ, vel ad sacramentum aliquod, seu sacramentale admittat, salvis tamen Baptismatis & Pœnitentiæ Sacramentis. Et hoc statutum præcipimus per Sacerdotes frequenter in Ecclesiis suis continuè & sollemniter publicari.

Sanè cum istius Diœcesis Andegavensis multi sint *Cap. 4.* sæculares Prioratus tenentes, in quibus servitium divinum non celebratur, injungimus omnibus & singulis hujusmodi Prioratus tenentibus, quòd in singulis Prioratibus quos tenent, faciant singulis hebdomadis saltem duas Missas de cetero celebrari.

Item prohibemus ne quartula aliqua quæstorum admittantur, nisi appareant sigillata nostro vel Officialis nostri sigillo, cum quæstores multa falsa in quartulis invenerimus conscripsisse. *Cap. 5.*

Cum quis excommunicatus in articulo necessitatis *Cap. 6.* absolutionem petierit, recipiatur ab ipso juramentum de stando mandatis Ecclesiæ, & de satisfaciendo iis ad quorum instantiam sit excommunicatus, & bona & heredes obliget ad prædicta antequam absolvatur. Si verò bona non habeat, ejus sufficiat juramentum. Dúmque aliquis excommunicatus infirmitatis necessitate cogente loqui non potest, vel morte urgente si signa pœnitentiæ appareant in eodem, requirantur heredes si sint præsentés, ut pro ipso caveant, & se obligent sub forma prædicta; qui si cavere noluerint, nihilominus absolvatur, & tradatur Ecclesiasticæ sepulturæ, cum de jure scripto ad satisfaciendum pro eo debeant & possint heredes compelli. Si autem signa

pœnitentiæ non apparuerint, nec absolvatur, nec Ecclesiasticæ sepulturæ tradatur, dummodo in Ecclesia publicè denuntiatus fuerit, & tempus habuerit competens absolutionem petendi, cum nec pro eo absolutiones recipiendæ sint, nec orationes Domino porrigendæ.

Synodus
VI.
Nicolai.

IDEM IN SYNODO SANCTI LVCAE,

Eodem anno.

Caput 1.

QUIA nonnulli Priores Monachi sibi ad invicem mulieres fornicarias aut concubinas in grangiis suis receptabant, ut scelus facilius esset occultum, inhibemus omnibus & singulis Prioribus Monachis nostræ Diœcesis sub pœna excommunicationis publicæ in generali, ne similia aut talia præsumant perpetrare.

Cap. 2.

f. * exer-
ceant.

Prohibemus Presbyteris, Diaconis, Subdiaconis, tam Regularibus quàm religiosis nobis subditis, ne cum cornibus, canibus, vel alio clamore ad aliquas bestias venationem exeant *, vel per agros, seu nemora, vineas vel alia loca causâ venationis incedant, vel ubi cum clamore venetur intersint: & hoc idem Prioribus inhibemus. Inhibemus eisdem Presbyteris & Capellanis ne ipsi, maximè in villa aut castello quibus morantur, tabernas intrare præsumant.

Cap. 3.

Injungimus nostris Archidiaconis, Archipresbyteris & Decanis, ut dum visitaverint per Archidiaconatum, Archipresbyteratum suos, faciant quòd Rectores vel Capellani legant in ipsorum præsentia unum capitulum quaterni sui Synodalis.

Synodus
VII.
Nicolai.

IDEM IN SYNODO PENTECOSTES,

Anno Domini M. CC. LXVI.

CUM pluries in statutis nostris Synodalibus vobis Rectoribus & Sacerdotibus injunxerimus, quòd vos nobis vel Officiali nostro Andegavensi, cui in hac

parte vices nostras commisimus, omnia testamenta decem librarum summam excedentia, in vestris parochiis decedentium infra mensem à tempore mortis testatoris denuntiaretis, & nomina executorum, quod minimè adimplere curastis; nos assecantes * quòd f. * astimantes. timor poenæ ad obediendum vos inducat, significamus vobis omnibus singulis, quòd si quis vestrum hæc de cetero neglexerit adimplere, & per inquisitionem nostram seu inquæstam, vel alias per alium, quàm per vos post mensem elapsum super alicujus testamentum denuntiatio facta fuerit, nos tertiam partem eorum quæ competent negligenti per manum vestram erogandam ratione juris funeranti, ex nunc nobis retinemus per manum nostram erogandam quibus viderimus expedire.

IDEM IN SYNODO PENTECOSTES, Synodus VIII. Nicolai.
Anno Domini M. CC. LXIX.

SUNT plures Rectores Ecclesiarum & Sacerdotes, qui pravitatem Simoniacam non timentes, benedictiones nuptiales, defunctorum sepulturas, mulierum purificationes celebrare non volunt, nisi priùs certa pecuniæ quantitas, vel aliud quod eisdem placeat, solvatur vel firmiter promittatur: quod etiam circa sacramentorum exhibitionem committere non formidant. Circa quæ inquirendum Archidiaconos, Archipresbyteros & Decanos præcipimus diligenter vigilare, & quos in istis reos invenerint, ab officio & beneficio suspendant, & denuntient esse suspensos, coram nobis eisdem certos dies assignantes, ut si Rectores sint vel Curati, eos beneficiis suis privemus; si verò Sacerdotes non Curati, ab Andegavis perpetuò excludamus; alia eisdem nihilominus poena injungenda secundum Canonicam sanctionem.

Synodus
IX.
Nicolai.

IDEM IN SYNODO SANCTI LVCAE,

Anno eodem.

Capit. 1.

LICET jam diu sit in Synodo constitutum, ne Archipresbyteri & Decani à Synodo recedant, nisi primitus habitis ab eisdem statutis immediatè Synodi celebratæ: quia hætenus dictum statutum adimplere minimè curaverunt, lege repetitâ statuimus quòd quilibet eorumdem infra octo dies à celebratione Synodi, ne nimia brevitæ temporis videantur artari, præfata statuta habeant & recipiant, & conscribi faciant: hæc eis in virtute obedientiæ firmiter injungentes; & sciant quod negligentes & remissos pœna inobedientiæ puniemus.

Cap. 2.

Sacris Canonibus est statutum, & à nobis diu est in sancta Synodo innovatum, ne pro Sacramentis ministrandis seu impendendis aliquid exigatur. Verùm intelleximus novum genus exactionis exortum, quia si alius parrochianus aliquis in aliena parrochia matrimonium contrahat in nostra Dioecesi vel etiam aliena, & à Sacerdote suo postulet qui status ipsius habet notitiam litteras sibi concedi, quibus persona sua sit libera ad contrahendum, numquam Sacerdotes concedere volunt, nisi priùs pro dicta littera concedenda eis à postulante aliquid conferatur, vel certissimè promittatur. Insuper dum contrahentes matrimonium à suis Sacerdotibus priùs petunt certam diem præfigi ad suas benedictiones nuptiales celebrandas, numquam diem possunt certam à suis Sacerdotibus obtinere, nisi priùs certum eis aliquid promittatur vel donetur, quæ manifestè ex avaritiæ radice procedunt. Propter quod prohibemus, ne ob dictas causas aliquid ab aliquo de cetero exigatur vel petatur, sed liberè prædictæ litteræ concedantur, & dies nuptiales purè & simpliciter assignentur. Si quem verò contra hæc venire noverimus, ipsum tamquam inobedientem animadversione debita puniemus.

Injungimus in virtute obedientie omnibus Archipresbyteris & Decanis, ut ipsi continuam & personalem residentiam faciant in suis Archipresbyteratibus & Decanatibus, in suis Ecclesiis residentes prout cura beneficiorum suorum exigit, exceptis Archipresbyteris & Decanis Canonicis Andegavenfibus, qui Andegavis in Ecclesia habent facere residentiam, alioqui ipsos à beneficiis suis suspendemus.

Scriptum est per Apostolum: *Filii obedite parentibus.* Cap. 4.
Coloss. 3.
20.
Hæc itaque Archidiaconis, Archipresbyteris & Decanis sub poena suspensionis injunximus in Synodo celebrata in festo sancti Lucæ anno Domini M. cc. Lxix. quod in suis Archidiaconatibus, Archipresbyteratibus & Decanatibus capis non utentur manicatis, vel tabardis, sed capas clausas deferent: ipsi nobis minimè obediētes, dictum statutum observare contemnunt. Sed quia venerabilis Pater Albanensis Episcopus Apostolicæ sedis Legatus graviter redarguendo nobis præcepit, quod circa hoc consilium salubre apponeremus: itaque capas clausas seu rotundas, ut eorum dignitates & primatus exigunt, deferrent; Nos dicti Patris correctioni obedire volentes, ut tenemur, injungimus ipsis omnibus & singulis, quatenus capas clausas five rotundas deferant in suis Archidiaconatibus, Archipresbyteratibus & Decanatibus; salvo quod eis liceat, si temporis qualitas hoc exigit, super cappas ipsas aliud induere vestimentum temporis necessitate durante. Et super his ipsos ex abundanti monemus, significantes eisdem, quod nisi prædicto statuto planè obtemperaverint, nos in ipsos suspensionis & excommunicationis sententias proferemus.

IDEM IN SYNODO PENTECOSTES, Synodus
X.
Anno Domini M. cc. Lxx. Nicolai

INTELLEXIMUS quod nonnullæ mulieres maritorum suorum exigente contumacia Ecclesiastico Caput 1.
interdicto suppositæ; nec non plures ex fornicario

Dd iij

coïtu, seu adulterio, aut alio illicito parientes, & purificatione post partum indigentes, latenter seu clandestinè Ecclesias ingrediuntur postquàm Sacerdotes Missarum solemnità incepterunt, se facientes à dictis improvisis Sacerdotibus purificari. Propter quod statuimus & prohibemus, ne qua mulier ad Missam seu purificationem admittatur post partum, nisi per certum nuntium vel saltem in mane diu antequam pulsetur ad Missam, vel die præcedenti denuntiari fecerit Sacerdoti se velle venire ad purificationem, ut sic deliberatione habita à Sacerdotibus admittendas admittant, & repellendas repellant: & hoc denuntient Sacerdotes parrochianis suis diebus Dominicis & festivis in Ecclesiis suis, in Synodo sibi esse injunctum.

Cap. 1.

* Chartu-
lis.

* Chartu-
la.

Cap. 3.

f. * com-
miscuerint.

Verùm cognovimus per quæstores multas falsitates commissas, non solum circa litteras Episcoporum, sed etiam circa Indulgentias Domini summi Pontificis: nam alii per aliquos jurisdictionem exercentes sibi faciunt sigillari in quartulis * multas Indulgentias, de quibus in litteris Apostolicis indulgentialibus sibi concessis mentio aliqua non habetur; alii verò per prædictos obtinent sigillari sibi transcripta litterarum dioecesanarum, in quibus quoque transcriptis falsò aliqua apponuntur, quæ in dioecesanorum litteris nullatenus continentur. Propter quod ordinamus, quòd nulla quartula * admittantur à Sacerdotibus nisi sigillo nostro vel Officialis nostri fuerint sigillata.

Injungimus Rectoribus Ecclesiarum, & Capellanis eorundem parrochiis, habiles ad nubendum, qui se se invicem immisceant * carnaliter, quòd iidem Rectores seu Capellani eosdem non compellant se se ad abjurandum, sed eosdem inducant blandis sermonibus prout potuerint, ut unus alteri promittat, quòd quia primùm carnaliter se commiscuerunt, ex nunc consentiant ad invicem unius in aliam nomine matrimonii, si sancta Ecclesia possit consentire.

IDEM IN SYNODO SANCTI LVCÆ, Synodus
XI.
Nicolai.
Eodem anno.

CUM gloriosissimum corpus CHRISTI, qui Caput 1.
pro totius generis humani salute nasci & pati
voluit, omni reverentia sit dignissimum & honore,
nos attendentes quod sæpissimè dum à Sacerdotibus
ad infirmos deferitur nullam aut parvissimam habeant
comitivam, de ipsius omnipotentis misericordia,
meritis beatissimæ virginis MARIÆ Sanctorumque
Martyrum Mauriti sociorumque ejus, & patro-
norum nostrorum beati Maurilii & Renati, & om-
nium sanctorum confisi; omnibus & singulis, qui
Sacerdotibus dictum pretiosissimum corpus deferen-
tibus eundo & redeundo comitivam fecerint, vigin-
ti dies de injunctis sibi pœnis relaxamus: & hoc per
Sacerdotes in suis Ecclesiis diebus Dominicis & festi-
vis frequenter parochianis suis præcipimus publi-
care.

Item quia convocationes Sacerdotum propter ipso- Cap. 2.
rum absentiam ab Ecclesiis periculosa existunt, &
ideò ad aliena loca cum evidenti causa non debeant
evocari, ne ad cujusquam quæstoris convocationem
aliquo modo conveniant prohibemus, nisi litteras
nostras super hæc receperint, & viderint speciales,
quas cuique concedere non intendimus nisi quasi
compulsi.

Dolentes referimus quod multi sunt Presbyteri Cap. 3.
Rectores, etiam in suis Ecclesiis commorantes, qui
nec Primam, nec alias Horas dicere noverint; præ-
cipimus eis in virtute obedientiæ, ut eas addiscant &
in dicendis eis diligenter insistant.

Aliàs monuimus generaliter in Synodo omnes be- Cap. 4.
neficiatos civitatis vel Diœcesis Andegavensis Rectores
Ecclesiarum, & obtinentes capellanas requirentes
Sacerdotium, quia ex institutione fundatorum, quod
se facerent de ordine in ordinem promoveri. Sed quia

inobedientes Ecclesiæ monitioni non obtemperant nec obtemperaverunt, in præsentī Synodo iterato monemus quòd se faciant promoveri de ordine in ordinem successive; cùm ad hoc de jure teneantur, nulla alia expectata monitione ventura. Nos verò omnes & singulos, qui se ad ordines non præsentaverint successive, & eosdem susceperint, nisi à nobis ex causa gratiam obtinuerint, à beneficiis suspendemus.

Synodus
XII
Nicolai.

IDEM IN SYNODO SANCTI LVCAE,


Anno Domini M. CC. LXXII

Caput 1.

CUM à bonæ memoriæ Michaële prædecessore nostro statutum fuerit, quòd nullus Clericus, seu aliqua alia persona Ecclesiastica, alicui se obliget per litteras cujusque judicis sæcularis; Nos statutum prædictum innovantes illud in Diocesi Andegavensi præcipimus observari. Si qui verò contrarium in posterum fecerint, litteræ per quas se obligaverint per judices Ecclesiasticos executioni nullatenus demandentur; quia culpa est rei se miscere ad se minimè pertinenti, & falcem suam in messem ponere alienam.

Cap. 2.

Et quoniam processuum publicorum impositio Diocesani officio competere dignoscitur, inhibemus sub pœnâ excommunicationis ne aliqua persona Andegavensis Diocesis Ecclesiastica, vel etiam sæcularis, processiones publicas imponat personæ alicui publicè faciendas. Item Presbyteris & Capellanis Ecclesiarum nostræ Diocesis sub pœna confimili nihilominus inhibentes, ne ipsi in suis parochiis permittant talia perpetrari, nobis si qui fortè contrarium attentare præsumpserint rescribentes, ut à nobis de tali commissio more debito puniantur.



IDEM

IDEM IN SYNODO PENTECOSTES
Ano Domini M. CC. LXXII.

Synodus
XIII.
Nicolai.

QUIA scriptum est : *Vae homini per quem scandalum venit* : nos publicè inhibuisse recolimus prohibitionem Synodali, ne quis Sacerdos vel Rector filios proprios vel filias habeant secum commorantes, & maxime secum in Ecclesiis suis ministrantes, cum testes evidentes existant incontinentiæ ejusdem. Et cum nonnullos invenerimus dictæ prohibitionis contemptores in grave scandalum subditorum, præcipimus & injungimus omnibus & singulis Rectoribus, Presbyteris, & Capellanis talia præsumentibus, quod eos easve penitus à se abjiciant, adeò quod circa eos nullatenus conversentur vel commorentur cum eisdem, sub pœna suspensionis & amissionis beneficiorum : si contra commiserint, nullam spem remissionis vel restitutionis habeant.

Caput 1.
Math. 18. 7.

Item cum quamplures existant milites & alii, qui periculum ignorant vel contemnunt quod imminet in matrimoniis & benedictionibus nuptialibus, bannis non factis, celebratis, prohibemus ne quis inter quascunque personas benedictionem nuptialem celebrare præsumat, nisi prout juris & moris est, bannis in Ecclesia publicè festivis diebus præmissis.

Cap. 2.

Cum affectantes Sacerdotum & subditorum instructionem aliàs constituerimus, quod Archipresbyteri & Decani singulis annis, certis diebus infra Octavam Purificationis beatæ MARIÆ virginis, Sacerdotes subditos sibi certis locis confinibus, quæ non mutarentur, convocarent; ut dicti Archipresbyteri Sacerdotes eosdem consulerent super iis, de quibus dubitarent, ad Synodalem quaternum vel statuta Synodalia pertinentibus : & ut per prædictos statuta anni Synodalia in Pentecostes & sancti Lucæ Synodis facta dictis Sacerdotibus recitarentur. Nos per prædictos Decanos & Archipresbyteros intelleximus quod Sa-

Cap. 3.

cerdotes sibi subditi ad dies & loca propter hoc ab ipsis deputatos venire negligunt & contemnunt, propter quod volumus & statuimus, quòd illi qui ad prædictos dies & loca non venerint, quinque solidos nomine pœnæ suo Decano vel Archipresbytero solvere teneantur nisi canonicum habuerint impedimentum, quod firmare coram ipsis teneantur proprio juramento.

Cap. 4.

Verùm intelleximus quòd cùm vobis aggravationes exequendæ diriguntur, licet in litteris contineatur quòd exequamini eas singulis diebus Dominicis & festivis, ipsas semel facitis, & in Ecclesiis vestris publicatis: quare vobis omnibus & singulis præcipimus & injungimus, quòd prædictas aggravationes saltem singulis diebus Dominicis & festivis exequamini, prout in litteris nostris demandatur, donec aliud à mandante receperitis in mandatis.

Cap. 5.

Præterea nobis relatum est, quòd sunt nonnulli vestrum qui periculum animarum minùs zelantes quàm debeant, cùm aliquoties requiruntur de infirmorum confessionibus audiendis vicinarum parrochiarum, etiam proprio Presbytero non præsentem, ad dictos infirmos accedere contradicunt; per quod multi dicuntur inconfessi decessisse: propter quod omnibus & singulis firmiter injungimus, quatenus cùm quis requisitus fuerit de confessionibus ægrotantium in vicinis parrochiis audiendis, accedat indilatè, alioqui si per suam negligentiam quis decesserit inconfessus, sciat se beneficio suo privandum.

Synodus
XIV.
Nicolai.

IDEM IN SYNODO SANCTI LYCÆ,

Eodem anno.

Caput 1.

QUIA Pastoris est ad bonum sibi subditos excitare; & nos in pluribus Ecclesiis vidimus post elevationem Dominici corporis cum campana pulsari, cùm hoc ante elevationem prædictam fieri debeat, ut corda fidelium ad elevationem * Dominici corporis

* l. ad adorationem.

excitentur, præcipimus ut dum divina Missarum solemnia celebrari contigerit, dum Sacerdos signacula facit super hostiam & calicem consecrandos pausatim faciant cum campana pulsari.

Cùm infames loca suæ fugere soleant nationis, & nonnulli diversarum nationum in Diœcesi Andegavensi affugientes, Presbyteros se fingant, licet non sint, & si sint, talis tamen conditionis existunt, quòd non sint ad divina celebranda in Ecclesiis admittendi: præcipimus & statuimus Capellanos in Ecclesiis nostræ Diœcesis non admitti ad divina ministranda in eisdem, nisi per litteras Prælatorum seu testes idoneos de eorum promotione & conversatione valeat apparere. Cap. 2.

Cùm sit malitiis hominum obviandum, & nonnulli fingentes se litteras Apostolicas habere, cùm fortè non habeant, nec habeant nec habuerint, citationes & alias litteras Capellanis nostræ Diœcesis directas contra parrochianos eorundem afferant, aliquotiens etiam sub nomine judicum qui in rerum natura non existunt; volumus citationes & alias litteras extraneorum judicum à dictis non exequi Capellanis, cùm ad hoc non teneantur, nisi eisdem littera autentica primitus sit ostensa; maximè si illi contra quos mandata diriguntur velint eisdem de indemnitate cavere. Cap. 3.

Cùm inferior solvere non possit nec debeat quod est à superiore ligatum, prohibemus, sub virtute obedientiæ firmiter injungentes, ne quis Archidiaconus, Archipresbyter, vel Decanus aliquem Sacerdotem vel Capellanum ab Ecclesia aliqua vel ab alio loco civitatis vel Diœcesis Andegavensis per nos amotum ad deservendum, seu ad officiandum in aliqua Ecclesia, Capellaniam vel Capellam sui Archidiaconatus, Archipresbyteratus vel Decanatus admittere præsumat, nisi prius à nobis licentiâ super hæc petitâ & obtentâ. Cap. 4.

Synodus
XV.
Nicolai.

IDEM IN SYNODO SANCTI LVCAE,

Anno Domini M. CC. LXXIII.

Caput 1.

CUM quis rei ad se non pertinenti non debeat se immiscere, nec ea in quibus non habet potestatem ausu temerario usurpare, & in quibusdam locis nostrae Diocesis comperimus nonnullos Rectores secum Diaconos habentes, qui sine necessitatis articulo confessiones audiunt & absolvunt indifferenter, corpusque Dominicum infirmis deferunt & ministrant, quae facere non possunt, nisi in necessitatis articulo: hæc fieri inhibemus de cetero in virtute obedientiae & suspensionis, tam Rectoribus quam Capellanis Ecclesiis deservientibus, & etiam Diaconis nisi articulo necessitatis urgente.

Cap. 2.

f. * ut
* id est vel
intra.

Præterea etiam cum jure civili cautum sit, quod nullus putare debeat sedem Apostolorum hominibus humanis usibus esse concessam, & * exponitur ibi. i. * cancellum Ecclesiae vel chori ad corpora tumulanda: & invenerimus in quibusdam Ecclesiis nostrae Diocesis corpora laicorum, & etiam rusticorum immediate ante altare majus humata; prohibemus omnibus & singulis Rectoribus & Capellanis ne de cetero in choro vel in cancello corpus laici tumulare præsumant, nisi patronus Ecclesiae, vel fundator, seu fundatoris heres existat, nobis vel Officiali nostro inconsultis.

Synodus
XVI.
Nicolai.

IDEM IN SYNODO PENTECOSTES,

Anno Domini M. CC. LXXIV.

Caput 1.

AFFECTANTES divinum servitium augmentari in Ecclesiis parochialibus & Capellanis civitatis & Diocesis Andegavenfis, & quod iidem Rectores seu Capellani ad idem faciendum servitium, & ad terrarum & vinearum Ecclesiarum & Capellaniarum ipsorum culturam facilius inducantur diligentius faciendam; statuimus quod Rectores Ecclesiarum,

qui terrās arabiles ad suas pertinentes Ecclesias arari & seminari propriis expensis fecerint, & vineas fodi seu bechari, & ante collectam illius anni decesserint, medietatem fructuum ipsarum terrarum & vinearum ejus anni habeant executores eorundem, dum tamen quod deerit de cultura ipsarum vinearum & terrarum usque ad collectam fructuum liberrimè suppleant executores prædicti : prædicta quidem in Rectoribus Ecclesiarum qui in Ecclesiis personaliter deservierint, vel Diocesani licentiâ expressè Ecclesias suas ad firmam tradiderint : nec non de Capellanis capellanas in civitate & Diœcesi Andegavensi obtinentibus statuentes, dum tamen Capellani neque à tempore suæ mortis personaliter, vel saltem per certum servitorem de licentia Capellani * loci ipsas capellanas in Ec-
lesiis loci, in quibus eas habent, tam de Missa quàm de Choro deserviant, certam & competentem portionem pro eodem servitio persolvendo.

f. * Capituli.

Verùm cum statutum in Canone reperiatur, quòd *Cap. 2.* per septem hebdomadas ante sanctum Pascha omnes, & maximè omnes Clerici ab esu carniū abstinere debeant : sed quia sicut discreta debet esse vita Clericorum à laicorum conversatione, ita & jejuniū debet fieri discretio inter eos ; monemus & exhortamur in Domino omnes Presbyteros nostræ Diœcesis, ut post diem Dominicam ante cineres usque ad Pascha carni- bus non utantur : hoc eis sub pœna suspensionis & excommunicationis inhibentes, quas in facientes contrarium proferemus.

IDEM IN SYNODO SANCTI LVCÆ, *Synodus XVII. Nicolai.*
Eodem anno. Rubrica.

CUM clandestinæ desponsationes inhibitæ sint à *Capit. 1.* jure, quoniam in nonnullis Capellis & Prioratibus nostræ Diœcesis invenimus extra parrochiales Ecclesias celebratas, nos super hoc ut decet volentes remedium adhibere, statuimus ne benedictiones nup-
Ee iij

tiales de cetero in Capellis, Prioratibus & aliis locis solitariis celebrentur, etiam si banna seu indicta in Ecclesiis parochialibus super matrimoniis contrahendis per contrahentium Presbyteros fuerint, ut moris est, sollemniter promulgata: ex tunc prædicta loca quoad hæc supponentes Ecclesiastico interdicto.

Cap. 2.

Nonnulli Ecclesiarum Rectores nostræ Diocesis, ut intelleximus, alienas parochiales Ecclesias capiunt & recipiunt deserviendas, ob quod propriæ eorum Ecclesiæ & aliæ deserviendæ sic receptæ debito servitio defraudantur: & quia nostra interest super hoc remedium adhibere, hoc fieri de cetero in nostra Diocesi Synodali prohibitionem sub pœna suspensionis prohibemus.

Cap. 3.

Ceterum cum à jure prohibeantur Monachi in Prioratibus solitarii commorari, & in pluribus Prioratibus nostræ Diocesis invenimus quod contra statuta canonica & prohibitionem nostram etiam Synodalem super hoc aliàs editam, Monachi solitarii morantur, hortamur & monemus Abbates civitatis & Diocesis Andegavenfis, ut in eisdem Prioratibus binos ad minus Monachos ponant ibi continuè moraturos, alioquin sciant quod nos minimè * obtemperare volentes, ut tenemur, dictos Prioratus Sacerdotibus sæcularibus assignabimus, qui deservient in eisdem.

f. * juri.

Cap. 4.

Præterea cum à sede Apostolica sit sancitum, ut nec Collegium nec Universitas nec singularis persona cujuscumque dignitatis, conditionis aut status existat, pecuniam sænebrem in exercentibus publicè, aut exercere volentibus, aut quibuscumque aliis eodem crimine irretitis, domos in terris suis conducere, vel conductas habere, aut alias intrare * permittant; & ut nemo domos ad hoc illis locet, vel sub alio quocumque titulo concedat: & in eorum præsumptores, videlicet si fuerint majores personæ Ecclesiæ, suspensionis, & in minores ac singulares, excommunicationis, ac in Collegia & Universitates interdicti ipso facto sententias promulgaverit dicta sedes, quam

f. * habi-
t.

si per mensem animo sustinuerint indurato, etiam terræ ipsorum, in quibus iidem usurarii morantur, Ecclesiastico subiaceant interdicto. Et manifestum sit Judæos Diœcesis Andegavensis publicè usurariam pravitatem exercere; Inhibemus Ecclesiis, Collegiis Universitatibus, nec non personis singularibus Ecclesiasticis cujuscumque conditionis vel status existant, civitatis vel Diœcesis Andegavensis, ne eosdem Judæos in terris suis vel feudis domos conducere, aut conductas habere, vel alias inhabitare permittant; & ne etiam quis eorum eisdem Judæis domos locet, vel sub quocumque alio titulo concedat, sub pœnis à prædicta sede super hæc promulgatis superiùs annotatis.

IDEM IN SYNODO SANCTI LVCÆ, Synodus
XVIII.
Nicolai.
Anno Domini M. CC. LXXV.

INTELLEXIMUS quosdam Sacerdotes ignorantia vel negligentia depressos, qui cum infantes baptizant illos quos baptizant semel immergunt in aquam, vel uno contextu aquam fundunt super eos, licet Mater Ecclesia generali consuetudine conseruet, quod baptizandi non semel sed ter immergantur, vel trinâ effusione aqua super baptizandos fundatur: & meritò, cum trina effusio plenè conveniat formæ quam Dominus tradidit in baptismo dicens: *Ite, Math. 28. baptizate in nomine Patris & Filij & Spiritu sancti, 19. amen.* Et ideò trinæ formam tunc immersionis, vel aquæ effusionis, eis præcipimus observare.

Quia in hac civitate & Diœcesi sunt Abbates quidam, qui proprias voluntates, & non quæ sibi licent attendentes, Prioratus solitarii & etiam aliquos in quibus duo Monachi morari consueverunt, propriis mansionibus applicent, vel aliis Prioratibus seu officiis auctoritate propria assignant, uniones faciendo, quod eis non licet: omnes prædictas applicationes, assignationes, seu uniones à prædictis Abbatibus taliter factas revocamus & denunciamus nullas esse, in-

jungentes eisdem sub poena suspensionis, quòd dictas applicationes, assignationes, seu uniones de facto defecerint, & in locis, in quibus duo Monachi vel plures morari consueverunt, Priores & Monachos ponant juxta numerum consuetum, alioquin ipsos ad hoc ex tunc per excommunicationis sententiam compellemus.

Synodus
XIX.
Nicolai

IDEM IN SYNODO PENTECOSTES.

Anno Domini M. CC. LXXV.

Cap. I.

CUM dirum sit in mortuos scire, vel punire ignorantes, & quidam sint, prout intelleximus, qui contra adversarios suos pro defectibus seu aliis de causis litteras excommunicationis impetrant, eas partibus penitus vel Sacerdotibus subticentes, illas nullatenus exhibent, vel denotant usque in diem vel vigiliam resurrectionis Domini, ut tunc adversarios à communione fidelium repelli faciant; sed & alii eas non manifestant donec eorum adversarius sit defunctus, ut eum à sepulturâ Ecclesiasticâ faciant prohiberi. His malitiis & similibus obviare volentes, statuimus quòd si quis contra aliquem aliquam excommunicationem impetraverit, infra quindecim dies à tempore impetrationis eandem faciat publicè in sua Ecclesia publicari, alioquin ex tunc Sacerdotes eas nullatenus publicare præsumant; excommunicatum tamen evitent & faciant evitari, donec à dicta sententia fecerit se absolvi. Si verò imminente tempore Paschali, & ultimæ hebdomadæ Passionis quindenâ jam elapsâ, vel in imminente morte alicujus noviter litteras excommunicationis præsentaverint, dictos excommunicatos in forma Ecclesiæ absolvatis vice nostra, vel illorum quorum auctoritate fuerint excommunicati, dictorum excommunicatorum excommunicatori nomina referentes.

IDEM

IDEM IN SYNODO SANCTI LUCÆ, Synodus
Anno Domini M. CC. LXXVI. X X.
Nicolai.

CUM affectantes Sacerdotum & subditorum in-
structionem aliā constituerimus, quod Archi-
presbyteri & Decani singulis annis certis diebus infra
octavam Purificationis beatæ MARIÆ Virginis, Sa-
cerdotes sibi subditos certis locis confinibus, qui non
mutarentur, convocarent, ut dicti Sacerdotes eos-
dem consulerent super hiis de quibus dubitarent, ad
Synodalem quaternum vel statuta Synodalia pertinen-
tibus, & ut per prædictos statuta anni Synodalia in
Pentecostes ac sancti Lucæ Synodis facta dictis Sacer-
dotibus recitarentur: & nos per prædictos Decanos,
& Archipresbyteros intelleximus, quod Sacerdotes sibi
subditi ad dies & loca propter hoc ab ipsis deputata
venire negligebant, & contemnebant, & propter hoc
voluerimus & statuerimus quod illi qui ad prædictos
& loca non venirent, quinque solidos nomine poenæ
suo Decano vel Archipresbytero solvere teneantur,
nisi Canonicum haberent impedimentum, quod fir-
mare coram ipsis tenerentur proprio juramento. Et
nonnullis perpendimus pericula imminere dicto tem-
pore locis in plerisque, maximè inundatione aquarum
emergente, præcipimus quod die Jovis post *Quasi-
modo* Sacerdotes inibi ubi consuetum convocentur à
prædicta, & non infra octavam Purificationis ante
dictæ, poenam repetentes supra scriptam: adjicien-
tes ut Archipresbyteri, & Decani, prædictam poenam
remittere nequeant, sed dictos Presbyteros non ve-
nientes ad diem, ad Officialem insinuent, & per ipsum
prædictæ poenæ à non venientibus exigantur.

Quoniam ubi majus periculum vertitur, ibi cautiùs
est agendum, & ubi personæ industria eligitur, non
per alium debet exequi quod mandatur: præsentī sta-
tuto injungimus sub poena suspensionis & excommu-
nicationis quibuslibet subditis nostris, ut & cū ali-

Tom. XI.

Ff

cui à nobis, vel à iudicibus ordinariis nostræ Diœcesis aliquod mandatum fuerit destinatum, ubi clausula hæc sit inserta: *Si nobis confiterit: vel, Si ita est: vel, Si contra fecerit, vel, Nisi obtemperaverit: vel finaliter. Causæ cognitionem desiderans illud mandatum non per alios quàm per ipsos executionem demandent, testes aliquos in executionibus prædictis, ut jura volunt, advocantes. Item Rectoribus Ecclesiarum de sub pœnis præcipimus antefatis, ut Capellanos & Clericos jurare faciant, quòd fideliter alia mandata exequantur. Inhibentes pœnis prædictis repetitis, ne illis quibus aliquid fuerit mandatum factum per alium faciat illud exequi ad ejus instantiam cujus demandatur, vel per litteras deferentem aut etiam præsentantem.*

Synodus
X X I.
Nicolai.

IDEM IN SYNODO SANCTI LVCAE,

Anno Domini M. CC. LXXVII.

Caput 1.

VOLENTES subditorum utilitatibus providere statuimus, ut Rectores Ecclesiarum parrochialium civitatis & Diœcesis Andegavenſis, Capellani & Clerici, eorum iudicum Ecclesiasticorum mandata quæ exequantur fideliter faciant, nec citationem aliquam vel monitionem faciant, nec aliquos denuntient excommunicatos nominatim, nisi prius super hoc recepto mandato. Præterea quòd aliquas litteras non sigillent gratiâ, odio, facinore, vel pretio, quousque contenta in ipsis litteris fuerint executi: transgressores graviter puniemus.

Cap. 2.
Pf. 20. 23.
35. 12.

Scriptum est: *In Ecclesiis laudabo te, Domine: propter quod statuimus, ut Priores Prioratuum Civitatis & Diœcesis Andegavenſis cum Monachis suis, item Rectores cum Clerico vel Clericis suis, saltem in Diebus Dominicis & festivis IX. Lectionum cantent seu dicant ad notam Matutinos & Vesperas infra Ecclesias eorundem.*

Cap. 3.

Intelleximus nonnullos volentes & intendentes matrimonium ad invicem contrahere nomine matri-

monii potare, & per hoc credentes se ad invicem matrimonium contraxisse carnaliter se commiscant. Verum cum per hoc nullum matrimonium contrahatur, & ob hoc quoniam plures jam fuerint decepti, vobis firmiter injungimus quod frequenter & publice in Ecclesiis parochialibus vestris dicatis, quod per prædicta hujusmodi nec matrimonium nec sponsalia contrahuntur.

Quoniam aliàs statutum extitit, ne quartula * aliqua quæstorum admittantur, nisi appareant sigillata nostro vel Officialis nostri sigillo; cum quæstores multa falsa in chartulis invenerimus scripsisse, hic statuere duximus, inhibentes Rectoribus & Capellanis Andegavensis Diocesis, ne aliquem quæstorem in Ecclesiis suis ad prædicandum, vel suas indulgentias, aut beneficia exponenda admittant, nisi super hæc à nobis licentiam obtinuerint, & hoc appareat litteris nostris vel Officialis nostri, prout superius est expressum; sed ipsimet Rectores vel Capellani dictas indulgentias & beneficia parochianis suis exprimant & exponant, prout in litteris nostris vel Officialis nostri viderint contineri.

Cap. 4.
* Chartula.

Quoniam omnis actio proprietatis habendæ à Monachis est tollenda, statuimus ut nullus Monachus Ecclesiam vel Capellaniam pro salario, aut pensione, aut mercede deservendam assumat.

Cap. 5.

IDEM IN SYNODO SANCTI LUCÆ, Synodus
XXII.
Nicolai.
Anno Domini M. CC. LXXXI.

QUONIAM multos reperimus indurato animo claves sanctæ matris Ecclesiæ vilipendentes excommunicationis sententiam diutius sustinere, Corpus Christi in Ecclesia biennio vel triennio non suscipere, vel etiam confiteri; præcipimus omnibus & singulis Rectoribus & Capellanis, ut ipsi & quilibet eorundem in parochiis suis diligenter considerent & inquirant parochianos sibi subditos, qui per bien-

Caput 1.

Ff ij

nium & ultra in excommunicationibus suis perstiterint, à perceptione Corporis Christi vel Confessione per tantum temporis cessaverint, & eorundem nomina in scriptis nobis tradant vel mittant, & quanto tempore in ea permanferint, ut in talibus salubre consilium apponatur.

Cap. 2.

Quia processiones, quæ ex antiquorum devotione propter necessitatem populi adinventæ, certis temporibus & diebus fieri consueverint, per negligentiam Rectorum & Capellanorum prout intelleximus in locis pluribus omnino non fuerint, in aliis verò aliqui Rectores & Capellani processionem sine Sacerdote crebrius mittant; Ideò statuimus & præcipimus sub suspensionis pœna, ut singuli Rectores & Capellani die Dominica quæ præcedit septimanam, in qua ex laudabili consuetudine Ecclesiæ suæ processio fieri consuevit, parochianos suos sollicitè diligentèrque hortentur & inducant, ut ad processionem eant, vel saltem unam personam de sua familia mittant, prout ab antiquis fieri consuevit: Rectoribus & Capellanis sub pœna prædicta injungentes, ut ipsi ad prædictas processiones personaliter eant, vel saltem ut Capellanium & Clericum suum ibi mittant, per quos litanie & orationes consuetæ fiant, & plebis devotio, quæ per ipsorum negligentiam diminuitur, eorum curâ & præsentia amplietur.

Cap. 3.

Cùm jamdudum in statuto provinciali fuerit ordinatum, ne executores testamentorum aliquid de literis executionis sibi commissæ per se vel per alium emant, vel quocumque alio titulo sibi acquirant; & prædictum statutum plurimùm invenerimus à pluribus executoribus violari, qui de bonis executionis alter ab altero per se vel per alium sibi emunt, vel titulo mutuae devotionis acquirunt: idcirco prædicta statuta innovantes, tales acquisitiones in posterum fieri prohibemus, juxta tenorem prædicti Concilii statuentes, ut si quis executor de bonis executionis sibi commissæ per se vel per alium quocumque titulo

adquisierit, adq̃situm & tantum de suo restituat ad opus executionis committendum.

IDEM IN SYNODO SANCTI LVCÆ,

Synodus
XXIII.
Nicolai.

Anno eodem.

ITEM de Rectoribus Ecclesiarum in Ecclesiis suis residentibus ordinamus, quòd Capellanos suos in domo propria secum habeant commorantes, nisi sint in una domo plures Capellani propter Ecclesiæ diffusæ magnitudinem.

IDEM IN SYNODO PENTECOSTES,

Synodus
XXIV.
Nicolai.

Anno Domini M. CC. LXXXII.

CUM in Diocesi Andegavenfi grave scandalum ortum esset super eo, quòd nonnulli Archidiaconi, Archipresbyteri & Decani subditi nostri extra civitatem Andegavensem causas & placita in locis pluribus quàm soliti essent, audirent & tenerent: & etiam ex eo quòd ipsi habeant plures solito apparitores, qui homines sine litteris citabant, & ab ipsis pecuniam illicitè extorquebant; die Sabbati post Pentecostes constituti coram nobis Andegavis in camera nostra, & consentientibus Oliverio Archidiacono Andegavenfi, Guillermo Archidiacono Transligerensi, & Laurentio Archidiacono Transmeduanensi in Ecclesia Andegavenfi, Stephano Andegavenfi, Guillermo Burgoliensi, Johanne de Fixa, Johanne de Ludio & Hamone Salmurienfi, Archipresbyteris, Oliverio de Camilliaco, Gervasio de Maugia, Guillermo de Inter Sertam & Meduanam, Guillermo de Credonio, & Hamerico de Candeio Decanis.

Super præmissis ita duxerimus ordinandum, videlicet quòd Archidiaconus Andegavenfis in civitate Andegavenfi & apud Baugeium causas & placita tenebit & audiet, & non in pluribus locis item tres apparitores habebit, unum in civitate Andegavenfi

F f iij

& duos extra. Item Archidiaconus Transligerensis in civitate Andegavensi apud Salmurium & apud Brechefach, & non in pluribus locis causas & placita audiet & tenebit; & pro tribus locis tres tantum apparitores habere poterit, & non plures. Item Archidiaconus Transmeduanensis in civitate Andegavensi apud Castrum-Gonterij & apud Leon causas & placita audiet & tenebit, & pro tribus locis tres tantum apparitores habebit. Item Archipresbyter Andegavensis * & non alibi causas audiet, & tenebit placita, & unum tantum apparitorem habebit. Item Archipresbyter Burgoliensis in duobus locis tantum, videlicet apud Burgolium & apud Longum-vadum causas & placita tenebit, & duos tantum apparitores habebit. Item Archipresbyter de Fixa in duobus locis tantum, videlicet apud Fixam & apud Durum-Stallum causas & placita tenebit, & duos tantum apparitores habebit. Item Archipresbyter Salmuriensis in duobus locis tantum, scilicet apud Salmurium & apud Doadium vel apud Genas, quem illorum locorum, videlicet Dadium, vel Genas elegerit, & quem eligere tenetur infra octo dies, & in quorum uno tantum ex tunc una cum Salmuro placita tenebit, & duos tantum apparitores habebit. Item * de Camilliac in duobus locis tantum, videlicet apud Camilliacum & apud Toarceium causas & placita audiet & tenebit, & tantum duos apparitores habebit. Item Decanus de Maugia in duobus locis tantum, videlicet apud Sanctam Crucem de Rupeforti, & apud Montem-Rebelli, & duos tantum apparitores habebit. Item Decanus de inter Sertam & Meduanam in duobus locis tantum, videlicet apud Castrum-novum & apud Campigné causas audiet & tenebit, & duos tantum habebit apparitores. Item Decanus de Credonis in duobus locis tantum, videlicet apud Credonium & apud Segreium causas audiet & placita tenebit, & duos habebit apparitores tantum.

Item ordinamus quod nullus apparitor praedictorum

f. * Andegavis.

f. * adde, Archipresbyter, vel Decanus.

Nicolai Epif. Andegavenfis. 231

aliquem citare possit sine litteris, nisi in parrochia & villa in qua mansionem suam habebit, vel nisi à domino suo vel ejus vices gerente super hoc mandatum receperit speciale.

IDEM IN SYNODO SANCTI LUCÆ,

Synodus
X X V.
Nicolat.

Anno Domini M. CC. LXXXII.

QUia illud quod fit à Prælati de facili trahitur à subditis in exemplum, & Prælati tot mortibus digni sunt, quot mala exempla ad subjectos transmittunt, qui bona exempla & doctrinam debent populo ministrare: idcirco nos in devotionibus, & ut verius dicamus perversitatibus quorundam Prælatorum tam Regularium quàm sæcularium, & Rectorum Ecclesiarum occurrere cupientes, qui divini mandati transgressores, qui in diebus Dominicis & aliis solemnitatibus festivis terrenas operationes exercent, cum bobus, quadrupedibus, quadrigis & aliis terrenis, spretis & neglectis divinis officiis, insistendo, sit fomentum erroris & perditionis laicis & plebibus sibi commissis, suis malis exemplis exhibentes; præcipimus in virtute obedientiæ, & sub pœna suspensionis universis & singulis Abbatibus, Prioribus, Monachis, Rectoribus Ecclesiarum, Presbyteris & Capellanis, omnibus Ecclesiasticis personis in civitate & Diœcesi Andegavenfi constitutis, ne in diebus Dominicis & aliis solennibus & festivis, & maximè Mauritij, & Maurilij Patronorum nostrorum solemnitatibus, Beatæ MARIÆ Virginis, Sanctorum Apostolorum, & aliis quæ in civitate & Diœcesi Andegavenfi consueverunt cum Clero & Populo solemniter celebrari, operationibus terrenis insistant, sed divinis officiis insudantes, laicos & populos sibi commissos verbo & exemplo inducant, & eis efficaciter injungant memoratis diebus à terrenis operibus abstinere eosdem, & ad Ecclesiam convenient ad divinum officium exhortando.

Synodus
I.
Guillelmi.

GUILLERMUS MAIOR EPISCOPUS
ANDEGAVENTIS

IN SYNODO SANCTI LVCÆ,

Anno Domini M. CC. XCI.

Caput 1.

QUIA à multis spiritalis cognatio contemnitur adeò, quòd non verentur proprias filias suas spirituales carnaliter cognoscere: Injungimus Archidiaconis, Archipresbyteris & Decanis quòd circa inquisitionem talium diligentes existant, & si quem Rectorem cum aliqua parrochiana sua jacuisse, vel eam carnaliter cognovisse, de cetero noverint ipsum per sex menses ab officio & beneficio suspendant, & suspensum teneant; medij temporis proventuum quasi jure deportus inter Archidiaconum & Decanum, vel Archipresbyterum dimidia pars dividatur, alia parte fabricæ Ecclesiæ, contra quam deliquerit, remanente; ita tamen quod ex eisdem proventibus servitoribus Ecclesiarum provideatur competenter.

Si verò aliquis Sacerdos deserviens Ecclesiæ non Curatus tale commiserit cum aliqua parrochiana Ecclesiæ cui deservit, statim à dicta Ecclesia expellatur, in Archidiaconatu nullatenus serviturus quousque triennium sit elapsum: & si de facto ipsius scandalum captum fuerit, à diœcesi per triennium præcipimus expellendum: adimenes omninò potestatem Archidiaconis, Decanis & Archipresbyteris dispensandi cum aliquo in hoc casu, vel etiam deferendi.

Cap. 2.

Statuimus & ordinamus ne quis Monachus aliquam Ecclesiam vel Capellaniam deserviendam assumat; & ne Confessiones cujusquam parrochianorum etiam de consensu Rectoris absque necessitatis articulo audiat, nisi de licentia Episcopi & consensu: & quòd Monachi in eodem dormitorio jaceant, & ad Matutinas de nocte surgant, maxime tempore hyemali.

IDEM

IDEM GVILLERMVS IN SYNODO Synodus
II.
Pentecostes, Guillelmi.

Anno Domini M. CC. XCII.

INHIBEMUS insuper Abbati & Prioribus nostræ Diœcesis, ne Monachis vel sociis in Prioratibus commorantibus tradant seu ministrent annuatim pro calceamentis & vestibus certam pecuniæ quantitatem, prout in locis quampluribus nostræ Diœcesis, ipsa visitantes invenimus retroactis temporibus facta esse; cum per hoc, si permitterentur, occasio daretur veniendi contra votum, quod Monachi in suis professionibus Deo reddere promiserunt circa illam partem; scilicet de abdicatione proprietatis, ad quam per ipsius voti vinculum sunt adstricti: sed dicti Abbates & Priores in vestibus, calciamentis & aliis necessariis eisdem provideant competenter.

IDEM GVILLERMVS IN SYNODO Synodus
III.
sancti Lucæ, Guillelmi.
Eodem anno.

CUM nuper à prædecessore nostro in virtute obedientiæ Rectoribus & Capellanis Andegavenfis Diœcesis in Synodo fuerit injunctum, ut ipsi singulis diebus Dominicis & majoribus festis excommunicatos de parrochiis suis publicè nuntiarent ac facerent evitare, & circa hoc aliqui de ipsis Rectoribus & Capellanis negligentes existant, & dictis excommunicatis etiam in divinis participare non formidant. Nos prædicta præcepta innovamus, præcipientes & injungentes in virtute obedientiæ Rectoribus & Capellanis prædictis, quod ipsi prædictis diebus Dominicis in Ecclesiis suis dictos excommunicatos publicè denuntient & ipsos evitare faciant, & evitent maximè in divinis. Caput 1.

Cum diebus festivis ob reverentiam Dei & sancto- Cap. 2.
Tom. XI. Gg

rum introductis, præcipuè diebus Dominicis honori
Majestatis altissimæ consecratis, à Christi Fidelibus
sit ab omni servili opere abstinendum & cessandum,
ac divinis cultibus jugiter insistendum, omnibus &
singulis Rectoribus & Capellanis in virtute obedi-
entiæ præcipimus & mandamus, quòd ipsi parrochianis
suis inhi-beant sub obtestatione divini judicii & pœna
excommunicationis, ne ipsi dictis diebus festivis,
maximè Dominicis, cuiquam operi servili se immis-
ceant, & præcipuè barbitonforibus, ne ipsi dictis die-
bus Dominicis barbas radant vel aliàs barbitonfo-
rium officium exercent, etiam minuendo, nisi mor-
tis vel gravis infirmitatis periculo imminente: Inhi-
bentes subditis suis sub pœna prædicta, ne dictis die-
bus Dominicis se radi faciant aut permittant, vel
Barbitonforis officium recipiant in suarum periculum
animarum. Inhibentes molitoribus etiam quibuscum-
que sub pœnæ interminatione prædicta, & molendi-
norum dominis, ne ipsi dictis diebus Dominicis, ma-
ximè à vespera diei Sabbati usque ad vesperam diei
Dominicæ, molendina molere faciant aut permittant,
nonobstante longi temporis abusu, qui non usus cen-
sendus aut consuetudo, immò veriùs corruptela, cum
tanto sint graviora peccata, quanto diutiùs infelicem
animam detinuerint alligatam; cum aliqua præscrip-
tio contra præcepta decalogi locum sibi vindicare non
possit.

Cap. 3.

Item prædecessorum nostrorum vestigiis inhærentes
districte præcipimus & mandamus, quòd omnes
Rectores & Capellani, in Ecclesiis parrochialibus ser-
vientes, qualibet die Sabbati in sero & in vigiliis fe-
storum IX. Lect. pro vesperis pulsari faciant, & Do-
minicis & festis prædictis pro Matutinis & Missa &
Vesperis subsequentibus illud idem faciant, ac Vef-
peras, Matutinas & Missam in Ecclesiis suis dictis die-
bus solemniter ad notam decantent.

Cap. 4.

Item cum aliàs in Provinciali Concilio apud Lan-
ges fuerit præcipiendo statutum, ut Abbates & Prio-

Guillelmi Epif. Andegavenfis. 235

res Monachos sibi subditos singulares incedere, vel solitarios in Prioratibus commorari, de cetero non permittant, prædictum statutum innovantes juxta id præcipimus & mandamus, ne Priores sibi subditos in Prioratibus jacere solitarios seu dormire permittant, immo Priores & eorum socios in eadem camera seu in eodem dormitorio jacere districtè compellant : Nam *Eccl. 4. 10.*
ux soli, cum si ceciderit non habet sublevantem.

IDEM GVILLERMVS IN SYNODO
Pentecostes,

Synodus
IV.
Guillelmi.

Anno Domini M. CC. XCIII.

QUONIAM multi sunt Sacerdotes, & pauci sunt *Caput 1.*
Sacerdotes, multi videlicet simplices, rudes, idiotæ & illitterati, & pauci alij, & jure suadente sanctius est maximè in ordine Sacerdotum paucos bonos quàm multos malos habere Ministros; idcirco notum fieri volumus universis, quòd nos non intendimus aliquem, maximè ad Sacerdotii Ordinem, de cetero promovere, nisi fuerit saltem in grammaticalibus sufficienter instructus, ut sciat & intelligat quid dicat per nomen. Hortamur igitur & monemus præcipuè omnes Abbates & singulos, qui nobis habent suos Monachos ad Ordines præsentare, ut de Magistris sibi provideant, qui suos Monachos in Grammaticalibus instruant & informant.

Quia plerumque aliqui ignoti & alienigenæ Presbyteros se dicentes extra partes suas ad partes longinquas se transferunt, qui in partibus suis gravia & enormia perpetrarunt, & qui aliunde Presbyteri non sunt, vel qui sunt alicui Religioni adstricti, vel aliàs inhabiles aut irregulares existunt, juxta antiquorum Patrum statuta statuimus & ordinamus, quòd de cetero alienigenæ & incogniti ad officium Sacerdotale non admittantur vel recipiantur à quocumque, quousque à nobis mediantibus litteris commendatitiis super promotione eorum, vita & moribus confectis, *Cap. 2.*

G g ij

fuerint approbati. Injungentes Rectoribus Ecclesiarum in virtute obedientiae & sub poena suspensionis, quod ipsi infra mensem à tempore quo Presbyteros in sua societate vel servitio admiserint, nobis vel deputatis à nobis Clericis nostris, & nulli alii fideliter repraesentent. Pluries etenim, quamquam alias fuisset statutum, nostram dioecesim visitantes invenimus inobedientes & negligentes haecenus in praemissis.

Cap. 3.

Quamvis alias fuerit provida deliberatione statutum, ut nomina eorum qui excommunicationis sententiam per annum sustinuerint & amplius, ex parte Rectoris Episcopo vel ejus Officiali traderentur in scriptis; veruntamen ex hoc tepidatam pusillanimitatem Rectorum & negligentiam, qui non curant gregem oberrantem in faucibus daemonum eripere, Ecclesia Dei fructus paucissimos recollegit, in hoc non veros pastores, sed mercenarios potius se docentes. Nam si veri essent pastores, & condignam curam haberent de grege sibi commisso, oves deviantes & periclitantes ad caulas ut unum fieret ovile propriis humeris reportarent. Hinc est quod nos innovando statuimus, & in virtute obedientiae injungimus Rectoribus, ut ipsi nomina dictorum excommunicatorum, qui per annum & amplius dictam excommunicationem sustinuerint, nobis vel Officiali nostro rescribant, & negotium propriis sumptibus prosequantur, quia magis eorum interest quousque finem debitum fortiatur.

Cap. 4.

Jam enim, de quo valde dolendum est, in haeresim dilabuntur plures; cum quidam ignorantes Rectores & eorum Capellani in animarum suarum periculo, & etiam subditorum, falcem suam in messem alienam ponentes absolutionem peccatorum nobis reservatorum sibi usurpare & contribuere non formidant, quamvis dicta peccata in suis quaternis Synodalibus sint contenta. Nos ad eludendam magis eorum negligentiam vel malitiam, ad hoc in praesenti Synodo

inhibemus Rectoribus & omnibus Capellanis nostræ
Diœcesis, ne de cetero sine nostra licentia speciali ad
absolutionem dictorum peccatorum manus tam peri-
culose irreverenter extendant.

IDEM GVILLERMVS IN SYNODO Synodus
V.
Guillelmi.
sancti Lucæ,

Eodem anno.

QUONIAM nonnulli Sacerdotes in suæ salutis Caput 1.
grave dispendium statutorum Synodaliū, à
prædecessoribus nostris dudum & à nobis editorum
vilipensores & transgressores, Dei timore & Prælato-
rum suorum obedientia, reverentia & honore irre-
verenter postpositis, quæ dolendo referimus, inve-
niantur frequenter, non attendentes periculum:
quoniam, testante scriptura, *peccatum ariolandi est re- 1. Reg. 15
pugnare, & quasi scelus idolatriæ nolle acquiescere.* Hinc 23.
est quod eisdem injungitur in virtute obedientiæ se-
cundum quod aliàs eis injunctum extitit, quod qui-
libet quaternum Synodalem habeat, quem in Syno-
dis deferat, & illum frequenter perlegat, & contenta
in eo magis solito tamquam filius obedientiæ obser-
vare studeat diligenter. Injungimus etiam Archipres-
byteris & Decanis, ut dum visitationis officium pera-
gunt, ad inquirendum solliciti sint utrum præmissa
sic injuncta debitum sortiantur effectum; & si con-
trarium invenerint, nobis insinuare non differant,
ut transgressores hujusmodi severitate debita compes-
cantur.

Item cum per prædecessorem nostrum aliàs statu- Cap. 2.
tum fuerit, quod Sacerdotes indumenta superiora
clausa deferant, nullatenus apertis utendo, sub certa
pœna in dicto statuto comminata, ut inter ipsos &
alios Clericos immo potius laicos aliquis distinctus
haberetur habitus, & ut secundum statum suum ho-
nestiores inter ceteros apparerent: inveniuntur ta-
men innumeri transgressores. Cum igitur vilissimus

G g iij

Ecll. 19.
27.

fit computandus juxta Canonica Statuta, nisi sanctitate præcellat, qui est honore præstantior; in incessu enim & habitu debet esse Sacerdos ornatior, ut morum gravitate maturitatem mentis ostendat. Incompositio siquidem corporis, ut ait Augustinus, inæqualitatem mentis judicat. Et Salomon: *Amictus corporis & risus dentium enuntiant de illo.* Statutum itaque hujusmodi ad convincendum eorum malitiam innovamus, adjicientes, quod si de cetero hujusmodi invenerimus transgressores, sibi caveant, quia eorum indumenta inhonesta & aperta leprosis largiemur, quod fieri volumus etiam per Archidiaconos & Decanos, & alia poena eos nihilominus puniemus.

Cap. 3.

Cum inter ceteras hujus provinciæ Cathedralis Ecclesias ista Beati Mauritij apud populares & dioecesanos in minori reverentia, ut patet ad oculum, habeatur, cum nullus eorum concursus appareat ad eandem, sicut habetur in aliis evidentius, quamvis ibidem requiescant plurium corpora Beatorum. Ad devotionem igitur popularium excitandam vobis injungimus, quod in poenitentiis injungendis eis specialiter injungatis (voluntate tamen eorum secreto primitus exquisita & obtenta) quod saltem semel in anno singulis annis, vel usque ad septennium vel quinquennium, secundum quod videbitis expedire, limina ipsius Ecclesiæ studeant visitare in eorum remissionem peccaminum. Nam multa meritis Beatorum, quorum corpora requiescunt ibidem, Deo inspirante, poterunt promereri, & indulgentias terminis anni & quadraginta dierum in festo Beati Mauritij & per ejus consequentes octavas.

Cap. 4.

Item injungimus Archidiaconis, Decanis & Archipresbyteris nostræ Dioecesis, ut ipsi dum visitabunt Ecclesias sibi subditas si aliqui, quos Capellanos in eisdem invenerint deservientes, litteras nostras testimoniales non habentes, eos à dictis Ecclesiis amoveant, & Ecclesiarum Rectoribus inhi-beant, ne ip-

Guillelmi Epif. Andegavensis. 239
fos Capellanos in Ecclesiis suis celebrare permit-
tant.

IDEM GVILLERMVS IN SYNODO Synodus
Pentecostes, V. L.
Guillelmi.

Anno Domini M. CC. XCIV.

QUAMVIS à sanctis Patribus in pluribus Con- *Caput 1.*
ciliis ab olim instinctu Spiritus sancti provida
fuerit deliberatione statutum, quòd Presbyteri qui
diœcesis regunt Ecclesias non à quibuslibet Episcopis,
sed à suo, nec per juniorem Clericum, sed per ipsos
aut per Diaconum ante Paschæ sollemnitatem chris-
ma petant, cujus quidem chrismatis confectio juxta
Fabiani Papæ decretum * per annos singulos est agen-
da, & de anno in annum renovanda, & est tradenda
fidelibus, quia novum est * sacramentum, & per an-
nos singulos innovandum, & vetus in sanctis Ec-
clesiis cremandum. Hujus tamen statuti reperiuntur
quamplurimi transgressores in suarum periculum ani-
marum, sanctum chrisma non petentes nisi longè post
Pascha; & illud per Laicos vel Clericos conjugatos,
vel alias inhonestas personas requirunt. Ne igitur
nobis aliqua negligentia valeat adscribi, dictum sta-
tutum innovando firmiter injungimus Rectoribus &
Presbyteris, qui nostræ Diœcesis præfunt Ecclesiis,
ut de cetero sanctum chrisma ante sollemnitatem Pas-
chæ in singulis annis per seipsos, vel saltem per ho-
nestos Clericos quærant, petant ubi & à quibus loco
nostri quærendum fuerit & petendum: adjicientes
quòd si quis de cetero hujus contemptor statuti fuerit,
pœna X. S. * per suum Decanum vel Archipresbyte-
rum puniatur; in quam pœnam contemtores hujus
volumus incidere ipso facto.

Cum secundum sacrorum Canonum instituta, *Cap. 1.*
Episcopi eorūque Ministri modis omnibus debeant
laborare, ut perniciosam & à zabulo inventam forti-
legam & magicam artem ex parrochiis suis penitus

* Epistola
2 ad omnes
Orientales
Episcopos
cap. 1.
al. in edit. *
Sacramen-
tum est per
singulos
annos &
jam dicto
die inno-
vand.

* f. solidos.

eradicent, & si aliquem virum vel mulierem hujusmodi sceleris sectatorem invenerint turpiter dehonestatum, ex suis parrochiis ejiciant & expellant. Et nos prout nostro incumbit officio nostram Diocesim visitantes accepimus, quod multæ fortioriæ & divinatrices, multique fortilegi ac divini sub dissimulatione & conniventia Sacerdotum in plerisque locis Andegavensis diocesis, auguriis, divinationibus & fortilegiis corda simplicium, diabolo procurante, subvertunt in grave discrimen & periculum animarum; statuendo præcipimus Rectoribus & Sacerdotibus universis, quod si in suis parrochiis tales sceleratos viros aut mulieres noverint latitare, ad nostram notitiam aut Officialis nostri resupina gloria * deposita, deferre procurent, ut à tali peste sancta Ecclesia emundetur; & hujusmodi velupadarum * personarum horrenda malignitas poena Canonica compescatur.

* signavia.

* f. villipendendum.

Cap. 3.
Iacob. 5.
14.

Cum dicat sanctus Apostolus Jacobus, *Infirmatur quis in vobis, in ducat Presbyteros Ecclesie, & orent super eum, ungentes eum oleo in nomine Domini: & oratio fidei salvabit infirmum, & alleviabit eum Dominus: & si in peccatis sit, dimittentur ei.* In quo ostenditur duplici ex causa sacramentum extremæ unctionis fuisse institutum, videlicet ad peccatorum remissionem, & ad corporalis infirmitatis alleviationem. Unde constat, eum qui hanc unctionem fideliter devotèque percipit & in corpore & in anima alleviari, si tamen expedit ut in utroque allevietur: quod si fortè corporis valetudinem illi habere non expedit, illam quæ est animi sanitatem in hoc sacramento acquirit. Nôsq; accepimus referentibus fide dignis, quod dictum sacramentum sine quo, ut dicunt sancti, periculosum est ex hac vita migrare, ex quadam negligentia omittatur, immo ut veriùs loquamur, ex Sacerdotum rapacitate & avaritia, qui in collatione hujus sacramenti novas & insolitas exactiones inducunt aliunde, petendo linteamina quibus jacens inungitur ægrotans, in aliquibus locis nostræ Diocesis reperimus fieri per abusum

sum aut per alias exactiones illicitas, quod est turpe dicere, faciendo: quare præcipiendo injungimus Ecclesiarum Rectoribus & Capellanis, ut populum sibi commissum diligenter hortentur, ut infirmi extremi morbi necessitate gravati pro Sacerdote mittant: & hoc sacramentum tantum est in extremo vitæ articulo conferendum, quando infirmus in brevi ex hac vita credatur migraturus. Caveantque dicti Rectores & Capellani, ne in dicti collatione sacramenti illicitas exactiones faciant, si divinam & canonicam voluerint effugere ultionem.

IDEM GVILLERMVS IN SYNODO
Pentecostes.

Synodus
VII.
Guillelmi.

Anno Domini M. CC. XCV.

CUM olim per sedem Apostolicam in Generali Concilio salubriter fuerit institutum, ut omnes utriusque sexus postquam ad annos discretionis * perveniunt, omnia sua peccata saltem semel in anno fideliter confiteantur proprio Sacerdoti, & injunctam sibi pœnitentiam propriis * viribus studeant adimplere, suscipientes reverenter ad minus in Pascha Eucharistiæ sacramentum, nisi fortè de proprii Sacerdotis consilio ob aliquam rationabilem causam ad tempus ab ejus perceptione duxerint abstinendum; alioquin & viventes ab ingressu Ecclesiæ arceantur, & morientes Christiana careant sepultura. Fuit in eodem Concilio institutum, ut frequenter hoc salutare statutum in Ecclesiis publicaretur, ne quisquam ignorantia cæcitare velamen excusationis assumat. Nôsq; nostram Diœcesim visitantes prout nostro incumbit officio, quod dolentes referimus, in eadem invenerimus nonnullos, qui non per annum sed per plures annos non confitendo, & à perceptione Domini corporis suæ salutis immemores damnabiliter abstinerunt, & abstinent, & adhuc abstinere non formidant in suarum periculis animarum. Cupientes co-

Caput 1.
Lateran.
IV. Conc.
jub Innoc.
3 anno
Christi
1215.
cap. 21.
al. * perve-
nerint.
al. Edit. *
pro viribus.

Ibidem.

rum maliciis obviare, ac saluti eorum providere, ut tenemur, vobis omnibus & singulis firmiter injungimus, ut prædictum statutum in Ecclesiis vestris frequenter publicare curetis, ut contenta in eodem firmiter observetis & observari faciatis, nulli personæ cujuscumque status existat super hoc deferentes.

Cap. 2.

* l. sed sine
auctoritate
Apostolica
& absque.

Sanè sunt in præsentī civitate & Diœcesi quamplures Rectores Ecclesiarum, & quidam Vicariam tenentes in Ecclesiis civitatis & Diœcesis Andegavensis, qui in Ecclesiis suis parrochialibus non resident, licet residentiam juratam exigant personalem, sed * auctoritate Apostolica absque nostra licentia ab Ecclesiis suis se absentant, perjurium damnabiliter incurrendo: sed quia ubi majus periculum vertitur, majus est consilium & remedium adhibendum, ipsorum animarum periculis, necnon Ecclesiis providere cupientes, ordinamus, præcipimus & monemus districtè sub virtute juramenti ab eisdem præstiti, quòd omnes prædicti & singuli ad Ecclesias vel Vicarias suas accedant, moram vel residentiam facturi ibidem continuam, ut cura exigat, alioquin ipsos tamquam perjuros dictis Ecclesiis & Vicariis privabimus, facientes per Patronos ad eas promoveri personas, quæ velint cum potuerint ibidem personaliter residere. Perjuri enim juxta civiles & Ecclesiasticas sanctiones privandi sunt beneficiis habitis & habendis.

Cap. 3.

Volentes Sacerdotum utilitatibus providere, statuimus ut Rectores Ecclesiarum parrochialium civitatis & Diœcesis Andegavensis, Capellani & Clerici judicium Ecclesiasticorum mandata, quæ exequuntur fideliter faciant, nec citationem aliquam vel memoriale faciant, nec aliquos denuntient excommunicatos nominatim, nisi prius à judicibus super hoc recepto mandato. Præterea quòd alias litteras non figillent gratia, odio vel favore, vel pretio, quousque contenta in ipsis litteris fuerint executæ: transgressores graviter puniemus. Adjicientes statuendo quòd nullus de cetero aliquam peremptoriam cum defectu

sibi directam exequatur nec sigillet, nisi prius simplicem circa contentos in dicta peremptoria viderit & reddiderit sigillatam, nisi in dicta peremptoria habeatur, quod simplex citatio facta fuerit per judicem, aut ejus apparitorem: contra hujusmodi contumaces in loco in quo citare potest sine litteris, prout in aliis statutis continetur, aut per aliam personam cui iudex duxerit mandatum citationis simplicis executioni mandandum, de qua prius in peremptoria specialis mentio habeatur.

IDEM GVILLERMVS IN SYNODO Synodus
VIII.
Guillelmi.
Pentecostes.

Anno Domini M. CC. XCVIII.

PRÆCIPIMUS universis Rectoribus nostræ Diocesis Andegavensis & Capellanis Ecclesias regentibus, ut cum ad nos de suis parrochiis incestuosos destinaverint, nobis insinuare studeant, utrum crimen hujusmodi in eorum parrochiis notum seu manifestum existat, ut tunc manifesta crimina hujusmodi manifestè puniantur, prout sacræ præcipiunt sanctiones. Caput 1.

Sanè cum nuper in Concilio provinciali * apud Sal- Cap 1.
murium celebrato provida deliberatione fuerit inhibi- * Secundo,
an. 1294.
can. 1.
tum, ne Abbates, Monachi, Priores, & alii Religiosi, qui secundum suorum instituta Majorum cap-
pas clausas de panno nigro deferre tenentur, hucias Edit. * hu-
cias.
* & clochas deferre præsumerent, quod clam * non * hac duo
verba omittuntur in
editis.
absque gravi scandalo & regularis disciplinæ & divinæ * Eodem
canone.
Majestatis offensa faciebant, statutumque fuit in eodem Concilio * & præceptum, quod contrarium facientes per locorum Ordinarios gravi animadversione punirentur: & nos post publicationem hujus Concilii in nostra Synodo factam quamplures transgressores Concilij hujus invenerimus, monemus in præsentī Synodo una monitione pro omnibus, omnes & singulos Abbates & Priores, & alios Religiosos maximè

H h ij

* adde
definitioni.

regulares nostræ Diœcesis, ut ipsi Concilij hujus * cum effectu parentes, de cetero hucias, vel clochas nullatenus deferre præsumant, alioquin in contrarium facientes eorum exigente contumacia & inobedientia, suspensionis sententiam ex tunc ut ex nunc promulgamus.

Cap. 3.

Cum ex frequenti & assidua plurimorum conquestione nostris auribus totiens inculcata accepimus, quod nonnulli iudices ordinarii Ecclesiastici nostræ Andégavensis Diœcesis commodis temporalibus inhiantes, per territoria sua cursores & quasi exploratores transmittunt aut ire faciunt & permittunt, qui communiter litteras super contractibus aliquotiens illicitis chartas & testamenta transeunt, ad quorum relationem prædicti iudices seu sigillatores eorum prædictas litteras contractas, chartas & testamenta indifferenter & adeò curialiter & benignè sigillent, ac si in eorum presentia factæ & ab ipsismet passatæ fuissent, contra tenorem Concilij * dudum apud Salmurium celebrati, in vituperium jurisdictionis & clavium sanctæ matris Ecclesiæ & scandalum plurimorum: quòdque etiam plures ipsorum iudicum in suis curiis confovere dicuntur procuratores, & ut loquamur veriùs gentium comestores, qui per villas & burgos mercata, tabernas & vicos discurrentes quærunt quem devorent, homines ad litigandum excitant, lites redimunt cum hominibus placitare nolentibus in curiis eorum, de quota litis paciscuntur, & pro expensis habentes * causas ducendas assumunt, & homines citari ad ipsorum iudicum loca remotiora procurant, & sic homines, maximè simplices & pauperes gravibus damnis & injuriis afficiunt & affigunt, excoriant & expoliant bonis suis, & reductionibus tales miseros procurantes involvi, eodem à gremio sanctæ Matris Ecclesiæ & communione fidelium ut frequentiùs sine justa causa eliminari faciunt & excludi.

* Secundi,
can. 4.

f. * habendis.

Nos talium malignorum fraudibus, exquisitis ma-

liciiis & calumnijs machinationibus obviare, ac subditorum nostrorum tranquillitati, nostræ sollicitæ provisionis remedio, prout nobis ministratur desuper, providere volentes, venerabilibus & discretis viris Normanno Andegavensi, Galfrido Transligeriensi Archidiacono, ac Rogerio de sancto Quintino gerenti vices viri venerabilis Roberti Archidiaconi Transmeduanensis, necnon Galfrido de Burgolio, Hugoni de Salmuro, Johanni de Fixa & Mauritio Andegavensi Archipresbyteris, & Nicolao dicto Porchier, & Simoni Gras & Moul, gerentibus vices Stephani Archipresbyteri de Ludio, ac Matthæo de Credonio, Jacobo de Candeio, Petro de Inter Sertam & Meduanam, & Oliverio de Camilliaco Decanis, & Andræa Galteri gerenti vices Decani de Maugia; ob hoc & causas alias vocatis, & præsentibus coram nobis Andegavis, in camera nostra die Veneris in crastino Synodi Pentecostes, & ipsorum super hoc accedente consensu duximus statuendum:

Quòd sigillatores prædictorum Archidiaconorum, Archipresbyterorum & Decanorum de cetero aliquas litteras super quibusvis contractibus confectas, chartas sive testamenta nullatenus sigillare præsumant, nisi prædicti Archidiaconi, Archipresbyteri & Decani, eorum officarii seu sigillatores prædicti ipsas passaverint, vel nisi esset aliqua specialis littera, ad quam specialiter transeundam inter ceteras partes alicui notariorum suorum specialiter committant vices suas. Quòdque etiam præfati Archidiaconi, Archipresbyteri & Decani, eorum officarii seu sigillatores prædicti per modum citationis seu diei assignationis ad locum remotiorem nullum subditorum suorum trahant, seu trahi faciant, aut permittant, nisi de partium processerit voluntate. Necnon etiam quòd notarios & procuratores eorum curias frequentantes jurare faciant, quòd homines ad litigandum nullatenus excitabunt, lites non rediment, de quota litis nec paciscantur cum aliquo, nec pro expensis habendis

H h iij

causas ducendas assumant : quæ præmissa in curia nostra præcipimus observari.

Synodus
IX.
Guillelmi.

IDEM GVILLERMVS IN SYNODO
sancti Lucae,

Eodem anno.

Caput 1.

CUM nos super ad reformationem curiarum Ecclesiasticarum nostræ Diœcesis, & ad quorundam filiorum iniquitatis dictas curias frequentantium, subditos nostros suis perversis inclinationibus vexantium & infestantium, calumnias reprimendum, cum Archidiaconis, Archipresbyteris & Decanis præsentibus, & absentium Vicariis, habito salubri & diligenti contractu, & ipsorum consensu super hoc accedente ad utilitatem Reipublicæ inter alia duximus statuendum, quod sigillatores prædictorum Archipresbyterorum, Archidiaconorum & Decanorum de cetero aliquas litteras super quibusvis contractibus confectas, chartas sive testamenta nullatenus præsumant sigillare, nisi prædicti Archidiaconi, Archipresbyteri & Decani eorum officarii seu sigillatores prædicti ipsas passarent, aut esset aliqua specialis littera, ad quam specialiter transeundam inter certas personas alicui notariorum suorum specialiter comitterent vices suas, ac nonnulli Archidiaconi, Archipresbyteri & Decanorum ipsorum, ordinatione non obstante prædicta, pluribus personis, prout nos experientia docuit, extra loca in quibus sua consueverunt tenere placita, vices suas committunt, ac ad ipsorum relatorum litteras per ipsos passatas, super quibuslibet contractibus confectas sigillent communiter, sicut prius, & ac si ab ipsismet Archidiaconis, Archipresbyteris & Decanis, officiariis vel sigillatoribus eorum passatæ fuissent, in contemptum & elusionem ordinationis prædictæ, & provincialis Concilii dudum apud Salmurium celebrati, quo cavetur processus & litteras per tales cursores & exploratores passatas nullius

fore momenti. Decernentes monemus omnes & singulos Archidiaconos, & Archipresbyteros & Decanos prædictos, ac officarios & figillatores eorum una monitione pro omnibus, quòd statutum hujus studeant inviolabiliter observare. In contrarium verò facientes, ac eos qui commissiones tales à tempore notitiæ monitionis prædictæ recipere & illis uti præsumpserint, suspensionis sententiam promulgamus, præter pœnam in dicto Concilio Salmurenfi statutam.

Cum Abbates de jure ad Synodum venire teneantur, nisi certum & canonicum habeant impedimentum, quod in suis litteris in Synodo Episcopo dirigendis tenentur exprimere, & multotiens aliqui se malè excusant vera impedimenta non habentes: statuímus quòd quicumque Abbas se excusaverit in Synodo, in litteris suæ excusationis certum & sufficiens prætendat impedimentum, & infra quindecim dies à die Synodi Episcopo si in partibus fuerit, & Officiali ipsius si Episcopum abesse contigerit, præsentet; nisi ex certa causa & notoria excusante constet agere in remotis, vel infirmitate notoria detineri, impedimento in sua excusatione contento fidem facturus præstito juramento. Si quis verò infra dictas quindecim dies pro prædictis adimplendis venire distulerit, ipsum quem ex tunc suspendimus decernimus manere suspensum. Cap. 1.

Familiaritas nimia parit contemptum, quod manifestè hujus temporis experimenta declarant, cum sicut fide oculata comperimus, Rectores Ecclesiarum nostræ Diocesis suæ malitiæ & veniæ facilitate confisi ad Synodos nostras venire contemnant. Hinc est quòd omnes & singulos Ecclesiarum Rectores nostræ Diocesis una monitione pro omnibus admonemus, quòd ipsi ad nostras Synodos veniant ut tenentur, nisi justo, certo & canonico impedimento fuerint impediti, super quo nobis fidem faciant infra mensem à die Synodi nuntiando. Si quis verò præmissis parere con- Cap. 3.

tempserit, quinque solidos nomine pœnæ nobis solvere teneatur. Sanè quia de facili de absentium nobis omnibus nominibus constare non possit, præcipimus Archipresbyteris & Decanis, quòd quilibet super absentibus sui Archipresbyteratus vel Decanatus nos ad * Officiale nostrum studeant reddere certiores.

f. * aut.

Synodus
X.
Guillelmi.

*IDEM GVILLERMVS IN SYNODO
Pentecostes,*

Anno Domini M. CC. XCIX.

supple *
rius aut
statuta.

SICUT grave jugum & insolitum sine iusta causa imponi non debet noviter gregi Dominico ne ex inculcatione à se abiciat antiquorum *, sic nec ullus debet sanctorum Patrum traditiones antiquas introductas nisi causa ingerente iustissima præterire, nec præsumptione damnabili aliquo modo immutare. Cum ergo olim Majorum nostrorum provisione salubri ad avertendum iram indignationis Dei, quæ in populo ob ejus scelera iusto Dei iudicio sæviebat, & propter alias causas varias processiones faciendas fore, & etiam certis temporibus, videlicet die festi sancti Marci Evangelistæ, in Rogationibus ac singulis diebus Dominicis fuerit institutum, statutumque & ordinatum fuerit postmodum in provinciali Concilio Turonensi, Ecclesiarum Rectores per locorum Ordinarios fore cogendos ad processiones huiusmodi faciendas; Nosque nostram Diocesim visitantes plures in hoc negligentes reperimus & remissos; omnibus & singulis Ecclesiarum Rectoribus nostræ Diocesis districtè sub pœna suspensionis præcipimus, quòd ipsi processiones huiusmodi cum devotione debita studeant facere temporibus prælibatis, nisi temporis tempestate vel alia causa necessaria fuerint impediti.



IDEM

EX relatione plurium fide dignorum, & etiam fa- Caput 1.
ctorum experientia didicimus, quod nonnulli,
maximè Nobiles, ausu temerario in nostra Andega-
vensi Diœcesi Capellas & Oratoria nostro consensu
minimè requisito, nec obtento, construunt & con-
strui faciunt; ac etiam hætenus construxerunt contra
civiles & canonicas sanctiones, quibus cavetur ex-
pressè nequis Oratorij domum irrequisito loci Epif-
copo fabricet vel ædificare præsumat. Quæ præmissa
in contemptum nostri Episcopatus Andegavensis &
Ecclesiarum parrochialium, in quibus dictæ Capellæ
vel Oratoria construuntur, gravamen non modicum
non dubium redundare. Nos verò tam temerariis
abusibus & damnabilibus præsumptionibus occurrere
fatagentes, maximè ne propter nostram negligen-
tiam, quod absit, talia in consuetudinem deducan-
tur, prædictas Capellas & Oratoria taliter fabricata
suspendimus, & inhibemus in eis per quemcumque
divina Officia celebrari; omnibus & singulis Rectori-
bus Ecclesiarum & Capellanis Ecclesias regentibus
nostræ civitatis & Diœcesis districtiùs injungentes,
quod ipsi prædictas Capellas & Oratoria sic constructa
suspensa à nobis in Ecclesiis suis publicè nuntient,
ne quis ignorantia pretextu se valeat excusare. Sanè
quia fortè aliqua Oratoriorum prædictorum minimè
sunt perfecta, prædictis Rectoribus & Capellanis
præcipimus, quod ipsi inhibeant ex parte nostra sub
pœna excommunicationis illis qui prædicta Oratoria
sic ædificare inchoarunt, ne ad consummationem præ-
dicti operis procedant modo quolibet sine nostra li-
centia speciali: intimantes eisdem quod si contra in-
hibitionem nostram processerint quoquomodo, nos
ad demolitionem ipsius operis & aliàs procedemus

Cap. 2.

seu procedere faciemus, prout iustitia suadebit.

Cum ad Episcopos & alios Superiores Prælatos solum beneficiorum unio de jure pertinere noscatur, ac nonnulli Abbates nostræ civitatis & Diocesis temeritate propria potestatem nostram usurpare volentes, Prioratus seu beneficia, qui & quæ Religiosis vel scholaribus conferri consueverant ab antiquo, aliquotiens Cellæ suæ interdum Prioratibus suis & quibuscumque administrationibus seu officiis sui Monasterij, nostro consensu minimè requisito, adjungere præsumperint & unire: Nos tales uniones juris auctoritate & nostra decernimus irritas & inanes. Inhibentes Abbatibus nostrarum civitatis & Diocesis sub pœna excommunicationis, ne talia de cetero attentare præsumant.

Cap. 3.

Quia nonnulli Abbatum nostræ Diocesis, qui ad Synodum venire tenentur legitimo impedimento cessante, multotiens impedimenta non habentes canonica, excusationes frivolas prætendebant, & olim nos meminimus statuisse, quod Abbas quilibet qui se deveniendo ad Synodum excusaret, certum & sufficiens prætenderet in litteris excusationis ipsius impedimentum, & super eo coram nobis, si in partibus essemus, vel coram Officiali nostro, si contingeret nos abesse, infra quindecim dies à die Synodi, nisi ex certa causa & notoria excusante constaret agere in remotis vel infirmitate notoria detineri, fidem faceret proprio juramento, suspensionis sententia in eos qui de præmissis deficerent promulgata. Sanè subditorum nostrorum, quorum salutem appetimus, periculum & illaqueationem evitare pro viribus affectantes, prædictam suspensionis sententiam revocamus ad præsens, districtiùs præcipientes & injungentes eisdem in virtute juramenti & obedientiæ quibus sunt nobis adstricti, quod ipsi ad Synodos veniant, ut tenentur, nisi certo & sufficienti impedimento in litteris excusationis suæ exprimendo fuerint impediti, super quo infra scriptam Synodum fidem faciant competenter.

CUM nos nostram Diocesim visitantes invenerimus grave dictu, quod filij, fratres, & alij consanguinei, ac heredes decedentium testatorum quamplurium beneficiorum immemores, quæ ab ipsis decedentibus licet immeriti receperunt, non solum intuitu naturali, immo zelo Christi & pietatis oblito; & etiam executores dictorum decedentium testamenta ab ipsis decedentibus condita pro animarum suarum liberatione, remedio & salute non solum executioni negligunt demandare, immò & in archis suis aut alibi frequenter abscondunt: præcipuè Prælati, ad quos ex injuncto eisdem officio spectat facere exequi ultimas decedentium voluntates contentas in testamentis eisdem, per compulsionem ipsorum filiorum heredum & executorum faciant executioni debitæ demandari, pro qua frustratur intentio testatoris: unde prout tenemur animarum cupientes providere saluti, omnibus & singulis Ecclesiarum Rectoribus nostræ Diocesis & Capellanis servientibus in eisdem, sub poena suspensionis & excommunicationis injungentes præcipimus & mandamus, quòd infra tres menses à morte cujuslibet testatoris testamentum & nomina executorum, quos elegerit, & heredum, commissariis nostris à nobis ad hoc specialiter deputatis indicare & notificare procurent, ut per ipsos gerentes vices nostras, illi ad quos spectat servare juris formam, compellantur ad ultimas voluntates ipsorum decedentium exequendas. Injungimus insuper eisdem Rectoribus & Capellanis, quòd ipsi quilibet in sua parrochia testamenta retroactis temporibus condita executioni non mandata diligenter inquirant, & ea dictis vices nostras gerentibus indicent &ificent, ut superius continetur.

Synodus
XIII.
Guillelmi.

IDEM GVILLERMVS IN SYNODO
Pentecostes,

Anno Domini M. CCC. II.

OLIM plebis nostræ inolefcente clamore laborioso ad reformationem curiarum nostrarum civitatis & Diocesis Andegavensis, de Archidiaconorum, Archipresbyterorum & Decanorum præsentium, & Vicariorum absentium voluntate, circa procuratores & notarios dictas curias frequentantes, quorum nonnulli simplices homines suis perversis & exquisitis malitiis damnis afficiunt gravibus, & vexationibus variis redimebant: antè meminimus statuiffe, quòd prædicti Archidiaconi, Archipresbyteri & Decani notarios & procuratores eorum curias frequentantes jurare facerent, quòd numquam homines ad litigandum excitarent, lites non redimerent, non paciscerentur de quota litis cum aliquo, nec causas duendas assumerent pro expensis: quod in curia nostra præcipimus observari.

Sanè quia nostram Diocesim visitantes plures inveniimus hujusmodi Ordinationis transgressores, & nonnullos qui pauperes ad instantiam diversorum procuratorum non habentes mandatum, & contra ipsam prohibitionem expressam citari faciunt & vexari adeò, quòd jam vergit in grave scandalum laicorum prædicatorum super rectoria, quòd Ecclesia debet subvenire oppressis, tales excoriatores in suis iniquitatibus confovet & defendit. Iterata vice Archidiaconis, Archipresbyteris & Decanis memoratis districtè præcipimus, quòd in curiis suis renovari faciant hujusmodi juramentum, & eosdem procuratores jurare faciant, quòd nullum faciant citari ad instantiam alienam sine speciali mandato: quod similiter Officiali nostro mandamus, universis Ecclesiarum Rectoribus nostrarum civitatis & diocesis firmiter injungentes, quòd ipsi in Ecclesiis suis moneant per tres dies Dominicos

publicè notarios & procuratores prædictarum curiarum ipsorum Archidiaconorum, Archipresbyterorum & Decanorum; & moneant etiam curias frequentantes, quòd homines ad litigandum non excitent, lites non redimant, nec de quota litis cum aliquo pacifcantur, nec pro expensis lucrandis causas ducendas assumant, nec homines citari ad instantiam faciant alienam sine speciali mandato. In procuratores verò & notarios contrarium facientes post monitionem prædictam excommunicationis sententiam promulgamus.

IDEM GVILLERMVS IN SYNODO Synodus
XIV.
Guillelmi.
santi Luca,

Anno Domini M. CCC. III.

CUM nonnulli Abbates nostræ Diocesis ea quæ Caput I.
Episcopalis potestatis sunt sibi usurpare propria temeritate volentes, Prioratus quamplures suis Mensis propriis, & aliis officiis & administrationibus Abbatiarum suarum auctoritate propria conjungere præsumpserint & unire, nullis Monachis, cùmque interdum uno solo, contra canonicas sanctiones dimissis in Prioratibus sic unitis; ex quo sequitur quòd perit divinum Officium, defraudantur debitis suffragiis fundatores, nulla in eis hospitalitas exercetur, corruunt ædificia, res, possessiones & jura dictorum Prioratuum depereunt, & ab aliis inuaduntur. Præcipimus omnibus & singulis Abbatibus nostræ Diocesis in virtute obedientiæ & sub pœna suspensionis, quòd ipsi omnes tales uniones, quas tenore præsentis statuti cassamus & irritamus, revocent, quatinus de facto processerunt, & ad Prioratus prædictos infra festum Purificationis Beatæ MARIÆ Virginis Priores cum debito numero sociorum ibi continuè moraturos mittant, quorum Priorum industriâ Prioratus ipsi in spiritualibus & temporalibus gubernentur & onera solita compleantur.

Cap. 2.

Item facilitas veniæ incentivum tribuit delinquendi, quod in plerisque Religiosis, Monachis & Canonicis Regularibus nostræ Diœcesis comprobatur, qui extra Monasteria in Prioratibus commorantes gestu & habitu inhonestæ conversationis, & vitæ impudicitia corrumpunt proximos, statum deturpant Ordinis, & populum scandalizant, nec per Superiores suos de talibus pœna debita puniuntur; hinc est quòd nos universis & singulis Abbatibus nostrarum civitatis & Diœcesis præcipimus in virtute obedientiæ, quòd quotienscumque tales flagitiosos Religiosos compererint, secundum qualitatem excessuum & Ordinis disciplinam sine remissione aliqua puniant, ita quòd pœna docente cognoscant quantum exceßerint, aliisque metu pœnæ ipsorum à talibus arceantur.

Cap. 3.

f. * quante-
cius.

Ufus quidam in nostra Diœcesi, ut accepimus, inolevit, quòd singuli Sacerdotes Missam in exequiis decedentium celebrantes quatuordecim denarios exigunt ab heredibus vel executoribus defunctorum. Unde nonnulli Capellani, & etiam Ecclesiarum Rectores nostræ Diœcesis intelligentes istum usum, si usus dici debeat nimis largè, dimissis sine custode Ecclesiis non sine gravi periculo animarum, sicut corui vel vultures de longè cadavera sentientes, de quinque vel sex leucis catervatim * affluunt ad funera mortuorum, & quandoque cum gravi scandalo populi quæstus prædicti gratiâ verbis contendunt quis celebrabit, & interdum unus alteri excutit ornamenta. Nos autem præsentis auctoritate statuti usum ipsum declarantes tantummodò debere intelligi, quotiens Presbyteri in talibus exequiis celebrantes ad hoc ex parte heredum vel executorum invitati fuerint vel rogati. At periculis animarum cupiditatique effrenatæ talium Sacerdotum, qui se contra suæ dignitatis honorem venales exponunt, obviare volentes, prohibemus omnibus & singulis Ecclesiarum Rectoribus & Capellanis nostræ Diœcesis, ne de cetero Ecclesias, quarum custodes existunt, dimittant sine Presbytero,

talium exequiarum obtentu, nec pro Missis celebratis ab eis in huiusmodi funeribus præter voluntatem & requisitionem expressam defunctorum, aut heredum & executorum ipsorum, aliquid petant, exigant, vel recipiant ab invitis.

IDEM GVILLERMVS IN SYNODO
sancti Lucae,

Synodus
X V.
Guillelmi.

Anno Domini M. CCC. IV.

LICET pœnæ non sint regulariter ampliandæ, sed *Caput I.*
potius molliendæ, tamen ne facilitas veniæ tri-
buat incentiuum delinquendi multis transgressionibus, opus est exemplo. Cùm igitur tam nos, quàm bonæ memoriæ Nicolaus prædecessor noster, attendentes quòd desponsationes clandestinæ prohibita sint anima * olim statuerimus inhibendo, ne benedictiones
nuptiarum ex tunc celebrentur in Capellis, Prioratibus vel aliis locis solitariis quibuscumque, etiam si banna seu indicta facta essent in Ecclesiis parochialibus super talibus matrimoniis faciendis per contrahentium Presbyteros, ut moris est, prædictis quo * ad
faciendum ex tunc tam per nos quàm per prædictum prædecessorem nostrum suppositis Ecclesiastico interdicto; ac nonnulli tam sæculares quàm Religiosi, statuto & inhibitione huius nonobstante, in pluribus partibus nostræ Diœcesis, benedictiones nuptiarum clandestinæ bannis nondum factis, & quandoque impedimentis propositis, & super eis lite pendente, in talibus Capellis, Prioratibus, vel aliis locis solitariis præsumpserint, & adhuc qualibet die dum casus occurrit celebrare præsumant adèdò indistinctè, quòd hoc hodie in assuetudinem transiit, vel veriùs in abusum. ** f. atque*
** f. qui id facerent.*

Nos volentes tantæ præsumptioni & temeritati damnabili obviare, considerantes quòd illi quos metus pœnæ à malo non cohibet, alterius pœnæ sunt adjectione plectendi, omnes & singulos Sacerdotes

seculares & religiosos qui post publicationem præsentis statuti, quam fieri præcipimus in singulis Abbatibus & Ecclesiis parochialibus nostrarum civitatis & Diœcesis per Abbates & Rectores ipsarum per dies Dominicos vel aliàs festivos proximos venturos, tales benedictiones clandestinè in quocumque loco præsumpserint celebrare, suspensionis, & illos ac illas qui se taliter fecerint benedici, & omnes talibus benedictionibus assistentes, & eos qui fuerint in consilio & auxilio faciendi easdem, excommunicationis vinculo innodamus, præter pœnam contra celebrantes in locis interdictis à jure statutam.

Cap. 2.

Matth. 19.

17.

Cùm salus Fidelium ex observatione dependeat mandatorum juxta sententiam Salvatoris : *Si vis ad vitam ingredi, serva mandata*: cavere debent summo-pere Clerici tam sæculares quàm religiosi, quorum exemplo illuminari debet populus laicalis, & maxime Clerici Prælati quicumque, quibus cura imminet animarum, ut in observatione ipsorum plebes sibi commissas verbo pariter instruant & exemplo. Sed proh dolor ! plures sunt hodie, qui licet ad curam positi aliorum in se ipsis debent ostendere qualiter alios in Domo Dei oporteat conversari, in verbo instruunt, sed perniciosè exemplo laicos inficiunt & corrumpunt, non attendentes quòd si peccaverint, totus populus committitur ad peccandum; & Prælati tot tormentis digni sunt, quot ad subditos perditionis exempla transmittunt. Et hinc est quòd licet bonæ memoriæ Nicolaus prædecessor noster olim universis & singulis Abbatibus, Prioribus, Monachis, Rectoribus, Ecclesiarum Presbyteris & Capellanis, & aliis personis Ecclesiasticis quibuscumque civitatis & Diœcesis Andegavensis statuendo districtiùs præcepisset in virtute obedientiæ & sub pœna suspensionis, ne in diebus Dominicis Majestati Altissimæ dedicatis, servilibus insisterent operationibus & terrenis, sed divinis officiis insudantes laicos & populos sibi commissos inducerent efficaciter verbo & exemplo, ut dictis

dictis diebus Dominicis à terrenis operationibus abstinere: plures tamen Abbates & Religiosi alii, & personæ Ecclesiasticæ sæculares hujusmodi præceptionis salubris ac divini mandati temerarij transgressores, sicut audivimus, diebus Dominicis terrenis & servilibus operationibus insistentes publicè res suas, vites & blada, pelles & ligna, & res alias eorundem nullo amissionis periculo verisimiliter existentes cum bobus, quadrupedibus & quadrigis portari faciunt publicè & deferri, & alias terrenas operationes, quæ a divino servitio avocant, faciunt extorqueri in suarum periculum animarum, laicis suo pernicioso exemplo fomentum perditionis & erroris damnaviliter exhibentes. Quapropter monemus omnes & singulos Abbates & Religiosos quoscumque, & personas Ecclesiasticas & sæculares nostræ Diocesis & civitatis, tenore præsentis statuti eisdem firmiter injungentes, diebus Dominicis à talibus, excepto necessitatis articulo, videlicet ubi de amissione fructuum vel vehendorum verisimiliter timeretur, nec posset aliud faciliter remedium adhiberi, omnino abstineant, & suos servientes & ministros faciant abstinere. Eos verò qui contra præmissa fecerint, suspensionis sententiam auctoritate præsentis statuti Synodi incurrere volumus ipso facto.

Lateranensis Generalis, & Lengesij * Provincialis Conciliorum, quibus salubriter inhibetur Monachos solitarios*, vestigiis inhærentes, Abbates nostrarum civitatis & Diocesis in generali recolimus monuisse, quod ipsi infra certos terminos jam elapsos ad hoc præfixos eisdem ad Prioratus eorum mitterent Priores cum debito numero sociorum Domino famulantes ibidem, prout occultata * fide comperimus visitantes, J. * oculata nonnulli ipsorum, quod grave gerimus & molestum, dictorum Conciliorum temerarij transgressores contumaciter nostris parere monitionibus contempserint, Monachos solitarios in aliquibus suorum Prioratuum sine Prioribus, & Priores alicubi sine sociis dimittentes.

Cap. 3.

* tertijs circiter an.

1278.

can. 2.

* supple in Prioratibus manere.

tes. Ea propter omnes & singulos Abbates nostrarum civitatis & Diœcesis prædictarum tenore præsentis statuti iterum generaliter monemus, eisdem præcipiendo mandantes, quòd ad Prioratus suos mittant infra festum instans Nativitatis Domini debitum numerum sociorum, nullumque deinceps Monachorum suorum permittant in aliquo Prioratu suorum solitarium commorari. In Monachos verò taliter solitarios commorantes elapso dicto tempore suspensionis sententiam promulgamus, & Capellas personales eorum, ubi tales solitarios contigerit commorari, quamdiu ibi Monachi solitarii morabuntur Ecclesiastico supponimus interdicto.

Synodus
XIV.
Guillelmi.

IDEM GVILLELMVS IN SYNODO
sancti Lucae,

Anno Domini M. CCC. XII.

Caput 1.
2. Pet. 1.
27.

Registri
epistolar.
lib. 1. epist.
24. ad Io-
han. Episc.
Constanti-
nop. &c.

QUIA Spiritu sancto inspirati locuti sunt sancti Dei homines, qui ordinantes Ecclesiam Dei bono odore usque ad consummationem vitæ in primitivis temporibus in sacrosanctis Conciliis convenientes, ad instructionem fidei Orthodoxæ & stabilimentum Ecclesiæ sacros Canones ediderunt, inter quæ quatuor principalia, videlicet Nicænum, Constantino-
politanum, Ephesinum & Calcedonense, quasi quatuor flumina de fonte paradisi voluptatis emanantia, hortum novellæ nascentis Ecclesiæ militantis prædicatione, pariterque sanguinis effusione sanctorum Apostolorum consitum & plantatum, fluentis doctrinarum uberrimis irrigantia prodierunt. De quibus dicit Beatus Gregorius: Sicut sancti Evangelii quatuor libros, sic quatuor Concilia suscipere & venerari me fateor. Et sequitur: hæc tota devotione complector, integerrima approbatione custodio, quia in hoc velut in quadrato lapide sanctæ fidei structura confurgit, atque cujuslibet vitæ & actionis norma consistit. Dicta quoque quatuor Concilia præcipit Serenissimus

Imperator Justinianus tamquam quatuor Evangelia firmiter observari. Demum verò post prædicta quatuor principalia Concilia, alia Concilia generalia ac decretà summorum Pontificum ad reformationem Ecclesiæ, & informationem vitæ humanæ, maximè Clericalis, pro varietate temporum & factorum, seu rerum exigentia, instinctu Spiritus sancti divinitus eadem successerunt. Quæ quidem dicta sanctorum Patrum & statuta Conciliorum, maximè principalium quatuor, decretaque summorum Pontificum si ad integrum servarentur, ad sanctæ Matris Ecclesiæ & Fidei orthodoxæ stabilimentum, instructionem morum, repressionem criminum, propagationem virtutum procul dubio sufficere viderentur, nec opus esset onerosa novorum multitudine statutorum humeros premere subditorum, cum multitudo onerosa nihil habere dignoscatur honesti.

Verùm quia multa de prædictis statutis Conciliorum & Decretis summorum Pontificum tam propter negligentiam Prælatorum, quàm propter abusum subditorum & corruptionem in dissuetudinem abiierunt, & aliàs nullo modo servantur, sed petulantia & insolentia animorum indomitorum, & maximè Clericorum, temere corrumpuntur & damnabiliter violantur; idcirco eadem sancta statuta *remotare, f. * revo-
renovare & in lucem reducere esset perutile toti mun- care.
do, & panes similageneos sanctorum antiquorum Patrum mensis apponere filiorum potius quàm siliquas porcorum, & panes furfureos modernorum. Unde ex statutis dictorum Conciliorum & Decretis summorum Pontificum ad ædificationem nostram & plebium subditarum hinc aliqua inferius annectuntur, quæ volumus & præcipimus in nostra Diocesi à nostris subditis observari, salvo moderamine à nobis, si & quando visum fuerit, adhibendo.

Ex Concilio Maguntino: Inhibendum est ut nullus Sacerdos feminas, de quibus suspicio potest esse, retineat, sed nec illas, quas Canones concedunt,

Aliquid
huiusmodi
reperitur in
Conc. Mo-
guntiacensi
can. 10. ac
est Conc.
Nannetensi
lis cap. 3.

matrem, amitam, sororemque, quia instigante diabolo etiam in illis scelus perpetratum esse reperitur, aut etiam in pedisequis earum, quod intelligimus ubi dictæ mulieres sunt suspectæ. Item ex dicto Eugenij Papæ: Si quis Sacerdorum, Archipresbyter, Diaconus, Subdiaconus, de quacumque femina crimine fornicationis suspectus, post primam, secundam & tertiam monitionem inveniatur fabulari vel conversari aliquo modo cum ea, excommunicationi subdatur, femina verò canonicè judicetur. Et istas monitiones fieri præcipimus per singulos Archidiaconos, Archipresbyteros & Decanos in Archidiaconatibus, Archipresbyteratibus, & Decanatibus eorundem. Item in Gangrensi * Concilio legimus: Presbyter si fornicationem commiserit * quamquam secundum Canones Apostolorum deponi debeat, cum * juxta auctoritatem Beati Silvestri, si in suo vitio non perduraverit, sed sponte confessus adjecerit ut resurgat, decem annis in hunc modum poeniteat; tribus quidem mensibus à ceteris remotus pane & aqua à vespera in vesperam utatur; diebus autem Dominicis, & præcipuis festis modico vino & pisciculis atque leguminibus recreetur, sine carne & sanguine * ovis & caseo, sacco indutus humi * inhareat, die ac nocte jugiter omnipotentis Dei misericordiam imploret. Finitis tribus mensibus continuis de carcere exeat, tamen in publicum non procedat, ne grex fidelis in eo scandalum patiatur; nec enim debet Sacerdos publicè poenitere sicut Laicus: postea aliquantulum resumptis viribus unum annum in pane & aqua expleat, exceptis Dominicis diebus & præcipuis festivitibus, in quibus vino & sanguine, ovis & caseo juxta canonicam mensuram uti poterit. Finito primo anno & dimidio Corporis & Sanguinis Domini ne indurescat particeps fiat, & ad pacem veniat, psalmos cum fratribus in choro ultimus canat, ad cornu altaris non accedat *. Deinde verò usque ad completionem septimi anni omni quidem tempore, exceptis Paschalibus

*Verisimilius * quodam Carthaginensi. Edit. * fecerit.*

*al. * tamen.*

*In * edit. * propositis post sanguine duobus punctis, subjungit ovis & caseo utatur. Edit. * humo adhæreat.*

*addit edit * juxta beati Clementis vocem minora gerat officia.*

diebus, tres legitimas ferias unaquaque hebdomada in pane & aqua jejnet. Expleto septimi anni circulo si fratres apud quos poenituerit ejus congruam poenitentiam laudaverint, Episcopus in pristinum honorem juxta Calixti Papae auctoritatem poterit revocare. Sanè sciendum est, quòd secundam feriam * unum denarium, si opus est, pauperibus erogando redimere poterit. Finitis autem septem annis deinde usque ad finem septimi * anni sextam feriam nulla interveniente redemptione observet in pane & aqua. Eadem quoque sententia * erit Sacerdoti de omnibus peccatis & criminibus, quæ in deperditionem * ducunt. Neque hoc cuilibet videatur onerosum, si Sacerdos post lapsum, dignè, ut supra dictum est, poenitens ad honores pristinos redeat.

Item Cælestinus *: Siquis Sacerdos cum filia spiritali fornicatus fuerit, sciat se grave adulterium commisisse. Idcirco femina si laica est omnia derelinquat, & res suas pauperibus tradat, & conversa in Monasterio usque ad mortem Deo serviat. Item *, non debet Episcopus aut Presbyter commisceri cum mulieribus, quæ eis sua fuerint confessæ peccata, si fortè, quod absit, hoc contigerit, sic poeniteat quomodò de filia spiritali; Episcopus quindecim annis, Presbyter duodecim, & deponatur, tamen si in conscientia populi devenerit. Item Nicolaus * Papa omnibus Presbyteris, Episcopis: Nullus Missam audiat Presbyteri, quem scit concubinam indubitanter habere aut introductam mulierem. Unde etiam ipsa Synodus * ob hoc capitulum sub excommunicatione statuit.

Item ex Concilio Hilerdensi *: Presbyter si à plebe sibi commissa mala opinione infamatus fuerit, & Episcopus legitimis testibus approbare non potuerit, suspendatur usque ad satisfactionem condignam, ne populus fidelium in eo scandalum patiatur. Digna verò satisfactio est, sicut à Majoribus constitutum esse docetur, quando sive secundum Canones, sive secundum arbitrium Episcopi septem sibi collegas adjungat

Hic in *
edit inferi-
tur unum
plalterium
canendo,
aut.
al. * deci-
mi.
al. * poeni-
tentia.
al. * depo-
sitionem
cum indu-
cunt.
* Papa pri-
mus cap. 3.

* Cap. 3.
hic incipit.

* Ex decre-
tis Nicol. 1.
tit. 11. de
Presbyteris
cap. 1.
Pictavensis
1. an. 1100.
sub Paschali
2. cap. 10.
Ex frag-
mentis hu-
jus Concilij
cap. 10.
pura hic
desunt qua
in editis in-
serta repe-
riuntur.

& juret in sancto Evangelio coram populo, quodd. sibi crimen illatum seu propositum non perpetravit; & hac satisfactione purgatus securè deinceps suum officium exequatur.

Item Beatus Gregorius omnibus Episcopis. Si qui sint Presbyteri Diaconi, vel Subdiaconi, qui in crimine fornicationis jaceant, interdiciamus eis ex parte Dei omnipotentis & sancti Petri auctoritate Ecclesiae introitum usque dum poeniteant & emendent. Siqui verò in peccato suo perseverare maluerint, nullus vestrum praesumat audire Officium, quia benedictio eorum vertitur in maledictionem, & oratio in peccatum, dicente Domino per Prophetam: *Maledicam, inquit, benedictionibus vestris.* Qui verò huic saluberrimo statuto obedire noluerint, idololatriae peccatum incurrant, Samuele teste, & Beato Gregorio instruente, *peccatum ariolandi est non obedire, & scelus idolatriae nolle acquiescere.* Peccatum igitur paganitatis incurrit quisquis dum Christianum se esse asserit, sedi Apostolicæ obedire contemnit. Item Bonifacius VIII. Is cui Ecclesiae est interdictus ingressus, cum sibi per consequens censeatur in ipsa divinorum celebratio*, irregularis efficitur, si contra interdictum hujus divinis in ea se ingerat, in suo agens officio sicut prius: talis quoque si hoc interdicto durante decedat, non debet in Ecclesia vel cimiterio Ecclesiastico, nisi poenituerit, sepeliri.

Cum igitur ex praedictis appareat evidenter Presbyteros, Diaconos & Subdiaconos fornicatores notorios, quoad se, & quoad alios, jure fore suspensos, & eis ingressam Ecclesiam & per consequens etiam ipsam divinorum celebrationem interdictam, adeò quòd si tali interdicto durante in ea divinis officiis se ingesserint, agentes in suo officio sicut prius, notam irregularitatis incurrant. Et nos, omnes & singulos Presbyteros, & Diaconos & Subdiaconos nostrarum civitatis & Diocesis macula notoriae fornicationis infectos, suspensos quoad se & quoad alios auctoritate Canonis,

Malach. 2.
2.

1. Reg. 15.
23.

* inter-
dicta.

tenore præsentium publicè nuntiamus, & eisdem ingressum fore Ecclesiæ interdictum. Inhibentes subditis nostris ne Missas talium, siqui sint in nostris prædictis civitate & Diœcesi, audire præsumant, seu ipsorum corpora hoc interdicto durante dum decesserint in Ecclesia vel cimiterio Ecclesiastico, nisi poenituerint, sepelire. Item legatur & renovetur statutum juris, Sepelire. Item legatur & renovetur statutum, Juris remedia, & subsequenter quod sequitur adjungatur.

VT QUILIBET SACERDOS HABEAT Cap. 1
statuta Synodalia & secum ea deferat ad Synodum, &
ostendat Archipresbytero vel Decano, & qualiter procedatur contra inobedientem.

CUM igitur sicut pro certo didicimus nonnulli Curatorum ipsorum statuti superius lecti temerarii transgressores dicta statuta Synodalia nondum adhuc habeant, & si qui habeant, illa tamen juxta præceptum nostrum ad Synodos nostras secum adferre, ac suis Archipresbyteris & Decanis hucusque neglexerint exhibere, adhuc ad eorum convincendam malitiam omnibus & singulis Curatis nostrarum civitatis & Diœcesis iterata præceptione injungimus, & in virtute obedientiæ præcipimus, quatinus quilibet ipsorum infra Synodum Pentecostes proximè venturum dicta statuta Synodalia habeat, & secum ad dictam diem seu Synodum adferat, ac exhibeat suo Archipresbytero vel Decano. Prædictis Archipresbyteris & Decanis sub eadem districtione mandantes, quatinus antequam de Synodo prædicta recedant, nomina Curatorum sibi subditorum, qui in præmissis defecerint, nobis non differant intimare; scituri quòd contra transgressores hujus tamquam contra inobedientes & perjuros, quatinus de jure poterimus sine remissione qualibet, parati cum Apostolo omnem inobedientiam ulcisci, procedemus, cum nobis adscriberemus ad culpam in hoc casu relaxare vindictam.

Synodus
XVII.
Guiljelmi

IDEM IN SYNODO SANCTI LVCÆ,

Anno Domini M. CCC. XIV. Vt fiant Octabæ
de feſto Omnium ſanctorum.

Caput I.

Pſal. 47.
1.

Pſal. 150.
1.

f. * Cœlis.

DEus glorioſus & ſublimis in ſanctis ſuis mirabilis, qui ſemper eſt laudabilis, & tamen ineffabilis, juxta id Pſalmi : *Magnus Dominus & laudabilis nimis* : In ſanctis ſuis laudari deſiderat & honorari in terris, ut accedat quod ait Pſalmographus ; *Laudate Dominum in ſanctis ejus* : Non quòd bonorum noſtrorum aut laudum præconiis egere noſcatur, ſed ut per merita glorioſa Sanctorum quos veneramur in terris, eorum interceſſionibus adjuti propitiationem mereamur obtinere in terris *. Sancti enim carnis vinculis abſoluti in illa æterna patria converſantes, qui videntem omnia ſemota jam caligine luce clariùs intuentur, & lumen in lumine revelata facie luculentiùs contemplantur, devota laudum præconia quæ ſibi à terrigenis impenduntur, & pia ſupplicationum præconia quæ ſibi à fidelibus in ſuis neceſſitatibus porriguntur, in illo æternitatis ſpeculo, in quo videntem omnia vident, ſcire & intelligere poſſe creduntur, vel quantum illis ad gaudium, vel nobis ad auxilium noſcitur pertinere.

al. * quingentorum
Martyrum.

Cùm igitur ſancti ſint infiniti in illa æterna beatitudine jam conſcripti, de quibus memoriam & feſtivitatem nullam facimus : non enim poſſemus omnium ſanctorum feſta peragere, tamen propter noſtram infirmitatem, quia infirmi & debiles ſumus, nec adhuc maximè propter rerum mundanarum occupationem ſufficere poſſemus, cùm propter temporis brevitatem, quia etiam tempus non ſufficeret ; nam ſicut ait Hieronymus in quadam epiſtola, quæ in ſuo Kalendario præponitur, Nullus dies, excepto die Kalendarum Januarij, qui non intra quinque * millium Martyrum numerum reperiri poſſit aſcriptus. Inſuper licet paucorum Sanctorum feſta agamus, adhuc tamen illa feſta
paucæ

pauci negligenter agimus, & multa ibidem per negligentiam, vel ignorantiam, vel terrenorum sollicitudinem obmittimus. Igitur sancta Mater Ecclesia præmissa attentè considerans, congruentissima ratione & piissima devotione per quosdam devotos summos Pontifices Spiritu sancto repletos & inspiratos divinitus ordinavit, ut quia Omnium Sanctorum festa singulariter non possumus, saltem omnes generaliter propter obmissorum suppletionem & negligentiarum expiationem sub una celebritate annua insimul honoremus. Et hæc fuit potissima ratio quare Omnium Sanctorum festivitas à sanctis Patribus extitit jam elapsis multorum annorum curriculis instituta; licet & multæ aliæ causæ rationabiles institutionis hujus festi in Legenda aurea proferantur. Si ergo plurimorum Sanctorum singulare Octabæ ab Ecclesia peraguntur, multo magis per rationes superiùs prælibatas Omnium Sanctorum festivitatis Octabæ debent ab Ecclesiis devotiùs & solemnius celebrari.

Attendentes igitur rationes præmissas, & quòd in urbe Romana quæ est caput mundi & mater Ecclesiarum omnium & magistra, & in plerisque citramontanis partibus non tantùm dicta festivitas una die, sed etiam octabæ ipsius ab Ecclesiis introductum est ut rationabiliter celebrentur; diligenti deliberatione præhabita & tractatu, hæc sacra approbante Synodo, & nostri Andegavensis Capituli super hoc accedente consensu, statuimus & ordinamus, quòd deinceps octabæ festivitatis prædictæ cum devotione qua decet ab Ecclesiis civitatis & Diocesis Andegavensis annis singulis celebrentur. Per hoc enim firmiter credimus, patriam & populum Sanctorum patrociniis adjuvari, & in suis necessitatibus, tribulationibus & angustiis apud Altissimum faciliùs exaudiri, & ipsorum Sanctorum intercessionibus quamcitiùs relevari.

Sanè ne propter præmissarum celebrationem octabarum aliqua Dominica de historia, quæ incipit: *Vidi Dominum*, obmittantur, ordinamus quòd in

Dominicā præcedente festum Apostolorum Simonis & Judæ, historia, *Vidi Dominum* inchoetur. Quod si die Dominica evenerit celebratio ejus, ad diem crastinam proteletur, & Dominicæ illius historiæ in diebus vacuis locis competentibus peragantur.

Si autem de Officio illarum Octabarum quærat, respondemus quod nos quia à principio Pontificatus nostri dictas octabas facere consuevimus, dictarum octabarum officium ordinamus in hac forma. Super ipsas octabas dicimus invitatorium ad Matutinas, *Regem Sanctorum Omnium venite adoremus*. Hymnus in matutinis & vespers sicut in die. Antiphona super psalmos, *Secus decursus* sola, psalmi plurimorum Martyrum, vel de die; Versus, *Iustorum animæ*. Lectiones accipimus de libro sapientiæ cap. III. incipientes ibi: *Iustorum animæ in manu Dei sunt*, prosequentes dictam lectionem usque ad ultimum diem. Responsorialia de Communi Martyrum subsequenter etiam ordinatè. Qui autem Bibliam non habent, facient lectionem de Communi Martyrum. *Te Deum Laudamus* per totas octabas. Versus ante Laudes: *Iusti autem in perpetuum vivent* &c. Ad Laudes antiphona, *Vidi turbam*, sola. Capitulum, hymnus, Versus sicut in die. Ad *Benedictus* antiphona prima die, *Prædicantes*, & ceteræ subsequentes. Ad Magnificat antiphona prima die: *Omnes sancti* de vig. &c. Antiphonæ ad alias horas, Capitula, Responsorialia, Versus de Communi Martyrum. In octava autem die consuevimus totum facere sicut in die. Si verò infra Octabas dies Dominica evenerit, consuevimus facere novem lectiones de Communi, vel si malueritis totum sicut in die. Officium autem Missarum in dictis octabis accipiet de Communi sanctorum eorum, sicut voluerint.



UT BONA AD EXECUTIONEM Cap. 2.
testamentorum deputata in executores non transferantur:
& de pena facientium contrarium.

PRIMÒ dudum in Provinciali Concilio apud
 Lengeſium celebrato, fuit provida deliberatione
 diffinitum, executores testamentorum per ſe vel per
 alios non poſſe quidquam ſumere, ſeu quoquo titulo
 retinere de rebus ſeu bonis deputatis executioni testa-
 mentorum quorum executores exiſtunt, pœnis certis
 appoſitis in Concilio ſupradicto. Verùm quia ex hoc
 plerumque comperimus decedentium voluntates exe-
 cutioni debitæ non mandantes propter avaritiam
 multorum, qui à teſtatoribus executores inſcripti
 quæſtum proprium
 liberationem * animarum, qui de ipſorum dilectione & *l. * libera-*
 amicitia præ ceteris gerebant plenam fiduciam dum *tioni.*
 vivebant nequiter præferentes, onus executionum
 huiusmodi ſuſcipere in ſe recuſant, ut ſic poſſint illa
 quæ de bonis teſtatorum ſibi placent hinc habere &
 retinere emptionis titulo, vel alio quæſito colore con-
 tra mentem Concilij memorati. Nos his fraudibus
 obviare, & decedentium voluntates executioni debi-
 tæ volentes demandari, diſtictius inhibemus ne quis
 executor alicujus teſtamenti coexecutori ſuo in eodem
 teſtamento inſcripto, ſive executor prædictus onus
 teſtamenti in ſe ſuſceperit, ſive illud duxerit recusan-
 dum, aliqua de bonis ad executionem illius qui ip-
 ſos executores ſuos inſtituit, emptionis vel alio quo-
 vis titulo tradere, ſeu in ipſum transferre, ſeu tradi-
 tioni ſive translationi conſentire præſumat. De-
 cernentes contractus ſuper hoc initos, & traditiones
 ac translationes bonorum ipſorum taliter factas non
 tenere; & executores ipſa bona tradentes & taliter
 transferentes, ſeu conſentientes traditioni & transla-
 tioni prædictis, ad reſtitutionem dupli pretij rei ſic
 traditæ vel translatae, in executionis utilitatem con-

LI ij

vertendi auctoritate præsentis statuti condemnamus.

Cap. 3.

Gravi nimirum turbatione movemur, & cum cordis amaritudine recensemus, quòd nonnulli divinis officiis mancipati, qui vacationis suæ stabilitate pensata virtutis & honestatis fructus deberent producere potiores, per eorum actus improbos splendorem suæ professionis obnubilant, & gestus incompositionis exempla inhonestatis & lasciviæ subministrant. Certa quidem nuper probavimus experientia, & fide didicimus oculata, quòd quidam Clerici beneficiati, & quod censendum gravius est, Curati ac Religiosi nonnulli Clericali modestiâ projectâ, sine delectu lucris turpibus inhiant, ac inhonestis negotiationibus variis se immiscant: verba Evangelica, quibus Dominus ipse negotiatores de Templo verberatos asseritur expulisse; & Apostolica, quibus ait: *Nemo Deo militans implicet se negotiis secularibus*, dissimulantibus aure furda, & quod molestè non mediocriter est ferendum, dum deberent in Ecclesiis horis convenientibus, præsertim festivitatis, debitas persolvere Deo laudes cum devotione animi & conscientie puritate, prætermisissis loco & tempore opportunis discurrendo ad nundinas & mercata dicunt labiis horas canonicas synecopando; intermiscendo extranea colloquia & profana, ad negotiationes, quas corde sitiunt, penitus mente rapta. Dum verò sunt in nundinis & mercatis tabernas frequentant, comestiones sectantur vilium personarum, & quædam alia faciunt quæ ad præsens duximus silentio committenda; ex quibus se reddunt secularibus viles, contemptibiles & abjectos.

2. Tim. 2.
4.

Sunt autem alii qui laxatis honestatis habenis dum per decentiam habitus extrinseci deberent habere & ostendere morum intrinsecam honestatem, utuntur præter varietatem pannorum suo statui minimè congruentem factionibus vestium dissolutis cum ornatu & cultu indecentibus. Sicque circum amicti varietatibus incedunt more meretricio scapulis & pectore discoopertis, comam nutriunt & relaxant, longos

crines ad modum Laici absque coronæ vestigio & tonsuræ ad eorum ignominiam deferentes, dicente Apostolo: *Vir quidem si comam nutriat, ignominia.* Prædictis & similibus se multipliciter & sæpius involuendo. Quòd nec in qualitate negotiorum, nec in vestimentorum forma, nec in coronæ & tonsuræ modo quidquam prætendunt de militia Clericali. Cùm igitur, ut ait Augustinus, incompositio corporis inæqualitatem indicet mentis; & in Carthaginensi Concilio caveatur, quòd Clerici professionem suam probare debeant habitu atque gestu, ut gestus gravitas maturitatem mentis ostendat;

Nos attendentes quòd tales negligere famam suam, in cujus odore nos convenit delectari, & sacros Canones transgredi non verentur, transgressores hujusmodi & curiositates eorum periculosas & perniciosas exemplo pœnarum adjectione coarctare volentes, monemus tenore præsentium omnes & singulos Clericos nobis subditos, qui in nostra diœcesi beneficia obtinent, aut in posterum obtinebunt, ut deinceps abstineant à præmissis, alioquin ad excommunicationis pœnam contra ipsos procedemus prout justitia suadebit. Statuentes quòd Clerici nunc beneficia obtinentes infra Nativitatem Domini proximè venturam, & qui obtinuerint in futurum infra mensem à tempore sibi collati beneficij, assumant habitum Clericalem, & eum deinceps deferant ut tenentur. A festo Paschæ Domini usque ad festum Omnium Sanctorum singulis mensibus, nisi ipsos infirmitas seu alia causa probabilis excusaret, coronam sibi fieri, barbam & capillos radi seu tondi cum rotunditate debita; & ab inde usque ad festum Paschæ etiam binis mensibus semel coronam radi seu tondi annis singulis facientes. In eos verò qui quoad tonsuræ, coronæ & barbæ rasionem hujusmodi extiterint transgressores, seu qui cucupham post lapsum duorum mensium à die hujusmodi monitionis publicè deferent in capite, excommunicationis sententiam promulgamus.

L1 iij

Cap. 4.

Sanè solent plerisque concedi quæ tunc fore utilia pro salute hominum videbantur, quæ demum tendere reperiuntur ad noxam, propter quod ea emendare & temperare studuimus in præsentī. Multas etenim litteras pluribus personis nobiles & aliis tam à prædecessoribus nostris quàm à nobis concessas didicimus, quarum auctoritate quibuscumque diebus Missas & alia divina officia possent in suis domibus facere celebrari, & eo prætextu, nedum parrochialibus in juribus earum grandia incommoda imminere noscuntur; sed etiam in aliis quæ pariunt pericula animarum: quia morum informatio non metitur, cum sermo divinus populo seminatur in Ecclesiis parrochialibus, qui absentibus & non audientibus fructuosus esse non potest: ordinatio Ecclesiæ ignoratur, quæ ignorantia omnes ligat. Cum festa quæ colenda sunt in honorem Dei & Sanctorum & eorum jejunia publicè solent indici, non servantur propter ignorantiam ab eisdem, vel eorum familia, qui dispensativè ad parrochiam Ecclesiam venire non tenentur; & cum excommunicatis participare non verentur, qui ab aliis evitantur qui mandatorum executionem noverint. Propter quæ & multa alia quæ ad tales gratias modificandas nos inducunt, in hac præsentī Synodo sancti Lucæ statuimus, quòd nullus de cetero auctoritate talium litterarum talem gratiam tam generalem & tam latam continentium, diebus Dominicis & festis novem lectionum Missas & alia divina officia in suis domibus vel oratoriis faciat celebrari, & hoc sub pœna excommunicationis, quam in contrarium venientes post mensem, ne fortè aliqui prætextu ignorantie se excusent, ipso facto volumus incurfuros, & domos seu oratoria supponi ipso facto Ecclesiastico interdicto. Statutum autem hujusmodi ad Capellas ad Matricem Ecclesiam pertinentes trahi non volumus vel extendi.

Cap. 5.

Item statuimus, quòd nullus Rector parrochialis Capellanas, Prioratus seu quævis alia pia loca in suis parrochiis existentes seu existentia affirmare &

attentare præsumat, ne unum beneficium propter aliud suis juribus defraudetur.

Præterea statuimus quod nullus de cetero diebus Dominicis & festivis novem lectionum in Capellaniis, Prioratibus simplicibus, Missas ante horam tertiam audeat celebrare. Cap. 6.

Item omnibus Archipresbyteris & Decanis nostræ Diocesis præcipimus & mandamus, quatinus omnia beneficia ad nostram collationem pleno jure pertinentia, in suis Archipresbyteratibus & Decanatibus existentia, nominatim in scriptis infra duos menses nobis vel Officiali nostro transmittant. Cap. 7.

Et de istis statutis quilibet Rector parrochialis copiam habeat infra mensem, & exponat quilibet in sua parrochiali Ecclesia in generali, ut sic ad notitiam eorum pervenire possit qui per statuta ligarentur. Cap. 8.

Item cum nullus falcem suam in messem ponere debeat alienam, inhibemus omnibus subditis nostris cujuscumque dignitatis aut status, ordinis seu religionis existant, ne jurisdictionem spirituales contentiosam in quascumque personas religiosas, sæcularesve aut alias quoquomodo, nisi in casibus ad eos spectantibus, exercere præsumant. In contrarium verò facientes, excommunicationis sententiam promulgamus.

Quamquam omnes & singuli nostri subditi, qui ad nostram Synodum venire tenentur, debeant nostra statuta & prædecessorum nostrorum Synodalia penes se habere scripto tenus, ne tamen eorum quispiam hoc omitat, & statutorum hujusmodi ignorantiam prætere valedat; subditis eisdem præcipimus & mandamus eos & eorum singulos, ad hoc canonicè præmonentes, quatinus statuta hujusmodi ad quamlibet nostram & successorum nostrorum Synodum de cetero in quaternis antiquis una cum novis eis additis fideliter & integre deferant, nobisque vel ei quem ad hoc deputabimus patenter ostendant, in virtute obedientiæ & sub poena excommunicationis, ad

quam contra rebelles mediante iustitia procedemus; nec reputabuntur sufficienter in Synodo comparere hi qui ea non deferent, ut est dictum. Si qui verò ea vel eorum aliqua non habeant, faciant ipsa fideliter iterum transcribi suis sumptibus & expensis. Exemplaria verò recipient ad hoc ex parte nostra posita Andegavis in domibus Johannis Coillant & Thomæ Aprilis, Clericorum nostræ Andegavenſis Curiaë juratorum.

Cap. 10.

f. * & aliorum vel & generalium.

Præterea licet turbatores jurisdictionis Ecclesiasticæ ordinariæ cujuscunque status existant, auctoritate Provincialis * Conciliorum sint ipso facto excommunicationis sententia innodati, à qua nisi condigna prius satisfactione præstita, cessante saltem mortis articulo, non sunt aliquatenus absolventi. Prout tamen datur nobis intelligi, nonnulli Sacerdotes sæculares & Religiosi potestate sibi permessa damnabiliter abutentes, ac eam quam non habent nequiter usurpantes, excommunicatos hujusmodi de facto absolvere præsumunt, nulla satisfactione præstita de offensa, in deceptionem & grave periculum animarum, elusionemque & fraudem prædictorum Conciliorum, ac Ecclesiasticæ jurisdictionis depressionem immensam. Quapropter omnibus & singulis Ecclesiarum Rectoribus nobis subditis, & eorum loca tenentibus, sub pœna suspensionis præcipimus, quatinus diebus Dominicis & maximè in Quadragesimali tempore turbatores hujusmodi denuntient, ut præmittitur, excommunicatos. Intimantes quòd absque satisfactione læsis & Ecclesiæ præstita non merentur absolvi, nec eos reputavimus aliàs absolutos: absolutionem autem eorum nobis & quibus specialiter committimus, quatinus possumus, reservamus ex causa, eam quibuscunque aliis interdicentes expressè.

Cap. 11.

Injungimus vobis Presbyteris, Ecclesiarumque Rectoribus & Capellanis, quatenus singulis diebus Dominicis & festis novem lectionum illos, qui sunt excommunicati quacunque auctoritate, excommuni-

catos.

catos publicè nuntietis. Item similiter omnes turbatores jurisdictionis Ecclesiæ quomodo libet clam vel palam. Item omnes qui faciunt contra libertates, consuetudines & statuta Ecclesiastica, & hoc videlicet in duobus ultimis casibus auctoritate Canonum & Conciliorum. Item denuntietis publicè in Ecclesiis vestris, quòd aliquis à sententia excommunicationis prædictæ, videlicet in duobus casibus ultimis, non potest absolvere, nisi nos Andegavensis Episcopus dumtaxat, & inhibemus ne aliquis absolvat à sententia prædicta. Item quia vobis Ecclesiarum Rectoribus aliàs fuerat injunctum quod in ista Synodo afferretis vobiscum omnia statuta Synodalia & quaternum Synodalis, vobis & vestrum cuilibet iterum districtè præcipimus & mandamus, quatinus statuta & quaternum hujusmodi una cum Conciliis Provincialibus in prima Synodo in virtute obedientiæ afferatis vobiscum, & procuret quilibet qui non habet interim transcribi, & hoc sub pœna suspensionis. Item injungimus sub pœna suspensionis vobis Rectoribus prædictis & vestrum cuilibet, quatenus nomina excommunicatorum mittat quilibet de sua parrochia in septimana pœnitentia Andegavis nobis, vel Officiali nostro, & inferioribus, prout ad quemlibet spectat.

Monemus vos omnes & singulos Archidiaconos, *Cap. 12.* & Archipresbyteros & Decanos, Ecclesiarumque Rectores & Capellanos, Curatos quoscumque nostræ Diocesis hîc præsentis, & vestrum singulos, vobisque & vestrum singulis nihilominus inhibemus in virtute sanctæ obedientiæ, & sub pœna suspensionis, & quinquaginta librarum monetæ currentis nobis applicandarum, & in pios usus convertendarum, ne aliquis vestrum recedat ista die nec sequenti de villa Andegavensi, nisi petita licentiâ & obtentâ à nobis vel magistris Petro Vicario Archidiacono Andegavensi, & Mauricio de Syzuyat, Roberto Helye commissariis nostris in hac parte, quos in palatio nostro Andegavensi poterit quilibet invenire: cùm simus

f. * an
Langes aut
largius.

Cap. 13.

locuturi vobiscum super aliquibus tangentibus necessitatem Ecclesie nostrae, quae per nos vel commissarios nostros praedictos vobis poterunt diebus praedictis Laicus * apparere.

Item vobis omnibus & singulis Rectoribus & Capellanis Curatis praedictis, in quorum parrochiis sunt elemosynariae seu domus Dei ad receptionem seu hospitalitatem pauperum & infirmorum specialiter deputatae, injungimus sub poenis superius declaratis, quatinus unusquisque vestrum infra festum Nativitatis Domini proximè venturum nobis, vel Officiali nostro Andegavensi, referat fideliter & subdito juramento nomen & statum domorum & rerum pertinentium ad easdem & Priorum seu Administratorum earum, ut auditis vestris relationibus in praemissis ordinemus super hoc, & faciamus quod justitia suadebit.

Cap. 14.

* supple
faciatis.

Item injungimus sub poenis praedictis vobis omnibus & singulis Rectoribus & Capellanis Curatis praedictis, quatinus singulis diebus Dominicis festisque novem lectionum cum Clero & populo congregato ad divina ex parte nostra publicè in vestris Ecclesiis * indicari, quòd si sint aliqui cujuscumque status seu conditionis existant, qui justè conqueri voluerunt de quacumque persona nobis subdita, & potissimè de procuratorum servientibus & aliis, qui tam nostras quàm subditorum nostrorum curias frequentant, seu frequentaverunt tempore retroacto, apud sanctum Elemandum * in crastino festi Andreae proximo cum diebus sequentibus accedant, & ibidem fiet per nos vel Commissarios nostros, quos faciemus ibidem propter hoc specialiter interesse, etiam summarie & de plano cuilibet justè conquerenti, facient domino justitiae complementum. Et ipsa die faciemus extra Synodum injungi Rectoribus, qui non apportaverunt statuta Synodalia & provincialia Concilia, & quaternum Synodale, quòd ipsi in virtute obedientiae ad aliam proximam Synodum adferant & exhi-

beant, alioquin ipsos sine spe veniæ puniemus.

Sanè rem cognoscentes non rectam fieri in hac Andegavensi Diœcesi, quam æstimavimus communi sanctione mederi, quoniam calumnias odimus, dolum & tergiversationem averfamur, propterea existimamus legitimis hujusmodi actus egere medelis. Didicimus enim quòd nonnulli Clerici parrochialium Ecclesiarum Andegavensis Diœcesis, aut quivis alii, de rotulis & registris, in quibus nomina excommunicatorum conscribuntur, seu conscribi debent ac tenentur, propter favorem, sordes, gratiam aut timorem scribere & inferere prætermittunt, aut scripta delent, remonent, aut dum publicari debent, subticent seu non nominant, aut aliàs dolo vel negligentia obmittunt, aut ita citò legunt quòd non possunt audiri, ut sic propter censuram excommunicati non patiantur ruborem, & ita non timetur, immo potius vilescit Ecclesiastica censura, nec excommunicati à communibus actibus excluduntur. Quibus attentis nos volentes eorum prævaricationibus, versutiis ac malitiis obviare, in præsentì hac Synodo statuimus, ut quicumque nomen seu nomina cujuscunque excommunicati de registris seu rotulis in quibus scripta sunt deleverint, removerint, seu cancellaverint, nisi priùs de absolutione sibi constiterit, aut scriptum non legerit, seu apertè non nominaverit, aut scribere omiserit, ut præmittitur, postquam sibi de excommunicationis sententia constiterit, infra tres dies à tempore præsentationis sententiæ; si Rectori aut Capellano fuerit præsentata, si Presbyteri fuerint, in ipsos sententiam suspensionis in hoc scriptos * *f. * in his scriptis.* ferimus, ac ex tunc decernimus & volumus incursum, si dolum vel culpam adhibuerint in præmissis, vel aliquo præmissorum. Et si Clericus vel aliàs litteratus fuerit, qui circa præmissa vel aliquod præmissorum dolum vel culpam, ut præmittitur, commiserint, in eos in hoc scriptos * ** in his scriptis et infra.* excommunicationis sententiam promulgamus.

Mm ij

Præterea interdiciamus omnibus Clericis parrochialium Ecclesiarum sub pœna excommunicationis, ne procuratoris officium publicè & communiter exercere præsumant, cùm in prædicto officio multas calumnias, dolos & fraudes ipsos cognoverimus & repererimus commisisse; qui si contrarium facere præsumpserint, ipsos privari volumus utroque officio perpetuò in Dioecesi Andegavensi, nec in aliqua Ecclesia parochiali vel Curia esse ulteriùs admittendos.

Præterea sunt nonnulli Rectores, Capellani & Clerici parrochialium Ecclesiarum, qui monitiones auctoritate judicum ordinariorum & delegatorum, cum clausula prima, *Alioquin ipsos quos in his scriptis ex tunc &c.* eis directas executioni debitæ demandandas, qui circa executionem ipsarum interdum dolum & negligentiam committere non verentur, interdum propter favorem, sordes * aut gratias debitorum, & interdum in odium creditorum, quæ pessimè deducuntur in eorum præjudicium & jacturam, & in periculum animarum ipsorum debitorum; ipsas verò monitiones exequi differant & morantur, asserentes debitorum copiam se non posse invenire, qui si mallent de facili reperire valerent. Et interdum executione facta earundem eas differunt sigillare, asserentes & credentes prædictos debitores excommunicationis sententiam non posse incurrere, donec litteræ monitionum fuissent redditæ sigillatæ; ex quorum dolo & negligentia creditoribus imminet damnum grande, & debitoribus periculum animarum, qui quamplurimum excommunicati decedunt; qui revera excommunicationis sententiam incurrunt, postquam est eis monitio facta & nunciata, & mora adhibita in parendo mandatis ex parte ipsorum debitorum, quorum nomina obmittunt inter excommunicatos registrare, innitentes eorum erroribus & ignorantis crassis & supinis, qui taliter excommunicatos non reputant innodatos donec littera fuerit sigillata.

Propter quod nos in præsentì Synodo statuimus in

f. * sortis
seu sortem
& gradum
eminentio-
rem.

ipſos Rectores, Capellanos & Clericos, aut aliàs litteratos, qui circa monitiones prædictas faciendas dolum & negligentiam commiferint in poſterum, quibus fuerint præſentatæ, aut qui factas elapſa die qua monitiones tales fuerint factæ & nuntiatae diſtulerint ſigillare requiſiti, aut irregiſtrare inter excommunicatos, elapſa ſexta die, ſuſpenſionis & excommunicationis ſententiam in his ſcriptis promulgamus, & ipſos Rectores & Capellanos ſuſpenſionis Clericos & litteratos excommunicationis ſententiæ volumus ſubjacere.

Præterea cùm in ſtatutis Synodalibus prædeceſſorum noſtrorum caveatur expreſſe, quòd ſi qui excommunicati fuerint, & in excommunicatione perſtiterint per duos meſes aut per annum, auctoritate Concilii quòd uxor & familia ſunt Eccleſiaſtico ſuppoſiti interdicto: & licet tanto tempore plures in excommunicationis ſententia perſtiterint, ita quòd familia eſt interdicto ſuppoſita Eccleſiaſtico, volumus & mandamus quòd ad Eccleſiam & divinum officium non admittantur aliqui de familia durante interdicto, quamdiu principalis domus fuerit excommunicationis ſententia innodatus. Nec ſimiliter ad Eccleſiaſticam ſepulturam, niſi cùm eis per nos dumtaxat fuerit diſpenſatum. Cap. 16.

Præterea interdicimus omnibus Archidiaconis, Archipreſbyteris & Decanis, ne ſuper interdicto valeant diſpenſare, cùm ſuper hoc non eſt eis permiſſa facultas.

Præterea ſunt nonnulli qui dant & paſſant memorialia quæ à quibuſdam *, niſi ab his memorialia cum executione recipiantur, & in eis contra debitores ſeu reos paſſantes feretur ſententia ſuſpenſionis ſeu excommunicationis, ſi termino inter partes convento & in memorialibus contento deficerent debitores vel rei in complendo vel ſolvendo quod in prædictis memorialibus reddere & ſolvere promiſerint; ita quòd elapſo termino ſunt excommunicati prædicti paſſan-

* deſt hic nonnulli.

tes propter moram quam faciunt de reddendo & solvendo quod promiserunt in termino constituto. Verum quia cognovimus quod multi tales & talia passantes, & non complentes modo & forma in prædictis memorialibus contentis, excommunicati sunt, nec prædictam excommunicationis sententiam verentur. Et qui dum post terminum satisfaciunt creditoribus, quibus talia memorialia passaverunt, absolutionis beneficium impetrare non curant, sed in excommunicatione quandoque moriuntur, credentes quòd postquam satisfecerint vel memorialia receperint, non sit eis beneficium absolutionis necessarium; propter quod volumus & mandamus quòd iudices & passatores memorialium prædictorum recipiant juramenta ab eis creditoribus quibus dantur & passantur memorialia, quod termino elapso portabunt & exhibebunt Rectori Curato illius qui passavit ad registrandum ipsum inter alios excommunicatos, nisi ante terminum gratiam vel dilationem termino longiorem concefferint debitori; & volumus quòd Notarij qui scripserint dicta memorialia de juramento faciant & de modo.

Expliciunt Statuta Synodalia..



S E R M O

IN NATALI DOMINI.

AUDIAT in præfenti dilectio vestra, fratres charissimi, quemadmodum Esaias Propheta de Domino nostro JESU-CHRISTO adnunciavit, dicens; *Ecce Virgo in utero concipiet, & pariet filium, & vocabis nomen ejus JESUM: ipse enim salvum faciet populum suum à peccatis eorum. Ioseph fili David.* Videtis, Fratres, in persona genus vocari: videtis in unum totam prophetiam nuncupari: videtis in Ioseph seriem Davidici stemmatis sanciri. *Ioseph fili David.* Vicissimâ octavâ generatione natus, quomodo David filius dicitur, nisi quia generis aperitur arcanum? Fides promissionis impletur? Superna conceptio cælestis partus virginem jam saginatur in carne? *Ioseph fili David.* Tali voce ad David prolata fuerat promissio Dei Patris: *Iuravit Dominus David veritatem, & non frustrabitur eum. De fructu ventris tui ponam super sedem tuam.* Bene, de fructu ventris; bene, de utero: quia cælestis hospes, supernus habitator, sic in uteri descendit hospitio, ut corporis claustra nesciret; sic de habitaculo ventris exivit, ut virginalis claustrum janua non pateret, ut impleretur illud quod cantatur in Cantico canticorum; *Sponsa mea hortus clausus, fons signatus.* *Ioseph fili David, noli timere.* Sponsæ causas sponsus ne timeat admonetur: & verè pius animus dum compatitur, plus pavescit. *Ioseph fili David, noli timere;* ne qui de conscientia securus es, de sacramenti cogitatione succumbas. Ioseph, fili David, noli timere quam vides: virtus est ista, non crimen: hîc non humanus lapsus, sed est divinus inlapsus: hoc præmium est, non reatus: hîc incrementum cæli est, non est corporis detrimentum: hîc non est proditio personæ,

An. Chr.

circiter

500.

Isai. 7. 14.

Luc 1. 31.

Matth. 1.

29.

Psal. 131.

11.

Cant. 4.

12.

sed iudicis est secretum : hinc palma cognitoris est , non est supplicij poena : hinc hominis scortum non est , thesaurus est Christi : hinc non est mortis causa , sed vitæ ; & ideo noli timere ; quia quæ vitam parturit , non meretur occidi. *Ioseph fili David , noli timere accipere MARIAM conjugem tuam.* Sponsam vocari conjugem , legis est hoc divinæ : sicut ergo manente virginitate mater est , ita conjux dicitur permanente pudore.

LUC 1. 32. Ioseph fili David , noli timere accipere MARIAM conjugem tuam ; quod in ea natum est , de Spiritu sancto est.

Veniant , & audiant qui requirunt quis est , quem MARIA genuit. Quod in ea natum est , de Spiritu sancto est. Veniant , & audiant qui Græco turbine Latinam nubilare nisi sunt puritatem ; anthropotocon , Christotocon , theotocon ut tollant blasphemantes. Quod in ea natum est , de Spiritu sancto est : & quod de Spiritu sancto natum est , spiritus est ; quia Deus spiritus est. Quid ergo requiris quid sit quod de Spiritu sancto natum est , cum tibi quia Deus est , Deus

Iohan. 1. ipse respondeat ? cum tibi Johannes increpet : In principio erat Verbum , & Verbum erat apud Deum , & Deus erat Verbum ; & Verbum caro factum est , & habitavit in nobis ; & vidimus gloriam ejus. Johannes vidit gloriam , respice , infidelis , injuriam. Quod in ea natum est , de Spiritu sancto est : & vidimus gloriam ejus. Cujus ?

Ejus qui natus est de Spiritu sancto ; ejus qui Verbum caro factum est , & habitavit in nobis. Quod in ea natum est , de Spiritu sancto est. Virgo concepit , sed de Spiritu sancto : Virgo parturit , sed eum quem prædixit

Isai. 7. 14. Esaias ; Ecce Virgo concipiet , & pariet filium , & vocabunt nomen ejus Emmanuel ; quod interpretatur , Nobiscum Deus. Nobiscum Deus , cum illis homo : & maledictus homo qui spem suam ponit in homine. Audiant qui requirunt quis est qui natus est de Mariâ. *Pariet , inquit Angelus , filium , & vocabunt nomen ejus JESUM.*

LUC 1. 37.

Philipp. 2.

10.

Quare JESUM ? Apostolus dicit , *ut in nomine JESU omne genu flectatur , cælestium , terrestrium , & infernorum.* In nomine JESU jam omne genu flectitur , cælestium , terrestrium ,

terrestrium, & infernorum: & tu; quid sit Jesus; do-
 losus cognitor nunc requiris? Omnis jam lingua confi-
 tetur, quia Dominus Jesus in gloria est Dei Patris: &
 tu adhuc modò quid sit Jesus nequiter perscrutaris?
 Audi adhuc quid sit Jesus; *Pater filium, & vocabis*
nomen eius JESUM: ipse enim salvum faciet populum suum
à peccatis eorum. Sed suum non alterius salvum faciet
 populum. Unde? *A peccatis eorum.* Esse Deum qui
 peccata donat, si Christianis non credis, crede, infi-
 delissime, vel Judæis, dicentibus; *Cum sis homo, facis* Iohan. 10.
te ipsum Deum: Et, *Nemo potest peccata dimittere nisi* 33.
solus Deus. Illi enim negabant Deum, qui cum peccata Marc. 2.
 dimittere non credebant: Tu ab eo peccata dimitti
 credis, & Deum dubitas confiteri? Verbum caro fa-
 ctum est, ut homo caro promoveretur in gloriam Dei,
 non ut Deus in carnis verteretur injuriam: sicut dicit
 Apostolus; *Qui se jungit Deo, unus spiritus est.* Et quo- 1. Cor. 6.
 modò non quando se jungit Deus homini, unus Deus 17.
 est? Humanæ leges intra triginta annos litigiosas om-
 nes interimunt quæstiones: & Christus circa quingen-
 tos annos, nativitatis suæ causas præstat, ortus sui
 lites patitur, status sui sustinet quæstiones! Hæretice,
 desine judicare judicem tuum: adora in coelis Domi- hic Nesto-
rium forte
intelligit.
 num, quem Deum Magus adoravit in terris.

Explicit.





MISCELLANEA EPISTOLARVM,

CHARTARUM AC DIPLOMATUM.

Ex majori
Chartula-
rio Briva-
tensi à D.
d' Herouval
concesso.

*GVILLELMVS DVX AQUITANIAE
decernit ut mensa Canonorum Briva-
tensium ablata restituantur.*

AN. CHR.
219.



l. terrenar.*

N nomine Dei summi GUILLELMUS gratiâ Dei Aquitanorum Dux. Si iustis petitionibus fidelium nostrorum aurem accomodamus, disciplinæ Domini nostri operam exercemus, & nobis & posteris nostris profuturum esse credimus. Igitur anno Incarnationis Dominicæ DCCCCXIX. Indictione VII. degentibus nobis apud Celsinamgas, & venatoriæ arti insistentibus, adiit serenitatem nostram Arlebalduſ Ecclesiæ Brivatensi à nobis præpositus institutus, proclamans & dicens grave nos incurrisse delictum, eo quòd facultates terrenarum* Beati Juliani, ex quibus Canonici ejus vivere debent, communiter in proprios usus tam Clericorum quàm laicorum dispersæ tenerentur, & Clerici ibidem quotidie Deo famulantes aliquanti penuria torquerentur. Quod autem ut audivimus, grandi excitati scrupulo, quod factum erat penitus eradicare nequivimus, sed ne abhinc ampliùs fieret prohibuimus. Decrevimus itaque, ut quidquid modò ab illis possidetur quamdiu vixerint, teneant, & nihil ab eis aliquid impediatur, sed statim ut aliquis eorum spiritum exhalaverit, absque ulla contradictione omnia quidquid ex communi victu

Canonicorum possidebant, ad eundem victum communem revertantur, siue Præpositus sit siue Decanus, siue Sacerdos aut Diaconus, aut ullus ex ordine Ecclesiastico, seu ullus laicus qui aliquid ullo ingenio à communi victu servientium sancti Juliani subtrahit, nullo umquam modo amplius ad singularitatem redeat, sed mox ut unusquisque obierit, communi integritate ad eorum victum communem revertantur. Si autem hanc nostram definitionem aliquis tentando violare præsumpserit, quod nostrum est bannum componat: & quia Ecclesiam Salvatoris conculcare voluit, ab ipso Domino ut præsumptor judicetur, & iram ejus incurrat, & cum his qui dixerunt, *hereditate possideamus sanctuarium Dei, ponat illos ut rotam & quasi stipulam ante faciem venti.* Erubescant & conturbentur in sæculum sæculi, confundantur & pereant.

Et ut hoc diffinitionis pactum veriùs credatur, manu propria subter illud firmavimus, & ut fidelium nostrorum manibus roboraretur decrevimus. Datum hoc decretum x. Kal. Januarij anno xxi. Regni KARROLI Francorum & Aquitanorum Principis.

FUNDATIO CAPELLÆ
S. Juliano dicata.

Ex majori
Chartulario Brivattensi à D.
d'Herouval
commodato.

II. ANNO Incarnationis Dominicæ DCCCCXXIV. AN. CHR. 924.
Indictione XII. adiit JOHANNES Archidiaconus sedem Matris Ecclesiæ Arvernorum, postulans humiliter & petens apud venerandum ARNALDUM ejus sedis providum Præsulem ædificari sibi in fundo sancti Juliani & suo Ecclesiam ipsis in locis valde pernecessariam: cujus preces cum primùm abnuisset idem egregius Pontifex, tandem consultu fidelium & precibus victus, comperta etiam veridica ratione adquevit postulanti. Insuper sciscitans eundem postulantem, si valeret ex rebus suis tantum ibi conferre, ex quibus Sacerdos in ipso loco Deo militans pauperem vitam possit sustentare; ad hæc cum respondisset velle se

Nn ij

quamdam particulam ex suis facultatibus largiri totius Ecclesiæ, à præfato confestim illustri Episcopo Speculatore sancitum est eandem dedicandam ædem.

Proficiscens itaque prætaxatus Pontifex secundum sapientiam sibi à Deo collatam oves sibi creditas salubriter visitare, pervenit ad locum sibi crebris precibus & assiduis monitionibus exoratum, cernensque contiguitatem loci, tempusque aptum, dedicavit eandem Capellam specie * septima mensis novissimi, & illustravit eam pignoribus beatissimi Martyris Juliani Brivatensis. Est autem ipse locus, quo eadem constructa est aula, in Comitatu Talamitense, in Vicaria Moysacense, in Villa quæ vocatur Canetus: & in die Dedicationis ejus datum est eidem loco à præscripto JOHANNE consulto Arlebaldis Præpositi Ecclesiæ sancti Juliani Martyris, & Cuneberti Pentaemtarchi ipsius loci, ceterorumque Canonorum in eadem Villa Caneto mansus, quem ISENBARDUS excolere videtur, & appendiciæ tres, & in *aice* Brivatensi in Vicaria Cheriacense, in loco nuncupato Illam Calmem quantum ibi visum est habere, & in *aice* Nonatense in Ferveriaco vineam unam.

Hæc omnia suprascripta data sunt eidem Ecclesiæ in honore Beati Juliani fundatæ, à Johanne & à ceteris sancti Juliani Canonicis perpetuo dono. Considerans etiam donnus Pontifex, & rem diligenter examinans, dedit præfixo altari à se dedicato, & Sanctorum reliquiis decorato, de ipsa villa Caneto decimam omnem tam annonarum quàm pecudum; & de villa quæ vocatur Adimarum similiter omnem decimam; & de villa, quæ vocatur Moden, medietatem decimæ; & de alio Moden similiter, & de villa quæ nuncupatur Concas omnem decimam; & de Betel omnem decimam. Et de villa quæ cognominatur Nueliaco cum suis appendiciis omnem decimam; & de villa quæ dicitur Alto-Cerenno medietatem decimæ; & de Burzaniis omnem decimam. Et de villa quæ vocatur Cunuliis medietatem decimæ, & de Rabariliis me-

dietatem decimæ, & de omnibus quæ idem Johannes habere videtur modò, vel in postèrum Deo auxiliante acquirere poterit; in villa quæ vocatur Severiacus sive Sorziacus, seu in illo monte, duas partes decimarum similiter dedit, & in *aice* Brivatenfi de villis, his nominibus, Tropennaco, Vendagra, Pinatense, Valilia, & illa Spinatia & Cabrogilo duas partes decimarum, de illa Calme & de Puxogilo medietatem decimarum, & in Vicaria Calariense de villis, his nominibus plebis Caleziis, Illabetia, Massum, Girunij medietatem decimæ.

Hæc omnia suprascripta dedit venerabilis ARNALDUS Præsul Arvernensis Ecclesiæ in die dedicationis Basilicæ in Caneto fundatæ, ut habeat, teneat, atque possideat, & justo ordine gubernet ea rector ipsius Cellæ, ea scilicet ratione ut quamdiu idem Johannes advixerit, eandem Capellam teneat, & annis singulis Canonicis sancti Juliani sol. V. in censum incunctanter exsolvat, & post obitum ejus si nepos ejus Girbaudus supervixerit, simili modo eam teneat. Post amborum autem obitum in communi victu Canonicorum sancti Juliani revertatur. Et ut firmiorem per succedentia tempora hæc paginola obtineret vigorem, idem sapientissimus Præsul Arnaldus manu propria subter illam corroborare dignatus est, & ut primatum Matris Ecclesiæ manibus insigniretur decrevit. ARNALDO Papa, & SALOMONE Decano, & BERNARDO Abbate, ADALARDO Levita testibus. Regnante Karolo Rege Francorum charta ista facta fuit.

FUNDATIO CANTIOLI Ex majari
Chartula-
rio Briva-
tensi à D.
a' Gerouval
concessa.
Monasterij facta ab Stephano Claromontano Episcopo.

III. **I**N nomine sanctæ & individue Trinitatis, AN. CHR. 945.
STEPHANUS divina annuente misericordia
N n iij

Præful eximius Claromontensis Ecclesiæ, vita & moribus dignissimus, innotescere volo omnibus sanctæ Dei Ecclesiæ curam amministrantibus, præsentibus videlicet & futuris, necnon & terræ * inclitis; quia ego STEPHANUS Episcopus servus servorum Dei humillimus, considerans casum fragilitatis humanæ, ut pius & misericors Dominus de immanitate facinorum meorum aliquid relaxare dignetur, tam pro me ipso quàm pro seniore meo LUDUVICO Rege & conjuge sua, proleque illorum, & pro absolutione animæ, genitori meo ROBERTO, & uxori suæ ALDEGARDI, & genitrice mea ADALGARDI nomine, quæ fuit quondam, & avunculis meis HIUSTORGIO, MAFREDUM videlicet & GUIDONEM, nec non STEPHANUM consobrinem meum, fratribusque meis, EUSTORGIO & *Robertum* avunculum quoque meum, ARMANDUM & filium suum AMBLARDUM, Eustorgiumque filium Eustorgij & Rotberti Abbatis, & fratribus suis & cunctis propinquis & fidelibus nostris atque amicis, cunctisque scilicet inimicis.

* id est
postea.

Reddo Creatori meo Regi Regum & Domino dominantium, & tribuo beati Juliani Ecclesiæ Brivatensis, qui propter Christum capitalem sententiam subire non rennuit, locum vel villam, cujus vocabulum est Liziniacus, cum mansis, campis, pratis, vineis, verdiganis, & tribus Ecclesiis, quarum una dedicata est in honore sancti Germani, alia verò in honore sancti Johannis Baptiste, tertia quoque in honore sancti Clementis Martyris Christi, cum servis & ancillis qui modo vivunt, & in antea * nati & procreati fuerint, cum farinariis & omnibus decimis ad easdem Ecclesias pertinentibus, & quantum Deo donante ibi ad præsentem diem habeo, vel in antea ego STEPHANUS Episcopus, & ROTBERTUS Abbas justè adquirere potuerimus totum & ad integrum reddo Creatori omnium Domino, & sub dominatione & potestate libenti animo committo beati Juliani, Canonicorumque suorum, & de mea potestate in illo-

rum trado dominatione, trado, transfundo, ut habeant, teneant atque possideant, ut sicut Monasterium quod dicitur Cantojulus * quod est constructum in honore beati Marcellini, & beati Juliani, & beati Saturnini sub tuitione Ecclesiæ beati Juliani à die præsentis subjectus esse videtur; ita & villa Lizimacus, cum Ecclesiis & omnibus illorum appendiciis post meum obitum, in tuitione & dominatione sit Ecclesiæ beati Juliani.

Ego verò STEPHANUS Episcopus, quamvis indignus, cupio si Dominus spacium vitæ mihi dederit in prædicto loco Monasterium construere, & disponente divina gratia in superscripto locello in honore Regis æterni & duodecim Apostolorum, duodecim Monachos ibi constituere cupio, ut ipsi Monachi diebus vitæ illorum Deo serviant, Deum timeant, Deum diligant, præceptum beati Benedicti & illorum Abbatris secundum vires illorum & possibilitatem observent, & pro me & statu sanctæ Dei Ecclesiæ diebus & noctibus indefinenter Dominum exorent, ita duntaxat ego prædictus STEPHANUS jam dictas res tenere volo diebus vitæ meæ sub potestate & tuitione mea, & annis singulis in censum tempore vindemiæ in cellario beati Juliani modios x. recondere faciam usque ad illud tempus, quod in prædicto loco, Deo disponente, Monachos xii. constituam; postquam verò duodecim Monachi ibi constituti fuerint, nullum alium censum solvant, nisi legitimis diebus ad Matutinas postquam orationem dixerint, & à terra surrexerint, unusquisque duos psalmos prostratus decantet, quorum initium sit, *Beati omnes qui timeant Dominum*, pro salute vivorum, & alter: *Lauda anima mea Dominum*, pro requie defunctorum. Ad Primam, ad Tertiam, ad Sextam, ad horam Nonam, ad Vesperas similiter faciant, tam illi quàm successores illorum. Post mortem verò meam hoc volui inferere, ut nullus Rex, nullus Comes, nullus Episcopus, nullus Abbas, neque pater, neque fratres, neque avuncu-

lus, neque ullus meus propinquus, ausu temerario surgere præsumat. Qui contra hanc paginam, vel contra illos Monachos, qui Deo disponente in hoc loco venturi erunt, ire, agere, vel ulla calumnia inquietare præsumperit, nisi resipuerit, & ad emendationem venerit, inprimis iram Dei omnipotentis incurrat, & Sanctorum offensam, & cum Datan & Abiron, Anania & Saphyra, & cum Juda proditore Domini in profundum inferni demergatur: & insuper qui hoc facere præsumperit, auri mundissimi libras xx. coactus componat, & quod petit non vindicet.

Placuit itaque mihi ut post discursum vitæ meæ in manu & dominatione ROTBERTI Abbatis, filij Iozberti, remaneat, ut ipse diebus vitæ suæ pro Dei amore & remedio animæ meæ & omnium fidelium Christianorum, hunc locum regat, ædificet & gubernet, quatenus in futuro sæculo illam vocem desiderabilem audire merear, quam Dominus dixit fidei suo: *Euge serve bone & fidelis, quia super pauca fuisti fidelis, super multa te constituam, intra in gaudium Domini tui.*

Ut autem hæc Chartula per succedentia tempora firma sit & vera, ego STEPHANUS Episcopus libentissimo animo scribere vel firmare rogavi, & nobilium viro-
rum manibus firmare rogavi. Si autem hoc evenerit, quod minimè credo, ut aliquis ex filiis Belial surrexerit, qui contra hanc reditionem Dei omnipotentis, & donationem beati Juliani Martyris ausu temerario, de potestate Dei & tuitione beati Juliani in suos usus retorquere voluerit, & tam fortis persona fuerit ut nullus ei resistere valeat, omnis ei præsumptio in vacuum frustret, & insuper ad parentes meos per successiones illorum revertantur hæc res suprascriptæ.

Signum STEPHANI Episcopi, signum ROTBERTI genitoris domini Episcopi, qui hoc concessit, & manu propria firmavit: signum ALDEGARDI, signum EUSTORGII avunculi Domini Episcopi: signum ROTBERTI: signum EUSTORGII, signum DESIDERII, signum ARMANDI: Data cessione ista IX. Id. Octobris
apud

apud Lithiniacum vicum, anno x. regnante LUDWICO Rege Francorum, Aquitaniâque regente.

FUNDATIO ECCLESIAE

Liziniacensis pro XII. Canonicis ab

Stephano Arvernensi Episcopo.

Ex majore
Chartula-
rio Briva-
tensi à D.
d'Hevenvel
commodato.

IV. **I**N nomine sanctæ & individuae Trinitatis, AN. CHR. 962.
STEPHANUS divina annuente gratia Præsul
eximius Arvernensis Cathedralis, vita & moribus præ-
clarus, considerans casum fragilitatis humanæ, ut
pius & misericors Dominus immanitatem criminum
meorum misericorditer minuere dignetur in præsentis
sæculo, & vitam æternam tribuere in futuro, seu
etiam pro seniori meo CLOTARIO * Rege, & anima * Iste Clo-
genitoris ejus CLUDOVICI Regis, & pro animabus tarius, Clu-
genitorum meorum ROTBERTI & ALGARDIS, & d'vici Regis
novercæ meæ HILDEGARDIS & avunculis meis filius, est
AUSTORGIO videlicet MATFREDO, ac UUIDONE & Iotharius
STEPHANO consobrino meo, necnon & fratribus meis Ludovici
AUSTORGIO & ROTBERTO, avunculo quoque Transmari-
quoque meo ARMANNO & filio ejus AMBLARDO, ni filius.
sive AUSTORGIO avunculo meo & filiis ipsius Aus-
TORGIO & Vellelmo, ac scilicet ROTBERTO Abbate,
genitoribusque & fratribus suis, cunctisque propin-
quis & parentibus nostris, amicis quoque & inimicis,
atque fidelibus nostris, omnibusque fidelibus Chri-
stianis vivis atque defunctis. Reddo Creatori, om-
nium Domino, Regique Regum & Domino domi-
nantium, necnon & cedo gloriosissimo Martyri Ju-
liano, & sacrosanctæ Dei Ecclesiæ Brivateni vico
fundatæ honorabiliter quiescenti, aliquid ex meis
rebus, quæ mihi jure propinquitatis legitimo ordine
successerunt, hoc est vicus qui vocatur nomine pro-
prio *Liziniacus*, cum Ecclesiis in eodem vallato sive
vico dicatis in honore sanctorum Johannis Baptistæ,
sanctique Germani Antistitis & Confessoris, seu &
Tom. XI. Oo

sancti Martyris Clementis atque Pontificis, cum omnibus decimis & donariis, sive oblationibus ibidem collatis, cum vineis & campis, simulque & pratis, cunctisque rebus ad eundem locum pertinentibus, vel quantumcumque ibidem nunc possideo ac dominari videor, aut in posterum ego STEPHANUS Præsul & ROTBERTUS Abbas ad eundem locum adcrefcere vel acquirere justè potuerimus, cum omni sua integritate omnipotenti Domino reddo, ut sub tuitione ac potestate sanctissimi Martyris Juliani & Canonico- rum ibidem Christo militantium, sit omni tempore, ita dumtaxat, ut à die præfenti & deinceps Canonici prædicti Martyris Juliani omnibus donariis & sepul- turis, sive de fructibus per omnia medietatem acci- piant, eo tenore, ut post fructum collectum & à Domi- no perceptum in eodem prædicto loco Liziniaco, in honore Domini nostri & sanctæ Dei genitricis MA- RIÆ, & sancti Archangeli Michaelis, & sancti Petri Apostoli, omniumque Apostolorum, & sancti Mar- tyris Juliani, sanctique Præfulis Germani, omnium- que sanctorum, duodecim constituentur Canonici cum nostro pari consensu Domino jugiter militandi, ipsi quoque ex prædicta medietate Canonici victum accipiant cotidianum; ex hoc quod exinde supererit in communi victu seu usu Canonico- rum Brivatenfium sit sine ulla controversia: post meum igitur ac ROT- BERTI Abbatis sive Præpositi ex hoc sæculo disces- sum, reliqua medietas ex supradicto loco, quam nunc & in diebus vitæ nostræ in usus nostros tenere vide- mur, sicuti superius scriptum est, in communi jussio- ne Canonico- rum seu potestate inclyti Martyris Julia- ni Brivatenfis vici, absque ullo contradicente.

Sanè si quis ullâ aliquando superbiâ, quod minimè fore creditur, ullo umquam tempore surrexerit, sive Rex, aut Comes, sive Episcopus vel Abbas, sive aliquis Præpotens, nobilis aut ignobilis, omnis sexus utriusque ordinis, qui contra hæc statuta à nobis facta, sive adversus Canonicos prædicti Martyris

propter hanc cessionem aliquam calumniam inferre aut excitare voluerit, nisi resipuerit, & ad satisfactionem venerit, iram Dei omnipotentis incurrat, & Sanctorum omnium intercessionibus careat, & quando vixerit in hac vita de malo in pejus semper attenuetur, & petitio ipsius nullum habeat effectum; sed insuper auri puri libras C. coactus persolvat, & postquam indignam vitam digna morte finierit, cum superbo divite & cum Juda proditore Domini, ac cum Datan & Abiron in inferno particeps in omnibus poenis efficiatur.

Placuit itaque mihi STEPHANO Pontifici, ut quando ROTBERTUS Abbas & Præpositus supervixerit, pro Dei amore & remedio animæ meæ omniumque fidelium Christianorum prædictum locum regat, ædificet & gubernet, & postquam ex hac vita migraverit, jam dictus locus nullum habeat Rectorem aut Dominatorem nisi Dominum Deum omnipotentem, & sanctum Julianum Martyrem, omniumque Sanctorum merita & intercessionem, atque Canonicos prædictæ Ecclesiæ Brivatenfis, ut sicuti superius prædictum est, Præpositus ac Decanus, omnesque Canonici antedicti communi consilio & dominatione prædictum locum Liziniacum in honore Domini nostri JESU CHRISTI, & omnium Sanctorum teneant ac prævideant, ut unâ cum eis ad æternam vitam pervenire valeamus.

Hæc autem cessio ut per succedentia tempora firmiorem obtineat vigorem, ego STEPHANUS Episcopus manu propria subter eam signavi, & ut aliorum nobilium virorum manibus roboretur rogare studui. Signum * hoc quod exaratum est manu propria firmavit & designavit. Rotbertus Abbas ac Præpositus quod ratum est consensit. Signum ROTBERTI Vice-Comitis: Signum Austorgij fratris sui, qui pariter consensit: Signum AMBLARDI: S. VILLELMI S. ARBERTI: S. Austorgij: S. AMBLARDI. Acta sunt autem hæc anno DCCCC. LXII. Nativitatis Do-

* *Supple*
Stephanus.

Oo ij

minicæ, indictione V. Mense Febr. die Sabbato, sub Imperio Clotharij clarissimi Regis Francigeni seu Aquitanigeni.

Ex Chartu-
lario Briva-
tensi à D.
d'Herouval
commodato.

PONCIUS GABALITANENSIS
& Forensis Comes fundat Ecclesiam
Canonicorum Colidensium.

AN. CHR.
1010.

Istius char-
ta frag-
mentum in
servit Chri-
stopho. In-
stel in suis
probat. ad
hist. Comi-
tum Arne-
nia.

V. IN nomine sanctæ & individue Trinitatis PON-
 CIUS divina annuente gratia Comes eximius
 Gabalitanensis telluris, necne Forensis patriæ, vita
 & moribus præclarus, ingenio excellentissimus, confi-
 derans casum fragilitatis humanæ, ut pius & miseri-
 cors Dominus immanitatem criminum meorum mi-
 sericorditer minuere dignetur in præsentī sæculo, &
 vitam æternam tribuere in futuro, seu etiam pro ani-
 mabus genitorum meorum STEPHANI & ALAIZ &
 uxoris meæ THEOTBERGANÆ, & filiis meis STE-
 PHANO & PONCIO, vel fratribus meis BERTRANDO
 & Vilelmo, & nepotibus ROTBERTO atque VILLEL-
 MO, cunctisque propinquis & parentibus nostris,
 amicis quoque & inimicis, vel fidelibus nostris, om-
 nibusque fidelibus Christianis vivis atque ab hac luce
 subtractis; Reddo Creatori omnium Domino Regi
 Regum & Domino dominantium, necnon & cedo
 gloriosissimo Martyri Juliano in sacrosancta Dei Ec-
 clesia Brivatensi honorabiliter quiescenti, aliquid ex
 meis rebus, quæ mihi jure propinquitatis legitimo
 ordine successerunt, hoc est Ecclesiam quæ vocatur
 proprio nomine *Langat* cum omni decima, vel ap-
 pendiciis suis: in Comitatu Gabalitanense aliam Ec-
 clesiam, quæ nominatur Favairolas * cum omni in-
 tegritate, vel quantum ad ipsum aspicit vel aspicere
 videtur, cum omnibus decimis & donariis, sive obla-
 tionibus, vel sepulturis ibidem conferentibus, cum
 campis simulque & pratis, cunctisque rebus ad eam-
 dem Ecclesiam pertinentibus, & in Vicaria Brivatense

* Vulgò
Favairolles.

non longè ad locum prælibati Martyris villam, quæ nominatur *Colide**, cum omni sua integritate, cum campis & pratis, cunctisque adjacentiis ad ipsam respicientibus, omnipotenti Deo reddo sanctoque Juliano, ut à die præsentis & deinceps omnes res superscriptas sub tuitione ac potestate sanctissimi Martyris Juliani, & Canonorum ibidem Christo militantium, sint omni tempore & in communi victu seu usu Canonorum Brivatensium sine ulla controversia.

* Vulgò
Colide.

Sanè si ulla aliquando persona, quod minimè fore creditur, ulloque tempore surrexerit, sive Rex, Comes, sive Episcopus, vel Abbas, seu aliquis Præpotens, nobilis aut ignobilis omnis sexus utriusque ordinis, qui contra hæc statuta à nobis facta, sive adversus Canonicos prædicti Martyris propter hanc cessionem aliquam calumniam inferre aut excitare voluerit, nisi resipuerit, & ad satisfactionem venerit, iram Dei omnipotentis incurrat, & Sanctorum omnium intercessionibus careat, & quamdiu advixerit, in hac vita de malo in pejus jugiter attenuetur, & petitio ipsius nullum habeat effectum; sed insuper auri optimi libras C. coactus exsolvat: & postquam indignam vitam digna morte finierit, cum superbo divite & cum Juda proditore Domini, & cum Datan & Abiron, & cum eis qui dixerunt Domino nostro JESU CHRISTO, *Recede à nobis*, in inferno particeps in omnibus poenis efficiatur. Insuper etiam si ullus Præpositus, vel Abbas aut Decanus, aut qualiscunque homo de stipendio Canonorum beati Martyris Juliani aliquo ingenio voluerit abstrahere, cum supra dictis nequissimis valeat in infernum teterrimum particeps esse.

Hoc quod exaratum est manu propria firmavit & designavit THEOTBERGA Comitissa pro anima Senioris sui Poncij Comititis, & pro animabus filiorum suorum; STEPHANUS Vice-Comes quod ratum est consensit; Signum ROTBERTI Vice-Comitis

O o iij

294 *Miscellanea Epistolarum.*

S. W. fratris sui, S. *Amblard*, S. W. S. GIRALDO
Præpositi S. Beraldo Præpositi. Acta sunt autem hæc
anno jam pene finito x. post millesimo, indictione
ix. Epacta xiv. mense Februarij, FERIA II. Luna xx.
sub Imperio ROTBERTI Clarissimi Regis Francigeni
five Aquitaniani.

DONATIO ECCLESIAE
S. Machuti facta Majori-Monasterio à
ROTBERTO de Sabulio & uxore ejus
HADULSA.

AN. CHR.
1067.

VI. **N**OTUM esse omnibus volumus, quòd ego
ROTBERTUS de Sabulio & uxor mea
HADULSA dedimus S. Martino Majoris-Monasterij
& Monachis ejus Ecclesiam S. Machuti, cum ceteris
omnibus Ecclesiis ejusdem castri pertinentibus ad
prædictam Ecclesiam Canonicalem, ita ut quando
aliquis de Canonicis morietur, aut Monachus fiet,
veniant paulatim præbendæ eorum in potestate Mo-
nachorum, donec ablatis illis quatuor Canonicis,
quatuor pro eis Monachos Abbas Majoris-Monaste-
rij ibidem constituat. Dedimus quoque supradictis
Monachis unam mediaturam terræ cum pratis quæ
ad illam pertinent, & exemplationes boscj de Boëria
quæ erant meæ propriæ. Dedimus etiam illis terram
ad burgum faciendum solutam & quietam sine ullis
consuetudinibus, præter has quas hic memoramus.

In die mercati mei quamcumque rem vendiderit
homo Monachorum sive in burgo illorum, sive in meo
mercato, præter panem & vinum & carnem mor-
tuam, dabit mihi inde teloneum. De pane autem vel
de vino, vel carne mortua si vendiderit ea domi suæ,
nihil habeo. Si mercator cursorius fecerit venditio-
nem aut emptionem in burgo Monachorum cum ho-
mine illorum, habebò ego teloneum de mercatore:
illi verò de homine suo nisi in die mercati. Sed si ille

mercator fecerit mihi aliquam injuriam vel de ipso teloneo, vel de quacumque re, non tamen repetam eum in burgo eorum, nec faciam ei quidquam molestiæ dum in eo manebit. Similiter si homo Monachorum fecerit qualecumque forisfactum cuilibet homini, faciet homo ille clamorem inde ad Præpositum Monachorum, qui si noluerit inde rectum facere, veniet ille ad Monachum, per quem si non potuerit rectum consequi, referetur causa ad me. Quod si nec ego potuero impetrare à Monacho vel de homine suo ut rectum faciat: non tamen faciam ullam vim consistenti in burgo Monachorum aut in aliqua re illorum. Extra autem si invenero injuriosum, compellam eum stare ad justitiam. Si verò aliquis homo qui non sit mercator cursorius vendiderit aliquid aut emerit in burgo Monachorum aliis diebus præter diem mercati, dabit illis teloneum, non mihi.

Dedimus quoque supradictis Monachis in Lofdunensi Ecclesiam de Anglario, & omnia quæ ego propria habebam pertinentia ad illam Ecclesiam, & quod alius habet in ipsa Ecclesia, si aliquo modo vel dono vel pretio potuerint adquirere, concedimus nos & filij nostri.

Dedimus etiam illis sex arpennos vineæ sitos in Lofdunensi & decimum denarium, & decimum porcum pascuagij de Brionensi: & præter hæc pascionem ad quingentos porcos in perpetuum.

Hanc eleemosynam fecimus ego & uxor mea pro animabus nostris, & pro anima Comitum GAUFREDI, & pro animabus parentum nostrorum & filiorum nostrorum ac filiarum, & pro anima GAUFFRIDI fratris meorum HADVISÆ uxoris meæ, & pro animabus fratrum HAINRICI & Guidonis. Et ut hæc eleemosyna pro qua perpetuam quærimus mercedem, ipsa quoque perpetua & inviolabilis permaneret, fecimus eam confirmari auctoritate PHILIPPI Regis Francorum, dum esset Rex in obsidione castelli Calvimontis, & BALDUINI cognati ipsius Regis filij Balduini Comitum

296 *Miscellanea Epistolarum.*

Flandriæ & Comitis Gaufridi, de cujus casamento erat, & uxoris ejus nomine JULITTÆ, & fratris ejus FULCONIS, tum etiam BARTHOLOMÆI Turonensis Archiepiscopi, in cujus erat Archiepiscopatu & ad quem singulariter cura tunc pertinebat Cenomanensis Episcopatus, in quo post WLGRIUM Episcopum nondum erat alius substitutus. Affuerunt huic auctoramento Regali, Principali & Pontificali GAUFFRIDUS Episcopus Parisiacensis, ADHERICUS Episcopus Aurelianensis, IVO Episcopus Sagiensis; BALDRICUS Equilibrator Regis, INGENULFUS Magister Pincerna, RADUFFUS Dapifer, Walerannus-Camerarius, FULCO filius Gervisi, & GERVISIUS frater ejus, ROTBERTUS Bifardus. PETRUS Cancellarius subscripsit, EUSTACHIUS firmavit Cappellanus, GAUFFREDUS Capellanus similiter firmavit. Signum GAUFREDI Comitis Andegavensis. Signum BALDUINI Comitis Flandriæ.

Signum PHILIPPI gloriosissimi Regis.

Data VII. Iduum Augustarum anno IX. PHILIPPI gloriosissimi Regis. Actum apud castellum Calvimontis in Dei nomine feliciter. EUSTACHIUS Notarius ad vicem BALDUINI recognovit Indictione v. anno ab Incarnatione Domini M. LXVII.

*GERVASIUS DAT MONACHIS
Majoris-monasterij Ecclesiam S. Guingaloei, amotis Canonicis.*

Circ. ann.
1070.

VII. **A**D sananda variorum vulnera peccatorum, quæ cum mortalibus universis, tum maxime surrepunt occupatis sæculi negotiis; congruentem bonitas Divina providit eleemosynarum medicinam, ut quæ curis terrenorum damna accidunt cœlestium, compensentur terrenarum largitate facultatum,

tatum; & unde præcessit obligatio, sequatur absolutio. Bonum autem eleemosynæ non tantum abolet mala, verum etiam adauget merita bona, & quod datur in abolitionem delictorum, provehit incrementa virtutum: Sicque studiosus misericordiæ duplum in sua lucrum convectat anima, dum & poenas vitiis debitas redimit, & præmia virtutibus proposita conquirat.

Hac consideratione permotus ego GERVASIUS homo militiæ sæculari deditus, curam gerens de salute animæ meæ, & perpendens me jejuniis & orationibus meis ad Deum pervenire non posse, cogitavi aliquo modo me illis commendare qui Deo in talibus die ac nocte deservirent, ut eorum intercessionibus, quia per me non poteram, salutem illam mererer invenire. Cum igitur aliquid hujusmodi hominibus ad subsidium vitæ presentis istius rei gratiâ vellem impendere, nec mihi de rebus meis suppeteret quod eis dignè possem offerre, subiit spes de misericordia Dei, quod si ea quæ à majoribus meis Deo ad usum servorum ejus collata fuerant, sed modò deserta sunt & vastata, in pristinum statum revocare possem; & peccatorum meorum consequerer veniam, & animæ meæ salutem perpetuam.

Est ergo in pago Cenomanensi in Castello-Ledi Ecclesia in honorem sancti GUINGUALOEI constructa, cui multa majores mei contulerunt ad usum Deo inibi servientium, ad quod Dei servitium Canonicos constituerunt: orto autem bello inter Comitem GAUSFREDUM & dominum illius Castelli, cum idem Comes cuncta per circuitum castelli ferro & flamma disperderet, res quoque hujus quam dicimus Ecclesiæ ipsas rapere ac vastare sicut & cetera minimè formidavit, ita ut plerique de Canonicis inopia coacti diffugerent, & Ecclesiam cui deserviebant desererent. Ex eo jam tempore & Divinum Officium cœpit negligentius in ipsa Ecclesia celebrari, & res ejus quotidie decidere & in deterius devenire. Quod ego confide-

rans, & maximè dolens non ea qua dignum erat honestate ac reverentia famulatum Deo in sæpedita Ecclesia exhiberi, coepi mecum anxius pertractare si fortè possem invenire tales homines, qui & honestè divinum cultum in ipsa Ecclesia frequentarent, & res ad eam pertinentes jam pene annullatas in pristinum vigorem repararent, quorum etiam suffulti orationibus ego scilicet GERVASIUS, & pater meus ROTBERTUS, & mater mea ELISABETH, & uxor mea AREMBURGIS, necnon & avus meus AMELINUS & avia mea HILDEBURGIS, & GERVASIUS Remorum Archiepiscopus, qui locum illum fundaverunt, peccatorum veniam à Domino consequamur & salutem.

Itaque adhibito Procerum meorum & amicorum, necnon & Episcopi Cenomanensis domini ERNALDI consilio, rogavi venire ad me dominum BARTHOLOMÆUM Majoris-Monasterij Abbatem, eumque multis precibus oravi, ut susciperet à me in dominium sancti Martini hanc de qua loquimur Ecclesiam cum omnibus ad eam pertinentibus, constitueretque in ea Monachos, qui ibi die ac nocte divino cultui diligenter deservirent. Quod cum Deo donante apud illum obtinere meruissem, tradidi ei sæpeditam Ecclesiam cum omnibus sibi subjectis rebus, de quibus dotata usque tunc temporis erat, sicuti illius Canonici loci in die illa tenebant, & cetera cuncta quæ prius in sua habuit potestate, ex quibus per malorum tyrannidem despoliata erat; promittens quoque me ei vindicaturum, & sicut antea habuit in jus suum traditurum.

Omnia hæc concessi libera & quieta ab omni consuetudine exactionis vel vicariæ, seu ceterorum vectigalium, quemadmodum majores mei eidem Ecclesiæ legitimè contulerunt, ita ut eam sine ulla mea vel cujusquam successorum meorum contradictione Congregationi Majoris-monasterij suisque successoribus, cum Abbatibus qui eis pro tempore præerunt, liceat jure perpetuo possidere. Et quidquid inde agendum

decreverint, liberam potestatem habeant faciendi, ordinandi, & qualitercumque eis placuerit, meliusque visum fuerit disponendi, tam presentibus quam futuris temporibus, & in arbitrio supradicti Abbatis, & eorum qui ei successuri sunt, qui Abbates Majoris-monasterij fuerint, pendeat de numero & quantitate illorum Fratrum, qui ad praedictum locum sunt transmittendi.

Hanc autem donationem feci consensu & auctoritate matris meae, omniumque fratrum meorum, & Canonorum ipsius loci omnium. Quia ut stabilis & inconvulsa in perpetuum existeret, nec deinceps sibi ab aliquo calumniam inferri pertimesceret, ego GERVASIUS IV. millia solidorum, mater mea ELISABETH c. solidos, ADAM X. libras, ROTBERTUS X. libras, Gervasius Clericus c. solidos, urfus Canonicus XL. solidos Haimo Canonic. xxx. Ranulfus Canonic. XL. sol. Odricus Canon. xxx. sol. Guido Canon. XL. sol. Fulcodius Canonic. XL. sol. Galterius Canonic. xx. sol. Herbertus Canonic. XL. sol. Jeduinus Canonic. XL. sol. Witermus Canonic. xv. sol. Guarnerius Canonic. xx. sol. Hoc autem notum sit omnibus quod de denariis domini Gervasij, quos ei dedimus, suos Canonici denarios acceperunt.

Nomina Monachorum qui locum receperunt, BARTHOLOMÆUS Abbas, Fulchardus Monachus, Gualterius Mo. Ernaldus Mo. Adraldus Mo. Ansegisus Mo. Guillelmus Mo. Girulfus de Relliaco Clericus, Guarinus Clericus, Dofelinus Clericus.

<i>Testes hujus rei:</i>	Guillelmus de Mangiaco.
Hilduinus Drudis.	Bencelinus Senescalcus.
Drogo de Semuro.	Guarinus filius Ainerij.
Suavis Calvus.	Hugo de Flaciaco.
Hamelinus Espinard.	Girardus Camerarius.
Robertus de Acrisilva.	Rotbertus Picellus.
Gilduinus Miles.	Giraldus Cellarius.
Drogo de Curtiran.	Rodolphus Toetus.

Pp ij

Belinus de Marson.

Bencelinus Senescalcus.

Hubaldus Vicarius.

Hugo Frigidacoralia.

Testes de auctoramento.

Gualterius filius Arbur-

AREMBURGIS UXOR

gis.

GERVASII.

Guarnerius Camerarius.

*GVILLELMVS DVX AQVITANIÆ
fundat Monasterium S. Mariæ in subur-
bio Pictaviensi pro Cluniacensibus Cœno-
bitis.*

AN. CHR.
1076.

IN nomine Domini Dei & Salvatoris nostri Jesu-Christi, GUILLELMUS Dux Aquitanorum & Wasconum. Si erga loca divinis cultibus mancipata propter amorem Dei ejusque servos in eisdem sibi famulantes beneficia oportuna largimur, præmium nobis apud Dominum æternæ remunerationis rependi non diffidimus. Idcirco noverit omnium fidelium nostrorum, tam præsentium quàm futurorum sollertia, quia nos HUGONEM venerabilem Abbatem ex Monasterio sanctorum Apostolorum Petri & Pauli Cluniacensi, ubi eorum memoria dignè recolitur, unà cum congregatione ibidem Deo famulante, necnon successoribus eorum, concedo Monasterium quod facio ædificare juxta civitatis sedem Pictavenſis cum propriis constructuris, quas ad præſens licitum mihi non est differere, sed Dei auxilio gubernante, futuro advenientis temporis spatio opportunè vel decenter concessurum me adfirmo. Et cum expleverim omnia, ita ut Abbas & Congregatio regulariter & honestè vivere possint, supradictus Abbas Hugo regulariter secundum præceptum Domini & S. Benedicti Abbatem ordinet cum Monachorum catervis, ob redemptionem animæ meæ, & parentum meorum, omniumque fidelium.

Quapropter volumus, & per hoc nostræ auctoritatis decrevimus præceptum atque jubemus, ut nullus

Judex publicus, vel quilibet ex judiciaria potestate in Ecclesias aut loca vel agros, seu aliquas possessiones memorati Monasterij, quas moderno tempore infra ditionem imperij nostri justè & rationabiliter possidet, vel quæque deinceps in jure ipsius Monasterij voluerit divina pietas augeri, ad causas audiendas, vel freda aut tributa exigenda, aut paratas faciendas, vel mansiones aut fidejussores tollendos, aut homines ejusdem Monasterij tam ingenuos quàm servos super terram ipsius commanentes distringendos, nec ullas redhibitiones, aut illicitas occasiones requirendas, nostris & futuris temporibus ingredi audeat, vel ea quæ supra commemorata sunt penitus exigere præsumat, sed liceat memorato Abbati suisque successoribus res prædicti Monasterij sub immunitatis nostræ defensione quieto ordine possidere, & quidquid exinde fiscus sperare poterat, totum nos pro æterna remuneratione præfato Monasterio concedimus, ut in alimonia pauperum & stipendia Monachorum ibidem Deo famulantium proficiat perennis in augmentis.

Hæc verò immunitatis nostræ auctoritas, ut per diuturna tempora inviolabilem atque inconvulsam obtineat firmitatem, & ut à fidelibus sanctæ Dei Ecclesiæ & nostris veriùs certiùsque credatur, & diligentius conservetur, manu propria firmavimus, anno MLXXVI. præsidente Domno Gregorio Romanæ sedis Papa, regnante Philippo Rege Francorum.

PHILIPPUS TRECENSIS
Episcopus instituit Canonicos Regg. S.
Quintini Belvacensis in Ecclesia S. Georgij.

IX. **P**HILIPPUS Dei gratiâ Trecentis Episcopus præsentibus & posteris salutem. Quoniam apud nos Ecclesia Beati Georgij apta erat divino ser-

A. N. CHR.
1085.
circa.

Pp iij

vitio, placuit Fratribus sancti Petri ponere in ea Regulares Canonicos, quatenus & Deo devotius servirent, & alios exemplo bonæ conversationis incitarent. Illis ergo attendentibus diversas congregationes istius Ordinis, refulsit Ecclesia beati Quintini Belvacensis, ex cujus veneranda Religione locus sancti Georgij posset illustrari. Domno itaque Yvone Abbate Trecis in Capitulo beati Petri residente, hæc ratio approbata est ex utraque parte, ut Fratres sancti Georgij à sancto Petro sua teneant, à Beato autem Quintino Regulam; in qua quidem si offenderint, illius sit Ecclesiæ aut aliquid in eis corrigere, aut aliquem ex eis transmutare: si autem aliquis aliquod terrenum adversus eos proclamaverit, ad justitiam veniant in manu Petri eos undique patrocinantis. Verumtamen si fortè evenerit eam Ecclesiam ad aliam transire Regulam, ista illi nullam ex tunc habeat subjectionem.

Huic autem conventioni interfuerunt Fratres JOHANNES Decanus, GOISBERTUS Archidiaconus, GUIDO Archidiaconus, THEODERICUS Archidiaconus, ARNULFUS Cantor, HUBERTUS Sacerdos, BERLANDUS Sacerdos, BERCHARDUS Sacerdos, PETRUS Levita, CONSTANTIUS Levita, GIRARDUS Levita, HILDRADUS Levita, FRODMUNDUS Subdiaconus, ODO Subdiaconus, HILDUINUS Subdiaconus, HUGO Subdiaconus, ANSELLUS Subdiaconus: JOSCELINUS Cancellarius manu propria scripsit.

PHILIPPUS TRECENSIS
*Episcopus Canonicis Regularibus confert
 præbendam in Ecclesia Cathedrali, & Ec-
 clesiam S. MARIE.*

AN. CHR.
 1070.

X. **P**HILIPPUS Dei gratiâ Ecclesiæ Tricassinorum Episcopus totius Ecclesiæ filiis regula-

riter viventibus & victuris futuræ perfrui gloria beatitudinis. Est, Fratres charissimi, inæstimabilis meriti nos ea quæ Dei sunt construere, quia nimirum immensi est periculi ea nos, quod ablit, destruere. Habet etiam se ad utrumque justitia ut bene agentibus reddantur præmia, malè autem operantibus debita supplicia. Operemur bonum ergo ad omnes, maximè autem ad eum qui omnium Dominus est, quatenus ad utrumque fervens dilectio ei, qui facit utraque unum, copulet nos charitatis obsequio. Et quoniam Redemptor redemptionis nostræ pretium non aliud misericorditer dedit quàm semetipsum, à nobis quidem est ei reddendum non aliud magis quàm nos ipsos ad tantæ pietatis commercium, quatenus redempti pretioso sanguine, ipsi pretiosa Redemptio mereamur per ipsum divinæ Majestati assistere. Verumtamen quia nimium nos premit mortalis infirmitas, perfectos etiam terrena habitatio multum adgravat, curandum est unicuique summo-pere pro viribus sanctorum patrocinia conquirere, ut qui diffidimus ex nostro merito, ad spem misericordiæ sublevemur eorum interveniente auxilio.

Quapropter ego PHILIPPUS Dei omnipotentis, cujus nutu sum Trecensis Episcopus, horrendo iudicio vehementer perterritus, duxi maximè mihi necessarium in cælesti palatio procurare patronum, illum scilicet Martyrem Martyrum, Beatum inquam Georgium. Ejus itaque cuidam Ecclesiæ, quam pluribus miraculis Dominus ad laudem gloriosi Martyris dignatus est sublimare, ego quidem ad ejus promerendam gratiam, & ad ejusdem loci Fratrum utilitatem, in Ecclesia Sancti Petri concedo præbendam integram atque perpetuam, ut sicut filia allactatur à matre, sic Ecclesia illa consoletur ab uberibus consolationis nostræ.

Et quoniam quæ ab Episcopo fiunt in Ecclesia, assensu Clericorum stabilienda sunt, ne fortè perversa posteritas aliquid contra hoc malignetur in posterum,

auctoritate sigilli nostri, sigilli etiam Capituli B. Petri, collaudantibus quod feceram communi favore Canonici, confirmo & corroboro. Servitium autem hujus præbendæ ita reddetur; ut ipsi apud nos septimanam suam faciant, vel fieri faciant ab aliquo Sacerdote ex parte nostra. Confirmo etiam eis nominatim Ecclesiam Beatæ MARIÆ de Druto, & ut quæcumque seu ab antecessoribus meis, sive ab aliis benefactoribus suis, vel in futurum justè & canonicè possessuri sint, firma & illibata eis permaneant. Super adversarios autem hujus privilegij immitto anathema nostri officij, anathema, inquam, maranata, quod non dissolvetur per infinita sæcula.

Actum est hoc anno MLXXX. indictione XIV. regnante Rege Francorum PHILIPPO, & me Philippo Trecenti Episcopo, IV. Nonas Martij residente in Capitulo B. Petri. Nomina Fratrum qui adfuerunt & laudaverunt hæc, sunt NORMANNUS Præpositus, GOISBERTUS Archidiaconus, PETRUS Archidiaconus, GUIDO Archidiaconus, JOSCELINUS Archidiaconus, HUGO Archidiaconus, Johannes Presbyter atque Camerarius, BERLANNUS Presbyter atque Decanus, BOCHARDUS Presbyter, HUBERTUS Presbyter, ODO Cantor, CONSTANTINUS Diaconus, PETRUS Diaconus, RAINERUS Diaconus, HILDUINUS Diaconus, GIRARDUS Diaconus.

*Communi-
cavit Illu-
stris. Iohan.
Robertus
D. de Rebe-
que.*

DIPLOMA FUNDATIONIS

*Abbatie Hamensis Ordinis sancti Bene-
dicti, vulgò Ham in Artesia inter Lil-
lerium & Ariam, ab INGELRANO nobili
viro facta, & à ROBERTO Flandrensi
Comite confirmata.*

AN. CHR.
1093.

XI. **I**N nomine sanctæ & individue Trinitatis Pa-
tris & Filij & Spiritus sancti, amen. Ego
ROBERTUS

ROBERTUS Dei gratiâ Flandriæ Comes universis Christi fidelibus tam futuris quàm præsentibus notum fieri volo, quòd nobilis vir INGELRANUS homo meus terrenus, castri Lilleriensis dominus, & nobilis uxor ejus EMMA, de consilio, licentia, assensu & voluntate mea propria Cœnobium Monachorum construxerunt & ædificaverunt Ordini Monastico congruum, in loco qui vocatur *Ham*, & Abbatem in eo ordinari fecerunt, & omnem terram totius territorij dicti loci cultam & incultam, aquas & aquarum piscationem, prata, marefium, nemus, paludes & palustria, census, redditus, justitias, relevationes, & omnia quæ ad præfatam Hamensis villæ possessionem pertinebant in perpetuam eleemosynam integerrimè contulerunt & dederunt, quatenus Ordo Monasticus sub Abbate Deo militans ibidem perpetuò vigeat, atque pro sua salute & mea, & pro prædecessoribus successoribusque suis & meis Deum incessanter studeant exorare.

Concedentes prædictis Abbati & Monachis, ut homines Hamensis villæ & famuli ipsius Ecclesiæ de omnibus, quæ ad victum vel vestitum suum emerint in Lillerio, teloneum non persolvant. Statuentes etiam ut homines Abbaris & Monachorum nusquam vadant molere nisi ad molendina Ecclesiæ, & à nullo cogantur ire ad alia molendina. Dederunt & concesserunt similiter liberam potestatem, ut si qui hominum suorum Domino largiente aliquid de suis possessionibus prædictæ Ecclesiæ in eleemosynam conferre voluerint, absque omni reclamazione vel contradictione, aut impeditioe ipsius Ingelrani aut suorum successorum liberè id facere poterunt.

Præterea ad sustentationem Abbatis & Monachorum qui ibidem Deo servierint, ut & habeant unde hospitalitatis & charitatis suæ necessaria subministrent, dederunt & quamdam villam, quæ vulgò dicitur *Mankavilla*, cum omnibus appendiciis & dominatu atque justitia. Dederunt etiam terram quæ

Tom. XI.

Qq

dicitur *Del Tailletto*, & quidquid habebant in villa de Hanclines in terris, filvis, in aquis, & molendinis, in piscationibus, & pratis, in censu, & redditibus, in iustitiis, relevationibus, & in omnibus omnino rebus, tali modo quòd omnia quæ prænotata sunt per legem & documentum hominum meorum tam dictus INGELRANUS quàm nobilis EMMA uxor ejus, & SARRA eorum filia & heres legitimus ad opus dicti Monasterij & Monachorum ibidem Deo famulantium in manu mea vuerpiverunt, & à se penitus abdicarunt.

Et ego prædictas possessiones, & omne dominium, libertatem, & omnem prorsus iustitiam, & quidquid etiam juris habebam vel habere poteram in prædictis quoquomodo, Abbati & Monachis dicti loci ad opus dicti Monasterij dedi, tradidi & deliberavi perpetuò possidenda. Ut autem idem locus & possessiones dicti Monasterij quæ nunc habent, & quæ in futuro, Domino largiente, possidebunt & habebunt in meo Comitatu quoquomodo, in pace penitus, quiete & summa libertate semper permaneant; ipsius Ingelrani prece concessi pro salute animæ meæ & prædecessorum successorumque meorum, ut omnis præfatæ Ecclesiæ possessor præsens & futurus liber ab omni successorum suorum, ac meorum, videlicet Flandriæ Comitum, seu hominum nostrorum subjectione efficiatur, ut non sit de omnibus qui in ea de cetero quidquam reclamet, vel hominem capiat, vel bannum aut quamlibet rapinam vel saisinam aut captionem faciat, vel loca seu iustitiam dicti Monasterij quacumque ex causa violare, molestare aut conturbare præsumat. Si fortè quilibet famulorum vel hominum ad præfatam Ecclesiam appendentium, ubi ubi degentium, quolibet pro facto increpatus fuerit, nisi sit de homicidio, furto vel latrocinio ipso actu probabili & patente, nullo modo vel in foro vel alicubi iudicium five præiudicium patiatur; sed res in præsentia Abbatis delata & audita, erit hominum & Curiae Abbatis iudicio discutienda,

Insuper volo & statuo, ut nullus successorum meorum, Flandrensium videlicet Comitum, seu aliorum quorumcumque, exactionem, tailliam, expeditionem, equitationem aut servitium exercitus, seu manupationem super homines Ecclesiæ de cetero habeat; sed tantummodò Abbati & Ecclesiæ Hamensi in omnibus, & non aliis subiecti erunt. Homines etiam extranei undecumque advenerint si alicujus advocationis extiterint, quamdiu in terra Ecclesiæ commorati fuerint, præter censum capitalem in omnibus Abbati & Monachis subjacebunt. Si verò Milites vel homines qui possessiones suas tenent ubi ubi in meo Comitatu quoquomodo, de suis possessionibus aliquid in eleemosynam prædictæ Ecclesiæ conferre voluerint, absque omni reclamazione, vel contradictione, vel impeditioe liberè facere poterunt. In quibus & in omnibus quæ de cetero adquisierint quoquomodo, omne dominium, libertatem & omnem prorsus justitiam prædicti Abbas & Monachi ex mea perpetuò mera donatione possidebunt & habebunt.

Ut autem firmiùs & securiùs omnia quæ prædicta sunt in perpetuo maneant; & ne supradicta Hamensis Ecclesia & Monachi de suis personis, famulis, hominibus & temporalibus bonis jam quidem sibi datis, seu in futuro sibi dandis, aut acquirendis aliquando, detrimentum seu injuriam cujuslibet oppressione vel inquietudine patiantur; ad preces similiter & instantiam ipsius INGELRANI & nobilis EMMÆ uxoris ejus; & SARRÆ eorum filia & heredis prædictorum, advocationem & defensionem ipsius Ecclesiæ, personarum, famulorum, hominum & omnium rerum ad eandem Ecclesiam pertinentium in mea meorumque successorum Comitum videlicet Flandriæ tutela suscepi, quatenus eorum in omnibus advocati & prompti contra omnes defensores existamus, atque eorum beneficiis & orationibus participes simus. Et est sciendum quòd advocationem memoratam amore Dei sub hac delibera-

Qq ij

tione suscepi, ut nec mihi nec successoribus meis Comitibus videlicet Flandriæ eam cuique dare liceat, sed ipsi propriè eam sibi retineant. Ac ne aliquis ejusdem Ecclesiæ possessiones, dominium, justitiam aut libertatem invadere aut imminuere, usurpare quoquomodo sibi aut vindicare præsumat, solius amoris divini intuitu, pij in omnibus defensores & prompti contra omnes adjutores existant. Hujus ergo iure advocacionis prædicti Abbas & Monachi de Ham cum necesse habuerint ad nos liberè ingredientur, & querimonias suas fidenter exponant, & nos eos tamquam prompti & pij advocati & defensores, tam ipsos quàm eorum Ecclesiam, homines, familiam & res eorum defendere tenebimur & tenemur.

Ut autem nos successores & prædecessores nostri participes simus omnium eleemosynarum & spiritualium bonorum, quæ à modò in prædicta Hamensi Ecclesia fient, centum solidos publicæ Flandrensis monetæ eidem Ecclesiæ in eleemosynam contradidi, singulis annis apud sanctum Audomarum, in officio Simonis dispensatoris mei accipiendos quolibet anno, duobus terminis, videlicet quinquaginta solidos in Natali Domini, & quinquaginta solidos in Pascha.

Præmissa autem omnia sicut sunt prælibata concedo, statuo & confirmo, abdicans à me & meis successoribus potestatem reclamandi quidquid juris, justitiæ, domini, exactionis, libertatis, servitii seu etiam exercendi habueram in præmissis, decernens omnia dictæ Ecclesiæ ad præsens concessa, acquisita, aut etiam impofterum concedenda vel acquirenda, dictam Hamensem Ecclesiam cum omni prorsus justitia, dominio ac summa libertate, pace & quiete perpetuò possidendam. Advocacione verò memorata amore Dei, ac etiam pro mea meorumque prædecessorum, successorumque salute, penes me meosque successores, sicut superius est narratum, solummodò retenta.

Ut igitur hæc mei successores sciant, & ejusdem

Ecclesiæ jura perpetuò inviolata conservent, præsentem paginam inde conscriptam sigilli mei & testibus subscriptis roboravi. Acta sunt hæc apud opidum Broburgh anno Dominicæ Incarnationis M. XCIII. 1093.
 Testes ARNULFUS sancti Audomari Præpositus, MANASSES Comes Gifnensis, ROTBERTUS Advocatus Bethuniæ, BERNARDUS de Ballol, HUGO Albinensis, GUALTERUS Duacensis, HUGO Haveth, ROTBERTUS Pincerna, ONULFUS Dapifer Ariæ, JOHANNES Attrebat, WENEMARUS de Isel, ODECHIN, Elbodo Marefcal. Ipse INGELRAMNUS & homines ipsius, EUSTACHIUS Scofflez, JOHANNES Berhe, WALANDUS, HERMANNUS, SYERIUS, EURARDUS, ARDO, EBROINUS, ROTBERTUS Tervanniæ, HELGOTUS filius Alqueri, BERNARDUS filius Hileberti, CLARBARDUS Morel, EUSTACHIUS Bornine, WENEMERUS Stempels, TIRRICUS de Nivo, WARINUS Nidels.

CHARTA CONFRATERNITATIS
 inter Ecclesias S. Nicolai & S. Laudi in
 civitate Andegavensi sitas.

XII. CHARITAS si quidem præceptis Dei principatum probatur obtinere, sine cujus perfectione, ut Apostolus Paulus testatur, nihil Deo potest placere: nihil enim Martyrium, five sæculi contemptum, five elemosynarum largitionem sine charitatis officio proficere posse ostendit in epistola ad Corinthios dicens: *Si distribuero in cibos pauperum omnes facultates meas, & si tradidero corpus meum ita ut ardeam; charitatem autem non habeam, nihil mihi prodest.* Item ipse alibi: *Plenitudo legis est dilectio.* Unde ipsa veritas ad Discipulos loquens ait, *In hoc cognoscet omnes quia mei estis discipuli, si dilectionem adhibueritis ad invicem.* Et beatus Johannes Evangelista: *Hoc, inquit, mandatum habemus à Deo, ut si quis diligit Deum,*

circ. ann.
1095.

1. Cor. 13.

Rom. 13.

10.

10han 13.

35.

1. Iohan. 4.

21.

Qq iij

diligat & fratrem suum. Quod Monachi beati Nicolai Andegavensis pariterque Canonici sancti Laudi diligenter attendentes, cujusdam mutuae dilectionis foedus Spiritu sancto intimante unanimiter inierunt; & ne ullatenus cassari sive annullari posset, litterali memoriae illud, velut in sequentibus apparet, veraciter tradiderunt, & communis chirographi testimonio in perpetuum confirmarunt.

Proinde ab utraque parte stabilitum est, ut in hyemali festo beati Nicolai sive & aestivali, ad ejus Ecclesiam totus Conventus sancti Laudi cum ordinata processione servitio solemniter ire non moretur. Idemque honor vice versa à Conventu beati Nicolai Ecclesia sancti Laudi ejus festo, sive festo sancti Juliani, ac sanctae Crucis unoquoque anno affectuose compensetur. Abbas verò sive Prior, aut alius de Ecclesia Monachus in Ecclesia sancti Laudi: Decanus verò aut alius Canonicus in Ecclesia beati Nicolai Missam celebrare aut officium aliquod facere tenebitur, non solum his diebus, sed & aliis quibuscumque alter Conventus ab altero fuerit requisitus.

Nec reticendum, quòd si quilibet Canonicus vel Monachus praedictarum Ecclesiarum aliqua occasione justa vel injusta à sui Conventus communione depulsus fuerit, aut etiam injuriatus in aliquo, ad alterum Conventum refugium petiturus venerit, fraterno affectu ab ipsis statim recipietur, victum ibi canonicum ac vestitum, communionemque Capituli & Ecclesiae indeficienter habiturus, donec eorum interventu benignè reconcilietur.

Stabilitum est praeterea, quòd si quilibet eorum ingruentibus alicujus contumeliis sive calumniis, etiam gravaminibus rerum suarum inquietatus fuerit, fraternam ei consilii & auxilii compassionem invicem ostendent, juxta praeceptum Apostoli: *Alter alterius onera ferentes*, propiciique Salvatoris & Redemptoris nostri legem misericorditer adimplentes. Quod etiam in defensione rerum, proventuum ac pos-

Galat. 6. 2.

cessionum aut libertatum Conventuum observabitur, cum patrocinio consilio & præsentia Abbatis sancti Nicolai, Prioris, Cellerarij aut Obedientiarij in negotiis Conventus sancti Laudi observabitur. Et quod Ecclesiæ beati Nicolai à Decano, Priore ac Præposito sancti Laudi recompensabitur, & in hoc alter Conventus alteri tenebitur etiam propriis suis sumptibus, si evidens urget necessitas, in toto Andegavorum Consulatu.

Defunctis insuper Monachis aut Canonicis, idem per omnia nocte & die supremi muneris, scilicet exequiarum & processuum honor, quibus consueverant, & eleemosynarum suffragia, trigintæque continuis diebus ab utroque Conventu Missæ persolvantur, & eorum anniversaria in Martyrologiis suarum Ecclesiarum & Capitulorum memoriter annotata, in utraque Ecclesia eodem affectu parique devotione singulis annis recolentur.

Statutum est nihilominus inter eos, quòd si fortè cuilibet eorum duorum Conventuum à Canonico, vel Decano, vel Abbate, aut Monacho, ab aliquo sive à pluribus Concanonicis suis aut Monachis aliqua contumelia aut injuria illata fuerit, nullus inde clamor ad aliquem perferetur, sed ab altero Conventu quid sibi super hoc agendum sit priùs inquiretur, ut eorum interventu & consilio, si fieri potest, quidquid malè in eum sive in eos actum fuerit, digna satisfactione celeriter emendetur.

Dignum etiam memoratum est, quòd si qui Ecclesiæ Canonici sancti Laudi ante sui obitus diem nutu divino ad Religionis asylum confugerint, quæcumque si Canonici morerentur eleemosynarum orationumque, anniversariorum suffragia habituri erant, ab utriusque prædicti Conventus fraternitate inter religiosos mortui nihilominus recipiant.

Nec silendum est, quòd quicumque tam absentes quàm præsentes die præfatæ confederationis supra memoratarum Ecclesiarum Monachi aut Canonici

erant, prætaxata mutuae dilectionis beneficia qualibet occasione, sive etiam præbendarum suarum dimissione facta, post obitum nequaquam amittant.

Si verò alter Conventus contra hanc concordiam quoquomodo venire præsumpserit, nomine poenæ CCC. solidos alteri Conventui persolvat, nihilominus verò ad confederationem redire compelletur. Si verò sit Canonicus qui contra hæc venire præsumat, à præbenda sua ac fraternitatis beneficio spoliatur. Si verò sit Monachus, poenâ jejuniorum in pane & aqua multabitur, & hæc quousque Canonicus vel Monachus ab utroque Conventu reconcilietur: humiliter tamen petenti veniam non denegabitur.


Scient autem omnes quòd Fulco Andegavorum Comes præsentem confederationem feliciter commendavit, & propter hanc multa privilegia prædictis Ecclesiis ac libertates concessit. G. verò Meduanensis Andegavorum Episcopus hanc confraternitatem feliciter confirmavit. Nos verò Abbas sancti Nicolai, totusque ejusdem loci Conventus in ejusdem Festo & Capitulo unanimi voluntate istam fraternitatem fecimus in Capitulo generali præsentem jam dicto patrono nostro bono Fulcone Andegavorum Consule, cum G. prædicto Andegavorum Episcopo. Nos verò Guido Decanus sancti Laudi totumque ejusdem Capitulum in nostro generali Capitulo in festo beati Laudi huic Fraternitati consensimus: & uterque Conventus Ecclesiarum nostrarum prædictarum ad hanc observandam sub fide sanctæ Religionis nos & successores nostros astringere in perpetuum volumus. Ego verò Fulco Andegavorum Comes ob istam sanctam confederationem Canoniam Ecclesiæ beati Laudi Lamberto Abbati ejusque successoribus concessi, & de cetero Abbates & Monachi beati Nicolai Ecclesiæ sancti Laudi Canonici vocabuntur. Ita tamen quòd nisi in articulis supradictis Abbas aut Monachi ratione præbendæ Ecclesiæ sancti Laudi aliquid corporale exigere non valebunt. Canonici verò
beati

beati Laudi Fratres, ac participes bonorum Ecclesiæ sancti Nicolai, & etiam orationum, prout suprà scriptum, perpetuò vocabuntur.

Nec silendum est, quamdam discordiam inter dictos Conventus ante ea per multa tempora agitatam super decimis de Marec & de Lineriis, & super pasnagio illius boschi qui Connumalis seu Fulliosus * nuncupatur, à me Fulcone Comite eo modo diffinitum esse, videlicet quòd Monachi medietatem earum, Canonici verò alteram medietatem in perpetuum possideant: ita tamen quòd si Ecclesiæ ibidem construantur, Presbyteri in decimis tertiam partem habebunt. Ecclesiæ verò una vice à Conventu beati Nicolai conferri poterunt, & alia vice similiter à Conventu beati Laudi. De pasnagio verò supradicto cùm dicti Conventus in dicto nemore quartam partem habeant, & nemoris, & pasnagij, medietatem ipsorum quilibet Conventus possidebit. De decima verò villæ Laneriæ, de qua erat contentio similiter inter ipsos, prout in aliis, ordinavimus & in ipsa.

* le bois de
Fouillous.

Nos verò R O L O beatorum Cosinæ & Damiani Diaconus Cardinalis, tunc Apostolicæ sedis Legatus, ad rogatum dilecti filij Fulconis Andegavorum Comitis, ac dilectorum filiorum Abbatis & Conventus beati Nicolai, ac etiam Decani & Capituli beati Laudi, istam fraternitatem ac concordiam auctorisavimus & etiam confirmavimus, eo videlicet tenore ut quicumque in futurum hoc beneficium violaverit, monitione tamen trina præmissa, Canonice excommunicationis ac anathematis vinculo se noscat innodatum.



ADELA VIRMANDENSIS
Comitissa prabendam Ecclesie S. Quintini
confert Canonicis Regularibus Belvacensibus.

circ. anr.
1103.

XIII. **A**DELA memorabilis Virmanduorum Comitissa concessit Ecclesie S. Quintini Belvacensis prabendam, quam habebat in Ecclesia ejusdem sancti Quintini Virmandensis, pro anniversario conjugis sui HUGONIS, & sui ipsius, & filiorum suorum: videntibus & laudantibus eisdem filiis RADULFO *; presentibus ROBERTO Mischinno, ADAM Rabie, Odone Britone Militibus suis; Galone Præposito, RADULFO de Biarra Clericis, Odone Abbate, BRICIONE Canonico, ERNALDO.

* hic deest
nomen al-
terius filij.

al. * de Ar-
bricellis.

DONATIONES FACTÆ
ROBERTO de Arbricello * Fundatori
Monialium Fontis-Ebraldi.

AN. CHR.
1115.

XIV. **E**GO GUILLELMUS de Bironio, & ALPAYDIS uxor mea, filiis nostris concedentibus GUILLELMO & BERTRANDO, pro nostri nostrorumque salute immobiliter concedimus Deo & sanctæ Mariæ de Cadunio, dominoque Roberto de Arbrefello & servis Dei medietatem unius mansi in sylva quæ Cadunensis appellatur, & locum qui Vallis-Seguini nuncupatur. Concedimus etiam per totam sylvam pabulum omnium pecorum, & quidquid de prædicta sylva ejusdem loci ædificiis vel usui fuerit necessarium. Damus præterea locum qui Passa-Calderia vocatur, ubi stagnum cum molendinis, domus cum horto spatiosè construatur. Testibus Guillelmo Gauterij, Begone Decimato, Guidone de Salis,

Geraldo Priore sancti Aviti, Geraldo Guillelmi Canonico sancti Aviti.

Similiter Ebrardus & Brochardus de Madelano cum uxoribus suis medietatem unius mansi, eodem modo & in eodem loco quo Guillelmus de Birontio tribuit, irrevocabiler tribuerunt. Testibus Raymondo Bernardi de Calniaco, Oliverio fratre suo. Idem circa eundem locum Mainardus de Bainaco & uxor ejus Alpaydis, filia Poncij de Gordone, unum mansum dederunt & pabulum quorumlibet animalium, & insuper locum qui Fons de Bassa-Calderia dicitur, sicut Guillelmus de Birontio tribuerunt. Testibus Aymerico de Synaco, Reginaldo de Fagid, Hugone de Fagid Priore S. Cypriani, Guillelmo Eblonis. Hoc autem donum firmavit Guillelmus de Gordone, testibus Guillelmo Petragoricensi Episcopo, Mainardo de Bainaco.

Similiter Algerius de Moyfidano, concedente Anna uxore sua, & Arnaldus de Monteincenso, Almoyde uxore illius concedente, unum mansum dederunt: testibus Geraldo Capellano de Moyfidano, Geraldo de Carioso.

Sed quoniam præfata sylva Cadunensis inter prædictos Proceres est communis, nolimus occupare vel percalcare totum mansum quem dederat Mainardus, vel illum totum quem dederant Algerius de Moyfidano & Arnaldus de Monteincenso, non * f. * sed tantum medietates, donec Guillelmus de Birontio & Ebrardus atque Brochardus de Medelano, & eorum posterii tantum tribuant quantum isti. Harum autem medietatum percalationem jussu prædictorum Procerum nobis ostenderunt Guillelmus Gautu, Bego Vicarius, Bego de Cunaco, Bernardus de Gorgosono, Guillelmus Eblonis; Ugo de Fagis Prior S. Cypriani, & Guido de Salis.

Hæc autem prædicta dona concesserunt nobis hujus sylvæ Forestarij, unusquisque dando partem suam, sicut prædicti eorum dudum dederant Bego Vicarius,

R r ij

Bego de Cunaco, Bernardus de Podio-jactato, consensu uxoris suæ Berengarii filiæ : Testibus Guillelmo de Biontio, & Guillelmo Gauterii. Eodem modo ceteri Forestarii dederunt, Grimoardus Beronis, Raymundus Bernardi, Guillelmus Bernardi : testibus Gerardo de Limolio, Grimoardo de Argarno, Geraldo de Nemore. Bernardus Bero similiter dedit, testibus Rogerio de Miliaco, Helia de Salis. Idem Rogerius de Miliaco similiter dedit, concedente uxore sua matre Bernardi Beronis : testibus Helia de Clarentio S. Frontonis Canonico, Gaufrido de Landa. Hæc autem prædicta omnia concessit ac confirmavit Guillelmus Talerandi Consul Petragoricensis : testibus Rudello fratre suo, Stephano Iderii. Eadem dona concessit Aldebertus Comes Petragoricensis : testibus Helia Belino, Geraldo de Salis, Broleto.

Rudellus concessit similiter eodem die eisdem testibus quidquid in valle Seguini Algerius de Moyfidano, & Arnaldus de Monteincenso, eorumque uxores dederant, postea firmaverunt apud Moyfidanum coram domino Roberto. Dederunt etiam vallem quæ exit à valle Seguini usque ad Bassam-Calderiam, & quamdam partem terræ in eadem valle ad ædificandum aliud molendinum, & pratum : testibus Geraldo de Salis, Geraldo de Briva, Geraldo Jugerio. Hæc eadem dona concesserunt apud Gordonem Mainardus de Bainaco, & Guillelmus de Gordone in manu Reoildi Prioris de Salis : testibus Roberto de Albarupe, & Bosone, Aimardo de Malaterra, Pontio de Tolnio. Item eadem dona concessit Alpaydis conjux Meinardi de Bainaco : testibus Petro Capellano, & eodem Mainardo & Everardo fratre ejus & Arnaldo Gaufridi. Stephanus Lamberti dedit quidquid habebat in Bassa-Calderia : testibus Guillelmo de Biontio, Gauterio de Poido, Petro Capellano de Molleanis, Gerardo de Salis. Hebrardus de Madelano concessit in sylva Cadunensi quantum Guillelmus de Biontio & filii ejus Guillelmus & Bertrandus de-

derant, vel deinceps daturi erant : testibus Amaneu
de Berferii, Gauberto de Belens, Guillelmo manci-
pio, Begone de Conacho.

GUILLELMUS EPISCOPUS
Petragoricensis & Canonici S. Frontonis
concedunt eidem Roberto & Monialibus
Fontis-Ebraldi locum qui dicitur in Sylva
Caduni Salvitas.

XV. **C**ONSUETUDINEM sanctæ Ecclesiæ se- Eodem
anno.
quentes volumus universis fidelibus de
loco qui dicitur in Sylva Cadunii salutaris certitudi-
nem veritatis relinquere, ut hujus rei memoria per lit-
teras possit in perpetuum manere. Dum venerabilis
ROBERTUS de Abrecello Petragoricas partes ad-
venisset, & Capitulum sancti Frontonis intrasset,
ibique Canonicos ejusdem sanctæ prædicatione refi-
ceret, rogaverunt eum iidem Canonici ut ad susten-
tationem Sanctimonialium in Ecclesia Fontis Ebrar-
di omnipotenti Domino servientium, unum de locis
sancti Frontonis dignaretur accipere & ad victum
sanctarum feminarum ædificare. Qui precibus eorum
quandoque devictus unum de minoribus locis eo-
rum, & eo tempore jam pene desertum accepit, &
ad honorem sancti Frontonis, & ad recognitionem
huius nostræ donationis unam libram incensi, quæ
in eius festivitate reddatur, ibi imposuit. Itaque ego
GUILLELMUS Petragoricensis Ecclesiæ Episcopus,
& Canonicorum S. Frontonis Abbas, & iidem Ca-
nonici hunc locum qui dicitur in Sylva Cadunii Sal-
vitas domino Roberto & Sanctimonialibus Fontis-
Ebrardi dedimus mansuras, & omnia quæ ibi possi-
debamus; & nostris propriis manibus subscripsimus,
& ad confirmationem huius donationis hanc char-
tulam sigillavimus : testibus Helia Præcentore de

R r iij

Cassent, Bernardo Sacrista de Pairac, Iterio Archidiacono de Salis, Arnaldo de Favars, Stephano Iterii, Raymundo Demur, Iterio de Sauret, Helia Sciro, Helia de Clarent, Helia Vicario, Guillelmo de Bordella, Guillelmo magistro Nanclorensi, & Aldoino sancti Stephani Canonico, & Arnaldo Capellano de Pabancelos, & aliis quam pluribus. Guido de Salis & Helias frater ejus dederunt. quidquid in Salvirate clamabant: testibus Geraldo Priore de Salis, Arnaldo Richardi. Iterius Archidiaconus similiter dedit: testibus Iterio Stephani, Geraldo Priore de Salis.

*ALIA DONATIO GUILLELMI
de Birontio eisdem facta.*

Eodem
anno.

XVI. **G**UILLELMUS de Birontio dedit quamdam partem terræ prope molendinum de Bassa-Calderia, in qua ædificaretur aliud molendinum & pratum, concedente uxore sua Alpayde, & Guillelmo & Bertrando filiis suis: testibus Gerardo Priore de Salis, Guillelmo Gauterij. Hoc autem similiter concessit Brocardus de Madelano & uxor ejus, & insuper quantum Guillelmus de Birontio dare vellet: testibus Geraldo Priore de Salis, Geraldo de Nitecent, Geraldo de Teirac.

*ROBERTUS DE ARBRICELLO
omnia prefata dona tribuit Gerardo de
Salis, confirmantibus Petronilla Abbatis-
sa Fontis-Ebraldi, & aliis.*

Eodem
anno.

XVII. **E**GO ROBERTUS de Arbecello concedo & irrevocabiler tribuo nullo pacto, nisi solo charitativæ germanitatis amore retento, domino Gerardo de Salis venerabili Magistro socio meo, inter necessarios amicissimo, ejusque filiis immo con-

servis, tam extemporaneis quàm successuris utrum-
que locum in Sylva Cadunensi situm, videlicet tam
eum de Seguini-valle, quem ipse Gerardus cum suis
commilitonibus tamquam sibi sub mei persona ac-
quisierat, & acquisitam ædificaverat, quàm illum
qui Salvitas vocatur, & universaliter quidquid mei
vel aliis vice mei præfatum infra nemus concessum
est, atque ut ibidem sub dominicæ clientelæ norma
Deo militent, eorum arbitrio & affectui relinquo.
Hanc autem donationem authenticam & solemniter
actam coram generali Sanctimonialium Capitulo,
collaudante & concedente earum fidelissima matre
PETRONILLA, immo Dei ancillarum ancilla, in-
convulsam & inviolabilem persistere decerno, om-
nisque calumniæ querelam sive controversiam hinc
funditus excludo, hinc radicitus evello & penitus in-
terdico. Est prædictorum concessio facta locorum
apud Fontem-Ebraldi beati Benedicti die festiva quin-
to Idus Julij, anno ab Incarnatione Domini millesi-
mo centesimo decimo quinto, anno præfulatus do-
mini Papæ P A S C H A L I S octavo, Indictione octava,
in tempore viduatæ Pictaviensis Ecclesiæ, viam in-
gresso universæ carnis PETRO Antistite, LUDOVICO
Francigenarum Rege, Guillelmo Aquitaniæ Duce.
Talia testantur qui taliter intitulantur, FULCO An-
degavensium, Consul. P A G A N U S de Claris-vallibus,
ARCHILOSUS, SIMON Enfandi, A Y M E R I C U S
filius A R B E A T I * Vicecomitis Toarcensis, B A R - f. * Aiber-
T H O L O M Œ U S Boslope, B E R N A R D U S de Sapo-
nariis Clêricus, P A G A N U S Sacerdos, R A V E N N U S
de Troiea, R A I N A L D U S de Salmonea, A Y M E R I C U S
Caheus, P A G A N U S pædagogus filius Arbeati Vice-
comitis supra.

1115.



*ITEM DONATIO GUILLELMI
de Biron.*

XVIII. **E**GO GUILLELMUS de Biron & ALPAYS
uxor mea, filiisque mei GUILLELMUS
& BERTRANDUS, laudamus & firmamus donum
quod fecit dominus ROBERTUS Geraldo de Salis
de loco Cadunensi, concedente PETRONILLA
Abbatissa in Capitulo universali, & sicut domino
Roberto & ancillis Dei dederamus, pari tenore pari-
que vigore Geraldo de Salis ejusque commilitonibus
tam presentibus quam futuris firmiter concedimus,
immobilitate donamus, testibus RAYMUNDO
Galterij, ROBERTO de Magnamaco, GUILLELMO
de Nemore, GUILLELMO Galterij.

*ITEM DONATIO AINARDI
de Bainaco.*

XIX. **A**INARDUS de Bainaco & uxor ejus AL-
PAYDIS domini Roberti laudantes &
firmantes donum Geraldo de Salis, sicut Guillelmus
de Biron similiter concesserunt : & insuper prope
Pegayoeam in Dordonia & molendinum
ubicumque vellet dederunt : testibus RAGINALDO
de Fagis, GULDONE de Casnaco, RAYMUNDO
Galterij.

*ITEM DONATIO ITERII
de Moysidano.*

XX. **I**TERIUS de Moysidano & uxor ejus & filia,
Anna scilicet, & Alinodis & Algerius filius
Arnaldi de Monte-Incenso similiter dederunt : testi-
bus BERNARDO de Beurona, GUILLELMO de
Flaviaco, BERNARDO de Caulas, RELIA
Rabin.

ITEM

ITEM DONATIO ARNALDI
de Monte-Incenso.

XXI. **E**ODEM modo ARNALDUS de Monte-Incenso dedit; testibus Arnaldo de Falgeiraco, Guillelmo de Alanis, Seguino de Lasterna, Helia de Peldoizo. Omnes autem isti prædicti dederunt unum mansum extra Cadunum in qualibet terra, ubicumque Mainardus dare vellet in terra cum eis communi.

ITEM DONATIO EBRARDI
de Madelano.

XXII. **E**BRARDUS de Madelano domini Roberti donum, quod de loco Cadunensi Geraldo de Salis fecerat, sicut ceteri prædicti laudavit atque firmavit, & quidquid Guillelmus de Bironio ejusque filij dederunt & daturi sunt dedit: testibus Amanerio Debrifer, Guillelmo de Berontio juniore, Begone de Conaco, Grimoardo de Macmonte, Gauberto Debelens.

CONFIRMATIO DONATIONUM
ab GUILLELMO Petragoricensi
Episcopo facta.

XXIII. **E**GO GUILLELMUS Petragoricæ sedis Antistes atque Frontaniani Collegij Abbas, locum qui Salvitas appellatur coram universali Capitulo Gerardo de Salis ejusque condiscipulis tam modernis quàm posteris immobiliter concedo, inviolabiliter dono, omnemque querelam sive controversiam ab hujusmodi donatione authentica, non in angulo sed solemniter acta, Pontificali vigore removeo, immo qui obviare præsumptivè tentaverint, si

A. N. CHR.
1116.

Tom. XI.

Sf

al. * con-
sensu.

1116.

* id est
Constitutibus.

Ermit D.
d'Herou-
val.

pertinaci animositate incorrigibiles extiterint, æternaliter anathematizo. Hoc etiam donum horum consensus * nutus præsentia roborat, quos sequens pagina explanat. Helias de Cassens, Bernardus de Paizaco, Icterus de Salis, Stephanus Iterij, Arnaldus de Pavancellis, Petrus Picij, Helias de Rallano, Stephanus Sallati: testibus Airaldo Talacorij, Gaufredo Catuelli, Bordelia, Arnaldo de Gaures; anno ab Incarnatione Domini millesimo centesimo decimo sexto, anno præsulatus domini Papæ PASCHALIS decimo septimo, Indictione nona, LUDOVICO Francigenarum Rege, GUILLELMO Petragorico Præfule, ALDEBERTO & RUDELLO Consulibus *.

**CONSTITUTIO LUDOVICI
VI. Regis Francorum, quæ leges pacis ab
ipso constitutas in civitate Laudunensi con-
tinet.**

A N. CHR.
1128.

XXIV. **I**N nomine sanctæ & individuae Trinitatis, Amen. LUDOVICUS Dei gratiâ Francorum Rex. Notum fieri volumus cunctis fidelibus tam futuris quàm præsentibus institutionem pacis, quam assensu & consilio Procerum nostrorum & Laudunensium civium Lauduni instituimus: hanc scilicet quòd ab Ardone usque ad Brolium, ita ut villa Luillaci inter hos terminos contineatur quantum ambitus vinearum & montis tenet.

I. Nullus quempiam liberum vel servum pro aliquo forisfacto sine iustitia capere possit. Quòd si iustitia præsens non fuerit, liceat ei sine forisfactura tamdiu eum tenere quousque iustitia veniat, vel ad iustitiarj domum adducere, & prout iudicatum fuerit, de forisfacto illo satisfactionem accipere.

II. Quòd si aliquis quoquomodo alicui Clerico, Militi, Mercatori, indigenæ vel extraneo injuriam fecerit, si de ipsa civitate sit is qui injuriam fecit, infra

quartum diem submonitus ante Majorem & Juratos ad justitiam veniat, & se vel de objecta culpa purget, vel sicut ei judicatum fuerit emendet. Si verò emendare noluerit, cum omnibus qui de peculiali ejus familia sunt, exceptis mercenariis (qui si noluerint cum ipso exire non compellentur) de civitate ejiciatur, nec redire permittatur, quousque forisfacturam digna satisfactione emendaverit. Si autem infra ambitum civitatis possessiones domorum aut vinearum habuerit, à domino sive à dominis si plures fuerint, in quorum districto possessiones ejus sunt, vel si in allodio fuerint, ab Episcopo Major & Jurati de malefactore illo justitiam requirant. Et si à dominis vel Episcopo submonitus infra quindecim dies culpam suam emendare noluerit, nec vel per Episcopum, vel per dominum in cujus districto possessiones ejus sunt, de eo justitia haberi potuerit, liceat Juratis omnem malefactoris illius substantiam destruere. Quòd si malefactor de civitate non fuerit, re ad Episcopum perlatâ, si per ejus ammonitionem infra quintum decimum diem forisfactum non emendaverit, liceat Majori & Juratis prout poterunt de eo vindictam quærere.

III. Si quis autem malefactorem de civitate ejectum infra terminos pacis institutæ ignoranter conduxerit, & ignorantiam sacramento probare poterit, eundem malefactorem illa sola vice liberè reducat. Si verò non potuerit, usque ad dignam satisfactionem malefactor retineatur.

IV. Si verò fortè, ut sæpe evenire solet, aliquibus altercantibus alter alterum pugno vel palma percusserit, vel turpe improprium ei dixerit, legitimo testimonio convictus, ei in quem peccavit, lege qua vivit emendet, & Majori ac Juratis violatæ pacis satisfactionem faciat. Si verò is, quem læsit, emendationem ejus suscipere dedignatus fuerit, non liceat ei ultra de eo vel intra terminos pacis vel extra aliquam requirere ultionem. Et si eum vulneraverit, expensas

Sf ij

in medicos ad vulnus sanandum vulnerato persolvat.

V. Si quis in alium mortale odium habuerit, non liceat ei vel euntem de civitate prosequi, vel venienti insidias tendere. Quòd si vel venientem vel recedentem interfecerit, aut quodlibet ei membrum truncaverit, aut de prosecutione, aut de insidiis appellatus fuerit, divino se judicio purget. Quòd si eum aut verberaverit aut vulneraverit extra terminos pacis, ubi per homines pacis legitimo testimonio, vel de prosecutione, vel insidiis potuerit probari, sacramento se purgare licebit. Quòd si reus inventus fuerit, caput pro capite, membrum pro membro reddat, vel ad arbitrium Majoris & Juratorum pro capite aut membri qualitate dignam solvat redemptionem.

VI. Si quis in aliquem de aliquo capitali querelam habuerit, ad justitiam in cujus districto inventus fuerit, primum de eo clamorem faciat, & si per justitiam jus suum obtinere non potuerit, ad dominum ejus si in civitate fuerit, vel ad ministerialem ejus si in civitate dominus ipse non fuerit, de homine suo clamorem faciat. Et si per dominum vel per ministerialem ejus justitiam de eo habere non potuerit, ad Juratos pacis veniat, eisque se de homine illo nec per dominum ejus, nec per ministerialem ipsius justitiam posse habere ostendat. Jurati autem ad dominum si in civitate fuerit, vel si non fuerit ad ministerialem ejus veniant, & ut vel dominus vel Ministerialis homini clamanti de homine suo justitiam faciant, diligenter requirant, & si de eo justitiam facere vel non potuerint vel neglexerint, Jurati quærant qualiter is qui clamat jus suum non perdat.

VII. Si fur quilibet interceptus fuerit, ad illum in cujus terra captus fuerit, ut de eo justitiam faciat, adducatur, quam si dominus terræ non fecerit, justitia in furem à Juratis perficiatur. Antiqua enim forisfacta, quæ ante urbis destructionem vel hujus pacis institutionem facta fuerunt, penitus sunt condonata,

exceptis tredecim, quorum nomina hæc sunt, Fulco filius Bomardi, Radulphus de Capritione, Hamo homo Leberti, Paganus Seill. Rotbertus, Remigius Bnt. Mainardus Drag. Reimaldus Succf. Paganus filius hoste Lup. Ansellus Quatuor-manus, Radulfus Wastins, Johannes de Molrem, Ansellus gener Leberti. Præter istos si quis de civitate ejectus pro antiquo forisfacto redire voluerit, de omnibus suis investiat, quæcumque habuisse nec vendidisse vel invadimonio posuisse poterit ostendere.

VIII. Statuimus etiam ut homines capite censi dominis suis censum capitis sui tantum persolvant, quem si statuto tempore non persolverint, lege qua vivunt emendent, nec nisi spontanei à dominis requisiti aliquid eis tribuant, liceat tamen Dominis pro forisfactis suis eos in causam trahere, & quod judicatum fuerit de eis habere.

IX. Homines Pacis, exceptis familiis Ecclesiarum vel Procerum, qui de pace sunt, cujuscumque generis potuerint uxores accipiant. De familiis autem Ecclesiarum, quæ sunt extra terminos Pacis, vel Procerum, qui de pace sunt, nisi dominorum voluntate uxores accipere non licebit.

X. Si qua vilis & inhonesta persona honestum virum vel mulierem turpibus convitiis inhonestaverit, liceat alicui probo viro de pace, si supervenerit objurgare illum, & illum uno aut duobus vel tribus colaphis sine forisfacto ab importunitate sua compescere. Quod si eum pro antiquo odio percussisse criminatus fuerit, liceat ei juramento se purgare quod pro nullo odio eum percusserit, sed tantum pro pacis & concordie observatione.

XI. Mortuas autem manus omnino excludimus.

XII. Si quis autem de pace filiam vel neptem sive cognatam maritans, terram vel pecuniam ei dederit, & illam mortuam sine herede fuerit, quidquid terræ vel datæ pecuniæ adhuc comparentis de ea remanserit, ad eos qui dederunt, vel ad heredes eorum redeat.

S f iij

Similiter vir si sine herede mortuus fuerit, præter dotem quam uxori dedit, tota possessio ad propinquos suos redeat, dotem autem in vita sua mulier tenebit; post mortem verò ipsius, ipsa dos ad propinquos viri sui redibit. Si verò nec vir nec mulier hereditates habuerint, sed de mercimoniis quæstum facientes, substantiâ fuerint ampliati, & heredes non habuerint, altero eorum mortuo, alteri tota substantia remanebit. Si autem propinquos non habuerint, duæ partes substantiæ pro animabus eorum in elemosynam dabunt, tertia verò ad muros civitatis ædificandos expendetur.

XIII. Præterea nullus extraneus de capitecensis Ecclesiarum vel Militum civitatis, in hanc Pacis institutionem nisi annuente domino suo recipietur. Quòd si per ignorantiam absque domini voluntate aliquis receptus fuerit, infra quindecim dies sine forisfacto cum tota substantia sua salvus abire quòd voluerit permittetur.

XIV. Quicumque autem in pace ista recipietur, infra anni spatium aut domum sibi ædificet, aut vineas emat, aut tantum suæ mobilis substantiæ in civitatem afferat, per quæ iustitiam possit, si quid fortè in eum querelæ evenierit.

XV. Si quis bannum civitatis se audisse negaverit, aut per scabinos tantum comprobetur, aut propria manu juramento se purget.

XVI. Consuetudines autem quas Castellanus in civitate se habere asserit, si in Episcopi curia disrationare legitimè potuerit, prædecessores suos antiquitus habuisse, liberè eas obtineat, & si minùs fecerit, minùs habeat.

XVII. Consuetudinarias autem tallias ita reparavimus, ut unusquisque hominum ipsas tallias debentium singulis terminis, quibus tallias debet, quatuor denarios solvat. Ultra autem, nullam aliam talliam persolvat, nisi fortè extra terminos pacis aliquam terram talliam debentem tenuerit, quam ita caram

habeat, ut pro ea talliam solvat.

XVIII. Homines pacis extra civitatem placitare non compellentur. Quod si super aliquos eorum causam habuerimus, iudicio Juratorum nobis iustitiam exequentur. Si autem super universos causam habuerimus, iudicio Episcopalis curiæ nobis iustitiam prosequentur.

XIX. Si quis Clericus intra terminos pacis aliquod forisfactum fecerit, si Canonicus fuerit, ad Decanum clamore perlato per eum iustitiam exequetur. Si Canonicus non fuerit, per Episcopum vel Archidiaconum, aut eorum ministeriales iustitiam facere compelletur.

XX. Si aliquis Procerum regionis in homines pacis forisfecerit, nec submonitus eis iustitiam facere voluerit, si homines ejus intra terminos pacis inventi fuerint, tam ipsi quàm eorum substantiæ, in emendationem factæ injuriæ per iustitiam illam in cujus districto inventi fuerint capientur. Ita ut & homines pacis jus suum habeant, & ipsa iustitia itidem jure suo non privetur.

XXI. Pro his igitur & aliis beneficiis quæ prædictis civibus regali benignitate contulimus, ipsius pacis homines hanc nobis conventionem habuerunt, quod exceptâ curiâ coronatâ, sive expeditione, vel equitatu, tribus vicibus in anno singulas procuraciones si in civitatem venerimus nobis preparabunt. Quod si non venerimus, pro eis viginti libras nobis persolvent.

XXII. Totam autem hanc Constitutionem salvo nostro pariter & Episcopali jure & ecclesiastico, necnon & Procerum, qui intra terminos pacis distincta sua legitima jura habent, stabilivimus, ita ut si vel de nostro, vel Episcopali jure, aut Ecclesiarum, aut Procerum civitatis aliquid fortè interceperint, infra quintum decimum diem sine forisfactura quod interceperunt, liceat emendare.

Ut igitur hæc pacis Institutio firma in perpetuum & inconcussa permaneat &c. præcepimus roborari.

S. LUDOVICI Regis, S. PHILIPPI filij ejus &c.
Actum anno Dominicæ Incarnationis M. C. XXVIII.
Regni LUDOVICI Regis XX. Data Compend. per
manum SIMONIS Cancellarij.

D. de Rebe-
que conces-
sit.
al. * Cer-
vicampi.
al. * Cher-
camp.

QUÆ ABBATIAE CARICAMPI *
Ordinis Cisterciensis, vulgò Cercamp *,
in Artesia prope Dullendum, contulerat
HUGO Candavene, rata habent THEODE-
RICUS Ambianensis & MILO Morinensis
Episcopi.

AN. CHR.
1137.

XXV. **I**N nomine Patris & Filij & Spiritus sancti,
Amen: Ego THEODERICUS Ambia-
nensium, & ego MILO Morinorum Dei gratiâ Epif-
copi tam præsentibus quàm futuris in Christo fideli-
bus in perpetuum. Sæpe longiturnitas temporum au-
ferre solet notitiam rerum; labilis enim & caduca na-
turæ humanæ conditio dum juxta morem deperit,
subsequentem nimirum se à certitudine transducit.
Eapropter, fili HUGO Abba venerabilis Caricampi,
collatas à devotis viris eleemosynas tibi Monasterio-
que tuo in perpetuum possidendas, scripto & memo-
riæ commendare curavimus, quarum eleemosynarum
nomina condonatoribus suis subscripsimus.

* Comes S.
Pauli &
Beatrix u-
xor ejus
fundatores
Caricampi.
Vide Anna-
les Cistert.
ad ann.

1137. c. 6.
n. 5. 6. an.
1141. c. 10.
n. 5. 6.
1142. c. 10.
n. 6.
Tom. I.

Noverint igitur omnes homines tam præsentis
quàm futuri, quòd cum diu HUGO Candavene *
propter combustionem villæ sancti Richarij sub ana-
themate mansisset, tandem concedente Domino Papa
Innocentio meruit ut pœnitentiam in terra sua ageret,
& de suis possessionibus Abbatiam quamdam con-
strueret. Ecclesiam itaque Cistercium, quæ de Caro-
campo dicitur, constituit, quam terris & possessioni-
bus dotavit. Hæc sunt nomina possessionum, tertia
pars Haiæ atque Caricampi, terra ad duas carrucas,
& quidquid juris in eodem territorio habebat. Hoc
laudaverunt

laudaverunt filij ejus ENGELRANDUS & HUGO, ANSELMUS, RADULFUS, & WIDO. Hujus rei testes sunt BALDUINUS Sacerdos sancti Hilarij, ARNULFUS Clericus de sancto Paulo, ANDREAS de Baldemento, & BONA-FIDES Monachi, ADAM Chareth, & HUGO de Hestruz, & multi alij.

ANSELMUS de Paz dedit Beatæ MARIÆ medietatem Caricampi. Hoc laudaverunt HELFRIDUS frater ejus & sorores AELIDIS, GISLA & EMMA. Huic rei interfuerunt HUGO Comes Candavene, & BALDUINUS Sacerdos sancti Hilarij, ARNULFUS Clericus de sancto Paulo, ANDREAS de Baldemento, & BONA-FIDES Monachi, BALDUINUS & GOSSELINUS de Ortevilla, HUGO de Hestruz & ADAM Chareth.

MAINARDUS de Maritania dedit se Beatæ MARIÆ, & quidquid habebat in territorio Caricampi. Hoc concessit MIRIADOIL & uxor ejus CLEMENS & filij eorum ENGELRANDUS, BALDUINUS, MIRIADOIL, & ARNULFUS, & filia CLEMENS.

RADULFUS Luvel dedit Beatæ MARIÆ medietatem terræ Caricampi, & nemus. Hujus rei testes sunt HUGO Comes Candavene, & ENGELRANDUS filius ejus, ANDREAS de Baldemento, & BONA-FIDES Monachi, BALDUINUS Sacerdos sancti Hilarij, ARNULFUS Clericus de sancto Paulo, BALDUINUS & GOSCELINUS de Ortevilla, ROBERTUS de Durlez, & HIBERTUS frater ejus, ROBERTUS Wastavene & ODO frater ejus, & HUGO de Hestruz, NICOLAUS de Erin, ADAM Chareth, ROBERTUS de Halli, BACHELER de Heseche, & multi alij.

ENGELRANDUS de Vaccaria, & ROGERUS dederunt quidquid habebant in territorio Caricampi, quod laudaverunt filij eorum PETRUS, MAINARDUS, BALDUINUS, ENGELRANDUS, RADULFUS Luvel, ROGERUS Spinoe, VIVIANUS de Pas.

LAMBERTUS de Arbruvii dedit Beatæ MARIÆ

Tom. XI.

T t

quidquid habebat in territorio Caricampi: BURNEL & filij ejus VIVIANUS de Pas & LANDRICUS frater ejus. RAINELMUS concesserunt Beatae MARIÆ quidquid habuerunt in territorio Caricampi. Hujus rei testes sunt ANSELMUS de Pas, BALDUINUS Sacerdos sancti Hilarij, RADULFUS Luvel, HIBERTUS Desalteus, ROGERUS Spinoe, & BALDUINUS filius ejus. GALTERUS Gohart, & HUBERTUS de Vaus & uxores eorum, filij & filiae eorum concesserunt Beatae MARIÆ quidquid habebant in territorio Caricampi. Hujus rei testes sunt ROGERUS Spinoe, & BALDUINUS filius ejus, GIRARDUS Sacerdos de Balli, AMISARDUS, ODO & JOHANNES filius ejus. Hoc factum est anno ab incarnatione Domini MCXXXVII.

Idem communicavit.

*DIPLOMA FUNDATIONIS
Abbatie Monialium ordinis Cisterciensis
in Blendeca, vulgò Blendeque prope sanctum
Audomarum in Artesia, ab Desiderio Morinensi confirmata.*

AN. CHR.
1186.

*v. Annal.
Cistercienses
Tom. 2. ad
an. 1156.
c. 6. n. 10.*

XXVI. **I**N nomine sanctæ & individuae Trinitatis. Ego DESIDERIUS Dei gratiâ Morinorum Episcopus universis fidelibus in perpetuum. Cum omnes retrò sancti Patres præventi & adjuti gratia Spiritus sancti, in id modis omnibus elaboraverint, ut amplificarent nomen sanctitatis, nos à longe eorum sequentes vestigia, adjuvante eo qui vocat ea quæ non sunt tamquam ea quæ sunt, concurrentibus votis filiorum nostrorum, & instantiâ postulationis magnorum virorum circummanentium, statuimus in Blendeco vico dioceseos nostræ Congregationem feminarum Deo regulariter servientium collocare. Ne verò in tanto negotio aliquid de nostro sensu præsumptione temeraria cœpisse videremur, dominum Metropolitanum WILLELMUM sanctæ Romanæ Ecclesiæ titulo sanctæ Sabinæ Cardinalem Apostolicæ

sedis Legatum, virum videlicet altioris consilii, dignum duximus super hoc esse consulendum. Quo consulto, & propositum approbante, & congratulatione sua ad id quod proposueramus amplius provocante; Principem quoque terræ illustrem Comitem PH. unà cum M. nobilissima conjuge ipsius super eadem causa adivimus, qui & unanimem assensum cum multa hilaritate præbuerunt, & se auxilio & consilio affuturos promiserunt. Hinc ergo majore fiducia nec immeritò assumpta propositum aggredientes; communicato consilio cum Capitulo nostro, & partes suas assensibus implente, Personatum Ecclesiæ sanctæ Columbæ de Blendeka, cum omnibus pertinentiis suis, & obventionibus, Capellam quoque de Soieca ad eundem Personatum spectantem, inibi Deo servituris, salvo jure parrochiali & Episcopali, liberaliter contulimus. Hanc libertatem & immunitatem eidem Ecclesiæ de communi consilio Fratrum decernentes & indulgentes, ut in eadem Ecclesia Deo servientes, liberam electionem habeant, & nulli personæ nisi nobis & successoribus nostris de ordine suo, vel de quacumque alia re extra Capitulum suum habeant respondere, salva in omnibus auctoritate sedis Apostolicæ.

Ita ergo in nomine Domini inchoato negotio, accesserunt ad nos dilectus filius noster BOYDINUS ejusdem parochiæ Presbyter in præsentia Capituli nostri, donationem eidem Ecclesiæ faciens centum marcarum & amplius, & fidelis vir GHISO filius Everardi de Aria, similiter sexcentarum marcarum & amplius. Nos verò providentiam ejusdem domus in temporalibus, duobus prænominatis, tamquam industriis & primis in ejusdem loci fundatione coadjutoribus nostris, commisimus. Prædictas igitur donationes tam nostras quàm illorum sigilli nostri appensione, CLAREMBALDI quoque Morinensis Decani, & LAMBINI Morinensis Archidiaconi, & JOHANNIS Cantoris, ceterorumque Canonorum assensu, cum eorundem sigilli attestazione, in perpetuam possessionem

T t ij

eidem Ecclesiæ confirmamus. Si qua verò Ecclesiastica sæcularisve persona præfatas donationes, vel quidquid devota largitio fidelium Ecclesiasticarum sæculariumve personarum contulit, vel in futurum contulerit, seu quidquid alio modo legitimè acquisitum fuerit, subtrahere ab eodem loco vel imminuere tentaverit, cum Domino JESU-CHRISTO, & Matre ipsius Judicis, & Beata Columba virgine & Martyre, cujus patrocinii idem locus munitur, in die Judicii rationem deducat, & ab Angelis Dei de medio justorum separetur. Quisquis verò ad sustentationem inibi Deo servientium piam donationem intulit vel intulerit, mensuram bonam & confertam & coagitatam & supereffluentem remetiatur ei Dominus noster JESUS CHRISTUS, Amen. Actum anno ab Incarnatione Domini M. C. LXXXVI.

PETRUS VENERABILIS

Abbas Cluniacensis pro Rodulfo de Perrona benefactore ordinat Missas ac preces tum Cluniaci tum in toto Ordine celebrandas.

AN. CHR.
CIRC. 1140.

XXVII. **E**GO frater PETRUS humilis Cluniacensis Abbas nota facio legentibus ea quæ sequuntur. Comes RODULFUS de Perrona, filius HUGONIS Magni fratris Philippi Regis Francorum, magnus amicus & benefactor extitit hujus in qua omnipotenti Deo servire optamus sanctæ Cluniacensis Ecclesiæ. Hic post reliqua bona opera sua, quibus Deum sibi propitiare dum incolumis viveret, laborabat, jam infirmus & morti proximus præcedentibus aliquid majus adjunxit. Nam Monasterio de Crespeio, quod antiquitus in eodem Crespeij castro constructum fuerat, & Cluniacensi Ecclesiæ subditum erat, tam in terris quàm in terrarum redditibus, tanta largitus est, ut redditus annui terrarum

illarum, mille solidorum quantitatem excederent. Præter hæc & multa alia quæ diversis ad Cluniacum pertinentibus Monasteriis delegavit, etiam ipsi Cluniacensi Monasterio quingentas argenti marcas jure testamentario donavit. Quæ ipso jam vita exempto paucis post diebus Cluniacum allatæ sunt, & Cluniacensi Conventui publicè in Capitulo præsentatæ.

Nolentes ergo immo vitantes tantis beneficiis ex toto apparere ingrati, communi consilio & precibus præcipimus ei duo tricenaria fieri, tres Missas ab unoquoque Sacerdotum cantari, ter septem pœnitentiales psalmos à cunctis aliis non Sacerdotibus dici; per universa Monasteria ad Cluniacum pertinentia, ubi ordo tenetur, tricenaria celebrari, ab aliis Sacerdotibus tricenaria non facientibus duas Missas absque exceptione aliqua celebrari. Super hæc omnia, quod rarò cuilibet conceditur, datum est ei & anniversarium solemne, sicut uni post Imperatores & Reges de majoribus amicis & benefactoribus nostris. Ut autem sciatur cujusmodi sit hoc anniversarium, die qua illud celebrandum est, fiet pro eo generale officium in Conventu cum Missa similiter publica fratres universi Sacerdotalis ordinis Cluniaci morantes, eadem die Missam pro ipsius salute celebrabunt, alij psalmum *Miserere mei Deus* dicent, & tredecim pauperes reficientur. Annuale insuper Missarum, hoc est anno integro quotidiana Missa pro eo celebrabitur. Facta sunt ista ut omnipotens miserator per immensam misericordiam suam ejus misereatur, & à sorte impiorum ereptum, eum numero suorum associet, & felicitis ac sempiternæ vitæ participem facere dignetur, Amen, Amen.



CHARTA FUNDATIONIS
S. Bartholomæi Apostoli in Alniensi
pago sub Hyensi Prioratu.

AN. CHR.
 1151.

XXVIII. **T**EMPORIBUS LUDOVICI Regis minoris, filij LUDOVICI Magni Regis Francorum, qui mortuo GUILLELMO Pictavorum Comite apud sanctum Jacobum, filiam ipsius consilio & voluntate patris cum Consulatu Pictaviensi, & Aquitanorum Ducatu sibi conjugio copulavit. Insurrexerunt in Pago Alniensi duo viri consanguinei Elbo de Maleone & Gofridus de Rupeforti cum filiis sceleratis, filiis, inquam, Belial, disperdentes totam terram & interficientes homines, & castrum Julii supra mare positum cum viris & munitionibus nihilominus possidere cupientes. Hoc igitur castrum cum adiacenti patria dominus ISAMBERTUS vir per omnia pacificus iure paterno possederat, quoadusque prædictus Comes invidiæ stimulo agitated clandestina obsidione exinde quasi idem illum expulerat. Et quoniam præfati duo viri Elbosius & Gofridus videbantur esse de genere & familia ipsius Isamberti, adeuntes Ludovicum Regem impetraverunt ab eo tam verbis pacificis, quàm armis dominium totius terræ, retenta ab eo dumtaxat munitione castri Julii, cum medietate reddituum Rochellæ.

Deinde duobus his pacificatis, qui prius discordiam inter se propter eandem possessionem habuerant, siluit terra in conspectu eorum à præliis. Et dum pacificè dominarentur in territorio Abaisiensi, multitudo hominum tam indigenarum, quàm advenarum ex diversis orbis partibus illuc per terram & mare applicantium postulaverunt à prædictis dominis ad habitandum campum Guillelmi de Syre, qui erat villæ & portæ contiguus. Quia enim grave erat eis propter viæ longitudinem adire parrochiam Ecclesiam

sanctæ Mariæ de Connia, in superiori parte ipsius villæ sitam, postulaverunt sibi in Campo prædicto Ecclesiam fieri in honore sancti Bartholomæi Apostoli. Præ-nominati igitur duo viri eorum petitioni acquiescentes convenerunt Priorem Ayensem, Guillelmum videlicet, postque & alios fratres suos ad quorum jus spectabat Parrochia matris Ecclesiæ totius Rochellæ, precantes ut commodam, ubi dictum est, ædificarent Ecclesiam: Et ad ædificium operis urgendum, largiti sunt Monachis viginti cubitos terræ in longitudine & totidem in latitudine, ubi Guillelmus Prior instantibus fratribus coepit ædificare Ecclesiam per manum Petri de Mogono Monachi sui, cui hoc opus pro remedio animæ suæ injunxerat. Unde iratus BERNARDUS Xantonensis Episcopus, in cujus Diœcesi est Rochella, prædictum opus Guillelmo Priori interdixit. Qua de causa Guillelmus Prior consilio fratrum suorum cum Domino Abbate Cluniacensi perrexit, & Papæ Eugenio apud Signiam civitatem tunc constituto, rem gestam exponens, licentiam & concessum & libertatem ædificandi Ecclesiam sicut volebat ab eodem Papa obtinuit. Insuper ad confirmationem rei litteras Apostolicas ad Xantonensem Pontificem destinatas revexit, datas anno M. C. LII. Signiæ x. Kal. Martij.

IVDICIVM LVDOVICI VII. Enri D.
d H 1011-
val.
*Regis Francorum, quo GODEFRIDO
Lingonensi Episcopo ablata ab HUGONE
Burgundia Duce restituuntur.*

XXIX. **I**N nomine sanctæ & individue Trinitatis AN. CHR.
1153.
Amen. Ego Ludovicus Dei gratiâ Rex Francorum & Dux Aquitanorum. Regiæ sublimitatis est officium eos qui justitiam subterfugiunt humiliare, subditos & obedientes exaltare, & eisdem ad integrum conservare jus suum. Notum igitur fieri volu-

mus tam præsentibus quàm futuris, qualiter G O D E-
FRIDUS Lingonensis Episcopus & Odo Dux Burgun-
diæ in curia nostra placitaverint, & ad quem finem
res perducta fuerit. Igitur ad præfixum illis à nobis
diem apud Moretum venientes, congregatis multis
Archiepiscopis, Episcopis atque Baronibus in præ-
sentia nostra, Episcopus sic exorsus est:

In primo quæro à Domino Duce quare cùm casatus
sancti Mammetis homo noster esset, & bona in feodum
inde haberet, placuit ei hominum nostrum derelin-
quere, quatenus feodum reddat, & quidquid præ-
terea de eo accepit. Quæro etiam quæ mihi abstulit in
Castellione capiendo Presbyteros aliósque homines
nostros, & res nostras, incendendo etiam villam
quæ vocatur OCE. Quæro etiam quidquid forisfecit
mihi Hugo Dacels & focii ejus, eandem villam &
alias incendendo, homines nostros occidendo, aliâ-
que multa mala inferendo. Quia illud se mihi red-
diturum per manum Domini Abbatis Clarevallis pro-
misit, quando ei homines suos quos captos tenebam
reddidi. Quidquid etiam ipse Hugo & complices
ejus infra respectum quem dominus Dux mihi de eis
dederat, forisfecerunt. Quæro dimidium pedagii
quod accipit in Castellione, quia sine me ibi nihil
debet habere; molendina etiam quæ super terram
sancti Mammetis violenter & sub excommunicatione
fuerunt, sunt, & tenentur. Varennas quoque & alia
multa, quæ contra me exercent in ipso castro ipse &
ministri ejus in nos contumelias, capitalia damna,
& hæc in præsentia nominamus. Quæro etiam villam
Brafti, & aliam quæ dicitur sanctus Johannes, quas in
vadimonio tenet sine assensu nostro, cùm sint de
nostro feodo. Quæro etiam ut novos muros Divioni
destruat, quia Abbatis nostras nobis excludunt, &
super terram nostram fiunt, & contra castella nostra
scilicet Sals & Tilicastrum, turrim etiam villaris,
quia nociva est nobis, & super casamentum nostrum
fundata, & contra castrum Burgi. Quæro etiam
capitalia

capitalia quæ aufert Canonicis nostris in pago Divionensi, & in exitu portarum ejus, & damna quæ infert Abbatiis nostris.

E contra Dux : Ista, inquit, respondere volo, tum quia quædam facta sunt antequam homo suus essem, & postea me in hominem recepit, tum quia cum essem homo ejus rectum mihi facere denegavit, unde & hominio ejus abrenunciavi; sed quæro ut destruat mihi calnam & fossatum quod factum est apud Mussi.

Ad hæc, Episcopus : Quoniam homo meus, inquit, factus est bonam fidem promisit mihi, & ego bona fide recepi eum, nec ideo auferre mihi debet quæ aufert. Quod si opus est aliquid addere, dico, quia salvus justitius meis recepi eum. Quod verò dicit me ei rectum denegasse, non cognosco, sed veritatem dicam. Designavi ei diem in curia nostra jus faciendi & recipiendi, veni ad diem, ipse autem non venit, sed nuncios misit ut eis responderem. Mandavi iterum ut veniret in domum domini sui, renui & ego nunciis respondere. Calnam destruere nolo, tum quia frater meus eam ædificavit ipso Duce juvante : & iturus Jerosolymam in pace ab eo discessit, ut pote homo suus, tum quia in vagio * sancti Mammetis facta est, & ad eum nihil pertinet, & alia munitio in finagio ejus prius fuit & propior Castellioni.

* Id est, vadio.

Ad hæc Dux : In curia Episcopi nec ego, nec antecessores mei placitaverunt, sed per nuncios, & illis solis respondere fuit consuetum.

Ad hæc Episcopus : Istud totum nihil est, quia nec ego, nec prædecessores mei numquam nunciis Ducum responderunt in placitis nisi Ducibus præsentibus, & antecessores ejus in domo ipsorum vocati multociens placitaverunt, & hîc præ manibus sunt qui avum suum in domo Episcopi Lingonensis atque alias placitare viderunt, & duellum in manu ejus firmare & Lingonis deducere. Similiter patrem ejus bis & ter Lingonis & Castellioni & alibi multociens. Iste

Tom. XI.


Vu

etiam Dux qui praesens est placitavit in domo mea semel & bis.

E contra Dux : Ob amorem, inquit, factum est. Ad haec Episcopus. Non ob amorem tantum, sed ob reverentiam domini, & debitum homini.

His dictis, itum est ad iudicium. Sed Iudices de iudicio alium diem quaesierunt, & nos praefiximus alium diem. Episcopus venit, Dux commandavit. Iterum dedimus alium diem. Episcopus venit, Dux rursus commandavit. Dedimus & tertium. Episcopus venit, Dux venire contempsit : habito adhuc consilio, nuncium nostrum misimus ad Ducem qui eum reperit incolumem & equitatem, & ipsi de parte nostra nominavit quartum diem, ad quem venit Episcopus, sed Dux non veniens suum misit nuncium, qui in eo solo excusabat dominum suum non venisse, quia tantas dietas facere non poterat. His de causis iudicio Curiae abjudicavimus Duci querelas suas, Episcopo suas reddi debere iudicavimus.

Quod ut ratum sit in posterum, sigilli nostri auctoritate confirmari praecipimus. Actum Moreti anno Dominicae Incarnationis M. C. LIII. Adstantibus in palatio nostro, quorum subtitulata sunt nomina & signa. S. GUIDONIS Buticularii, S. MATTHAEI Constabularii, S. MATTHAEI Camerarii. Testes qui affuerunt HUGO Archiepiscopus Senonensis; Episcopi, Lingonensis, THEOBALDUS Parisiensis, ALANUS Autissiodorensis, BERNARDUS Archidiaconus Parisiensis, THEODORICUS, GALERANNUS, ADAM Camerarius, & alii quamplures. Data per manum HUGONIS Cancellarii nostri.



PACTUM MATRIMONII Eruit D.
d'Herou-
val.
Inter GUILLELMUM de Turre, & SE-
BELIAM ARNALDI de Villis-Passantis
filiam.

XXX. **N**OTUM sit hominibus hæc audienti- A. N. CHR.
1172.
bus, quòd ego BERNARDUS de Turre
de Celiano, dono tibi GUILLELMO filio meo quid-
quid juris habeo in villa de Ciliano, vel habere debeo
infra muros vel extra tam in ermis * quàm in directis, id est *,
eremis.
tam in hominibus quàm in feminabus, & omne jus
quod pertinet ad Senornium, excepto uno locale,
cum exitibus suisque regressibus, qui affrontat de
cancio & meridie in honore PETRI de Crucio, de Al-
tano in honore BERNARDI sancti Johannis, qui
fuit ab Aquilone in La Rocha. Præterea dono tibi
tres partes totius mei honoris, quem modò habeo,
& habere debeo, undecumque vel qualitercumque
ad me pertineat, scilicet in terris, vineis, hortis,
hortalibus, arboribus, pratis, guarricis, aquis,
ductibus, & deductibus, eremis, & condirectis, tam
in quæsitum, quàm ad inquirendum, & in omnibus
aliis quæ nominari possunt, quæ hîc nominata non
sunt, & cum hac præsentî charta, omnia supradicta
tibi trado, & de meo jure in tuo dominio transmittito,
& te in possessionem omnium prædictorum mitto, &
in his omnibus donationem propter nuptias tibi con-
stituo, quam tu & ego pro te facimus filiæ AR-
NALDI de Villis-Passantis, nomine SEBELIÆ,
quam tibi in uxorem adjungo.

Et ego prædictus GUILLELMUS medietatem om-
nium prædictorum, quia te SEBELIA in uxorem ha-
bere cupio, in donationem propter nuptias tibi Li-
berisque tuis ex me progenitis dono, & si fortè te
mori contigerit antequam mihi nubas, alteram foro-
rem tuam, si tempore mortis tuæ non erit nata, per

Vu ij

quinquennium expectabo, cui eandem donationem facio, quam tibi superius feci.

Et ego BERNARDUS de Turre, si filius meus morietur antequam aliquam filiarum Arnaldi de Villis-Passantis in uxorem ducat, filiam meam in uxorem trado uni filiorum prædicti Arnaldi, quem Arnaldus voluerit, cum omni meo honore, ubicumque sit. Et si fortè me, vel filios meos pœniteat, quòd Guillelmus filius meus nolit habere filiam prædicti Arnaldi, vel Guillelmo mortuo, filia mea unum filiorum prædicti Arnaldi, quem ipse elegerit, dono tibi Arnaldo nomine pœnæ quadraginta marcas argenti, & si quo jure defendi possem, ne hanc pœnam tibi præstarem, illi renuntio juri, & pro hac pœna omnem meum honorem jure pignoris tibi obligo.

Hæc omnia suprascripta per hæc sancta quatuor Evangelia tibi attendam. Actum est hoc tertio Idus Aprilis, anno Domini M. C. LXXII, regnante Rege LODOICO. Hujus rei testes sunt, ADALBERTUS de Crucio, FROTARDUS de Villis-Passantis, PONTIUS de Villis-Passantis, BERNARDUS de Ciliano, PETRUS de Crucio, PETRUS Amblardi, JORDANUS de Ciliano, RAIMUNDUS Rogerii: PETRUS scripsit rogatus.

*Eruit D.
d'Herouval.*

CONSUETVDINES COMMVNIAE

*Urbi Sueffionensi concessa à LUDOVICO
Crasso Rege Francorum, confirmata à Lu-
dovico Juniore, & à PHILIPPO Augusto.*

*AN. CHR.
1181.*

XXXI. **I**N nomine sanctæ & individuae Trinitatis, Amen. PHILIPPUS Dei gratiâ Francorum Rex. Noverint universi quòd quondam charissimus avus noster LUDOVICUS Burgensibus Sueffionensibus Communiam inter se habendam concessit, & sigilli sui auctoritate confirmavit. Post cujus decessum pater noster LUDOVICUS bonæ memoriæ eis eam manu-

tenuit & custodivit. Nos verò priorum patrum nostrorum vestigiis inhærentes, chartam super Communia eis à memorato avo nostro concessam, & Communie consuetudines sicut pater noster eas eis tenuit, concedimus & confirmamus: has videlicet:

I. Infra civitatis Sueffionensis firmitates alter alteri rectè secundum suam opinionem auxiliabitur, & nullatenus patietur quòd aliquis alicui eorum aliquid auferat, vel ei talliatam faciat, vel quidlibet de rebus ejus capiat, excepto hoc quòd homines civitatis Episcopo per tres menses de pane & de carnibus & piscibus creditionem facient. Et si Episcopus post tres menses quod ei creditum fuerit non reddiderit, nihil ei credetur, donec illud ab Episcopo persolvatur. Piscatores autem forenses nonnisi per quindecim dies ei creditionem facient, & si post quindecim dies non reddiderit, tantum de rebus Communie ubicumque potuerint capient, quoad quidquid Episcopo crediderint habeant.

II. Omnia forisfacta, exceptis infractione urbis, & veteri odio, quinque solidis emendabuntur: & si ab aliquo teloneum requiratur, & requisitor diem, quo illud & unde illud habere debuit minimè nominaverit, numquam ei respondebitur, & si diem nominaverit, & ille dictum ejus sola sua manu infirmare non poterit, quinque solidis emendabit.

III. Si quis sacramentum alicui facere debuerit, & ante arramitionem sacramenti se in negotium suum iturum dixerit, propter illud faciendum de itinere suo non remeabit, nec ideò incidet, sed postquam redierit convenienter submonitus sacramentum faciet.

IV. Si autem Archidiaconus aliquem implacitaverit, nisi clamator ante venerit, vel forisfactura apparuerit, non ei respondebit. Si tamen testem habuerit, contra quem accusatus defendere se non potuerit emendabit.

V. Homines etiam Communione hujus uxores

V u iij

quascumque voluerint, licentiâ à dominis suis requisitâ, accipient, & si domini hoc concedere noluerint, & absque consensu & concessione domini sui aliquis uxorem alterius potestatis duxerit, & si dominus suus in eum implacitaverit, quinque tantum solidis illi inde emendabit.

VI. Capitales homines censum debitum dominis suis persoluent, sed si in die constituto non reddiderint, quinque inde solidis emendabunt.

VII. Et si aliquis aliquam injuriam fecerit homini, qui hanc Communionem juraverit, & clamor ad Juratos inde venerit; si illum hominem, qui injuriam fecerit, capere potuerint, de corpore suo vindictam accipient, nisi forisfactum emendaverit illi cui illatum fuerit, secundum judicium virorum illorum qui Communionem custodierunt. Et si ille qui forisfactum fecerit ad aliquod receptaculum perrexerit, & homines Communie ad ipsum receptaculum transfuserint, & domino receptaculi, vel primatibus ipsius loci questionem fecerint, ut de eorum inimico faciant eis retributionem, sicut superius dictum est, si satisfacere voluerint, retributionem accipient; quod si facere noluerint, homines Communie auxiliares erunt faciendi vindictam de corpore & pecunia ipsius qui forisfactum fecit, & hominum illius receptaculi in quo inimicus eorum erit.

VIII. Si mercator in istam villam ad mercatum venerit, & aliquis ei aliquid fecerit infra loricam istius villae; si Jurati inde clamores audient, & mercator in ista villa eum invenerit, homines Communie ad vindictam faciendam super hoc recte secundum opinionem suam auxilium parabunt, nisi mercator ille de hostibus sapedictae Communie fuerit. Et si ad aliquod receptaculum ille adversarius perrexerit, si ipse mercator vel Jurati ad eum miserint, & ille hostis satisfiat mercatori secundum judicium eorum qui Communionem servaverint, vel probare & ostendere poterit se illud forisfactum non fecisse, Communie

sufficiet. Quod si ille facere noluerit, si postmodum villam intraverit, & capi poterit, de eo vindictam facient Jurati.

I X. Nemo autem præter nos & Dapiferum nostrum poterit conducere in villam Sueffionensem hominem, qui forisfactum fecerit homini qui hanc Communiam juraverit, nisi forisfactum emendare venerit. secundum judicium eorum qui Communiam servaverint.

X. Si Episcopus Sueffionensis ignoranter adduxerit in civitatem Sueffionensem hominem qui forisfactum fecerit, homini istius Communiæ postquam sibi ostensum fuerit illum esse de hostibus Communiæ, nullo modo eum postea adducet, nisi assensu illorum quibus Communia servanda incumbit, & ea vice eum reducere poterit.

XI. Pecuniam illam quam homines istius Communiæ crediderant antequam Communiam hanc jurassent, si rehabere non poterint, postquam inde justum clamorem fecerint, quærent quoquo modo poterint quomodo creditam pecuniam rehabeant. Pro illa verò pecunia quam crediderint postquam hanc Communiam juraverint, nullum hominem capient, nisi sit debitor aut fidejussor.

XII. Si extraneus homo panem aut vinum suum in villam Sueffionensem causâ securitatis adduxerit, si postea inter dominum ejus & homines Communiæ discordia emerferit, quindecim dies habebit ille vendendi panem & vinum in eadem villa, & deferendi nummos & aliam pecuniam suam præter panem & vinum, nisi ille forisfactum fecerit, vel fuerit cum illis qui fecerint.

XIII. Nemo de villa prælibata, qui hanc Communiam juraverit, credet pecuniam suam vel commodabit hostibus Communiæ quamdiu guerra duraverit. Et si quis probatus fuerit credidisse aliquid hostibus Communiæ, justitia de eo fiet ad judicium eorum qui Communiam servabunt.

XIV. Si aliquando homines Communiæ contra

hostes suos exierint, nullus de Communia loquatur cum hostibus Communiae, nisi licentiâ custodum Communiae. Ad hoc statuti homines jurabunt, quòd neminem propter amorem seu propter odium deportabunt, seu gravabunt, & quod rectum iudicium facient secundum suam æstimationem. Omnes alij jurabunt quòd idem iudicium quod prædicti statuti super eos fecerint, & patientur & concedent, nisi potuerint probare quòd de censu proprio nequeant persolvere.

XV. Universi homines infra murum civitatis, & extra in suburbio commorantes, in cujuscunque terra commorentur, Communionem jurent : qui verò jurare noluerit, illi qui juraverunt de domo ipsius & de pecunia justitiam facient.

XVI. Si quis etiam de Communione aliquid forisfecerit, & per Juratos emendare noluerit, homines Communiae exinde facient justitiam.

XVII. Si quis verò ad sonum factum pro congreganda Communia non venerit, duodecim denariis emendabit.

XVIII. Præter has consuetudines à patribus nostris eis concessas & indultas concedimus, ut nullus infra ambitum villæ Sueffionum aliquid possit capere, nisi Major & Jurati quamdiu de eo justitiam facere voluerint. Et si aliquis de Communia nobis aliquid forisfecit, oportebit ut nos in Curia Episcopi Sueffionensis per Majorem villæ ad iudicium Juratorum justitiam de eo capiamus, nec eos extra prædictam Curiam vel placitare, vel chartam monstrare compellere poterimus, nec cuiquam licebit ab aliquo vel ab aliqua de Communia manum mortuam exigere.

Has itaque consuetudines prætaxatas, & eas quæ ab avo nostro eis concessæ fuerunt, & confirmatæ salvo jure nostro & Episcopi, & dominorum & Ecclesiarum, quæ in prædicta villa aliquid juris habent, concedimus & confirmamus. Quæ omnia ut perpetuum robur obtineant &c. præcepimus confirmari.

Actum

Actum Sueffion. anno Incarnationis Dominicæ M. C.
octogesimo Primo, Regni nostri secundo. Data per
manum HUGONIS Cancellarij.

USVS ET CONSVETVDINES

Tornacensis Communie à PHILIPPO II.

Rege Francorum ordinata.

Ermit D.
d'Herou-
val.

XXXII. **I**N nomine sanctæ & individuæ Trinitatis,
Amen. PHILIPPUS Dei gratiâ Francorum

A N. CHR.
1137.

Rex. Quoniam Regum interest ad ea quæ pacis sunt
intendere, id quod in bono zelo gerimus litterarum
apicibus duximus annotandum, & vivacis scripti me-
morie commendandum. Noverint itaque universi
præsentes pariter & futuri, quoniam Burgensibus no-
stris Tornacensibus pacis institutionem & Commu-
niam dedimus & concessimus ad eosdem usus & con-
suetudines, quas dicti Burgenses tenuerant ante in-
stitutionem Communie. Hæ autem sunt consuetu-
dines.

I. Si quis aliquem hominem de Communia Torna-
censi infra civitatem Tornaci vel extrâ occiderit, &
captus fuerit, capite plectetur, & domus ejus, si ali-
quam habuerit diruetur, quidquid residuum habet
interfeutor infra justitiam Communie Tornac. debet
Communiam habere, & si interfeutor evaserit, civita-
tem Tornac. intrare non poterit, quousque parenti-
bus interfecti fuerit reconciliatus, & emendationem
decem librarum Communie fecerit.

II. Si aliquis super alicujus morte fuerit accusatus,
& per legitimos testes illum occidisse probari non
poterit, judicio aquæ frigida innocentiam suam
purgabit.

Si aliquis aliquem percusserit, & querimonia in-
de facta fuerit, quocumque modo eum percusserit,
si constans fuerit, centum solidis emendabit, per-
cusso XLVIII. Communie XLII. & si constans non

Tom. XI.

XX

fuerit, tertia manu se purgare debet.

III. Si verò aliquis de nocte, sive de die armis motus aliquem vulneraverit, & vulneratus testes super hoc habuerit, percussor decem libras dabit, centum solidos percusso, & centum solidos Communiae; si autem testes non habuerit, & de die factum fuerit, septima manu se purgabit, si verò de nocte, iudicio aquae frigidae.

IV. Si aliquis propter odium aut rancorem aliquem habuerit suspectum, & Praeposito Communiae hoc intimaverit, Praepositus ei securitatem fieri faciet iuramento accepto ab eo; & si suspectus coram Praeposito non fecerit securitatem, ipse & omnia sua in voluntate Communiae debent remanere, & si nihil habuerit, inimicus erit civitatis.

V. Si aliquis extraneus, qui de Communia non fuerit, homini de Communia fecerit assultum, vicini sui eum juvare debent; quod nisi fecerint, Praepositus super eos clamare debet dedecus civitatis, & quidquid de eo fecerint, nullum debent adversus civitatem incurrere forisfactum.

VI. Si homo alij homini infra justitiam Communiae fecerit assultum, Praepositus accedens utrimque pacem teneri jubebit, & si neuter eorum pacem tenere voluerit pro ipso, & hoc duobus Juratis, vel duobus hominibus de Communia constiterit, uterque decem libras dabit Communiae. Similiter quilibet qui assultui intererit, & Praepositi praeceptum non fecerit, emendationem decem librarum dabit Communiae. Si verò Praeposito in Legem villae incedenti aliquis turpia fecerit, emendationem decem librarum ad opus Communiae dabit.

VII. Si quis alicujus domum assilierit, & ille cui fit assultus assiliendo*, defendendo se, assultumque repellendo, occiderit, nihil super hoc emendabit Communiae.

VIII. Si aliquis convicia dixerit alicui, & per testes legitimos fuerit convictus, quadraginta solidos

i. * assili-
entem.

dabit contumeliam passo xviii, & Communia xxii.

IX. Si aliquis aliquem pulsaverit iracundè aut traxerit, & super hoc testibus convinci potuerit, quinquaginta solidorum faciet emendationem, tracto vel pulsato xxiii, Communia xxvii. Et si non fuerit convictus, tertia manu suam faciet purgationem. Qui per iram enssem super aliquem in villa traxerit, si Præpositus de eo querimoniam faciens testes legitimos habuerit, quadraginta solidos de illo habebit Communia, & si Præpositus testes non habuerit, tertia manu se purgabit accusatus.

X. Si aliquis alicui ponens insidias, ipsum cœno vel luto involuerit, Præpositus & Jurati veritate intellecta à viris sive à feminis, ipsum ad solutionem decem librarum Communia compellent pro emendatione forisfacti, si convictus fuerit, & illas decem libras infra quindecim dies persolvere, aut villam relinquere oportebit, & si villam interim intraverit & captus fuerit, uno membro truncabitur: ille autem cui hoc dedecus factum est, si voluerit querimoniam facere, poterit, & justitia fiet illi.

XI. Si verò aliquis alicui unum membrorum suorum abstulerit, & captus fuerit, tale corporis sui membrum amittet, si verò prius parentibus reconciliari potuerit, centum solidos Communia persolver.

XII. In emendationibus forisfactorum habebunt Castellanus & Advocatus portionem suam ad iudicium Juratorum.

XIII. Si aliquis cum latrocinio in villa captus fuerit, Communia de eo faciet justitiam. Qui verò per veram famam de latrocinio fuerit accusatus, per tres annos inbannitus villam relinquet, & si interim redierit, justitiam de eo Communia faciet.

XIV. Si aliquis puer aliquem puerum casu occiderit, considerationi Præpositi & Juratorum debet relinqui, utrum puer debeat solvere pœnas, aut immunis delicti remanere.

Xx ij

XV. Si homo Communiae fuerit super falso convictus testimonio, Communiam debet amittere, quousque per voluntatem Præpositi & Juratorum possit eam sibi recuperare.

XVI. Si miles alicui civium Tornac. debito obligatus tenetur, & civis Præposito super hoc querimoniam fecerit, Præpositus militem ad diem citare debet, quod justum de milite fecerit clamorem, & si super hoc duorum Juratorum habuerit testimonium, querelam suam adversus militem obtinebit, & si testimonio caruerit, miles tertia manu militum se nihil ei debere juramento purgabit. Postquam autem civis clamorem suum obtinuerit, si miles infra villam manens sit, Præpositus res ipsius militis pro debito ad opus civis debet saisire, & donec satisfecerit detinere: si verò extra villam manserit, villæ communio ipsi debet interdici. Extunc autem civis ubicumque poterit de suo tantum accipiat, quod suum possit debitum recuperare. Si verò miles ad diem nominatum occasionem prætendens rationabilem venire non poterit ad diem prænominatum, ante diem sibi præfixum suam excusationem Præposito insinuabit, à quo alius ei dies præfigetur, & post illum diem, tertius, ad quem, vel eum, vel pro eo responsalem venire oportebit. Præpositus autem militem infra villam conducere poterit, quousque coram Juratis à cive ei inhibitum fuerit.

XVII. Si miles hominem feodatum in civitate habuerit, ipse homo eum in hospitio suo de jure recipere poterit, sed ei nec creditionem nec vicinagium faciet.

XVIII. Si fortè Castellanus, sive Advocatus, aut eorum servientes res civium violenter abstulerint, Præpositus eos ad diem citabit, si ad diem venire noluerint satisfacturi, Præpositus eorum res, quæ ad Communiam pertinent, saisire debet, quousque satisfactionem fecerint condignam.

XIX. Si quis Crucem, Dominicum visitaturus se-

pulcrum acceperit, occasione crucis non remanebit, quin eum oporteat jura civitatis & consuetudines observare secundum omnes divitias suas, propter has quas secum deferet ad servitium Dei.

XX. Quilibet homo legitimus de quacumque terra fuerit, si in civitatem venerit, & ibi manere voluerit, licitum erit ei, ut consuetudines civitatis observe.

XXI. Nemo civium alium civem ad duellum provocare poterit.

XXII. Quicumque uxorem alicujus hominis infra civitatem manentis abduxerit, inbannitus civitatem per septem annos relinquat, si postea reconciliatus redeat, res illius hominis quas cum muliere asportavit ex integro ei restituat.

XXIII. Quicumque puellam vi oppresserit, si constans fuerit, per septem annos inbanniri debet, & si de voluntate ipsius & parentum suorum eam uxorem ducere voluerit, ei liceat.

XXIV. Quicumque hominem occiderit, & ad Ecclesiam confugerit, Ecclesia ei garandiam conferre non poterit.

XXV. Quicumque fecerit injuriam in aqua Tornac. viæ ipsius aquæ catena debent recludi, quousque injuria fuerit emendata.

XXVI. Cum Præpositus & Jurati, & ceteri homines Communie propter negotia civitatis per civitatem ierint, quicumque alicui eorum convicia dixerit, & convictus fuerit, quadraginta solidis illud Communie emendabit. Ille verò cui convicium dictum est si clamorem fecerit, justitia fier ei.

XXVII. Emendationes forisfactorum de Communia debent custodire per annum quatuor Jurati, & quatuor qui nec sint Jurati nec Scabini, super hoc sacramentum facientes, & utraque pars suum habeat clericum. Illos verò qui nec Jurati sunt nec Scabini, eligant homines de Communia, Juratos instituant Jurati.

XXVIII. In Communia Tornac. debent haberi

triginta Jurati, de quibus duo erant Præpositi, & cum unus vel duo, vel plures ex illis triginta decesserint, superstites Jurati numerum de aliis suppleant supradictum.

XXIX. Charitatem beati Christophori, & calidos furnos, & excubias debent custodire quinque homines legitimi, qui nec Scabini, nec Jurati, & duo Scabini, quorum alter citra aquam, reliquis ultra aquam esse debet, & quidam Præpositus qui de triginta Juratis erit assumptus. Prædicti quinque homines legitimi jurare debent, quod de emendationibus charitatis, calidorum furnorum & excubiarum ultra quinque solidos non expendent nisi ad usus villæ communes, & isti quinque emendationes, & eorum scripta debent custodire.

XXX. Si tallia debeat in villa fieri ultra quadringentas libras secundum valentiam cujusque hominis quam habet, accipi debet id quod excedit quadringentas libras, si summa talliæ non excedit quadringentas libras, ad arbitrium proborum hominum villæ imponetur. Hanc autem talliam colligere debent legitimi viri parrochiarum, qui nec sint Scabini nec Jurati, & cum eis sex Jurati, & sint in parrochia & omnes similiter parrochiæ Scabini. Numerus autem colligentium talliam, scilicet, inter legitimos homines & Scabinos & Juratos, debent esse viginti, de qualibet parrochia quatuor homines, qui nec sint Scabini nec Jurati, debent talliam custodire.

XXXI. Homines de parrochia sancti Bricij debent esse de Communia Tornac. & de consuetudinibus Tornac. exceptis hominibus de Brolio, & de Romegnies.

Has itaque prænominatas consuetudines, & si quas alias obliviose omisimus, quas Tornacenses habere soleant & debeant, ipsis in perpetuum inviolabiliter & in pace observandas, sicuti hucusque dignoscuntur observasse, concedimus ad recordationem Juratorum, salvo jure Ecclesiarum, Castellani, & Advocati,

& Dominorum Monetæ & Maeria*, & nobilium virorum circummanentium, & eisdem eis per Droconem de Vilon militem nostrum asscurari fecimus. Propter hoc autem quotiescumque servientes Communiarum nostrarum in nostrum mittemus servitium, homines de Tornaco mittent in nostrum servitium trecentos pedites bene armatos, si Præcepto nostro vel successorum nostrorum Regum Franciæ fuerint inde requisiti.

* Id est Majoriæ sive Majoratus, Maiorie.

Si verò versùs Artesiam cum exercitu venerimus nos vel successores nostri, tota Communia Tornaci usque ad eundem locum vel usque ad æque remotum locum citra Tornacum nobis occurrere debet, si absque impedimento illuc usque potuerit pervenire; & hoc servitium nobis faciendo homines Tornaci erunt quitti & liberi ab omnibus aliis consuetudinibus à nobis & heredibus nostris Regibus Franciæ, & nos eos in iure suo adjuvare tenebimur.

XXXII. Præterea eisdem hominibus concessimus, ut campanam habeant in civitate in loco idoneo ad pulsandum ad voluntatem eorumdem pro negotiis villæ.

Quæ omnia ut rata permaneant & inconcussa, præsentem chartam &c. præcepimus confirmari. Actum Parisius anno Domini M. C. LXXX. VII. Regni IX. Adstantibus &c. Data Vacante Cancellaria.

PHILIPPVS FLANDRIÆ Communi-
cavit D. de
Rebque.
& Viromandensis Comes confirmat leges
& consuetudines amicitie Ariensium in
Artesia.

XXXIII. **I**N nomine Patris & Filij & Spiritus sancti. Ego Philippus Flandriæ & Veromandiæ Comes præsentibus & futuris. Peregrinaturi ob terram sanctam in qua nos Filius Dei pretio sanguinis sui de potestate diaboli liberavit, ministerio

AN. CHR.
1188.

nostro si dignabitur, sed virtute sua ab immunda gente liberandam; dignum duximus hominibus terræ nostræ libertatem & immunitatem, quam eis antecessores nostri retro Principes indulserunt, conservare & confirmare. Super hac igitur re adeuntibus nos burgensibus Ariæ ut legibus & consuetudinibus approbatis liberè uterentur, quas ob injurias hominum perversorum propulsandas illustris Comes Robertus, & Clementia Comitissa, & Carolus Comes, & Guillelmus successor ejus, & piæ memoriæ Theodoricus Comes pater meus eis indulserant: Nos quoque eisdem, ut pote quos erga nos devotiores æstimamus, easdem leges vel consuetudines tenendas & observandas libentissimè indulgemus.

I. In amicitia igitur sunt duodecim selecti Judices, qui fide & juramento firmaverunt, quoniam in judicio non accipient personam pauperis, vel divitis, nobilis vel ignobilis, proximi vel extranei. Omnes autem ad amicitiam pertinentes villæ per fidem & sacramentum firmaverunt, quod unus subveniet alteri tamquam fratri suo in utili & honesto.

II. Quod si unus in alium aliquid admiserit verbo vel facto suâ illius qui læditur culpâ, non accipiet ultionem per se vel per suos qui læsus est, sed apud Præfectum domini Comitis conqueretur, si negotium ad eum attinet, ne domino Comiti jus suum depereat; & reus arbitrio duodecim Judicum selectorum admissum emendabit.

III. Et si unus in alium aliquid admiserit verbo vel damno, similiter non accipiet ultionem per se vel per suos qui læsus est, sed apud Præfectum amicitiae conqueretur, si negotium ad eum attinet, & reus arbitrio duodecim Judicum selectorum admissum emendabit. Quod quidem arbitrium si lædens, vel læsus, sequi tertio admonitus noluerit, ipse & qui eum in hac pertinacia foverit, reus & perjurus contra utile & honestum amicitiae quod juraverat vadens, ab amicitia communi ejicietur, & amicitiae in tribus libris
nummorum

nummorum condemnabitur, reliquum substantiæ ejus domini Comitum & Castellani erit.

IV. De turpi convicio quinque solidos Præfecto Amicitia, & amico contumeliato infra octo dies dabit; quod si primam hebdomadam illos quinque solidos non solvens neglexerit, in secunda hebdomada duplicabit, in tertia verò septimana triplicabit; si autem hoc totum transgressus fuerit, reus & perjurus ab amicitia pelletur, & de sua substantia tres libras habebit communiter Amicitia, & totum quod erit residuum Comes & Castellanus.

V. Quod si aliquis suum conjuratum occiderit, infra quadraginta dies nullus amicorum mortui, nisi eo præfente interfectus fuerit, potest de eo ultionem accipere, vel eum qui interfecit de amicitia pellere; sed nisi infra quadraginta dies secundum judicium selectorum judicum mortem amici emendaverit, & nisi parentibus satisfecerit, ab amicitia pelletur reus & perjurus, & de rebus illius tres libras habebit communiter amicitia, & totum quod remanet Comes & Castellanus. Et si duodecim judicaverint, per Comitum & Castellanum domus illius diruetur; si verò amici mortui emendationem judicatam nolunt accipere, eidem subjacebunt culpæ, quod tres libras dabunt, & de amicitia pellentur.

VI. Quod si aliquis de amicitia res suas perdiderit, vel per furtum vel per rapinam, & ipse certa vestigia de re perditâ invenerit, ad amicitia Præfectum querimoniam faciet, qui convocatis villæ amicis rem perditam investigabit itinere unius diei in eundo & redeundo, qui autem ire neglexerit, quinque solidos amicitia infra hebdomadam dabit.

VII. Si autem ille qui non fuerit de amicitia aliquid homini de amicitia abstulerit, Præfectus amicitia auditâ querimoniâ, adhibitis testibus, conveniet eum qui abstulit, & si non composuerit cum illo cui rem abstulit, res villæ venalis ei interdicetur.

VIII. Milites autem & Vavassores de amicitia

Tom. XI.

Y y

existentes, qui tallias & exactiones villæ per suggestionem Præfecti amicitia solvere noluerint, si amico suo aliquid abstulerint, tamquam extranei eidem subiacent damno, quod res venalis villæ eis interdicitur. Et quicumque post bannum factum eis aliquid vendiderit, vel ab eis emerit, aut in hospitio receperit; si per duos de amicis inde convinci poterit, quinque solidos amicitia communiter dabit, & amico suo restituet. Hæc erit lex universalis de omnibus quæ auferentur.

IX. Quod si quis, qui non est de amicitia turbâ parentum fretus homini de amicitia injuriam in verbo vel facto fecerit, ille ad amicitia Præfectum conquiretur, & nisi culpabilis ad honorem illius in quem peccavit emendaverit, & emendationem arbitrio duodecim judicum selectorum Præfecto Comitum & amicitia soluerit, res venalis villæ ei interdicitur, donec ei se composuerit; & si quis post bannum factum ei aliquid vendiderit, vel ab eo emerit, & inde convinci poterit, amicitia communiter quinque solidos infra octo dies dabit.

X. Si verò tumultus in villa evenerit, qui de amicitia est & ad tumultum auditum non venerit & auxilium non feret pleno corde prout tempus dictaverit, amicitia communitati quinque solidos infra octo dies dabit.

XI. Si verò homo qui non est de amicitia amicum villæ vulneraverit, vel etiam occiderit, & de villa fugerit & capi non potuerit, quandocumque sive post annum, sive post duos, vel tres annos, aut plures, ab amicis villæ poterit teneri, statim Præfecto Comitum præsentetur, ipsis graviter conquerentibus, & una voce deprecantibus, ut secundum arbitrium judicum selectorum ultionem de eo faciat: Et si fortè eum occiderint, nullum forisfactum ab eis Comes exigere poterit; & si quis ad capiendum illum se subtraxerit, amicitia viginti solidos infra octo dies dabit, & quadraginta solidos Comiti & Castellano.

XII. Omnis qui ad forum villæ venerit, nisi sit homicida de amicis villæ, pro honore Comitis, & pro utilitate villæ salvus sit eundo & redeundo in die fori, si inducias à Præfecto Comitis & Præfecto amicitie postulaverit. Homicida verò de amicis villæ ad forum veniens, statim sicut supra dictum est capiatur, & Præfecto Comitis præsentetur, & qui se subtraxerit viginti solidos de rebus suis amicitia communiter habebit, & quadraginta solidos Comes & Castellanus.

XIII. Clerici non cogentur inferre ultionem nisi de debitis.

XIV. Si verò alicui domus sua combusta fuerit, vel aliquis captus se redimendo attenuatus fuerit, unusquisque pauperato amico nummum unum in auxilium dabit.

XV. Præterea sciendum est, quòd lex amicitie jus Comitis non destruit, nec amicitie legem delet jus Comitis; nam quocumque modo amicus in amicum forisfaciens se composuerit, si contumeliato amico visum fuerit, ab amicitie lege suam emendationem habebit.

XVI. Has igitur leges & consuetudines amicitie Arienſium, & si quid meliorari potest consilio duodecim judicum selectorum ad honorem & utilitatem totius villæ, salva fidelitate Comitis, sicut antecessores nostri concesserunt & confirmaverunt, nos quoque eis concedimus, & sigilli nostri appensione confirmamus.

XVII. Præterea terram illam pascualem, quæ est inter Belti & Lambres, quam prædicti Burgenses à domino ROBERTO Comite & CLEMENTIA Comitissa prece & pretio sicut eorum scripto edocemur obtinuerunt, eisdem Burgensibus nostris in perpetuum liberam & immunem in communem possessionem confirmamus.

Actum est hoc anno Domini M. C. LXXVIII. apud Ariam sub his testibus. Signum GERARDI Brugenſis Præpositi, S. GERARDI Insulensis Præpositi, S. RO-

Yy ij

BERTI Betuniensis Advocati, S. JOHANNIS Insulensis Castellani, S. WILLELMI Audomarenfis Castellani, S. GILBERTI Bergensis Castellani, S. RASSONIS de Gavera, S. BALDEVINI de Aria, S. GILBERTI de Aria, S. RENALDI de Aria, S. BALDUINI Flael.

Ermit D.
d' Heron-
val.

PACTUM MATRIMONII
Inter BERNARDUM Convenarum Co-
mitem, & MARIAM filiam GUILLELMI
Domini Montispeffulani.

A. N. CHR.
1197.

Partim edi-
dit Gariel.
in Ser e
Præsul.
Magal.
pag. 173.

XXXIV. CUM masculi & feminae conjunctio à jure naturali, & ex divino præcepto descendat, & ob hanc rem donationes à muliere vel ex parte mulieris intervenire soleant ad matrimonium observandum, & propter onera matrimonii levius sustinenda. Ideo in Dei nomine ego GUILLELMUS dominus Dei gratiâ Montispeffulani, filius quondam MATHILDIS Ducissæ, collocans filiam meam MARIAM in matrimonium tibi BERNARDO Comiti Convenarum, dono tibi cum ea ducentas marcas argenti fini & ornamenta nuptialia.

al. * de
Muret.

Qua de causa in Christi nomine ego BERNARDUS Comes Convenarum accipiens te MARIAM in legitimam uxorem, & me tradens tibi in virum legitimum, dono & concedo tibi in donatione propter nuptias totum castrum de Murell. * cum hominibus & feminis, & cum tota jurisdictione sua & potestativo, & suis omnibus pertinentiis & adjacentiis, & quæ pertinere possunt vel debent, ita scilicet quòd si mihi supervixeris, habeas & teneas istud castrum in tota vita tua, & omnes fructus & redditus, inde exeuntes, tuos proprios facias & percipias ad omnes voluntates tuas plenariè faciendas. Et super idem castrum dono & concedo tibi ipsi MARIÆ supradictas cc. marcas argenti fini quas tecum accepi, ita quòd

fructus vel redditus inde exeuntes in sortem vel *paguam* nullatenus computentur. In quibus cc. marcis expressim renuntio exceptioni non numeratæ dotis, & etiam ex certa scientia renuntio omnibus juris auctoritatibus, quibus continetur ut dos & donatio æquis passibus ambulent. Et quamvis donatio dotem excedat, nihilominus volo ut valeat, & in eo quod excedit omni juri abrenuntio. Si verò filium ex te MARIA habuero, totam terram meam, & donationem qualiscumque sit absque ulla retentione irrevocabiliter dono & concedo in perpetuum. Et cum filius ille natus fuerit, totam terram meam ei jurari faciam ab hominibus meis. Si verò filiam de te habuero sine libero masculino, totam terram meam qualiscumque sit, excepto Comenge, illi filiæ dono & concedo in perpetuum, & eodem modo ab hominibus meis similiter illi filiæ jurari faciam cum nata fuerit. Ab hac tamen donatione excipio & mihi retineo Montem-desertum & Favere *, & Ceren & Gilla-
cum; quæ castra possim donare filio meo Bernardo, quem habui ex Contores filia Arnaldi Guillelmi de Barta *, ut his sit contentus, & nihil amplius in terram meam petere possit.

al. *. Favere.

al. *. Bertha.

Item per stipulationem tibi Mariæ promitto quòd nihil dixi, nec feci, nec dicam, nec faciam quominus toto tempore vitæ meæ te Mariam in uxorem honorificè habeam & teneam, nec aliam superinducam; sed omni tempore vitæ meæ te & liberos tuos * in magna honorificentia habebo & tenebo, & heredes mihi faciam, ut supradictum est.

al. *. liberos.

Et ego Maria supradicta filia Guillelmi domini Montispeffulani, dono & concedo tibi Bernardo Comiti Convenarum mecum in dotem omne jus & actionem, quam habeo vel habere possum vel debeo contra res vel heredes Barralis quondam mariti mei, nomine vel occasione dotis vel relictæ, quod mihi Barralis debebat, vel quod mihi reliquerat usque ad quantitatem trecentarum marcarum argenti. Et cum

Y y iij

hac charta in veritate profiteor, quòd pater meus Guillelmus dominus Montispeffulani tibi dicto Comiti marito meo dedit supradictas cc. marcas mecum in dotem, quæ fuerunt solutæ nomine illarum quingentarum marcarum, quas Barralis in testamento suo reliquerat. In quibus cc. marcis profiteor ego Maria quòd continentur illæ centum marcae quas pater meus Guillelmus dominus Montispeffulani olim dedit Barrali mecum in dotem.

Et ego Bernardus Comes Convenarum has quingentas marcas supradictas dono, laudo & concedo tibi Mariæ uxori meæ, & tuis fructibus in sortem non computatis super dictum castrum de Murel cum suis omnibus pertinentiis, & quæ pertinere debent. Totum hoc ita tenebo & observabo sine omni dolo, sic Deus me adjuvet, & hæc sancta quatuor Dei Evangelia.

De his omnibus & singulis supradictis ex parte Comitis Convenarum est firmantia & debitor per sacramentum corporaliter præstitum RAIMUNDUS Comes Tolosæ Dux Narbonæ & Marchio Provinciæ, dictæ Mariæ & patri suo Guillelmo domino Montispeffulani, & infantibus quos Comes Convenarum ex dicta Maria habuerit. Item sunt firmantiæ & debitores de his omnibus VITALIS de Monteacuto, ADEMARUS de Genzac, GALTERIUS de Nogueriis, B. de Miramon, TIGNOSUS de Castillon: omnes per sacramentum corporaliter præstitum mandato Comitis Convenarum. Insuper B. Auxensis Archiepiscopus, R. Convenarum Episcopus, F. Tolosæ Episcopus, mandato & precibus dicti Comitis Convenarum promiserunt, & se inde obligaverunt; quòd nisi ita totum ut supradictum est Comes Convenarum attenderet, vel aliquid infringeret, ipsum excommunicent nominatim, & totam terram ejus interdicto subjiciant, donec ad plenum sit super omnibus satisfactum, & integrè emendatum ad voluntatem & notitiam dictæ Mariæ & patris sui Guillelmi Domini Montispeffulani.

Item mandato Comitum Convenarum & etiam Comitum Tolosæ sunt de omnibus supradictis firmantia & debitores quisque in solidum G. de Balcio, & UGO de Baucio frater ejus, per sacramentum coporaliter præstitum, & etiam Comes Tolosæ sub eodem sacramento promisit & se inde obligavit dictæ Mariæ, & patri suo G. domino Montispeffulani, quod si Comes Convenarum omnia ista non adimpleret vel aliquid infringeret, vel ex his mutaret, ipse erit fidelis eis adjutor in guerra & placito, cum tota terra sua, & hominibus suis.

Facta est charta ista & laudata apud Montempeffulanum in Camera G. Domini Montispefful. anno Dominicæ Incarnationis M. C. LXXXVII. mense Decembri.

1197.

Horum omnium supradictorum sunt testes R. Agatensis Episcopus, G. Magalonensis Præpositus, HELIAS frater ejus, RAINOARDUS de Momolena, ROSTAGNUS de Montarbezou, B. Lamberti, R. Albrandi, R. Lanberti nepos ejus, Magister GUIDO, P. Lucianus, G. de Rabastenes; P. de Concas, BERENGARIUS nepos ejus, W. Petri, P. de Montebe-liardo, GUIRALDUS Albrand, JACOBUS Lambardus. G. de Conchis, G. de Salzeto, RANDULFUS Bonifacius, ERMENGAVUS de Azillano, UGO Puluerellus, B. Ecclesia, P. de Bifancas, G. Capion, P. Deodatus, BERANGARIUS de Montearnaldo, G. de Albaterra, G. de Mefoa, Robolanus, P. Galuan G. de Montarbezou, P. de Porta, BERMUNDUS Rainaldus, RAIMUNDUS D'arlens, G. Rigaldus, JORDANUS de Concas, BERTRANDUS Vefiani Canonicus, BERTRANDUS Sacerdos, P. de Circio, B. Austrinus, & GUILLELMUS Raimundi Notarius qui hæc scripsit.

Item de his omnibus complendis ex parte Comitum Convenarum est firmantia & debitor dominus B. de Andusia, per sacramentum coporaliter præstitum. Testes sunt UGO Puluerellus, P. Guiraldi, B. Fref-

nellus, B. Ecclesia, B. Gandalricus, Farssire, P. Luciani, & GUILLELMUS Raimundi qui hæc scripsit.

*Erut D.
d' Heron-
val.*

GUILLELMVS DE TVRRE
& GUILLELMA *matrimonium*
ineunt.

AN. CHR.
1204.

XXXV. **I**N Dei nomine, anno nativitatis ejusdem
M. CC. IV. regnante rege Philippo, mense
Julij. Notum sit omnibus quòd ego ALADAICIA,
& ego GUILLELMUS Franchi, & ego RAIMUNDUS,
& ego PETRUS fratres filij ejus, quia te GUILLELMUM de Turre volumus habere in legalem generum
& cognatum, damus tibi filiam & sororem nostram
nomine GUILLELMAM in propriam & legalem
uxorem, optantes ex te & illa legales videre nepotes,
& damus tibi cum ea in dote & pro omni ejus hereditate
duo millia solidorum Melgoriensium, ex quibus redimas totum honorem de fiscis, de pignore in quo erat;
quæ duo millia solidorum Melgoriensium damus vobis tali pacto, quòd illa habeatis & teneatis
ambo simul in omni vita vestra, post mortem autem vestram remaneant infanti vel infantibus ex vobis
duobus pariter creatis & natis, si illos vobis superviventes habueritis, si verò infantem vel infantes tales,
ut diximus, vobis superviventes non habueritis, & tu GUILLELMUS de Turre filiam & sororem nostram
Guillelmam uxorem tuam supervixeris, damus tibi de prædictis duobus millibus solidis Melgoriensibus
quingentos solidos Melgorienses, ad omnem tuam voluntatem plenariè faciendam, & mille quingenti
solidi Melgorienses confestim debent reverti proximis dictæ GUILLELMÆ filiae & sorori nostræ, vel
debent habere & tenere totum honorem de fiscis pro suo pignore fructibus in sortem non computandis,
tamdiu donec eis persolvantur dicti mille & quingenti solidi Melgorienses in die festo Omnium Sanctorum.

Hæc

Hæc omnia superius scripta, ego dicta **GUILLELMA** laudo & confirmo bona fide sine ingano: & ego **GUILL-ELMUS** de Turre, quia te dictam Guillelmam volo habere in legalem uxorem, & ex te Deo dante legales cupio habere infantes, meipsum trado tibi in legalem maritum, & dono tibi in donationem propter nuptias sive in sponsalicio pro augmento mille solidos Melgorienses, tali pacto quòd illos habeamus & teneamus ambo simul in omni vita nostra, post mortem autem nostram remaneant infanti vel infantibus ex nobis duobus pariter creatis & natis, si illos nobis superviventes habuerimus, si verò infantem vel infantes tales, ut dixi, nobis superviventes non habuerimus, & tu uxor mea **GUILLELMA** me supervixeris, dono tibi dictos mille solidos Melgorienses ad omnem tuam voluntatem plenariè faciendam, quos illos mille solidos Melgorienses simul cum prædictis duobus mille solidis Melgoriensibus præfatæ hereditatis tuæ, quæ sunt tria millia solidorum Melgoriensium completa, laudo tibi Guillelmæ uxori meæ & tuis more pignoris super totum honorem meum de fiscis, citra & ultra fructibus in sortem non computandis, tamdiu donec tria millia solidorum Melgoriensium tibi, vel cui jusseris à **BERNARDO** de Vinciano, & **BERNARDO**, & **GUILLELMO** fratribus consobrinis meis in pace persolvantur in die festo Omnium Sanctorum, vel de anno in annum in isto festo Omnium Sanctorum, & teneo me bene perpacatum de omnibus prædictis duobus millibus solidis Melgoriensibus præfatæ hereditatis tuæ, sicut dictum est, integritè renuntians exceptioni non numeratæ pecuniæ & non numeratæ dotis. Et ultra hoc totum dono tibi totam cameram integritè. Hujus rei sunt testes **BERNARDUS** de Vinciano, & **BERNARDUS** frater ejus, **PETRUS** Raimundi de Vinciano, **UGO** de Ciliano & **BERANGARIUS** de Ciliano nepos ejus, **GUILLELMUS** de Salutano Notarius, **CAPUSTAGNO** mandatus scripsit.

Ernit D.
Godefray.

IVRA ET CONSVETVDINES CIVIBVS

Attrebari concessa ab Ludovico Philippi Augusti filio,
& à Roberto Comite Attrebatensi confirmata.

A. N. CHR.
1211. &
1268.

XXXVI. **I**N nomine sanctæ & individue Trinitatis, amen. ROBERTUS Comes Attrebatensis excellentissimi Principis Ludovici Dei gratiâ Regis Franciæ illustris nepos, universis præsentibus litteras inspecturis salutem. Noverint universi nos litteras felicitis recordationis LUDOVICI quondam avi nostri, primogeniti quondam Philippi Dei gratiâ Regis Franciæ illustris vidisse & diligenter inspexisse, in hæc verba:

In nomine sanctæ & individue Trinitatis, amen. LUDOVICUS domini Regis Francorum primogenitus. Noverint universi præsentibus pariter & futuri, quod iura & consuetudines civium Attrebatensium perpetuò inconcussè manere decrevimus, videlicet:

I. Quicumque burgenfis alium burgensem occiderit scienter sive intra villam sive extra, caput pro capite perdet, si per Scabinos convictus fuerit.

II. Quicumque membrum alij scienter abstulerit & convictus inde fuerit per Scabinos, in voluntate nostra erit vel de tali membro auferendo, vel de sexaginta libris, nisi se defendendo hoc fecerit.

III. Quicumque raptum aut homicidium fecerit, iustitia nostra eum quam citius poterit capiet, & submonebit Scabinos ut eum infra quadraginta dies judicent, & Scabini debent eum iustè judicare infra quadraginta dies. Et si à die submonitionis usque ad quadraginta dies eum non judicaverint, iudicium de eo ex tunc nostrum erit, & Scabini nobis exinde facient emendationem.

IV. Quicumque de raptu convictus fuerit per Scabinos, caput perdet, nisi mulier cui vis illata est ei voluerit nubere, & hoc de voluntate nostra.

V. Quicumque per Scabinos convictus fuerit quod treugas infregerit de plaga ad bannileugam, caput perdet; quod si plaga ad bannileugam non fuerit, sexaginta libras amitter: & quem scabini inde iustè inculpaverint, in culpa erit; & quem iustè liberaverint, liber remanebit.

VI. Quicumque alium occiderit, vel ad mortem vulneraverit, si iustitiæ nostræ eum retinere volenti quispiam violentiam fecerit, in voluntate nostra erit de illo facere sicut & de eo qui forisfactum fecit, si protractum hoc fuerit per Scabinos.

VII. Si quis alij vulnus fecerit, & iustitia nostra eum coram Scabinis duxerit, si Scabini viderint quod vulnus illud non sit ad mortem, sed ad bannileugam, perdet sexaginta libras. Si verò viderint quod possit esse ad mortem, triginta diebus observabitur, & si interim moriatur, caput pro capite. Si verò interim non moriatur, sexaginta libras amittet super se, & super suum, & de illo iudicio non poterimus capere ad Scabinos.

VIII. Quicumque intra pacem civitatis infracturam fecerit de raptu, vel de furto, vel de plaga ad bannileugam, iustitia nostra debet eum arrestare & coram Scabinis ducere, & ibi debet facere securitatem per considerationem Scabinorum tantum faciendi quantum Scabini judicabunt.

IX. Quicumque alium occiderit vel ad mortem vulneraverit, Major & Scabini & tota Communia debent juvare iustitiam nostram ad capiendum eum, & Communia poterit eum sequi ubique infra bannileugam, sine forisfacto nostro & iustitia nostra, secum acceptis circiter decem vel duodecim hominibus civitatis quos voluerit, poterit eum sequi usque ad domum ad quam fugerit, & recommendare eum & ad dominum domus, qui veniat ad iustitiam.

Miscellanea Epistolarum. 563

X. Quicumque cultellum cum cuspide, vel curtam spatulam, vel misericordiam, vel aliqua arma multitoria portaverit, sexaginta libras perdet; & si inde aliquem vulneraverit, in misericordia nostra erit perendi pugnus: & hoc de manentibus citra Oysam.

XI. Iustitiæ nostræ licet in res banniti manum mittere; qui bannitus est de sexaginta libris quousque suum habeat, salvis vadiis prius factis per Scabinos.

XII. Qui bannitum de sexaginta libris vel de morte hominis infra bannileugam occiderit, quantum ad Communiam sine forisfacto erit.

XIII. Si quis fuerit in libera domo, quem iustitia nostra detinere voluerit, per dominum domus vel per se & auxilium suum arrestare poterit eum quousque Scabini veniant, & tutus eorum iusto iudicio debet tractari.

XIV. Si quis foraneus burgensem primò & injustè verberaverit, aut vulneraverit, vicini eum sequi poterunt & vicinum suum juvare sine forisfacto; & si ille se defendat, quidquid in eum fiat, fiat sine forisfacto.

XV. Si Miles burgenſi pecunias debens se inde subdiderit legi Scabinorum coram eis, eumque non juverit iustitia nostra ab eo requisita, burgenſis vadium Militis & abandon capiet intra partem civitatis sine forisfacto. Et qui post prohibitionem inde factam eum hospitatus fuerit, pecuniam solvet.

XVI. Nullus intra partem civitatis manens submoneri debet, nisi per Scabinos, & Scabini non possunt conſistere, quin eam * cum iustitia nostra f. * etiam, quandocumque eos submonuerit, si iustitia debet eis dicere causam submonitionis an sit rationabilis, nec ire debent nisi sit rationabilis.

XVII. Qui per Scabinos pertractus fuerit de assultu domus, sexaginta libras perdet.

XVIII. Qui alium intra bannileugalem cum armis fugaverit, si per Scabinos pertractus fuerit, sexaginta libras perdet.

XIX. Quidquid homo faciet corpus suum defendendo, nullum forisfactum facit.

XX. Qui de Robaria pertractus fuerit per Scabinos, sexaginta libras perdet, & ei robaria reddetur qui eam amiserit.

XXI. Quamcumque concordiam bannitus faciat nobiscum, remaneat bannitus hominibus civitatis, donec sexaginta solidos eis perfolverit.

XXII. Qui bannitum de sexaginta libris hospitatus fuerit, sexaginta libras perdet.

XXIII. Qui alium baculo percusserit, si per Scabinos pertractus fuerit, decem libras perdet, quarum nos centum solidos habebimus, Castellanus viginti, burgenſes viginti, percussus sexaginta. Qui alium pugno vel palma percussit, seu per capillos cepit, triginta solidos perdet, videlicet percussus quinquaginta quinque solidos habebit, Castellanus decem homines civitatis quinque.

XXIV. Qui alium per capillos ad terram traginaverit, vel pedibus desolaverit, undecim libras & dimidiam perdet, videlicet nos decem libras habebimus, Castellanus decem solidos, traginatus quindecim, homines civitatis quinque.

XXV. Qui alij convitia dixerit, quinque solidos ei dabit, & iustitiæ duodecim denarios.

XXVI. Qui duobus vel pluribus Scabinis treugas refutaverit, sexaginta libras perdet.

XXVII. Guerræ & discordiæ & aliqua mala si in civitate contingunt,

Zz ij

per Scabinos emendari poterunt salvo jure nostro.

XXVIII. Qui pacem & concordiam, quam Scabini considerant, refutaverit, sexaginta libras perdet, & cuique Scabinorum decem dabit.

XXIX. Qui super Scabinos per malum manum miserit, sexaginta libras perdet.

XXX. Qui de infractura civitatis falsum testimonium dixerit, sexaginta libras perdet.

XXXI. Quicumque alij pecuniam debuerit, per testimonium Scabinorum non poterit liber esse, donec creditor ipsum quitum clamaverit per Scabinos.

XXXII. Quicumque burgenfis in dolo pro damno à faciendo alicui super se clamare fecerit, & coram Scabinis probatum fuerit, clamor iste & totum residuum illius creditoribus communiter remanebit.

XXXIII. Quicumque de civitate pro debito fugerit, totum residuum illius creditoribus remanebit, & fugitius de civitate bannietur pro sexaginta libris.

XXXIV. Nullus civium debet alium implacitare de catallo, nisi coram justitia nostra & Scabinis, & si aliàs eum implacitaverit, liberare debet eum infra terminum à Scabinis constitutum: quod si non fecerit, sexaginta libras perdet.

XXXV. Nullum donum, nulla venditio, nulla concessio, nulla investitura tenebitur, nisi facta fuerit coram Scabinis.

XXXVI. Nullus Clericus adversus laicum hereditatem suam petere potest, nisi per Advocatum suum & per justitiam nostram & judicium Scabinorum: similiter nec feodum suum nisi per dominum à quo descendit & judicio hominum suorum.

XXXVII. Qui forum locabit, sexaginta solidos nobis dabit. Banni vini & banni venalium à sexaginta solidis, & infra & banni de tremereello remanebunt hominibus civitatis.

XXXVIII. Si homo foraneus Attrebatum manere veniat, Scabinis presentatus*, deinde quietè & sine calumnia per diem & annum ibi manserit, burgenfis erit in * legem civitatis habebit.

f. * &

XXXIX. Qui fossare debent, ad fossatum veniant sicut debent.

XL. Nullus accipiat denarios ex parte nostra ad portas civitatis ad enundandum calceas, nisi burgenfis.

XLI. Quacumque hora nos voluerimus de bannitis nostris, & de aliis rebus omnibus veritatem habebimus, si Scabini eam dicere sciunt. Banniti in Flandria per veritatem, vel per Scabinos Flandrenses de furto, vel de multo aut raptu, nominari debent Scabinis Attrebat, & ab eis banniri, & deinceps si in villa inveniantur capi possunt.

XLII. Quoniam autem quæ dicta sunt cognitione & justo judicio Scabinorum tractari debent,

XLIII. Præterea concessimus burgenfisbus Attrebat Scabinos novandos se singulis quatuordecim mensibus in quatuordecim menses: ita quod post singulos quatuordecim menses Scabini qui eo tempore fuerint, eligent quatuor probos & legitimos viros civitatis, prius præstito sacramento quod magis legitimos bona fide eligent, & illi quatuor eligent alios quatuor viros probos & discretos per suum sacramentum, & iterum secundi quatuor eligent alios quatuor per suum sacramentum similiter, & isti duodecim erunt Scabini per quatuordecim menses, ita quod in Scabinatu non poterunt esse simul consanguinei germani, nec proximiores, nec focer, nec gener. Quicumque autem Major sit, non potest habere in Scabinatu consanguineum germanum, nec propinquiorem, nec socrum, nec gene-

rum, quemadmodum dictum est de Scabinis.

XLIV. Prædicti verò duodecim Scabini debent submonere de talliis suis ad hospitia sua, & isti duodecim Scabini debent eligere quatuor probos viros, qui debent recipere omnia estaamenta civitatis, & de eis debent reddere computationem Scabinis.

XLV. Fiet autem electio Scabinorum de quatuordecim mensibus in quatuordecim menses, sicut superius dictum est, salvo jure Majoris Attrebatum quale debet habere & omnium aliorum.

XLVI. Adhuc eisdem Scabinis dedimus stratum & denarios portæ qui sunt ad calceiam faciendam, ad usus & consuetudines civitatis, salvis tamen nobis redditibus nostris & forisfactis, & justitia illius loci.

Ut autem prædicta omnia firma sint & inconcussa, sigilli nostri auctoritate & nostri nomine characteris inferius annotato præsentem paginam præcepimus confirmari. Actum Parisius anno Dominicæ Incarnationis millesimo ducentesimo undecimo, regni patris anno tricesimo secundo, altantibus in palatio ejusdem patris nostri quorum nomina supposita sunt & signa, Dapifero nullo. Signum Guidonis Buticularij, S. Bartholomei Camerarij, S. Droconis Constabularij: per manum Guidonis de Atheis vacante Cancellaria.

1211.

Nos autem præfatus ROBERTUS Comes Attrebatensis ea omnia & singula quæ præmissa sunt volumus, laudamus, ac etiam approbamus, salvis tamen nobis, heredibus & successoribus nostris justitiis, redditibus, redevantiis & expletis nostris, & omnium alio jure nostro.

XLVII. Præerea villæ nostræ Attrebatensis & Scabinis ejusdem villæ concedimus cognitionem & judicium multri, incendij, & totius altæ & bassæ justitiæ intra judicium Scabinorum, salvis nobis expletis, emendis & forisfactis nostris in omnibus supradictis.

XLVIII. Concedimus etiam eisdem, ut statutum quod de nostro eorumque consensu factum fuit de talliis per juramentum perpetuo apud Attrebatum faciendis, & de emendis levandis ab illis qui de suis facultatibus veritatem non dicerent, firmum & stabile amodò permaneat sine contradictione aliqua teneatur.

XLIX. Volumus autem & concedimus eisdem, ut omnes qui pro tempore Scabini Attrebatenses erunt in posterum, in primo ingressu sui Scabinatus jurent quod jura Ecclesiastica, jura nostra, vitam & membra nostra & hominum nostrum terrenum, & ea quæ in charta nostra præsentem continentur fideliter servabunt, & legem & jus omnibus facient bona fide, salvo tamen in his omnibus jure nostro, ac etiam alieno. Ut autem hæc præsens concessionis nostræ charta illæsa & inconcussa permaneat in futurum, Nos in prædictis utilitatem & pacem villæ nostræ Attrebatensis prædictæ & Scabinorum, & omnium habitantium in eadem villa attendentes, præsentem chartam nostram eisdem concessimus, & eam sigilli nostri characterem fecimus roborari. Actum Parisius anno millesimo ducentesimo sexagesimo octavo, mense Martio, die Martis ante Ramos palmarum, videlicet in festo beati Gregorij.

1268.

GVILLELMVS COMES FORCALQVERII *Ernit D.*
foedus inii cum Guidone de Dampetra, quo suum omne jus d'Herou-
quod pretendebat in Borbonio ipsi relinquit. *val.*

XXXVII. **D**OMINÆ & amicæ suæ charissimæ AN. CHR.
 BLANCHÆ illustri Trecenti Co- 1211.
 Zz iij

mitissæ Palatinæ WILLELMUS Comes Forcauque-
rij, & MARGARETA uxor ejus, salutem & sinceræ
dilectionis obsequium & honorem. Noverit ferenitas
vestra quòd cùm matrimonium nostrum de laude &
assensu Domini Ducis Burgundiæ, GUIDONIS de
Dampetra, M. dominæ Borbonij, & aliorum ami-
corum nostrorum celebratum fuisset: Nos videntes
quòd dictus Guido de Dampetra volebat bona fide
quòd nos jus nostrum haberemus in omni terra, quæ
me Margaretam contingere debebat de capite matris
meæ M. dominæ Borbonij, venimus propria volun-
tate in curiam domini regis Francorum pro audiendo
arbitrio curiæ suæ super hoc ad usus & consuetudines
Franciæ. Fuitque arbitrium curiæ suæ ad usus & con-
suetudines Franciæ hætenus approbatas; tale scilicet,
quòd non audierant neque viderant, quòd Baroniam
aliqua esset divisa pro herede femina in qua heres mas-
culus haberetur, sed heres femina maritagium acci-
piebat à patre vel matre sua, vel fratribus suis; tale
siquidem in quo non esset disparatus*, & quòd ei
conveniret secundùm genus & nobilitatem suam.
Cùmque arbitrium curiæ suæ audissemus, nos de li-
bera voluntate talem fecimus pacem super omni jure
nostro supradicto cum dicto Guidone, quòd nos quit-
tavimus ei & heredibus suis omne jus nostrum, &
dictus Guido dedit nobis pro quittance illa mille &
ducentas marcas argenti. Rogavimus autem domi-
num Regem Francorum, ut pro bono pacis hanc
quittance nostram litteris suis patentibus dicto
Guidoni & heredibus suis confirmare & testificari di-
gnaretur. Quod quidem ipse sui gratiâ facere digna-
tus est diligenter.

* id est
disparitas.

Hanc etiam pacem & quittance quam fecimus
supradicto Guidoni & heredibus suis juravimus eis
tenendam bona fide, & observandam. Hinc est quòd
dilectionem vestram rogamus attentè & requirimus,
quatenus eandem quittance nostram supradicto
Guidoni & heredibus suis à nobis factam, per litteras

vestras patentes eis confirmare & testificari velitis.
Actum anno Domini millesimo ducentesimo undecimo, mense Februario.

*LITTERA ASSOCIATIONIS
Monasterij Beati Iohannis in valle Carnotensi cum Monasterio sancti Quintini Belvacensis.*

XXXVIII. **U**NIVERSIS Christi fidelibus præsentem paginam inspecturis, GARNERUS Ecclesiæ Beati Iohannis de Valeia Carnotensis Abbas humilis, totusque ejusdem loci Conventus, salutem in Domino. Cum secundum Apostolum unum simus corpus in Christo, singuli autem alterius membra, sicut nec corpus à capite, ita nec membra corporis censi debent à membris capitis aliena. Cum igitur à longè retroactis temporibus à visceribus matris nostræ Ecclesiæ Beati Quintini Belvacensis fuerimus spiritualiter propagati, & ab ipsa tamquam à fonte sacra Religionis fluenta sumperimus per venerabilem patrem ac venerandæ memoriæ JVO NEM, qui cum floreret in eadem Ecclesia religionis novella plantatio sub beati Augustini regula, dignè Omnipotenti militans, Fratribus ibidem Deo servientibus Abbas præfuit. Sed tanti patris sanctitas eminens tamquam civitas in virtutum acumine constituta, diu latere non potuit, quin immo ejus religionis celebri fama longè latèque diffusa, Dei voluntate præambula, adeptus est cathedram Ecclesiæ Carnotensis, qui Ecclesiæ nostræ patronus & fundator extitit, & inter alia beneficia quæ nobis paterna pietate contulit, ad ultimum in signum dilectionis ac perpetui foederis thesauro sui corporis ac suæ sepulturæ præsentia nostram Ecclesiam illustravit; unde cum internæ dilectionis affectu nos pius pater dilexerit, sicut in fine patuit, dignum fuit ut Canonici sancti Quintini ejus spiritua-

A. N. CHR.
1218.

les filij à patris actibus non degeneres, tum propter ejusdem Ordinis similitudinem, tum propter paternam reverentiam & ejusdem corporalem præsentiam, quasi triplici funiculo juncti nobis essent spiritualiter & uniti, & rursus vice versa decens fuit admodum & honestum, tum quia eandem normam Ordinis profiteamur, tum quia ab eis observantiarum regularium primitias habuimus, ut ipsis essemus tamquam membrum suo cohærens capiti, grata vicissitudine indissolubili charitatis fœdere fœderati.


Verùm quia tantæ dilectionis confœderatio usque modò per negligentiam vel oblivionem novercam memoriæ tepidè fuit & segniter observata, eam nostris temporibus renovare volentes, de communi Fratrum nostrorum consilio & ipsorum beneplacito & assensu societatem cum eis contrahimus spirituales præsentibus litteris annotatam. Sed quoniam quanto anima præpollet corpori, tanto spiritualia corporalibus præferuntur; à spiritualibus inchoantes, dilectissimis Fratribus nostris Canonicis sancti Quintini Belvacensis de Fratrum nostrorum unanimi consensu concedimus participationem orationum, & eleemosynarum, & aliorum bonorum, quæ fiunt & fient à modò tam in nostræ Congregationis capite quàm in membris.

Id etiam statuentes quòd quandocumque obitus Abbatum Beati Quintini nobis nuntiari contigerit, statim audito obitu novem lectionum officium, & in sequenti die *Beati immaculati* & Missam matutinalem cum Diacono & Subdiacono solemniter faciemus: nomina ipsorum Abbatum in nostro Martyrologio conscribentes, & revolutò cujuslibet anni curriculo ipsa die obitus à modò præbendam panis & vini eisdem concedimus per manum eleemosynarij pauperibus erogandam. De Canonicis autem ejusdem Ecclesiæ est à nobis provida deliberatione statutum, quòd audito Canonici obitu, novem lectionum officium, & *Beati immaculati* & Missam matutinalem pro ipso

ipso decantabimus, præbendam unius Canonici ipso die pro eo pauperibus assignantes. Quilibet autem nostræ Congregationis Canonicus & Sacerdos unam Missam, & alij non Sacerdotes unum psalterium decantare tam pro Abbate quàm pro Canonico mortuo tenebuntur. Sanè propter hæc quæ circa obitus Abbatum & Canoniorum hic specialiter sunt expressa, nolumus intermitteri illud commune anniversarium & solemne, quod pro communitate Canoniorum sancti Quintini singulis annis facere consuevimus, immo & si diligenter fecimus, diligentius in posterum faciemus.

Illud etiam salubri consilio statuentes, quòd si aliqua persona extranea aliquod gravamen Ecclesiæ sancti Quintini intulerit, tam in consilio quàm in auxilio eidem tenebimur subvenire. Et ut major inter nos & ipsos familiaritas denotetur, statuimus quòd quandoque aliquem de ipsorum Canonicis ad nos quocumque modo venire contigerit, nisi eum fugitivum vel excommunicatum esse constiterit, ipsum recipiemus grater, eum quamdiu apud nos moram fecerit, Fratrem nostrum & Canonicum reputantes.

Ut autem prælibata Societas recensita frequentius non marcescat, insinuatione præsentium litterarum venerabilem patrem Abbatem sancti Quintini affectuosissimis precibus exoramus, quatenus frequentissimè, quod optamus, vel ad minùs semel in anno dignetur sui gratia nos videre. Et ut hæc quæ superius sunt statuta in posterum firmitus conserventur, præsentibus litteras fecimus annotari, & sigillorum nostrorum munimine roborari. Datum anno Domini millesimo ducentesimo vigesimo octavo.



Ex veteri
membrana
descripta
D. d'He-
nonval.

CONCORDIA INITA INTER
PETRUM Archiepiscopum Rotomagensem
& Canonicos S. Mellonis Pontifarenfis.

A. N. CHR.
1237.

XXXIX. UNIVERSIS præsentis litteras in-
specturis, Capitulum sancti Mello-
nis Pontifarenfis salutem in Domino. Noverit uni-
versitas vestra, quòd cum inter venerabilem patrem
& dominum PETRUM Dei gratiâ Rotomagensem
Archiepiscopum & antecessores ejus ex una parte,
& nos ex altera, quæstio verteretur super subjectione,
correctione, & obedientia, ac jurisdictione; in qui-
bus dicebamus eidem minimè nos teneri: tandem de
voluntate & assensu Domini Regis Francorum illu-
stris Ludovici, mediantibus bonis viris recognovi-
mus & recognoscimus, nos in prædictis & in omni-
bus ei tamquam Ordinario nostro subesse, utpote in
sua diœcesi constitutos; & promissimus ac promitti-
mus eidem ac successoribus suis in perpetuum obedire
in mandatis suis adimplendis & exequendis, in inter-
dictis, suspensionibus, & excommunicationibus,
cùm illa protulerit, aut servanda mandaverit, invio-
labiliter observandis. Ita quòd per ipsum etiam justi-
tiabimur, aut per mandatum suum, Archidiacono
Pontifarenfi excepto, cui nullatenus obediemus. Et
in omnibus aliis, in quibus debet diœcesano suo sub-
ditus obedire, obediemus eidem & successoribus suis
humiliter & devotè.

Visitabit etiam & inquiret, & cognoscet de excessi-
bus, criminibus, & infamiis Capituli Canonici
singulorum, Vicariorum & Clericorum chori nostri
quandocumque sibi placuerit & viderit expedire. Ve-
rùm semel in anno immediatè corriget & emendabit
prout viderit corrigendum vel emendandum in Capi-
tulo Canonicis singulariter, Vicariis & Clericis su-
pradiçtis. Post illam verò correctionem, si aliqua per

visitationem, inquisitionem, vel famam in Canoniceis, vel Vicariis sive Clericis de choro intellexerit corrigenda, mandabit Capitulo quod ea corrigat, & emendet infra certam diem, exceptis criminibus, quorum correctionem de assensu nostro sibi specialiter reservavit; alioquin ipse ex tunc illa ad suam corrigit voluntatem, nisi sufficienter ostenderimus secundum delicti exigentiam esse correctum infra prædictam diem ab ipso vel successoribus ejus præfixam.

Quia verò contingit Canonicos in Ecclesia quandoque præsentibus non esse, sufficit si denuntiet in eadem Ecclesia præsentibus aliquibus bonis viris, sive de Ecclesia sive aliunde correctionem illam faciendam infra diem certam quam viderit expedire. Semel autem in anno ipsum procurabimus cum ad Ecclesiam nostram accesserit, & pro procuratione tenemur ei dare ipsa die, qua ad nos venerit, centum solidos Parisienses & hospitium paratum in palea, lignis, lectis, scyphis, paropsidibus, & aliis utensilibus domûs, nec Prior sancti Petri Pontifarenfis, qui solebat nobiscum in procuratione solvere partem suam, aliquid soluet de centum solidis prætaxatis, primâ procuratione exceptâ, quam integram simul tenemur solvere nos & ipse eidem Archiepiscopo & successoribus suis in primo eorum adventu. De qua prima procuratione integra soluet idem Prior partem tertiam sicut solet. In aliis autem annis quibus pro procuratione centum solidos solvere tenemur cum utensilibus domûs, Prior sancti Petri nihil tenetur apponere, & salvum sit jus Archiepiscopo contra ipsum.

His omnibus interfuerunt venerabiles patres HENRICUS Remensis Archiepiscopus, GUILLELMUS Parisiensis, ADAM Silvanectensis Episcopi, ODO Abbas sancti Dionysij, PETRUS Præpositus sancti Audomari, HENRICUS Archidiaconus Remensis, Magistri PETRUS de Columna, & PETRUS de Papa Canonici Parisienses. In cujus rei testimonium & munimentum præsentibus litteras sigillo nostro fecimus

A a a ij

communiri. Actum apud Vicenas die Jovis ante nativitatem Beatæ Virginis, anno Domini millesimo ducentesimo tricesimo septimo.

Emitt. D.
d'Herou-
val.
* S. Ludo-
vicus.

*LITTERÆ PER QVAS REX**
dedit fratri suo CAROLO Andegaviam
& Cenomaniam.

AN. CHR.
1246.

IN nomine sanctæ & individuae Trinitatis, Amen. LUDOVICUS Dei gratiâ Francorum Rex. Notum facimus quòd nos de assensu & voluntate dilectorum fratrum & fidelium nostrorum ROBERTI Attrebatensis, & ALFONSI Pictavenfis Comitum dilecto fratri & fidei nostro CAROLO Comiti Provinciæ & ejus heredibus dedimus, & pro parte terræ assignamus Andegaviam cum pertinentiis in feodis & domaniis, Salmurium cum pertinentiis in feodis & domaniis, Baugiacum cum pertinentiis in feodis & domaniis, & id quod habemus apud Bellumfortem cum pertinentiis in feodis & domaniis, tenenda ab ipso & heredibus suis de nobis & heredibus nostris in homagium ligium, saluis donis, feodis & eleemosynis, quæ in prædictis locis usque in præsens sunt facta; retinentes nobis ad voluntatem nostram faciendam ea, quæ post mortem genitoris nostri claræ memoriæ Ludovici Regis acquisivimus; retinentes etiam Lofdunum cum pertinentiis in feodis & eleemosynis.

Item dedimus eidem fratri nostro Carolo Cenomaniam cum pertinentiis in feodis & domaniis, saluis similiter donis, feodis, & eleemosynis usque in præsens ibi factis. Et quoniam civitatem Cenomanensem & Mauritaniam & Mauvas charissimæ uxori nostræ Margaritæ Reginæ nomine dotalitii assignavimus, volumus & ordinamus quòd si dicta Regina uxor nostra nobis supervixerit, loco dicti dotalitii civitati Aurelianensem, Castrum-novum & Chaciacum,

Novillam habeat, sicut Regina YSEMBURGIS in dotalitium hæc habebat, salvis & exceptis Clariaco, & aliis donis, & feodis, & eleemosynis usque in præsens ibi factis, si hanc commutationem voluerit acceptare: si autem ei non placuerit hæc commutatio, habebit suum dotalitium sicut ei est assignatum, & dictus Carolus Aureliam habebit cum Checiaco, Castro-novo, & Novillam, quamdiu Regina vixerit memorata, & post decessum ejusdem Reginae, Aurelia, Checiacum, Castrum-novum & Novilla ad nostros revertentur heredes; & tunc idem Carolus vel heredes ejus donum quod de Cenomania cum pertinentiis in feodis & domaniis ei modò facimus, re-habebunt.

Sciendum etiam quòd nos Regalia dictarum civitatum, & Abbatiam Fontis-Ebraudi nobis & heredibus nostris Regibus Franciæ retinemus.

Hanc autem donationem & concessionem fecimus salvo jure alieno, & salvo etiam quòd stabiles mancant litteræ si quæ factæ sunt à nobis vel antecessoribus nostris de rebus aliquibus, quæ manum regiam non debeant extraire. Quod ut perpetuum stabile &c. Actum Aureliæ anno Incarnationis Dominicæ M. CC. XLVI. mense Augusto, regni verò nostri XX. Adstantibus &c.

LIBERTATES ET CONSVETUDINES Ernt D. d'Herbival.
villæ Ricomago concessæ ab ALFONSO Comite Pictavensi fratre S. LUDOVICI, an. 1270 quæ antiquarum legum & consuetudinum Arvernæ locum tenent.

XLI. **A**LFRONSUS filius Regis Franciæ, Comes A. N. CHR. 1270.
Pictavensis & Tholosanus, universis præsentis litteras inspecturis salutem in Domino. No-
veritis quòd habitatoribus villæ nostræ de Riomo
diocesis Claromontensis, infra fines seu terminos

A a a iij

dictæ villæ concedimus libertates & consuetudines infra scriptas, videlicet quòd per nos vel successores nostros non fiat in dicta villa tallia sive quæsta, vel albergata, nec recipiemus ibidem mutuum, nisi gratis nobis mutuare voluerint habitantes in eadem villa.

II. Item quòd habitantes in eadem & in posterum habitaturi possint vendere, dare, & alienare omnia bona sua mobilia & immobilia cui voluerint, ita tamen quòd si immobilia alienaverint Ecclesiæ, religiosi personis vel Militibus, per hoc nullum fiat præjudicium nobis vel aliis dominis à quibus res tenebuntur, maximè in hoc quin possint compelli sic alienata extra manum ponere infra annum.

III. Item nos vel noster Bajulus non capiemus aliquem habitatorem dictæ villæ, vel vim inferemus, vel saissemus bona sua, dum tamen sufficienter caveat per bona sua mobilia vel immobilia stare juri, nisi pro murtro, vel morte hominis, vel plaga mortifera, vel mutilatione membri, vel alia communi, vel probabili suspicione criminis, pro quo corpus suum, vel bona sua de jure, vel consuetudine fidejussoribus committi non debeant, vel in aliis casibus, in quibus esset de jure, vel consuetudine faciendum, vel pro delicto quod contra nos, Connestabulum nostrum, vel servientes nostros ad gagia nostra, seu in familiam nostram fuerit perpetratum.

IV. Item quòd ad questionem, vel ad clamorem alterius, non mandabit, vel estabit Connestabulus noster Alvernæ, vel Bajuli sui, nisi pro facto nostro negotio, vel querela, vel servientum nostrorum, vel familiæ aliquem habitantem in dicta villa, extra fines vel honorem dictæ villæ super his quæ facta fuerint in dicta villa, & in pertinentiis & honore dictæ villæ, vel super possessionibus ejusdem, nisi fortè Connestabulus noster adeò esset impeditus, quòd ad dictam villam commodè accedere non posset, & tunc ad Connestabuli citationem ad assisas quæ erunt in loco

propinquiore dictæ villæ, vel ejus territorio, venire tenebuntur, & juri stare.

V. Item si quis habitans in dicta villa moriatur intestatus, vel aliàs rationabiliter, & non disposuerit de bonis suis in ultima sua voluntate, nec habeat liberos, nec appareant heredes, qui sibi debeant succedere, Bajulus noster & Consules dictæ villæ de Riomo, bona defuncti scripta commendabunt duobus hominibus probis dictæ villæ ad custodiendum fideliter per unum annum & diem: & si infra eundem terminum appareat heres, & qui sibi debeat succedere, omnia bona prædicta debent integraliter sibi reddi cum fructibus medij temporibus, alioqui bona mobilia & immobilia quæ à nobis in feudum vel censivam, vel alio quocumque modo tenebuntur, nobis tradentur salvo jure veri heredis, si in posterum appareat, salvo jure dominorum à quibus aliqua bona immobilia tenebuntur, si de jure vel consuetudine patriæ jus aliquod habuerit in eisdem. Debita verò de quibus legitimè constare poterit, de bonis ipsius defuncti solvantur tam à nobis, quàm ab aliis ad quos bona ipsius defuncti pervenerunt pro rata quæ pervenerit ad quemcumque.

VI. Item quòd nullus habitans in dicta villa de quocumque crimine appellatus vel accusatus fuerit, teneatur se purgare, vel defendere duello, nec cogatur ad duellum faciendum, & si refutaverit, non habeatur propter hoc pro convicto, sed appellans si velit, probet crimen quod objecit, vel per testes, vel per probationes legitimas, juxta formam juris.

VII. Item testamenta facta ab habitatoribus dictæ villæ in præsentia testium fide dignorum valeant, dum tam liberi, & domini, aut alij, sine causa, jure suo, aut portione debita, non priventur.

VIII. Item quicumque habet domicilium in villa Riomi, non tenetur dare leudam de quacumque re sua, quando eam vendiderit, vel aliam emerit.

IX. Item Bajulus seu Præpositus noster dictæ villæ

tenetur jurare publicè coram Consulibus dicti loci in principio administrationis suæ, quòd in officio illo fideliter se haberet, & quòd jus reddet cuilibet pro possibilitate sua & scientia, & bonas & approbatas consuetudines dictæ villæ observabit: tenebitur etiam statuta dictæ villæ à nobis facta vel approbata rationabilia observare.

X. Item Consules dictæ villæ mutentur quolibet anno in festo B. Johannis Baptistæ; & si contigerit quòd electi Consules ab aliis Consulibus in se nollent onus Consulatus suscipere, Bajulus seu Præpositus noster dictæ villæ ad instantiam & requisitionem prædictorum Consulum, ipsos ad hæc compellere teneatur.

XI. Item dicti Consules jurabunt Bajulo seu Præposito nostro dictæ villæ, quòd ipsi bene & fideliter erga nos se habebunt, & servabunt jura nostra, & populum dictæ villæ fideliter gubernabunt, & tenebunt pro posse suo fideliter Consulatam, & quòd non recipient ab aliqua persona aliqua servitia pro officio Consulatus; & prædicti Consules debent semper habere sexdecim Consiliarios.

XII. Item si quis percusserit aliquem coram Connestabulo vel locum nostrum tenente, ad arbitrium nostri Connestabuli secundum consuetudines patriæ puniatur.

XIII. Item quicumque alium percusserit cum pugno, palma, vel pede, gladio, fuste, vel petra, seu alio modo, irato animo, sanguine non interveniente, seu interveniente, si clamor factus fuerit, & legitimè probatum fuerit, percutiens nobis in LX. solidos pro justitia puniatur.

XIV. Item si aliquis alium interfecerit, & culpabilis de morte ejus inveniatur, ita quòd homicida reputetur, per judicium curiæ nostræ puniatur, & bona ipsius nobis integrè sint incurfa.

XV. Item si aliquis aliqua convitia, vel opprobria, vel verba contumeliosa irato animo dixerit, & inde querimonia

querimonia proponatur, postquam legitimè probatum fuerit à Bajulo nostro, in tribus solidis nobis pro justitia puniatur, & emendam faciat injuriam passo secundum consuetudinem dictæ villæ Riomi diutius approbatam.

XVI. Item quicumque inhibitionem nostram seu calumniam nostram, vel Bajuli nostri in bonis alicujus positam ex causa rationabili, vel ad instantiam alicujus conquerentis fregerit, in LX. solidos nobis pro justitia puniatur.

XVII. Item si pignus ab eodem Bajulo, seu auctoritate ipsius captum sibi vel mandato suo quis abstulerit, ad arbitrium Connestabuli nostri secundum usus & approbatas consuetudines patriæ puniatur, & super hac ablatione credatur nuncio curiæ jurato, cum duobus testibus fide dignis.

XVIII. Item quod pro debitis non pignorentur vestes quotidianæ alicujus, vel lectus suus in quo ipse vel familia sua jacuerunt, nec ferramenta, nec utensilia aptamenta cum quibus panem suum lucratur.

XIX. Item quod habitantes infra fines seu honorem dictæ villæ quos tenent, pacificè & quietè gaudeant ex libertate, qua gaudebant habitatores dicti loci.

XX. Item quod non possint pignorari, neque banum in bonis seu rebus eorum poni, nec ostia domorum suarum claudi, nisi prius citati vel moniti fuerint, vel nec nisi pro rejudicata, vel contumacia, vel nisi præfixus dies solutionis annui census nostri sit elapsus, vel nisi in casibus in quibus bona eorum nobis debent esse incurfa, vel commissa de consuetudine vel de jure.

XXI. Item si aliquis leudam furatus fuerit, nobis in septem solidos pro justitia puniatur, & leudam restituat, quam non soluit.

XXII. Item adulter vel adultera si deprehensi fuerint in adulterio, vel per homines fide dignos convicti fuerint, super hoc accusatore existente & accusationem suam legitimam prosequente, vel in jure confessi

* Vide Ot-
tonem Fri-
singensem
de gestis
Friderici
lib. 2. cap.
28. Dyna-
stam lon-
villam
cap. 63.

fuerint, nudi currant villam*, vel nobis solvat quilibet LX. solidos, & hoc sit in optionem delinquentis.

XXIII. Item qui gladium emolutum contra alium irato animo traxerit, licet non percusserit, si clamor factus fuerit, & legitimè probatum fuerit, nobis in LX. solidos pro iustitia puniatur, & emendet injuriam passio secundum consuetudinem villæ diutiùs approbatam.

XXIV. Item si quis intraverit de die orto vineas, vel prata alterius, & inde capiat sine necessitate inevitabili fructus, fenum, paleam, vel lignum valens XII. denarios, vel infra, sine voluntate illius cujus res fuerit, postquam quolibet anno semel prohibitum fuerit vel præconisatum, in tribus solidis punietur. Et si ultra XII. denarios valeat res quam ceperit, in VII. solidos nobis pro iustitia puniatur. Et si nocte quis intraverit, & fructum, fenum, paleam, vel lignum ceperit, & probatum fuerit, in LX. solidos nobis pro iustitia punietur, & satisfaciat competenter in hoc casu, & in superioribus damna passis.

XXV. Item quicumque falsum pondus, vel falsam ulnam, vel mensuram tenuerit, in VII. solidos nobis pro iustitia puniatur, & de falsa marca nobis in LX. solidos puniatur. Et si bis in hoc deliquerit, & convictus fuerit vel confessus, ad arbitrium nostri Connestabuli puniatur, vel officio in quo sic deliquerit perpetuè privetur.

XXVI. Item pro querimonia debiti, vel pacti, vel cujuslibet alterius contractus, si statim, id est prima die, in præsentia Bajuli nostri confiteatur debitor sine lite mota, & sine induciis multa nobis pro iustitia solvetur, sed infra VIII. vel XV. dies, considerata debiti quantitate, & personæ qualitate, Bajulus noster debet facere solui à debitore quod confessus est coram ipso, & complere, alioquin ex tunc in tribus solidis debitor nobis pro iustitia puniatur.

XXVII. Item pro omni simplici querimonia civili de qua lis moveatur, & induciæ petantur, post prola-

tionem sententiæ tres solidi à victo nobis pro iustitia solvantur, & actor si in petitionem ejus quod petet defecerit, in tribus solidis nobis pro iustitia puniatur.

XXVIII. Item Bajulus noster non debet recipere iustitiam seu gadium, usquequo solui fecerit rem iudicatam, seu satisfieri parti quæ obtinuit.

XXIX. Item in quæstione immobilium rerum, post prolationem sententiæ tres solidi à victo nobis pro iustitia persolvantur.

XXX. Item si aliquis tenuerit aliquas res edicto, vel aliquo bono modo acquisitas infra fines dictæ villæ moventes de dominio nostro, per spatium decem annorum inter præsentis pacificè & quietè, petitor nullatenus audiat secundum consuetudinem dictæ villæ.

XXXI. Item quicumque in dicta villa, vel pertinentiis ejusdem habuerit possessiones, vel redditus, ratione illarum rerum ipse & successores sui in expensis & missionibus ac collectis, quæ fiunt à Consulibus propter utilitatem vel necessitatem dictæ villæ, contribuent prout alij habitatores dictæ villæ per solidum & libram secundum jura & consuetudines approbatas.

XXXII. Item si aliqua mulier de extra villam, quæ sit maritata, venerit in dictam villam, & fecerit meretricium cum homine de dicta villa, idem homo non teneatur de adulterio seu meretrício perpetrato, cum ignoretur probabiliter de dicta muliere utrum sit conjugata.

XXXIII. Item nemo debet capere pignora alicujus scambiatoris ad mensam scambij, nec ab ipsa mensa usque ad domum ipsius, si in aliis rebus possit ipsum pignorare.

XXXIV. Item qui emerit pignus ad usagium dictæ villæ, debet illud tenere per octo dies in villa Riomi antequam distrahatur, & si ille qui vendiderit publicè & plus offerenti, & bona fide acceperit amplius quam fuerit debitum ipsius, debet illud quod superest red-

dere illi cujus erat pignus; si verò minus acceperit quàm fuerit debitum, potest residuum exigere à debitore.

XXXV. Item quicumque de villa Riomi debet alicui de ipsa villa, si debitor non est soluendo in rebus mobilibus, debet vendere de rebus suis immobilibus ad arbitrium Consulum pro solvendo debito; & si debitor non invenerit qui velit emere, creditor debet eas accipere in solutum ad arbitrium Consulum & aliorum proborum virorum, & ad compulsionem nostram.

XXXVI. Item si aliquis de dicta villa Riomi habuerit vadia alicujus pro debito suo, vel pro fidejussione sibi facta ab aliquo, si incontinenti creditor probare poterit fidejussorem vel debitum, non tenebitur ei restituere vadia, nisi primò super fidejussione, vel debito steterit satisfactum.

XXXVII. Item si casus aliquis, vel aliquod factum, vel negotium evenierit in dicta villa Riomi, de quo in præsenti scripto non fiat mentio, per Bajulum nostrum cum consilio Consulum ejusdem villæ, & aliorum proborum virorum secundum jus, vel propè
 f. * statua-
 tur. jus, vel secundum consuetudines dictæ villæ *.

XXXVIII. Item concedimus & confirmamus usagia & consuetudines, quas homines dictæ villæ tenuerunt & servaverunt, tam in leudis quàm in vendis * seu venditionibus, in mansionibus, cum
 * Lods &
 ventes. suis molendinis, furnis, & rebus aliis, & etiam alias consuetudines observatas ab eisdem temporibus retroactis, bonas, antiquas, rationabiles, & obtentas pacificè & quietè.

XXXIX. In omnibus autem aliis, quæ non sunt in præsenti littera expressa, retinemus nobis & successoribus nostris in dicta villa & pertinentiis, & habitatoribus, omnem justitiam, jurisdictionem, subjectionem, reverentiam, exercitum & cavalcata, secundum usus & consuetudines patriæ, & alia quæcumque verus dominus potest & debet habere in terra

sua. Ac in præmissis omnibus & singulis retinemus potestatem declarandi secundum quod propter varietatem temporum & causarum viderimus expedire.

Has autem libertates & consuetudines, & omnia prædicta, & singula, quantum de jure possumus approbantes, in perpetuum earum testimonium, sigillum nostrum duximus præsentibus apponendum, salvo jure nostro in omnibus, ut dictum est, & salvo in omnibus jure quolibet alieno. Datum apud Ar-mazancas * prope Aquas-mortuas anno Domini mil-lesimo ducentesimo septuagesimo.

alias * Ar-
mazergues
hodie Ai-
margues.

NICOLAUS PAPA III.

Ernst D.
d'Herou-
va.

*scribit ad Philippum III. cognomine Au-
dacem, Regem Franc. se Papam electum.*

XLII. **N**ICOLAUS Episcopus servus servo-
rum Dei, charissimo in Christo filio
... . Regi Francorum illustri salutem & Aposto-
licam benedictionem. Immensæ Deus potentia, qui
mundum per se condidit, per se regit, nec eget ex-
trinsecus quæsitis auxiliis ad regendum qui non eguit
ad condendum: quem enim sacra scriptura testante
alium constituit super terram? aut quem alium posuit
super eum quem fabricatus est orbem? profecto
nullum, sed ipse solus regiminis & gubernationis est
princeps, qui creationis extitit solus actor *. Ipse
quidem Ecclesiæ catholicæ, peculiaris procul dubio
domus suæ, peculiaris etiam civitatis solus ædifica-
tor & custos, (ad cujus sine ipso custodiam seu stru-
cturam frustra ædificantes alii laborem assumerent,
frustra custodes ceteri vigilarent) tanto magis eam
specialis regiminis & custodiæ curâ prosequitur;
quanto majori singularitate construxit. Siquidem ce-
tera verbo creans, *dixit & facta sunt*; Ecclesiam verò
non solum verbi expressione, sed & sui pretiosi san-
guinis effusione fundavit. Ad hujus autem speciali-

AN. CHR.
1278.

* id est
auctor.

Bbb iij

tatis evidentiam discipulis suis, quos eidem Ecclesiæ jecit velut præcipua fundamenta, *Ego* inquit, *vobiscum sum usque ad consummationem sæculi*; suæ virtutis assistentiam repromisit: Et ipsi Ecclesiæ in Apostolorum Principe, cui, ejusque successoribus commisit ejusdem regiminis Vicariam, ait: *Ego pro te rogavi Petre, ne deficiat fides tua*. Eandem insuper Vicariam sic esse voluit vicissitudinariæ successionis continuatione perpetuam, ut quamquam ipsi Vicarij, ex humanæ fragilitatis conditione legi mortalitatis addicti, vitæ præsentis occasum imperio mortis incurrerent, ipsum tamen Vicariatus officium substituendorum vicibus immortale perpetuum remaneret. Proinde sæpe fata mater Ecclesia interdum utili desponsata pontifici, nuptialibus ornata monilibus, sub sponsi sui ducatu, ejusdem rectoris omnium dirigente potentiâ, læta deducitur, interdum verò in pastoris subtrahæ carentia viduitatis amictu circumdata, oculis resolutis in lacrimas, ejus sibi queritur adempta solatia, lamenta de illius subtractione multiplicat, & anxia pro alterius substitutione laborat, eo quandoque prolixius, quo his quorum interest cum omni diligentia sollerter ac instanter ejusdem Ecclesiæ provisioni vacantibus, nihilominus tamen vacationis prolixitatem ingerit occurrentium casuum qualitas, aliarumque circumstantiarum necessitas, non instantium negligentia vel voluntas. Et licet interim eadem Ecclesia dum ad editionem spiritualis patris, filij, sponsique votivam enititur, parturientis partes experiens, conatus prosequens & molestias perferens, acerbos dolores sentiat, instar illius tamen consultius idoneum pariendi tempus expectat, ne inconsultæ festinantia impetu partum præcipitet in aborsum. O, igitur præsumptuosa judicia murmurantium in Ecclesiæ provisione, quàm sæpe indignè arguunt tarditatem! Nam etsi de providendo utiliter eidem Ecclesiæ in generalitate, quadam sint eligentium vota concordia, tamen dum singulariter ad id persona idonea

quæritur, in hoc nimirum quærentium judicia facile non concordant, sed & nonnunquam occulta forsan Dei dispositione postponendus eligitur, & postponitur præferendus, sicut his accidisse diebus ex nostrorum defectuum consideratione supponimus & humiliter confitemur.

Nuper enim felicitis recordationis JOHANNES Papa prædecessore nostro apud Viterbium ubi tunc cum sua curia residebat, ab hac luce subtracto, & ipsius corpore in Viterbiensi Ecclesia cum exequiarum solemnitate debita tumulato, tandem nos & Fratres nostri quibus nos tunc officij quoad hoc annumerabat æqualitas, in palatio Episcopali convenimus propensio-riorem diligentiam desideratæ provisioni ejusdem Ecclesiæ impensuri. Et quamquam ille qui cœlesti dat concentui harmoniam, nos sub clausura eadem habitantes in unum ad utilem provisionem ipsius Ecclesiæ obtinendam, prout singulorum habebat assertio, unanimes fore sua pietate concesserit, ad consummationem tamen provisionis ejusdem alto suo & secreto consilio dare aliquandiu distulit spiritum unitatis. Sed demum in die beatæ Catharinæ Missarum solemnibus cum invocatione sancti Spiritus celebratis, iidem Fratres in humilitatem nostram, utinam non exorbitante judicio, per viam scrutinij concordantes, nos tunc sancti Nicolai in Carcere Tullian. Diaconum Cardinalem, ad conscendendam Apostolicæ dignitatis speculam unanimiter elegerunt, nobis vestem poderis universum orbis ambitum continentem non offerentes tantummodò, sed etiam cum importuna instantia ingerentes.

Verùm ut rei gestæ seriem succinctus sermo pertranseat, ne dum defectus eosdem ad humiliationem nostram gestimus exprimere, sub humilitatis specie notam elationis seu qualiscumque jactantiæ ingerat seriosa repetitio veritatis, nos gradus altitudinem, & oneris imminentis tantæ altitudinis ascensori; molem nobis in Cardinalatus officio experientiæ

* id est
participa-
tione.

longæ participio * non ignotam, attenta meditatione pensantes, eligentium & offerentium instantiæ, insufficientiæ nostræ imparitatem objecimus, debilitatem nostram dictante conscientia oblati imparem, cum repetita multoties relaxationis supplicatione humili allegantes. Cùmque nec sic cessaret instans Fratrum importunitas eorundem, sed vim inferens nostro proposito vehementius collegij iussus urgeret, nòsque violentiam patientes clamare lacrymis, nec esset qui auditu exauditionis audiret; vociferaremur gemitu, nec foret qui remissionem injuncti oneris benigno judicio indulgeret, ad illum oculos mentis ereximus, qui sicut præmittitur Ecclesiam quam per se fundavit non negligit regere per seipsum, quam piè condidit, piè regit; & quamquam de insufficientia nostra timentes, desuper abundantia tamen omnipotentiae suæ confisi; humeros summo superhumerali subjecimus, & humiliter jugum subivimus Apostolicæ servitutis, sperantes quòd ipse, qui Petri pedibus marinos vortices inclinavit, ut iter liquidum humanis gressibus solidum præberet obsequium, nobis quos licet indignos illi sua constituit dignatio successorem, in nostri executione ministerij humiliabit per suæ virtutis potentiam colla tumentia superborum, & lapsus in delicta labentium cohibendo, eos in bonorum stabilitate operum solidabit.

Adjicit quoque spei nostræ suffragium tua & aliorum Catholicorum consideratio Principum, quos & desideramus attentius & speramus fidentiùs sic ab illo, per quem Reges regnant & potentes scribunt justitiam, in suis rigiminibus dirigi, quòd ipsis per vias rectas se ac sibi commissos ducentibus populos, grex dominicus curæ nostræ commissus committentis virtute præambula in dilecta domini tabernacula inducatur. Ideoque serenitatem regiam monemus, rogamus, & hortamur in domino, in remissionem tibi peccaminum suadentes, quatenus prudenter attendens à Rege Regum te Regem datum in gentibus, ut
 eas

Miscellanea Epistolarum. 385

cas regas & dirigas, vitia in illis cohibeas, inferasque virtutes, sic commissas in illos tibi partes prosequi studeas, quod te pro viribus implente quod imminet, in universalis injuncti nobis executione regiminis, quoad tuæ ditioni subjectos nobis onere partito sit levius, & ministerio tuæ in hoc cooperationis adjuti, efficaciter circa salutem omnium salutis auctoris beneplacitum de suo munere prosequamur. Illam verò de nobis certam te volumus habere fiduciam, quod tuam & regni tui prosperitatem paterno zelantes affectu, eam conservare proponimus, & in quibus cum Deo poterimus facultate succedente favorabiliter promoveri. Datum Romæ apud sanctum Petrum XVIII. Kalend. Februarij, Pontificatus nostri anno primo.

MANVMISSIO SERVIS D. d' H. -
nouval
eruit.
Regni Franciæ à LUDOVICO X.
Rege data.

XLIII. **L**OYs par la grace de Dieu Roys de AN. CHR.
1315.
France & de Navarre à nos amés &
feauls Mestre Saince de Chaumont & Mestre Nicole
de Bray salut & dilection. Come selonc le droit de
nature chascuns doit nestre * franc, & par aucuns * naistre.
usages ou coustumes qui de grant ancienneté ont esté
entroduites & gardées jusques ci en nostre royaume,
& par aventure pour le meffait de leurs predecresseurs,
moult de personnes de nostre commun pueple soient
encheus en lien de servitude, & de diverses condi-
tions qui moult nous desplet. Nous considerans que
nostre royaume est dit & nommé le royaume des
Frans, & veillans que la chose soit accordant au
nom, & que la condicion des gens amende de nous
en la venue de nostre nouvel gouvernement, par de-
liberation de nostre grant Conseil avons ordené &
ordenons que generaument par tout nostre royaume

Tom. XI.

Ccc

* origine.

de tant comme il puet appartenir à nous & à nos successeurs, telles servitudes soient ramenés à franchises, & à tous ceus qui de ourine *, ou ancienneté, ou de nouvel par mariage, ou par residence de liens de serve condicion sont encheus ou pourroient escheoir ou lien de servitude, franchise soit donnée o bones & convenables condicions; & pour ce especialment que nostre commun pueple qui par les Collecteurs, Sergens, & autres officiaus, qui ou temps passé ont esté deputés seur le fait des mains mortes & formariages, ne soient plus grevés ne domagiés par ces choses, si come il ont esté jusques ci, laquelle chose nous desplet; & pourceque les autres Seigneurs qui ont homes de cors, prengnent exemple à nous de eus ramener à franchise.

Nous qui de vostre leauté & approuvée discrecion nous fions tout à plain, vous commettons & mandons par la teneur de ces Lettres, que vous aliés en la baillie de Senlis & és ressorts d'icelle, & à tous les lieux, villes, communautés & persones singulieres qui de ladite franchise vous requerront, traitiés & accordiés avec eus de certaines compositions, par lesquelles souffisans rescompensation nous soit faite des emolumens qui des dites servitudes pooient venir à nous & à nos successeurs, & à eus donnée de tant comme il peut toucher nous & nos successeurs general & perpetuel franchise en la maniere que dessus est; selonc ce que plus plenement le vous avons dit, desclairé, & commis de bouche. Et nous prometons en bonne foy que nous pour nous & nos successeurs ratefierons, & approuverons, tendrons, & ferons tenir & garder tout ce que vous ferés & accorderés sus les choses dessus dites, & les lettres que vous donnrés seur vos traitiés, compositions, & acors de franchises à villes, communautés, lieux, ou personnes singulieres nous les agreons dès orendroit, & leur en donrons les nostres seur ce toutes fois que nous en ferons requis. Et donnons en

mandement à tous nos Justiciers & subgiés que en toutes ces choses ils obeissent à vous & entendent diligamment. Donné à Paris le tiers jour de Juliet l'an de grace mil trois cens & quinze.

MANUMISSIO SERVORVM
Regni Francia confirmatur.

*Id. m. D.
d'Herouval
eruit.*

LOYs par la grace de Dieu Roys de France & de Navarre, a nos amés & feauls Mestre Saince de Chaumont & Mestre Nicole de Braye salut & dilection. Comme nous aions de nouvel par nostre grant Conseil generalement ordené pour l'onneur & le bon renom de nostre royaume, & pour le bien de nostre pueple que il puisse demourer plus en pès sous nous, que toutes manieres de gens qui sont en servitude, tant comme à nous appartient, pour nous & pour nos hoirs, soient mises à franchise par bones condicions, si comme il est plus pleinement contenu en nos autres Letres; & pourroit estre que aucuns par mauvés conseils, & par defaute de bons avis charroit en desconneffance de si grant benefice, & de si grant grace, que il voudroit mieus demourer en la chetiveté de fervitude, que venir à estat de franchise. Nous vous mandons & commettons, que vous de teles personnes pour l'aide nostre presente guerre, considerée la quantité de leurs biens, & les condicions de la servitude de chascun, vous en levies si souffisamment & si grandement, comme la condicion & la richesse des personnes pourront bonnement souffrir, & la necessité de nostre guerre le requiert. Donné à Paris le v. jour de Juliet l'an de grace mil trois cens & quinze.

*A. N. CHR.
1315.*



Eruit D.
d' Herou-
val.

JOHANNES XXII. SE AD
summum Pontificatum evectum scribit
CAROLO Marchia Comiti.

A. N. CHR.

1316.

Hic est

Carolus

Philippi

Pulchri fi-

lius, trium

filiorum

minimus,

cognomen-

to Pulcher,

quem pater

anno 1314.

Marchia

Comitem

fecit, &

qui anno

1322. post

Philippum

fratrem

apud Fran-

cos regna-

vit.

XLIV.

JOHANNES Episcopus servus servorum Dei, Dilecto filio nobili viro **CAROLO** Comiti Marchia salutem & Apostolicam benedictionem. Mira & inscrutabilis providentia Dei summi, firmam retinens in sua dispositione censuram, circa sacrosanctam Ecclesiam Catholicam, quam sibi charitatis ineffabilis dulcedine copulavit, ita suae benignitatis affectum & protectionis auxilium gratiosè continuat, quòd ubi ex insurgentis fremitu tempestatis summergi creditur, paratur eidem ex commotione tranquillitas, & in auram mitescentibus procellosi turbinis fluctibus ab instantibus periculis prorsus servatur immunis: hoc quippe multifariè multisque modis ipsa magistra rerum experientia olim edocuit, & novissimè diebus istis idipsum evidenter ostendit, dum ipse pius Pater & misericors Dominus Ecclesiam ipsam inter longæ ac periculosa nimis viduitatis angustias fluctuantem de suo habitaculo præparato oculo benigno respexit.

Dudum siquidem, sicut tuam credimus notitiam non latere, sanctæ recordationis Clemente Papa v. prædecessore nostro de præsentis vitæ mœroribus ad cælestem patriam evocato, nos & Fratres nostri ejusdem Ecclesiæ Cardinales, de quorum numero tunc eramus, cupientes eidem Ecclesiæ de pastore celeriter providere juxta constitutionem Apostolicam super hoc editam, nos inclusimus in Conclavi quod in civitate Carpentoratenfi, ubi tunc Romana curia residebat, ad hoc extiterat præparatum. Demum verò electionis prædictæ negotio imperfecto, ex certis causis legitimis, Conclave prædictum egredi necessitate compulsi, nos ad diversa loca transtulimus, prout uni-

cuique nostrum expediens visum fuit. Cúmque postmodum diffusi temporis spatium sicut Domino placuit interjecto, ad civitatem Lugdunensem pro ejusdem electionis negotio venissemus, concorditer vias nostras illo dirigente, qui novit. Et tandem die septima præteriti mensis Augusti in loco Fratrum ordinis Prædicatorum Lugduni, in quo residebamus insimul, pro præfata electionis negotio fuisset in loco solito congregati: benignus sapientiæ Spiritus nesciens tarda molimina, tam prolixæ ipsius Ecclesiæ viduitati piè compatiens, cum eam nollet ulterioris viduitatis incommodis subiacere, Fratrum ipsorum corda sic adduxit ad spiritus unitatem, quòd miro Dei & nobis nimium stupendo consilio ad imbecillitatem nostram oculos dirigentes, nos tunc Episcopum Portuensensem ad suscipiendum onus nobis ex humano defectu importabile, curam videlicet universalis gregis Domini, concorditer nemine discrepante in summum Pontificem elegerunt.

Nos autem difficultatem officij pastoralis, continui laboris angustias, & præcellentiam dignitatis Apostolicæ infra * nostra præcordia recensentes, nostrarum-
que metientes virium parvitatem, timore ac tremore concussi vehementer hæsitavimus, nec indignè. Quid enim tam timendum tamque pavendum quam fragili labor, indigno sublimitas, & dignitas non merenti. Verum ne post ejusdem vacationis tam diffusa & dispendiosa tempora obstinata contradictionis reluctatio profusioris dispendij occasionem induceret; Nos quamquam de nostra quam noster nobis animus attestatur insufficientia desperantes, humiles nostros ad montem illum convertimus oculos, unde nobis spe multa promittitur auxilium opportunum: sicque de superabundantia illius omnipotentis conceptâ fiducia, cui cum voluerit subest posse, necnon de ipsorum Fratrum nostrorum eminenti scientia, industria circumspecta, & experientia multa in agendis comprobata consili, quorum sano consilio dirigi spera-

* intra.

mus in dubiis, & fulciri suffragiis in adversis, in humilitatis spiritu consensum præbuimus electioni prædictæ, tantique oneris sarcinæ imbecilles exposuimus humeros, debiles misimus manus ad fortia, & colla nostra humiliter iugo summimus Apostolicæ servitutis, suppliciter implorantes, ut ipse, qui per huiusmodi vocationem in maris mundi huius altitudinem nos deduxit, non patiatur nos ab ipsius tempestate demergi, sed illam nobis suæ potentia dexteram porrigat, quæ Apostolorum Principem ambulantem & hæsitantem in fluctibus ne mergeretur erexit, & Coapostolum ejus Paulum nocte ac die in profundo maris positum liberavit, viamque nobis & tibi cunctisque Catholicis Principibus, ac ceteris Christianis, illis præsertim, qui ad hoc vivificæ Crucis signaculum assumpserunt, salubrem & paratam aperiat, nostris & illorum cordibus pium infundat affectum, & infusum augeat & conserve, virésque opportunas sua dignatione tribuat ad parandum festinum & efficax terræ sanctæ subsidium, & ad recuperandum hereditatis dominicæ præclare funiculum de infidelium manibus, ad quod utique desiderium habemus intentum.

Et quia quod in hac parte nostris assequi meritis non valemus, multiplicatis intercessionibus nobis confidimus elargiri, tua & fidelium aliorum suffragia humiliter imploramus. Nobilitatem tuam attentè rogantes & obsecrantes instanter in Domino **JESU CHRISTO**, quatenus sub timore Domini tuas continuè dirigens actiones, mentem nostram filialis devotionis exhibitione lætifies, & nihilominus pro conservando & augendo Ecclesiæ tuæ matris honore, te reddas sicut ejus filius specialis semper sollicitum & intentum, ac in omnibus quæ statum ipsius respiciunt prosperum & tranquillum, suæque robur continent libertatis te reddas assiduè studiosum, ita quod exinde tibi gratiæ divinæ præmium, & laudis humanæ præconium augeatur. Datum Lugduni

Non. Septembr. Pontificatus nostri anno primo.

ORDINATIO CAROLI IV.

*Regis Francorum pro expensis domus
Reginae uxoris ejus.*

*Eruit D.
d'Heron-
val.*

*Originale istius transcripti missum fuit fratri IMBERTO
Confessori Domini Regis ultima die Augusti CCC. XXII.*

XLV. I. **O**R DINATUM est à Domino Rege AN. CHR. 1322.
de hospitio dominæ Reginae, quod
decima victualium domus solvatur, sicut est consue-
tum.

II. Item quod reficiantur tredecim pauperes quo-
tidie sicut solent; & hæc sint super expensas hospitij.

III. Item quod quatuor pauperibus, quos ipsa Do-
mina consuevit reficere die Sabbati, habeat sicut so-
let quatuor solidos illa die.

IV. Item sexdecim solidos pro eleemosyna quando
equitat & hospitium mutat.

V. Habeat autem ipsa ultra prædicta omnia pro do-
nis, eleemosynis, aliis oblationibus, exeniis, sive
præsentis, & aliis omnibus quæ sibi placuerint, sex-
centas libras Parisienses per annum, scilicet ducen-
tas libras in quolibet compoto.

VI. Item pro sex dominarum vestibus, & aliis ne-
cessariis, pro qualibet triginta libras Turonenses:
summa novem viginti libræ Turonenses pro istis.

VII. Item pro viginti aliarum mulierum vestibus
& aliis necessariis, pro qualibet viginti libras Turo-
nenses: summa quadringentæ libræ Turonenses pro
istis.

VIII. De Capella ordinatum est, quod tota cera,
Regis sit, & Capellanus habeat pro cera sua decem
libras Parisienses per annum. Ipse autem Capella-
num suum tenebit de suo in vestibus & aliis necessa-
riis, præter cibum.

IX. A nemine autem Domina Regina mutuum

recipiat, aut recipi faciat, neque donum, nec permittat à liberis suis donum aliquod recipi sive dari; in quo non intelliguntur vina, vel victualia, seu alia hujusmodi levia vel minuta.

X. Item quòd absteineat à dominabus vocandis; vel aliis magnis personis, & eis cum venerint diutius retinendis: & quòd se non reddat nimis facilem ad loquendum cum tot venientibus, sed aliquoties se excusari faciat, sicut decet.

XI. Item quòd nihil mandet vel præcipiat Ballivis regni sive Præpositis, aut aliis ab ipso habentibus officia, & quòd neminem poni faciat auctoritate sua in balliviis, aut sergenteriiis, aut aliis officiis quibuscumque.

XII. Item quòd amplius ædificari vel operari non faciat: & quòd personam aliquam in familia vel liberorum suorum non recipiat sine licentia Domini Regis.

Hæc omnia supradicta vult Dominus Rex & præcipit à Domina Regina servari & teneri. Jurabunt autem tactis sacrosanctis in præsentia Domini Regis, Dominus Al. & G. Clericus, quòd fideles erunt Domino Regi, & quòd bona fide curabunt & providebunt, quòd expensæ domûs fideliter & moderatè fiant; & quòd in expensis domûs sub obtentu vel nomine expensarum nihil ponent vel computent præter expensas proprias dictæ domus.

CLEMENTIS PAPÆ VI.
contra monetarum adulteratores.

Anno Chr.
1346.

XLVI. **C**LEMENS Episcopus servus servorum Dei; Ad perpetuam rei memoriam. Prodiens quasi ex adipe iniquitatis multorum sceleratorum funesta cupiditas, eos in perniciem præcipitare conatur, dum sequi miserabilem ejus ingluviem satietatis nescientem moderamina non verentur. Ipsi etenim turpium lucrorum se fecibus immergentes
ambitiosis

ambitiosis nexibus involuuntur. Dei timorem damnabili cæcitate postponunt, & quasi ambulantes in tenebris, non vitant excidia personarum. Nuper siquidem ad nostri Apostolatus auditum multorum relatio fide digna perduxit, quòd nonnulli nullam habentes auctoritatem, jure vel consuetudine seu privilegio faciendi monetam, falsam monetam cudunt & fabricant in regno Franciæ & locis circumvicinis. Alij verò monetam fabricatam sub vero signo charissimi in Christo filij nostri PHILIPPI Regis Francorum illustris studiosè depravant, & ex hoc cadit à suo recto pondere. Quamplures etiam in locis circumvicinis, quibus de jure aut consuetudine seu privilegio jus competit fabricandi monetam, signum proprium monetæ regiæ, monetæ suæ quam fabricant imprimere seu insculpere moliuntur, ejusdem quantitatis & rotunditatis & litterarum figuræ quam habet moneta regia, monetæ suæ quam fabricant quantum possunt similis speciem & formam insculpunt, constituunt & imponunt. Et quamvis moneta prædicta eorum ad usurpatam similitudinem perducta deficiat à justo pondere argenti & solito in regia moneta, & more & consuetudine observato, simplices tamen & populares personæ non habentes inter monetas tantæ similitudinis peritiam discernendi falluntur quotidie ea occasione, in usu monetarum recipientes monetas falsò assimilitas pro veris.

Sunt & alij qui scienter falsas monetas extra regnum prædictum emunt, & postea infra regnum ipsum eas portant, vendunt & expendunt.

Nos igitur attendentes quòd iidem falsarij & fabricatores monetarum talium, & emptores prædicti, per hoc se dignos maledictione constituunt, eos qui, ut præmittitur, præmissa moliri, aut fabricare, aut emere, vel portare ad regnum prædictum scienter præsumperint, excommunicationis sententia innodamus, absolutione prædictorum nobis & successoribus.

Tom. XI.

D d d

bus nostris præterquam in mortis articulo reservatâ. Nulli ergo omnino hominum liceat hanc paginam nostræ innodationis & reservationis infringere, vel ei ausu temerario contraire. Si quis autem hoc attentare præsumperit, indignationem omnipotentis Dei & beatorum Petri & Pauli Apostolorum ejus se noverit incursurum. Datum Tolosæ secundo Kalendas Januarij, Pontificatus nostri anno quarto.

Ermit D.
d' Heron-
val.
* Carolo
VI.

MARTINI PAPÆ V.
*Charissimo in Christo filio CAROLO**
Regi Francorum Illustri.

AN. CHR.
1425.
Gratias
agit de
Oratoribus
obedientiæ
ad se missis
à Rege.

XLVII. **M**ARTINUS Episcopus servus ser-
vorum Dei. Charissimo in Christo
filio CAROLO Regi Francorum Illustri salutem &
Apostolicam benedictionem. Illa solemniter legatio
tuæ serenitatis ad nos novissimè destinata, quæ ad-
ventu suo & significatione tuæ erga nos & sedem Apo-
stolicam filialis obedientiæ per solemnes Oratores
tuos nobis cum effectu exhibita, & sinceræ tuæ devo-
tionis & fidei prout semper optavimus consolata nos
fuit læticia & gaudio singulari. Nam licet tua singu-
laris devotio nobis & Ecclesiæ non esset incognita,
ipsi tamen Oratores illam Christianissimæ domus tuæ
fidei plenitudinem pridie in nostro conspectu pruden-
tissimè & diligentissimè referarunt, exhibentes nobis
pro parte celsitudinis tuæ filialem obedientiam, qua-
lis exhibenda est in terris Vicario JESU CHRISTI;
pro quibus serenitati tuæ gratias agimus, & Deum
rogare non cessamus ut te Christianissimum Regem
diu conservet in vita, & similes Reges concedat Ec-
clesiæ ac populo Christiano. Verùm quia venerabilis
frater noster REGINALDUS Archiepiscopus Re-
mensis principalis ex aliis Oratoribus tuis ab hinc
pridie recedens ceteros anteivit, ad conspectum tuæ

Miscellanea Epistolarum. 395

celitudinis continuè reversurus, de expeditione & gestis apud nos & de paterna benevolentia & charitate nostra erga personam tuam ab ipso Archiepiscopo clariùs poteris informari. Nos enim, Fili charissime, sicut aliàs scripsimus celsitudini tuæ prosperam valetudinem corporis, consolationem & gaudium mentis, felicem & pacificum statum regni dari tibi à Deo cupimus: sublimitatem tuam rogantes ut sæpe nos certiores reddas de omni conditione rerum tuarum, quæ quanto magis erunt secundæ, tantò libentiùs audiemus, & majorem in mente nostra lætitiā & consolationem capiemus.* Datum Genezam Prænestinensis diœcesis VIII. Idus Septembris, Pontificatus nostri anno nono.

STE. GARNERII.

MARTINI PAPÆ V. Ernit D.
d'Heron-
val.
*Charissimæ in Christo filiæ MARIÆ
Reginæ Francorum illustri.*

MARTINUS Episcopus servus servorum Dei, AN. CHR.
1425.
Fjufidem
argumenti
quod præ-
cedens.
Charissimæ in Christo filiæ MARIÆ Reginæ Francorum illustri salutem & Apostolicam benedictionem. Ex illa solenni legatione quam charissimus in Christo filius noster CAROLUS Rex Francorum illustris consors tuus ad nos novissimè destinavit, clarè cognovimus, sicut semper speravimus, ejus filialem obedientiam, devotionem, & fidem quam erga nos & sedem Apostolicam habere dignoscitur more clarissimorum progenitorum suorum Regum Franciæ, qui semper Romanam Ecclesiam singulari studio defenderunt, & conservarunt Ecclesiasticam libertatem. Cognovimus etiam per effectum speratum fructum tuarum laudabilium actionum, quia tua ferenitas sicut Reginam Christianissimam decet, & nos scimus, continuè apud Regem ipsum & alios

Ddd ij

ubi fuit expediens, intercessit pro facienda nobis & Ecclesiæ restitutione obedientiæ filialis, quæ cum nobis per solennes Oratores præfati Regis sit exhibita & oblata, plenissimè gratias agimus præfato Regi & tuæ celsitudini reginali; rogantes Deum ut te & illum diu conservet in vita, & similes Reges & Reginas concedat Ecclesiæ & populo Christiano. De his autem quæ apud nos gesta sunt, & de paterna benevolentia & charitate nostra erga personam tuam & præfati Regis, ex relatione venerabilis fratris nostri REGINALDI Archiepiscopi Remensis, suæ celsitudinis Oratoris, ad conspectum præfati Regis præsentialiter redeuntis clariùs poteris informari. Datum Genezam Prænestinensis diocesis VIII. Idus Septembr. Pontificatus nostri anno nono.

M. PIVARDI.

Ex chartis
D. d'He-
rouval.

*MEDIA PROPOSITA AD
Ecclesiæ pacem & concordiam
ineundam.*

A. N. CHR. XLVIII.
1447.

ADVISATA in facto pacis Ecclesiæ, in quibus reverendissimus in Christo Pater & illustrissimus Princeps dominus JACOBUS Archiepiscopus Trevirensis pro se, & reverendissimo ac illustrissimis Principibus domino THEODERICO Archiepiscopo Coloniensi, LUDOVICO Comite Palatino Rheni Duce Baviaræ, & FRIDERICO Duce Saxoniarum suis Coelectoribus, se conformare voluit Serenissimo & Christianissimo domino Regi Francorum in modo qui sequitur.

I. Primò tantum desiderant ipsa Regia Majestas & præfati quatuor domini Electores sui confœderati, ut bona pax & tranquillitas vigeat inter viros Ecclesiasticos ubique per Orbem, ex qua ceteri status meliùs disponentur, & magna bona universæ Chri-

rianitati provenient. Intenduntque efficaciter laborare, quod divisiones, & differentiae * modernis * Gal. 1.3. * temporibus existentes in Ecclesia Dei primitus se-
duntur & pacificentur. Utque unum Concilium generale pro bono Ecclesiae celebretur, in quo magna bona, Deo concedente, procurabuntur. Necnon quod Conciliorum generalium autoritas refloreat, & ab omnibus in debita reverentia & observatione habeatur.

II. Et quoniam haecenus magnae & pene inextricabiles altercationes intervenerunt inter felicis recordationis Eugenium Papam quartum & Concilium Basiliense, ac eos, qui eidem interfuerunt, variique processus, sententiae, censurae, privationes & poenae hinc inde occasione praemissorum emanaverunt: & adhuc aliqui in Basilia, aliqui in Laterano se Concilium habere dicunt. Quibus altercationibus finem expedit imponere, ut citius & evidentius pax in Dei Ecclesia haberi possit. Considerantes Rex & praefati Principes Electores, quod Catholica universalis Ecclesia diffusa per Orbem, & communitas fidelium ut plurimum huiusmodi processus, sententias, censuras, procuraciones & poenas, hinc inde emanatas non recepit, nec gratas habuit, licet jam ad informationem de his habendam magnum tempus effluerit; volentes conniti ipse Rex & praedicti domini Principes Electores auctoritati & observationi ipsius universalis Ecclesiae, & eam insequentes atque efficere satagentes, quod ejusdem Ecclesiae paci congruum, sicut pacem ipsam prosequi interest Principum & Praelatorum, visum est disponendum & ordinandum, firmiterque observandum, etiam quantum ad dominum Ducem Sabaudiae & dominia sua (cui dispositioni & ordinationi Regis stare promissit) atque apud omnes ubi opus erit prosequendi, quod sicut communior Ecclesiae observatio hucusque habuit, praefati processus sententiae, censurae, privationes &

D d d iij

*supra **
advitata.

poenæ occasione premissorum, & omnium ex iis dependentium. Esto etiam quòd in hujusmodi censuris, privationibus, & aliæ causæ adderentur, hinc inde emanati, & quæcumque mandata, ordinationes, seu dicta conscripta, aut quomodolibet acta seu gesta in hujusmodi rerum prosecutione, cujuscumque vel quorumcumque adversus quemcumque vel quoscumque cujuscumque status, gradus, dignitatis vel conditionis, etiam si Papalis, Cardinalatus, Archiepiscopalis, vel temporalis existerent: sub quocumque nomine, etiam Papæ, vel Concilij, hæc facta sint, pro non factis habeantur; pro expressis, etiam si talia sint, de quibus mentio specialis & de verbo ad verbum habenda foret. Esto etiam quòd talia universale Ecclesiam, & auctoritatem Conciliorum universalium aut sedis Apostolicæ concernant quovismodo: omnisque dissensio, divisio & scissura occasione harum proventionum penitus auferatur & dimittatur, ac si numquam prædicta facta fuissent: tractatusque pacis & concordiae inter præfatum Papam EUGENIUM, & omnes & singulos, qui Concilio Basiliensi interfuerunt, seu tamquam eidem Concilio aut gestis ejus adhærentes cum eo, seu ipse cum eis aliquas differentias habuerunt avisatus * per ipsum Christianissimum dominum Regem Francorum continentur, & perficiantur respectu S. D. N. Domini NICOLAI Papæ quinti, cui per eosdem qui Concilio Basiliensi aut gestis ejus quovismodo adhæserunt, faverunt, aut obediverunt, & per quoscumque alios, qui præfato Eugenio, aut ipsi S. D. N. Papæ Nicolao contrariati fuerunt, omnis honor, reverentia & obedientia, eisque per ipsum S. D. Papam Nicolaum omnis amor & paterna dilectio absque præteritorum recordatione exhibeatur. Quòdque deinceps ab appellatione Concilij generalis, tam in Basilea quàm in Laterano (quæ appellatio non jam unitati Ecclesiæ proficeret, sed obesset) penitus cessetur: ut sic omni

impedimento sublato ad Concilium generale, sicut præmittitur, habendum, quod ab omnibus Christianis in unanimitate & concordantia reputetur, perveniri possit.

III. Non tamen intendunt præfati domini, quòd per prædicta decretis acceptatis cum suis modificationibus tam in Imperio quàm in Regno Franciæ, aliquod intelligatur præjudicium generari. Et quòd unicuique volenti habere litteras super prædictis, expediantur in forma meliori.

IV. Dignum insuper arbitrantur Regia Majestas & Principes Electores præfati, & ad hæc operam cum effectu impendant, quòd patri domini Ducis Sabaudia se prædictæ observationi ob bonum universæ Ecclesiæ diffusæ per Orbem conformanti, & promissionem ejusdem domini Ducis filij sui Christianissimo Regi factam cum ipso patre sciente, & non contradicente, nec prohibente, indubiè facta præsumuntur amplectenti cum effectu; atque pro tanto bono pacis Ecclesiæ omnino nomen & titulum Papatus dimittenti honor exhibeatur, ac statum honorabilemque provisionem in Ecclesia habeat: necnon etiam per eum promoti ad dignitates & honores Ecclesiasticos, qui eos acceptarunt, & ad beneficia quæcumque, quæ ipsorum beneficiorum possessionem pacificam habeant in sua obedientia, eadem assequuntur & obtineant. Et similiter de his, qui sub nomine generalis Concilij Basiliensis promoti sunt in eorum obedientia, officiationibus quoque suis omnis consolatio possibilis fiat; qui tam in Romana Curia quàm sub administratione domini patris præfati Ducis Sabaudia habebuntur recommitta; aliqua tamen super prædictis privationibus & promotionibus aliquos particulares tangentia, & bonum hujus negotij concernentia, intendit Rex aperire in conclusione hujusmodi concordia.

V. Ultra prædicta super loco & tempore futuri

Concilij videbatur prædictis dominis Principibus Electoribus, quòd haberet fieri in uno quoque locorum in Allemania nominatorum; sed domino Regi Franciæ propter rationes quamplures videtur, & ita instare intendit, quòd locus Concilij rebus gerendis accommodus determinetur in suo Regno: verumtamen istum ad tempus advisatum est inter ipsos dominum Regem Francorum & Principes Electores præfatos, quòd reddetur omnibus ipsis procurandi, ut incipiat illud Concilium de Calendis Septembris proximè futuris ad annum.

VI. Item instabit dominus Rex Francorum, quòd S. D. Nicolaus Papa conventus, Concilij Constantiensis decretum *frequens*, & alia ejus decreta, sicut cetera concilia Catholicam militantem Ecclesiam representantia, ipsorum potestatem, auctoritatem, honorem, & eminentiam, sicut & ceteri antecessores sui suscipiet & venerabitur.

VII. Item, quòd dominus Rex Francorum, & quilibet suorum confœderatorum habeat bullas super indictione futuri Concilij, & suspicione præacta si obtenta fuerit.

VIII. Item, si dominus Dux Sabaudia, vel dominus pater ejus, seu quicumque eidem adhærentes, his pacis & concordia mediis, de quibus in præsentischedula continetur, repugnaverint, aut acquiescere noluerint, seu distulerint, quod non speratur, sit deinceps contra eos, aut eorum aliquos, per S. D. N. Nicolaum Papam procedatur; non confidant, quòd de cetero in pacificandis septum ad eos negans Rex & præfati Principes Electores quomodolibet se intromittant; quin immo intendunt omnibus viis & modis justis & rationalibus præbere auxilium & favorem processibus, censuris, & excommunicationibus contra tales fraudes, maximè postquam contenta in præsentibus advisatis fuerint per S. D. Papam Nicolaum concordata.

IX. In

IX. In suprascriptis advisamentis concurret & se conformavit supradictus Reverendissimus & illustrissimus Princeps J A C O B U S Archiepiscopus Trevirensis, pro se & tribus Coelectoribus suis supra nominatis in eventum ratihabitionis ipsorum trium. Quod si quis præfatorum quatuor Electorum prædicta non ratificaverit infra Kal. Septembris, careat commoditate ipsorum advisamentorum & contentorum in eisdem: quæ ratificatio intimabitur Christianissimo domino Regi Francorum, vel suis Rectoribus in præfenti negotio pacis laboraturis, in quocumque loco fuerint, infra tempus prædictum. Quorum quidem advisamentorum prosecutio possibilis fiet apud S. D. N. Dominum N I C O L A U M Papam, conventum *, f. * quid tum & alibi ubi dece. it. & alibi ubi dicebat ex parte Serenissimi & Christianissimi domini nostri Regis Francorum, concurrentibus in hoc secum, & se eidem conformantibus præfatis dominis quatuor Electoribus Imperij. Factum Bituris die vicesima octava mensis Junij, Anno Domini millesimo quadringentesimo quadragésimo septimo.


J O H A N N E S Lux manu propria scripsi de mandato domini mei Trevirensis.

J O H A N N E S de Huff Protonotarius Reverendissimi Domini Archiepiscopi Colonienfis.

H. Sugelliardi Secretarius Illustrissimi domini mei Ducis Saxonie, prout supra concurrerunt.

Collatio facta cum originali per me.

D Y S O M E.



Extrait D.
d'Herou-
vul.

LVDOVICI DELPHINI AD
patrem Carolum VII. Francorum Regem.
Nuntiat sibi natum filium.

AN. CHR.
1459.

XLIX. **M**ON tres redoubté Seigneur, je me recommande à vostre bonne grace tant & si tres humblement comme plus faire puis, & vous plaist savoir, mon tres redoubté Seigneur, qu'il à pleu à nostre benoist Createur & à la glorieuse Vierge sa mere delivrer ce jourd'huy au matin ma femme d'un beau fils, dont je loue mondit benoist Createur & le remercie tres humblement, de ce que par sa clemence il lui à pleu si benignement me visiter, & donner vraie cognoissance de ses infinies graces & bontés: lesquelles choses, mon tres redoubté Seigneur, je vous signifie en toute humilité, afin de tousiours vous donner à cognoistre mes nouvelles, & mesmement quand elles sont bonnes & joieuses, comme raison est, & tenu y suis. Mon tres redoubté Seigneur plaist vous adés me mander & commander tous vos bons plaisirs pour y obeir à mon pouvoir, de tres humble vouloir à l'aide du benoist saint Esprit, qui mon tres redoubté Seigneur vous ait en sa sainte & digne garde, doint bonne vie & longue, avec l'entier accomplissement de vos tres haults & tres nobles desirs. Escrit à nostre Dame de Hal, le xxvii. jour de Juillet.

Vostre tres humble
& tres obeissant
fils L O Y S.

Au dessus est escrit. A mon tres redoubté Seigneur.
Au dessus est encore escrit: Lettres de Monseigneur le
Daulphin receues le v. jour d'Aoust mil CCCCLIX.

REGIS RESPONSIO AD Ernit D.
d'Herou-
val.
prefatas litteras.

DE PAR LE ROY.

TRES cher & tres amé fils, nous avons receu vos A N. CHR.
1459.
lettres, par lesquelles nous faites savoir que le vingt-septiesme jour du mois de Juillet dernier passé nostre tres chere & tres amée fille la Daulphine delivra d'un beau fils, nous nous sommes bien merveillés que paravant ne nous avez aucune chose notifié de sa groisse: car combien que ne soyés par devers nous, comme deussies estre, & que de tout nostre cuer le desirons, ainsi que plusieurs fois le vous avons fait savoir, ce nonobstant, que si en eussiez adverty nous eussions volentiers envoié devers elle, pour y faire & regarder les formes & solemnités en tel cas requises & accoustumées en la Maison de France. Et nous semble bien que deormais seroit temps que vous advisassies de vous conduire & radresser envers nous comme y estes tenu, & que pour vostre bien & honneur devés sur toutes choses desirer. Donné à Champegne le quatorsieme jour d'Aoust.

DE PAR LE ROY.

L. **N**OS âmez & feaulx, pourceque l'année Ernit D.
d'Herou-
val.
A N. CHR.
1482.
Rex Lu'o-
vicus xi.
ordinat pu-
blicas sup-
plicationes
in S. Dia-
nisi Eccle-
sia.
passée & tousiours depuis le temps & saison ont esté fort indisposés, principalement pour le vent de Galerne qui a couru; & afin que Dieu le vueille abatre & amoderer, consoler, & aider le pouvre peuple de nostre Royaume, nous vous prions & neantmoins enjoignons que tous ensemble avec les officiers & supposts de nostre Chambre des Comptes & du Tresor, vous disposez & mettez en estat de grace, & alez processionnellement avec tels

Ecc ij

gens d'Eglise que adviserez au lieu & Monastere de Monsieur Saint Denis en France, & illec avec les Religieux & Couvent dudit Monastere faites processions, prieres & oroisons envers Dieu pour ce que dit est, & que par sa grace il nous vueille & nostre tres chier & tres amé fils le Daulphin de Viennoys preserver & maintenir en bonne santé, & entretenir paix & union a nostre dit Royaume. Donné au Plessis du Parc le troisieme jour de Fevrier.

Signé L O Y S.

plus bas, Charpentier.

Et au dessous est escrit, Apporté le Jeudy au soir septieme dudit Fevrier mil quatre cens quatre vingt deux, & le lendemain fut faite ladite procession.

Au dos est escrit, A nos amez & feaulx les gens de nos Comptes, Tresoriers & autres officiers & supposts tant desdits Comptes que du Tresor, à Paris.





CHRONICON

GUILLELMI DE NANGIS,

*Sive NANGIACI, Monachi S. Dionysij in
Francia Ordinis S. Benedicti.*

MCXIII.



SIGBERTUS Gemblensis* Monachus, ^{al * Gem-} ^{blacensis,} temporum & regnorum descriptor præcipuus, moriens finem chronicae suae fecit. Abhinc subsequutus est eum frater GUILLERMUS DE NANGIS Monachus sancti DIONYSII in Francia.

Eodem anno sanctus BERNARDUS cum sociis suis triginta & amplius sub Abbate STEPHANO Cistercium est ingressus anno ætatis suae vicesimo secundo, ubi quantæ devotionis & religionis, quantique fervoris extiterit, vix exprimi lingua potest. Siquidem ab ipso ingressu suo tanta districtione corpus suum affigere studuit, quod totâ deinceps vitâ suâ infirmitate multiplici laboravit; factumque est ut post breve tempus Cisterciensis Abbatia, quæ rebus & gente pauper & sterilis fuerat, plures jam Abbatias nobilissimas par-turiret.

MCXIV.

In pago Brabatenfi circa Tornacum nix tanta cecidit nono Kalendas Maij, ut etiam pondere suo silvas frerit. Apud Ravennam & Parmam civitates Italiae in agris & intra moenia sanguis pluit Junio mense. Idibus etiam Novembris in suburbio Antiochia terra noctu dehiscens turres multas & adjacentes domos cum habitatoribus absorbuit. BALDUINUS

E e iij

Rex Jerusalem cum ROGERO Comite Antiochiæ contra Turcos vadit, sed Rogero cum exercitu suo iuxta quemdam fluvium residente, Rex cum suis præcessit, ut adventum Turcorum exploraret. Turci verò montem quemdam occupantes, insidias per quatuor loca collocaverunt, singulis infidiis quatuor milibus equitum deputatis, à quibus ex insperato Rex Balduinus undique interseptus, mille quingentis suorum interfectis, miserabili fuga liberatus est. Turci Cœnobium in monte Tabor situm funditus evertunt, Monachos interficiunt, & omnia ibi diripiunt. Eo quoque tempore à CONONE Apostolicæ Sedis Legato in Galliis tria Concilia celebrata sunt, primum Remis, secundum Belvac, tertium Cathalaunis.

LUDOVICUS Rex Franciæ obsedit castrum Gornaij super Matronam fluvium situm, contra HUGONEM DE POMONA dominum Creciaci, qui rapinis intentus mercatorum naves per fluvium transeuntes expoliabat, & apud Gornaium spolia deducebat. Venit autem ad auxilium dicti Hugonis GUIDO RUBEUS DE RUPE FORTI pater ipsius Hugonis, & Comes Campaniæ THEOBALDUS; sed Rege viriliter decertante eos ad fugam compulit, & castrum in deditionem accipiens Garlandensibus commisit. IVON Carnotensis Episcopus qui librum illum compilavit, quem decreta Ivonis nominant obiit, cui successit GAUFRIDUS vir vitæ venerabilis.

MCXV.

LUDOVICUS Rex Franciæ circa idem tempus fuit à Vicinis Baronibus suis & Militibus sic arctatus, quòd vix ab urbe Parisius securè egredi posset; sed tandem Dei virtute & auxilio Beatorum Martyrum Dionysij, Rustici & Eleutherij, quos semper invocabat, contra hostes animatus, HUGONEM DE PUISACO in Blesia, & Comitem Blesensem THEOBALDUM potentissimè subjecit, castrum Puisaci funditus evertens: deinde ODONEM Corboliensem

Comitem, & HUGONEM DE CRECIACO, GUIDONEM DE RUPE-FORTI, & THOMAM DE MARLA tyrannum sibi adversantes perpetuò exhereditavit, HAIMONEM etiam dominum Borbonis suppeditans munitiones ejus, & omnium prædictorum oppida ad suam jurisdictionem revocavit. Cum Rege autem Anglorum HENRICO variis & diversis temporibus pugnans, eum sæpe mirabili bello perdomuit.

LAMBERTUS bonæ memoriæ Attrebatensis Episcopus obiit. A tempore verò sancti VEDASTI usque ad istum Attrebatensis Ecclesia proprio viduata Præsule, Cameracensi Episcopo subiecta erat.

Cœnobium Clarevallis fundatur sub primo Abbate BERNARDO. Clarevallis autem non longè est à fluvio Albe, qui antiquitus fuit spelunca latronum & Vallis Absinthialis dicebatur propter amaritudinem incidentium in latrones. Eodem tempore Monachi commorantes sæpe pulmentum ex foliis fagi sibi conficiebant. Panis similis erat illi prophetico ex hordeo, milio & vicia, qui magis terreus quàm furfureus videbatur.

MCXVI.

Dum quidam Sacerdos Missam celebraret in Dolensi Cœnobio, puer in loco hostiæ super altare apparuit. Hoc tempore Præmonstratensis fundator Ordinis in Lotharingia natus, divitiis, genere & facundia clarus, succensus divino fervore & Presbyter ordinatus, paupertatis Christi tunica induitur, & nudus Christum sequens, verbúmque prædicationis ubique nudis pedibus spargens, multos ab errore convertit.

MCXVII.

ANSELMUS Laudunicæ civitatis Magister nominatissimus, litterarum scientia clarus obiit; qui inter cetera opera sua in Psalterio glossas marginales &

interlineares ordinavit. ALEXIUS Imperator Græcorum obiit, cui successit JOHANNES filius ejus.

JOHANNES Imp. MCXVIII.

Rex Jerusalem BALDUINUS primus moritur, cui successit BALDUINUS DE BURGO ejus consanguineus Comes de Roasa civitate quæ olim dicta fuit Edissa. Mense Januario in aliquibus locis terræ motus accidit alibi clementior alibi validior, adeò ut quarundam urbium partes subruisse dicatur. Mosa etiam fluvius juxta Abbatiam quæ dicitur Sustula *
 al. * Sustula, quasi pendens in aëre fundum suum visus est deservisse.

Eodem quoque anno Leodium civitas multis plagis attrita est. Mense enim Maio quinto Nonas ejusdem dum in Majori Ecclesia Vesperas celebrant, subito tonitruus cum terræ motu omnes ad terram stravit, & fulmen à læva templi ingressum, cortinis altaris exustis, huc illuc defiliit, deinde turrim ingrediens multas trabium partes dirupit; subsecutus est fœtor intolerabilis, adeò ut multorum aromatum odore vix potuerit expelli. Item Junio Mense septimo Idus ipsius circa horam nonam, nubes pluvie subito lapsa à monte qui dicitur Roberti, subjectam sibi partem civitatis penitus oppressam circumdedit, adeò ut multas domos diruerit, & immensam annonam perderet, mulierem etiam duos infantes altrinsecus in brachiis amplexatos necaret, & alios octo homines in diversis locis opprimeret. Pulsantibus Vesperis Sabbato quædam mulier dum caput lavat puero, manus rubent sanguine fluido. Namurci monstrum quoddam natum est, cui par numquam vel rarò visum est, videlicet biceps infantulus, hic tam sexu duplex quàm ceteri simplex erat compage corporis.

Tertio decimo Kalendas Januarij primâ horâ noctis igneæ acies à Septemtrione in Orientem in cælo apparuerunt, deinde per totum cælum sparsæ, plurima noctis parte, videntibus miraculo & stupori fuerunt. PASCHALI Papa defuncto, GELASIUS secundus Romanæ

Romanæ Ecclesiæ centesimus sexagesimus secundus Papa præsidet. At Imperator Romanorum HENRICUS quia electioni non interfuerat, Hispanum quemdam nomine BURDINUM ei superordinavit. Gelasius verò Papa cum à sancta sede, Imperatoris & Romanorum tyrannide, arcetur, ad tutelam & protectionem LUDOVICI Regis Franciæ, & Gallicanæ Ecclesiæ compassionem, sicut antiquitus consueverunt antecessores sui Romani Pontifices, confugit; indicto Remis Concilio. Hoc tempore fundata est Abbatia Pruliaci à THEOBALDO Comite Campaniæ, & ADELA matre sua filia GUILLERMI Nothi, quæ nupsit STEPHANO Comiti Carnotensi.

BALDUINUS Flandriæ. MCXIX.

GELASIO Papa apud Cluniacum defuncto, & ibidem sepulto, GUIDO Viennensis Archiepiscopus STEPHANI Comitis Burgundiæ germanus Romanæ Ecclesiæ centesimus Sexagesimus sextus Papa præsidet, & CALIXTUS secundus nominatur. Hic Concilium à prædecessore suo Remis indictum celebravit, ubi excommunicati sunt Symoniaci, & pro sepultura, Chrismate & Baptismo pretium exigentes, ibique uxorum & concubinarum contubernia Presbyteris, Diaconis, & Subdiaconis sunt penitus interdicta. Dum autem pro reconciliatione Imperatoris Romanorum & Ecclesiæ ibidem cum Legatis Imperatoris tractaret nec profecisset Calixtus Papa, ipsum Imperatorem cum suis factoribus excommunicavit. BALDUINUS Comes Flandriæ Calixti Papæ ex sorore nepos, volens GUILLERMUM filium ROBERTI Ducis Normanniæ ab HENRICO Rege Angliæ captivatum in hereditate patris instituere, post occupatam magnam Normanniæ partem in capite bello vulneratus à militibus Angliæ Regis occubuit, cui consobrinus ejus CAROLUS CANUTI Regis Danorum filius in Comitatu successit. Guillermus verò filius Roberti Ducis Normanniæ duxit in uxorem.

Tom. XI.

Fff

fororem LUDOVICI Regis Francorum concessâ ei
Flandriâ post obitum Caroli Comitis.

MCXX.

Ordo Præmonstratensis incoepit, cujus loci & Ordinis fundator extitit vir Dei NORBERTUS. Eodem etiam tempore sumpsit exordium Ordo Militiæ Templi sub HUGONE Magistro eorum. Apud Vize-liacum in vigilia sanctæ MARIÆ MAGDALENÆ, incertum quo Dei iudicio, innumerabiles promiscui sexus & ætatis atque ordinis in ipso noctis crepusculo, Ecclesia subito flagrante, combusti sunt. GUILLERMUS & RICHARDUS filij HENRICI Regis Anglorum, & filia ipsius Regis & neptis, necnon multi Proceres & nobiles Angliæ, volentes de Normannia transire, in mari submersi sunt, cum mare esset tranquillissimum, & ventis careret. Qui omnes fere sodomitica labe dicebantur & erant irriti, & omnes fere sepultura caruerunt.

Papa CALIXTUS post Concilium Remense Romanam proficiscens, ab omni senatu & populo gloriose suscipitur, nec multam fecerat in Sede moram, cum Romani tam nobilitati ejus quàm liberalitati faventes, BURDINUM schismaticum & Antipapam apud Surrentum sedentem, & ad limina Apostolorum transeuntes Clericos genu-flectere compellentem, expugnatum tenuerunt, quem crudis & sanguinolentis pellibus caprinis amictum per medium civitatis conducentes, imperante Domino Papa Calixto perpetuo carcere in montanis Campaniæ captivatum damnaverunt, & ad tantæ ultionis memoriæ conservationem, in camera Palatij sub pedibus Domni Papæ conculcatum depinxerunt.

MCXXI.

HENRICUS Rex Angliæ duxit AELIDEM filiam Ducis Lovaniæ uxorem propter pulchritudinem suam, erat enim pulchra valde. In Episcopatu An-

degavenſi Abbatia Oratorij à Fulcone Comite
Andegavenſi & uxore ejus Eremburge fundatur.

MCXXII.

Hoc tempore Autiffiodorenſem regebat Eccleſiam
Domnus Hugo ſancti Germani Autiffiodorenſis
pius Abbas, ſancti Hugonis Cluniacenſis nepos,
vir virtutum ſuarum inſignis & perpetuò venerandus.
Sugeriſ ſancti Dionyſii in Francia Mona-
chus ſcripturarum ſcientia clarus, cùm ſolummodò
eſſet ad Diaconatus ordinem promotus, à Roma re-
grediens, quò fuerat à Rege Franciæ Ludovico
miſſus, Abbate ſuo Adam defuncto, eligitur in Ab-
batem; qui reverſus primò Presbyter ordinatur, &
poſt præſente Rege à Bituricenſi Archiepiſcopo in ſua
ſancti Dionyſii Eccleſia in Abbatem benedicitur.

MCXXIII.

Romæ ſub Calixto Papa celebratum eſt Con-
cilium trecentorum aut ampliùs Episcoporum, in quo
pax inter Regnum & Sacerdotium de querela investi-
turarum Episcopaliſ reformatur, & ibi caſſatur
privilegium quod Henricus Imperator extorſerat
à Paſchali Papa de investituris ac perenni anathemate
in irritum reducitur. In Cœnobio ſancti Dionyſii
in Francia per induſtriam Sugeriſ loci ejuſdem
Abbatis Religio reformatur: Nam per Abbatum ne-
gligentiam, qui ante ipſum fuerant, & quorundam
illius Monasterij Monachorum, regularis inſtitutio
ita ab eodem loco abjecta fuerat, quòd vix ſpeciem
Religionis Monachi prætendebant. Dainberto
Senonenſi Archiepiſcopo defuncto, ſucceſſit Hen-
ricus cognomento Aper. Combusta eſt Eccleſia
ſancti Martini Turonenſis & caſtrum per Cleri-
corum & burgenſium guerram.

MCXXIV,

Calixto Papa defuncto, Romanæ Eccleſiæ
Fff ij

centesimus sexagesimus septimus Papa HONORIUS secundus præsidet. FULCO Comes Andegavensis Monasteriolum castrum super GIRARDUM Berlay obsessum capit. BALDUINUS Rex Hierosolymorum à Sarracenis præventus capitur, sed post diuturnam captivitatem datâ pecuniâ relaxatur. HENRICUS Imperator Romanorum collecto longo animi rancore contra Regem Franciæ LUDOVICUM, eo quod in Regno ejus Remis in Concilio CALIXTI Papæ anathemate innodatus fuerat, congregata exercitûs multitudine ingenti Franciam invadere disposuit, proponens Remensem destruere civitatem; sed Ludovico Francorum Rege in occursum ejus cum copioso exercitu veniente, timens Imperator Francorum probitatem ad propria ocius remeavit: quò Francorum Rex comperto, sola Archiepiscoporum, Episcoporum & Religiosorum virorum prece à vastatione Imperatoris terræ vix se valuit continere.

MCXXV.

Hyems gelu solito acerbior, & aggestu nivis sæpius decidētis nimis horrida & inopportuna * fuit. Multi enim pauperum infantes & mulieres nimietate frigoris defecerunt. In multis vivariis pisces absorpti sub glacie perierunt; glacies enim adeò spissa erat & valida, ut vehicula onusta super eam ducerentur, & quasi super solum equitaretur. In Brabanto anguillæ innumerabiles propter glaciem à suis paludibus exeuntes, quod dictū mirum est, in fenilibus fugientes latuerunt, sed ibi præ nimietate frigoris deficientes computruerunt. Mortalitas quoque animalium maxima fuit. Hyemi successit intemperies aëris nunc niye, nunc pluvia, nunc gelu alternatim satis noxia usque ad medium Martij; postea vix tandem arbores floruerunt Mayo mense, vix etiam terra herbarum & graminum viguit virore. Imber postmodum singulis mensibus assiduè deciduus fata agrorum pene absorpsit; nam siligo & avenæ proventus sui fructum satis

* importuna.

sunt ementitæ. Multi quoque sacro igne adurantur. Tyrus à Christianis terra & mari obseſſa capitur, & Christi Imperio subjugatur. Fames quoque magna Regnum Franciæ devaſtavit.

MCXXVI.

In Hispania ignobilis muliercula monſtrum bis * bis * re-
dundate vi-
detur. gemini corporis eſt enixa, averſis vultibus & corpori-
bus ſibi cohærens, ante quidem effigies hominis in-
tegro * corporiſque cedine diſtincta, retro verò fa- f. * integra
membro-
rum corpo-
riſque ceſſi-
tudine diſt. cies canis ſimiliter corporis & membrorum proprie-
tate integra. In Brabanto villa Norirca alia mulier
enixa eſt quatuor maſculos uno partu.

HENRICUS Imperator Romanorum pœnitentiâ ductus reliquit Imperium, & ab hominum notitia ſublatus, nec poſtea viſus eſt vel cognitus; tamen quidam dixerunt quòd apud Andegavis in hoſpitali pauperum viſus & per confeſſionem ab uxore ſua cognitus, mortuus & ſepultus eſt. Alibi verò legitur quod Pentecoſtem celebraturus veniens apud Ultrajectum morbo dracunculi qui ſibi erat nativus periit, cujus corpus ejeſtis inteſtiniſ ſale reſperſum Spiræ delatum eſt. Imperatore itaque perduto MATILDIS Imperatrix uxor ejus carens liberis ad HENRICUM Regem Angliæ patrem ſuum eſt reverſa. Florebat tunc Pariſius HUGO ſancti Viſtoris Canonicus religione & ſcientia clarus, & in ſeptem libera-
lium artium peritia nulli ſui temporis ſecundus: qui inter multa quæ utiliter ſcripſit, etiam librum de ſa-
cramentis valde neceſſarium duobus voluminibus comprehenſum edidit. Defuncto ſive amiſſo, ut ſu-
perius dictum eſt, HENRICO Imperatore, & Prin-
cipibus quibuſdam de Suavia & Allamania CONRADUM nepotem Imperatoris Henrici in Regnum ſubli-
mare volentibus, alij LUTHERIUM * Saxonie * Lotha-
rium. Ducem virum conſilij & bellicoſum in Regem pro-
vehunt.

Fff iij

In Syria exercitus Christianorum bis congressus est Sarracenis, in primo prælio de paganis ceciderunt duo millia quingenti, de Christianis solummodo quindecim, in secundo autem non incruentam victoriam habuerunt Christiani, sed quamvis plurima eorum pars perierit, tamen auxilio Dei revigorati, absque numero hostes contriverunt & vicerunt. NORBERTUS Præmonstratensis fundator & primus Abbas in Archiepiscopum Parthonopolitanæ urbis, id est, Madegeburgh *, eligitur.

* Magde-
burgensis.

CAROLUS Comes Flandriæ CANUTI Regis Danorum filius, qui iure consanguinitatis successerat BALDUINO Jerosolymitani ROBERTI filio, dum apud Brugas diebus Quadragesimæ in Ecclesia sancti DONATIANI Martyris Missam audiret, à BUCHARDO nepote BUCHARDI Brugenfis Ecclesiæ Præpositi, sub prodicione occiditur; quod scelus à LUDOVICO Rege Franciæ confestim vindicatur; nam diversis cruciatibus omnes proditores Caroli occisores permultavit. Cui in Comitatu Flandriæ successit auxilio Regis Franciæ Ludovici GUILLERMUS filius ROBERTI Ducis Normanniæ, quem patruus suus Rex Angliæ HENRICUS, patre ejus incarcerato, exheredaverat. Qui Rex Angliæ Henricus adversus dictum Guillelmum nepotem suum Principes Flandriæ concitans, fecit per ipsos Theodericum consobrinum Caroli de Alfatia contra eum accersiri. Obiit Gillebertus Turonensis Archiepiscopus, cui successit HILDEBRANNUS * prius Cenomanensis Episcopus, in versificandi & dictandi scientia clarus, de quo quidam ait:

* Hilde-
bertus.

*Inclutus & prosa, versuque per omnia primus:
Hildebrannus olet prorsus ubique rosam.*

MCXXVIII.

Multi in Regno Franciæ sacro igne accensi sunt;

qui convenientes Sueffionis in Ecclesia beatæ Dei genitricis **MARIÆ** sanati fuerunt meritis & precibus sacratissimæ Virginis. Lauduni in Ecclesia sancti **JOHANNIS** consilio Franciæ Regis & Principum Monialibus quæ infames erant ejectis, in loco ipsarum Monachi substituti sunt, ubi **DROGO** Religione & facundia venerabilis à Bartholomæo Laudunensi Episcopo primus Abbas ordinatur, qui postmodum à Papa **INNOCENTIO** secundo Romæ Hostiensis Episcopus Cardinalis *. **FULCO** Comes Andegavis re-
linquens Comitatum Andegavensem **GAUFRIDO** filio suo, & in Syriam proficiscens accepit in uxorem **MILISANDE** primogenitam filiam **BALDUINI** Regis Jerusalem. **LUDOVICUS** Rex Francorum contra **THOMAM** de Marla dominum Cociaci movet exercitum, cui occurrens in auxilium **RADULPHUS** Comes Viromandorum, & conflictum habens cum dicto Thoma, ipsum faucium ad mortem Ludovico Regi reddidit. Qui post paululum divinæ expers Eucharistiæ spiritum nequiter exhalavit; hic enim Ecclesias illius patriæ graviter infestaverat, & mercatores transeuntes bonis suis spoliabat.

dest *
creatur.

MCXXIX.

NORBERTUS Archiepiscopus apud Magedeburch in Ecclesia sanctæ **MARIÆ** remotis Canonicis sæcularibus fratres Præmonstratensis Ordinis collocavit. **PHILIPPUS** primogenitus **LUDOVICI** Regis Francorum Remis in Regem ungitur die Paschæ patre & Rege Angliæ **HENRICO** præsentibus. **THEODERICUS** de Alsatia in Flandrias adveniens, & suasu Regis Angliæ **Henrici** quosdam Flandrensium secum habens, Flandrias contra **Guillermum** Comitem calumniavit, cui **Guillermus** Comes aciebus dispositis occurrens & viriliter decertans, dum pene ad nihilatis hostibus castrum in quo latebant reddi deberet, ipse **Guillermus** Comes inclytus fauciat in

manu à praelio recedens satis citò mortuus est, cui successit idem Theodericus.

Moniales quædam infames quæ Ecclesiam beatæ **MARIÆ** de Argentolio diu potentia cujusdam sororis **CAROLI MAGNI** Regis Francorum occupaverant, industria **SUGERII** Abbatis sancti Dionysij in Francia inde expelluntur, & Monachis ejusdem loci quorum prius fuerat restituitur. Urficampi & Vallislucentis Abbatia Cisterciensis Ordinis fundantur. **MATILDIS** Imperatrix filia Regis Anglorum data est uxor Comiti Andegavensi, de qua genuit **HENRICUM** postmodum Regem Angliæ, & **GUILLERUM** Longam spatam, atque **GAUFRIDUM** Plante-geneste, qui filiam Conani Comitis Britanniæ cum Comitatu accepit uxorem.

MCXXX.

HONORIO Papa defuncto Romanæ Ecclesiæ centesimus sexagesimus Octavius **INNOCENTIUS** secundus Papa præsidet, contra quem ex altera parte **PETRUS** Leonis eligitur; & gravi schismate Romana Ecclesia conturbatur; sed Petro ob parentelæ suæ fortitudinem apud sanctum Petrum commorante, Innocentius Româ egressus Gallias venit, ob cujus adventum congregato à Rege & Prælati Franciæ apud Stampas Concilio, sanctus **BERNARDUS** Claravallis Abbas **INNOCENTIUM** suscipere persuasit; quem postmodum Aureliani à Rege honorificè susceptum duxit **GAUFRIDUS** Carnotensis Episcopus, magnarum virtutum vir apud Carnotum, ubi occurrit ei **HENRICUS** Rex Anglorum cum honore. Visitando itaque Gallicanam Ecclesiam sicut res exigebat, ad partes se transtulit Lotharingorum; cui apud Leodium **LIUTHERIUS** Imperator Romanorum cum magna Archiepiscoporum & Episcoporum atque Optimatum Regni Teuthonici comitiva occurrens, & humillimè se ipsum stratorem offerens, pedes per medium sanctæ processionis una manu

Ex sugerio.

manu virgam ad defendendum, alia frenum albi equi accipiens, tamquam dominum ad Episcopalem Ecclesiam sic perduxit. Descendente verò tota statione eum subpodiendo * deportans, celsitudinem paternitatis ejus notis & ignotis clarificavit. Exindèque in Franciam Papa rediens apud sanctum Dionysium diem Paschæ celebravit. Cœnobium apud Bellummontem fundatur sub Abbate primo Alexandro per Robertum de Candes supra mortuum mare.

* si ppor-
tando,
supponen-
do.

MCXXXI.

PHILIPPUS filius LUDOVICI Regis Franciæ nuper in Regem Francorum inunctus, dum per civitatem Parisius equitaret, porcus equi pedibus subito se submittens, equum super ipsum præcipitem dedit, capiteque ejus ad pavementum illiso mortuum prostravit. De cujus subita & miseranda nece Franci lugentes corpus apud sanctum Dionysium sepelierunt.

Eodem tempore, sicut invenitur in vita sancti BERNARDI Clarevallis, infensus erat Rex Franciæ LUDOVICUS pater ejus quibusdam Episcopis Regni sui, eosque suis civitatibus & sedibus exturbabat, pro quorum pace reformanda sanctus Bernardus plures Episcopos Regi mittens nihil profecit. Accidit autem postea, ut præsentem sancto viro Bernardo Episcopi multi Regis indignationem flectere cupientes tota humilitate prostrati solo tenus ejus tenerent vestigia, & nec sic gratiam obtinerent: quæ ex re vir Dei Bernardus animosa religiositate permotus altera die Regem increpans diutius quod sprevisset Domini Sacerdotes, liberè eidem denunciavit quòd eadem nocte fuerat sibi revelatum: Hæc, inquit, obstinatio primogeniti tui Philippi morte multabitur; quod ita accidit, sicut patet superius. Synodus magna Remis celebrata est à Papa INNOCENTIO secundo, in qua multis ad honorem Dei dispositis ipse Papa Innocentius Ludovicum, alterum Ludo-

Tom. XI.

Ggg

vici Regis Francorum filium, pro Philippo fratre, quem porcus occiderat, adhuc vivente patre in Regem coronavit.

Ecclesia sancti MEDARDI Sueffionensis ab Innocentio Papa consecratur. BALDUINUS Rex Jerusalem moritur, cui successit FULCO Comes Andegavis gener ejus.

FULCO Andegau. Comes. MCXXXII.

Obiit vir sanctus HUGO Gratianopolitanus Episcopus, cujus religiosam admodum vitam conscripsit Guigo Prior Carthusiæ. Erátque circa hæc tempora pulcra ac decora facies Ecclesiæ, diversorum ordinum ac professionum circumdata varietate: dum hinc Cluniacenses & Cistercienses Monachi, inde Præmonstratenses & Regulares Canonici, ac etiam diversi habitus & professionis Sanctimoniales, & mulieres Deo devotæ, in continentia & paupertate sub obedientiæ jugo regulariter viventes, fervore Religionis se invicem provocarent, & nova certatim in diversis locis Monasteria fundarent. Cum his etiam Monachi Carthusienses & ipsi paulatim per Gallias maximè pullulabant; qui præ ceteris continentes pesti avaritiæ, quâ plurimos sub religionis habitu laborare videmus, terminos posuerunt, dum certum numerum possessionum & animalium, quem eis prætergredi nullomodo liceat, statuerunt, & ipsi singulas singuli cellas habentes paruulas, rarò nisi ob Dei cultum vel ob mutuum in charitate solatium simul convenientes, perfectiùs mori mundo, & ceteris tantò diligentius, quantò secretius Deo vivere elegerunt. Ad hoc etiam Milites Templi Jerosolymitani, ac Fratres de Hospitali sub religioso habitu continenter viventes, ubique se multiplicando in Religiositate diffundebant. Sed & Præsules Ecclesiarum ac Principes sæculi promptissimè annuebant Religiosis, sponte offerentes terras, prata, nemora & cetera que Monasteriis ædificandis erant necessaria.

Tota ferè civitas Noviomensium cum Ecclesia sanctæ MARIÆ & Episcopo incendio flagravît, iusto (ut ferebatur) Dei iudicio, quia summum Pontificem INNOCENTIUM multi de civitate inhonorificè susceperunt.

Clarevallis duo Cœnobîa una die Paschæ produxit, scilicet Longi-pontem & Rieuallem, & post paucos dies Nancellas.

MCXXXIII.

LIUTHERIUS Romanorum Imperator expeditione transeundi in Italiam parata, cum Archiepiscopis, Episcopis, ac aliis Prælatibus INNOCENTIUM Papam Romam deduxit contra Petrum Leonis, qui Ecclesiam sancti PETRI munierat, eumque Lateranensis in sede Papali honorificè collocavit, quem Lutherium ipse idem Papa ibidem in Imperatorem consecravît.

MCXXXIV.

NORBERTUS Archiepiscopus Ordinis Præmonstratensis fundator obiit. HILDEBRANNUS etiam Turonensis Archiepiscopus diem clausit extremum. Abbatia de Asinariis fundatur in Episcopatu Andegavensi.

MCXXXV.

Monasterium de Prato fundatum est. HENRICUS Rex Angliæ in Normannia moritur, & apud Radingas in Anglia sepelitur; post cuius obitum STEPHANUS Comes Bononiæ ex sorore nepos ejus, filius STEPHANI Comitis Blesensis; fraterque THEOBALDI Comitis Campaniæ in Angliam transfretans, Episcopo Wincestriæ fratre suo eum adjuvante, in Regem Angliæ coronatur: cui MATILDIS Imperatrix filia Henrici defuncti Angliæ Regis cum viro suo Comite Andegavensi occurrens, non sinebat eum in pace regnare, sed cum fautoribus

G g ij

fuis partes suas in Anglia mirificè defendebat.

STEPHANUS Angl. Rex. MCXXXVI.

Ventus nimius quinto Kalendas Novembris fuit, qui turres multas diruit. Mare quoque Anglicanum terminos suos egressum, partem Flandriæ cum habitatoribus submersit. JOHANNES Constantinopolis Imperator moritur, cui successit MANUEL filius ejus. GUILLERMUS Pictavenfis Comes & Dux Aquitaniæ ad sanctum JACOBUM peregrè proficiscens, in die Parasceue Paschæ obiit, & ante altare sancti JACOBI sepelitur; relinquens duas filias ALIENORDEM & PETRONILLAM. Qui antequam moreretur Procere suos quos secum habebat contestatus est, ut filia sua major Alienordis LUDOVICO juniore Francorum Regi cum Aquitaniæ Ducatu uxor traderetur.

MANUEL Imperator. MCXXXVII.

Siccitas inaudita fuit à Martio usque ad Septembrem, ita quòd fontes, putei & multi fluvij siccarentur. LUDOVICUS Rex Francorum audita morte GUILLERMI Ducis Aquitaniæ misit LUDOVICUM filium suum jam in Regem coronatum & inunctum in Aquitaniam, ad desponsandam ALIENORDEM prædicti Ducis filiam, quam cum Ducatu Aquitaniæ accipiens in uxorem, apud Burdegalas desponsavit, de qua postea genuit MARIAM Comitissam Campaniæ, & AELIDEM uxorem THEOBALDI Comititis Blesensis. Infra igitur mensem post nuptias Ludovici juvenis Regis obiit pater ejus Ludovicus Rex Kalendis Augusti, & in Ecclesia sancti Dionysij in Francia sepultus fuit, cui successit LUDOVICUS filius ejus agnominatus junior. Abbatia Mortui-maris in foresta de Lyons fundatur, quam Abbas Urscampi in filiam suscipiens Monachos suos illuc misit. LUTHERIUS Imperator Romanorum secundam expeditionem in Italiam faciens, dum rediret in pa-

triam suam subactâ Italiâ & Appuliâ moritur, cui successit CONRADUS HENRICI Imperatoris de sorore nepos.

CONRADUS Imperat. LUDOVICUS Rex.

MCXXXVIII.

PETRUS LEONIS, qui per schisma Papatum invaserat per octo annos, iudicio Dei percussus interiit. Tunc INNOCENTIUS Papa ordinatos ab eo degradavit, & ne ultra promoverentur ad Ordines iudicio Dei decrevit. Florebat hoc tempore THEOBALDUS Comes Campaniæ, pater orphanorum, iudex viduarum, cæcorum oculus, pes claudorum, in pauperibus sustinendis singulariter munificus, in construendis Monasteriis & erga Religiosos quoscumque largitate incomparabilis. Hic Abbatiam sancti FLORENTII Salmuriensis, & Abbatiam Eleemosynæ Cisterciensis, ac plures alias construxit. Genuit autem ex MATILDE uxore sua nobili genere Theutonicorum progenita HENRICUM Comitem Campaniæ, & THEOBALDUM Comitem Blesensem, ac STEPHANUM Comitem Sacri-Cæsaris, GUILLERMUM primò Carnotensem electum, deinde Senonensem Archiepiscopum, post Remensem; item ADELAM Reginam Francorum, Comitissam de Partico, Comitissam Barri, ac uxorem Ducis Burgundiæ.

Florebat etiam GUILLERMUS Nivernensis Comes insignis, cuius devotio mira enituit, dum de potenti Principe sæculi factus est in Carthusia humilis pauper CHRISTI. Florebat & sanctus BERNARDUS Abbas Clarævallis, & sanctus MALACHIUS in Hybernia, qui mortuum suscitavit. Florebat etiam Magister GILBERTUS cognomento PORREE, tam liberalium artium quàm divinarum scripturarum doctor eximius, & ferè incomparabiliter eruditus. Hic post Magistrum ANSELMUM super psalterium & super Epistolas PAULI ex dictis sanctorum Pa-

G g ij

trum compactam edidit glossaturam.

MCXXXIX.

Obiit JOHANNES de Temporibus, qui vixerat annis trecentis sexaginta uno à tempore CAROLI MAGNI, cujus armiger fuerat. His temporibus quidam pseudo-Imperator in partibus Alemanniæ surrexit, qui per aliquot annos apud Solodorum in reclusionem vivens, egressus inde Imperatorem Henricum perditum se esse mentiendo dixit, & cum multis seducendo sibi allexisset in tantum ut pro eo etiam graves pugnae & homicidia fierent, aliis eum recipientibus, aliis seductorem palam profitentibus, tandem declarata ejus falsitate, Cluniaci in Monachum attonsus est.

MCXL.

Obiit Magister HUGO sancti VICTORIS Parisiensis Canonicus Regularis. Habitaculum servorum Dei Carthusiensium in loco qui dicitur ad Montem Dei construitur. Cœnobium sanctæ Mariæ Frigidimontis in Episcopatu Beluacensi Cisterciensis Ordinis fundatur. HENRICUS frater Regis Franciæ LUDOVICI apud Clarevallem Monachus effectus est, qui non multum post ad Episcopatum Belvacensem est assumptus; fueruntque præter istum Henricum alii fratres Regis Franciæ, ROBERTUS Drocarum Comes, & PETRUS dominus de Cortenayo. INNOCENTIUS Papa fundavit apud Aquas-Salvias Monasterium sancti ANASTASII Martyris, & constructis ibidem cœnobialibus mansionibus, petiit à Clarevalle Conventum Monachorum & Abbatem. Missus est autem illuc cum Conventu BERNARDUS Pisanae civitatis olim Vicedominus, qui postmodum fuit Papa EUGENIUS.

Florebat hoc tempore Gallicana Ecclesia per viros religione & sapientia illustres, MILONEM Morinensem Episcopum, humilitatis virtute præcipuum;

ALUISUM Attrebatensem Pontificem, liberalitate atque consilio & facundia clarum; GODEFRIDUM Lingonensem; HUGONEM Autissiodorensem; GOSLENUM Sueffionensem; GAUFRIDUM Carnotensem Episcopos; ALBERICUM Bituricensem Archiepiscopum scientia litterarum atque consilij prudentia clarissimum; SUGERIUM Abbatem sancti DIONYSII in Francia, virum eruditissimum. Inter hos & alios multos tunc claros scientiâ viros, BERNARDUS Abbas Clarevallis vir opinatissimæ religionis eminentissimè clarebat, qui multorum miraculorum patrator, ac verbi Dei ferventissimus Prædicator, atque plurimorum Monasteriorum fundator, animarum Deo lucra maxima exhibebat; adeo ut magistri scholarum cum magno Clericorum comitatu etiam de longinquis regionibus ad ejus optabile magisterium confluentes, centenario vel etiam ampliori Novitiorum numero domum probationis implerent, & una die quadraginta Monachi fierent. Florebat etiam Magister RICHARDUS de sancto VICTORE Parisiensis Canonicus Regularis, qui in libris & tractatibus variis multa Ecclesiæ sanctæ utilia descripsit. Claruit præterea his temporibus Hugo de Folieto sancti PETRI Corbiensis Monachus, qui librum de Claustro animæ & corporis composuit. Alij dicunt istum Hugonem in pago Ambiacensi fuisse Canonicum Regularem.

MATHILDIS Imperatrix filia Regis Angliæ HENRICI, post occupatam ope LUDOVICI Regis Franciæ Normanniam, in Angliam transit, & diversis bellis Regnum Angliæ, sibi jure debitum, contra Regem STEPHANUM calumnians devastavit.

MCXLI.

Circa idem tempus PETRUS Abaelardus Magister in dialectica insignis & celeberrimus, primò uxoratus, deinde sancti Dionysij in Francia Monachus,

pòst in Britannia nnde natus fuerat Abbas constitutus, de fide Christiana perfidè dogmatizans, Senonis coram Episcopis, Abbatibus & Religiosis quamplurimis, per industriam sancti BERNARDI Clarevallis Abbatis, præsente LUDOVICO Rege Francorum, convocatur, & hîc ab eis de articulis fidei interpellatus, cùm esset de justitia responsurus, veritus eos, ad Sedis Apostolicæ audientiam appellavit, qui sic evadens non multo pòst dum esset in itinere Romanæ Ecclesiæ Cabilone apud sanctum Marcelum obiit. Construxerat enim Monasterium in Episcopatu Trecensi juxta Nogentum super Secanam in quodam prato ubi degere solitus fuerat, quod Paraclitum nominavit, in quo uxorem quondam suam, quæ Monacha apud Argentolium effecta fuerat, sed inde cum aliis pluribus per industriam SUGERII Abbatis sancti Dionysij in Francia postmodum ejecta, venire fecit cum nonnullis Monialibus Religiosis; quæ ibi Abbatissa effecta magnam post ejus mortem ei in assiduis precibus fidem servavit, corpusque ejus de loco ubi obierat ad prædictum Paracliti Monasterium transtulit, in cujus tumulo hoc Epitaphium est insertum.

*Isti satis in titulo, PETRUS hic jacet Abaelardus:
Cui soli patuit scibile quidquid erat.*

ROGERUS de Sicilia filius ROBERTI Guichardi Normanni, qui Appuliæ & Calabriæ Principatum tenebat, à Papa Innocentio propter investituras Ecclesiarum quas sibi usurpabat excommunicatus, eum bello cepit; sed facta postmodum cum eo qualicumque pace, ut ab eo in Regem Siciliæ coronaretur, obtinuit. Sic primus de Normannorum genere nomen Regis usurpans, postea pene totam Africam acquisivit. STEPHANUS Rex Anglorum à MATILDE Imperatrice filia Regis HENRICI capitur, sed parum pòst de ejus prisione evadens, contra eam Regnum suum strenuè defendit.

MCXLII.

Orta dissensione inter Papam INNOCENTIUM & Regem Franciæ LUDOVICUM Ecclesia Gallicana turbatur; nam defuncto Bituricensi Archiepiscopo ALBERICO, missus est PETRUS à Papa ejusdem Ecclesiæ Pastor consecratus, sed à Rege Ludovico repudiatus, nec in urbe recipitur, eo quòd sine ejus assensu fuerat ordinatus. Ipse verò Rex Ludovicus concesserat Ecclesiæ Bituricensi libertatem eligendi Episcopum quem vellent, excepto dicto Petro; publicèque juraverat quòd se vivente non erat futurus Archiepiscopus. Qui tamen electus Romæ profectus est, & consecratus fuit à Papa Innocentio dicente; Regem puerum instruendum & cohibendum ne talibus assuescat. Et adjecit veram non esse electionis libertatem, ubi quis excipitur à Principe; nisi fortè docuerit coram Ecclesiastico judice illum non esse eligendum, tunc enim auditur ut alius. Rex verò, sicut superius dictum est, Archiepiscopum exclusit redeuntem; sed eum Comes Campaniæ THEOBALDUS recepit in terra sua, & ei omnes Ecclesiæ obediebant. Indignatus ob hoc Rex concitavit omnes ferè Proceres suos, ut unà cum eo guerram inferrent Comiti Theobaldo. RADULFUS Viromandensis Comes uxorem suam dimittens, PETRONILLAM sororem Reginæ Franciæ ALIENORDIS duxit; propter quod ad instantiam Comitis Campaniæ Theobaldi Ivo Romanæ Ecclesiæ Legatus in Franciam Comitem Radulphum excommunicavit, & Episcopos qui divortium illud fecerant suspendit.

MANUEL * Imperator Constantinopolitanus aliquamdiu Antiochiā obsessā pacem cum Principe fecit, & urbem intravit: deinde multis præfidiis captis, dum venationi insisteret, & arcum vehementer tenderet, toxicata sagitta à semetipso vulneratus in sinistra manu obiit, cui successit in Imperio MANUEL filius ejus.

*l. * Johannes.*

Mense Januario ventus inauditus fuit, qui Ecclesias & domos subvertit, & terræ annosas arbores coarctavit. **LUDOVICUS** Rex Francorum contra **Comitem** Campaniæ **THEOBALDUM** ducens exercitum, Vitriacum castrum cepit, ubi succensâ Ecclesiâ in ea mille & trecentæ personæ diversi sexus & ætatis igne combustæ sunt. Super quo Rex misericordiâ motus plorasse dicitur, & hac de causa postmodum, ut dicunt aliqui, peregrinationem Jerosolymis aggressus est; Vitriacum tamen Castellum dedit Rex **ODONI** Campaniensium nepoti **Comitis** Theobaldi, qui patrimonium suum ei abstulerat. **INNOCENTIO** Papa mortuo **CÆLESTINUS** secundus Romanæ Ecclesiæ centesimus sexagesimus nonus Papa præsidet: hic statim pacem cum Rege Francorum **Ludovico** reformavit.

In festo sancti Martini æstivalis, dum **FULCO** Rex Jerosolymitanus venatum irer, & leporem insequeretur, equo cespitante ruens mortuus est, per miraculum rupto collo; ipse enim, ut tradunt aliqui, antequam Rex esset Jerusalem, quamdiu Comitatum Andegavensem tenuit, Ecclesiam sancti Martini Turonensis in quantum potuit infestavit. Cui ita mortuo **BALDUINUS** filius ejus cum matre **MILISANDI** Regina regnavit.

MCXLIV. BALDUINUS.

CÆLESTINO Papa mortuo, **LUCIUS** secundus centesimus septuagesimus Papa præsidet. Mediante Abbate Clarevallis **Bernardo** pax inter Regem Francorum **LUDOVICUM** & **Comitem** **THEOBALDUM** Campaniæ reformatur. **ARNALDUS** quidam de Brixia Italiæ, cujus dicta propter arctam vitam quam ducebat plurimi sequebantur, decepti ab illo, dum Romæ Clericorum divitias & superfluitates reprehenderet, à quibusdam captus suspenditur & cre-

matur : erat enim, ut ait beatus Bernardus in epistolis, homo non manducans neque bibens, sed cum diabolo esuriens & sitiens sanguinem animarum, cuius consilio mel & doctrina venenum, cui caput columbæ, cauda scorpionis erat, quem Brixia evomuit, Roma exhorruit, Francia repulit, Germania abominata est.

MCXLV.

Ediffa quæ & Roasa Mesopotamiæ civitas, in qua erant Apostolorum THOMÆ & THADÆI corpora, & quæ fordibus idolatriæ numquam polluta fuerat ex quo primitus ad Christianissimam fidem conversa est, à Turcis obsessa capitur; ubi Episcopo urbis decollato, & sanctis locis profanatis, multa milia hominum trucidantur, multa servitute adducuntur. LUCIUS Papa Senatores Romanorum contra Ecclesias erectos in Capitolio obsedit, sed non multò post obiit.

Romanæ Ecclesiæ centesimus septuagesimus primus EUGENIUS tertius Papa præsidet. Hic primò Pisanæ Ecclesiæ Vicedominus, post in Clarevalle Monachus, beatique BERNARDI discipulus, postmodum Abbas sancti Anastasij Martyris apud Aquas-Salvias creatus, vir tam honore quàm æterna memoria habitus est: contra quem Romani JORDANEM Patricium & Senatorem erigentes, ipsum ab urbe deturbant; qui orta seditione in populo pulverem pedum in litigantes excutiens, eis relictis venit in Franciam: in cujus comitatu multa signa fecit sanctus BERNARDUS, ubi apud * Spirenensium Aleman-
niæ urbem tantus fuit concursus populi ad ipsum ^{sum.} propter virtutes quas faciebat in ægrotis, quòd CONRADUS Rex Romanorum ne populus eum comprimeret, deposita chlamyde eum in propriis ulnis suscipiens, de basilica absportaret. Ad hunc Papam Eugenium scripsit idem vir sanctus Bernardus librum multæ subtilitatis & utilitatis, cujus titulus est: *De*

Hhh ij

Consideratione. Eodem tempore in Francia fames magna invaluit.

MCXLVI.

Rex Franciæ LUDOVICUS captæ urbis Mesopotamiæ Roasæ zelo accensus, vel ut alii putant Vi-triacensis incendii conscientia compunctus, apud Veziliacum tempore Paschali affixo sibi crucis signaculo, cum Regni sui Principibus & multitudine innumerabili transmarinam peregrinationem proponit aggredi.

Ecclesia Tornacensis, quæ per annos circiter sexcentos à tempore sancti Medardi sub Episcopo Noviomensi sine proprio fuerat Sacerdote, proprium coepit habere Episcopum, ANSELMO Abbate sancti VINCENTII Laudunensis ab Eugenio Papa consecrato, & eidem urbi in Episcopum consecrato. In Alemanniæ partibus quædam virgo admirabilis propectæ ætatis erat, cui tantam divina virtus gratiam contulerat, ut cum laica & illiterata esset, mirabiliter tamen rapta frequenter in somnis disceret non solum quod verius effunderet, sed etiam scribendo latinè dictaret, ac dictando Catholicæ doctrinæ libros conficeret: hæc fuit, ut aiunt quidam, sancta HILDEGARDIS, quæ multa fertur dixisse de futuris.

MCXLVII.

CONRADO Imperatore Romanorum in Purificatione beatæ MARIÆ apud Franconofur constituto, Abbas Clarevallis sanctus Bernardus tam Regi quam cunctis Principibus Alemanniæ Crucis transmarinæ adfixit signum; & tunc socij peregrinationis multiplicati sunt super numerum. Navalis Dei exercitus ex Anglia, Flandria atque Lotharingia collectus pridie Idus Aprilis de Tremundo portu Angliæ cum ducentis ferè navibus profectus, quarto Kalendas Julij in vigilia Apostolorum Petri & Pauli Vlixif-

bonam * civitatem Hispaniæ applicuit, & eam post * VIII^{mo} m^o quatuor mensium obsidionem Dei virtute & sua industria ceperunt. Qui cum essent tantum tredecim milia, tamen de Sarracenis ducenta millia & quingentos occiderunt: & sic cum hymnis & canticis urbem ingressi, Ecclesiam dedicaverunt, & ibidem Episcopum & Clericos constituerunt: Ad corpora verò Christianorum occisorum tres muti loquendi usum receperunt. CONRADUS Imperator Romanorum mense Maio cum innumerabili multitudine peregrinorum iter transmarinum aggressus, Bosphoro prosperè transito, dum ad expugnandum Yconium inconsultè diverteret, consumptis terræ graminibus & victu deficiente, suisque hominibus fame afflictis, inefficax rediit, & prosequentibus eum Turcis multa milia suorum amisit. LUDOVICUS Rex Francorum tertio Kalendas Junij, scilicet feria quarta post Pentecosten, cum uxore sua ALIENORDE Regina iter transmarinum aggreditur, & cum infinitis & expeditis suorum milibus per terram in Hungariam profectus; transito Bosphoro in occurso Conradi Imperatoris Romanorum excipitur. Qui Imperator multis suorum ob inopiam repatriantibus, paucisque eum comitantibus à Francis benignè suscipitur, & cum eis aliquamdiu est profectus; sed propter instantem hyemem & suorum recreationem apud Constantinopolim est reversus. Qui hyeme transacta, auxilio Imperatoris Græcorum navibus ejus apud Jerosolymam est evehctus. Eodem tempore administratio totius Regni Franciæ commissa fuit SUGERIO Abbati sancti Dionysij in Francia.

MCXLVIII.

Remis Concilium à Papa EUGENIO celebratur, in quo publicè confutavit sanctus BERNARDUS Clarevallis Magistrum GILLEBERTUM cognomento Porretam, disputando cum eo singulariter, tamquam sui temporis singularis athleta. Hic Gille-

Hh h iij

bertus erat Pictavorum Episcopus, in sacris litteris plurimum eruditus, sed sublimiora se scrutatus est ad insipientiam sibi; siquidem de sanctæ Trinitatis unitate & divinitatis simplicitate non simpliciter sentiens, nec fideliter scribens, discipulis suis panes proponebat absconditos, & aquas furtivas propinabat: nec facile quid sciret immo quantum desiperet personis authenticis fatebatur; timebat enim quod apud Senonas Petrum Abaelardum dixisse sibi ferunt,

Nunc tua res agitur, paries cum proximus ardet.

Novissimè tamen cum jam Fidelium super hoc invalesceret scandalum, cresceretque murmur, ad iudicium vocatus est, & librum tradere iussus in quo blasphemias evomuerat, graves quidem, sed verborum quodam involucro circumseptas. Sanctus ergo BERNARDUS primò quidem totum quod ille verborum cavillationibus occultare nitebatur subtilibus interrogationibus eliciens, tam suis ratiociniis quàm Sanctorum testimoniis biduana disputatione redarguit. Considerans autem ex eis qui præsidebant, nonnullos jam quidem animadvertentes blasphemiam in doctrina, adhuc tamen avertentes injuriam in persona, accensus est zelo, & domesticam sibi Gallicanam convocat Ecclesiam seorsum. Communi denique Concilio à Patribus decem provinciarum, aliis autem Episcopis & Abbatibus plurimis, dictante viro Dei, novis dogmatibus opponitur Symbolum novum, cui etiam subscribuntur nomina singulorum; ut eorum videlicet omnium sicut reprehensibilis sic irreprehensibilis zelus ceteris innotescat. Ita demum Apostolico iudicio & auctoritate universalis Ecclesiæ error ille damnatur. Gillebertus verò Episcopus an eidem damnationi consentiat interrogatur, consentiens & publicè refutans quæ priùs scripserat & adfirmaverat, ipse indulgentiam consequitur; maximè quòd ab initio pactus fuisset, ea lege se eandem disputationem ingredi, ut promitteret sine ulla obstinatione se

pro Ecclesiæ sanctæ arbitrio opinionem suam liberè correcturum.

Accidit autem post Concilium cùm Papa Missam in majori Ecclesia celebraret, & ei pro more Romano calix afferretur à comministris altaris, quòd sanguis Domini nescio quâ Ministrorum negligentia effusus est super tapetum ante altare, quæ res sapientiores perterruit plurimùm, opinantes indubitata opinione quòd res hujusmodi in nulla contigit Ecclesia, cui non imminet undicumque grave periculum, & quia hoc in Apostolica Sede contigerat, universalis Ecclesiæ periculum timebatur. Certè nec fefellit opinio, nam **CONRADUS** Romanorum Imperator eodem anno, sicut superius dictum est, deletis exercitibus suis à Turcis in Oriente vix evasit. Rex etiam Franciæ **LUDOVICUS** & ejus exercitus Gallicanus per deserta Syriæ in terram sanctam properantes, dolo & astu Græcorum ac crebro assultu Turcorum detrimenta maxima sunt perpeffi, & fame nimia cruciati, ita ut quidam eorum equorum & asinorum carnibus uterentur. Dicunt enim tunc Jerosolymis in templo Domini sive in Monte-Oliveti fulminasse, & ejus infortunij præfagium extitisse. Lupi etiam in multis locis & villis homines devorabant. **HILDEFONSUS** Comes sancti Ægidij in magno navali exercitu Palestinæ applicans cùm magnum quid facturum speraretur, dolo, ut aiunt quidam, Regina Jerosolymorum malè potionatus apud Cæsaream Palestinæ urbem moritur. Tunc filius ejus adolescens sibi timens, quoddam castrum Comitum Tripolitani avunculi sui ingreditur, sed dolo ejusdem Regina cum sôre à Turcis captivatur.

MCXLIX.

EUGENIUS Papa de partibus Galliarum in Italiam revertitur, & cum Romanis vario eventu conflixens parum proficit. **LUDOVICUS** Rex Francorum fractis per deserta Syriæ viribus, Antiochiam

venit, ibique à Principe REMUNDO fratre bonæ memoriæ GUILLERMI Ducis Aquitanix, patris ALIENORDIS Regina Francorum honorificè susceptus est : sed dum ibidem moraretur ad naufragi exercitus reliquias consolandas, fovendas & reparandas, Alienordis Regina uxor ejus fraude patru sui Principis Antiochiæ decepta voluit ibidem remanere ; sperabat enim Princeps in mora Regis Franciæ de Turcis ibi propinquis victoriam obtinere. Cùmque Rex pararet eam exinde evellere, ipsa parentelæ mentionem faciens, dixit illicitum esse ut diutiùs commanerent, quia cognatio inter eos in quarto gradu vertebatur, unde Rex plurimum turbatus, quamvis eam affectu fere immoderato diligeret, acquievit eam dimittere, si Consiliarij sui & Francorum Proceres paruissent. Abstracta ergo coacta est cum Rege viro suo Jerusalem proficisci, sed vicissim in corde utriusque licet dissimularent quantum poterant, remansit injuria. Imperator Romanorum CONRADUS & Rex Franciæ LUDOVICUS Jerusalem associati, consilio Baronum suorum profecti sunt expugnare Damascum. Obsessa igitur per triduum Damasco à Francis, Germanis & Jerosolymitis, captisque jam muris anterioribus qui hortos ambiebant, cùm in brevi civitas capienda putaretur & esset, dolo, ut aiunt, Principum Palæstinorum obsidio removetur ; molestè enim tulerant quòd eam post captionem Reges concesserant THEODORICO Comiti Flandriarum. Facta ergo discessione, Rex Francorum & Imperator Romanorum iterum condicto die obsidendam Ascalonem cum suis Joppe conveniunt : sed Jerosolymitis minimè juxta conditum occurrentibus, Imperator CONRADUS Constantinopolim navibus evchitur, Rex Franciæ LUDOVICUS, suis Baronibus repatriantibus, cum paucis Jerosolymis per annum moratur.

Eodem tempore ROGERUS Rex Sicilia navali exercitu Africam invasit, captâque urbe quæ Africa dicitur,

dicitur, pluribusque castris, Archiepiscopum Africæ, qui sub servitute Romam venerat consecrandus, ad sedem suam remisit liberum. CONRADUS Romanorum & MANUEL Græcorum Imperatores convenientes in unum adversus ROGERUM Regem Siciliæ expeditionem parant, sed exercitu eorum fame & aëris intemperie afflicto, Conradus repatriat. Sanctus MALACHIUS Episcopus Hybernæ à Roma rediens in Clarevalle defunctus & sepultus est, cujus vitam scripsit sanctus Bernardus.

MCL.

LUDOVICUS Rex Franciæ à Palæstina navigans ut in patriam rediret, Græcorum naves qui eidem insidias paraverant incurrit. Cúmque ab eis Imperatori MANUEL Curfolium obsidenti præsentandus duceretur, GEORGIUS Dux navium Regis Siciliæ eos aggreditur: siquidem vastatis & spoliatis Græcorum provinciis, usque ad ipsam urbem Regiam scilicet Constantinopolim accedens, sagittas igneas in palatium Imperatoris jecerat, & incensis suburbanis de fructu hortorum Regis violenter tulerat, unde rediens navibus Græcorum obviat qui Regem Francorum ceperant LUDOVICUM, quas invadens Regem eripuit, & cum honore lætus de triumpho & victoria eum in Siciliam duxit; nam ut ita fieret procuraverat Siculus Rex timens insidias Danaum, & desiderans opportunitatem exhibendi devotionem quam habebat Regi & Regno Francorum: qui ab eo usque Romam honorificè deductus, & à Papa EUGENIO magnificè & gratanter susceptus, exinde in Franciam prosperè transmigravit.

REMUNDUS Princeps Antiochiæ Kalendis Augusti contra Turcos egressus, multis suorum captis & occisis, Turcorum insidiis est occisus, cujus caput Turci circumferentes, fere omnes urbes & castra Principis susceperunt præter Antiochiam, quam cum nimis infestarent, BALDUINUS Rex Jerosolymi-

tanus contra eos ingreditur in Syriam, eisque perturbatis quamdam munitionem eorum circa Damascum cepit, & Damascenos in aeternum tributarios fecit. Milites Templi Gazam Palæstinæ urbem reedificantes, Ascalonitas graviter infestabant. HUGONE Archiepiscopo Turonensi mortuo ENGBAUDUS successit.

MCLI.

Habitis per Franciam Conventibus conveniente Papa Eugenio, ut Abbas Clarevallis sanctus BERNARDUS Jerosolymam ad alios provocandos mitteretur, grandis iterum sermo de profectione transmarina celebratur; sed per Cistercienses Monachos totum cassatur. Bartholomæus Laudunensis Episcopus anno tricesimo octavo sui Episcopatus, contempto mundi stemate *, Fusciaci induitur habitu Monachali.

* schema-
re.

THEOBALDUS Comes Campaniæ obiit, & Livriaco sepelitur, de quo quidam ait:

*Te bonitas totum dedit omnibus, optime Consul:
Tunc modò fama manens hoc operatur idem.*

GAUFRIDUS Comes Andegavensis capto Monasteriolo castro super GIRARDUM Bellai obiit, & Cenomanis in Ecclesia sancti Juliani sepelitur; cui successit in Comitatu Andegavensi HENRICUS filius ejus ex Matilde Imperatrice filia Regis Henrici Angliæ, quem prius Rex Franciæ Ludovicus Ducatu Normanniæ sibi jure debito investierat contra Stephanum Regem.

MCLII.

LUDOVICUS Rex Franciæ zelotypiæ spiritu inflammatus, cum ALIENORDE uxore sua in Aquitaniam vadit, munitiones removet, & gentes suas inde reduxit: qui dum regrederetur, apud Baugenciacum castrum jurata consanguinitate uxorem suam repudiat, de qua duas filias habebat, MARIAM quam

HENRICUS Comes Trecentis postea habuit uxorem, & AELIDEM quam THEOBALDUS Comes Blesensis postea duxit. Facto itaque divortio inter Regem Franciæ & Alienordem conjugem suam, dum in terra nativitatis suæ regrederetur, HENRICUS Dux Normanniæ & Comes Andegavis ei occurrens eam desponsavit. Pro quo inter ipsum & Ludovicum Regem magna discordia insurrexit. Genuit autem postmodum idem Henricus Dux Normanniæ ex prædicta Alienorde Regina HENRICUM, RICHARDUM & JOHANNEM postea Reges Angliæ, atque GAUFRIDUM Comitem Britannia. Item quatuor filias, quarum una data est uxor Regi Castellæ, unde orta est BLANCHA Regina Franciæ mater sancti LUDOVICI Regis, altera * verò Constantinopolitano Imperatori nomine ALEXI, tertia quoque Saxoniæ Duci, unde natus est OTHO postmodum Imperator Romanorum, quarta verò Tholosano Comiti, unde natus est REMUNDUS, cujus filiam postmodum ALFONSUS Comes Pictavenensis frater sancti LUDOVICI Regis Franciæ accepit uxorem. Regina Jerosolymorum ad inimicos fidei familiariùs se habente, BALDUINUS Rex filius ejus contra eam insurgit, & obsessis captisq; munitionibus ejus, in urbem sanctam intrare ab ipsa secundo prohibetur; sed postea violenter ingressus eam in arce obsedit: quæ facta pace cum eo Neapolim sibi retinuit, & in pace dimisit filio reliquam Regni partem.

Eodem tempore Mesamuti, quos quidam Moabitas dicunt, post usurpatum Moritaniæ Regnum Regemque patibulo affixum, etiam Regem Bulgariæ occidentes Regnum ejus invadunt, ipsamque Siciliam, Appuliam & Romam se invadere minantur. EUGENIUS Papa facta pace cum Romanis urbem ingreditur, ibique cum eis anno uno primitus commoratur. Radulfus Comes Viromandensis obiit, & ejus Comitatus ad PHILIPPUM Flandrensem Comitem ope Regis Francorum Ludovici devolutus est. CON-

Iii ij

* Hac filia
fuit Ludo-
vici VII.
ut infra le-
gitur, non
verò Regis
Anglorum
Henrici II.

RADUS Romanorum Imperator obiit absque benedictione Imperiali, cui successit FREDERICUS Dux Saxoniae nepos ejus per electionem. Obierunt etiam viri religione & scientia clari HUGO Autissiodorensis Episcopus, & JOSLENIUS Sueffionensis Pontifex, atque SUGERIUS Abbas sancti DIONYSII in Francia.

FREDERICUS. MCLIII.

EUGENIO Papa defuncto Romanae Ecclesiae centesimus septuagesimus secundus ANASTASIUS quartus natione Romanus Papa praesidet. Eodem anno venerandae sanctitatis & memoriae Abbas Clarevallensis sanctus BERNARDUS post claros actus & multarum animarum lucra, post centum & sexaginta de Monachis suis fundata Monasteria, & plurima signa miraculorum exhibita, beato fine quievit. Ex cujus discipulis cum plures ad Episcopatum, Archiepiscopatum & etiam Papatum promoti fuerint, ipse tamen Episcopus sive Archiepiscopus numquam esse voluit, licet electus & invitatus multotiens in multis locis fuerit; in cujus tumulo superpositae sunt iussu ejus Reliquiae de sancto THADAEO Apostolo pectoris ejus, contraque fidei & devotionis ieiunium, ut eidem Apostolo in die communis resurrectionis adherat.

LUDOVICUS Rex Francorum Normanniam aggressus, Vernonem castrum obsidet & capit, HENRICO Duce in Anglia existente. Henricus Dux Normanniae & Aquitaniae, Comesque Pictaviae & Andegaviae dum contra Regem Angliae STEPHANUM fortiter dimicaret, idem Rex Stephanus labore debilitatus est senio; necnon & defuncto filio suo EUSTACHIO, spe heredis desolatus, hujusmodi pacem cum MATILDE Imperatrice & HENRICO filio ejus fecit: scilicet quod Henrico post eum Regnum Angliae in pace remaneret, & Henricus eum in patrem, & ipse Henricum in filium adoptaret; & ideo Ste-

phanus Rex in Regni solio in pace resedit, & Henricus vices Regis agens in statum pristinum totam Angliam reformavit. BALDUINUS Rex Jerosolymorum Regni integritate potitus, Ascalonem Palæstinæ capit post longam obsidionem, non sine gravi damno & multa suorum profligatione tandem cepit.

Florebant tunc temporis in Francia PETRUS Lombardus, ODO Sueffionensis & IV O Carnotensis Episcopi, quorum Petrus volumen edidit sententiarum quatuor distinctum libris, ex diversis Sanctorum & Doctorum dictis utiliter compilatum; hic etiam glossaturam super psalterium & epistolas Pauli ab ANSELMO Laudunensi per glossulas interlineares marginalesque distinctam, & post à GILBERTO Porrée continuativè productam latius apertiùsque explicuit.

*Non Odo
sed Ansel-
mus tunc se-
debat.*

MCLIV.

Obiit ROGERUS Rex Siciliae, Princeps utilis & actibus clarus, post insignes de Sarracenis victorias eorumque terras occupatas, nec inferiorem se filium GUILLERMUM Regem ac victoriarum successorem reliquit. Mortuo STEPHANO Rege Angliæ HENRICUS Dux Normanniæ & Aquitaniæ, Comesque Andegaviæ & Pictaviæ in Regni solio sublimatur; hic postmodum maximam partem Hybernæ acquisivit. Defuncto ANASTASIO Papa Romanæ Ecclesiæ centesimus septuagesimus tertius ADRIANUS quartus Papa præsidet. Hic natione Anglicus statim FREDERICUM Regem Romanorum ad Imperium coronavit, cujus coronationi cum Romani resisterent, potenter à Theutonicis sunt repulsi. Ludovicus Rex Francorum CONSTANTIAM filiam Imperatoris Hispaniæ, feminam morum honestate præcipuam, apud Aurelianis duxit in uxorem; quæ ab HUGONE Senonensi Archiepiscopo ibidem inuncta est in Regnam: quod SAMSON Remensis Archiepiscopus ægrè tulit, dicens Regis Franciæ & Reginæ unctionem ad se pertinere ubicumque fuerint consecrati: contra

Iii iij

5 vo longe
an. 12 obis-
rat.

quem Ivo Carnotensis Episcopus decretorum & legum pericissimus, tam rationibus quàm exemplis adstruxit, non ad eum solummodò unctiōem Regum Franciæ pertinere, cū scripto vel exemplo probare nequeat se vel aliquem antecessorum suorum quemquam Regum Francorum aut Reginarum extra provinciam Galliæ Belgicam consecrasse, nec de jure communi possit in alterius Metropoli vel diocesi sibi jus proprium vendicare. De ista verò Constantia Regina genuit Ludovicus Rex filiam nomine MARGARETAM Henrici juvenis Regis Angliæ uxorem, quam eo mortuo BELE Rex Hungariæ desponsavit.

HENRICUS. MCLV. GUILLERMUS.

In partibus Burgundiæ quinto decimo Kalendas Februarij ter in una nocte fuit terræ motus, à quo multa ædificia sunt subversa. GUILLERMUS Rex Siciliæ ducens exercitum in Ægyptum, urbem Thaneos spoliat & devastat, sed inde revertens dolum Imperatoris Græcorum offendit, & cū essent Siculi pauciores, tamen centum quadraginta naves Græcorum capiunt, spoliant & devincunt.

MCLVI.

GUILLELMUS Rex Siciliæ in Assautas, qui in Italia Puteolum castrum spoliaverant, capit & exterminat. Regem Babyloniorum quidam de suis Principibus interfecit, & inde cum infinitis thesauris fugiens à militibus Templi occiditur, captoque ejus filio cum copia thesaurorum. FREDERICUS Rex Romanorum transalpinando in Italiam fortiter agit, & adversantium sibi castra dejecit. LUDOVICUS Rex Franciæ Ecclesiam Senonensem à pravis exactiōibus, quibus in morte Archiepiscopi solebat fatigari de consuetudine, exemtavit.

MCLVII.

Imperator Romanorum FREDERICUS cum

infinito exercitu urbes & castella Italiae impugnans, multa in deditionem recepit: Mediolanum autem obsidens circa eam fere per septennium commoratur. ENGBAUDO Turonensi Archiepiscopo defuncto, successit JOSSIVS Brito. MARGARETA filia Regis Franciae Ludovici ex Constantia Regina, HENRICO primogenito filio Henrici Regis Angliae spondetur uxor, & pax inter cos confirmatur.

MCLVIII.

In partibus Saxoniae quaedam Sanctimonialis ELIZABETH mirabiles visiones de Conceptione, Nativitate & Assumptione beatæ Virginis Dei genitricis MARIÆ vidit, atque de gloria undecim millium Virginum. Florebat hoc tempore THEOBALDUS Cantuariensis Archiepiscopus, prius Monachus Becci in Normannia, vir per omnia laudabilis & magnificus, tam in sæcularibus quàm Ecclesiasticis negotiis experientissimus; per ipsum sanctus THOMAS postea Martyr, Archidiaconus Cantuariensis Regis Angliae HENRICI Cancellarius factus est. Signum Crucis apparuit in luna Nonis Septembris. Tres soles visi sunt in parte Occidentali, sed duobus paulatim deficientibus, sol diei qui medius erat, remansit usque ad occasum.

MCLIX.

ADRIANO Papa mortuo, Romanæ Ecclesiæ centesimus septuagesimus quartus ALEXANDER tertius natione Tuscus Papa præsidet: contra quem FREDERICO Imperatore favente Cardinales divisi OCTAVIANUM quemdam elegerunt, gravi schismate Ecclesiam dirumpentes; unde Proceres regionis turbati sunt, quidam uni, quidam alteri adhaerentes. Rex verò Franciæ LUDOVICUS, & Rex Angliæ HENRICUS cum suis Prælati Alexandrum in patrem & dominum susceperunt.

MCLX.

Eclipsis lunæ fit, & moritur Regina Franciæ CONSTANTIA, postquam Ludovicus Rex tertiam uxorem duxit ADELAM, scilicet filiam Comitis Campaniæ Theobaldi, quem defunctum superius diximus: hanc HUGO Senonensis Archiepiscopus in Reginam Franciæ Parisius consecravat, præsentibus tribus Ecclesiæ Romanæ Cardinalibus. Circa idem tempus miracula beatæ MARIÆ de Rupe-amatoris incoeperunt.

MCLXI.

GUILLERMUS Comes Nivernensis obiit, cui GUILLERMUS filius succedens, à Comite Joviniaci & Comite Sacri-cæsaribus multas infestationes sustinuit; sed tandem prævaluit. HENRICUS Rex Angliæ Dux Aquitaniæ & Normanniæ contra Tholosanum Comitem apud Tholosam venit; sed quia Rex Franciæ LUDOVICUS urbem intraverat ad eam defendendam, recessit Henricus Rex dominum suum veritus obsidere.

MCLXII.

BALDUINO Rege Jerosolymorum defuncto sine herede, successit frater ejus ALMARICUS. Fames ingens fuit per totum Regnum Franciæ. Mediolanenses fere per septennium à FREDERICO Romanorum Imperatore obsessi, cum victualium penuria laborarent, & alias Italiæ urbes à rebellionem defecisse conspicerent, Imperatori se dederunt, qui muros civitatis destruens, & turres deliciens, totam urbem dispersit in vicos: quo factò REGINALDUS Coloniensis Archiepiscopus corpora trium Magorum qui Dominum JESUM CHRISTUM in Bethleem adoraverunt, olim ibi à Constantinopoli translata, à Mediolano apud Coloniam transportavit. ALEXANDER Papa in Gallias venit, & à Franciæ & Angliæ Regibus

Regibus susceptus est. Sanctus THOMAS Cantuariæ in Anglia fit Archiepiscopus.

MCLXIII. ALMARICUS

ALEXANDER Papa Turonis in Pentecoste Concilium celebravit, & post in festo sancti HIERONYMI Senonis veniens, ibidem per annum & dimidium mansit. Sanctus THOMAS Cantuariensis Archiepiscopus exul ab Anglia aufugit in Franciam; qui veniens Senonis ad Papam Alexandrum, ostendit ei consuetudines Regis Angliæ propter quas exulabat: quas cum Papæ & Cardinalibus rationabiliter exposuisset, admiratus Papa ejus sapientiam, eum honorabiliter suscepit, gratias ei agens quod Ecclesiam Dei tam periculosis temporibus contra tyrannorum insultus defendere suscepisset. Tunc Papa consuetudines illas perpetuò condemnavit, & observatores atque exactores earum æterno anathemati subdidit. Sanctus autem Thomas consilio Papæ apud Pontinicum Cœnobium se conferens, ibidem fere per biennium stetit; deinde Senonis in Cœnobio sanctæ COLUMBÆ commorans, expensis Regis Franciæ LUDOVICI sustentatus est. Alexander Papa Senonis in Ecclesia sancti STEPHANI altare sanctorum Apostolorum PETRI & PAULI consecravit, & Monasterium sanctæ Columbæ dedicavit. GUILLERMUS Comes Nivernensis Comitem STEPHANUM Sacri-cæsaris in bello devicit, & de suis multos occidit & cepit.

MCLXIV.

Rex Angliæ HENRICUS cognoscens in quanto honore sanctus THOMAS Cantuariensis Archiepiscopus à Papa ALEXANDRO esset susceptus, & quod in Pontiniaco locum sibi mansionis elegisset; cum jam in ipsum desævire non posset, in suos inaudito crudelitatis genere debacchatus est. Præcepit namque ut ubicumque aliquis de cognatione ejus vir

Tom. XI.

K k k

aut mulier inveniri potuisset, quòd exheredatus & spoliatus bonis propriis à Regno suo pelleretur, exacto prius ab eis sacramento quòd Pontiniacum contristandi gratiâ Archiepiscopum proficiscerentur, & se eadem præsenterent.

MCLXV.

ALEXANDER Papa Romam revertitur, & cum magno honore suscipitur à Romanis. PHILIPPUS Ludovici Regis Franciæ filius nascitur in Augusto in octavis Assumptionis beatæ MARIÆ die Dominica; de quo pater ejus talem in somnis dicitur vidisse visionem, videlicet quòd ipse Philippus filius suus aureum calicem in manu sua plenum humano sanguine teneret, de quo propinabat omnibus Principibus suis, & omnes in eo bibebant, unde quid talis hujusmodi visio portenderit sequentia ejus facta declaraverunt. GUICHARDUS Abbas Pontiniaci fit Archiepiscopus Lugdunensis.

MCLXVI.

In Ruthenenfi pago quædam tempestas gravi flagello castigavit populum Dei; nam Lupi feroces à silvis egressi parvulos ab uberibus matrum rapiebant, & diris morsibus devorabant. HENRICUS Belvacensis Episcopus frater LUDOVICI Regis Franciæ, quem supra Monachum Clarevallis fuisse diximus, translatus ad Archiepiscopatum Remensem fuit.

MCLXVII.

FREDERICUS Imperator Romanorum odio Alexandri Papæ Romani flagrabat, sed Dei judicio pene omnis illius exercitus peste periit, & sic victus cum paucis ad propria remeavit. MATILDIS Imperatrix mater Regis Angliæ Henrici moritur. Obit GUILLERMUS Rex Siciliæ, cui GUILLERMUS filius ejus successit. ALMARICUS prius Abbas Carolioli, deinde Silvanectensis Episcopus, obiit.

MCLXVIII. GUILLERMUS.

Tanta pestis in Jerosolymis fuit, quòd fere omnes peregrini mortui sunt: ibique GUILLERMUS Comes Nivernensis sine herede defunctus est, cui successit GUIDO frater ejus. In Sicilia tunc erat quidam Francigena Regis GUILLERMI Cancellarius, quem quidam potentes Siculi odientes; in odium ipsius litteras per Appuliam & Calabriam direxerunt, ut quotquot Franci invenirentur, capitaliter punirentur, quod & factum est; sed Rex Siciliae hoc agnoscens, auctores illius seditionis pari sententia condemnavit.

MCLXIX.

In Sicilia urbs Cathina terræ motu subvertitur, ubi Episcopus, Clerus & Abbas de Mileto cum quadraginta Monachis, & fere quindecim millia hominum perierunt. HENRICUS Rex Angliæ majorem filium suum HENRICUM generum LUDOVICI Regis Franciæ in odium sancti THOMÆ Archiepiscopi Cantuariensis fecit consecrari in Regem à ROGERO Eboracensi Episcopo, quod ad solum Cantuariensem Archiepiscopum pertinebat, & hoc contradicente Archiepiscopo qui in Franciam exulabat.

Obiit HUGO Senonensis Archiepiscopus, cui successit GUILLERMU Theobaldi Comitis Campaniæ defuncti filius, frater Reginæ Franciæ ADELÆ, qui erat Carnotensis electus, sed nondum Episcopus consecratus. Hunc Senonis consecravit MAURICIUS venerabilis Parisiorum Episcopus.

MCLXX.

In transmarinis partibus fuit horribilis terræ motus quarto Kalendas Julij, ubi urbibus subversis & oppidis, Christiani & pagani innumerabiliter perierunt. Ruit etiam magna pars Antiochiæ, & civitas Jerusalem tremuit, sed Deo miserante non periit.

Kkk ij

HENRICUS Angliæ Rex sanctum THOMAM Cantuariensem Archiepiscopum obtentu Papæ ALEXANDRI & Regis Franciæ LUDOVICI ab exilio revocat: sed dum esset cum eo pacem factururus sicut promiserat, Missam cantari fecit pro defunctis, sciens quod ad illam non daretur pax quam ab Archiepiscopo sumere nolebat.

MCLXXI.

ALMARICUS Rex Ierosolymorum Ægyptum expugnans, MOLANUM Regem gentilem tributarium sibi effecit. Sanctus THOMAS Cantuariæ Episcopus tricesimo die postquam in Angliam applicuit, quarto Kalendas Januarij occisus est ab impiis ministris Henrici Regis Angliæ in Ecclesia Metropoli Cantuariæ, non longè ab altari, in hora vespertina, glorioso martyrio factus Deo gratissimum sacrificium vespertinum: cujus meritum apud Deum tam causa iustissima quàm innumera contestantur miracula.

MCLXXII.

SALAHADINUS primitus quidem leno gentilis apud Damascum, pòst ab EUFRIDO de Turone illustri Palæstinæ Principe Christiano Miles factus, cum apud Ægyptum militaret, Molanum Regem Ægypti proditiosè perimens totius Ægypti obtinuit Principatum. Unde si rerum pretia iudicio non opinione metimur, quantalibet terrenæ felicitatis potentia vilis est æstimanda, quam pessimi & indigni sæpiùs nanciscuntur; nam leno ille cujus vita in prostibulis, militia in tabernis, studium in aleis & aliis, subitò sublimatus sedet cum Principibus, immo major Principibus solium gloriæ Ægypti tenens toti fere Orienti postea imperavit. Sanctus THOMAS Cantuariæ Archiepiscopus canonizatur à Papa ALEXANDRO. Orta est guerra inter HENRICUM Regem Angliæ & tres filios HENRICUM, RICHARDUM & GAUFRIDUM.

MCLXXIII.

Tertio Idus Februarij apparuerunt de nocte igneae acies in Septemtrionali plaga cæli, & lux tanta enituit, quòd nummus cuius monetæ esset posset agnosci. Filij Regis Angliæ HENRICI patrem suum infestantes, auxilio Regis Franciæ Ludovici & Procerum ejus Normanniam graviter vastaverunt. JOSSIVS Turonensis Archiepiscopus in tanta paupertate obiit, quòd de rebus suis vix potuit inveniri de quo posset mortuus sepeliri; cui successit BARTHOLOMÆUS genere clarus, sermone facundus: hic Episcopum Dolensem, qui per longa tempora rebellis fuerat Ecclesiæ Turonensi, post longa certamina auctoritate Apostolica suæ subdidit ditioni. Florebat tunc Parisius Magistrorum Primas PETRUS Comestor verbi facundissimus, & in divinis scripturis excellenter instructus; qui utriusque testamenti historias uno compingens volumine opus edidit satis utile, satis gratum, ex diversis historiis compilatum, quod Historiam scholasticam nominavit.

MCLXXIV.

ALMARICUS Rex Jerosolymorum obiit, cui successit BALDUINUS filius ejus. NORADINUS Rex Turcorum qui regnabat in Damasco obiit, cujus uxorem SALAHADINUS occupator Ægypti sibi matrimonio copulans, cum ipsa regni regimen, fugatis heredibus, occupavit; deinde terrâ Roasiæ & Gesiræ occupatâ, circum jacentia Regna usque ad intima citerioris Indiæ, nunc dolis nunc armis expugnans, de sceptris pluribus Monarchiam efficit, Babyloniam & Damasci sibi vendicans Principatum. Hæc fortunæ ludentis potentia, has rerum vicissitudines voluit, quæ de paupere divitem, de humili sublimem, de servo suscitavit dominantem.

K k k iij

MCLXXV. BALDUINUS.

Menſe Novembri fuit aquarum inundatio inaudita, quæ villas ſubmerſit, ſata abſorbuit, unde & ſequenti tempore vehementiſſima fames inhorruit. Quamobrem multi dicebant natum eſſe Antichriſtum cujus prænuntia pernicies tanta foret. HENRICUS Archiepiſcopus Remenſis frater LUDOVICI Regis Franciæ obiit; cui ſucceſſit GUILLERMUS Senonenſis Archiepiſcopus frater ADELÆ Reginæ Franciæ, & huic in Senonenſi Eccleſia GUIDO. Pax inter Regem Angliæ HENRICUM & filios ſuos reſormata eſt.

MCLXXVI.

Maxima fames fuit in Gallia, pro qua ad ſuſtentationem pauperum, Eccleſiarum invadiata ſunt ornamenta, & ſanctorum feretra deſtruſtata; & tunc maximè apparuit Cifterciensis munificentia in pauperibus ſuſtentandis. Florebat hoc tempore MAURICIUS Pariſienſis Epicoſopus, qui ob induſtriam & litteraturam de infimo ſtatu magnæ paupertatis, ad Pontificalis dignitatis apicem eſt evectus; nam cum eſſet pauper & modicus, eleemoſynam poſtulatam noluit accipere hoc pacto ut numquam fieret Epicoſopus.

MCLXXVII.

Eclipſis ſolis facta eſt Idibus Septembris hora diei ſexta. Florebat ANSELMUS Belicenſis Epicoſopus, ad cujus tumultum poſt mortem ejus lampades accenſæ ſunt divinitus, exceptâ unâ cui miniſtrabat pabulum olei quidam uſurarius, & illa non potuit accendi. Venit apud urbem Avinionum quidam adoleſcens nomine BENEDICTUS, dicens ſe à Domino miſſum ut pontem ſuper fluvium Rhodani conſtrueret, qui deriſus, cum ſumptus non haberet, fuit, & quia præ magnitudine fluminis nullus credebat hoc poſſe fieri:

sed facturi à Deo nutu divino sunt commoti, ut illud opus citius explerent.

MCLXXVIII.

FREDERICUS Romanorum Imperator abjurat schisma quod per sexdecim annos duraverat, publicè satisfaciens, & cum ALEXANDRO Papa pacem componit, sicque depulso schismate unitas reformatur Ecclesiæ. Cùm autem legitur Romanam Ecclesiam multis schismatibus fuisse discissam, isto tamen nullum aut vehementius incanduit, aut diutius perseveravit. Innumerabilis multitudo Turcorum Ierosolymam venit, sed à Christianis, qui impares erant numero, viribus & apparatu, devicta recessit.

MCLXXIX.

ALEXANDER Papa Romæ Lateranense Concilium post medium Quadragesimæ celebravit, ubi ex diversis terrarum partibus factus est innumerabilis conventus tam Episcoporum quàm Abbatum. In transmarinis partibus milites Templi ope Regis Ierosalem & principum coadunati in loco, qui dicitur Vadum Jacob, castrum fortissimum munierunt, quod cùm aliquamdiu tenuissent, Turci Templarios seditione capiunt, castrum expugnant, & ad terram deiciunt. AGNES filia Ludovici Regis Francorum Constantinopolim ducitur, & Imperatoris Manuelis filio desponsatur. In festo Omnium Sanctorum PHILIPPUS Ludovici Regis Franciæ filius Remis à GUILLERMO Remensi Archiepiscopo avunculo suo in Regem Franciæ coronatur anno ætatis suæ quinto decimo, præsentente HENRICO juniore Rege Anglorum qui sororem ejus duxerat, & adhuc vivente patre ejus LUDOVICO Rege, qui morbo paralytis laborabat. Obiit PETRUS Comestor Doctor famosissimus, pauperibus & Ecclesiis cunctas dividens facultates, cujus sepulturæ hoc epitaphium Parisius in Ecclesia sancti Victoris est insertum.

PETRUS eram quem Petra tegit dictusque COMESTOR,
Nunc comedor; vivus docui nec cesso docere
Mortuus, ut dicat qui me videt incineratum:
Quod sumus, iste fuit, erimus quandoque quod hic est.

MCLXXX.

PHILIPPUS juvenis Rex Franciæ duxit in uxorem
 Isabellem filiam BALDUINI Comitis Hannoniæ,
 neptem Comitis Flandriæ PHILIPPI de sorore, &
 cum ea recepit Attrebatum cum omni terra, quæ
 fuerat Comitis circa fluvium qui dicitur Lis. Eam
 autem unxit GUIDO Senonensis Archiepiscopus
 apud sanctum Dionysium in Reginam, datis prius
 litteris, quod nullum jus propter hoc reclamabat in
 Ecclesia sancti Dionysii in Francia, quæ excepta est
 ab ejus & Episcopi Parisiensis jurisdictione.

LUDOVICUS Rex Franciæ morbo paralyti &
 senio fatigatus obiit, & in Abbatia Cisterciensis Or-
 dinis à se constructa (quæ Sanctus-portus dicitur, id
 est, BARBEEL, versus Meledunum castrum super
 Secanam) sepelitur. Fuit enim honestate laudabilis,
 simplex & benevolus in subditos; & quia pacis ama-
 tor erat, guerras etsi aliquas, tamen raras aut intulit
 aut perulit, suumque Regnum tranquillè & benignè
 gubernavit: & ideo sub ipso multæ novæ villæ con-
 ditæ sunt, & veteres ampliatae, multa excisa nemora,
 Ordinesque diversarum Religionum in diversis locis
 multipliciter propagati: successit autem eidem PHIL-
 IPPUS Rex filius ejus.

l. * Ale-
 xius.

Obiit MANUEL Imperator Constantinopolitanus,
 cui successit MANUEL * filius ejus adhuc juvenculus,
 qui filiam Ludovici Regis Franciæ duxerat uxorem.
 Inter FREDERICUM Romanorum Imperatorem &
 Ducem Saxoniae fit concertatio dura; multi enim capti
 & perempti sunt, multæque villæ & Ecclesiæ succensæ
 fuerunt & destructæ. Archiepiscopus Bituricensis
 GUERINUS & JOHANNES Carnotensis obierunt;
 viri tam sapientia quàm animi strenuitate famosi,
 quorum

quorum JOHANNES sancti THOMÆ Cantuariensis, cujus socius fuerat, passionem descripsit.

PHILIPPUS. MANUEL. MCLXXXI.

HENRICUS Comes Campaniæ à Jerosolymis per Asiam rediens, à Turcis capitur, sed per Imperatorem Græciæ liberatur; verum ut terram suam attigit, homines suos quos ex reditu suo lætificaverat, de suo obitu mox contristavit. BALDUINUS Rex Jerusalem ætate juvenis lepræ contagio deformatur. Apud *quadam Dominicâ dum Missam quidam Presbyter celebraret, & duas hostias, unam sumendam, alteram pro infirmis recondendam super altare posuisset, cum diceret: *Pater noster*, hostia quam tenebat sanguine manans manus ejus & corporalia purpuravit, & ita in formam carnis lividæ Rex Franciæ, & populus qui ibi aderat, illam hostiam aspexerunt. In Burgundia verò apud Brenam oppidum, & apud Vindocinum atque apud Attrebatum urbem similia evenerunt; nec immeritò, nam teste scriptura: *Nihil in terra fit sine causa*. Nempe HENRICUS Albanensis Episcopus à Papa ALEXANDRO missus fuit in Gasconiam ad delendam hæreticorum perfidiam altaris sacramentum non credentium; qui prædicationis verbo, necnon militum peditumque infinito exercitu hæreticos expugnavit.

Inter FREDERICUM Imperatorem Romanorum & Ducem Saxonie reformatur pax tali pacto, quod Ducatum Saxonie Dux non reciperet, nisi prius septennium exulasset. Ob hoc ipse Dux & uxor sua, cum filiis suis GUILLERMO & OTHONE, qui postea fuit Imperator, ad HENRICUM Regem Angliæ patrem uxoris suæ in Franciam venerunt, ibique & alibi cum Rege longo tempore permanserunt.

ALEXANDRO Papa defuncto Romanæ Ecclesiæ centesimus septuagesimus quintus LUCIUS tertius natione Tuscus Papa præsidet. PHILIPPUS Comes Flandriæ Dux Burgundiæ, GUILLERMUS

Tom. XI.

LII

Remensis Archiepiscopus, Comes Blesensis, Comes Sacri-cæsaris simul conspirant in Regem Franciæ PHILIPPUM, totam Franciam conturbantes. Porro Rex videns se plurima parte suorum destitui, Brabantiones in auxilium evocavit, cum quibus terram STEPHANI Comitis devastavit.

MCLXXXII.

FREDERICUS Romanorum Imperator volens adversariis Regis Franciæ PHILIPPI auxilium ferre, per totum Imperium suum submovit exercitum : sed HENRICO Rege Angliæ cum filiis suis Regem adjuvante, & eo mediante, pax inter Regem & Barones prædictos reformatur. Apud Constantinopolim ANDRONICUS de Imperiali prosapia natus, sub specie tutoris MANUELIS * juvenculi Imperatoris in Imperium violenter se ingerens, suggessit Græcis eos fore exterminandos, nisi Latini & Franci à Græcia tollerentur; nam MANUEL Imperator pater istius Manuelis quamdiu vixerat Latinos & Francos dilexerat, ita quod per eos solummodò expeditiones ageret, & primis eos Palatij honoribus decoraret, Franciscam etiam uxorem duxerat, ex qua susceptum filium Franciscæ conjugii, filia scilicet defuncti LUDOVICI Regis Francorum copularat; quo Græci animati irruunt in Latinos & Francos, & quoquot inveniunt, trucidant aut urbe proturbant, & sic Andronico Palatium occupante porticus incénditur, ubi opes innumerae & ædificia concremantur. Florebat hoc tempore PETRUS MONOCULUS Abbas Clarevallis, cui sancti BERNARDUS & MALACHIAS apparentes, dixerunt quod GIRARDUS Abbas prædecessor ipsius, quem frater quidam propter corruptionem regularem in eo factam occiderat, ut Martyr cum Christo regnabat.

MCLXXXIII.

Apud Constantinopolim ANDRONICUS domi-

num suum **M A N U E L E M** * juvenem Imperatorem ^{l. * Alexium.} submergi in mari fecit, & Imperium usurpavit. **HENRICUS** junior Rex Angliæ in Lemovicino territorio apud castrum quod dicitur Marcellum obiit, & apud Rothomagum in Ecclesia Majori sepelitur.

Inter **LUCIUM** Papam & Romanos orta dissensione, idem Papa proturbatur ab urbe, & multis laceffitus injuriis a Romanis impetitur; nam multis qui erant ex parte Papæ eruentes oculos imposuerunt eis mitras, & jurare eos fecerunt quod Papæ se videndos taliter præsentarent: quo viso Papa tot conflictus ferre non valens Veronæ se contulit, sperans sibi ab Imperatore **FREDERICO** auxilium proventurum. **SALAHADINUS** Rex Turcorum partes Jerosolymorum aggrediens multos Christianorum occidit & captivavit, sed non longè post inde repulsus, acceptis induciis ad propria remeavit.

PHILIPPUS Rex Francorum Synagogas Judæorum per Regnum suum destruere fecit, & in plerisque Ecclesias construere procuravit; nemo Vicennarum juxta Parisius muro clausit, & Parisius in platea quam Campellos nominant hallas construere & mercatum in eis instituit fieri.

In provincia Bituricensi septem milia Cotarellorum & eo ampliùs interfecti sunt ab illius terræ incolis in unum contra Dei inimicos confœderatis: Isti enim terram Franciæ vastantes prædas inde ducebant, homines captos secum vilissimè trahebant, & cum uxoribus captorum ipsis videntibus, pro nefas! dormiebant, & quod deterius est, Ecclesias Dei consecratas incendebant, Sacerdotes & viros religiosos captos secum ducentes, & in tormentis quæ sibi faciebant, irrisoriè Cantores eos vocantes subsannabant dicentes: *Cantate nobis, Cantores, cantate*; & confestim eis alapas dabant, vel cum grossis virgis eos cædebant. Quidam verò sic flagellati beatas animas Domino reddiderunt, alij longa carceris custodia semimortui, datâ pro redemptione pecuniâ, ad propria redierunt.

Iidem etiam Cotarelli, quod cum gemitibus & suspiriis pronuntiandum est, damnosius operando Ecclesias spoliantes corpus Domini de vasis aureis vel argenteis, in quibus pro infirmorum necessitate reservabatur, extrahentes, & in terra viliter proijciantes, pedibus conculcabant. De corporalibus verò concubinæ eorum pepla capitibus suis componebant, calices quoque secum irreverenter portantes, & lapidibus confringentes detrahebant. Eodem tempore multi hæretici combusti sunt in Flandria à GUILLERMO Remensium Archiepiscopo Apostolicæ Sedis Legato, & à PHILIPPO Flandrensi Comite. Hi dicebant omnia æterna à Deo creata, corpus autem hominis & omnia transitoria à Luciabelo * creata, Baptismum parvulorum & Eucharistiam reprobabant, Sacerdotes Missas celebrare ex avaritia & oblationum cupiditate dicebant.

* Lucifero
vel diabolo.

ANDRONICUS. MCLXXXIV.

Orta est dissensio inter Regem Franciæ PHILIPPUM, & PHILIPPUM Comitem Flandrorum pro terra & Comitatu Viromandensium; hanc enim præfatus Comes longo tempore vivente LUDOVICO Rege, patre istius Philippi Regis, post decessum RODULPHI Comitis Viromandorum pacificè & quietè licet injustè possederat, & adhuc pertinaciter detinere volebat. Quapropter Rex Philippus exercitum versus urbem Ambianensem collegit; sed robur ejus & multitudinem exercitus Comes pertimescens eidem Viromandiam totam restituit, castrum tamen sancti QUINTINI atque Peronam ad vitam tantum suam sibi dimitti petiit, & obtinuit ad libitum voluntatis.

HERACLIVS Patriarcha Jerosolymitanus cum Priore Hospitalis transmarino venit in Franciam ad Regem Philippum pro succursu terræ sanctæ, quos Rex multum honoravit; & quia tunc heredem non habebat, consilio Prælatorum & Principum misit ad terræ sanctæ subsidium ingentem multitudinem tam

militum quàm peditum armatorum, sufficientes sumptus eisdem propriis redditibus administrans.

PHILIPPUS Rex Franciæ fecit omnes vicos urbis Parisius sterni duris & fortibus lapidibus, ad hoc quidem nitens ut nomen antiquum auferret civitati; nam Lutetia olim à quibusdam propter luti fœtorem nominata fuit. Quam quondam Trojani de Sicambria egressi, cum Principe Ybor nomine fundaverant; octingentis & nonaginta quinque annis ante Incarnationem Domini, vocantes eam Parisius, & se Parisi à nomine ALEXANDRI PARIS filij PRIAMI Regis Trojæ, sub quo everfa fuit Troja.

MCLXXXV.

BALDUINUS Rex Jerosolymorum obiit, BALDUINO nepote ejus ex Sybilla sorore adhuc puerulo sub custodia Remundi Comitis Tripolitani in Regem substituto. GUILLERMUS Rex Siciliæ ANDRONICUM usurpatorem Constantinopolitani Imperij navali exercitu aggreditur & terrestri, Salonicam urbem & alias multas obtinens & devastans. Mediâ Quadragesimâ factus est terræ motus in Græcia in civitate quæ Uceticum dicitur. Eodem sequenti mense Aprili Nonis ejusdem mensis, fuit eclipsis Lunæ particularis in vigilia Dominicæ Passionis.

ANDRONICUS usurpator Constantinopolitani Imperij multos Græcorum perimit, & maximè nobiles, ideoque exosus & suspectus ab omnibus habitus est; quo facto quidam de Imperiali semine procreatus nomine CURSAT, quem alij ISAACIUM dicunt, venit Constantinopolim, & civium animos sibi concilians, obrinuit à Patriarcha ut in Imperatorem coronaretur: qui statim Andronicum cum suis aggressus, eum fecit per pedum manuumque juncturas truncari, & sic per urbem super camelum vehi, & post ei oculos erui & linguam præcidi. Lucio Papa Veronæ mortuo, Romanæ Ecclesiæ centesimus septuagesimus sextus

LII iij

U R B A N U S tertius natione Mediolanensis Papa
præsidet.

C U R S A T. B A L D U I N U S. M C L X X X V I.

G A U F R I D U S Comes Britanniae filius tertius
H E N R I C I Regis Angliae obiit Parisius, & in majori
Ecclesia beatae M A R I A e annuente Rege Franciae se-
pelitur. P H I L I P P U S Rex Franciae liberat castrum
Bergiaci in Burgundia à Duce Burgundiae longa obsi-
dione conclusum. H E N R I C U S F R E D E R I C I Im-
peratoris filius in Regem Romanorum à patre præfi-
citur, ducens in uxorem sororem G U I L L E R M I
Regis Siciliae nomine C O N S T A N T I A M, inter
quam & U R B A N U M Papam gravis similtas incan-
duit. B A L D U I N U S Rex Jerosolymorum adhuc pue-
rulus obiit, cui G U I D O Leponensis Comes, qui
Sybillam ejus matrem habebat in conjugem, in Regno
successit; quæ res Comiti Tripolitano, qui tutor pueri
Regis fuerat constitutus, displicuit, & ob hoc tam
Regi quàm suis cœpit multimodè adversari. Soror
Regis Franciae Philippi, prius uxor Henrici junioris
Regis Angliae defuncti, in Hungariam ducitur Belæ
Regi Hungariae desponsanda.

Reginaldus Princeps Antiochie foedus induciale,
quod Christiani cum Christianis & Rege Turcorum
hinc inde sanxerant observandum, dirupit. Nam
cùm plurimus & opulentus Turcorum comitatus à
Damasco in Ægyptum transfret, & præter limites
terrae Christianorum ob induciarum fiduciam itinerari
non formidarent, in eos subito Princeps prædictus
irruit, & ipsos cum universis sarcinis minus decenter
captivos abduxit.

Venit ex Calabriae partibus ad U R B A N U M Papam
Veronae commorantem quidam Abbas nomine J O A-
C H I M, qui divinitus intelligentiae donum acceperat
à Deo, ut facundè & discretè enodaret difficultates
Scripturarum: dicebat enim quòd ei ignoranti litteras
attulerat Angelus Domini librum dicens; *Vide, lege,*

Et intellige: & ita divinitus fuerat instructus. Dicebat etiam Apocalypsis mysteria hactenus latuisse, sed nunc per eum in spiritu prophetiæ clarescere, sicut ex opusculo, quod scripsit, legentibus liquet. Dicebat insuper quod sicut veteris Testamenti scripturæ tempus quinque ætatum sæculi ab Adam usque ad Christum decursarum continent, sic liber Apocalypsis ætatis sextæ à Christo in choatæ Christum * exponit, ipsam f. * tempus. ætatem sextam in sex ætatulas dispertitam, easque singulas singulis hujus libri periodis satis congruere * f. * congruenter. designatas. Dicebat quoque hæc revelata fuisse in fine ætatulæ quintæ, atque in proximo succedere sextam, in qua tribulationes varias multiplicésque persuras perhibet emerfuras, sicut in apertione sigilli, & in sexti libri período, ubi de ruina Babylonis agitur, patenter ostenditur. Id verò in libello ejus præ ceteris notabile ac suspectum habetur, quod mundi diffinit terminum, & infra duas generationes, quæ juxta ipsum annos faciunt sexaginta, arbitratur implendum. Fertur itaque multa scripsisse, librosque suos Papæ corrigendos obtulisse, nam in quibusdam errasse dicitur.

MCLXXXVII.

SALAHADINUS Babylonix Soldanus injuriâ suis factâ à Principe Antiocheno permotus, Palæstinam violenter aggreditur, Admiralium Edissæ cum septem milibus Turcorum, qui terram sacram depopularentur, præmittens. Hic autem cùm in partes Tiberiadis processisset, casu sibi obvius habuit Magistrum militiæ Templi GIRARDUM de Bidefordia, & Magistrum Hospitalis ROGERUM de Molendinis, illum quidem fugatum *, Rogerum verò interfectum f. * fugavit. inopino Marte confecit, multis Templariis tam captis quàm occisis.

Facta est dissensio inter Regem Franciæ PHILIPPUM & HENRICUM Regem Angliæ. Petebat enim PHILIPPUS Rex à RICHARDO Regis Angliæ

filio Comite Pictavenſi facto, pro eodem Comitatu homagium ſibi fieri; quod ille à patre inſtructus de die in diem facere diſſimulabat. Petebat etiam à Rege Angliæ Giſortium & alia caſtra Wulcaſſini Norman- ni, quæ tradita fuerant à patre ſuo Rege LUDOVICO pro dote MARGARETÆ ſororis ſuæ, quando eam HENRICO Regi filio majoris HENRICI in ma- trimonium copulavit, quæ ad Regem Franciæ redire debebant, ſi Henricus ſine herede decederet. Quod quia facere nolebat Rex Angliæ, PHILIPPUS Rex Franciæ collecto exercitu Aquitaniæ fines ingreſſus caſtrum Yſſoldunum & plures munitiones Regis An- gliæ cepit, & uſque ad caſtrum Radulphi in quo erat Rex Angliæ terram depopulavit; ſed Dei interve- niente clementia, cùm expectaretur utrimque con- ſictus, pax ſubitò mediantibus bonis viris inter eos reformatur.

SALAHADINUS ſuorum victoria exhilaratus, animum totius Regni Jeruſalem occupandi ſuccen- ſum ad majora intendit. Nam Galilæam aggreſſus Tiberiadem obſidet, quo audito, GUIDO Rex Je- ruſalem, Templarij, Hoſpitalarij, Epiſcopi, Proce- res, populûſque in unum congregati hoſtibus occur- runt; hoſtes obſidionem deſerunt, & ad fontes mil- liariis quatuor circa Tiberiadem caſtra ponunt. Quin- to igitur Nonas Julij progrediuntur in bellum, acerr- mèque concertant, ſed nox prælium dirimit. Ea die noſtri geſſere fortiùs, niſi quòd aquam præoccupatam ab hoſtibus perdiderunt, diurno proinde conſictu æſtu ſitique conſecti laborabant, eo quod aquam non haberent: mane hoſtes præparant, & in noſtros jam non ad bellum præparatos cœperunt irrumperere; quod videntes Principes & primi exercitus Regem adeunt feſtinanter, & quid facto opus ſit deliberant in com- muni, Rex quemdam de numero equitum qui cum Turcis militaverat conſulit quid in inſtanti negotio ſit agendum, qui conſuluit ut totis viribus in cuneum irrumperetur, ubi Salahadini vexillum altiùs eminebat.

Placet

Placet consilium universis, excepto Comite Tripolitano de cujus consilio montana occupaverunt, & ita consilio utili dissipato nostri æstu ac splendore solis gravantur, & telorum imbris opprimuntur & obruuntur: Comes Tripolitanus arma dejecit, & ad castrum quod Saphetum dicitur se contulit. Interim nostrorum strages miserabiliter fit, Episcopus Acco-nensis lethaliter vulneratus, Crucem Domini quam ferebat tradidit alteri, & ille Regi. Bello itaque vehementer perurgente, GUIDO Rex capitur, & sancta Crux Domini à Turcis asportatur. Hanc alteram post COSDROEM Regem Persarum Crux sancta propter scelera nostra contumeliam pertulit, & quæ nos à veteri captivitatis jugo absolvit, propter nos captiva ducitur, & prophanis Gentilium manibus contrectatur: sed & quotquot Templarij & Hospitalarij inveniuntur protinus decollantur.

Porro GUIDO Rex, & Magister Templi in monumentum victoriæ reservantur. Princeps autem Antiochiæ REGINALDUS, qui Sarracenos semper opprefferat, ab ipso Salahadino manu propria decollatur. Sic exigentibus meritis suis in manus Gentilium nostri sunt traditi, ac à Turcis subjugati. Nimis enim in luxu varios & Clerus & Populus effluxerant, totaque terra illa facinoribus & flagitiis sordescibat; sed & qui Religionis habitum præferebant, regularis moderantiæ fines turpiter excefferant; rarus in Monasterio, rarus in sæculo, quem non vel avaritiæ, vel luxuriæ morbus inficeret.

SALAHADINUS igitur de nostris sic habito celebri triumpho, ad pontem Tiberiadis redit, ibique manubias dividi, & in Damascum meliora deferri præcepit: postea erectis ad cælum oculis, de adeptione victoriæ gratias Deo reddidit; sic enim facere in omnibus quæ accidebant consuevit, & inter cetera hoc sæpius dixisse fertur, quòd non sua potentia, sed iniquitas nostra hanc illi victoriam contulit. Dehinc Accon, quæ & Ptolomaïs, veniens obsidet, quam

post biduum in deditionem recepit. Manere ibi volentibus non fuit hostilis oppressio, & recedere volentibus data est vitæ conductio. Id sanè Salahadini liberalitatem commendat, quòd nullum gravari sustinuit, qui vellet ei se subdere, & degere sub tributo; erat enim suorum tenax dictorum, suique custos integer juramenti, & tam liberalis, ut vix denegaret quidquam alicui. Tota quippe regio tremebat viris privata fortioribus, & suis destituta tutoribus.

Inter hæc CONRADUS Marchio filius Marchionis de Monte-ferrato, qui à Constantinopoli veniebat Jerusalem, ubi quia sororem habebat Imperatoris CURSAT in conjugem, cum quodam nobili Græco qui Cursat volebat deponere, & se in Constantinopolim intrudere, pugnaverat, eumque occiderat, & inde recedens, comperto quòd Accon teneretur à Turcis, Tyrum applicuit, & eandem urbem defensurus suscepit: cujus adventus præsentibus & venturis Christicolis processit ad commodum, & ipsi ad laudem & gloriam. Tunc Comes Tripolitanus qui illuc post bellum Tiberiadis confugerat, videns potentiam Marchionis, omnibus suspectus, & omnes suspectos habens, Tripolim fugit; cui statim Salahadinus mandavit ut pacta quæ sibi juraverat, jurare faceret à suis. Comes civibus convocatis jurare illos imperat, dicens cedendum esse tempori, nec posse Salahadino resisti; responderunt cives minimè se jurare nisi prius formam audiant juramenti, & super hæc inducias usque ad mane petentes, accipiunt. Ea nocte Comitem illum ultio divina percussit; res dissimulari non potuit, nam corpore defuncti nudato, quia nuper circumcisionis stigma susceperat apparuit; unde palam fuit quòd se Salahadino confederans Sectam Sarracenicam ceperat observandam. Post quem Tripolis urbis dominium filius Principis Antiochiæ de jure obtinuit parentelæ.

LUDOVICUS filius PHILIPPI Regis Franciæ primogenitus nascitur in vigilia Assumptionis beatæ

Dei Genitricis Virginis *MARIÆ*. *SALAHADINUS* post *Accon* sibi redditam *Berytum* & *Sydonem* occupans, cum *Tyrum* eadem facilitate speraret sibi vendicare, à *Marchiso* turpiter repulsus abscessit. Exinde *Ascalonem* urbem perveniens, eam post diversos assultus quarta die *Septembris* obtinuit, tali pacto ut cives liberi hinc abirent, & *Rex GUIDO* cum quindecim de electioribus captivis redderetur. Ipsa die qua præscripto pacto urbs tradita fuit, sol quasi compatiens, beneficium luminis defectu eclipseo urbi & orbi subtraxit, ita ut stellæ sicut in nocte apparerent. *Turcomanni* per hos dies *Laodiciam* urbem impetunt, & cum Principe *Antiochiæ* congressi, multos de suis occidunt. Deinde *Antiochiam* & circumjacentem regionem profligant cædibus & incendiis ac rapinis, terramque illam copiosam quæ *Mons-verra* dicitur rapinis & incendiis sunt depasti. Sed cum inde redirent, ab *Antiochenis* sunt devicti & fugati.

SALAHADINUS *Ascalone* munita cum *Turcis* suis *Jerusalem* properat, & eam obsidet à parte occidentis, oppugnans eam decem diebus continuis; sed civibus fortiter resistentibus, cum nec sic *Turci* proficerent, per partem *Aquilonis* urbem sanctam iterum sunt aggressi. Tunc obsessi considerantes obsessores non posse resisti, in commune deliberant salvis sibi vita & mobilibus reddere civitatem: sed *Salahadinus* quia contra suam voluntatem diu se tenuerant petit pro redemptione eorum ab his qui quindecim annos & supra excreverant decem bizancios, à mulieribus quinque, & ab infantibus unum similiter sibi reddi: quod ut ab utraque parte concessum est, secundo *Octobris* die, qui erat ab obsidione tricesimus tertius, feriâ sextâ urbs sancta, quod dici dolor est, *Salahadino* redditur. Qui statim campanas Ecclesiarum confringi fecit, & *Turci* equos & jumenta in Ecclesiis stabulaverunt; *Suriani* vero Ecclesiam sepulcri auri pretio redemerunt ne sordibus Gentilium subjaceret. Templum autem Domini, quod *Turci* juxta ritus

Mmm ij

suos consueverant antiquitus venerari, fecit Saladinus intus & extra aqua rosacia ablui antequam vellet illuc ingredi. Multa verò milia pauperum quia non habebant pretium à prætexato pretio absoluit, & infirmis iussit de fisco proprio per aliquantum tempus necessaria ministrari. Sanè Regina SYBILLA, cum HERACLIO Patriarcha, Templariis & hospitalariis, ac immenso exultantium coetu apud Antiochiam est profecta; alij verò apud Alexandriam vel in Siciliam navigaverunt.

Capta est ergo Jerusalem civitas sancta post annos octoginta octo ex quo à Turcis eruta fuit, & tantumdem fere temporis à nostris possessa, quantum prius à Turcis. Suriani verò Georgiani, Jacobitæ, Græci, Armenij in Jerusalem remanserunt sub Turcorum dominio, addicti servituti. Transmarinæ calamitatis historia ubi per occidentem insonuit, gravi mœroris aculeo corda omnium sauciavit. URBANUS verò Papa cum tam flebilem rumorem audisset, nimis indoluit, & ex dolore languescens, non multum post obiit, & in urbe Ferraria sepelitur; cui Romanæ Ecclesiæ centesimus septuagesimus septimus GREGORIUS octavus natione Beneventanus successit. Sed cum post duos menses Pisam venisset, & inter Pisanos & Januenses discordantes concordiam reformasset, atque ad subventionem urbis Jerusalem totis viribus inhiasset, proh dolor! instanti Natali Domini rebus humanis eximitur, & apud eandem urbem honorificè sepelitur. Post quem Romanæ Ecclesiæ centesimus septuagesimus octavus CLEMENS tertius natione Romanus Papa præfider. Imperator Constantinopolitanus, & Rex Siciliæ reducuntur ad pacem.

MCLXXXVIII.

GUIDO Rex Jerosolymorum de prisione SALADINI liberatus, Tyrum applicuit; sed eidem CONRADUS Marchio introitum denegavit: quod Rex prudenter dissimulans nunc apud Antiochiam,

nunc apud Tripolim commoratur per annum, & transmarinos Christicolos in terræ sanctæ subventionem venturos expectat. PHILIPPUS Rex Franciæ & HENRICUS Rex Angliæ dum pro sedando inter se dissidio ad colloquium inter Triam & Gisortium conveniunt, Tyrensi Archiepiscopo, qui in Franciam pro subsidio terræ sanctæ advenerat, eos adhortante signo se Crucis insigniunt; quorum exemplo Barones & Milites præmoti, turbæque conditionis cujuslibet infinita, signum Crucis Dominicæ assumpserunt. FREDERICUS quoque Imperator Romanorum per idem tempus eodem peregrinationis voto se obligat, & per totum Imperium suum, necnon & per universum orbem eodem voto & studio effervescent.

Consilio Regis Philippi Regis Franciæ, & Procerum Regni ejus agitur, ut ad auxilium peregrinorum in terram sanctam profectorum, res & mobilia universorum decimarentur; quod quidem in grandem perniciem est conversum, quia plures ex his qui decimationes exigebant violentius Ecclesias aggravabant, ex quo peccato creditur accidisse quod iter propositum transmarinum impediretur. Satan enim lætis cruce signatorum Principum primordiis invadens, inter Principes discordias seminavit, ut adimpleretur quod dictum est per Prophetam: *Effusa est* Psal. 106. *contentio super Principes, & errare fecit eos in invio & 40. non in via.* Nam inter PHILIPPUM Regem Franciæ & HENRICUM Regem Angliæ per RICHARDUM Regis Angliæ filium renovatur dissidium, quod sopitum certissimè putabatur. Philippus enim Rex collecta multitudine armatorum terram Arvernæ potenter intravit, & quidquid erat juris Regis Angliæ sibi subjugavit; quo intellecto Rex Angliæ nimis iratus reduxit exercitum suum per marchiam Normanniæ versùs Gisortium, ubi multas villas destruxit & incendit: quo audito Rex Franciæ eidem occurrens, fugavit eum usque ad castrum quod dicitur Trou, de

M m m iij

quo Henricum Regem turpiter ejecit, & in transitu suo Vindocinum subjugavit. Tandem superveniente hyeme datis induciis ab utraque parte quieverunt à bello. Templarij, Hospitalarij, virique fortes quamplurimi transfretant, ut oppressis terræ sanctæ succurrant. GUILLERMUS quoque Rex Siciliae per Ducem classis suæ iter marinum liberum reddebat, & à pyratis tutum, tam subventionibus navium quàm rerum quarumlibet copia, Christianis trans mare satis munificè succurrens.

Siccitas fuit inaudita, adeò ut in multis locis fluvij, fontes & putei sicarentur, plurimæque ignium clades per Gallias acciderunt: Nam Turonis, Carnotum, Belvacus, Autissiodorum & Treca civitates, Pruvinum castellum & quamplures aliæ villæ miserabiliter incenduntur. SALAHADINUS urbes & oppida quæ Christianis abstulerat muris reparat & roborat munimentis. Tyrum iterum impugnat terra & mari, nihilque intentatum relinquens, patrem Marchisi quem in bello Tiberiadis ceperat, sub hac fiducia præsentat captivum, ut filius necessitudinis affectu permotus patris concambio civitatem contradat. Nunc ergo reddendum offert, nunc perdendum minatur, variòsque tentat accessus, sed in omnibus fallitur; nam Marchio flecti nescius, offerentem irridet, minantem contemnit, & quotiens provocandæ compassionis intuitu illi pater in vinculis videndus ostenditur, confestim ballistam corripit, obliquos in patrem ictus designans, manum quidem aberrare volens, sed similis percussuro. Missis etiam Soldani qui patris interitum minitantur, id se votis omnibus expetere asserit, ut & maleficus ille post tot flagitia bonos tandem inveniat exitus, & ipse patrem habere Martyrem mereatur. Hac Salahadinus obtinendæ urbis delusus fiducia, quod arte non valebat, armis experitur; sed terra & mari à Marchione devictus recedit inglorius.

Ravennensis & Pisanus Archipræsules cum multo Italarum agmine transfretantes, & Tyrum appulsi, Tyrensibus fiunt non modicum adjuvamentum. **FREDERICUS** Romanorum Imperator cum Duce Suaviae filio suo iter peregrinationis transmarinae arripiens in festo sancti **GEORGII** cum multitudine infinita Hungariam ingreditur, & à Rege Hungariae honorifice est susceptus. Dehinc transito Danubio per Bulgariam tendit in Traciam; sed cum ei Imperator Graecorum transitum denegaret, vias obstrueret, divertit in Graeciam, & terrae illius partem occupans, ibidem per aliquantulum temporis demoratur. De Frisia & Dacia quinquaginta naves pariter foederatae eandem peregrinationem arripiunt. De Flandria verò triginta septem rates quae alios secutae sunt, dum per Hispanias transeunt, Sarracenorum urbem nomine Silviam obsident, & post quadraginta dies captam diripiunt, nulli aetati vel sexui parcentes, sed omnes pariter trucidantes; postea opes inventas aequaliter inter se dividunt, & urbem tenendam Regi Portugalesi Christiano reliquerunt.

Interim inter Regem Franciae & Regem Angliae fervescente discidio, plurima fit castrorum urbiumque direptio: Turonis urbs à Rege Franciae capitur & Cenomannis. Deinde post, pace inter eos facta, **HENRICUS** Rex defungitur, nimio, ut dicebatur, dolore absorptus, quod videret se à Rege Franciae victum, & à Richardo filio suo qui ad Regem Franciae confugerat derelictum. Sepultus est in Coenobio Monachorum*, qui Fons-Ebraudi dicitur; multis ab eo redditibus & muneribus ampliatus. Vir utique prudentia gestisque famosus, laetisque florens successibus, perpetua dignus memoria, nisi quod sanctum **THOMAM** fuerit adversatus. Cui successit **RICHARDUS** filius ejus.

* Monachatum.

Erachium quoddam castrum duobus annis à Turcis

obsessum Salahadino redditur, & propter hoc EUFRIDUS de Turone qui in vinculis tenebatur, liberatur: pari facto Magister Templi GIRARDUS absolvitur, & pater Marchisij cum cambio cuiusdam captivi gentilium liber abscedit. Cùm multa milia Christianorum apud Tyrum & Tripolim applicuissent, GUIDO Rex Ierosolymorum eos Accon petere & obsidere fecit, quibus SALAHADINUS occurrit ut succurrat obsessis, & impetat obsessores: cùmque nostri hostium assultus ferre non possent, valla & aggeres in gyro castrorum facientes, tutiores pugnam acerrimam cum hostibus pertulerunt; & sic in obsidione longo tempore commorantes, multi morbo diffiniteriæ perierunt, si quidem à facie & à tergo hostilis eminebat obsidio: & aëris intemperies tanta fuit ac inundatio pluviarum, ut præ nimia humectatione cibaria corrupta deperirent; unde miranda & perpetuò veneranda virorum illorum constantia, quæ tot malis obsita non defecit, sed permansit infracta. In hac obsidione defungitur Regina Jerusalem SYBILLA cum quatuor filiis, quos de Rege Guidone marito suscepit, & habebat solummodò. Post cuius obitum GUIDO Rex jus Regni perdidit, & ad sororem Reginæ nomine IZABELLAM uxorem EUFRIDI de Turone obvenit, sed ab Eufrido separata, quia eam ante nubiles annos, & contra voluntatem suam duxerat, Marchioni CONRADO uxor tribuitur, qui hoc modo Regni Jerusalem obtinuit Principatum.

GUILLERMUS Rex Siciliae moritur, cuius mors multis intulit detrimentum; nam cùm non haberet heredem, HENRICUS FREDERICI Imperatoris Romanorum filius dicebat se fieri successorem, & pacto promissionis, & jure propinquitatis, quia sororem Regis Guillermi duxerat in uxorem. At Siciliae Proceres inito consilio TANCREDUM virum illustrem in Regem substituunt, unde propter hoc grandis utrinque fit turbatio, concutiuntur provinciae, & imprimis Campania & Appulia profligantur. IZABELLIS

BELLIS

BELLIS Regina uxor PHILIPPI Regis Franciæ obiit, & Parisius in majori Ecclesia beatæ MARIÆ sepelitur.

MCXC. RICHARDUS, CONRADUS, TANCREDUS.

PHILIPPUS Rex Franciæ, RICHARDUS Rex Angliæ, ODO Dux Burgundiæ, PHILIPPUS Comes Flandiæ, HENRICUS Comes Campaniæ, THEOBALDUS Comes Blesensis, STEPHANUS Comes Sacri-cæsaris; Episcopi quamplurimi, & ferè Regni Franciæ Barones & Milites universi, signo Crucis Dominicæ insigniti, cum infinito agmine & incredibili apparatu iter transmarinum arripiunt: navésque ascendentes diversis portibus marina tempestate repulsi, diversis littoribus applicuerunt. PHILIPPUS verò & RICHARDUS Reges Messanæ urbi Siciliæ vix appulsi, nec valentes ulteriùs progredi, ibidem insimul hyemaverunt. Tunc venit ad eos Abbas JOACHIM de suo quod in Calabria constituitur Monasterio evocatus, qui de futuris ab eis sciscitatus, respondit quòd mare transitori essent, sed nihil aut parum efficerent, quia tempus non aderat, quo liberanda foret Jerusalem & regio transmarina.

FREDERICUS Romanorum Imperator cum CURSAT Imperatore Græcorum qualicumque pace composita, & Bosphoro transito, Asiam perambulavit, multa suorum damna patitur tam per assultus hostium, quàm per penuriam victualium; timebat enim per æquora transmeare, quoniam sicut dicunt in historiis suis quæ Fredericæ nuncupantur, quòd fatatum ei erat in aqua mori. Ipse verò Soldanum Yconij qui forum venalium quod promiserat sibi deturbabat, usque Yconium persecutus, circumjacentia loca Yconij succendit. Deinde cùm ad quasdam locorum venissent angustias, reperit Turcorum multitudinem infinitam, congregiens eos viriliter debellavit. Habito itaque de hostibus insigni triumpho, dum

Tom. XI.

N n n

quemdam fluvium transfret, heu ! tantus Princeps demergitur, suffocatur, & moritur. Vir quidem magnanimus, strenuus, largus, facundus, prudens gestisque clarus, ac sibi rebellium fortis edomitor, qui adeo Imperium dilatavit, ut post CAROLUM MAGNUM parem gestorum magnificentiam vix habuerit: cui successit HENRICUS filius ejus, qui ad custodiam Imperij relictus fuerat. Frederico Imperatore itaque mortuo exercitus ejus venit Antiochiam, ubi dum fessa reficiunt corpora, & in epulis se distendunt, tot & tanti ex eis ægrotant vel obeunt, quod de tanto exercitu vix pauca militia remaneret. Filius quoque Imperatoris Dux Suaviæ corpus patris usque ad Tyrum detulit, quo ibidem sepulto, cum ad obsidionem Aconis venisset, paulo post obiit.

Objerunt Philippus Comes Flandriæ, Theobaldus Comes Blefensis, Stephanus Comes Sacri-cæsaris, Procerumque atque Nobilium turma quamplurima apud Acconem de diversis mundi partibus aggregata.

HENRICUS. MCXCI.

CLEMENTE Papa mortuo Romanæ Ecclesiæ centesimus septuagesimus nonus CÆLESTINUS tertius natione Romanus præsidet, qui in ipso die Paschæ consecrationem pontificalem accepit, & in crastino HENRICUM Frederici Regis filium ad Imperium coronavit. Rex Franciæ PHILIPPUS, qui anno præcedenti cum Rege Angliæ RICHARDO in Sicilia hyemaverat, eum tamquam hominem suum monuit, ut sicut sibi juraverat, mare cum eo transfret; quod id non solum facere, sed etiam sororem illius quam de juramento tenebatur in uxorem ducere, recusavit, & usque ad mensem Augustum passagium suum distulit. Rex igitur Franciæ mare intrans recto itinere Accon applicuit, & ab his qui longo tempore sedebant in obsidione quasi Angelus cum gaudio & honore suscipitur: Richardus verò Rex Angliæ cum ratibus & galeis suis post Regem Franciæ de Sicilia

movens, venit in Cyprum, ibique inveniens quemdam Pseudo-Imperatorem insulæ dominantem, ipsum cepit, Cyproque sic subjugata, gente sua eam munivit. Interim PHILIPPUS Rex Franciæ ad expugnandam Acconem Regem Angliæ expectabat: condixerant enim quod non nisi pariter impugnarent. Igitur cum venisset, primò fossata implere contendunt; sed cum à Rege Franciæ Rex Angliæ sæpius dissentiret, & sicut dicebatur, perurgendis assultibus dissimulanter ageret, Rex Franciæ petrarias adhibens quamplurimas suos fecit urbem fortiter assilire, quibus nocte & die incessanter jactantibus, pars murorum confringitur & turris mirabilis firmitatis, fossoribus cuniculos subter agentibus, conquassatur. Tunc hostes vehementer attriti cum nullam sibi viderent adesse potentiam resistendi Regi Franciæ, colloquium expetunt, urbemque, se & sua pariter reddunt. Accon igitur tertio Idus Julij à nostris recipitur, post decursum fere biennium ex quo cœperat obsideri. Porro Turci intra urbem reperti cum pacta quæ cum Rege Franciæ inierant tenere non possent, alij evasere redempti, alij ad serviendum compedibus sunt detenti, alij gladio truncati. Audita ergo captione Acconis timor irruit super hostes, & Alcalonem atque quædam castella quæ nostris abstulerant diruunt vacuamque dimittunt.

HENRICUS Imperator Romanorum Neapolim obsidet, sed ibi ægrotans cæde relicta Alemanniam tendit. In Cœnobio sancti DIONYSII in Francia extractum est caput pretiosi DIONYSII Areopagitæ Martyris de capsâ ubi cum corpore quiescebat, ad removendum errorem Canonorum Parisiensium, qui dicebant caput prædicti Martyris se habere; positumque fuit illud caput sanctissimum in vase decenti argenteo, ut palam deinceps ad osculandum gentibus monstraretur: quod postmodum venerabilis MATTHÆUS Abbas illius Monasterij in alio vase aureo pretioso lapidibus & mirabili opere decorato à se

N n n ij

constructo transferri fecit per manus venerandi in Christo patris domini SIMONIS sanctæ Cæcilie tunc Presbyteri Cardinalis, qui postea Papa MARTINUS quartus appellatus est, præsentem Rege Franciæ PHILIPPO filio Regis sanctissimi Franciæ LUDOVICI, sicut ad dictum Cœnobium accedentes vident moderno tempore universi.

Apud Accon ortâ discordiâ inter Regem Franciæ & Regem Angliæ, PHILIPPUS Rex Franciæ apparatu suo sub manu Ducis Burgundiæ commendato rediit à partibus transmarinis; Rex verò Angliæ RICHARDUS ibidem remanens, eos qui in opere jam inclusi & quasi capti tenebantur Christiani, suo auxilio liberavit, & multa alia bona fecit.

MCXCII.

Illi qui post discessum Regis Franciæ trans mare remanserant parum aut nihil proficiunt, sed demum inter eos & Salahadinum induciæ usque ad triennium statuuntur; sic tamen quod Ascalonem, quam nostri cum magno labore & expensis construxerant, rursus dimitterent, & ita in vastitatem civitas nobilis est redacta. CONRADUS Marchio dum in urbe sua Tyro per quemdam vicum incederet, à duobus sicariis, quos herfacidas vocant, cum cultellis occiditur; quorum unus illico occisus est, alter captus vivus incenditur. ODO Dux Burgundiæ multique nobiles trans mare obeunt, pauci repatriant. HENRICUS Comes Campaniæ uxorem Marchionis CONRADI ab herfacidis occisi accepit in conjugem, & in Tyro ad principandum eligitur. Richardus Rex Angliæ vendidit insulam Cypri quam acquiserat Guidoni quondam Jerusalem Regi, qui Rex fuit ibidem constitutus.

MCXCIII. HENRICUS.

RICHARDUS Rex Angliæ de transmarinis partibus post multa naufragia rediens, dum per Austriam

in patriam suam latenter transire deliberat, à Duce Austriæ capitur, & Imperatori Romanorum Henrico traditur, à quo per annum in custodia detentus, tandem multâ pecuniâ redimitur.

SALAHADINUS Soldanus Babylonæ & Damasci obiit; qui moriens iussit ut signifer ejus portans sudarium suum super lanceam per Damascum clamaret: *Rex totius orientis nihil amplius de suis omnibus secum portat.* Post quem filij ejus Regno compertito cum SAFADINO Salahadini fratre, diutius de Regno concertant. PHILIPPUS Rex Franciæ Normanniam ingressus Gisorsium cepit, aliâque quamplurima castra vel vi, vel deditioe pervasa, aut incendit, aut diruit, aut retinet & firmata communit. Eodem anno ipse Rex Philippus YSEMBURGEM Regis Danorum sororem apud Ambianis urbem duxit in uxorem, quæ à GUILLERMO Remensi Archiepiscopo ibidem inuncta fuit in Reginam; sed miro Dei judicio ubi eam accepit, sic exosam habuit, quòd statim eam relinquere cuperet, & de divortio cogitaret. GUIDO Senonensis Archiepiscopus obiit, cui MICHAEL Parisiensis Ecclesiæ Decanus successit.

MCXCIV.

RICHARDUS Rex Angliæ infinita redemptus exactione in terram suam regreditur; qui statim castrum obsidens, quod GUIDO de Vallegriniosa ex Gal *Vall-
griniosa.* parte Regis Franciæ tenebat, non multum post expugnat; & sic fecit de multis aliis castris in terra sua à Rege Franciæ detentis. Veniens autem Turonis Canonicos beatî MARTINI de Ecclesia ejecit, & res eorum violenter abstulit. TANCREDUS Rex Siciliae & ROGERUS filius ejus jam in Regem perunctus Regni simul ac vitæ exitum sortiuntur; quo HENRICUS Romanorum Imperator cognito Appuliam & Siciliam terra marique aggreditur, susceptusque est à Principibus, totamque terram suâ subdidit ditioni. PHILIPPUS Rex Franciæ Normanniam in-

Nnn iij

trans Vernolium obsidet & expugnat, Ebroicâsque urbem incendit & subruit.

MCXCV. HENRICUS.

HENRICUS Imperator Romanorum receptâ Siciliâ rediens in Alemanniam thesauros Regum Siciliae, uxorem Tancredi, & filium ejus, atque quosdam Primates, qui contra se conspiraverant, secum adduxit, & uxorem suam cum filio suo Frederico ibidem apud Pannormum dimisit. Ab Oriente transfretat in Hispaniam Sarracenorum exercitus infinitus, Regemque Castellae in bello devicit, & partem Hispaniae rapinis ac caedibus occupat & profligat. Vehemens fames Gallias attrivit, quae per quatuor annos continuos durans ita confecit populum, ut qui antea divitiis floruerant publicè mendicarent.

PHILIPPUS Rex Franciae Vallem Ruollij quam munitam tenebat funditus evertit, & post paucos dies forem suam, quam Richardus Rex Angliae tenuerat, recipiens, Comiti de Pontivo in uxorem dedit. Cum autem postea Rex exercitum in Bituricensi pago juxta Yffoldunum collegisset, & Rex Angliae cum exercitu suo in oppositam partem staret, ac uterque exercitus ad pugnandum armis accingeretur, cooperante Domino, contra omnium opinionem ita factum est, quod Rex Angliae depositis armis cum paucis ad Regem Franciae veniret, & ibi coram omnibus pro Ducatu Normanniae & Comitatu Pictavenfium & Andegaviae eidem homagium faceret; & sic de pace servanda deinceps uterque Rex ibidem praestat juramentum. Fulco quidam Parisiensis Presbyter coepit in Gallia praedicare, multosque ad usurae restitutionem adducere.

MCXCVI.

In Martio subita & nimia aquarum & fluminum inundatio facta pluribus in locis villas destruxit, & in eis habitantes extinxit, atque plures pontes flu-

minis Secanæ confregit. Per totam Alemanniam fit ingens commotio ad liberationem regionis transmarinæ, Archiepiscopo Maguntia & Duce Saxonæ, necnon pluribus Episcopis & Principibus voto se sanctæ Crucis obligantibus. Imperator quoque HENRICUS per Appuliæ & Siciliæ littora tam navibus quàm in victualibus copiosum exhibuit apparatus. Factum est divortium inter PHILIPPUM Regem Franciæ & uxorem suam Reginam YSEMBURGAM, consanguinitate probata inter eam & aliam quam Rex ante duxerat. RICHARDUS Rex Angliæ postposito iuramento quod Regi Franciæ fecerat, castrum Virzionis in Bituricensi pago dolo cepit & funditus evertit. Ob hoc Rex Franciæ Philippus collecto exercitu Albammarlam obsedit, ubi dum moram faceret, Rex Angliæ Norencourt castellum pecuniâ datâ militibus ipsum custodientibus recepit; sed Rex Franciæ prædictum castrum minimè relinquens, tantum illud erectis petrariis & aliis ingeniis impugnavit, donec fracta turre & muris, interiores bellatores ad deditionem coëgit, cùmque castrum solo tenus destruxisset, Norencourt obsidens in brevi cepit, & Comiti Drocarum ROBERTO custodiendum tradidit. MAURITIUS Parisiensis Episcopus obiit, cui successit ODO Solliacensis. Hic venerandæ memoriæ Mauritius Episcopus inter innumera bona quæ fecit, quatuor Abbantias fundavit, & de propriis sumptibus dotavit, scilicet Hermallem, Hermerias, Hefderam & Gif. Et quia de resurrectione mortuorum, quam ipse firmissimè credebat, multi in tempore suo dubitabant, moriens scribi fecit in schedula: *Credo quòd Redemptor meus vivit, & in novissimo die de terra surrecturus sum, & rursum circumdabor pelle mea, & in carne mea videbo Deum Salvatorem meum.* Hanc igitur schedulam in extremis agens super pectus suum præcepit extensam poni, ut ab omnibus ad ejus sepulturam convenientibus posset legi, cujus exemplum secuti sunt omnes ferè Sacerdotes postmodum morientes.

Theutonici qui in terram transmarinam transierant, dum omnia turbulenter actitant, inducias quas nostri cum Turcis inierant abrumpunt, urbemque Berytum oppugnant & capiunt; quo Turci permoti Joppem civitatem pervadunt, obruncant omnes, munitionem diruunt, soloque coæquant. PHILIPPUS Rex Franciæ duxit in uxorem MARIAM filiam Ducis Meraniæ & Bremiæ Marchionisque Histriæ, de qua postea genuit PHILIPPUM Comitem Bononiæ & uxorem Ducis de Lovanio. BALDUINUS Comes Flandriæ, qui anno præcedenti Philippo Regi Franciæ homagium apud Compendium fecerat, ab ejus fidelitate manifestè recedens, RICHARDO Regi Angliæ confœderatus, Regem Franciæ dominum suum, & terram suam graviter persecutus est ubique; & REGINALDUS filius Comitis Domni-Martini, cui ex maxima dilectione Rex Comitissam Bononiæ cum Comitatu suo dederat in uxorem. Regina Hungariæ soror Regis Franciæ Philippi, mortuo marito suo apud Accon ultra mare transiit, ibique paulò post obiit.

In eadem quoque urbe & iisdem diebus HENRICUS Comes Campaniæ, qui uxore Marchionis accepta, ibidem super Regnum Jerusalem principabatur, dum in superiore palatii sui cænaculo cuidam fenestræ vertendo se applicaret, miserabili præcipitio collisus expiravit; cujus mater MARIA nomine, quæ Comitatum Campaniæ viriliter regebat, cum de morte filij sui & sororis suæ Reginæ Hungariæ nuntium accepisset, nimis indoluit, nec multò post obiit; cui THEOBALDUS filius ejus frater defuncti Henrici in Comitatu Campaniæ successit. Duæ autem filiæ Henrici Comitis, quas de uxore Marchionis genuerat, apud Accon remanserunt, & una alia quam de Marchione Conrado * habuerat ante istas. AYMERICUS tamen Rex Cypri post mortem GUIDONIS fratris
sui

* UXOR
ejus.

fui quondam Regis Jerusalem factus, dictam YSABELLAM matrem præfatarum filiarum, cui jus Regni Jerusalem competebat, accepit uxorem, & tunc primò cum viro suo coronata fuit dicta Isabellis in Accon in Reginam. PETRUS Cantor Parisiensis vita & scientia clarus apud Cœnobium quod Longus pons dicitur obiit. Francia per CÆLESTINUM Papam supposita est interdicto propter divortium Regis Franciæ & Reginæ; nec multo post ipso Papa mortuo Romanæ Ecclesiæ centesimus octogesimus INNOCENTIUS tertius præsidet. Hic fecit hospitale sancti SPIRITUS, & sancti Sixti Ecclesiam renovavit. Librum etiam de miseria conditionis humanæ, & decretales infinitas composuit. HENRICUS Romanorum Imperator in Sicilia commorans apud Messanam obiit, FREDERICO filio suo admodum paruulo, & uxore sua in manu Innocentij Papæ derelictis; sed PHILIPPO fratri suo Duci Suaviæ pro dicto puero regendum Imperium reliquit. Theutonici qui mare in terram sanctam transferant, cum grandia se facturos sperarent, audita morte Imperatoris repatriant.

PHILIPPUS. MCXCVIII. AYMERICUS,
FREDERICUS.

Inter Principes Alemanniæ fit acerba dissensio, aliis PHILIPPUM defuncti Henrici Imperatoris fratrem, aliis OTHONEM Ducis Saxoniae filium Richardi Regis Angliæ ex sorore nepotem sublevare volentibus; & ita Regnum illud diu quietum variè perturbatur. Philippus tamen Dux Suaviæ frater Imperatoris Henrici magnam Imperij partem obtinuit: contra quem Otho prædictus auxiliante sibi Rege Angliæ stans, diversis eum assultibus impugnavit. Quædam mulieres ad prædicationem FULCONIS Parisiensis Presbyteri conjugium respuentes, & soli Deo servire cupientes, in Abbatia sancti ANTONII Parisius collocatæ sunt, quæ causa illarum eo tempore fundata fuit. Apud Rosetum in Bria in Sacrificio Altaris vi-

Tom. XI.

ooo

num visibiliter mutatum est in sanguinem, & panis in carnem. In Vermandense territorio quidam miles qui mortuus fuerat revixit, multaque futura multis prædixit, & postea sine cibo & potu longo tempore vixit. In Gallia circa festum sancti Johannis Baptistæ, ros in nocte de coelo cadens mellitus spicas segetum ita infecit, ut multi eos in ore ponentes saporem mellis apertè sentirent. Mense autem Julio orta est tempestas valida in Episcopatu Parisiensi, tantæque magnitudinis lapides grandinis ceciderunt, quod à Trembleio villa sancti Dionysij usque ad Cœnobium virginum quod Cala dicitur, & circa loca adjacentia, segetes, vineas, & nemora penitus destruxerint.

PHILIPPUS Rex Franciæ contra omnium opinionem, & suum edictum, Judæos quos ejecerat Parisius reduxit, & Ecclesias Dei graviter persecutus est; nec multo post pœna secuta est. Rex enim Angliæ RICHARDUS cum infinita multitudine armatorum Vulcassinum ingressus, omnia circa Gisortium vastavit, Corcellas & plures villas campestres incendens, prædas earum adduxit, & cum triumpho hac vice recessit.

MCXCIX.

RICHARDUS Rex Angliæ dum castrum quoddam Vice-comitis Lemouicensis oppugnat, quarello balistæ oculo percussus, non multo post moritur; cui frater ejus JOHANNES, qui *Sine terra* dicebatur, in Regno successit. Sepultus verò fuit Richardus Rex apud Fontem-Ebraudi. PHILIPPUS Rex Franciæ post mortem Regis Angliæ Richardi Ebroicas urbem cum circumpositis munitionibus, scilicet Apriliacum & Acquigniacum cepit, & gente sua munivit, totamque Normanniam usque Cenomannis vastavit. ARTURUS autem adhuc puer Comes Britanniae nepos Regis Angliæ cum manu valida veniens, Comitatum Andegaviæ cepit, & apud Cenomannos Regi Franciæ occurrens homagium sibi fecit: ALIENORDIS au-

tem Regina mater Regis Angliæ apud Turonis similiter fecit Regi Philippo homagium pro Ducatu Aquitaniæ, & Comitatu Pictavensium, qui eam jure hereditario contingebat; & post datæ sunt treujæ inter Regem Franciæ & Regem Angliæ. HENRICUS Bitoricensis Archiepiscopus obiit, cui successit GUILLERMUS Abbas Caroli-loci. Obiit similiter MICHAEL Senonensis Archiepiscopus, cui successit PETRUS de Corbolio, quondam INNOCENTII Papæ didascalus. Generale interdictum in toto Regno Franciæ propter divortium Regis & Reginæ observatur; qua de causa Rex iratus omnes Episcopos sui Regni, qui interdicto faciendo consenserant, à propriis sedibus proturbavit; Canonicos eorum & Clericos de terra sua ejiciens; ad cumulum etiam totius mali INGEBURG Reginam uxorem suam legitimam apud Stampas in castro suo reclusit; aliud etiam addidit quod totam Franciam turbavit; nam tertiam partem bonorum omnium hominibus Militum suorum violenter abstulit, & à burgensibus suis tallias & infinitas exactiones extorsit.

MCC. JOHANNES.

In festo Ascensionis Dominicæ pax inter Regem Franciæ & Regem Angliæ reformata est; & in sequenti feria secunda LUDOVICUS Regis Francorum primogenitus BLANCHAM ILDEPONTI Regis Castellæ filiam, & Regis Angliæ neptem, duxit in uxorem: pro quo matrimonio JOHANNES Rex Angliæ omnes munitiones, urbes & castra, ac totam terram quam Rex Franciæ PHILIPPUS ceperat super Reges Anglorum, præfato Ludovico & ejus heredibus quittavit, totamque terram cismarinam post decessum suum, si ipsum sine herede mori contingeret, eidem concessit. CURSACH Imperator Græcorum ALEXIUM fratrem suum in tantum apud Græciam extulit, ut non minoris potentiæ esse crederetur quam ipse Imperator, excepto coronæ privilegio & solo

Ooo ij

nomine dignitatis; qui hoc intumescens honore, potentioribus suis per munera conciliatis, fratricida nequissimus insurgit in fratrem & dominum suum, ipsumque de Imperio dejectum excœcat, & perpetuo carceri mancipavit. Post hæc nomen Imperatoris ignominiose usurpans, filium Imperatoris Cursach Alexium nomine excœcari præcepit; quo Alexius cognito, fugit ad PHILIPPUM Romanorum Regem, qui sororem suam habebat in conjugem.

MCCI. ALEXIUS.

OTTOVIANUS Hostiensis & JOHANNES Velletrensis Episcopi Legati in Franciam venerunt, per quorum admonitionem Rex Franciæ PHILIPPUS uxorem suam INGEBURGEM in qualemcumque gratiam recepit, & superinductam à se separavit. Hi igitur postea Franciam absolventes, Sueffionis Concilium convocaverunt, ubi præsentè Rege & totius Regni Episcopis & Baronibus, tractatum fuit per quindecim dies de matrimonio Ingeburgis Reginæ, confirmando vel separando; post multas verò varias disputationes Jurisperitorum, Rex longâ morâ tædio affectus, relictis ibi Cardinalibus & Episcopis cum Ingemburge uxore sua summo mane ipsis insalutatis recessit, mandans illis per nuntios suos, quòd uxorem suam secum ducebat sicut suam, nec separari ab ea volebat: quo audito, stupefactis omnibus, solutum est Concilium. Regina verò MARIA quam Philippus Rex superduxerat, auditis divortij sui rumoribus, dolore anxia apud Poissiacum moritur: cujus infantes quos duos Regi pepererat, INNOCENTIUS Papa postmodum legitimos ad preces Regis Franciæ mandavit, & litteris suis confirmavit.

THEOBALDUS Comes Trecentis moriens, gravem suis luctum & multis ingerit, tum propter indolem quam præferebat egregiam, tum quia Cruce signatus Jerosolymitano itineri sperabatur profuturus. Hic Regis Navarrae sororem nuper acceperat in uxo-

rem, quæ geminam ex eo susceptam peperit sobolem, vivente marito unam filiam, jam defuncto unicum filium, ex quo prægnans remanserat. Ecclesia de Mirabello in Pictavia dedicata est, & ibi Canonici constituti. GALTERUS Brenensis Comes Romam venit, hac de causa. Uxor TANCREDI quondam Regis Siciliæ ab Imperatore Romanorum HENRICO Siciliam obtinente captivata cum liberis diuque detenta, tandem cum filiabus evadens ad præfatum Comitem se contulerat, ei que filiam suam desponsaverat; quocirca idem Comes sociis quos potuit secum aggregatis, ut sponsa sua hereditaria jura requireret Romam profectus, ab Innocentio Papa solemniter est receptus; cujus auxilio præmunitus, parte sibi Campaniæ tradita, cum TYBODO tyranno qui terram illam occupaverat congreditur, ipsumque cum exercitu suo fugat, prosequitur & expugnat. Secunda denique congressione ante Carolum insigne Appuliæ oppidum ejusdem tyranni exercitus usque ad internecionem excidit, ipso cum paucis profugo, & in quadam munitione recluso. Hac igitur Comes Brenensis potitus victoria, in sublime evehitur, atque in brevi lætis successibus maximam regionis partem, Tybodi ereptam tyrannidi, suæ subjugat ditioni.

MCCII.

ALIENORDE Regina Angliæ defuncta, cum Rex Franciæ PHILIPPUS submonuisset JOHANNEM Regem Angliæ filium ejus ut Parisius venisset, sibi homagium facturum pro Ducatu Aquitaniæ, & Comitatu Pictavensium & Andegaviæ qui sibi post matris obitum obvenerant, & ipse ad diem præfixum minime veniret, nec responsalem sufficientem mitteret: Rex Franciæ paratis expeditionibus Normanniam ingreditur, & munitionem quam Boutavant vocant funditus evertit, deinde Arquellum, Montemer & Gornacum castrum occupat & incendit, Conchas, insulam Andeliaci & Vallem Ruollij cepit. Post hæc

Ooo iij

castrum fortissimum Gaillardum super Secanam in excelsa rupe ædificatum obsidet, quod tandem obsidione sex mensium impugnatum cepit; & sic Normanniam pervagans prædiis & incendiis circumquaque depopulatur universa.

FULCO ille celeberrimus Presbyter, qui per diversas provincias prædicando populos multos ad succursum terræ sanctæ incitavit, moritur. Innumera populorum milia prædicti Fulconis instantiâ concitati Jerusalemitanum iter arripiunt, quorum rates toto æstivo tempore ventorum intemperie per fretum quod Hispanias Affricamque determinat circumjectæ, quamplures post longos maris circuitus Marsiliensi portui appulerunt, progredi ulterius non valentes. LUDOVICUS verò Comes Blefensis, & Balduinus Comes Flandriæ, ac multi de Regno Franciæ Proceres & Prælati qui Cruce signati fuerant, post multa maris pericula Venecias pervenerunt; sed dum ibidem transituros se putant, quædam causæ inter ipsos & Venetas emergunt, quibus transitus impeditur: ob hoc peregrini multas passi injurias, alij redeunt, alij abeunt, alij dum morantur sua fere prorsus expendunt. Die Maij tricesimo fit terræ motus in transmarinis partibus tribus diebus ante Ascensionem Domini, & vox terribilis audita est; magna pars urbis Acconensis cum palatio Regis corruit, & populus multus periit, Tyrus pene omnino subvertitur, Archas oppidum munitissimum ad solum usque diruitur, Trypolis maxima pars ruit, & plebs plurima suffocatur; Antharadis autem illæsa servatur, in qua Beatus PETRUS Apostolus primam Basilicam Dei Genitricis construxisse dicitur. Dehinc sequitur terræ sterilitas hominumque mortalitas. GUILLERMUS Remensis Archiepiscopus dum Laudunum venisset, morbo subitaneo præventus opprimitur, & obstruso linguæ officio moritur intestatus; nec multo post nepos ejus RETROCUS Cathalaunensis Episcopus decedit simili modo.

JOHANNES Rex Angliæ ARTURUM Britannia Comitem filium majoris fratris sui GAUFRIDI defuncti, quem Rex Franciæ PHILIPPUS miserat ad debellandum Aquitaniam, & eundem novum Militem fecerat, dum minus cautè ageret apud Mirabellum cum pluribus cepit, sed ceteris cum ipso captis per obsides liberatis, Arturum, ut fertur, latenter peremit; super quo à Baronibus Franciæ apud Regem Francorum, cujus vassallus erat, accusatus, cum comparere non vellet post multas citationes, per judicium Parium exhereditatus sententiatur. Arturo itaque sicut dictum est, interfecto, & ALIENORDE sorore ejus in Angliam exilio relegata, CONSTANTIA mater eorum Comitissa Britannia GUIDONEM de Thoarcio maritum accepit; sed postea squalore lepræ moriens, ex ea filiam genuit, quæ data est postmodum uxor PETRO Mauclerc filio ROBERTI Comitris Drocarum patrui Philippi Regis Franciæ, cum Comitatu Britannia. Tartari ab oriente surgentes post occisionem domini sui DAVID Regis India tunc primò exierunt in populorum destructionem.

MCCIII.

PHILIPPUS Rex Franciæ iterum Normanniam repetens, Phalassium castrum fortissimum & Donomnam-frontem ac Cadunum cepit, totamque terram circumpositam usque ad Montem sancti Michaelis suæ dominationi subdidit. Denique Normanni ab eo petentes veniam omnes urbes quas custodiebant ei reddiderunt, scilicet Constantiam, Bayocas, Lexovium, Abrincas cum castris & suburbanis: nam quia Ebroicas & Cadunum jam ceperat, nihil de tota Normannia præter Rothomagum, Archas & Vernolium remanebat.

Peregrini Regni Franciæ post multa impedimenta quæ in Venetiâ passi fuerant, initis quibusdam pactis cum Venetis, Jaderam Regis Hungariæ urbem maritimam Venetis inimicam expetunt atque eam obsi-

dent, capiunt & incendunt. Tunc ALEXIUS filius CURSACH Imperatoris Græciæ, audito quod Franci cum Venetis apud Jaderam essent, mandavit eis per nuntios, quòd si ei succurrere vellent, eos à debitis triginta milium marcharum erga Venetas liberaret, pretiâque navium solveret, necnon & orientalem Ecclesiam Papæ subijceret, ac terræ sanctæ mirabiliter subveniret; quod Franci audientes ipsum ad se venire faciunt, ac super sponsonibus exsolvendis datis & receptis ab invicem sacramentis, simul cum eis & Venetis apud Constantinopolim navigant, & ibidem in brevi applicant. Per medios igitur fluctus strictioris maris quod Bosphorus, sive brachium sancti Georgij dicitur navigantes intrepidè, turrim quæ Galathas nuncupatur expugnant, & cathenam qua fit accessus ad portum irrumpunt: littoribus verò occupatis terram circumjacentem vi capiunt, Græcis fugientibus & intra urbem se recipientibus: quod videns inuasor Imperij cum Francis & Venetis congregi disposuit, habens secum triginta milia equitum, & pedites innumerabiles. Partibus itaque vicinis quantum arcus potest sagittam jacere, tyrannus divinitus pavefactus intra urbem se recepit, fugiens cum paucis ea nocte; quo Græci comperto in palatio congregiuntur, & adolescentis exulis solemnem electionem celebratur. Mane factò portas aperientes inermes in castris Francorum se ingerunt, suum requirentes electum, quem illico recipientes, CURSACH patrem ejus de carcere sublevant. His peractis pretia navium, & debita Venetorum soluuntur, ac Francis & Venetis marcharum ducenta milia conferuntur; & dum ibi cum Græcis hyemarent, pacta de obedientia Romanæ Ecclesiæ, & de succursu terræ sanctæ innovantur atque confirmantur.

MCCIV. ALEXIUS.

A fine mensis Januarij usque ad Maium fuit siccitas continua & calor æstivalis. PHILIPPUS Rex Franciæ Rothomagum

Rothomagum obsidet, & in tantum coarctavit assul-
tibus, donec cives se dederunt, videntes quòd nec
ipsi se defendere poterant, nec succursum à Rege
Angliæ obtinere; sed & duo castella Vernolium &
Archas quæ hucusque restiterant, Regis Franciæ tra-
dita sunt ditioni, & ita Rex totam potitus Norman-
niam septem Episcopatibus distentam in corpus Re-
gni sui redegit, post trecentos nonaginta * duos an-
nos, ex quo CAROLUS Rex cognomento SIMPLEX * trigin-
tali.
ROLLONI Dano, primo de Normannorum Du-
cibus baptizato nominatòque ROBERTO, dederat
eidem Normanniam cum filia in uxorem. Postea verò
Aquitania fere tota cum Pictavi urbe Regi Franciæ se
subdidit; atque in brevi ita ampliato corpore Regni,
quocumque Rex graditur felices eum successus lætæ-
que auspiciâ prosequuntur.

ALEXIUS Græcorum Imperator Francos & Ve-
netas secum apud Constantinopolim hyemantes rogat
ut egrediantur ex urbe propter discordias Græcorum
evitandas, qui continuò acquiescentes ex adverso
urbis interjacente portu castra sibi constituerunt, sed
Imperator tam patris quàm Græcorum suggestionem
seductus, animum avertit ab eis, & classem incen-
dere parat quæ ipsum ad coronam adduxerat. At ejus
conatus Dei gratiâ ad nihilum deductus est. Græci
verò postea exosum habentes Alexium Imperatorem
suum sibi creant Imperatorem alium; cùmque Alexio
Imperatori nulla spes esset nisi in Francis, misit ad
ipsos MORGULFUM sibi familiarem multa eis pro-
mittens, qui jurat ex parte Imperatoris se eis tradi-
turum quasi pactionis obsidem palatium Blakernam
dictum donec fieret plena impletio promissorum; sed
dum accedit ad recipiendum palatium Marchio de
Monte-ferrato BONIFACIUS, ipsi & Francis illu-
ditur. Interim Morgulfus revelat Græcis secretum
de reddendo palatio, & in odium Alexij statim tertius
Imperator efficitur MORGULFUS, qui mox in
Alexium Imperatorem dominum suum insurgens

eum dormientem strangulare fecit, & NICOLAUM alterum Imperatorem creatum occidit. Interim dum hæc agerentur CURSACH pater Alexij Imperatoris moritur, & Morgulfus Francos & Venetas postea persequens, ab eis, capta urbe Constantinopoli, occiditur. Mortuo itaque ALEXIO Imperatore & tyrannis inuasoribus, Franci de consilio Ducis Venetiarum aliorumque Principum, cum assensu Cleri & populi, BALDUINUM Comitem Flandriarum Imperatorem creaverunt.

PETRUS Arragonum Rex Regnum suum obtulit Ecclesiæ Romanæ ac censuale constituit. Tripolitanus Comes & Rex Armeniæ pro Principatu Antiocheno contententes diu inter se confligunt.

MCCV. BALDUINUS.

Franci & Veneti qui Constantinopolim ceperant, dum eis hucusque successisset feliciter, circa feriatos dies Paschæ gravi infortunio sunt afflicti. Rex enim Blacorum & Bulgarorum cum Cumanis, Græcis & Turcis adversus eos pugnantes, Domino permittente vicerunt, majoribus in bello peremptis. Etenim cum de communi consilio tripertito exercitu, alij ad custodiam urbis captæ deputati consisterent, alij cum HENRICO fratre Imperatoris BALDUINI circumquaque discurrerent urbes & oppida nondum subacta subigentes, vel jam subacta ne rebellarent observantes; Imperator Balduinus cum majoribus Andrinopolim urbem distantem à Constantinopoli spatio quinque dietarum obsedit. In hac ergo obsidione commorantes, quadam die ab hostibus laceffiti, LUDOVICUS Blesensis Comes alijque nobiles dum eos inconsultè aggressi longiùs persequuntur, persequentes circumcludit numerositas hostium de circumpositis insidiis exeuntium, factaque miserabili strage Francorum, Imperator ipse capitur, nobiliumque quamplurimi perimuntur. Suo igitur capite truncato, exercitus ab obsidione recedens, venit Constan-

tinopolim. GALTERUS Brenensis Comes cum partem Appuliæ plurimam occupasset, & lætis hucusque florisset auspiciis, à TYBODO circumventus capitur vulneratus, nec multò post moritur.

PHILIPPUS Rex Franciæ Lochas & Chinonem castella fortissima capit longa obsidione expugnata; quo factò tota Turonia & Andegavia à Regis Angliæ dominio liberatur.

MCCVI.

ADELA Regina Philippi Regis Franciæ mater Parisius obiit, & in Burgundia apud Pontiniacum juxta patrem suum THEOBALDUM quondam Comitem Campaniæ & Blesis sepelitur. JOHANNES Rex Angliæ transfretat in Aquitaniam, & innumeras secum copias transfuehit ad Rochellam, cui PHILIPPUS Rex Franciæ occurrens cum multo apparatu, cum non longè ab invicem essent duo exercitus, tum mutuos non iniere conflictus, sed exhaustis donariis * & in-
fecto negotio, Johannes Rex inefficax redire compul-
sus est. OTHO qui contra PHILIPPUM Regem Romanorum diu de Imperio contenderat, deficientibus à se partibus sola sibi favente Colonia intra Coloniam consistebat; sed Philippus Coloniam obsidens, civibus ad pugnam egressis eisque potenter expulsis, & Othone turpiter fugato, Colonia recipitur à Philippo.

Apud Constantinopolim cum de morte vel vita Balduini Imperatoris nulla fieret certitudo, Franci & Latini HENRICUM fratrem ejus juvenem strenuissimum ad culmen Imperij provehunt, & coronant. Eodem tempore GALO quidam Clericus à Constantinopoli rediens in patriam, secum faciem capitis sancti Johannis Baptistæ detulit in Franciam, & eandem Ambianensi Ecclesiæ condonavit. In vigilia sancti Nicolai contra naturam hyemis audita sunt tonitrua, & fulgura micuerunt, à quibus in multis locis ædificia sunt incensa; subsequuta est tanta aqua-

Ppp ij

rum inundatio, quod nemo hujus ætatis erat qui diceret se vidisse tantæ inundationis illuviem aliquando irrupisse. Secana verò Parisius tres archas parvi pontis fregit, & quamplures domos ibi evertens damna multa alibi contulit. BARTHOLOMÆUS Turonensium Archiepiscopus obiit, cui GAUFRIDUS de Landa successit.

MCCVII. HENRICUS.

Satellia civitas munitissima & ad transfretandum in Siciliam portus aptus, qui Christianorum licet Græcorum hætenus fuerat, à Soldano Yconij obsidetur, & cum multo Christianitatis damno capta aliis suffixis patibulo, aliis in vincula coniectis, Turcorum dominio subjugatur. PHILIPPUS Rex Franciæ Aquitaniam ingressus, terram Vice-comitis Thoarcij qui à fidelitate ejus recesserat, & Regi Angliæ adhæferat, vastavit, Partenacum cepit, & alias quamplures circumpositas munitiones evertens, aliquas munitas sub custodia Senescali GUILLERMI de Rupibus dereliquit. HUGO Autissiodorensis Episcopus obiit, cui successit GUILLERMUS, qui apud Regem Franciæ Philippum perpetuam impetravit Regalium Ecclesiæ suæ libertatem.

* Albigen-
• fium.

Per idem tempus Bulgarorum * hæresis execranda errorum omnium fere extrema multis serpebat in locis tanto nocentiùs quanto latentius; sed invaluerat maximè in terra Comitum Tholosani & Principum vicinorum, ubi dum suum profiterentur errorem, primatum & judicium Romanæ Ecclesiæ spernunt, & communionem Christianorum sub ea positorum declinant, dicentes nullum sub ea vel in ipsius fide posse salvari, omnesque fidei articulos aut negant aut pervertunt, omnem omninò Religionem, cultum & gradum Religionis, pietatèque Ecclesiæ Catholice blasphemantes, damnant omne genus hominum præter se solos suorumque conventicula, Catholicorum Ecclesiam deridentes. Quocirca de consilio INNOCENTII

CENTII Papæ Cisterciensis Abbas aliique circiter tredecim ejusdem Ordinis Abbates delegantur, viri probabiles omnes, sapientiâ & facundiâ præinstructi, & parati ad satisfactionem omni poscenti reddendam de fide, & pro fide etiam animas ponere non verentes. Egressi igitur de Cistercio mense Maio, per Ararim labuntur in Rhodanum modicis expensis, equitaturis nullis, ut per omnia viros Evangelicos se probarent: ingressi denique quò tendebant, bini vel trini ad invicem divisi partes illas perambulabant, hostes fidei sanæ doctrinæ spiculis appetentes; vix tamen in multis milibus paucos invenerunt rectæ fidei professores. Alij verò quorum infinitus erat numerus, sic suo pertinaciter inhærebant errori, ut nullis veridicis acquiescerent documentis; sed tamquam aspides surdæ obturescerent aures suas ad voces incantantium sapienter, ne mentes eorum deversas tenebris penetraret auditio veritatis. Per tres itaque menses, urbibus, villis & oppidis, multo labore & insidiis appetiti, paucos revocant, paucos fideles repertos de fide certiùs instruunt & confirmant. Adfuit etiam cum eis venerabilis ELIDACUS Oximensis civitatis Hispaniæ Episcopus, qui & ipse lucrandis Deo animabus invigilans, de redditibus suis ciborum copiam Prædicatoribus verbi Dei largiter exponebat.

In Anglia defuncto HUBERTO Cantuariensi Archiepiscopo, cum eligeretur Rainerius * Superior Cantuariæ à communi, Johannes Rex Angliæ alium in sede ponere volens, nec prævalens, adeò iratus fuit quòd Cantuariensem Conventum expelleret, & eorum Ecclesiasticos redditus confiscaret. Propter quod Innocentius Papa STEPHANUM * sancti Grigoni Presbyterum Cardinalem Archiepiscopum consecravit, qui & Regem excommunicans propter Monachorum eliminationem, & bonorum suorum confiscationem, Angliam supposuit interdicto.

vel potius
* Stephanus.

* prædictum.

PETRUS de Castro-novo Monachus missus à Papa INNOCENTIO Legatus in terram Albigensum, Comitem Tholosanum excommunicavit; tunc Comes eum apud villam sancti Ægidij satisfactionem de commissis pollicens convocavit, nec tamen voluit satisfacere, sed mortem ei publicè comminatus est. Itaque Legato recedente, duo servientes Comitis se ei adjungunt, & in eodem hospitio pariter hospitati sunt. Mane autem facto Petrus Missâ celebratâ de hospitio recessit, & dum ad flumen Rhodanum pervenisset, unus è duobus servientibus prædictis ipsum lancea feriit inter costas, qui percussorem respiciens, verbum istud sæpiùs iteravit; *Deus tibi dimittat, & ego dimitto.* Post modicum tamen vitam finiens, in Ecclesia sancti Ægidij honorificè tumulatus est.

PHILIPPUS Rex Romanorum cùm jam rerum turbinibus in pace sopitis quieto potiretur Imperio, à LANDEGRAVA Duce Thuringiæ perimitur, ob hoc ut aiunt rancore concepto, quia Philippus filiam suam ei subtraxerat, quam sibi sponderat se daturum; quo facto uxor ejus filia CURSACH quondam Imperatoris Græcorum nimis affecta dolore paulò post moritur. OTHO filius Ducis Saxoniae nepos JOHANNIS Regis Angliæ per industriam & auctoritatem INNOCENTII Papæ Imperij dignitatem adeptus est.

INNOCENTIUS Papa misit in Franciam GALONEM sanctæ Mariæ in portu Diaconum Cardinalem, Jurisperitum, bonis moribus adornatum, & Ecclesiarum Visitatorem diligentissimum, mandans & præcipiens Regi Franciæ PHILIPPO & cunctis Regni Principibus, ut cum exercitu magno tamquam viri Catholici terram Tholosanam, & Albigensum atque Narbonensem cum aliis adjacentibus invaderent, & omnes hæreticos qui eas occupaverant extirparent, & si fortè in via vel in bello contra eos facto

morerentur, ab ipso Papa de omnibus peccatis à die
nativitatis suæ contractis, de quibus confessi essent,
absolvebantur. GUILLERMUS de Rupibus Maref-
callus Franciæ, sub cuius custodia Philippus Rex
Franciæ quasdam munitiones in Pictavia, sicut su-
perius dictum est, reliquerat, collectis ferè ducentis
militibus Vice-comitem Thoartij & SAVARICUM
de Malo-Leone, qui cum manu valida jussu Regis
Angliæ terram Regis Franciæ intraverant, prædâsque
inde ducebant, ex improvise superveniens devicit,
& quadraginta milites & ampliùs capiens Regi Fran-
ciæ domino suo Parisius misit. ODO Parisiensis Epif-
copus obiit, cui successit PETRUS Thesaurarius Tu-
ronensis. GUILLERMUS quoque Bituricensis Ar-
chiepiscopus parans iter contra Albigenes in Christo
dormivit. GAUFRIDUS de Landa Turonensis Ar-
chiepiscopus toxicatus obiit, cui successit JOHANNES
de Faia Decanus Ecclesiæ Turonensis.

OTHO. MCCIX.

PHILIPPUS Rex Francorum vi & armis cepit
quoddam castrum cui nomen Grapit*, firmatum in
Septentrionali latere minoris Britannia, de quo fa-
cilis transitus patebat in Angliam, quod Britanni ar-
mis, hominibus & victualibus munierant, in quo
etiam Anglicos Regni Franciæ inimicos recipiebant,
& circumjacentem provinciam multùm damnifica-
bant. Miles quidam de Gallia illustris & strenuus
JOHANNES de Bregna nomine, à partibus trans-
marinis electus in Regem Jerusalem, cum multo
transfretat apparatu, & in vigilia Exaltationis sanctæ
Crucis Accon urbem applicans, duxit in crastino in
uxorem filiam primogenitam ISABELLIS Reginae
ex CONRADO quondam Marchione; paulò enim
antè defuncta fuerat Isabellis Regina dimissis tribus
filiabus, & huic tamquam primogenitæ Regni here-
ditas debebatur. Porro in Dominica post festum san-
cti Michaelis, cum favore Principum & populi sanctæ

* Gasplie.

terræ, apud Tyrum solemniter coronatus fuit cum uxore Johannes de Bregna prædictus in Regem Jerusalem, & AYMERICUS Rex Cypri, qui ratione uxoris suæ Isabellis Reginae defunctæ diu regnaverat, titulum Regni Jerusalem tunc deponit.

OTHO Romanorum Rex intrans Italiam à plerisque urbibus reverenter excipitur, & favente sibi INNOCENTIO Papa, contra voluntatem Regis Franciæ PHILIPPI, & contradicentibus pro maxima parte Romanis, ac Magnatibus Imperij dissentientibus, eo quod pater Othonis quondam Dux Saxonie de crimine læsæ majestatis ab Imperatore FREDERICO convictus & condemnatus judicio Baronum, atque à Ducatu Saxonie fuerat in perpetuum dejectus, Romæ die quadam Dominica circa festum sancti MICHAELIS Imperialem benedictionem sortitur. In ipsa verò ejus benedictione Papa jusjurandum exegit ab eo super fidelitate Ecclesiæ, ac jure ipsius conservando, ac super Regno Siciliæ nullatenus impugnando; quæ statim ipsa die violat & dirumpit; propter quod inter ipsum & Papam gravis simultas protinus incandescit.

De cunctis Galliarum partibus tam Episcopi quàm Milites & Barones ac vulgi numerus infinitus contra Albigenes hæreticos Cruce-signati mense Junio apud Lugdunum conveniunt, & inde procedentes versus Provinciam accensis animis adversus homines pestilentes & fidei refugas Albigenes se præparant pugnaturi, quibus adjungitur Comes Tholosanus, quem Papa per Legatum suum absolverat, prius exhibita satisfactione de commissis. Imprimis igitur Biterrim urbem obsident & expugnant nulli sexui parentes vel ætati, sed omnes à minimo usque ad maximum pariter trucidantur, ita quod septemdecim milia hominum ferro & incendio perierunt. Carcassonam deinde petentes, ad quam urbem multi de regione circumjacenti confluerant, eam protinus obsident; sed ROGERUS de Biterri qui intus erat, vir perfidus, per

per cuius nequitiam pestilens error increverat, videns Catholicorum fortitudinem & audaciam, & quòd suis non esset potentia resistendi, pactum fecit cum nostris, ut liceret suis recedere quo voluerint sine rebus; illis-que recedentibus solus Rogerus sub arcta custodia detinetur. Nostri urbe potita SIMONEM de Monteforti Militem armis strenuum toti praeferunt regioni, & quidquid in urbe repertum est, & pars exercitus sub ejus dominio deputatur. His itaque gestis, ceteri ad propria rediere. Porro videntes Albigeneses recessisse Principes, multa mala nostris irrogaverunt; nam discurrentes clanculò per castella & munitiones, tam milites quàm clientes ad oppidorum custodiam derelictos capiunt, alios occidentes, quamplures aurum & narium cum labro superiori & aliorum membrorum detruncatione deformant. Abbatem quemdam Cisterciensis Ordinis in via directum cum suis occidunt, & Monachum unum vulnerantes quem mortuum aestimabant in via dereliquerunt. GIRARDUS autem de Papione illius patriæ vir nimium potens ad quoddam oppidum cum multitudine armatorum adveniens, quòd de parte Catholica se tenebat, cum sex Milites, unum Presbyterum, & quinquaginta servientes qui intus erant non posset ad libitum obtinere, juramentis se obligat si se redderent securè eos conduceret usque ad Carcassonam, qui reddentes se cum ad mensam propriam Girardi pervenissent, nihil-que mali hæsitantes, statim spoliantur & in carcere retruduntur; postea eductis Militibus & Presbytero cum aliis ignem & paleas lignaque quamplurima Girardus supponere fecit, ministris suis desuper clamantibus, & beatam MARIAM Dei Genitricem blasphemantibus in hunc modum: Haa meretrix sancta MARIA; qui tamen arctati incendio non adusti triduo permanserunt. Porro Milites diversis cruciatibus efficientes ut Christum Fidemque Catholicam abnegarent, eos tamen in Fide perseverantes propriis pollicibus exoculant, aures, nares, labiumque su-

perius amputantes, quorum unus in pœnis gloriosus Martyr occubuit, alij supervixerunt. Comes Fuxi rupto fœdere quod cum Catholicis inierat, unico filio suo obside derelicto redit ad vomitum, hæreticam pravitatem Fidei Catholicæ præferens, & nostros postea multipliciter inquietans.

MCCX. JOHANNES.

Iterum Procerum & Episcoporum totius Galliæ fit celebris motio super Albigenfes. Accendentes igitur adunato exercitu prope Minerbium urbem, eam obsident & capiunt, datûrque optio, ut qui voluerit hæresim abnegare, liber discedat: sed circiter centum octoginta ibi inventi sunt, qui potius comburi quàm hæresim abnegare elegerunt. Deinde Terme castrum fortissimum obsidetur, ubi peregrinum ramalia ferentem ad implenda fossata quidam balistarius super signum Crucis quod gerebat in humero carrello ferit, sed carrellum tamquam si super lapidem cecidisset resiliit. Accurrunt undique & mirantur universi, cum vivum reperiunt quem mortuum æstimabant; de ictu nempe ipse corruerat, sed in eo nullam invenerunt vestis diruptionem, aut corporis læsionem. Obsessi longa obsidione tandem fatigati dum noctu fugiunt, ad excubias nostrorum intercepti, quotquot reperiuntur gladiis obruncantur.

Parisius de hæresi quatuordecim homines, quorum aliqui Sacerdotes erant, convincuntur, ex quibus decem incendio traduntur, & quatuor recluduntur. Inter cetera quæ impudenter docebant, asseruere quòd Patris potestas duravit, quamdiu viguit lex Moisaica, & quia scriptum est, Novis supervenientibus vetera projicient, postquam CHRISTUS venit, absoluta sunt omnia veteris testamenti sacramenta, & viguit nova lex usque ad illud tempus quo videlicet talia prædicabant. Illo ergo tempore dicebant novi Testamenti Sacramenta finem habere, & tempus sancti Spiritus advenisse; ideóque Confessionem, Bap-

tissimum, Eucharistiam, & alia sacramenta sine quibus non est salus, locum de cetero non habere, sed unumquemque per gratiam sancti Spiritus tantum interius, sine aliquo exteriori actu, inspiratum posse salvari. Charitatis quoque virtutem sic ampliabant, ut id quod aliàs peccatum esset, si fieret in charitate jam non esse peccatum dicerent; unde stupra & adulteria ceterisque corporis voluptates in charitatis nomine committebant; mulieribus cum quibus peccabant, & simplicibus quos decipiebant impunitatem peccati promittentes, Deum scilicet tantummodò bonum & non justum prædicabant.

HENRICUS Græcorum Imperator congregato exercitu Græciam pervagatur, resistentes subjicit, subjecta pacificat, & circumquaque dominationis suæ terminos dilatavit. OTHO Imperator Romanorum sicut dudum mente conceperat, castra & munitiones quæ erant juris Romanæ Ecclesiæ occupavit, Racefonum, Montem-flasconis ac pene totam Romanio-lam. Inde transiens in Appuliam oppugnavit terram FREDERICI Regis Siciliæ filij HENRICI Imperatoris, cepitque multas urbes & oppida quæ erant de feodo Ecclesiæ Romanæ. Missis ergo hinc inde nuntiis, cum Imperator ea quæ occupaverat resignare nullatenus vellet, quin etiam à suis quos in castris posuerat spoliari Romipetas faceret; Papa convocato Cardinalium suorum Concilio in eum excommunicationis sententiam promulgavit. Deinde cum nec sic resipiscere vellet, sed magis res Ecclesiæ occuparet, ac Romipetarum iter impediret, omnes subditos ejus à fidelitate ipsius absolvit, prohibens sub anathemate ne quis eum Imperatorem haberet aut nominaret. Sicque recesserunt ab eo Landegravius Dux Turingiæ, & Archiepiscopus Maguntinus, & Treverensis, Dux Austriæ, Rex Bohemiæ & multi alij tam Ecclesiasticæ personæ quàm sæculares.

His temporibus clarebat in territorio Belvacensi HELINANDUS Frigidi-montis Monachus, qui

Qq q ij

Chronicam ab initio mundi usque ad tempus suum diligenter composuit, & librum *de regimine Principum*, & alium *qui plāctus Monachi lapsi* dicitur, compilavit.

MCCXI.

OTHONE Romanorum Imperatore, ut superius dictum est, auctoritate Apostolica reprobato, & Imperij collati potestate privato, Barones Alemanniæ consilio Regis Franciæ PHILIPPI, FREDERICUM Regem Siciliae Henrici quondam Imperatoris ex CONSTANTIA sorore GUILLERMI Regis Siciliae olim filium, in Regem Romanorum elegerunt, rogantes Papam ut ejus confirmaret electionem: qui de Sicilia vocatus venit Romam, & à Romanis honorificè susceptus fuit; indèque discedens Alpibus transcensis pervenit in Alemaniam, ubi ab omnibus fere gratanter susceptus, apud Maguntiam coronam Regni Theutonicae est adeptus; cūque postmodum venisset apud Vallem-coloris, quod castrum Lotharingiae est super Mozam fluvium situm, PHILIPPUS Rex Franciæ misit illuc filium suum LUDOVICUM, ut hinc inde mutuam confederationem inirent, sicut fuerat inter eorum prædecessores antiquitus constituta. PHILIPPUS Rex Francorum Parisius urbem ampliavit à parvo ponte usque ultra Abbatiam Regularium Canonorum sanctæ GENOVEFÆ, hortos & campos à dextris & à sinistris in circuitu muris fortissimis præcingens. Rex quidam Sarracenorum nomine MIRAMOLINUS fines Hispaniæ cum magno exercitu ingressus, Regi Castellæ & Christianis in superbia loquens bellum intulit, qui pugnantes contra eum, & habentes in auxilium Reges illustres Arragoniæ & Navarrae, in fide & in nomine Christi vicerunt eos cum adiutorio Dei & quorundam Militum Francorum. In illo verò prælio non ceciderunt de Christianis nisi triginta homines, de Sarracenis autem centum milia sunt prostrati. In cujus signum victoriæ Rex Arragonum misit Romam vexillum &

Lanceam Miramolini, quæ usque adhuc in beati PETRI basilica reservantur.

De Regno Francorum iterum fit grandis profectio adversus hæreticos Albigeneses, qui adunati insimul Lavallum castrum obsident & hostes fidei fortiter impetunt & coarctant; sed interim dum in hac obsidione morantur, eorum quædam caterva permaxima juxta castrum quod Mons-gaudij dicitur incautè transiens ab hostibus intercepta detruncatur, ad quorum meritum declarandum lux cælestis emicuit, & globum igneum super corpora prostratorum cælitus descendere multi viderunt. Tunc Episcopi & Abbates illuc convenientes cimiterium ibidem dedicaverunt, in quo sepelierunt corpora defunctorum. Post Lavallum capitur, & Penes in Agenensi castrum aliud inexpugnabile post obsessum in deditionem venit. Milites verò septuaginta quatuor in castro reperti nolentes errorem relinquere suspendio perimuntur; deinde rogos extruitur, & cunctis aliis datur optio, aut ab errore resipiscere aut incendio deperire, qui cohortantes se mutuò rogam intrans, & malunt comburi quàm deferere pravam sectam. Domina castri Girauda, quæ de fratre & filio se concepisse dixit, in puteum projicitur, & acruus lapidum super eam protinus cumulat. Apud Lemovicas matrona quædam nobilis moritur, & sudario involuta servatur; sed dum præparantur exequiæ, subitò resurgens de morte dixit beatam Mariam Magdalenam sibi labia tetigisse, & statim se spiritum resumpsisse: in festo ejusdem Magdalene Viziliacum venit cum sudario & multis testibus suæ mortis.

In Hispania quidam Presbyter nocte Nativitatis Dominicæ cum quadam muliere concumbens, dum primam Missam nec contritus nec confessus cantare præsumpsisset, & peracto Sacramento orationem Dominicam decantasset, subitò columba cum impetu advolans, rostro misso in calice, totum absorbuit, & hostiam de manu Sacerdotis arripiens evolavit, &

Qq q iij

sicut Presbytero in prima Missa contigit, accidit in secunda. Tunc timens & ad cor rediens, contritus & confessus, & acceptâ poenitentia, Missam tertiam inchoavit: post orationem verò Dominicam columba rostro missò, sicut prius, in calice quidquid inde hauserat evomuit, & evolans duas hostias ad pedem calicis collocavit.

FERRANDUS ex Hispania filius Regis Portugalensis accepit in uxorem JOHANNAM Flandriæ Comitissam filiam BALDUINI Comitis, qui fuit, sicut superius dictum est, Constantinopolitanus Imperator, hoc apud Regem Franciæ Regina Portugalensis Ferrandi matertera, quæ fuit quondam uxor Philippi Comitis Flandriæ, fallaciter procuraverat.

FREDERICUS. MCCXII.

REGINALDUS de Donno-Martino Comes Bononiæ supra mare, cum propter Ecclesias quas deprimebat, & viduas & orphanos quos depauperabat, esset excommunicatus, tandem quærens sibi similes, ad excommunicatos se transtulit. Nam confederatus est OTHONI Imperatori & JOHANNI Anglorum Regi; propter quod PHILIPPUS Rex Franciæ eidem Comitatus Bononiæ, Moretonij, Donni-Martini, & Albæ-mallæ, quos tam dono Regis quam potentia dictus Reginaldus Comes possederat, abripuit, & omnia illis Comitatibus appendentia occupavit; & sic Comes Reginaldus à toto Regno Franciæ repulsus ad Comitem Barri consanguineum suum accessit.

Eodem tempore cognitum est quòd REMUNDUS Comes Tholosanus foveret hæreticos Albigenfes, & ideo cunctis ad diripiendum à nostris est expositus, & tamquam refuga Fidei ac publicus hostis Ecclesiæ judicatus. Nivernis Cathedralis Ecclesia conflagratur.

PHILIPPUS Rex Franciæ Prælati & Baronibus Regni sui Sueffionis convocatis, dedit ibidem MARIAM filiam suam relictam PHILIPPI Comitis Namurcij Duci Brabantiae in uxorem. Fuit etiam ibi-

dem de transfretando in Angliam consentientibus Baronibus ordinatum; causa verò quæ Regem movebat, hæc erat, ut Episcopos Angliæ in Regno Franciæ exulantes Ecclesiis suis restitueret, ibique divinum officium quod jam per septennium in tota cessaverat Anglia renovari faceret, & ut Regem ipsum JOHANNEM qui nepotem suum Arturum Comitem Britanniae occiderat, qui etiam plurimos parvulos obsides suspenderat, & innumera flagitia perpetraverat, vel pœnæ condignæ subiceret, vel à Regno prorsus expellens secundum interpretationem sui nominis sine terra efficeretur. Solus FERRANDUS Comes Flandriæ Regi Philippo Franciæ suum denegavit auxilium, quia Johanni Regi Angliæ mediante Reginaldo Comite Boloniensi confœderatus est. Philippus Rex Franciæ mimos à curia sua expulit, dans exemplum aliis.

MCCXIII.

PHILIPPUS Rex Franciæ Ingeburgem Reginam uxorem suam, quam jam per annos sexdecim & amplius dissenserat*, & apud Stampas in castro fecerat custodiri, in gratiam recepit, ex quo Francorum populus plurimum exultavit. Navigio Philippi Regis Franciæ ad eundem in Angliam præparato, venit ipse Rex cum magno exercitu Boloniam supra mare, & ibi per dies aliquot naves hominésque suos hinc & inde venientes expectans, transivit usque Gravingas villam in finibus Flandriæ sitam, ad quam tota classis ejus secuta est eum; ibi enim ex conditō FERRANDUS Comes Flandrensis expectatus nec venit, nec in aliquo satisfecit, licet ad ipsius petitionem ille dies ad satisfactionem eidem assignatus fuisset: propter quod Rex dimisso proposito transeundi in Angliam, terram Flandriæ invasit, Casellum cepit & Ypram, & totam terram usque Brugas; facta etiam voluntate sua de Brugis profectus est Gandauum, relictis paucis militibus & satellitibus ad custodiam navium quæ secutæ

* dereliquerat.

fuerant eum per mare usque ad portum prope Brugas,
 nomine Dam. Propositum enim Regis erat acquisito
 Gandavo in Angliam transfretare; sed dum esset in
 obsidione Gandavi, REGINALDUS Comes Bolo-
 niæ, qui pro delictis suis à facie Regis Francorum
 fugiens tunc cum Rege Angliæ morabatur, & quidam
 alij missi latenter per æquora ex parte Regis Angliæ,
 magnam partem navium Regis Franciæ occupaverunt,
 & portum Dam ac villam celeriter obsederunt. Quo
 Rex cognito, obsidione Gandavi dimissa, ad Dam
 reversus obsidionem solvit, & illos fugere compulit,
 multis tamen suorum occisis, subversis atque captis,
 cum maxima parte navium suarum perdita. Residuas
 autem naves victualibus & rebus aliis evacuari præ-
 cipiens, immisso igne ipsas, & villam, ac totam in
 circuitu regionem incendio consumpsit; & receptis
 obsidibus de Gandavo, Ypra, Brugis, & Insula ac
 Duaco in Franciam remeavit. JOHANNES Rex
 Angliæ se cognoscens multis exosum, vidensque quòd
 esset in periculum honoris sui, timuit timore magno:
 & volens placare plures quos læserat, primò placavit
 Papam muneribus, subjectos suos mansuetudine,
 Prælatos & Archiepiscopum STEPHANUM Can-
 tuariensem quem exulaverat indulgentiâ revertendi,
 absolutionem verò à Papa obtinens tradidit eidem
 Regnum suum in feodum, mille marchas in recogni-
 tionem singulis annis soluturus, septingentas ex An-
 glia & trecentas ex Hybernia. SIMON de Monte-
 forti, qui contra Albigenes hæreticos apud Carcassô-
 nam relictus fuerat in castro quod Murellum dicitur
 non longè à Tholosa, à Comite Tholosano REMUN-
 DO, qui hæreticos fovebat, & Rege Arragonum, qui
 in auxilio ejus convenerat, atque à Comite Fuxi ob-
 fessus, mirabile prælium perpetravit; nam cum non
 haberet nisi ducentos & sexaginta milites, & quin-
 gentos satellites, equites, & peregrinos, pedites
 verò septingentos inermes, audirâ Missâ de Spiritu
 sancto, & ejus gratiâ invocatâ, de castro exeuntes
 cum

cum eis pugnauerunt, & virtute divina freti septemdecim millia hostium & Regem Arragoniæ occiderunt; porro de numero Simonis nonnisi octo die illo ceciderunt. Hic SIMON cum esset in bellis strenuissimus & multum occupatus, tamen quotidie Missam & omnes horas canonicas audiebat.

JOHANNES Rex Angliæ apud Rochellam applicuit cum multitudine armatorum, contra quem PHILIPPUS Rex Francorum LUDOVICUM filium suum misit; ipse enim Rex collectis viribus ire adversus Ferrandum in Flandrias disponebat. GAUFRIDUS Silvanectensis Episcopus renunciatus Episcopatu apud Abbatiam Caroli-loci se transtulit; cui successit frater GARINUS Hospitalis Jerosolymitani professus, Philippi Regis Franciæ specialis Consiliarius. Similiter GAUFRIDUS Meldensis Episcopus Episcopatu renunciavit, & in Monasterio sancti VICTORIS Parisius divinæ contemplationi se arctius mancipavit; cui successit GUILLERMUS Cantor Parisiensis.

MCCXIV.

JOHANNES Rex Angliæ Comiti Marchiæ & ceteris Proceribus Aquitaniæ reconciliatus, urbem Andegavim cepit, mittensque cursores suos cum turba militum ultra Ligerim, juxta Nannetum ceperunt Robertum Comitis Drocarum primogenitum, qui in auxilium LUDOVICI, PHILIPPI Regis Franciæ primogeniti veniebat; qui tantis successibus elatus præsumens residuum terræ amissæ recuperare, castrum quod Rupes-Monachi dicitur transito Ligeri fluvio obsedit, quo audito Ludovicus Philippi Regis Franciæ filius qui tunc apud Quinonem in Turonia morabatur, obsessos succurrere properavit. Cumque jam per unam tantum dietam à loco distaret Francorum exercitus, Johannes Rex Angliæ sibi timens relictis papilionibus & belli utensilibus, atque urbe Andegavi, Ligeri transito revertitur in Aquitaniam, sicut Esau vagus & profugus omnia derelinquens: Ludo-

Tom. XI.

R r r

vicus verò urbem Andegavim recuperans, muros ejus quos Johannes reparaverat, destruxit.

PHILIPPUS Rex Francorum eodem tempore quo ejus filius Ludovicus contra Regem Angliæ in Pictavia decertabat, in terram FERRANDI Comitis Flandriarum hostiliter intraverat, & usque ad Insulam omnia devastabat. In redditu verò ejus ab Insula, OTHO Romanorum Imperator depositus, Regis Angliæ nepos, qui apud Valentianas in auxilium Ferrandi Comitis Flandriarum advenerat, cùm non distaret à Rege nisi per quinque miliaria, de Moretania juxta Tornacum movit exercitum prope pontem Bovinarum, ut in *retrogardam Regis Francorum insultum improvisum faceret. Cùmque Rex Franciæ Othonem venientem cum exercitu cognovisset, jussit acies suas stare; & postmodum videns quòd hostes casu divino territi non venirent, jussit iterum acies præparare, & cùm jam fere medietas sui exercitus pontem Bovinarum transisset, & ipse Rex prope pontem proborum virorum vallatus multitudine post suum exercitum jam venisset, hostes protinus quasi stupore quodam & horrore perculsi diverterunt à latere exercitus versùs Septentrionem, solem qui die illo ferventiùs incaluerat præ oculis jam habentes: quod Rex Francorum percipiens, tubis sonitis & armis assumptis acies suas quæ præcesserant revocavit, & eas de tuenda diligenter corona Franciæ commovens, protinus in hostes se immerfit. Quid plura? fere per spatium unius diei invicem pugnaverunt, & ad terram prostratus diùque jacuit, tamen equo recuperato, & Dei fretus auxilio hostes undique superavit. OTHO verò Imperator, Dux Lovaniæ, Comes de Limburgo, HUGO DE BOVES, & multi alij terga vertentes fugæ præsidio se salvarunt, signa Imperialia relinquentes. Comes autem Flandriarum FERRANDUS, REGINALDUS Comes Boloniæ & GUILLERMUS Comes Salisberienfis & frater ejus, duòque Comites Alemanniæ, & multi magni

Gal. * a-
riergarde.

nominis tam Barones quàm alij capiuntur; multi tamen ex parte Othonis, pauci de parte Regis Franciæ perierunt. Et sicut illi qui capti fuerant aiebant, numerus militum Othonis mille quingentorum, & aliorum bene armatorum centum quinquaginta milia, præter vulgus, & infra diem tertium habituri erant milites quingentos & pedites infinitos; sed misericors Deus in Rege Franciæ & suis canticum Moyfi adimplevit; nam persequeretur unus suorum mille, & duo fugabant decem milia. Rex autem Franciæ perfecto negotio, captisque hostibus per castella sua illos misit sub arcta custodia, & Parisius secum adducto Ferrando reversus, à Clero & populo cum gaudio lacrymabili, & inauditis laudibus est exceptus.

Pictavenses auditâ famâ victoriæ Regis Francorum PHILIPPI multum perterriti missis legationibus elaboraverunt ipsimet reconciliari; Rex verò eorum perfidiam multotiens expertus non acquievit, sed collecto exercitu in Pictavia, ubi prope erat JOHANNES Rex Angliæ, accessit; quod agnoscens Vice-comes Thoarcij tantum fecit per Comitem Britanniae, cujus uxor ejusdem Vice-comitis neptis erat, quòd in amicitiam Regis Franciæ receptus est. Sed & ipse Rex Anglorum cum septemdecim miliaribus ab illo distaret, nec haberet quòd fugeret, nec ut in apertum pugnaret procedere auderet; misso Comite Cestriæ RENULFO cum ROBERTO Legato Sedis Apostolicæ de induciis tractari fecit, cui Rex Philippus quinquennes inducias ex solita benignitate concessit, & Parisius remeavit.

MCCXV.

Propter victoriam OTHONI Imperatori apud Bovinas à Domino denegatam, in tantum defecerunt ab ejus auxilio viri multi, quòd fortunæ cedens & ab infortunio non discedens, in patrimonio suo, scilicet in Saxonia degeret Imperio denudatus, necnon & sociorum suorum solatio desolatus; qui tandem

Rrr ij

morbo diffiniter laborans, convocatis Episcopis aliisque Clero cum lacrymis absolutionem petiit, petitamque accipiens, non diu postea vixit. **FREDERICUS** Rex Siciliae, qui jussu **INNOCENTII** Papae apud Maguntiam in Regem Romanorum coronatus fuerat, audito quod Otho à partibus Flandriarum sine victoria in patriam suam remeasset, à partibus Suaviae ubi tunc morabatur movit exercitum, & Aquisgrani perveniens obsedit villam & expugnavit, ibique octavo Kalendas Augusti in Regem Romanorum iterum sublimatus est; moxque ne de honore percepto Deo ingratus existeret, signum Crucis Dominicae assumpsit in terrae sanctae subsidium cum aliis profecturus.

Quidam Proceres Regni Angliae contra Regem suum Johannem insurgunt propter quasdam consuetudines quas observari praeceperat, sed nolebat eas, sicut juraverat, observare; favit verò Magnatibus plebs pedestris, manus scilicet rusticana, & plurimae civitates. Qui timentes tamen ne possent ei usque in finem resistere, **LUDOVICUM** Regis Francorum primogenitum de ferendo sibi auxilio per internuntios convenerunt, promittentes eidem, expulso Rege suo, totius Angliae Monarchiam; qui acceptis obsidibus ab eisdem, ipsis militum multitudinem destinavit. Mense Septembri passi sunt naufragium & submersi viri nobiles tam Brabantij, quàm Flandrenses volentes transire in Angliam in auxilium Regis, qui profusa stipendia venientibus in suum auxilium promittebat: super quo letati Regis adversarii, ad rebellandum vehementius sunt animati, asserentes quod manifestè in omnibus esset manus Domini contra Regem.

Mense Novembri **INNOCENTIUS** Papa Generale Concilium, quod Lateranense dicitur, Romae celebravit, in quo fuerunt Episcopi quadringinti & duodecim, inter quos Patriarchae duo affuerunt, Constantinopolitanus & Jerosolymitanus: Antiochenus

verò gravi morbo detentus venire non potuit, sed misit pro se Episcopum Antaradensem; Alexandrinus etiam sub Sarracenorum dominio constitutus fecit quod potuit, mittens pro se Diaconum germanum suum. Primates autem, Metropolitæ septuaginta unum, Abbates & Priores Conventuales ultra octingentos; Legatorum verò Imperatoris Romanorum, Imperatoris Græcorum, Regis Francorum, Regis Jerusalem, Regis Angliæ, Regis Cypriæ, Regis Hispaniæ aliorumque Regum & Principum ingens adfuit multitudo. Ibique sancta Synodus multa utilia constituit, multaque constituta à retroactis temporibus confirmavit. REMUNDUS autem Comes Tholosanus & REMUNDUS filius ejus tamquam hæretici condemnantur, multique alij hæretici & fautores eorum gladio anathematis feriuntur. Libellus verò vel tractatus de Trinitate quem Abbas JOACHIM contra Magistrum PETRUM Lombardum edidit, reprobatur, & perversum AMORRICI dogma tamquam impium & hæreticum condemnatur.

Eodem tempore cùm quidam faterentur DIONYSIUM Areopagitam fuisse Dionysium Corinthiorum Episcopum & in Græcia passum Martyrium atque sepultum, aliūque Dionysium extitisse qui fidem Christianam apud Parisius in Gallia prædicavit; alij verò assererent illum post mortem Apostolorum Petri & Pauli venisse Romam, & à sancto Clemente Papa Petri Apostoli successore in Gallias destinatum fuisse; INNOCENTIUS Papa neutri volens præjudicare sententiæ, sed cupiens Ecclesiam sancti Dionysij in Francia honorare, corpus sancti Dionysij Corinthiorum Episcopi & Confessoris, quod quidam Cardinalis Legatus in Græciam * Romæ detulerat, apud san- * à Græcia
ctum Dionysium prædictum in Francia per Mona- Romam.
chos illius Monasterij missos ad Concilium destinavit, & ad sacras hujus sancti reliquias accedentibus omnibus verè poenitentibus & confessis quadraginta dies de injunctis sibi poenitentiis relaxavit.

Rrr iij

SYMON de Monte-forti, qui apud Carcassonam contra Albigenſes hæreticos relictus à Francis fuerat, venit in Franciam adverſus Arragones auxilium petiturus, à quibus propter necem PETRI Arragonum Regis aſſultus aſſiduos ſuſtinebat; qui infra paucos dies centum viginti Milites colligens de Francia revertens ſecum duxit. GALO ſancti MARINI Presbyter Cardinalis Legatus in Franciam diligenter monuit LUDOVICUM PHILIPPI Regis Franciæ primogenitum, ut à propoſito tranſeundi in Angliam contra JOHANNEM Regem Angliæ deſiſteret, patrêmque ſuum Philippum Regem ut filio tranſitum diſſuaderet monens; conſimiliter denunciavit ei ſententiam excommunicationis quæ à Papa lata fuerat in omnes Regi Angliæ adverſantes. Cùmque nihil proficeret, navigavit in Angliam compoſiturus pacem ſi poſſet inter Regem & Proceres Anglicanos; ſed interim Ludovicus filius Regis Franciæ navigio præparato tranſiit in Angliam, & ab iis qui eum advocaverant jocundè & reverenter ſuſceptus homagia eorundem recepit: ſed GALO Cardinalis pugnans pro Rege Angliæ, ſpirituali gladio ſancti Petri terras eorum qui Ludovico adhæſerant, interdicto ſuppoſuit, & perſonas ipſas vinculo anathematis innodavit.

Tertio Idus Junij HENRICUS Conſtantinopolis Imperator apud Theſſalonicam obiit anno Imperij ſui decimo; poſt cujus deceſſum PETRUM de Cortenayo Autiſſiodorenſem Comitem Philippi Regis Franciæ conſanguineum, & Henrici deſuncti Imperatoris ſororium in Imperatorem Græcorum Franci & Latini communiter elegerunt, & ad eum quærendum in Franciam ſolemnes nuncios deſtinaverunt; quibus ſuſceptis electioni aſſentiens cum uxore YOLE Comitiffa Namurcij venit Romam, duobus filiis quos de ipſa habebat Namurcio derelictis. INNOCENTIO

Papa defuncto Romanæ Ecclesiæ centesimus octogesima primus HONORIUS tertius natione Romanus præsidet. JOHANNES Rex Angliæ moritur, cui successit HENRICUS filius ejus puer decennis à Galone Legato Romanæ Ecclesiæ in Regem coronatus. Quo facto LUDOVICUS filius Regis Franciæ de Anglis confidens obsides quos ab eis receperat liberavit, & dimisso exercitu, ut alium majorem congregaret in Franciam reversus est.

MCCXVII. PETRUS, HENRICUS.

LUDOVICUS Philippi Regis Franciæ filius congregata post Pascha equestri pedestrique multitudine, in Angliam remeavit, ægrè ferens quòd quidam ex nobilioribus Angliæ in absentia sua cum spretis juramentis reliquerant, & in partem transierant novi Regis. Qui dum Doveram obsedisset, THOMAS Comes Partici qui in auxilium ejus convenerat, apud Lincolniam dolo Anglicorum occisus est; quo audito Ludovicus prodicionem percipiens Anglicorum & infidelitatem, incensis machinis suis, se & sua Londoniam contulit. Et postea videns dolos Baronum Angliæ, ac persecutionem totius Regni, & impeditionem portuum propter seipsum, sed & intentionem GALONIS Sedis Apostolicæ Legati, qui totis nisibus procurabat impedimentum suimet & suorum, timens quòd si Londoniam exiret cum Anglis pugnaturus, portæ sibi clauderentur revertenti, facta compositione rediit in Franciam; qui utique mirabilem habuisset victoriam, si fidelitatem debitam invenisset.

HONORIUS Papa PETRUM Autissiodorensis Comitem, & YOLEM ejus uxorem Comitissam Namurcij sororem HENRICI Imperatoris Græcorum defuncti, ad Imperium Constantinopolitanum Romanæ in Ecclesia sancti LAURENTII extra muros consecravit, ne jus in Romano Imperio habere viderentur. Qui nono die consecrationis suæ ab urbe cum uxore recedens, eam quia prægnans erat per

mare apud Constantinopolim transmisit, & cum centum sexaginta militibus & multis aliis ad pugnam paratis, per terram gradiens JOHANNI de Columna Presbytero Cardinali, qui in Romania & Venetia Legatus missus fuerat, apud Brundisium obiit; cui se Cardinalis ad transeundum in Græciam socians, mari transito statim obsedit urbem Dyrrachium Imperator. Promiserat enim Venetis & inde litteras confecerat, quod dictam urbem, quam sibi olim violentiâ Ducis ablatam dicebant, eisdem protinus resignaret, si sibi à Domino capiendi eam copia præstaretur. Cum verò dies multos in hac obsidione inutiliter consumpsisset non sine suorum maximo detrimento, obsidionem deferere compulsus est. Dúmque iret apud Constantinopolim & fuisset inter montes nemorosos & fluvios ubi erat via difficilis ad transeundum, proditonaliter à THEODORO Duce Dyrrachij, qui securum eidem conductum promiserat, capitur cum suo comitatu.

Uxor illustris SIMONIS de Monte-forti venit in Franciam, contra Albigenſes hæreticos auxilium petitura; ita enim arctaverat virum suum Comes Tholosanus & Arragones, quod perditis quibusdam castellis, vix spem haberet de reliquis retinendis, nisi succursus sibi celeriter præstaretur. Eodem anno fuit ventus vehementissimus, qui domos multas & Ecclesias evertit, & evulsit arbores infinitas.

MCCXVIII.

SIMON de Monte-forti Comes à Francia succursu recepto Tholosam obsedit, sed dum assultus fierent istu petrarie percussus obiit. Vir utique eleganti forma, fide & armis strenuus, & perpeti laude dignus; cui successit in Comitatu suo & terra Albigenſium GUIDO * filius ejus. Sanctus GUILLERMUS Bituricensis Archiepiscopus à Papa Honorio canonizatur, ejusque successor GRANDUS moritur, cui successit SIMON Cantor Bituricensis. HUGO Dux Burgundiæ

* Amalricus ex aliis, omisso isto.

Burgundiæ moritur & apud Cistercium sepelitur.
GALTERUS Abbas Pontigniaci fit Carnotensis
Episcopus. Mense Octobri vineæ & arbores ita gelu
non modico sunt exustæ, quòd exustionem hujusmo-
di se nemo vidisse assereret vel audisse.

HENRICUS Nivernensis Comes, & GALTERUS
Regis Franciæ Camerarius, ac multi tam Barones
quàm Episcopi, Milites & plebani Cruce signati, ma-
ri transito circa Festum Apostolorum Simonis & Judæ
applicant Damietam, ubi Johannes Rex Jerusalem &
Dux Austriæ ad hanc singulariter oppugnandam cum
valido exercitu mense Maio accesserant, ceteris Sarra-
cenorum urbibus prætermisiss; dicebant enim quòd
si dicta civitas capi posset, de facili terra sancta poterat
à Gentilibus emundari, Deo autem favente res eo
usque devenerat, quòd nostri cum labore nimio &
strage multorum expugnaverant quamdam turrin in
alveolo fluminis Nili sitam, & ad sui præsidium suffi-
cienter necessariis præmunitam. Porro quia multi de
populo Christiano peribant, Clerici processionibus
factis, in pane & aqua quatrduanum jejunium om-
nibus indixerunt. Nam in vigilia sancti Andreæ
Apostoli intumuerant fluctus maris crescentes, & ex-
cursus facientes usque ad castra Fidelium, & ex alia
parte incautos inundans Nili fluviu occupavit, unde
navium & victualium damna non modica pertulerunt;
duravit autem tempestas ista assidua per tres dies :
invasit præterea dolor repentinus quorundam pedes
& crura, & caro corrupta gingivas in dentes obduxit,
potentiam auferens masticandi; quorum plurimi do-
lore morientes, & reliqui usque ad tempus vernale
durantes, caloris tamen beneficio incolumes eva-
serunt. Sanè in festo beatæ Agathæ Virginis Pater
misericordiarum & Deus totius consolationis, suis in
obsidione Damietæ positis conferre dignatus est vi-
ctoriam gloriosam; nam cum quidam Christianorum
fluvium Nili transissent causa undique obsidendi ci-
vitatem, Soldanus Babylonæ & sui qui cum multo

exercitu super ripam fluvij tentoria sua fixerant, divi-
no terrore perterriti ante lucis auroram in fugam versi
sunt tentoria sua relinquentes, quod nostri perpen-
dentes statim transeunt flumen Nili, castra fugien-
tium occupantes, ubi spolia reperiunt infinita, & sic
in crastino per gyrum à nostris obsessa fuit Damietta.

PHILIPPUS Rex Franciæ fecit constitutionem
generalem per Regnum suum de Judæis suis, ut nullus
in vadium recipiat Ecclesiæ ornamenta. Item ut Ju-
dæus non tradat mutuò pecuniam Religioso sine as-
sensu Abbatis sui & Capituli. Item ut nullus Chri-
stianorum vendere compellatur hereditatem vel red-
ditus suos propter debita Judæorum, immo duæ par-
tes hereditatis seu reddituum debitoris & plegij assi-
gnentur Judæo, ac deinceps non currat debitum, &
ut debitum non currat ultra annum à mutuo facto.
Item ut libra non lucretur nisi duos nummos in qua-
libet septimana, & ut propter hoc non capiatur corpus
debitoris.

Jerusalem quæ inexpugnabiliter munita videbatur,
destructa est à CONRADINO filio SAPHADINI:
Muri enim cum turribus in acervos lapidum redacti
sunt, præter templum Domini & turrim David. De
sepulcro autem Domini destruendo consilium ha-
buerunt Sarraceni, & hoc per litteras civibus Da-
mietæ ad eorum solatium significaverunt, sed huic
temeritati nemo manus apponere præsumpsit. Sicut
enim in Alchorano libro legis eorum scriptum ha-
bent; JESUM CHRISTUM Dominum nostrum cre-
dunt de Virgine MARIA conceptum & natum, ac
sine peccato vixisse Prophetam & plusquam Prophe-
tam, protestantes cæcos illuminasse, leprosos mun-
dasse, mortuos suscitasse & ad cælos asseverant firmi-
ter ascendisse. Unde in tempora treugarum sapientes
eorum Jerosolymam ascendentes, codices Evange-
liorum sibi exhiberi postulabant, & osculabantur &
venerabantur propter munditiam sanctæ legis quam
CHRISTUS docuit, & maximè propter Evangelia

Lucæ scilicet : *Missus est Gabriel* : quod litterati inter ipsos sæpius repetunt & retractant.

MCCXIX.

LUDOVICUS filius PHILIPPI Regis Franciæ post mortem SIMONIS de Mōte-forti apud Tholosam ictu petraræ obruti, cum copioso exercitu Cruce signatorum de cunctis Galliæ partibus iter movit adversus hæreticos Albigenes & Tholosanos. Primum castrum, quod Mirmanda dicitur, ab hæreticis munitum obsidet & expugnat, quo factō Tholosam adiit & obsidet, diūque expugnat, sed sicut dicitur, proditiōe aliquorum Nobilium partis suæ interveniente redire inefficax est compulsus; post cuius reditum nostri qui remanserant à Tholosanis hæreticis solito audacioribus factis multas molestias sustinuerunt, nonnulli castra dimittentes, quæ proditiōe quorundam in suam redegerunt hæretici potestatem.

Nostri in obsidione Damietæ positi, per ingeniorum erectionem & lapidum fulminationem, necnon per terram & aquam frequentes assultus facientes, tota æstate captioni civitatis operam impendebant : sed Sarraceni eos bellis ordinatis impugnantes fortiter à proposito ipsorum, quod aliquando videbatur esse proximum effectui, revocabant. In festo verò Decollationis sancti Johannis Baptistæ contra Soldanum ad pugnandum superbè & inordinatè prodeuntes, cum in fortitudine sua non in Domino confiderent, cadunt & pereunt multi, non tamen sine damno militiæ Paganorum. Capti fuerunt de nostris viri nobiles MILIO de Nantolio electus Belvacensis, Vice-comes de sancta Suzanna, GALTERUS Regis Franciæ Camerarius, & quidam alij Francigenæ potentes titulo militiæ gloriosi. Illo die JOHANNES Rex Jerusalem viriliter se habens igne Græco fere combustus fuit, sed pius & misericors Deus suum Militem conservavit, & aliorum nostrorum super-

SSS ij

biam sic oppressit. Circa verò Festum Omnium Sanctorum cum quidam de nostris ad quamdam portam urbis missi fuissent de nocte ut statum inclusorum explorarent, cum intus neminem vigilem percepissent, scalis apposis muroscum ascendunt, portas aperiunt, paucos resistentes capiunt & occidunt. Sic igitur Nonis Novembris capta est à nostris Damietta, absque deditione vel oppugnatione aut violenta deprædatione, in oculis Soldani Babylonis, qui divino terrore territus non est ausus more solito CHRISTI milites aggredi, ut soli Deo victoria adscribatur. Cum verò nostri timerent intrare civitatem propter circumstantem exercitum Paganorum ne castra eorum invaderent, divino nutu fluvius Nili adeo inundavit, quòd inaccessibleia castra ipsorum redderet, ostendens manifestè Deus quòd pro Christicolis contra insensatos ipsa se elementa opponerent & pugnarent: quod percipiens Soldanus castra sua combussit fugiens timidus & confusus; nostri verò ingredientiess civitatem invenerunt plateas stratas cadaveribus mortuorum pestilentia & fame deficientium. Dominus enim evaginaverat gladium suum super eos, & in tantum interfecerat manus ejus, quòd à tempore obsidionis urbis infra viginti menses perierunt in civitate septuaginta millia Paganorum, exceptis tribus millibus qui vivi sunt reperti. Inventa autem sunt in civitate victualia multa, aurum, argentum, panni serici, lapides pretiosi, & aliæ divitiæ infinitæ. De quibus omnibus & de civitate similiter facta est divisio, & datum est unicuique secundum quod eum decebat juxta providentiam discretorum, ad hoc de communi consilio electorum; dominium verò civitatis datum est JOHANNI Regi Jerusalem ad augmentum Regni Jerosolymorum in perpetuum possidendum. Purgata denique civitate Legatus Apostolicæ Sedis PELAGIUS cum Clero & populo, accensis candelis & luminaribus, cum hymnis & canticis in die Purificationis beatæ MARIÆ processionaliter ingressus urbem de Mahu-

meria, quam prius purgari fecerat, basilicam in honore beatæ Dei Genitricis Virginis *MARIÆ* consecravit, & Episcopalem sedem in ea constituens, ibidem Missarum solemnia cum lacrymis & magna devotione populi celebravit. Civitas hæc præter naturalem situm loci quo muniebatur, triplici cincta erat muro, turribus latericiis multis & magnis fortissimè firmata, clavis & antemurale totius Egyptiæ regionis olim Heliopoleos dicta.

MCCXX.

FREDERICUS Romanorum & Sicilia Rex ab *HONORIO* Papa ad Imperij dignitatem coronatur. *ROBERTUS* de Meduno Aniciensis Episcopus à quodam Milite occiditur, quem excommunicaverat pro injuriis Ecclesiæ irrogatis; quod populus Aniciensis grave ferens in parentes ipsius Militis graviter insurrexit, castella & domos eorum funditus evergens, & ipsos perpetuo exilio condemnavit.

YOLLES Imperatrix Constantinopolis relicto *BALDUINO* admodum parvulo obiit; & quia *PETRUS* Imperator maritus ejus adhuc in carcere tenebatur, Franci & Latini qui in Græcia morabantur, per solennes nuncios filium ejus Comitem Namurcij ad imperandum Græciæ convocaverunt; qui honorem sibi debitum & oblatum respuens, *HENRICUM* fratrem suum juniorem se eisdem in Græciam destinavit, quem gratanter suscipientes Imperiali diademate & honore sublimaverunt. Mense Julio corpus beati *THOMÆ* Martyris à *STEPHANO* Cantuariensi Archiepiscopo in theca aurea lapidibus pretiosis ornata, & opere mirabili cælata diligentissimè collocatur. *PETRUS* Parisiensis Episcopus apud Damietam obiit, post cujus obitum cum Parisienses Canonici in electione discordassent, *GUILLERMUS* Autissiodorensis Episcopus jussu *HONORII* Papæ ad Parisiensem Cathedram translatus est.

GUIDO filius *SIMONIS* de Monte-forti, qui
Sff. iij

patri defuncto in terra Albigenſium ſucceſſerat, à Comite ſancti Ægidij ignominioſe occiditur; cujus mors omnes Catholicos in partibus illis commorantes inſolabiliter contriſtavit. Quo audito ALMARICUS frater ejus tactus dolore cordis intrinſecus promiſit ſe ab obſidione cujuſdam caſtri, quod frater ejus obſederat, non reſſurum donec illud vi, vel deditioe in ſuam redigeret poteſtatem, ſed poſtea ſuorum auxilio deſtitutus ab illo caſtro, infecto negotio, remeavit: quo recedente in tantum eum triſtia auſpicia proſequuntur, quòd fere omnia caſtra quæ prius tenuerat hæreticorum dominio ſubderentur.

Non minore miraculo, immo majori donavit Dominus Chriſtianis apud Damietam congregatis Thaniſ civitatem Ægypti, ſicut fecerat Damietam; nam noſtri habito diligenti conſilio miſerunt in feſto ſancti Clementis exploratores per Nilum fluvium in navibus uſque Thaneos, ut de caſalibus propè ſibi tollerent victualia, & ſtatum prædictæ urbis diligenter explorarent; qui prope civitatem accedentes, cum nullos in muris vel turribus deſenſores conſpicerent, ſtatim in ipſam irruerunt, ſed eam vacuum invenerunt. Habitatores autem illius audita captione Damietæ nimio pavore territi fugerant, putantes totum exercitum Chriſtianorum advenire; & ſic poſuit Dominus in Ægypto in illo tempore ſigna ſua. Sed tunc Diabolo inſtigante, orta fuit diſſenſio inter JOHANNEM Regem Jeruſalem & PELAGIUM Romanæ Eccleſiæ Cardinalem. Ipſe enim Legatus Pelagius uſurpabat dominium exercitus univerſi, ad hoc ut dicebatur laborans, ut quidquid fiebat vel factum jam fuerat per ipſum effici videretur, & ob hoc Johannes Rex à Damietra diſcedens in Syriam eſt proſectus.

HENRICUS. MCCXXI.

Tartari Georgiam & Armeniam majorem intrantes eas vaſtaverunt, & ſuo dominio ſubjecerunt. Apud Damietam videns PELAGIUS Sedis Apoſtoli-

cæ Legatus populum Dei innumerabilem nihil diu proficere propter JOHANNIS Regis absentiam, per suas litteras deprecatus est eum, ut compatiendo Christianitati apud Damietam quamcitiùs posset reverteretur; cuius precibus Rex libenti animo acquiescens protinus remeavit, & de voluntate ipsius Legati atque consilio, ipse Rex & Legatus cum magna multitudine partis exercitus in Festo Apostolorum Petri & Pauli accincti armis bellicis & victualia secum usque ad duos menses deferentes exeunt de Damietta, per terram & aquam versus Babylonem profecturi. *Qui* cum venissent ad quemdam locum distantem à Babylone per viginti quatuor stadia, & totidem à Damietta, ubi Nilus fluvius tripertitus tria magna flumina de se facit, quemdam pontem navium quem Sarraceni construxerant occupaverunt, & in planitie littoris sua tentoria posuerunt; quorum videns Soldanus audaciam & ingentem multitudinem, consilio cum suis habito, dimicare noluit, sed statim suis præcepit viarum aditus custodiri & muniri, ne de Damietta ad eos possent vel succursus gentium vel victualia pervenire, sperans arte execrabili sine suorum læsione populum Domini deperire. Quod peccatis nostris exigentibus ita factum est; nam nostris victualia defecerunt, & Nilus more solito totam terram in qua erat exercitus Christianus occupavit. Sic ergo populus Domini medias vires perdens, & usque ad genua in cœno aquarum palustrium residens, coactus est reddere Damietam, tali conditione quòd pars ligni Crucis Dominicæ quod SALAHADINUS Soldanus Damasci de Jerosolymis asportaverat, Christianis redderetur, & treugis firmatis usque ad octo annos, datoque salvo conductu usque Accon, Sarraceni captivos Christianos universos penitus liberarent, & sic Damietta cum multis laboribus & sumptu capta, ac per annum & amplius à nostris possessa, in Festo Nativitatis beatæ MARIÆ Virginis matris Domini red-dita est Sarracenis. MANASSES Episcopus Aurelia-

nenſis obiit, cui ſucceſſit PHILIPPUS ſancti GUIL-
LERMI Bituricenſis Archiepiſcopi nepos.

MCCXXII.

HENRICUS Nivernenſis Comes, qui ante captio-
nem Damietæ de partibus tranſmarinis redierat, ve-
neno occiditur, qui primùm apud caſtrum ſancti
Aniani in Bituria tumulatus, & poſt apud Pontignia-
cum Cifterciensis Ordinis Cœnobium: reliquit uni-
cam filiam, quæ data eſt uxor GUIDONI Comiti
ſancti Pauli.

Magiſter PETRUS de Corbolio Senonenſis Ar-
chiepiſcopus die Synodi ſuæ moritur, & in Eccleſia
Senonenſi præſente Synodo ſepelitur; cui ſucceſſit
Magiſter GALTERUS Cornutus. Obiit etiam
GUILLERMUS Pariſienſis Epicoſopus, qui ab Ab-
batia ſancti ANTONII Pariſienſis partem Mona-
charum Cifterciensium apud Autiſſiodorum in loco
qui Cella dicitur, collocavit.

MCCXXIII.

JOHANNES Rex Jeruſalem ex amiſſione Damietæ
& debilitate ſuorum ultra modum dolens effectus, à
partibus tranſmarinis tranſfretavit in Italiam, à Papa
auxilium petiturus; ibique à Papa HONORIO &
FREDERICO Romanorum Imperatore honorificè
ſuſceptus, dedit eidem Imperatori Frederico unicam
filiam ſuam heredem Regni Jeruſalem in uxorem co-
ram Papa, cum omni ipſius jure Regni; de qua poſt-
modum ſuſcepit filium Imperator nomine CONRA-
DINUM: & ſic de Regno Jeruſalem hîc annotare
ſuperſedeo, quia quamvis plures poſtea jus Regni
iſtius jure ſucceſſionis aut alio modo per titulum obti-
nuerint, nullus tamen in eodem regnaſſe uſque ad
noſtra tempora viſus fuit. HENRICUS Frederici
Imperatoris Romanorum filius ex ſore Regis Arra-
goniæ puer decennis ex mandato patris ad Regnum
Alemanniæ coronatur. Initio menſis Julij ante noctis
crepuſculum

crepusculum octo diebus per Regnum Franciæ cometes apparuit Regni denuntians detrimentum. Nam cum PHILIPPUS Rex diuturno tempore quartanis febribus premeretur, proh dolor! apud Meduntam pridie Idus Julij rebus bene dispositis diem clausit extremum, & in crastino à CONRADO Portuensi Episcopo Cardinali, qui in terra Albigenſium Legatus advenerat, necnon à viginti quatuor tam Episcopis quàm Archiepiscopis, qui pro negotiis ſuis divino nutu illuc advenérant, in Monasterio ſancti Dionysij in Francia honorificè eſt ſepultus, præſente JOHANNES de Bregna Rege Jeruſalem, qui paulò antè in Franciam advenerat, & multùm ſuper mortis ejus infortunio, cum innumera multitudine Militum, Clericorum & vulgarium condolente. Eodem enim die & eadem hora Pontifex Romanus HONORIUS cum eſſet in quadam urbe Campaniæ Italarum, exequiarum officium pro dicto Rege, revelatione ſibi divinitus oſtenſa per ſanctitatem cujuſdam Militis *, cum Cardinalibus celebravit. Rege igitur ſic ſepulto, LUDOVICUS ejus filius octavo Idus Auguſti in Remenſi Eccleſia à GUILLERMO Remenſi Archiepiscopo cum BLANCHA uxore ſua in Regem Franciæ coronatur anno ætatis ſuæ vicesimo ſexto.

** cui forte
ſemianimi
revelata
fuerat mors
Regis.*

JOHANNES Rex Jeruſalem primâ Dominicâ Quadrageſimæ baculum peregrinationis accipiens, ad ſanctum Jacobum in Gallicia profectus eſt; qui inde rediens per Regem Caſtellæ, ſororem ejus BERENGARIAM neptem Reginæ Franciæ Blanchæ in conjugium accepit. ALMARICUS Comes Montisfortis de partibus Albigenſium propter inopiam viſtualium in Franciam rediens, Carcaſſonam urbem fortiffimam & alia caſtra, quæ cum labore maximo ſuper Albigenſes hæreticos acquiſita fuerant, dereliquit.

LUDOVICUS. MCCXXIV.

Tertio Nonas Maij LUDOVICUS Rex Franciæ &
Tom. XI. T t t

CONRADUS Cardinalis Apostolicæ Sedis generale Concilium Parisius convocaverunt, in quo per eundem Cardinalem HONORIUS Papa indulgentiam quæ Lateranensi Concilio contra Albigenſes hæreticos instituta fuerat, auctoritate propria revocavit, & REMUNDUM Comitem Tholoſanum fide Catholicum approbavit. LUDOVICUS Rex Franciæ in crastino sancti JOHANNIS BAPTISTÆ Turonis exercitum congregavit, indeque recedens Niortum castrum in Pictavia adiit & obsedit; SAVARICUS verò de Malo-Leone Miles, qui intus erat ad defendendum castrum, videns Regis fortitudinem, illud Regi reddidit, ut liceret sibi recedere salvis suis: quo ita reddito Rex inde progreditur ad sanctum Johannem Angeliacum, ubi oppidani sibi occurrentes pacificè eum & honorificè susceperunt, eidem postmodum fidelitatem debitam facientes. Inde Rex ad Rochellam profectus obsedit eam, & machinis erectis per novem dies assilire faciens incessanter, muros quamplurimum debilitavit; sed Savaricus de Malo-Leone & trecenti ferè milites qui intus erant, cum burgenſibus villæ & servientibus plurimis defendentes se viriliter, Regem & suos multotiens impugnabant: demum considerantibus se non posse ab aliqua parte succursum recipere, villam Regi reddiderunt, facientes ei omnes fidelitatem, præter Savaricum qui cum Anglicis per mare recessit. Tunc Lemovicenses & Petragoricenses, & omnes Aquitaniæ Principes, exceptis Gasconibus qui ultra Garomnam fluvium erant, fidelitatem Regi promiserunt; & sic in Franciam est reversus.

Infra octabas Assumptionis beatæ MARIÆ Matris Domini apud Montem-Pessullanum auctoritate Apostolica Concilium celebratur. Nam HONORIUS Papa Narbonensi Archiepiscopo dedit in mandatis, quod modum pacis, quam REMUNDUS Comes Tholoſanus & alij Albigenſes sanctæ Matri Ecclesiæ offerebant, audiret, & id quod faceret remandaret:

qui convocatis totius provinciæ illius Episcopis & Abbatibus atque Clericis universis, à Comite Tholosano aliisque Baronibus juramenta recepit, quòd terram securam & obedientem Romanæ Ecclesiæ redderent, Clericisque redditus restaurarent, & de hæreticis confessis & convictis justitiam facerent indilata, ac pro posse suo per universam provinciam pravitatem hæreticam extirparent. SAVARICUS de Malo-Leone qui cum Anglicis in Angliam transfretaverat, percipiens quòd ipsum latenter capere præpararent de eo diffidentes, salubri accepto consilio in Franciam reversus est, & Regi Ludovico homagium faciens eidem se submitit.

MCCXXV.

Tempore Paschali quidam homo venit in Flandrias sub habitu peregrino, qui dicebat se esse BALDUINUM quondam Imperatorem Constantinopolitanum perditum, & de carcere Græcorum quasi per miraculum liberatum; quem videntes plurimi de Flandria Nobiles favent ei propter aliqua intersignia quæ eis dicebat, & dicta multa atque gesta Comitis Balduini: sed Comitissa Flandriæ JOHANNA, quæ per eum Comitatum suum amittebat, Regem Franciæ adiit LUDOVICUM, rogans eum ut sibi succurreret & restitueret Comitatum; quo audito, Rex illum apud Peronam convocavit, & quis eum Militem novum fecerat, aut ubi patri suo Regi PHILIPPO homagium præbuerat, requisivit, qui super hoc petens inducias, cum respondere nollet, de Regno Franciæ jussus infra triduum est exire, ipse verò apud Valentianas rediens à suis deseritur. & tandem sub specie mercatoris per Burgundiam fugiens, à quodam milite captus redditur Flandriæ Comitissæ, quem sui diversis pœnis afficientes ad ultimum patibulo suspenderunt.

Cùm Rex Franciæ LUDOVICUS apud Quinonem exercitum congregasset, Vice-comitem Thoarcij de-

T t t ij

bellaturus, advenit ibidem ad ipsum ROMANUS sancti Angeli Diaconus Cardinalis in festo Apostolorum Petri & Pauli, ob cuius amorem, quia Legatus in Franciam advenerat, Rex Vice-comiti treugas usque ad festum beatae Mariae Magdalenae concessit, & cum Legato Parisius se recipiens ad Parlamentum suos Proceres convocavit, ad quod veniens Vicecomes Thoarcij, coram Legato & Baronibus Regi fecit homagium, & quidquid erga ipsum deliquerat emendavit. Circa Purificationem beatae Virginis MARIAE Ludovicus Rex Francorum, & Magnates quamplurimi, Archiepiscopi & Episcopi, & multi alij de Regno Franciae Parisius adunati per manum Romani Cardinalis Crucis Dominicae signum contra Albigeneses haereticos assumpserunt.

MCCXXVI.

LUDOVICUS Rex Franciae & omnes Cruce-signati circa Ascensionem Domini iter arripientes adversus haereticos Albigeneses, apud Avinionem urbem in Vigilia sancti Barnabae Apostoli pervenerunt. Erat autem illa civitas a septennio excommunicationi supposita propter haereticam pravitatem; quam Rex & Barones statim obsidentes multa ibidem passi sunt, sed tandem usque ad festum Assumptionis beatae MARIAE eam viriliter impugnantes, ipsam sibi subjiciunt, & ibidem quemdam Monachum Cluniacensem Episcopum statuerunt. Decessit ibidem in castris GUIDO Comes sancti Pauli lapide petrarum percussus; & Comes Campaniae THEOBALDUS rediit ad propria sine Regis licentia & Legati. Rex ergo muris civitatis destructis, & centum domibus turrilibus quae intus erant ad solum coaequatis, inde amovit exercitum, & per provinciam gradienti redduntur sibi pacifice civitates & castra atque omnes forteritiae usque ad leucas quatuor a Tholosa; qui postmodum revertens in Franciam, IMBERTUM de Bello-joco Militem toti illi praeposuit regioni; & tunc Rege repatriante moriun-

tur Archiepiscopus Remensis GUILLERMUS, & Comes Namursij Regis Franciæ consanguineus fraterque HENRICI Constantinopolitani Imperatoris. Rex etiam LUDOVICUS dum apud Montpencier in Arvernia devenisset, lecto decidens in octavis Omnium Sanctorum defunctus est, & apud sanctum Dionysium in Francia delatus, juxta patrem honorificè sepelitur; cui successit in Regno LUDOVICUS filius ejus, & per industriam & prudentiam venerabilis matris suæ BLANCHÆ Reginae infra mensem post patris obitum, primâ scilicet Dominicâ Adventûs, Remis per manum Episcopi Sueffionensis vacante sede Remensi coronatur, anno ætatis suæ quartodecimo non impleto. Eodem anno FERRANDUS Comes Flandriæ, qui per duodecim annos Parisius in carcere Regis Franciæ detentus fuerat, multa redemptus pecunia liberatur. HONORIO Papa defuncto centesimus octogesimus secundus Romanæ Ecclesiæ Papa GREGORIUS nonus præsidet.

LUDOVICUS SANCTUS. MCCXXVII.

JOHANNES Rex quondam Jerusalem recedens à Francia cum uxore sua Berengaria venit in Lombardiam, & per aliquantum tempus apud Bononiam moratus est; quod Papa GREGORIUS intelligens eidem totam terram Romanæ Ecclesiæ tradidit conservandam. LUDOVICUS Rex Franciæ consilio Reginae BLANCHÆ matris suæ Episcopos & Milites plurimos in terra Albigenfium misit, qui venientes ad partes Tholosanas, Tholosam urbem & totum Comitatum in deditionem receperunt. HUGO Comes Marchiæ, THEOBALDUS Comes Campaniæ, necnon PETRUS Comes Britannæ contra dominum suum Regem Franciæ Ludovicum conspirantes, fœdus ad invicem inierunt; quo Rex cognito, contra illos de consilio matris suæ Reginae Blanchæ incredibilis multitudinis exercitum collegit, & usque ad quarreriam de Curceyo properavit. Quod videns ac

Ttt iij

timens sibi Comes Campaniæ à proposito maligno resipuit, & Regi Franciæ adhærens, à Comitum Marchiæ & Britanniæ consortio celeriter resilivit; quem Rex benignè suscipiens, alios duos Comites regali edicto semel & bis ad suum colloquium convocatos, sed venire contemnentes, ne aliquid contra jura videretur agere, tertio Parlamento mandavit interesse. Tunc illi stultam sui superbiam & Regis clementiam perpendentes, apud Vindocinum Regi occurrentes, ei quidquid forefecerant emendaverunt.

MCCXXVIII.

Quidam Barones Franciæ dolentes quòd Comes Campaniæ contra voluntatem Comitum Marchiæ & Britanniæ, ac foedus quod cum ipsis inierat, LUDOVICO Regi Franciæ adhæsisset, & eorum nefanda consilia denudasset, infinitum exercitum colligentes terram Comitum Campaniæ per deversus Alemanniam hostiliter intraverunt, villas & castella atque municipia igne confluentes; qui dum Barrum super Secanam obsedissent, nec ad Regis mandatum inde recedere vellent: Rex collecta multitudine armatorum adversus eos celeriter properavit, cujus adventum Barones agnoscentes, à sede quantocius recesserunt; & ita Rex ab illis hominem suum defendens Parisius remeavit.

GREGORIUS Papa monuit FREDERICUM Romanorum Imperatorem, qui à longo tempore Cruce signatus fuerat, quatinus votum suum adimplendo in terræ sanctæ subsidium transfretaret; quod ille facere se promittens, diem certum quo id faceret Papæ & Curiae significavit, unde Papa omnibus Cruce signatis diem illum significans, mandavit eis quòd parati apud Brundisium, ubi Imperator ex condito mare debebat intrare, celeriter convenirent. Interim autem Imperator adversantes sibi quosdam in Regno Siciliae perdomans, & Sarracenos per diversa loca Regni Siciliae habitantes in unum locum Apuliæ con-

gregans, civitatem unam ex ipsis quæ Nuceria Saracenorum appellatur sibi tributariam effecit. PETRUS Britannia Comes fretus auxilio & consilio quorundam Francia Baronum adversus Regem LUDOVICUM insurgens, fecit Regem Angliæ HENRICUM cum maxima Anglorum multitudine transfretare; quod audiens Ludovicus Rex collecto exercitu usque ad Belesmum castrum, quod Comes Britannia in custodia à Rege Ludovico defuncto receperat, sed noluerat reddere, properavit & obsedit: cumque ictibus tormentorum ita concussus esset, ut in aliqua parte sui ruinam minaretur, obsessi pavitantes se Regi Francia reddiderunt, & tunc Rex Angliæ sibi timens cum pudore & ignominia in Angliam remeavit, & Rex Ludovicus Parisius se retraxit.

Eodem tempore quo LUDOVICUS Sanctus Rex Francia Belesmum castrum expugnavit, JOHANNES de Vineis Miles strenuissimus colligens exercitum in Normannia & ducens Haye dictæ Paenel, eam infra paucos dies Regi Francia subjugavit. Obiit uxor FREDERICI Romanorum Imperatoris filia JOHANNIS quondam Regis Jerusalem, relicto unico filio CORRARDO nomine dicti Regni Jerusalem herede. Defuncta JOHANNA Comitissa Flandriæ, Comitatus Flandriæ & Hanoniæ sorori suæ MARGARETÆ uxori BUCHARDI domini de Avenis obvenerunt.

MCCXXIX.

Comes Britannia PETRUS dolens quòd Belesmum castrum perdidisset, adjecit iterum terram Regis Francia infestare; quod Rex LUDOVICUS sanctus agrè ferens, iterum adversus eum exercitu congregato usque ad castrum Adou properavit, & obsidens expugnatum cepit. Deinde ad aliud, quod Chantouceaux nominatur, se transferens, ipsum per deditiorem recepit. Et sic Petro Comite Britannia humiliato, tranquilla pace per quatuor annos & amplius Rex

Ludovicus sanctus Regnum Franciæ gubernavit.

Rex Arragonum cepit super Sarracenos Insulam Majoricarum & Nicænæ, atque Valentiam civitatem, ubi sanctus Vincentius martyrisatus fuit, & inde Sarracenis expulsis Christiano nomini dedicavit. Sancta ELIZABETH filia Regis Hungariæ conjunx LANDEGRAVII Ducis Thuringiæ, & beatus ANTONIUS de Ordine Fratrum Minorum sanctitate clarent. Multitudo magna peregrinorum Cruce signatorum, de mandato Papæ GREGORII apud Brundisium congregata, ut cum FREDERICO Romanorum Imperatore in terram sanctam transfretaret: dum cum eo mare intrant, ipse furtivè ab eis per galeas recedens, Brundisium est reversus: ipsi verò peregrini prospero vento navigantes apud Acon applicuerunt. Quo audito Romanus Pontifex Gregorius Imperatorem excommunicavit, & per totam Christianitatem denunciari excommunicatum præcepit. Eo tempore quo peregrini apud Acon applicuerunt, CORADINUS Soldanus Damasci defunctus fuit, relictis duobus sub tutore filiis, & tunc treugæ Christianitati concessæ sunt.

MCCXXX.

Sanctus LUDOVICUS Rex Franciæ fundavit Abbatiam Regalis Montis Ordinis Cisterciensis prope Bellum-Montem super Isaram in Episcopatu Belvacensi. FREDERICUS Romanorum Imperator mittens nuncios ad Soldanum Babylonæ, contraxit cum eo amicitias Christianitati suspectas. Parisius inter Scholares & Burgenes magna dissensio est exorta; nam Burgenes quosdam de Clericis occiderant, & ideò Clerici Parisius recedentes per diversas mundi provincias dispersi sunt; videns autem sanctus Rex LUDOVICUS quòd studium litterarum & Philosophiæ per quod thesaurus scientiæ, qui cunctis aliis præeminet & prævalet, acquiritur, recessisset Parisius (quod primo venerat ab Athenis Romam, & à Roma cum

cum militiæ titulo per CAROLUM MAGNUM in Franciam, sequendo Dionysium Arcopagitam, qui ibidem primus apud Parisius cùm esset Græcus fidem Catholicam seminavit) graviter dolere cæpit; metuensque Rex piissimus ne tantus ac talis thesaurus à Regno suo elongaretur, eo quòd, *Divitiæ salutis sapientia & scientia*, & ne ipsi à Domino diceretur: *Quia repulisti scientiam repellam te*; supradictos Clericos mandans Parisius redire, clementissimè redeuntes recepit, & ab ipsis Burgenfibus quidquid antea Clericis forisfecerant, fecit ipsis celeriter emendari. Enimverò si tam pretiosissimus thesaurus sapientiæ salutaris à Regno Franciæ tolleretur, maneret utique liliatum signum Regum Franciæ mirabiliter deformatum; nam ex quo Deus & Dominus noster JESUS-CHRISTUS fide, sapientiâ & militiâ specialius quàm cetera Regna, voluit Regnum Franciæ illustrare; consueverunt Reges ipsi Franciæ in suis armis & vexillis florem lilij depictum trino folio comportare, quasi dicerent toti mundo, fides, sapientia & militiæ probitas abundantius quàm regnis ceteris sunt Regno nostro Dei providentiâ & gratiâ servientes. Duo enim paria folia sapientia & militia significante, quæ Fidem trinum folium significantem, & altiùs in medio duorum positam, custodiunt & defendunt; nam fides gubernatur & regitur sapientia, atque militia defensatur. Quamdiu enim prædicta tria fuerint in Regno Franciæ pacificè, fortiter & ordinatim sibi invicem cohærentia, stabit Regnum; si autem de eodem separata fuerint vel avulsa, omne Regnum in se ipsum divisum defolabitur atque cadet.

MCCXXXI.

Nunciis FREDERICI Romanorum Imperatoris de transmarinis partibus à Soldano Babylonæ reversis, ipse Imperator qui erat excommunicatus, parvi pendens excommunicationem Papæ, sine absolutione, & Papa incio iter Jerosolymitanum arripuit; qui

Tom. XI.

Vuu

per mare navigans cū applicuisset Cypro, terram cepit, & illic moram contraxit donec Senescalus ejus, quem tunc misit in Acon cum magna multitudine armatorum, voluntatem sibi Soldani Babylonie nuntiaret. Consilio Regis Francie LUDOVICI sancti, & Religiosorum virorum Monasterium sancti Dionysij in Francia renovatur sub Abbate ODONE Clementis; hoc enim antea Monachi facere non audebant propter dedicationis mysterium, quod idem Monasterium noscitur à Domino suscepisse

MCCXXXII.

SYMON Bituricensis Archiepiscopus obiit, cui successit PHILIPPUS prius Aurelianensis Episcopus. Senescallus FREDERICI Romanorum Imperatoris missus in Acon multa damna peregrinis Christianis intulit, & multociens latenter exiens ab urbe, consilium habuit cum Soldano Babylonie & Sarracenis; quorum voluntate comperta, ut optabat dominus ejus, mandavit ei venire in Acon tempestivè: qui statim appulsus de Cypro significavit Papæ GREGORIO quòd ipse erat in Acon ultra mare, petens excommunicationis vinculum sibi relaxari; sed Papa præagnoscens ipsum detestabili amicitia conjunctum fuisse Sarracenis, & compositionem Christianitati damnosam iniisse cum Soldano, non acquievit, immo Templariis & Hospitalariis ne eidem adhærent, aut sibi ferrent auxilium districtè prohibuit & mandavit. Quod agnoscens Imperator, prius tamen, ut dicitur, in Jerusalem coronari se faciens, & ad custodiam Templi Domini dimissis Sarracenis, atque cum Soldano usque ad decem annos trevis Christianitati imploratis, reversus est cum indignatione magna in Apuliam; ubi terram Ecclesie Romanæ & Hospitalis atque Templi, necnon & redditus eorundem, qui erant per totum Imperium suum, tyrannicè invasit, & Papæ ac Cardinalibus atque toti Clero damna quamplurima irrogavit.

Clavus sanctissimus Domini unus de illis ex quibus corpus Dominicum Cruci affixum fuit, qui à tempore Caroli Calvi Regis Francorum & Imperatoris Romanorum in Ecclesia sancti Dionysij in Francia dono ipsius ibidem permanebat, de suo vase dum daretur gentibus ad osculandum cecidit, & sic perditus est inter multitudinem osculantium tertio Kalendas Martij : sed prima die Aprilis sequentis inventus fuit multis prodentibus miraculis, & ad prædictam Ecclesiam cum magna exultatione & gaudio in die sancto Parasceves allatus est.

MCCXXXIII.

Apud Belvacum urbem Galliæ facta est dissensio inter majores & minores villæ Burgenses, unde pluribus ex majoribus occisis, multi de minoribus captis per diversa loca Regni Franciæ sunt carceribus mancipati. Et quia LUDOVICUS sanctus Rex manum ultricem apposuerat tamquam superior, MILO ejusdem civitatis Episcopus & Comes Episcopatum supposuit interdicto; sed dum Romam pro hac re proficisceretur, in itinere obiit : cujus successor GAUFRIUS eidem causæ insistens, dies paucos & afflictione plenos in Episcopatu peregit : cujus successor ROBERTUS pacem cum Rege composuit, & sic ab interdicto diocesim absolvit. PHILIPPUS Comes Bononiæ filius PHILIPPI Regis Franciæ obiit, & sepultus est apud sanctum Dionysium. Fratres Prædicatores & Minores jussu Papæ per Franciam prædicantes, plures Barones & Milites ac plebanos, Clericos & laicos Cruce signantes in terræ sanctæ subsidium transmittere paraverunt; sed annuente Papa GREGORIO per annos quatuor aut quinque passagium distulerunt.

MCCXXXIV.

Defuncto Rege Navarrorum THEOBALDUS Comes Campaniæ ejus nepos ex sorore fit Rex Navarræ.

Vuu ij

Sanctus LUDOVICUS Rex Franciæ accepit uxorem filiam Comitis Provinciæ nomine MARGARETAM, quæ coronata fuit Senonis per manus GALTERI Senonensis Archiepiscopi circa Dominicam Ascensionem. Cum ROBERTUS Græcorum Imperator totum id amisisset quod patruus suus HENRICUS Imperator quondam acquisierat, præter urbem Constantinopolim, & circumjacentem urbi provinciam, multis à suis afflictus injuriis tandem defunctus est absque prole. Et quia BALDUINUS frater ejus quindecim annis existens non valebat in tanto rerum discrimine Græcorum motibus obviare, Franci & Latini, qui apud Constantinopolim morabantur, consilio & assensu GREGORII Papæ JOHANNEM quondam Regem Jerusalem ad vitam suam procuraverunt Imperatorem consecrari, & MARIAM ejus filiam Balduino puero heredi Imperij matrimonio conjunxerunt: qui apud Constantinopolim cum honore susceptus, inimicos Imperij quantum potuit debellavit, & Balduinum generum suum fideliter conservans, fecit eum ad Imperij dignitatem sub se cum uxore ad ultimum coronari.

MCCXXXV. JOHANNES.

Facta est fames valde magna in Francia, maximèque in Aquitania, ita ut homines herbas campestres sicut animalia comederent; valebat enim sextarius bladi centum solidos in Pictavia, ibidem verò multi fame perierunt, & sacro igne accendebantur.

MCCXXXVI.

VETULUS de Montanis Rex Harfacidarum misit in Franciam nuntios Harfacidas, præcipiens ut occiderent Regem Franciæ LUDOVICUM; sed dum abirent Deus cor ejus immutavit, eique cogitationes pacis & non occisionis immisit, unde post primos quantocius alios mittens mandavit sancto Regi Ludovico ut se à primis nuntiis custodiret; propter quod

Rex ex tunc fecit corpus suum diligentius custodire, & per secundos nuntios primos invenit, quibus inventis sanctus Rex gaudens utrosque muneribus honoravit, & Regi ipsorum in signum pacis & amicitiae exenia & dona pretiosa quamplurima delegavit. Habebat autem iste Rex pessimus & malivolus in confinio Antiochiae & Damasci in castris munitissimis super montes. Hic multum erat reveritus à Christianis & Sarracenis Principibus propinquis & remotis, propter hoc quod multotiens eos per nuntios suos indifferenter occidere faciebat, nam quosdam pueros de terra sua praecepit in palatiis educari, & ibi addiscebant omnia idiomata, & docebantur dominum suum super omnia timere, & usque ad mortem obedire, ut sic possent ad paradisi gaudia pervenire; quisquis in obedientia moriebatur, à gentibus terrae Harfacidarum pro Angelo colebatur, & sic Regi suo obedientes multos saepe Principes occidebant de morte sua minimè metuentes.

MCCXXXVII.

Multi Barones & alij de Regno Franciae qui per praedicationem Fratrum Praedicatorum & Minorum Cruce-signati fuerant, iter Jerosolymitanum arripiunt, Principem habentes exercitus Regem Navarrae Comitem Campaniae THEOBALDUM; cumque essent ultra mare, PETRUS Comes Britanniae communi neglecto consilio ivit ad depradandam quamdam terram, & cum sibi prosperè cessisset, ALMARIUS Comes Montis-fortis, HENRICUS Comes de Barro & alij famosi Milites invidia ducti simile, inconsulto communi, peragere tentaverunt; & cum per totam noctem equitassent, mane in locis fabulosis propè Gazam venientes, ab illis de Gaza qui adventum eorum per exploratores praesenserant, cum essent nimio labore fatigati, capti fuerunt & morti traditi ferè omnes; ibidem Comes de Barro captus vel mortuus, nusquam postea repertus est.

Vuu ij

Sanctus LUDOVICUS Rex Franciæ ROBERTUM fratrem suum majorem natu apud Compendium novum Militem fecit, quem paulò antè filia Ducis Brabantia MATILDI nomine legitimo fecerat matrimonio copulari; & tunc eidem fratri suo Comitatum Attrebatensem cum pertinentiis jure hereditario possidendum concessit. FREDERICUS Romanorum Imperator Regi Franciæ Ludovico mandavit ut usque ad Vallem-coloris accederet cum ipso colloquium habiturus; sed audiens postea quòd Rex sanctus duo millia militum armatorum, cum ingenti peditum & servientium multitudine in suo vellet ducere comitatu, mandavit Regi iterum quòd nec ad diem præfixam, nec ad locum quem nominaverat adveniret: sperabat enim Regem sanctum ducere paucos secum milites, quod & toto animo affectabat, eo quòd, ut à pluribus dicebatur, quemadmodum malitiosus & seductor aliquid satagebat in Regem & Regnum Franciæ machinari.

MCCXXXIX.

Sanctus LUDOVICUS Rex Franciæ fecit sibi Coronam spineam sacratissimam, quâ CHRISTUS filius Dei voluit in passione sua pro nostris enormitatibus coronari; de Constantinopolitanis partibus Parisius asportari, & à nemore Vincenarum milliario ab urbe distante, quintâ feriâ post Assumptionem beatæ Virginis Matris Domini ipsam Rex & fratres sui cum maximo Cleri plebísque tripudio nudis pedibus incedentes, primò usque ad Majorem beatæ MARIE Ecclesiam, & inde ad Capellam domus suæ, quam ipse mirabili & sumptuoso opere construi de novo fecerat, cum hymnis & canticis dulcissimis deportaverunt. Eodem tempore JOHANNES Constantinopolitanus Imperator multum à suis depresso adversariis, deficiente sibi pecunia quamdam summam pe-

cuniæ à Venetis mutuò sumpsit, & loco pignoris vexilla posuit Dominicæ Passionis, scilicet maximam partem sanctæ Crucis, & ferrum lanceæ qua fuit corpus Dominicum perforatum, & spongiam cum qua aceto potatus est; quod audiens devotissimus Rex Franciæ Ludovicus, promissu & dono ipsius Imperatoris & ejus generi BALDUINI, tantas reliquias suis redemptas opibus procuravit Parisius deportari, & in Capella domus suæ fecit honorificè collocari.

SIMON de Monte-forti Miles quidam de Gallia strenuissimus, filius Simonis Comitis Montis-fortis, apud Tholosam ictu petrariæ defuncti, infensus Regiæ Franciæ matris Regis piissimi Ludovici fugit in Angliam ad Regem HENRICUM, quem ipse Rex benignè suscipiens, dedit eidem in conjugio sororem suam cum Licestriæ Comitatu. RICHARDUS Comes Cornubiæ frater Regis Angliæ Henrici cum magno exercitu in terram sanctam profectus, multum invenit Francorum ibidem exercitum perturbatum; qui terræ sanctæ valde compatiens, fecit communes treugas inter Christianos & Sarracenos pactis initis confirmari, & captivos quos tenebant procuravit fideliter liberari. ALMARICUS Comes Montis-fortis de carcere Sarracenorum liberatus, in reditu suo dum Romam venisset ibidem defunctus est, & in basilica beati Petri venerabiliter sepultus; cui successit in suo Comitatu JOHANNES filius ejus.

MCCXL.

FREDERICUS Romanorum Imperator contra Romanam Ecclesiam acrius insurgens solito, Romipetis insidias collocavit; propter quod JACOBUS Prænestinus Episcopus à Papa causâ subsidij latenter in Franciam missus, dum reverteretur peracto negotio ab Imperatore captus est; sed & OTHO Cardinalis jampridem à Papa in Angliam missus, eodem tempore rediens consimiliter detinetur. Et dum Papa propter hæc apud Romam Episcoporum Concilium

evocare niteretur, multi de Regno Franciæ, & terris aliis iter aggressi similiter capiuntur. Prælati itaque captis & incarceratis, & multis tabulationibus undique pressis, viam universæ carnis GREGORIUS Papa ingressus est; cui centesimus octogesimus tertius Romanæ Ecclesiæ Pontifex successit CÆLESTINUS tertius, quo post decem & septem dies mortuo Ecclesiæ Romanæ sedes per viginti & duos menses Antistite vacavit. Apud Cremonam facta est tempesta maxima, ceciditque ibidem lapis grandinis in Monasterio sancti Gabrielis, in quo erat Crux & Imago Salvatoris expressa, desuper aureis litteris scriptum habens: JESUS NAZARENUS REX JUDEORUM; qui lapis dum de aqua in aquam liquefieret, Monachi illius Ecclesiæ de illa aqua Laverunt oculos cujusdam Monachi, & statim clarè vidit.

Sanctus LUDOVICUS Rex Franciæ videns Ecclesiam Dei omni humano auxilio destitutam, compatiensque Prælati Regni, mandavit Imperatori supplicando quatinus Regni sui Prælatos liberaret; cui rei primò non acquiescens, mandavit Regi, quòd non miraretur si Cæsar in angusto eos tenebat, qui ad Cæsaris angustias tenebantur. Quod audiens sanctus Rex mandavit iterum, quòd locum à potentia non traheret, quia Regnum Franciæ non erat adeò debilitatum, ut se permitteret ejus calcaribus perurgeti; cujus verba intelligens Imperator omnes licet invitus liberavit, pertimescens Regem Franciæ offendere Ludovicum.

MCCXLI.

Sanctus LUDOVICUS Rex Franciæ ALPHONSUM fratrem suum apud Salmurum Militem novum fecit, & eidem quem paucis diebus antè transactis JOHANNÆ filiæ Comitis Tholosæ lege maritali fecerat solenniter sociari, terram Alverniæ Pictaviæ, & terras Albigensum concessit perpetuò possidendas. Præcepit autem ibidem Comiti Marchiæ HUGONI, ut pro terra

terra quam habebat in Pictavia fratri suo homagium faceret, ut debebat; quod ille vento inflatus superbiæ renuit se facturum, unde Rex iratus vehementer, quia paratus non erat ad eum debellandum, cum indignatione maxima Parisius remeavit.

MCCXLII.

Sanctus LUDOVICUS Rex Franciæ præsumptionis Comitis Marchiæ HUGONIS non immemor, cum magna multitudine armatorum terram illius aggressus est; & primò castrum quod Mosteriolum in Gastina dicitur, & turrin Birgiæ cum duobus castellis Gaufridi de Lisigneio Novento & Fontenaio fortissimis, qui de parte Comitis se tenebat, cepit ac dirui quædam fecit; deinde occupans Rex sanctus omnia usque ad Xantonas, ibidem cum HENRICO Anglicorum Rege & HUGONE Comite Marchiæ prædicto, qui ipsum Regem Henricum, eo quod matrem ejus habebat in conjugem, cum magna multitudine Anglicorum fecerat transfretare, confictum habuit ante urbem, & eos fortiter debellans, multis captis & retentis de prælio fugavit: Rex autem Angliæ Garumnam transiens apud Blaviam se recepit, & cives Xantonenses in crastino fugam Regis & Comitis perpendentes urbem Regi Franciæ reddiderunt; ad quem locum supplex veniens cum uxore & filiis Comes Marchiæ quidquid deliquerat in Regem Franciæ emendavit, & quod Rex super ipsum ceperat quitavit Comiti Pictavenfi, & eidem tam ipse quàm alij ejusdem Comitis adjutores se facturos homagium juraverunt; & Rex Angliæ multum timens, missis Regi Franciæ nuntiis, vix quinquennes inducias potuit impetrare: & ita deinceps dispositione divina sic factum est, quod Barones Franciæ contra Regem suum Christum Domini nihil facere attentarent, videntes manifestissimè cum illo Dominicam manum esse.

Tartari vastatâ Georgiâ, Indiâ, Armeniâ majori, omnes simul congregati, primam Turquiæ civitatem

Tom. XI.

X x x

Arfaron vastaverunt, & usque ad Faustre & Iconium Regiam civitatem sibi Turcos & Turquiam subjecerunt. Per unum etiam de Principibus suis nomine BATHO vastaverunt Poloniam & Hungariam, atque juxta mare Ponticum, Russiam & Gazariam cum aliis triginta Regnis, & usque ad fines Germaniæ pervererunt. Cūque verò Hungariam transire timerent dæmonibus immolantes tale accepere responsum: Ite securi quia spiritus discordiæ & incredulitatis vos præcedent, quibus turbati Hungari vobis non prævalerunt. Sicque factum est, nam ante introitum ipsorum, Rex & Principes, Clerus & populus invicem diffidebant, & ideò noluerunt ad prælium se parare, unde pavore concussi hinc inde fugientes, multa milia occisa sunt.

MCCXLIII.

Post biennem sedis Apostolicæ vacationem Romanæ Ecclesiæ centesimus octogesimus quartus natione Januensis INNOCENTIUS quartus Papa præfidet. LUDOVICUS primogenitus filiorum sancti LUDOVICI Regis Franciæ nascitur. GALTERUS Cornuti Senonensis Archiepiscopus obiit, cui successit ÆGIDIUS Cornuti ipsius frater. ODO Clementis Abbas sancti Dionysij in Francia fit Archiepiscopus Rothomagensis; & Abbas Cluniaci Episcopus Lingonensis: YVELLUS quoque prius Turohensis Archiepiscopus factus est Remensis Pontifex. ALBERICUS Cornuti Carnotensis Episcopus obiit, cui successit HENRICUS de Gresseio Archidiaconus Blefensis.

MCCXLIV.

INNOCENTIUS Papa apud Lugdunum Galliæ urbem venit ut ibi Concilium celebraret. VASTACHIO & AZANO duobus majoribus Græciæ Baronibus qui discordes fuerant, ad invicem reconciliatis, adversus JOHANNEM Constantinopolitanum Impera-

torem crevit potentia inimicorum; propter quod Imperator ipse Johannes, habito cum suis consilio, BALDUINUM generum suum juvenem Imperatorem misit in Franciam pro succursu, & ut Comitatum sive Marchionatum Namursij, atque Castellaniam Curtineti quæ sibi debebant ex decessu fratris sui Comitis Namursij evenire, ope & consilio sui consanguinei sancti Regis Franciæ reciperet LUDOVICI. Misit etiam cum eodem tres filios suos, ALPHONSUM, JOHANNEM, & LUDOVICUM ætatis parvulos, Regem Franciæ deprecans LUDOVICUM, & piam ejus matrem BLANCHAM Reginam, cujus erant pronepotes, ut eos in clientes habere & recipere dignaretur; quos sanctus Rex Ludovicus honorificè postmodum & gratanter suscipiens carè dilexit, & eos plurimum exaltavit.

Quidam Infideles qui Chorasini vocabantur, à Soldano Babylonæ invitati atque conducti, in Regnum Jerosolymitanum venientes & Christianos debellantes, ante Gazam maximam eorum multitudinem, permittente Domino, prostraverunt. In quo bello non solum Templi militia, verum etiam Hospitalis potentumque ac nobilium terræ sanctæ cecidit non modica multitudo: deinde Jerusalem invadentes Sepulcrum Domini destruxerunt, & intra atque extra sanctam civitatem Christianos quamplurimos occiderunt. Circa festum sanctæ Lucie Virginis LUDOVICUS sanctus Rex Franciæ apud Pontizaram existens graviter ægrotavit, & sic in illa infirmitate anima ejus abrepta est à corporis sensibus, quod à multis æstimaretur animam exivisse. Ut autem ab illa extasi ad seipsum rediit, Crucem protinus transmarinam instanter petiit & accepit; cujus in brevi postea sanitas subsecuta Francorum corda multiplici lætitia adimplevit.

MCCXLV.

In festo Apostolorum Philippi & Jacobi prima die
Xxx ij

Maij natus fuit PHILIPPUS sancti LUDOVICI Regis Francorum filius. INNOCENTIUS Papa circa festum Apostolorum Petri & Pauli apud Lugdunum Concilium celebravit, in quo diligenti deliberatione præhabita cum Prælati ibidem congregatis super nefandis FREDERICI Romanorum Imperatoris, ipsum omni dignitate indignum denunciavit, & sententiando privavit, omnesque qui eidem Frederico iuramento fidelitatis aut confederationis erant astricti, iuramento huiusmodi absolvit, & illis ad quos in eodem Imperio Regis Romanorum spectabat electio, eligendi liberam annuit potestatem. Post illud autem Concilium destinavit idem Papa ODONEM de Castro Radulphi Episcopum Tusculanum sedis Apostolicæ Cardinalem Legatum in Franciam, ut de ipso Regno Prælatos & Barones atque populum sua exhortatione ad Crucis Dominicæ signum recipiendum animaret, & ad transfretandum cum sancto Rege Franciæ Ludovico, qui Cruce-signatus fuerat, ad terræ sanctæ subsidium eorum animos præpararet.

LANDEGRAVIUS Dux Thoringiæ electione Principum Alemanniæ & auctoritate Papæ INNOCENTII Rex Romanorum efficitur, & prædicatur Crux circa fines Hannoniæ & Flandriæ auctoritate ipsius Papæ hominibus, ut irent in auxilium Landegravij contra HENRICUM Frederici Imperatoris depositi filium, qui vices patris per Alemanniam defendere nitebatur. Sanctus LUDOVICUS Rex Franciæ apud Lugdunum Papam INNOCENTIUM visitavit, & in reditu suo filiam Comitis Provinciæ sororem uxoris suæ MARGARETÆ Reginæ fecit fratri suo CAROLO desponsare.

LANDEGRAVIUS. MCCXLVI.

Turci & Armenij confederationem cum Tartaris facientes, spoponderunt eisdem magnam summam pecuniæ cum ingenti copia pannorum sericorum annuatim reddere pro tributo. Sanctus LUDOVICUS

Rex Franciæ in festo Pentecostes fratrem suum CAROLUM novum faciens Militem, eidem Comitatum Andegaviæ largitus est. Apud Constantinopolim JOHANNI Imperatore defuncto, BALDUINUS gener ejus rediens à Francia imperavit. INNOCENTIO Papa adhuc in Regno Franciæ commorante, mittitur ab ipso Legatus quidam in Italiam Cardinalis, ut contra FREDERICUM Imperatorem depositum spiritualiter & temporaliter dimicaret.

MCCXLVII. BALDUINUS.

Apud Iconium Turquiæ civitatem, cùm quidam jocularum cum urso in via communi luderet, ursus levato crure super Crucem quæ ibi propè sculpta erat in quodam pariete minxit, sed statim videntibus omnibus ibidem expiravit: cùmque Christiani qui in eadem urbe morabantur super id quod acciderat Deum benedicerent atque laudarent, quidam Sarra-
cenus indignatus est valde, quòd ibi super miraculo facto Deum attollerent; ideo ibidem accedens cum impetu, tamquam in contemptum ipsius Crucis & Christianorum Crucem percussit de pugno, sed statim brachium ejus cum tota manu exaruit: iterùmque Sarra-
cenus alius propè ibi ebrietati vacans in taberna, dum audiret illam admirationem *, & super eo Christianorum laudem, continuò quasi amens effectus ista vilipendens, à potatione surgens & in contemptum Christianitatis super Crucem mingere volens, morte subitanea percussus interiit. Sanctus ETMUNDUS Cantuariensis Episcopus, cujus sacri corporis gleba apud Pontigniacum Cœnobium Galliæ quiescebat, auctoritate apostolica canonizatus de terra elevatur, & Catalogo est Sanctorum deputatus. LANDEGRAVIUS Rex Romanorum obiit, cui WILQUINUS qui & GUILLERMUS Comes Hollandiæ successit.

f. * narra-
tionem.

Sanctus LUDOVICUS Rex Franciæ inter Pentecosten & festum sancti Johannis iter transmarinum arripiens, transivit per Burgundiam, & apud Lugdunum secundò Papam INNOCENTIUM & Cardinales ibidem commorantes visitavit : deinde ab eis recedens venit secundum Rhodanum ad Rocham du Gli, ubi quia dominus castri illius à transeuntibus per fluvium Rhodanum exactiones illicitas requirebat, & eos bonis omnibus indebitè spoliabat, eam obsedit, quam satis citò in deditionem accipiens, in parte destruxit. Postea verò accepta pactione à loci illius domino quòd de cetero ab injuriis & exactionibus illicitis abstineret, illam eidem restituit, & ad portum Aquarum-mortuarum perveniens die Martis in crastino beati Bartholomæi Apostoli navem cum suis intravit. Comitissa verò Attrebatensis uxor fratris sui Roberti cum esset prægnans in Franciam rediit, ibique usque ad transitum Comitis Pictavenfis ALPHONSI, qui cum BLANCHA Regina matre sua ad Regni Franciæ relictus fuerat custodiam, expectavit. Rex autem in Cypro terram capiens cum sua comitiva de consilio Baronum ibidem hyemavit. Rex Cypri & fere omnes illius insulæ nobiles exemplo Francorum animati crucis signaculum assumpserunt. Soldanus Babylonie qui versùs partes Damasci in terram Christianorum venire paraverat, auditis de Regis Franciæ adventu in Cypro rumoribus iter propositum revocavit : erant quoque inimicitie inter ipsum Soldanum & illum qui Soldanus Damasci fuerat & Halapinos. Obierunt de peregrinis Francis in Cypro ROBERTUS Episcopus Belvacensis, JOHANNES Comes Montis-fortis, Comes Vindocinensis, GUILLERMUS de Melloto & GUILLERMUS de Barris probi Milites, HERCHAMBAUDUS dominus de Borbonio, Comes Drocarum & alij quamplures Milites usque ad ducentos quadraginta.

Sanctus LUDOVICUS Rex Franciæ cum peregrinorum multitudine infinita de Cypro ubi hyemaverat circa Ascensionem Domini recedens, apud Damietam primam Ægypti civitatem applicuit; sed cum vassella nostrorum usque ad terram siccam attingere non possent propter maris planiciem, Franci relictis vassellis suis contra Sarracenos, qui littus observantes nitebantur eis defendere terram, saliendo in mare cum armis suis usque ad genua in aquis se miserunt, & viriliter in Sarracenos impetum facientes, terram hostibus repulsis & pluribus interfectis occupaverunt: deinde verò galeæ ipsorum os Nili fluvij occupantes, fugientibus Sarracenorum galeis, littus ac portum acceperunt, & ipsa die quā venerant, in littore sua tentoria posuerunt; quod percipientes de Damietta Sarraceni, mox subitò divina virtute perterriti, illa nocte populus, & die crastino Magnates de urbe exeuntes in fugam versi sunt, prius igne posito circumquaque; quo statim à nostris percepto, commoto exercitu simul concurrentes civitatem intraverunt, & in ea amoto igne garnisionem Regis Franciæ posuerunt. Demum mundata civitate sanctus LUDOVICUS Rex Franciæ, Rex Cypri & Barones totius exercitus Christiani, Legatus & Patriarcha Jerosolymitanus cum Clero universo nudis pedibus eam processionaliter intraverunt, & Mahomeriam, quæ dudum in altera ejusdem urbis captione fuerat beatæ MARIÆ Virginis consecrata Ecclesia, reconciliaverunt; deinde redditis inibi de impensis beneficiis gratiarum actionibus Deo altissimo, celebrata fuit Missa solemniter in honore beatæ MARIÆ Genitricis Dei à Legato. Sic ergo divinitus captâ Damietâ octava die post Trinitatem, Rex Franciæ & totus exercitus Christianus ibidem tota æstate usque ad decrescen-
tiam Nili fluminis perstiterunt, timentes ne in ejus
crescentia damnum incurrerent, sicut aliàs tempore

Regis Jerusalem legitur Christianis accidisse. ALPHONSUS Comes Pictavenſis ſancti LUDOVICI Regis Franciæ frater, qui ad Regni cuſtodiam cum matre relictus fuerat, eidem dominæ matri ſuæ BLANCHÆ Reginæ dimiſſâ Regni cuſtodiâ cum uxore fratris ſui ROBERTI Comitis Attrebatenſis iter tranſmarinum arripuit, & die Dominica ante feſtum Apoſtolorum Simonis & Judæ applicuit apud Damietam. Sanctus LUDOVICUS Rex Franciæ Damietâ victualibus & gente munitâ, vicesima die Novembris de urbe cum exercitu recedens, proceſſit adverſus Sarracenos, qui apud Maſſoram in magnum fuerant exercitum congregati. Cùm verò ibidem tota hyeme noſtri cum Sarracenis bene & viriliter decertaſſent, quamplurimos ex ipsis occidentes, & damna non modica inferentes; tandem dum una die inconſultè & inordinatè contra eos ad prælium proceſſiſſent, Sarraceni reſumptis viribus noſtros undique circumvallentes, non modicam ſtragem ex ipsis fecerunt; ibi namque ROBERTUS Comes Attrebatî ſancti Ludovici Regis Franciæ frater alios præveniens inconſultè, ut vidit villam Maſſoræ apertam, ſe infra eam impetuoſè ingerens cum Sarracenis fugientibus, & minùs cautè quàm decebat inter manus hoſtium incidens, temporaliter eſt amiſſus.

MCCL.

Sancto Rege Franciæ LUDOVICO Sarracenos apud Maſſoram expugnante, noſtris occulto Dei iudicio omnia ſucceſſerunt in contrarium. Nam peſte diverſarum ægritudinum, & etiam mortalitate generali tam in hominibus quàm in equis ita afflicti ſunt, ut in exercitu eorum vix aliqui eſſent qui mortuos ſuos, vel ad mortem non plangerent ægrotantes. Unde pro magna parte fuit diminutus Chriſtianus exercitus atque conſumptus; tantus enim erat defectus victualium, quòd quamplures fame & inedia defeſcerunt; non enim ad exercitum vaſella navalia de
Damietta

Damietta transire poterant propter Sarracenorum galeas quæ in flumine fuerant collocatæ. His igitur incommodis nostros arctatos inevitabilis necessitas illos induxit à loco recedere, & ad partes Damietæ redire, si Dominus providisset. At verò dum quinta die mensis Aprilis essent in itinere revertendi, Sarraceni illud percipientes mox cum infinita multitudine armatorum eos viriliter sunt aggressi. Accidit quoque permissione divina, peccatis fortasse aliquorum exigentibus, quòd Rex Franciæ sanctus LUDOVICUS cum duobus fratribus ALPHONSO Pictavensi & CAROLO Andegavensi Comitibus, ac ceteris qui cum eis redibant in manus Sarracenorum inciderent, & capti sint. Itaque per terram nemo penitus evasit præter paucos, Legatum & quosdam alios, qui paulò antè recesserant ab exercitu Christiano; major etiam pars quæ per fluvium revertebatur similiter fuit capta & interfecta. Eodem tempore Regina Franciæ MARGARETA enixa est puerum JOHANNEM nomine apud Damietam, quem TRISTAN cognominari fecit, propter tristitiam quam de captione viri sui & fratrum ejus habuit, atque de infortunio populi Christiani.

FREDERICUS Romanorum Imperator depositus HENRICUM filium suum, quem pridem Regem fecerat coronari Romanorum, accusatum sibi de rebellionem captum ducens in Apuliam squalore carceris expiravit *; & post cum inter civitates Lombardiæ Parmam tamquam sibi magis exosam in manu valida obsedisset, à Legato Papæ INNOCENTII & à Parmensibus devictus, amissis thesauris & rebus aliis, in Apuliam rediit, & post in * Apuliam transiens, f. * per gravi infirmitate correptus diem clausit extremum. Post cujus mortem, filius ejus CONRADUS de filia quondam JOHANNIS Regis Jerusalem coepit in Apulia & Regno Siciliæ fortiter dominari. INNOCENTIUS Papa audita Frederici nece de Lugduno Galliæ recedens, profectus est in Italiam apud Affi-

f. * Am-
ham.

538

Chronicon

liam *, & ibidem longo tempore moratus est. Soldanus Babylonie MELECH Helvahenni ultimus de genere SALAHADINI, qui sanctum Regem Francie LUDOVICUM tenebat captivatum, à suis interfectus est; & tunc sanctus Rex pretio dato Sarracenis & Damietâ redditâ, cum fratribus suis & ceteris captis Christianis liberatus est. Porro post liberationem suam, mittens duos fratres suos CAROLUM & ALPHONSUM in Franciam ad consolandam matrem suam, ipse Rex sanctus transfretavit in Acon & infortiavit eam muris & turribus, similiter autem Joppem & Sydonem, & quædam castra firmare taliter fecit, quod suis possent resistere inimicis; & per spatium quinque annorum vel circiter in terra sancta remanens, multos captivos Christianos redemit, & multa alia bona fecit.

MCCLI. CONRADUS.

Mirabile prodigium & novitas inaudita in Regno Francie accidit. Nam quidam latronum principes ad seducendum simplices & disseminandum Crucem in populo, falsis adinventionibus fingeant se visionem Angelorum vidisse, & beatam MARIAM Virginem apparuisse & præcepisse, ut Cruces assumerent, & de pastoribus & simplicioribus populi quos elegerat Dominus, quasi exercitum congregarent ad subveniendum terræ sanctæ, & Regi Francie illis in partibus succurrendum; & hujusmodi visionis tenorem in baneriis quasi ante se deferri faciebant, cælatis imaginibus depingebant. Qui primò per Flandriam & Picardiam transeuntes, per villas & campos deceptivis exhortationibus pastores & simpliciores populi quasi ferrum adamas attrahebant: qui cum pervenissent in Franciam, in tanta numerositate jam creverant, quod sub millenariis & centenariis constituti quasi exercitus procedebant, & cum per campestria loca pertransirent juxta caulas & greges ovium, pastores relictis gregibus & inconsultis parentibus nes-

cio quibus debacchationibus agitati, se cum illis in facinus involuebant; & cum pastores & simplices, licet non secundum scientiam, bona intentione hoc facerent, erant tamen inter eos latrones & homicidæ quamplurimi arcani sceleris conscij, quorum consilio magistrorum fallax * regebatur. Qui cum per villas ^{f. * phalanx.} & civitates transitum facerent, erectis in altum appa-
futis * & securibus aliisque armorum utensilibus, ita ^{f. * mafu-} terribiles populo se reddebant, quod vix aliquid erat ^{cis.} de judiciaria potestate, qui non in aliquo eisdem contradicere formidaret; ipsique in tantum errorem jam deciderant, quod desponsalia faciebant, Cruces dabant, & etiam de peccatis, ut dicitur, facie tenus absolvebant, & quod deterius erat; ita communem populum secum in errorem involverant, quod affirmabant plurimi, & alij credebant, quod cibaria & vina coram eis apposita non deficerent propter eorum comestionem, sed potius augmentum recipere videbantur. Clerus autem cum audiret populum in tantum errorem incidisse, condoluit: & quoniam hujusmodi errori contradicere voluit, pastoribus & populis exosus efficitur, & tam iniquo odio hos oderunt, quod plures eorum in campis repertos occidentes, Martyres ut credimus effecerunt. Regina verò BLANCHCA quæ sola Regnum Franciæ mira sagacitate tunc regebat, fortè non suo errore eos sic incedere tolerabat, sed quia filio suo sancto Regi LUDOVICO & terræ sanctæ per eos sperabat adjutorium pervenire. Cum autem transissent urbem Parisius, putaverunt se ab omnibus periculis evasisse, jactantes se quod boni essent homines, & hoc per rationem arguebant; quia cum fuissent Parisius ubi est fons totius sapientiæ, numquam fuerat eis in aliquo contradictum. Tunc errores suos coeperunt vehementius augmentare, & ad furta & rapinas studiosius intendere; qui cum Aurelianis pervenissent, cum Clericis Universitatis prælia commiserunt, plurimos eorum occidentes, sed de illis plurimi consimiliter occisi sunt. Dux au-

Y y ij

tem eorum quem Magistrum de Hungaria nominabant, dum de Aurelianis Bituris cum eis pervenisset, Synagogas Judæorum intrans, libros eorum destruxit, & eos bonis omnibus indebitè spoliavit; sed dum recessisset ab urbe cum populo, Bituricenses eos cum armis insequentes Magistrum cum pluribus occiderunt, post quorum casum alij in diversis locis dispersi, propter maleficia sua interfecti vel suspensi fuerunt, ceteri quasi fumus evanuerunt.

MCCLII.

In Dacia HENRICUS Rex Dacorum inclytus ab ABEL fratre suo juniore ut regnaret pro eo in mari suffocatur, sed parum honoris & commodi propter hoc est assecutus; nam sequenti anno Regni sui cum Frisones subjugare voluisset, à Frisonibus est occisus. INNOCENTIUS Papa constituit, ut omnes Cardinales Romanæ Ecclesiæ portent in capite capellum rubeum dum equitant, ut discernantur & cognoscantur ab aliis secum equitantibus, per hoc innuens quòd in persecutione Fidei & justitiæ Romana Ecclesia, quæ caput est omnium aliarum, præ ceteris caput debet apponere, si necesse fuerit, cruentandum. ALPHONSUS & CAROLUS sancti LUDOVICI Regis Franciæ fratres de transmarinis partibus in Franciam redierunt. Parisius orta est turbatio inter Clericos & Religiosos ibidem studentes, propter quemdam librum quem magister GUILLERMUS DE SANCTO AMORE Canonicus Belvacensis composuerat, de mundi periculis intitulatum; sed ipso Magistro propter hoc ad Romanam Curiam accedente, dicta est discordia per Papam INNOCENTIUM consopita.

Eodem tempore Abbas sancti DIONYSII in Francia GUILLERMUS misit per duos ejusdem loci Monachos sancto Regi Franciæ Ludovico in transmarinis partibus commoranti navem pannis varij coloris ad vestiendum aptis, caseis & volatilibus one-

ratam, quos Rex sanctus tamquam Patroni sui sancti DIONYSII nuntios speciali lætitia suscipiens, tanto itinere fatigatos diu secum retinuit, oblati multis muneribus, si recipere voluissent; qui cum ejus licentia postmodum recedentes ab eo, sani & incolumes post gravia maris pericula ad propria remearunt.

MCCLIII.

Neapolis civitas Apuliæ quæ per biennium passa fuerat insultus MANFREDI Principis Tarentini filij FREDERICI quondam Imperatoris de quadam concubina, à CONRADO filio dicti Frederici legitimo obsidetur; qui cum eam quinque mensibus obsessam tenuisset, & eam quibusdam pactis cum civibus initis recepisset, omnes muros civitatis & meliores domos civium funditus evertit, & idem postea fecit similiter de Capua & Aquino; qui cum patris vestigia in persecutione Ecclesiæ sequeretur, justo Dei judicio percussus interiit, relicto unico filio admodum parvulo nomine CONRADINO, post quem Regnum Siciliæ MANFREDUS ejus frater simulata nepotis sui Conradini fide tutoria usurpavit. Regina Franciæ BLANCHA sancti Regis genitrix LUDOVICI obiit, & apud Pontisaram in Abbatia Monialium feminarum Ordinis Cisterciensis, quam ipsa permissu filij sui Regis Ludovici fundaverat, sepelitur. Tunc ergo quia Rex sanctus Ludovicus aberat, fratres ejus ALPHONSUS & CAROLUS Comites Regni custodiam habuerunt; nondum enim LUDOVIGUS & PHILIPPUS filij sancti Regis ætatem attigerant, ut possent vel scirent ad fortia ponere manus suas. INNOCENTIUS Papa audita morte CONRADI filij Frederici Imperatoris depositi, de consilio sapientum Regnum Siciliæ intravit, & usque Neapolim pervenit. Eodem tempore quidam Turcus nominatus MELEC ELVAHAM, Soldanus Babylonæ effectus est.

MCCLIV. MANFREDUS.

INNOCENTIUS Papa dum præpararet exercitum contra Manfredum Principem Tarentinum occupatorem Regni Siciliae, apud Neapolim diem clausit extremum; post quem Romanae Ecclesiae centesimus octogesimus quintus ALEXANDER quartus natione Campanus præsidet. CONRADINUS puer filius CONRADI metuens MANFREDI patrui sui tyrannidem, ad patrem matris suae Ducem Bajoriae latenter fugit in Bajoriam. JOHANNES filius Comitissae Flandrensis & Hannoniae MARGARETAE primogenitus ex BUCARDO domino de Avenis, contra matrem insurgens voluit eidem matri suae in sua præripere qui eam jure hereditario contingebat Hannoniae Comitatum; quare mater indignata CAROLUM Comitem Andegavensem fratrem sancti Regis Franciae LUDOVICI in suum adiutorium invocavit, & eidem in contemptum filij dictum Comitatum tribuit & concessit; qui accepto taliter Comitissae dono, statim apud Valentianas castrum fortissimum caput totius Hannoniae Comitatus garnisionem magnam militum cum HUGONE de Bauceio Milite strenuissimo destinavit, qui contra voluntatem villae burgenfium, qui sibi erant contrarii, portarum aditus & castri munitionem saiserunt. Postea verò CAROLUS collecto de Francia ingenti exercitu, qui ad quinquaginta millia poterat aestimari, Comitatum Hannoniae potenter intravit, & multas munitiones & villas vi vel deditione recipiens, ad castrum quod Mons in Hannonia nominatur perveniens, illud obsedit. Interim autem JOHANNES filius Comitissae non quiescens, WILQUINUM de Hollandia Regem Romanorum, & multos nobiles de Brabantio & Alemannia ex parte patris de suo genere procreatos, ante Valentianas in magna multitudine gentis & potentia congregavit; quos HUGO de Bauceio gentis Caroli Capitaneus, PETRUS de Blemu & quidam alij de villa conspi-

cientes, ausu temerario de castro portis apertis contra eos exierunt, cupientes animositatem Teuthonum experiri, & conflictu inito ante fores cum viderent sibi periculum imminere, intra villam se se cum impetu detraxerunt: quos persequens quidam miles strenuus de hostili exercitu nomine STRADIOT, castrum cum illis nescio cujus vexillum ante intonans, est ingressus, sed portis lapsatis interiùs est retentus. Hujusmodi verò CAROLUS rumores audiens, & timens Valentiani castri burgenfium prodicionem contra suos, mox virum in armis strenuum LUDOVICUM Comitem Vindocinensem, cum quibusdam aliis illuc in gentis suæ adjutorium destinavit; qui cum Valentianas appropinquare cœpissent, banerias suas deplicare fecerunt, ut sui de villa visis armorum signaculis portas aperirent, & hostilis exercitus qui ex parte alia ultra Scaldum fluvium residebat, de ipsorum adventu forsitan teneretur *. Videns autem * timerent. WILQUINUS Rex quòd suo exercitui cibos diu ministrare non posset, juxta Carolum cum gente sua, qui Montem obsederat, se retraxit; & quia cibus sibi & genti suæ deficientibus, atque sumptibus, aut statim pugnare aut citò reddere oportebat, diem pugnae Carolo nuntiavit. Ille autem quantum in se erat istud desiderans, sed aliquos Barones de Francia secum habens, ut erat Comes Blesensis, Comes sancti Pauli & dominus de Cociaco de JOHANNIS sanguine procreatos, qui certamen fieri minimè permittebant, treugis acceptis, & rebus in tali statu remanentibus, CAROLUS in Franciam se recepit: sed eodem tempore de transmarinis partibus reversus in Franciam sanctus Rex LUDOVICUS pacis & concordia filius, pacem postmodum composuit inter ipsos.

HAAŁON Princeps Tartarorum potentissimus civitatem Sarracenorum Baldach ubi erat sedes Calyphæ cepit, ipsum Calypham fame mori faciens; qui dum valde esuriret fecit aurum quod nimis dilexerat

ponere ante illum dicens : Comede hunc cibum quem tantum dilexisti.

MCCLV.

WILQUINUS, qui & GUILLERMUS, Romanorum Rex à Frisonibus est interfectus ; post quem Electores se in duo dividentes, elegerunt quidam Regem Hispaniæ, alij RICHARDUM Comitem Cornubiæ fratrem Régis Angliæ HENRICI ; sed tandem Richardus fuit apud Aquisgranum ope suæ pecuniæ coronatus. Taurinenses de consilio Astensium dominum suum Comitem Sabaudia ceperunt ; quod graviter ferens Romana Ecclesia, eo quòd ex dono GUILLERMI Romanorum Regis & Ecclesiæ ipsam Taurinensem urbem receperat, ipsos Taurinenses & Astenses Lombardos excommunicavit, & eorum bona per sanctum Regem Franciæ LUDOVICUM capi in toto Regno ipsius procuravit ; dicta verò civitas Taurinensis fuit obsessa à BONIFACIO Lugdunensi Electo, & à PETRO de Sabaudia dicti Thomæ fratribus, sed non capta. Branchaleon de Bononia urbis Romæ Senator pacis & iustitiæ cultor præcipuus, de consilio quorundam Cardinalium & Romanorum Nobilium orta dissensione obsessus fuit in Capitolio, qui cùm se dedisset, populus eum apud Septem-foles in custodia mancipavit ; sed tandem nobilibus traditus & incarceratus in quodam oppido malè tractatus est, & nisi habuisset Bononiæ Romanorum obsides, Romani eum occidissent, eo quòd in exercitio iustitiæ & in rapinarum habitu eidem minimè pepercisset : Bononienses verò licet interdicti à Papa fuissent, tamen nisi civem suum rehaberent, obsidem suum reddere noluerunt.

MARGARETA Flandriæ & Hanoniæ Comitissa videns quòd FLORENTIUS Comes Hollandiæ defuncti Wilquini Regis JOHANNEM & BALDUINUM suos filios ex Buchardo domino de Avenis contra se tueretur, & eosdem in Hollandia reciperet ;
magnum

magnum ex sua gente adversus eos congregavit exercitum, cui præerant ejus duo filij GUIDO & frater ejus de domino Domnæ-Perræ geniti, atque Guinensis & Barri Comites, & de Valerico HERARDUS egregius Miles & strenuissimus, qui per mare cùm venissent ad littus Hollandiæ, à quodam partis adversæ milite proditi, in potestatem Comitis Hollandiæ devenerunt. Comes autem de Guinis & Frisones, qui illuc lucri causâ non adjutorij convenerant, HERARDUM de Valerico & Barrensem Comitem rapuerunt, sed eosdem postea acceptâ magnâ pecuniâ reddiderunt incolumes suæ genti.

RICHARDUS. MCCLVI.

Discordia quæ fuerat inter Fratres Prædicatores, Minores & alios Religiosos Parisius studentes contra Magistrum GUILLERMUM de sancto Amore Canonicum Belvacensem super librum quem, *De mundi periculis*, intitulatum composuerat recidiuavit; propter quam sedandam & pacificandam misit Rex Franciæ LUDOVICUS duos ad Romanam Curiam Clericos, ut per Papam ALEXANDRUM finem debitum fortiretur. Tandem hinc inde multis propositis, damnatus & combustus extitit liber ille apud Anagniam coram Papa in Ecclesia Cathedrali, non propter hæresim ut dicebant aliqui, quam contineret, sed quia contra præfatos Religiosos seditionem videbatur & scandalum excitare.

GUIDO filius Comitissæ Flandriæ & frater ejus, atque omnes de Flandria quos FLORENTIUS Comes Hollandiæ tenebat carceribus mancipatos, auxilio fuerunt CAROLI Andegavenfis Comitis liberati; dictus verò Florentius ex condicção debuit sororem ducere in uxorem filij Comitissæ Flandrensis, & ad preces sancti Regis Franciæ Ludovici Carolus frater ejus Comes Andegaviæ, magnâ receptâ pecuniâ, quitavit totaliter Valentianas & Hanoniæ Comitatum; actûmque fuit inter fratres filios Flandrensis Comi-

Tom. XI.

Zzz

tissæ quòd post mortem genitricis eorumdem, Comitatus Hanoniæ ad fratres de Avenis liberè deveniret, & Comitatus Flandriæ GUILLERMI de Domna-Petra filiis cum terris aliis remaneret. Mense Septembri fuit apud Romam & Anagniam terræ motus ita magnus, quòd Romæ campana sancti Silvestri per se pulsaverit, & ejus tinnitus audiretur.

MCCLVII.

Soldanus Babylonie MELECH Elmahem de genere Turcorum cùm regnasset quinque annis, ab uxore sua in balneo suffocatus est; cui successit filius ejus MELECH EMEMOR, qui cùm regnasset anno uno, à quodam de Admiralibus suis, qui vocabatur SEFEDUS Cotos, ejectus est de Regno, & ille Admiralius Soldanus efficitur, vocaturque MELECH ELVACH.

Cùm CAROLUS Comes Andegaviæ Comitatum Provinciæ, qui uxorem ejus jure hereditario contingebat liberè suscepisset, Marsiliæ civitas opulenta, quæ de jure sub dominio Comitum Provinciæ solet esse, à fide Caroli descivit; propter quod Carolus adversus Marsilienses insurgens, viriliter eorum insolentiam in brevi repressit, & Francorum fretus auxilio superbiam castigavit. BRANCHALEO de Bononia in Senatorem urbis Romæ iterum electus, cùm Romæ venisset, turres urbis dejiciens præter turrim Neapolionis Comitum, plures nobiles faventes Ecclesiæ captivavit.

HENRICUS Senonensis Archiepiscopus obiit.

MCCLVIII.

MARIA Constantinopolis Imperatrix, quæ propter succursum viro suo ferendum BALDUINO Imperatori venerat in Franciam, dum Castrum Namursiæ, quod Balduinum virum suum jure hereditario contingebat, occupasset, Comes de Luceburgo eam in fortalitio existentem juvante sibi villa Na-

mursij, obsedit; ad cuius auxilium venientes Comitissa Flandriæ, Comes Augi & alij duo ejusdem Imperatricis fratres JOHANNES & LUDOVICUS, cum multis Francorum militibus, parum aut nihil profecerunt, unde oportuit illam recedere usque ad tempus magis postea opportunum. GUILLERMUS de Bussiis Aurelianensis, & GUILLERMUS Rollandi Cenomanensis Episcopi obierunt. In Mense Septembris tanta fuit in pluribus locis inundatio pluviarum, quod segetes in campis & granchiis germinaverunt, & racemi in vineis ad debitam maturitatem pervenire minimè potuerunt; fueruntque postea vina adeo virida, ut cum remorsu & vultus impatientia biberentur.

MCCLIX.

In Episcopatu Parisiensi fundatum est Coenobium fororum Minorum juxta sanctum Clodoaldum supra Secanam à Religiosa & illustri domina YZABELLA Virgine, sorore sancti Regis Franciæ LUDOVICI, ipso Rege eidem Monasterio possessiones & redditus in sustentationem fororum congruos assignante: quæ Yzabella habitum fororum ibidem suscipiens, religiosè vivendo vitam suam fine laudabili terminavit.

MANFREDUS Princeps Tarentinus filius Frederici quondam Imperatoris, CONRADINI nepotis sui morte conficta, fecit se in Regem Siciliæ coronari contra jus & mandatum Ecclesiæ Romanæ, de cuius feodo Regnum Siciliæ tenebatur; propter quod & alios actus suos nefarios atque graves offensas, quas nimis longum esset hîc enarrare, Papa ALEXANDER ipsum excommunicationis vinculo innodatum Principatu Tarentino & alio honore & dignitate qualicumque, tamquam rebellem Ecclesiæ & hostem, suorumque jurium invasorem, occupatorem & detentorem sacrilegum, sociarumque nefando fœdere Sarracenis, ac eorum complicem, ductorem & protectorem publicum auctoritate Apostolica privavit.

Zzz ij

Rex Angliæ HENRICUS cum Comite Glocestriæ & multis Regni sui Militibus & Prælati veniens in Franciam, cum sancto Rege Franciæ LUDOVICO pacificatur. Quittavit enim Regibus Franciæ de expressa voluntate fratris sui Regis Romanorum RICARDI, & consilio Principum ac Baronum Angliæ, quidquid juris requirebat in Ducatu Normanniæ, & Comitatibus Andegaviæ, Cenomaniæ, Turoniæ & Pictaviæ, ac in eorum feodis. Rex verò Franciæ sanctus LUDOVICUS dans eidem magnam pecuniæ summam, assignavit sibi & suis successoribus magnam terram in Lemovicensi, Petragoricensi, Xantonensi & Agenensi Episcopatibus, tali conditione quòd illam terram, Burdegalam & Baionam cum tota Gasconia de Regibus Francorum ipse & successores sui Reges Angliæ in feodum retinerent, & Rex Angliæ adscriptus in numero Baronum Franciæ, Par & Dux Aquitaniæ de cetero vocaretur; de quibus tunc Rex Angliæ coram Prælati multis utriusque Regni fecit homagium sancto Regi Franciæ Ludovico.

Eodem tempore LUDOVICUS primogenitus sancti Regis Franciæ LUDOVICI filius obiit, & apud Montem-Regalem Cœnobium Cisterciensis Ordinis præsentem Rege Angliæ HENRICO traditus est sepultura.

MCCCLX.

Sanctus LUDOVICUS Rex Franciæ congregavit Parisius Paschali tempore Barones, Prælatos & Milites Regni sui eo quòd scripserat sibi Papa Tartaros in transmarinis terræ sanctæ partibus irruisse, Sarracenos vicisse, Armeniam, Antiochiam, Tripolim & Damascum, Halapiam & terras alias subjugasse, & tam Acon civitati quàm toti Christianitati illis in partibus periculum imminere. Unde ordinatum fuit ibidem de orationibus multiplicandis, processionibus faciendis, & blasphemis in Deum puniendis, pec-

catis & superfluitatibus ciborum ac vestium reprimendis, & injunctum est quòd non luderetur aliis ludis, nisi quòd homines exercerent se in arcubus & balistis.

Reges Hungariæ & Boemiæ pro quibusdam terris ad invicem discordantes, exercitu congregato in finibus Regnorum ex utraque parte innumerabili acriter pugnauerunt; sed tandem Rege Hungariæ vulnerato, Hungari fugere cœperunt, & in quodam fluvio per quem transire debuerant, præter occisos quatuordecim millia submersi sunt. Unde Rege Boemiæ intrante Hungariam, Rex Hungarorum qui evaserat, pacem quæsit, & terris quæ discordiæ causa fuerant restitutis, in futurum amicitiam cum Rege Boemiæ mediante matrimonio confirmavit. Florentini Italiæ congregato exercitu ut Senensem urbem destruerent, à militibus **MANFREDI** Regni Siciliæ inuasoris, & Comite **JORDANO**, qui civitatem Manfredi traditam defendebat, capti & devicti sunt, fuitque civitas eorum capta & quamplurimum destructa, ac dominationi Senensium subdita & Manfredi.

Obiit **PHILIPPUS** Bituricensis Archiepiscopus, cujus sanctitatem post mortem ipsius Dominus diversis signis & miraculis declaravit. Successit autem eidem **JOHANNES** de Soilliaeco Decanus Bituricensis Ecclesiæ.

MCCLXI.

In festo sancti Urbani Papa **ALEXANDRO** defuncto, Romanæ Ecclesiæ centesimus octogesima sextus **URBANUS** quartus natione Gallicus de civitate Trecenti præsidet. Hic primò Patriarcha Jerusalemitanus, post Papa, Ecclesiam apud Trecentas mirandi operis in domo patris sui construi fecit, & ibi Canonicis sæcularibus constitutis, magnos redditus assignavit. **BALDUINUS** Græcorum Imperator, Franci & Latini à Constantinopoli per Græcos ejiciuntur, faventibus eisdem Januensibus in odium Venetorum: & sic à Græcis recuperato Imperio, qui-

Z z z iij

dam ex ipsis, PALEOLOGUS nomine, Imperator efficitur, & Balduinus in Franciam exulatur. In diocesi Lugdunensi quidam cupiditate tractus peregrinum quemdam beatæ MARIÆ Matris Domini interfecit, cujus interfectionis cultellus quamvis frequenter extersus, arena confricatus, & aqua lotus fuisset, sanguinem stillare non desit, quousque peregrinus inventus sepelitur, & suspenditur homicida.

MCCLXII. PALEOLOGUS.

YZABELLIS filia Regis Arragoniæ apud Claramontem in Avernia PHILIPPO sancti Regis Franciæ LUDOVICI primogenito desponsatur, propter quod matrimonium Rex Arragoniæ in signum pacis & concordie quam habere de cetero erga Regnum Franciæ intendebat, quittavit Francorum Regibus in perpetuum quidquid in civitatibus Carcassona, Bliteris * & Amiliano possidebat, & vicissim Rex Franciæ Arragonum Regibus dedit quidquid in Comitatibus de Besudo, Ampuria, Rocilione, Barcinona & Cathalonia reclamabat se habere.

* l. Biteris

Marfilienses consilio, ut dicebatur, & auxilio BONIFACII domini cujusdam castri fortissimi, quod dicunt Castellena, in Provincia, contra dominum suum CAROLUM Andegavensem & Provinciæ Comitem rebellantes, iterum gentes suas urbis custodiæ deputatas crudeliter occiderunt; quod cum audisset Carolus, contractis undecumque Francorum copiis, primò castrum Bonifacii aggressus, illud tormentorum ictibus conquassatum tandem in deditionem accepit; deinde Marfilienses longa obsidione afflictos, & ciborum penuria maceratos, ita perdomuit, ut coacti se ejus redderent voluntati: sed ne tanta rebellionis præsumptio remaneret impunita, omnes illius seditionis principes fecit in communi spectaculo secundum rigorem justitiæ decollari, & terram Bonifacii occupans ipsum à finibus Provinciæ proturbavit. In quo facto se suis hostibus terribilem reddidit, &

famâ celeberrimum per exteras nationes.

MCCLXIII.

HENRICUS Rex Angliæ cū quædam statuta ad utilitatem Reipublicæ per Regnum suum consilio Prælatorum & Principum statuisset, & ea ipse Rex & Prælati, Barones & Milites totius Angliæ juramento & excommunicatione interposita per Prælatos adfirmassent firmiter observare; id ipsum SIMONEM de Monte-forti Comitem Lycestriæ Regis Henrici sororium, qui eorum levitatem in talibus revocandis agnoscebat, pavitantem ne postea revocarent, facere compulerunt, ipso etiam jurante quod numquam postea revocaret. Cū autem postmodum minùs providè illa in nihilum deduxissent, & id Simonem confirmiliter facere monuissent; ille juramenti dignitatem inviolabiliter observare volens, inter ipsos dissensionis & guerræ materiam ministravit. Nam Rex Angliæ HENRICUS, & RICHARDUS Rex Romanorum frater ejus cum parte maxima Baronum Angliæ contra dictum Simonem ob præfatam causam exercitum collegerunt. Ipse verò cum Comite Glocestriæ qui sibi tunc adhærebat, & civibus Londoniæ eisdem occurrens cum filiis ex adverso juxta quamdam Abbatiam quæ Lyans nominatur, eos viriliter aggreditur, & dissipatis omnibus Regem Henricum & ejus filium Eduardum, Regem Romanorum & ejus filium Henricum, cum pluribus aliis ibidem cepit, & honore quo debuit in tali casu fideliter observavit.

CAROLUS Comes Andegavis & Provinciæ, frater sancti Regis Franciæ LUDOVICI, in Senatorem urbis Romæ eligitur ad vitam. Sanctus Ludovicus Rex Franciæ affectu piissimo cupiens pacem componere inter Regem Angliæ Henricum & Barones suos, venit apud Boloniam supra mare cum GUIDONE Sabineni Episcopo Cardinali, quem URBANUS Papa pro dicta discordia sedanda in Angliam destinabat;

fed cū in Angliam intrare non permetteretur, sanctus Rex Franciæ Ludovicus per nuntios mandavit de Monte-forti Simonem, & habens cum ipso colloquium cū à suo inflexibilem consideraret proposito, liberè permisit ad propria remeare.

MCCLXIV.

URBANUS Papa MANFREDI Regni Siciliae inuasoris nequitiam terminare desiderans, per Simonem sanctæ CECILIAE Presbyterum Cardinalem obtulit ipsum Regnum Siciliae, Ducatus Appuliae & Calabriae, cum Capuæ Principatu CAROLO Andegavensi Comiti fratri sancti Regis Franciæ LUDOVICI usque ad heredem quartum liberè possidendum, si contra dictum Manfredum insurgeret, & sanctam Ecclesiam ab ejus invasione tyrannica liberaret. Quod donum Carolus latus gratañter suscipiens, tamquam filius obedientiae mandatis Apostolicis devotè obediens, contra Manfredum arma corripuit, & undecumque potuit expeditionis suæ materiam præparavit. Manfredus tamquam sibi conscius timens ne de Franciæ finibus egrederentur aliqui qui ipsum discuterent in ruinam, majorem partem civitatum Italiae donis & promissionibus, vel alio modo quo potuit confederationis auxilio sibi junxit; & propter hoc ibi suum quemdam Vicarium moribus sibi consimilem nominatum POILEVOISIN cum copiis armatorum hostium constituit, quatinus urbes sibi confederatas ab incurfibus hostium custodiret, & exploratores de quibus timebat, ac nuntios omnes ad Romanam Curiam venientes secundum nominis sui interpretationem spoliaret.

Circa festum sancti Remigij URBANO Papa defuncto Romanæ Ecclesiæ centesimus octogesimus septimus CLEMENS quartus præsidet. Hic primò habens uxorem & liberos fuit famosissimus Advocatus, & Regis Franciæ Consiliarius, mortuæque uxore propter vitam & scientiam ejus laudabilem fuit Po-

diensis

diensis Episcopus, & post Narbonensis Archiepiscopus, deinde Sabinensis Episcopus Cardinalis effectus, ac demum Papa; vigiliis, jejuniis & orationibus intentus multas tribulationes, quas suo tempore Ecclesia sustinebat, Deus suis meritis creditur extinxisse. Florebant hoc tempore Parisius insignes Theologi, Frater THOMAS de Aquino Ordinis Prædicatorum, & Frater BONAVENTURA Ordinis Minorum, atque de sæcularibus Clericis Magister GUERADUS de Abbatis-villa & Magister ROBERTUS de Sorbona, qui scholares Parisius primus constituit Sorbonenses.

MCCLXV.

CAROLUS Comes Andegavis & Provinciæ Paschali tempore ex insperato movens de portu Marsiliæ, per maris pericula & inimicorum suorum insidias Romæ navigio est transuectus; quod videntes Romani & etiam omnes qui sui mirabilis modum transitus audierunt, mirabantur dicentes; Quis putas iste erit, quem nec maris pericula nec hostium terrent insidiæ? Etenim manus Domini cum illo erit. Tunc verò à Papa CLEMENTE & toto Populo Romanorum cum honore & ingenti desiderio est susceptus; qui primò urbis Romæ Senatoriam obtinuit ad vitam, & in brevi unctione sacra linitus à summo Pontifice, acclamante populo, *Vivat Rex, vivat Rex*, ad titulum Regni Siciliæ Regali diademate coronatur.

EDUARDUS Regis Angliæ HENRICI primogenitus dolo, ut dicebatur, Comitis Glocestriæ de prisonem SIMONIS Montis-fortis Comitis Leycestriæ per cursum equi velocissimi evadens, adversus dictum Simonem & ejus complices magnum valde exercitum congregavit, & in festo sancti PETRI ad Vincula dimicantes Simonem & Henricum ejus filium cum multis aliis Eduardus & sui occiderunt. GUIDO verò alter dicti Simonis filius vulneratus capitur, & Rex Henricus & alij qui tenebantur à dicto Simone libe-

Tom. XI.

A a a a

rantur. Post hæc Eduardus de Londoniensibus & pluribus aliis triumphans, nec fidem nec spem datam pluribus observavit; sed crudelitatibus inserviens, quosdam in prisonem vitam finire fecit, & alios exheredans terras eorum suis fautoribus pro parte distribuit. Porro corpus dicti Simonis Monachi cujusdam Abbatiæ, quæ vocatur Entesem, juxta quam prælium commissum est, colligentes in suam sepeliendum Ecclesiam portaverunt. Ad cujus tumulum, ut affirmant indigenæ, multi languentium sanitatis gratiam consecuti, CHRISTUM approbant ejus Martyrium accepisse.

In Regno Franciæ contra MANFREDUM Siculum Cruce prædicata ROBERTUS Flandrensis Comitis GUIDONIS filius CAROLI Regis tunc gener, Buchardus Comes de Vindocino & GUIDO Autissiodorensis Episcopus cum pluribus aliis Cruce signatis circa festum sancti Remigij iter arripiunt, & transeuntes quidam per montes Argentariæ, alij per Provinciam, simul convenerunt apud Albiam Italiæ civitatem; & inde transitum facientes per Lombardiam, cum Marchisio Poilevoisin & Cremona civitas cum pluribus aliis sibi adhærentibus ad debellandum eos toto conamine præpararent, ipsi viriliter accincti ad prælium castra Cremonæ & Brixie sibi contraria destruxerunt, & celeriter usque Romam ad Regem Carolum pervenerunt.

MCCLXVI. CAROLUS.

Per Franciam mense Augusto ante diei auroram cometes apparuit, qui versus Orientem suos radios dirigebat. Ex Africa Sarracenorum multitudo quamplurima per angustum mare transiens in Hispanias, & Sarracenis qui inibi morabantur adjuncta, plagam in Christianis maximam exercuerunt; sed de diversis partibus Christiani Hispaniæ adunati, Sarracenos licet cum multo suorum sanguine devicerunt. Apud Romam Francigenis contra MANFREDUM Regni

Siciliæ invasorem in auxilium Regis CAROLI congregatis ipse Rex Carolus de Roma cum suis egrediens, terram suorum hostium ingressus est; qui omnes munitiones ante se capiens per pontem de Ceperano, ubi erat ad terram Apuliæ & Laboris introitus, ingressus, usque ad sanctum Germanum acculerunt, in quo erat propter loci fortitudinem major pars Manfredi exercitus, pervenerunt: quod statim oppidum invadentes, BUCHARDO Comite Vindocinensi Milite strenuissimo insultum præ aliis inferente, & in villam se cum suis imponente, ex imperato castrum capiunt, & inimicos exinde fugere compulerunt. Sic igitur inopinata & subita hujus castri expugnatione peracta, CAROLUS Rex vires colligens & aliquantulum reparato exercitu hostes suos usque Beneventum, ubi confugerant ad Manfredum potenter est insecutus: cum quibus quodam die Veneris mensis Februarij conflictum iniens ante Beneventum in planicie, ipsorum confecit exercitum, Manfredum cum pluribus interfecto, & illius captis majoribus & retentis. Sed & parum post uxor Manfredi cum liberis & sorore Regi Carolo est redita, & post Beneventum Leuteria Sarracenorum civitas ad deditionem cogitur pervenire. Eodem temporis concursu frater Regis Hispaniæ HENRICUS vir potens in rebus bellicis & multum callidus, sed sceleratissimus & in cultu fidei Catholicæ non diligens persecutor, offenso fratre suo cum diu apud Regem Tunarum profugus latuisset, audito quod Carolus Manfredum superasset & dominaretur in Appulia, venit ad ipsum cum pluribus probis & electis militibus qui eum fuerant de Hispania consecuti: quem Rex Carolus gratanter suscipiens eo quod de suo esset sanguine, & in re militari potens & strenuus, illum quamplurimum honoravit: & quia intentus erat Regni & terræ illius custodiæ, ut quam de novo acquisierat, si posset fieri, in pace conservaret, dictum Henricum amplius honorare cupiens urbis Romæ

Aaaa ij

Senatoriam eidem loco sui regendam commisit; ex quo facto postea damnum & gravamen non modicum reportavit.

MCCLXVII.

* Boddar

* BODDAR Soldanus Babylonie & Damasci Armeniam vastatam Antiochiam cepit, & tam viris quam mulieribus captis & occisis, urbem tam inclytam Sarraceni in solitudinem redegerunt. Sanctus LUDOVICUS Rex Francie PHILIPPUM suum majorem natu filium & ROBERTUM nepotem suum Attrebatensem Comitem cum multis aliis apud Parisius die festo Pentecostes Milites novos fecit, & eosdem in crastino apud sanctum Areopagitam Dionysium Regum Francie Patronum & totius Gallie regionis Apostolum in peregrinationem ducere dignum duxit. Apud sanctum Dionysium in Francia facta est Regum Francorum in Monasterio illo, per diversa loca quiescentium, per sanctum Regem Francie Ludovicum & MATTHEUM Abbatem illius Monasterij simul adjuncta translatio; & qui erant tam Reges quam Reginae de genere MAGNI CAROLI descendentes simul in dextera parte Monasterij per duos pedes & dimidium super terram calatis imaginibus elevati positi sunt, & alij procedentes de genere Regis HUGONIS CAPUTII in sinistra.

MCCLXVIII.

CLEMENS Papa obiit, post quem Sedes Apostolica per duos annos & novem menses non valuit propter dissensionem Cardinalium Pontificem obtinere, unde permotus populus urbis Viterbij, ubi tunc Curia existerat, donec Papam elegissent inclusos tenuit Cardinales. PHILIPPUS filius PHILIPPI primogeniti sancti Regis Francie LUDOVICI nascitur. CONRADINUS filius Conradi filij Frederici Imperatoris Romanorum depositi, qui propter patru sui Manfredi tyrannidem ad Ducem Bajoarie

matris suæ genitorem confugerat, ipsius Manfredi necem intelligens, in spem Regni Siciliae elevatus cum magna Alemannorum multitudine venit Romam, & adjunctis sibi Lombardis, Romanis & Tuscis quamplurimis, more Imperiali à Romanis militibus susceptus est; qui parentum suorum prava sequens vestigia, & excommunicationem Romanorum Pontificum parvipendens, adjuncto sibi HENRICO de Hispania qui urbis Romæ Senatoriam pro Rege novo Siciliae Carolo gubernabat, adversus ipsum Carolum magnum exercitum congregavit. Quo CAROLUS intellecto Leutheriae civitatis obsidione relicta, quæ post primam deditionem ipsum offenderat, contra Conradinum & suos qui jam versus Albam Campaniæ urbem procefferant occurrens, cum ipsis in campo de Lions dimicavit, & fugientibus de parte sua Provincialibus, & multis aliis exteræ nationis ante Henricum de Hispania Senatorem, Carolus cum suis Francigenis qui secum remanserant confecit aciem Conradini: Henricus autem fugatis Provincialibus de fuga rediens, & in manu sua putans Carolum jam habere, ab ipso devictus in prælio fuga elapsus est; qui postea ad Montem-Cassinum deveniens captus fuit; & Regis Caroli redditus potestati: quem quia captus in sacro loco fuerat, vel ne Abbas de Monte-Cassino, ut dicitur, qui ipsum reddiderat, irregularis fieret, aut ob reverentiam fratris sui Regis Hispaniæ Caroli Regis consanguinei unius Rex Carolus in carcere reservavit. Conradinus autem qui latenter evaserat repertus postmodum, & quidam alij viri potentes de genere Manfredi, Caroli Regis judicio decollantur. Et hoc facto post dies paucos tota Apulia, Calabria & Sicilia Regis Caroli dominio se submitunt. RICHARDUS Rex Romanorum obiit; sed quia usque ad annos quatuor vacavit Regis electio, nos eidem annos attribuimus subnotatos.

BLANCHA sancti Regis Franciæ LUDOVICI filia missa fuit à patre in Hispaniam FERDINANDO Regis Castellæ primogenito desponsanda tali pacto, eo quòd Rex sanctus Franciæ LUDOVICUS debebat in Regno Hispaniæ ratione matris suæ jus habere legitimum, quòd puer eorum primogenitus de ipsa Blancha postmodum procreandus nullius fraternitatis successione præjudicium inferente, avo vel patre mortuis, Castellæ Regnum pacificè obtineret.

Sanctus Rex Franciæ Ludovicus non perterritus expensis & laboribus quas & quos olim fecerat ultra mare; iteratò cum tribus filiis JOHANNE Nivernensi & PETRO Allensonis Comitibus, PHILIPPÓQUE primogenito atque nepote suo ROBERTO Comite Attrebatensi, & Rege Navarræ Comite Campaniæ THEOBALDO, cum multis aliis Regni sui Baronibus, Militibus & Prælati propter terræ sanctæ subsidium iter transmarinum mense Martio arripuit, relinquens ad sui Regni custodiam sancti DIONYSII in Francia Abbatem MATTHÆUM, virum religiosum & discretum, & cum eo sapientem Militem & fidelem SIMONEM Clarimontis dominum de Nigella. Verùm ad hoc ut terra sancta recuperaretur faciliùs, incidit Regi & suis consilium ut Regnum Thunicij, quod consistens in medio non parum dabat transfretantibus impedimentum, Christianorum subjiceretur primitus potestati; quod * cum illuc cum maxima difficultate & magno maris periculo transfretassent, statim portum & Carthaginem quæ prope Tunicum redacta est in parvum oppidum, de facili occuparunt.

f. * cumque

MCCLXX.

Mense Augusto apud Carthaginem circa maris confinia gravis viguit infirmorum mortalitas in exercitu Christiano, & nimis invalescens, primò Regis

Franciæ filium JOHANNEM Comitem Nivernensem, post Legatum Romanæ Curiae Episcopum Albanensem, & demum in crastino festi sancti Bartholomæi Apostoli sanctum Regem Franciæ LUDOVICUM, cum multis aliis Baronibus, Militibus & plebanis de medio sustulit & accepit. Sed quàm feliciter Rex sanctus migraverit ad Dominum, non puto hinc omittendum: Nam in infirmitate positus laudare nomen Domini non cessans, Sanctorum sibi devotorum, maximè sancti Dionysii Martyris specialis Patroni sui, sicut eniti loquendo poterat, suffragia postulabat, unde laborans in extremis, audierunt qui adstabant illum pluries replicantem cum quodam suo susurro finem orationis illius quæ de sancto Dionysio decantatur, scilicet; *Tribue nobis, Domine, prospera mundi despiciere, & nulla ejus adversa formidare*; & orans pro populo quem secum adduxerat, dicebat; *Esto Domine plebi tuæ sanctificator & custos*: suspiciensque in cælum aiebat: *Introibo in domum tuam, adorabo ad templum sanctum tuum, & confitebor tibi, Domine*. Et hoc dicto in Domino obdormivit. Cui Philippo ejus filio in castris subtus Carthaginem succedenti, omnes Barones & Milites qui præsentés tunc aderant, de Regno Franciæ fidelitatem & homagium juraverunt.

Cùm autem de morte ipsius Christianorum exercitus turbaretur, CAROLUS Rex Siciliae bellator egregius, pro quo adhuc vivens miserat frater suus Rex Franciæ Ludovicus, navigio cum magna militia tunc advenit, de cujus adventu Christianis gaudium, Sarracenisque tristitia est adaucta: & cùm multo plures viderentur Sarraceni quàm Christiani, nullatenus tamen audebant generali bello cum eis congredi, sed per quasdam astutias multa ipsis incommoda inferebant. Ad ultimum autem cùm vidissent, quòd Christiani machinis paratis, & variis instrumentis ad pugnandum necessariis Tunicum per terram & aquam intenderent oppugnare, timore perterriti pacta cum nostris facere tentaverunt; inter quæ dicuntur hæc

fuisse præcipua, scilicet, ut omnes Christiani qui in Regno Thunicij captivi tenebantur liberè redderentur, & quoddam Monasteriis ad honorem Christi per omnes civitates Regni illius constructis, fides Christiana per quoscumque Prædicatores Catholicos prædicaretur, & baptizarentur volentes pacificè baptizari; atque solutis expensis quas ibi Reges fecerant & Barones, Rex Thunicij tributum solitum Regi Siciliae debitum restauraret. Pactis igitur & conditionibus sic utrimque firmatis & initis, Rex Franciæ & Optimates exercitus Christiani videntes exercitum morbi contagio diminutum decreverunt, prius præposito juramento de reditu in terram sanctam ad gentem Sarracenicam expugnandam, per Regnum Siciliae & terram Italiae redire in Franciam, & postea reparatis viribus & Rege Franciæ coronato, induere fortitudinem ad expugnandum fidei inimicos. Dum Christianorum exercitus remearet ad propria de Regno Thunicij, quamplurimi tempestate oceani agitati in portu Traparum Siciliae perierunt, & plures pedestri itinere moriuntur, scilicet Rex Navarrae THEOBALDUS & ejus uxor filia sancti Ludovici, Regina Franciæ, IZABELLIS de Arragonia, ALPHONSUS Comes Piccaviæ & uxor ejus, & multi alij magni nominis Milites & Barones. EDUARDUS Regis Angliæ Henrici primogenitus, qui tardiùs aliis ad obsidionem Thunarum convenerat, post præfatam compositionem cum Rege Thunarum initam, nolens adhuc ad propria remeare, cum quibusdam Militibus de Regno Franciæ votum quod incœperat volens, si posset, perficere, ad partes Syriæ in Accon ut Christianitati succurreret, transfretavit.

PHILIPPUS. MCCLXXI.

Eodem temporis concursu, dum PHILIPPUS Rex Franciæ in regressu de Thunico Cardinales Romanæ Curiae, qui inclusi donec Papam elegissent apud Viterbium tenebantur, visitare; venerat tunc
ad

ad Curiam HENRICUS de Allemannia defuncti RICHARDI Romanorum Regis filius, propter Regnum quod pater suus habuerat, si posset facere, obtinendum. Quod agnoscens GUIDO filius de Monteforti SIMONIS à filio Regis Angliæ EDUARDO in prælio perempti, qui filiam RUFII Comitis Tusciæ juxta partes illas desponsaverat, ipsum Henricum insidiis circumventum in Ecclesia sancti LAURENTII de medio suorum evellere putans nec prævalens, ibidem primitus ictu cultelli transfodit, & tractum postea ante fores Ecclesiæ, licet junctis manibus, ut sibi parceret, obsecrantem per latera ter vel quater feriens de cultello penitus interfecit; statimque septus equitum comitatu quem prius sibi paraverat ab urbe Viterbij recessit, & ad patrem uxoris suæ Comitem Tusciæ se transtulit. Et quoniam præsentem Rege Franciæ in urbe hoc scelus perpetraverat, ejus offensam & indignationem incurrit, & Ecclesiæ Romanæ judicium, cujus vindictæ propter hoc ipsum oportuit postmodum subjacere; nam in pœnam tanti sceleris decrevit Ecclesia, ut in castello fortissimo donec ad tempus sibi miseretur sub arcta custodia teneretur.

PHILIPPUS Rex Franciæ reversus de Thunis in Franciam cum ingenti solemnitate & honore maximo fecit ossa patris sui Regis sanctissimi LUDOVICI, uxoris suæ & fratris Comitis Nivernensis die Veneris ante Pentecostem apud sanctum Dionysium in Francia, ubi sepulturam elegerant, sepelire; ad cujus Regis tumulum mox de diversis partibus venientes multi variis languoribus ægrotantes, fuerunt per sancti Regis merita sanitatis beneficio restituti. JOHANNES de Curtiniaco Remensis Archiepiscopus obiit, cui successit Petrus Barbez Archidiaconus Dunensis in Ecclesia Carnotensi. Mense Augusto in crastino festi decollationis sancti Johannis Baptistæ Remis PHILIPPUS Rex Franciæ coronatur. Sepulto apud Pruvinum in Bria THEOBALDO Rege Navarræ Comitæque Campaniæ cum uxore sua, HENRICUS

ejus frater sibi succedens duxit postmodum in uxorem ROBERTI Comitis Attrebatii sororem, neptem videlicet sancti Regis Franciæ LUDOVICI, de qua postea JOHANNAM Reginam Franciæ generavit.

Quidam Harfacida in Accon ad EDUARDUM filium Regis Angliæ perimendum missus, dum cum eo quasi nuntius in secreto thalami loqueretur, ipsum cultello percutiens toxicato lethaliter vulneravit, ita quòd in veneni diffusionem interiora corporis occupante maius periculum immineret, quàm in sola vulnerum cicatrice; quem mox Eduardus quasi furibundus arripens, in ipso injuriam suam morte crudelissima vindicavit, & in brevi postea convalescens, audito quòd pater suus Henricus Rex Angliæ decesserat, parato navigio discessit de Accon, & applicans in Regno Franciæ per ipsum transuectus in Angliam, in Regem pacificè coronatur.

MCCLXXII. EDUARDUS.

Romanæ Ecclesiæ centesimus octogesimus octavus GREGORIUS decimus præsidet. Eodem tempore REMUNDUS Bernardi Comes Fuxinensis in quodam oppido Regis Franciæ vi armorum irruptionem faciens, quemdam sibi adversarium persequendo plures gentes sui adversarij, & multos de Regis familia qui ejus adversarium tuebantur, in ipso oppido interfecit; propter quod Rex Franciæ PHILIPPUS exercitu adversus dictum Comitem Tholosanis in partibus congregato, castrum ejus Fuxinense aggressus est, & dum viam quæ equis & hominibus arcta erat, celtibus rupes discindendo faceret dilatari, Comes timens Regis fortitudinem ad ipsum humiliter & devotè veniens, indulgentiam petiit de commissis: quem Rex suorum consilio apud Bellum-quercum ligatum in vinculis destinavit, & ibidem in prisione fecit eum per anni spatium custodiri. Castrum autem Fuxinense, & alia Comitis castella muniens Rex gente sua, ea ad opus Regni voluit in manu sua usque

ad tempus congruum reservari. GASTO quidam nobilis de Biardo vir præpotens illis in partibus, cuius filiam Fuxinensis Comes habebat in conjugem, audito quòd Regis Franciæ indignationem & iram incurrisset, eo quod diceretur per ejus consilium Fuxi Comitem rebellasse, venit ad Regem trepidus, & genu flexo junctisque manibus, suppliciter exoravit ne hujus facinoris sine causa sibi impositi suspectus de cetero haberetur, promittens se purgaturum scuto & lancea, vel modo alio quo Palatinorum sententia judicaret; qui in tali statu deprecans diu Regem, vix tandem obtinuit ut suspicione sopita, Rex sibi veniam indulgeret.

MCCLXXIII.

RADULFUS de Alfacio Comes Rufus Rex Romanorum efficitur. JOHANNES de Solliaco Bituricensis Archiepiscopus obiit, post quem Decanus Parisiensis GAUFRIDUS de Ponte Cheuroni electus, antequam confirmatus vel consecratus fuit, defunctus est; cui SIMON de Bello-loco in Bria Carnotensis Archidiaconus successit. Comes Fuxi Regi Franciæ reconciliatus recepit terram suam, & ab ipso Rege efficitur Miles novus. PETRUS Comes Allenfonis Regis Franciæ PHILIPPI frater accepit in conjugem JOHANNAM JOHANNIS Comitis Blesensis filiam.

RADULPHUS. MCCLXXIV.

Apud Lugdunum Galliæ urbem Concilium solemne celebratur à Papa GREGORIO, in quo multa Ecclesiæ utilia statuuntur, scilicet de terræ sanctæ subsidio, de electione summi Pontificis & statu Ecclesiæ universalis. In hoc autem Concilio Græcorum & Tartarorum solemnes nuntij adfuerunt, ubi Græci redire ad unitatem Ecclesiæ promittentes, in signum hujus rei Spiritum sanctum procedere à Patre & Filio sunt confessi, Symbolum cum aliis in præsentī Con-

Bbbb ij

cilio decantantes. In eadem verò sacra Synodo plures Mendicantes Ordines sunt quassati, & bigami qui tonsuram clericalem tunc temporis deferebant, ferre de cetero sunt prohibiti, & uti privilegio clericali. Numerus verò Prælatorum qui ibidem adfuerunt quingenti Episcopi sexaginta, Abbates & Prælati minores alij circa mille. PHILIPPUS Rex Franciæ secundam uxorem accipiens MARIAM scilicet sororem Ducis Brabantiæ, eam die Martis infra octabas Assumptionis beatæ Virginis Genitricis Domini desponsavit. PETRO de Charniaco Senonensi Archiepiscopo defuncto, successit eidem GILO Cornuti præcentor Ecclesiæ Senonensis. Rege Navarræ Comitèque Campaniæ HENRICO apud Pampilonem mortuo, uxor sua quæ unicam habebat ex illo filiam, adhuc in cunis positam accipiens, cum illa celeriter in Regno Franciæ se recepit; quam Rex Philippus ejus consanguineus libenter suscipiens, fecit ejus filiam cum suis pueris apud Parisius educari, terramque puellæ in sua ponens custodia misit celeriter in Navarram EUSTACHIUM de Bello-marescacio * probum Militem & discretum, qui tamquam custos & totius Navarræ gubernator Regnum illud in manu regia conservaret.

* Beau-
marchez.

MCCLXXV.

MARIA Regina Franciæ in festo sancti Johannis Baptistæ apud Parisius coronatur & inungitur in Reginam; quam quia PETRUS Remensis Archiepiscopus illam inunxerat, GILO Senonensis Archiepiscopus in suæ Senonensis Ecclesiæ præjudicium fieri conquestus est. Nam, sicut legitur, in quadam Ivo- nis Episcopi Carnotensis Epistola, ad Archiepiscopum sedis Belgicæ, quæ est Remis, non pertinet extra suam provinciam Regum inunctio vel etiam Reginarum. Super quo ex parte Regis fuit allegatum, quòd factum non fuerat unde posset conqueri Senonensis Archiepiscopus, cum Capella domus Regis

exempta foret Parisius, & ideo ratione loci ad ipsum inunctio non spectabat. EUSTACHIUS Miles de Bello-Marescastio quem Rex Franciæ PHILIPPUS miserat in Navarram ad Regnum illud pacificè conservandum, dum vellet aliquas consuetudines Navarrorum injustas in melius commutare; inter ipsos contentione exorta à Majoribus illorum apud Pampilionem in castri forteritia obsidetur. Ad quem liberandum Comes Atrebatii ROBERTUS inclytus ex parte Regis Franciæ missus cum copioso exercitu armatorum, Pampilionem in brevi expugnans, Eustachium & gentes suas potentissimè liberavit, & Principes seditionis puniens, res Navarræ in melius immutavit. Dum ALMARICUS Clericus de Monteforti, filius Comitis Leycestriæ Simonis de Monteforti ab Anglicis interfecti, sororem suam unicam per mare duceret LOELINO Principi Walensium desponsandam, Rex Angliæ EDUARDUS hoc agnito, illos cum gente sua capi fecit, & eosdem in prisione sua diu sub arcta custodia mancipavit. GREGORIO Papa defuncto Romanæ Ecclesiæ centesimus octogesimus nonus INNOCENTIUS quintus præsidet: Hic de Ordine Fratrum Prædicatorum assumptus, Frater Petrus de Tarentasi vocabatur.

MCCLXXVI.

LUDOVICUS primogenitus Regis Franciæ PHILIPPI obiit, & in Ecclesia sancti Dionysij in Francia sepelitur. Venerunt ad Regem Franciæ Philippum nuntij Tartarorum ab extremis finibus Orientis, dicentes eidem quòd si in partes Syriæ quia Cruce signatus erat, contra Sarracenos proponeret transfretare, Rex ipsorum consilium gentis suæ totaliter & juvamen fideliter promittebat. Si verò veri nuntij, aut exploratores fuerint, Deus novit; non enim erant Tartari natione nec moribus, sed de secta Georgianorum Christiani, quæ natio Tartaris totaliter est obediens & subiecta. Ipsi autem apud sanctum

Bbbb iij

Dionysium in Francia à Rege missi, ibidem solemnitate Resurrectionis Dominicæ peregerunt; & postea ut dicebatur, causa consimili ad Regem Angliæ transferunt. Mortuo FERRANDO primogenito ALPHONSI Regis Hispaniarum filio, qui BLANCHAM sancti Franciæ LUDOVICI Regis filiam habebat in uxorem, Rex pater illius adversus duos filios quos de Blancha uxore sua genuerat iniquè agens, contra pactum initum cum Rege Franciæ, eosdem à successione Regni sui totaliter privavit, & matrem ipsorum sine dote & honore, retentis ejus pueris, ad fratrem suum Regem Franciæ PHILIPPUM qui ipsam mandaverat, quasi invitus permisit in Franciam remeare. LOELINUS Princeps Walensium, intellecto quòd Rex Angliæ EDUARDUS cepisset & teneret in carcere puellam quæ sibi matrimonio compulanda ducebatur, contra Regem Angliæ fortiter debellavit, & quemdam montem longum & arduum in terræ suæ confinio, quem dicunt Senaudone forti, adversus eum non minimè roboravit; sed Rex ipsum tempore hyemali obsidens, cum multos de suis amisisset propter paludium & viarum angustias, tandem ab incepto non desinens ad deditionem coegit Principem pervenire, & pacto cum ipso inito quòd Principatus Walensium post ejus interitum ad suos heredes minimè deveniret, terram & uxorem reddidit, & eam in sua præsentia fecit eidem maritali fœdere copulari. ALMARICUM verò quia Clericus erat Prælati Angliæ reddens, non suo sed Prælatorum nomine fecit postea per longum tempus sub arcta custodia reservari. INNOCENTIO Papa defuncto, Romanæ Ecclesiæ centesimus nonagesimus ADRIANUS quintus natione Januensis præsidet; sed cum Mense uno & diebus novem sedisset defungitur. Post quem Romanæ Ecclesiæ centesimus nonagesimus primus JOHANNES vicesimus natione Hispanus successit.

MCCLXXVII.

JOHANNES Papa cum sibi vitæ spatium per annos plurimos extendi quæreret, & hoc etiam coram multis sæpè assereret, subitò cum nova camera, quam pro se Viterbij circa palatium ædificari fecerat, solus corruit, & inter ligna & lapides collisus sexta die post casum hujusmodi Sacramentis Ecclesiasticis operibus perceptis expirans, in Ecclesia sancti Laurentij sepultus est. Post quem Romanæ Ecclesiæ centesimus nonagesimus secundus NICOLAUS tertius natione Romanus de genere Urfinorum præsidet. Tyberis Romanæ urbis fluvius in tantum suos transcendit alveos, quòd supra altare beatæ MARIE Rotundæ per quatuor pedes & ampliùs visus est excrevisse. PETRUS de Brocia Regis Franciæ Cambellanus magnus, vir apud dominum suum & Regni ejus Principes quamplurimum honoratus, apud Parisius communi latronum patibulo est suspensus, cujus causa mortis incognita apud vulgus magnam admirationis & murmurationis materiam ministravit.

MCCLXXVIII.

CAROLUM Regem Siciliae Papa NICOLAUS à Vicaria Tusciæ removens, constitutiones fecit tam de electionibus Prælatorum quàm de electione Senatoris urbis Romæ, & se Senatorem ad vitam fieri procurans, Senatoriam jussit per suos parentes ferè per duos annos regi. Filia Principis Anthiochiæ MARIA dicta, de Jerusalem in Francia exulans, jus Regni Jerusalem quod sibi competeat Carolo Regi Siciliae contulit, eo pacto quòd quandiu ipsa viveret ipse eidem annuatim quatuor millia librarum Turonensium super proventus reddituum Comitatus sui Andegaviæ assignaret. Cancellarius Parisiensis Magister JOHANNES de Aurelianis, cui Papa Nicolaus per suas patentes litteras vacantem Parisiensem Episcopatum contulerat, resignavit, & sæculo valesaciens Fra-

trum Prædicatorum Ordinem ingressus est.

MCCLXXIX.

BENDOCCAR Soldanus Babylonæ, qui urbem Antiochiæ destruxerat & Christianitati in partibus illis multa mala contulerat, innumerabili congregato exercitu in Turquia contra Tartaros conflictum habuit; sed maxima parte sui exercitus cæsa ipse lethali-ter fauciatus redire compellitur in Damascum, nec multo post mortuo, successit suus sibi filius; sed non diu illo pacificè dominio functus fuit. Plures enim Admiralium Majores adversus eum conspirantes, ipsum in castello fortissimo vocato le Crac juxta Babylonem cum suis obsederunt, unde inter eos tanta paulatim pullulavit discordia, quòd se ubique alterutrum occidebant.

Misso à Papa NICOLA O quodam ad CAROLUM Regem Sicilia Cardinali, ut super Tusciæ amota sibi Vicaria patientiam ejus animi attentaret; audito quod Carolus ejus nuntium cum honore & reverentia suscepisset, & eidem pacificè & modeste respondisset, dixisse fertur: *Fidelitatem Carolus habet à domo Franciæ, ingenij perspicuitatem à Regno Hispaniæ, discretionem verborum à frequentatione Romanæ Curie: possemus aliis prævalere, istum autem non valebimus superare.* Mortuo BALDUINO Imperatore dejecto, PHILIPPUS ejus filius filiam CAROLI Regis Sicilia desponsavit, de qua CATHERINA filia ejus unica procreatur.

MCCLXXX.

PHILIPPUS Rex Franciæ ferens graviter & dedignè, quòd Rex ALPHONSUS Hispaniæ sororem suam BLANCHAM inhonorificè sibi in Franciam destinasset, magnum adversus eum apud urbem Gasconiæ Baïonam exercitum congregavit; sed dum Hispanias intrare nititur, jussu & mandato NICOLAI Papæ præpeditus redire inefficax compulsus est. Defuncto Papa Nicolao, post quinque menses & viginti dies

dies Romanæ Ecclesiæ centesimus nonagesimus tertius MARTINUS quartus natione Francus præfider. Secana flumen Galliæ sic suos transcendit alveos, quòd duas archas majores magni pontis Parisius, & unam consimiliter parvi pontis fregerit, & totam urbem exterius ita accinxerit, ut nequiret à parte sancti Dionysij sine suffragio ingredi batellorum; & hæc aquæ illuvies circa festum Epiphaniæ inundavit.

PETRUS Rex Arragonum navigium parans adversus CAROLUM Regem Siciliæ Siculorum monitu, & uxoris quæ filia MANFREDI fuerat Regni Siciliæ infaustis, ne perciperetur quod malè conceperat, misit ad Romanam Curiam solemnes nuntios, fingendo significans quòd cum sumptuoso & sollicito apparatu ad servitium Dei & Ecclesiæ & exaltationem fidei Catholicæ versus Africam super Barbaros potentia suæ brachium dirigebat. Hanibaldenses de alto sanguine Romanorum procreati, Nicolai Papæ auditu interitu, convocata sua parte, Capitolijs & cercocharium urbis Romæ existentium sub custodia Vicariorum quos idem Papa constituerat, invitis Urfinis in civitate par dominium habuerunt; ita quòd ex pacto inter eos habito, unus partis Hanibaldensium, & alius ex parte Urfinorum fuerunt in Capitolio Senatoris gerentes officium constituti, sub quorum regimine multa homicidia, plurimæque dissensiones, & alia mala quamplurima sunt in urbe & ejus districtu habita, nec punita.

MCCLXXXI.

Papa MARTINUS eligitur in Senatorem ad vitam, qui loco sui CAROLUM Regem Siciliæ constituens, de domo ejus sive familia assumpsit Milites ad regendum patrimonium sancti PETRI, quos cum stipendiariis Francigenis ferè octingentis in Romaniam destinavit contra GUIDONEM Comitem Montis-feltri, qui terram Romanæ Ecclesiæ occupatam illis in partibus detinebat. Apud Urbem Vete-

Tom. XI.

Gccc

rem orta fuit magna dissensio inter cives & gentes Caroli Regis Siciliae, ita ut mortem ad Gallicos proclamarent, & hoc totum factum est per urbis Capitaneum Jamerium qui assensum suis civibus tribuebat; sed ad arma Francigenae concurrentes plurimos de ipsis occiderunt, & tunc necessitate cogente praedicta dissensio sopita est. Mense Febuario piscis marinus in leonis effigie captus, apud Urbem Veterem ubi erat Papa & Curia deportatur; sed quia in sua captione horribiles planctus emiserat, hoc multi signum aliquod futurorum exinde fieri asserabant.

In Regno Siciliae Pannormitani & Messanenenses rabie succensi adversus CAROLUM Regem & Gallicos in eadem Insula commorantes, tam mares quam feminas, senes & juvenes in Regis contemptu Caroli occiderunt; & quod fuit detestabilius, latus aperientes mulierum praegnantium, quae dicebantur à Gallis concepisse, partus peremerunt antequam nascerentur.

LOELINUS Princeps Gallensium contra Regem Angliae EDUARDUM iterum rebellans, fecit gentes ejus & subditos per Gallas in custodiis existentes per fratrem suum DAVID omnes occidere; quod Rex aegrè ferens protinus terram Gallensium cum magna potentia intrans, Loelini Principis & David fratris ejus capitibus praecisis, Gallas suae subdidit ditioni. Morte suorum Siciliae Rex audita, filium suum Salernae Principem nominatum CAROLUM misit statim in Franciam pro succursu, & ipse Faro cum pluribus transito, obsedit interim Messanenenses; quos dum impugnare nititur, ecce PETRUS de Arragonia, qui versus Africam latitabat, à Siculis tamquam eorum dominus & defensor praecipuus evocatus, Siciliam contra domini Papae inhibitionem cum manu valida subintravit: qui mox insulam totam Siciliae rebellare faciens, fecit se in contemptum Caroli & Romanae Ecclesiae in Regem Siciliae coronari, mandans Carolo in obsidione Messanensium occupato quòd de Regno

fuo exiens tempeſtivè non præſumeret Meſſanenſes ampliùs expugnare; quo Rex Carolus intellecto, conſilio quorundam ſibi adhærentium ad plana ſancti Martini prodiſus, ut aiunt, in Calabriam ſe retraxit.

Parilius inter Clericos nationis Picardiæ & ibidem ſtudentes Anglicos tanta fuit orta diſcordia quòd ſtudium deficere crederetur; nam domos Picardorum Anglici confringentes, & aliquos occidentes, extra Parilius Picardos fugere compulerunt.

MCCCLXXXII.

Pridie Kalendas Maij JOHANNES de Apia Miles, & domini Papæ MARTINI ſtipendiarij contra GUIDONEM de Monte-feltri hoſtiliter progreſſi, civitatis Forilivij burgum capiunt, & ibidem uſque in craſtinum commorantes, mane tres acies ordinarunt ante faciem civitatis: quod videntes adverſarij ſuos emiſerunt diverſimodè bellatores, ut plus aſtutià quàm bello conterere Johannem & ſuos prævalerent. Currentibus inſimul aciebus fit acre prælium, in quo cecidit Comes THADÆUS nobilis pugil Eccleſiæ cum quingentis ferè Francis, & ex adverſa parte tam nobiles quàm ignobiles mille quingenti & ampliùs occiſi ſunt. Tandem nocte ſuperveniente ſuperſtites ad partem ſuam ſe retraxerunt, & ſic nullis eſt victoria attributa.

Solemnis inquiſitio fit de vira & miraculis ſancti Regis Franciæ LUDOVICI. Soldanus Babylonix fugatus à Tartaris per octo dietas & ampliùs quingenta ferè millia de ſuis amittens, iterum vires reſumpſit, & ſic fugans Tartaros triginta millia ex illis dicitur occidiſſe.

PETRUM Arragoniæ Regem qui contra Eccleſiæ Romanæ inhibitionem fecerat ſe in Regem Siciliæ coronari, & fuerat propter hoc excommunicationis vinculo innodatus, MARTINUS Papa per ſententiam privavit à Regno Arragoniæ, & ab his omnibus

Cccc ij

quæ ab illo de Romana Ecclesia in feodum tenebantur, ejusque vassallos ab ipsius fidelitate absolvens, Regnum Arragoniæ cum suis pertinentiis CAROLO Regis Franciæ PHILIPPI filio, nepoti scilicet dicti Petri, contulit & concessit. Princeps Salernæ CAROLUS Regis Siciliæ filius, qui missus in Franciam pro succursu fuerat, reversus est in Appuliam cum magna Nobilium comitiva, inter quos PETRUS Allenfonis Comes Philippi Regis Franciæ frater, Comes Attrebatii ROBERTUS, Comes Bononiæ, Comes Domni-Martini JOHANNES & Comes Burgundiæ OTHELINUS cum multis aliis advennerunt.

PETRUS Rex Arragoniæ succursum præagnoscens de Francia Regi Carolo advenisse, ut dolo potius vel artis industria quàm aliquo bellandi genere contra Regem Carolum dimicaret, & se & suos ad bellum interim præpararet, hujusmodi belli pactum Carolo demandavit, scilicet ut haberet quilibet centum quos vellet & posset Milites in planis Burdegalis obtinere, centum contra centum ad pugnandum ad invicem præparatos, inter quos ipsi duo debebant Petrus & Carolus computari, & qui victus fieret infamis perpetuò & absque Regis nomine remaneret, uno contentus de cetero serviente qui cum eo solus incederet; non veniens ad prædictum locum die prima Junij * anni subsequenti sic paratus, similes pœnas & etiam perjurium incurrebat.

* Julij

M C C L X X X I I I .

GUIDO de Monte-forti à custodia qua diu detentus fuerat per Papam MARTINUM liberatus, ab eodem Pontifice in suorum auxilium missus est in Romaniolam; cui terras & civitates Ecclesiæ quas GUIDO de Monte-feltri occupaverat statim restituens, juravit se mandatis Ecclesiæ parituro. Sic igitur terrâ Romaniolæ ad mandatum Papæ pacificè reversâ exceptâ civitate Urbinati, Guido de Monte-forti

hostiliter illam aggressus, quidquid extra muros reperit accipit & devastat.

Prima die Junij CAROLUS Rex Siciliae apud Burdegalas pugnaturus contra PETRUM Arragoniae Regem venit modo quo sibi mandaverat preparatus, sed non ausus accedere dictus Petrus ut promiserat, nocte tamen adveniens statutam diem praecedenti cum duobus sociis, ut tradunt aliqui, loco privato & remoto locutus est cum Burdegalis Senescallo, praetendens quod servare non poterat pactum suum, nec auderet propter fortitudinem Regis Franciae qui ibidem advenerat imminens. Quo, ut dictum est, minime comparente Rex Carolus cum Rege Franciae Philippo nepote suo in Franciam se retraxit, & ibidem moram traxit usque ad mensem Martium subsequentem. Quidam Miles ab Hispania JOHANNES Minimus nominatus Regis Franciae stipendiarius a parte Navarrae Regnum Arragoniae invasit, & Petro absente auxiliumque sibi perquirente plura oppida Regni ipsius occupavit.

Comite Rufo Tusciae defuncto GUIDO de Monteforti, qui filiam ejus habebat in conjugem, de Papae MARTINI licentia, obsidione Urbinatis relicta, exercitu dimisso, in Tusciam se transtulit, & terram quae sibi obvenerat ratione conjugis suae contra Comites Florae & Anguillariae qui eam impetebant viriliter defensavit, & gentes illorum quamplurimos interfecit. CAROLUS Rex Siciliae Regi & Regno Franciae valedicto, in terram suam Appuliae reversus est; cujus adventum Siculi agnoscentes, cum viginti septem galeis armatis gentibus munitis venerunt prope Neapolim, proferentes multos clamores & belli indicia quibus possent aliquos ante Regis Caroli adventum offendere, & moverent filium ejus & ibidem existentes Francigenas ad pugnandum. Quos audiens Princeps Salernae CAROLI Regis filius, qui dimisso Comite Attrebatensi ROBERTO in Calabria certis de causis illuc advenerat,

Cccc iij

motus & incitatus clamoribus eorundem, damnosè sumens audaciam cum suis intravit galeas, & ipsos fortiter aggressus est; sed quia navalis prælij gens sua ignara extitit, & fraude nautarum potius deceptus, ut dicitur, devictus & captus apud Messanensem urbem ducitur captivandus: quarta verò die sequenti Carolo patre ejus adveniente Neapolim, Neapolitanos qui jam post Principis captionem spiritum rebellionis conceperant, & gentes suas inde expulerant castigavit, & eos à suis permisit sequacibus cruciari. Tandem parato exercitu versus Regiam urbem Calabriae ubi erat Comes Attrebati nepos suus se transtulit, Farum transire cupiens, ut Messanam urbem Siciliae obsideret; sed non valens quod conceperat adimplere, vasa sua navalia in portu Brundisij, ne per flatus hyemales frangerentur, aut ne ab inimicis capi contingeret, destinavit.

MCCLXXXIV.

Comes Joviniaci illustris Francigena, qui in obfione remanserat Urbinatis, contra instructionem Guidonis Montis-fortis faciens assultum ad urbem, ibidem extitit interfectus. PHILIPPUS Regis Franciae PHILIPPI filius major natus in festo Assumptionis beatæ Virginis Matris Domini Miles novus efficitur, & in castino JOHANNAM filiam defuncti Regis Navarrae Comitisque Campaniae HENRICI apud Parisius desponsavit. In Vigilia sanctæ CATHARINÆ Virginis tanta fuit venti vehementia de nocte, quòd multæ domus multaque Monasteriorum clocheria, & multæ fortes & magnæ arbores per Regnum Franciae corruerunt. Septimo die mensis Januarij CAROLUS Rex Siciliae defunctus est, cujus mortem Papa MARTINUS intelligens lugubres dies cum suis Cardinalibus, sicut licuit, celebravit; & quia idem Princeps Carolus captivatus patri postea successit in Regno, nos eidem annos usque ad coronationem suam attribuimus subnotatos. Mense

Martio PHILIPPUS Rex Franciæ adversus Arragones excommunicatos à Papa iter arripuit, ut Regnum Arragoniæ suo collocatum filio per Romanam Ecclesiam acquireret, si valeret.

MCCLXXXV.

Die Mercurij post Resurrectionem Dominicam Papa MARTINO defuncto, Romanæ Ecclesiæ centesimus nonagesimus quartus HONORIUS quartus natione Romanus præsidet. Hic statim post promotionem suam tam Comiti Atrebarensi in Apulia, quàm ceteris stipendiariis certis in locis per prædecessorem suum Papam Martinum ordinatis eos confovendo contulit stipendia, & ad suscepta negotia prosequenda sollicitè animavit. Diversarum afflictionum & aegritudinum ad sepulcrum Romani Pontificis MARTINI quarti venientes ibi multis videntibus sunt sanati. PETRUS Arragoniæ præagnoscens quod Rex Franciæ PHILIPPUS exercitum ad Regnum Arragoniæ pervadendum adduceret, statim se de Sicilia transfudit in Arragoniam, verens amittere Regni jura; & quia Messanenses Principem Salernæ Carolum ad quoddam castellum transtulerant, eorum infidelitatem metuens fecit eum de Sicilia in Arragoniam transportari, & ipsum ibidem diligentissimè custodiri. PHILIPPUS Rex Franciæ circa festum sancti Johannis Baptistæ dominium Regni Arragoniæ pervadens, primò in Rossilionis finibus Januam civitatem sibi contrariam aggressus est, & in brevi totam destruens, per locum devium juxta passum Ecluse montes Pyreneos ascendit, & usque Geromiam * urbem fortissimam suum exercitum intro-

* Gerandam.

duxit. Quod videntes Arragonij qui in summo passus Ecluse vertice ubi erat fortior terræ illorum introitus, armati steterant, nec per aliunde credebant Regem Francorum ascendere, admirantes timuerunt valde, & timore perterriti ad urbes & oppida confugerunt. Rex autem Franciæ Geromiam * obsidens,

* Gerandam.

& ibidem assultus plures faciens multum cives debilitavit; sed ipsi fortiter repugnantes se per tres menses vel circiter tenuerunt. In ipso verò obsidionis termino, videlicet die Assumptionis beatæ MARIÆ Virginis Matris Domini, cum misisset Rex Franciæ ad portum Rosarum maritimum, ubi classis regia permanebat, pro victualibus quæ ibi servabantur exercitui asportandis, PETRUS Arragoniæ Rex qui hoc novit iter cum quingentis equitibus armatorum & tribus millibus peditum occupavit, ut posset in reditu Francorum victualia deprædari; sed ejus insidias præagnoscens Franciæ Connestabularius RADULFUS dominus de Nigella cum Comite Marchiæ, & JOHANNES de Hardicuria Marefcallo, assumptis illico centum quinquaginta sex equitibus armatorum eisdem occurrere festinavit. Videntes autem Arragonij quia pauci ad suorum numerum contra se veniebant, Francorum fortitudinem ignorantes, illos protinus invaserunt: sed Franci fortiter repugnantes, Regem Arragoniæ in armis incognitis præliantem, suis ferè omnibus occisis, faucium ad mortem de bello fugere compulerunt; qui in quadam Abbatia se reponens satis citò postea Francis ignorantibus expiravit. Et quamvis in illo prælio fortiores & nobiliores Regni Arragoniæ adfuissent, pauci tamen de tanto numero vivi ad propria rediere. Gerondenses postmodum succursum minimè expectantes urbem suam Regi Franciæ reddiderunt, quâ munitâ gente suâ, Rex qui Petri Regis interitum ignorabat, & infirmitatem incurrerat, parte sui licentiata navigij, versus Narbonam propter instantem hyemem se retraxit. Cujus reditum cognoscentes Arragonij, naves quæ in portu Rosarum remanserant, occisis de gente Francorum quamplurimis, rapuerunt, & satis citò postea Geroniam urbem obsidentes, Francos qui ibidem ad custodiam relictî fuerant ad deditionem coegerunt. Rex autem Franciæ qui infirmus recesserat, dum venisset apud Perpeigniacum defunctus est; cujus caro & viscera

viscera apud Narbonam in majori Ecclesia sunt sepulta, & ossa cum corde apud sanctum Dionysium in Francia deportata. Sed antequam ibidem traderetur sepulturæ, inter Monachos dicti loci & Fratres Prædicatores Parisius commorantes propter illud cor regium magna dissensio fuit orta. Volebant etenim dicti Fratres Monachis invitis illud cor ad sepeliendum in sua Parisiensi Ecclesia obtinere, eo quod PHILIPPUS juvenis Rex & Regni successor ipsum concesserat cuidam Fratri de Ordine Jacobito; sed tandem Rex Fratrum instantia pulsatus, qui se reputabat dedicere pudorofum, contra multorum consilium fecit illud Parisius sepeliri in Fratrum Ecclesia Prædicatorum. De quo determinatum fuit postmodum per plures Magistros Theologos, quod neque Rex neque Monachi dare possent, neque fratres sine dispensatione Summi Pontificis retinere. PHILIPPUS autem patri succedens in Regno Remis cum uxore sua die festo Epiphaniæ in Regem Franciæ coronatur. Reliquit autem PHILIPPUS Rex defunctus duos filios, CAROLUM Comitem Valesij, & PHILIPPUM prædictum Regem Franciæ ex prima conjugē Regina Izabelli; & tres alios, scilicet LUDOVICUM Comitem Ebroidæ civitatis, MARGARETAMQUE Reginam Angliæ, ac BLANCHAM Ducissam Austriæ ex MARIA de Brabanto secunda uxore.

PHILIPPUS. PULCHER. MCCLXXXVI.

ALPHONSUS filius PETRI Arragoniæ Regis patri in Regno successit, & JACOBUS ejus frater cum matre CONSTANTIA Siciliam occupans contra inhibitionem & mandatum Romanæ Ecclesiæ fecit se in Regem Siciliæ coronari. HONORIUS Papa sententiam quam MARTINUS Romanus Pontifex prædecessor suus contra Petrum Arragoniæ Regem protulerat, in filios ipsius Alphonsum & Jacobum atque matrem eorum Constantiam eadem firmitate & edicto simili confirmavit. EDUARDUS Rex Angliæ in

Tom. XI.

Dddd

Franciam evocatus fecit homagium Regi Franciæ pro Ducatu Aquitaniæ & cunctis aliis quæ in Regno ipsius Regis Franciæ obtinebat; & inde apud Burdegalas terræ Gasconiæ urbem Metropolim accedens, ibidem in Natale Domini grande tenuit Parlamentum, in quo loco nuntios plures recipiens Arragoniæ, Siciliæ, Hispaniæ, suspectum fuit ne aliquid contra Regnum & Regem Franciæ moliretur; deliberationem tamen Principis Salernæ consanguinei sui capti à Siculis erga Regem Arragoniæ ALPHONSUM qui eundem tenebat in carcere procuravit.

Mense Septembri defunctus est MATTHÆUS Abbas sancti Dionysij in Francia Regni Franciæ Consiliarius principalis, qui Monasterium suæ domus à retroactis temporibus incoëptum miro & sumptuoso opere ferè à media parte usque ad ultimum consummavit, & Abbatiam suam quam in rebus & ædificiis quasi consumptam invenerat, novis muris & domibus sumptuosis reparans suo tempore ditatam reddidit, & multum in redditibus augmentavit; cujus doctrina & religione præcipua imbuti Monachi ejusdem loci plures fuerunt diversis in Monasteriis Abbates postmodum constituti. Die Parasceves Paschæ HONORIO Papa mortuo, Romanæ Ecclesiæ centesimus nonagesimus quintus NICOLAUS quartus præsidet.

MCCLXXXVII.

Apud Accon urbem Syriæ Rex Cypri fecit se in præjudicium Regis Siciliæ in Regem Jerusalem coronari; & quia id Templarij & fratres Hospitalis permiserant, res eorum & bona per Apuliam & terram Regni Siciliæ in manu Regia capiuntur. ALPHONSUS Rex Arragoniæ contra suum patrum Regem Majoricarum, qui de parte Ecclesiæ se tenens ipsum in hoc offenderat, insurgit, & Regni sui terras aliquas occupavit. Græci ab unitate Ecclesiæ Romanæ separantes se, sibi Papam & Cardinales, ut dicitur, creaverunt. Comes ROBERTUS Attrebatii tutor Regni Siciliæ

apparatum faciens ad debellandos Siculos, GUIDONEM de Monte-forti Militem misit apud Venetias & per totam Tusciam vasa navalia congregare.

Circa Natale Domini venerunt ad Curiam Romanam nuntij Arragonum & Siciliae, proponentes in Consistorio coram Papa & Cardinalibus multa falsa & frivola, quae apud aliquos favorem non minimum invenerunt. Primò excusabant Arragonij Regem suum Alphonsum eo quod nuntios post patris obitum ad Romanam curiam non misisset, dicentes quòd transire non poterant propter guerras sibi eodem tempore imminentes. Secundò suum dicebant dominum innocentem, quia in nullo conscium facti patris. Tertiò quia diu ante patris obitum Regni possessionem habuerat, in qua remanens petebat sibi pacificè dimitti, & quòd Papa ipsum non permetteret super hoc ab aliquibus indebitè molestari. Quartò se ad servitium Romanae Ecclesiae offerebat, & sicut fuerant praedecessores sui eidem Ecclesiae obedientes & devoti, hoc intendebat praecipuè imitari. De primo Papa non curavit; ad secundum sic respondit: Placet nobis quamplurimum quòd esset innocens, sed ostendit contrarium mittens & mittere non cessans in terram nostram Siciliae gentem suam nobis & Regi Siciliae rebellantem; item quòd nostrum minimè permittit interdictum in terra Arragoniae observari, & quòd patruus sui Majoricarum Regis Ecclesiae adjutoris terram & dominium occupavit; item quod detinet Principem Salernae CAROLUM innocentem, quem quamdiu tenebit, non inveniet apud nos gratiam vel favorem; & licet Regnum Arragoniae teneat, in hoc tamen dicimus minimè jus habere, sed CAROLUM fratrem Regis Franciae cui per Romanam Ecclesiam est collatum. Verumtamen si ipse de sua velit justitia coram nobis contendere, parati sumus si venerit audire eum, & dare sibi justitiae complementum. Post venerunt duo fratres Minores nuntij Siculorum, proponentes quomodo diu fuissent à Gallicis oppressi,

Dddd ij

& cū minimè possent ampliùs sustinere ipsos, curialiter de terra sua eijcere intendebant, quando quidam maligni subito irruerunt crudeliter in eosdem, quod displicuit bonis viris: CONSTANTIAM etiam matrem JACOBI occupatoris Siciliae excusabant de malitia, dicentes quia tamquam mulier viro suo obediens in terram Siciliae advenerat, & perebant ut Jacobum ejus natum, quem Siculi Regem elegerant, Romanus Pontifex confirmaret. Hæc & multa alia proponentes frivola, fecit eos Papa recedere, dicens ut sanius vel melius consilium procurarent.

MCCLXXXVIII.

Multis undecumque galeis circa Ascensionem Domini apud Neapolim ad expugnandum Siculos congregatis Appuliæ, quidam Miles nomine REGINALDUS de Avella Comitis Attrebatensis consilio & præcepto cum pluribus armatis galeis mare intrans Cathinensem Siciliae urbem de facili occupavit, & eandem muniens gente sua, vasa sua vacua redire fecit Neapolim, in quibus sicut promiserant ex condicto alij plures in ejus auxilium debebant occurrere festinanter, & interim dum separant, Siculi dictum Militem obsidentes, cū diu se viriliter defendisser, tandem ad deditionem cum suis salva vita & mobili coegerunt. Et dum ad ejus subsidium GUIDO de Monteforti Comes de Bregna, PHILIPPUS filius Flandrensis Comitis Guidonis, & plures alij de Regno Franciæ bellatores advenerunt, à Siculis navali prælio in mari deviæti, & à ROGERO de Laurea eorum Amiralio capti diversis sunt carceribus mancipati; sed omnibus fere postmodum redemptis pecuniâ, solus in carcere Guido de Monteforti periit, qui deinceps non potuit prece vel pretio quamvis multum pro eo offerretur redimi, dolo tentus, ut dicitur, Regis Angliæ EDUARDI.

JOHANNES Dux Brabantiae & Comes de Luceburgo versus Leodium magnum exercitum congre-

gantes pro Comitatu de Lamburgo adversus se invicem pugnaverunt, & hinc inde acerrimo commissio praelio, Comes de Luceburgo cum tribus filiis ibidem est interfectus, & Archiepiscopus Colonienfis ac quamplures alij, qui in ejus auxilium contra Ducem advenerant, capti sunt pariter & detenti, Duce victoriam obtinente. Princeps Salernæ CAROLUS circa Purificationem beatæ Virginis matris Domini de Regis Arragonum carcere liberatur, eo pacto quod redderet magnam summam pecuniæ, & pacem pro posse suo Arragonensium erga Romanam Ecclesiam & Regem Franciæ procuraret: Quod si procurare minimè posset, infra triennium pro ut jurare compellitur reverteretur ad carcerem, & donec ista complevisset obsides tres de suis filiis, & nobiles quadraginta tradere coactus est. Tripolis civitas transmarina à Soldano Babylonæ capitur, ubi multa Christianorum millia trucidantur, & reliqui captivantur; cujus captione perterriti Acconenses biennes trebas protinus requirunt & accipiunt à Soldano.

MCCLXXXIX.

Mille quingenti stipendiarij in terræ sanctæ subsidium à Papa NICOLAO in Accon missi, contra voluntatem civium Templi & Hospitalis militiâ armati de Accon exeuntes, trebas cum Soldano initas irrumpunt, & versus Gasalia & Sarracenorum oppida incursantes, absque misericordia Sarracenos utriusque sexus quos reperiunt occiderunt, qui pacificè sub trebis initis quiescere se credebant. Princeps Salernæ CAROLUS liberatus de carcere venit Romam, & ibidem die Pentecostes à Papa NICOLAO in Regem Siciliæ coronatus absolvitur à juramento quod Regi fecerat Arragonum. Jacobus occupator Siciliæ cum magno exercitu terram intrans Calabria Gaëtam obsidet civitatem; cui de Roma Rex Carolus occurrere festinans, obsessos protinus liberavit: nam dum utrimque ad praelium se pararent, adveniens quidam Miles

Dddd iij

Angliæ Regis ex parte domini sui trebas usque in duos annos inter eos procuravit. Babylonix Soldanus cognito quod suis versus Acconem fecerant Christiani, illico mandavit Acconensibus nisi redderent destructores suæ gentis, quod infra anni curriculum civitatem eorum sicut Tripolim in exterminium adduceret & ruinam. Quod illi facere non valentes *
 f. * volentes.
 iram & ejus offensam mirabiliter occurrerunt. LUDOVICUS Regis Franciæ PHILIPPI primogenitus ex JOHANNA Regina filius quarto Nonas Octobris nascitur.

MCCXC.

Appropinquante termino quo Soldanus Babylonix Acconenses minatus fuerat impugnare, de Babylonia exiens versus Acconem cum infidelis populi infinita multitudo properavit; sed gravi arreptus ægritudine jam peracto medio itinere in lectum mortis decidens, septem Amiratos quemlibet habentem sub se quatuor millia equitum & viginti millia peditum armatorum illuc mittere non obmisit. Qui circa medium mensis Martij Accon appulsi, civitatem diversis assultibus usque ad subsequens mensis medium vexaverunt, sed nihil dignum memoria peregerunt. Cum verò Soldanus interim mortem sibi proximam imminere conspiceret, vocatis amicis suis totius exercitus Amiratis, filium suum qui præsens aderat fecit loco sui Principatus Soldanariæ gubernaculo sublimari, & hoc peracto satis citò postea expiravit. Novus igitur Soldanus sepulto patre ilico versus Acconem cum innumerabili movit exercitu gressus suos, & appropinquans usque ad unicum milliare civitatis ibidem tentoria figi fecit. Suis ergo machinis & instrumentis aliis præparatis, & contra civitatem etiam applicatis, à quarto die Mensis Maij per decem dies continuos Sarraceni Christicolos impugnantes, & infra urbem per jactum lapidis manualis grossos lapides immittentes, eam non modicum damnificaverunt, civibus

habere requiem minimè permittentes. Quo cives perterriti thesauros à civitate cum mercibus & sacrosanctis Reliquiis, senesque & debiles, mulieres & pueros atque cunctos ad pugnam inutiles in Cyprum fecerunt navigio transportari. Multi etiam perpendentes quòd fiebant discordiæ inter cives cum omnibus rebus suis tam equites quàm pedites recesserunt, & sic non remanserunt in Accon nisi millia duodecim vel circiter, quorum erant equites quingenti & reliqui pedites strenui bellatores.

Quinta verò decima die Mensis Maij tam gravem impetum murorum custodiis dederunt perfidi Sarraceni, quòd fere Regis Cypri cedente custodia, nisi nox obscurissima adfuisset & aliquantulæ defensionis aliunde venientis * persterisset impetus, civitatem adversarij intravissent. Nocte igitur insecuta Rex Cypri Teutonicorum militiæ ministro suam tradens custodiam ad tuendum, ad ipsam ut dicebant mane proximo reversurus, cum suis omnibus & cum ferè tribus millibus aliorum per mare turpiter fugit nocte illa. Sarraceni autem ad congregiendum in crastino venientes, & paucos ad propugnacula videntes custodiæ Regis Cypri apparere defensores, illuc undique cucurrerunt, fossatum ex ea parte lignis & aliis implentes, & murum illico perforantes. Intrantes igitur cum magno impetu civitatem, Christianos ferè usque ad medium urbis viriliter repulerunt, sed priùs hinc inde occisorum maxima strage facta, per Marefcallum & ministrum militiæ Hospitalis ab urbe in vespere diei illius sunt repulsi, & die similiter subsequenti. Sarraceni verò die tertia ad conflictum undique venientes, per portam sancti Antonij intraverunt, & cum Templariis & Hospitalibus confligentes eos totaliter prostraverunt. Sic urbem denique capientes, eam cum muris & turribus, domibus & Ecclesiis funditus everterunt. Patriarcha verò & minister Hospitalis lethaliter fauciatus tracti à suis in Dromundo in mari cum pluribus perierunt, & ita Accon solum

*f. de st *
resistentia.*

Christianitatis asylum illis in partibus, peccatis nostris exigentibus, ab inimicis fidei destructa est, quia non fuit qui ejus succurreret angustiae ex omnibus Christianis.

CAROLUS Comes Valesij frater Regis Franciae PHILIPPI ad preces CAROLI Regis Siciliae quitans jus quod habebat in Arragoniae & Valentiae Regnis, unam de filiabus suis in castino Assumptionis beatae Virginis Dei Genitricis MARIAE apud castrum Corbolij desponsavit; ob cujus matrimonium contrahendum, & etiam Regnorum quittance à Carolo Comite factam, dederat ipse Rex Siciliae eidem Carolo Andegaviae & Cenomaniae Comitatus.

MCCXCI.

Gens castri quod Valentianas dicitur in pago Flandriae & Hannoniae siti contra JOHANNEM Comitem Hannoniensem dominum suum, qui eos nimis indubite satagebat opprimere, rebellavit, & diu contra dictum Comitem se tenentes, gentes ejus de villa sua turpiter ejecerunt, filium Flandrensis Comitis GUILLERMUM in suum defensorem & Comitem advocantes. RADULFO Rege Romanorum mortuo, vir non multum locuples, sed in armis strenuus ADULFUS de Naasso Comes eligitur, & in Regem pacifice coronatur.

Acconis civitatis transmarinae Papa Nicolaus destructione cognita, per suas patentes litteras Praelatos Regni Franciae quid ad terrae sanctae subsidium & recuperationem magis esset necessarium ut sibi demonstrarent, consuluit, & ut ad hoc Regem Franciae, Barones & Milites ac se ipsos & minorem populum incitarent, humiliter exoravit: cujus mandatis & precibus Praelati devotissime annuentes, Metropolitana quilibet per se in sua dioecesi Episcopos, Abbates & Priores, atque sapientes Clericos congregavit, & Conciliis celebratis ad invicem, Papae quod fecerant mandaverunt, consulentes scilicet quod oportet primitus

primitus totius Christianitatis Principes & Barones invicem commotos paci & concordie revocare, & maximè sedare Græcos, Siculos & Arragones, & sic demum si Summus Pontifex annueret, aut esse necessarium judicaret, Crux auctoritate ipsius per totum Christianitatis Imperium prædicaretur.

JOHANNES Dux Brabantie reconciliatus filio de Luceburgo Comitis cujus patrem in bello peremerat, fecit eidem filiam suam in fœdus amicitie desponsare.

JOHANNÂ Comitissâ Blesis mortuâ ejus consanguinei Comes sancti Pauli nominatus HUGO & fratres ipsius, atque GALTHERIUS Castellionis dominus hereditatem ad invicem partiuntur. Hugo verò Guidoni fratri suo Comitatum sancti Pauli derelinquens Blesensis Comes efficitur. Papa NICOLA O defuncto, Ecclesia Romana per duos annos & amplius vacavit, Antistite viduata.

ADULPHUS. MCCXCII.

EDUARDUS Rex Angliæ ex concepta diu ante malitia, ut dicebant aliqui, magnum apparatus faciens, fingendo quòd properaret in terram sanctam celeriter proficisci, per homines suos de Baïona civitate Gasconie & quamplures alios Regni sui navibus assumptis, & bellico apparatu in magna multitudine, fecit gentes & subditos Regis PHILIPPI Franciæ de terra Normaniæ & locis aliis per mare & terram nequiter impugnare, innumeros ex ipsis crudeliter occidendo, capiendo & detinendo, & naves eorum quamplurimas frangendo, & illorum superstites cum bonis & mercibus in Angliam transfuchendo. Invaserunt etiam prædicti homines Regis Angliæ Eduardi proditionaliter villam Regis Franciæ quæ Rochella nominatur, facientes in eadem quamplurimos assultus, & occidentes aliquos, ac villæ damna quamplurima inferentes; quod ad Regis Franciæ cum venisset notitiam, & Regi Angliæ demandasset atque tenentibus locum ejus in Gasconiam ut certum numerum prædictorum

Tom. XI.

Eccc

hominum malefactorum apud Petragorum in sua mitterent prisione, pro faciendo de ipsis quod ratio suaderet & iustitia postularet. Mandato ejus parere contumaciter & contemptibiliter est neglectum; quapropter Rex Franciæ fecit per suum Conestabularium RADULPHUM de Nigella dominum Militem in manu sua totam saisire Gasconiam ut potè ad sui Regni feodum pertinentem, faciens citare ad suum Parlamentum Regem Angliæ Eduardum.

Cùm JOHANNES Comes Hannoniæ juxta terræ suæ confinium gentes & subditos Regis Franciæ & Ecclesias in ejus constitutas custodia molestaret, nec vellet ad preces aut mandata regalia emendare, CAROLUS Comes Valesij Regis frater apud sanctum Quintinum Viromandiæ castrum magnum adversus Comitem jussu Regis exercitum congregavit; quem cùm esset in proprio aggressurus, Johannes Comes Hannoniæ potestatem Regis Franciæ pertimescens inermis venit ad Carolum, & devotus atque cum ipso Parisius ad Regem veniens, quidquid adversus eum & suos subditos jamdudum deliquerat ad ejus beneplacitum emendavit. Apud Rothomagum propter exactiones quas nominant malam toltam de quibus populus gravabatur, contra Magistros Scacarij Regis Franciæ Ministros minor populus insurrexit, & domum Collectoris pecuniæ infringentes, ac denarios collectos per plateas dispergentes, in urbis castello Magistros Scacarij obsederunt; sed postmodum per Majorem & urbis ditiores homines sedati quamplurimi suspenduntur, & multi per Regis Franciæ diversos carceres mancipantur. GILO Cornuti Senonensis Archiepiscopus obiit, cui STEPHANUS Decanus ejusdem Ecclesiæ successit.

MCCXCIII.

Armagnac. Comes de Hermengniaco contra Fuxi Comitem REMUNDUM Bernardi, quem de prodicione appellaverat, apud Gisortium circa Pentecosten coram

Rege Frãnciæ & ejus Baronibus in duello cogitur dimicare; sed ad preces Comit̃s Attrebat̃i ROBERTI negotium ip̃orum super se Rex suscipiens, à conflictu quem jam inceperant retrahere fecit illos. Rex Angliæ EDUARDUS pluries & solemniter ad Regis Francorum curiam citatus super injuriis & facinoribus quæ & quas gentes suæ intulerant Regis Franciæ hominibus de Normannia & alibi, venire contemnit; sed ut fallente conscientia fraudulentiori consilio possit iniquitatem perficere quam concepit, Regi Franciæ mandasse dicitur quòd ei quittabat quotquot ex ejus feodo possidebat, putans illud & amplius vi armorum acquirere, & sine homagio cujuscumque de cetero obtinere. Mense Julio Noviomum civitas Galliæ tota igne conflagrata est, præter sancti Eligij & sancti Bartholomæi Abbatias.

GUILLERMUS Autissiodorensis Episcopus obiit, cui PETRUS Aurelianensis Episcopus successit, & eidem Petro in Aurelianensi Ecclesia FERRICUS filius Ducis Lotharingiæ, qui electus fuerat in discordia ad Episcopatum Autissiodorensē. HENRICUS de Hispania, quem Reges Siciliæ vinculum per spatium viginti sex annorum tenuerant, evadens de carcere apud nepotem suum SANCIONEM Regem Hispaniæ se recepit.

MCCXCV.

Apud Barrum Lotharingiæ castrum ad nuptias cujusdam filiæ Regis Angliæ JOHANNES Dux Brabantiae invitatus, fuit ibidem in hastiludio à quodam milite interfectus. Post duorum annorum, trium mensium & duorum dierum Ecclesiæ Romanæ vacationem, centesimus nonagesimus sextus CÆLESTINUS quintus præsidet. Hic frater PETRUS DE MORONE antea dictus, natione Apulus, Monachus & pater cujusdam tenuis Religionis ab eo institutæ, quæ sancti Benedicti in Montibus appellatur, apud Sulmonem Aprucij vitam arctam heremiticam ducebat;

Eeee ij

hic etiam vir magnæ humilitatis, sanctæ conditionis & famæ celebris, ætatis ut putatur annorum septuaginta & ampliùs, validus tamen & compos, litteraturæ quidem modicæ sed discretionis bonæ & alicujus experientiæ, ex insperato cùm Cardinales viderentur super electione Papæ in sua etiam discordia obstinati & confirmati, & tunc ad tractandum de electione non convenissent, nec aliàs umquam de ipso fratre Petro eligendo mentionem aliquam habuissent; quodam Cardinali de fama & sanctitate ipsius in communi consistorio incidenter aliqua referente, divina prout creditur inspiratione, unanimi cunctorum voto, cum lacrymarum plurima effusione in summum Pontificem est electus.

EDUARDUS Rex Angliæ contra Regem Franciæ apertè & potentialiter insurgens, misit in Gasconiam classem maximam gentis suæ, quæ insulam dictam *de Ré* versùs Rupellam in Pictavia de parte Regis Franciæ se tenentem depopulans, totam incendio conflagavit. Inde versùs Burdegalam navigantes Anglici, castrum Blaviæ & tres villas vel oppida supra mare occupantes, gentes Regis Franciæ eorundem custodiæ deputatas nonnullos Gasconum perfidiâ occidendo, turpiter ejecerunt. Cùm autem apud Burdegalam postmodùm applicassent, nec ibi propter RADULFUM de Nigella Franciæ Conestabularium qui intus erat possent aliquid attentare, apud Baïonam civitatem stolium suum celeriter diverterunt: quam proditione civium in deditionem illico suscipientes, Francos omnes in castelli forteritia diu expugnatos tandem postea fugaverunt. Papa Cælestinus duodecim Cardinales supra numerum qui tunc aderat ordinavit, & decretalem quam de summo Pontifice eligendo predecessor suus Papa NICOLAUS suspensam reliquerat confirmavit. Comes Acerrarum in Apulia, quem CAROLUS Rex Siciliæ custodem Provinciæ Comitatus sui constituerat, repertus & probatus pessimus Sodomita, & sui domini proditor, mandato ipsius

Regis captus à posterioribus usque ad os veru ferreo ardenti transfigitur, & postea concrematur. Confessus est autem in tormento huiusmodi quomodo defunctum CAROLUM Regem Siciliae ab obsidione Messanensium proditione retraxerat, & qualiter post cum Principe Salernae CAROLO ejusdem filio se capi permittens, Siculos ipsum captum Principem volentes honore Regio insignire, & Arragones de sua terra expellere, disturbavit.

Circa Dominicum Adventum Caelestinus Papa nescio quo ductus Spiritu in pleno Consistorio coram cunctis annulum, mitram & sandalia deponens omni Papali officio & beneficio totaliter resignavit *. Post-
quem Romanæ Ecclesiæ centesimus nonagesimus septimus BONIFACIUS octavus natione Campanus præsidet. Hic Caelestinum Papam depositum volentem ad locum unde assumptus fuerat redire minimè permisit, sed honorificè fecit eum diligenti custodia in loco tutissimo custodiri. RADULFUS de Grandivilla frater Ordinis Prædicatorum, qui jussu Caelestini Papæ depositi apud Parisius in Patriarcham Jerusalem consecratus fuerat, Romam veniens fuit à Papa Bonifacio degradatus.

Romanorum Rex ADULFUS Regi Angliæ Eduardo pecuniâ contra Regem Franciæ confœderatus, fecit Regem Franciæ ex parte sui post octabas Nativitatis Dominicæ diffidare, sed auxiliariis sibi deficientibus nequivit perficere quod optabat. GUIDO Comes Flandriæ occultè Regi Angliæ contra dominum suum Regem Franciæ confœderatus, veniens cum quadam filia sua Parisius quam volebat in Angliam Regi Angliæ desponsandam mittere, jussu Regis Franciæ cum illa in custodia detinetur; sed ipsa postmodum remanente cum pueris Regalibus educanda, Comes satis citò postea liberatur. CAROLUS Comes Valesij
frater Regis Franciæ Philippi in Gasconiam cum magno exercitu destinatus Roncium * castrum fortissimum quod Gasconum proditione Anglici detinebant

Eccc iij

f. * renun-
ciavit.

* Chr. Nan-
gij Gall.
ms. habet
hoc loco,
La Rola.

obsidione clausit : Ibi enim erant JOHANNES de sancto Johanne & JOHANNES de Britannia atque ceteri Regis Angliæ Eduardi egregij bellatores.

MCCXCV.

RADULFUS dominus de Nigella Franciæ Constabularius, qui à Burdegala in juvamen Caroli fratris Regis Franciæ apud Rioncium * veniebat, muniti-
* La Riote. Chr. ms. Gall.
 nem quamdam Pondenciacum dictam, quam in via obsessam octo diebus tenuerat, pactione facta cum Anglicis qui eam cum Gasconibus defendebant, ut vitâ salvâ recederent, illam die Resurrectionis Dominicæ in deditionem recepit, & dimissis Anglicis Gascones apud Rioncium numero sexaginta adduxit ad Carolum, quos ipse fecit feriâ quintâ Paschæ omnes in patibulis ante fores Rioncij permultari. Illi autem de Castro Rioncij hoc videntes, & cognito
Pondency*. ms. Gal.
 quod apud Pondenciacum * hos Anglici prodidissent, adversus gentes Regis Angliæ qui secum intus erant indignatione gravissima sunt permoti. Propter quod JOHANNES de sancto Johanne & JOHANNES de Britannia nocte superveniente cum ceteris Anglicanis de oppido fugientes vix per littus Oceani ascensis navibus evaserunt, sed à Gasconibus inseguti plurimi antequam naves ascenderent sunt occisi : die verò Veneris subsequenti in mane perspicientes Francigenæ nocte illa discordiam fuisse in oppido, paucis resistentibus assultu facto castrum protinus intraverunt, & captis pariter & occisis multis Gasconibus, villam & castrum dominio Regis Franciæ subjecerunt. SIMON Prænестinus & BERARDUS Albanensis Episcopi Ecclesiæ Romanæ Cardinales, propter pacem inter Regem Franciæ & Regem Angliæ faciendam in Franciam à Papa BONIFACIO destinati Mense Maio Parisius advenerunt. CAROLUS Comes Valesij post Castri Rioncij captionem villam sancti Severij obsedit, & eam toto tempore astivali diversis assultibus vexatam ad deditionem venire post-

modum coëgit; sed illo postea reverso in Franciam, gens villæ infida rebellionis spiritum resumens à fidelitate Regi Franciæ pollicita resiliuit.

SANCIO Rex Castellæ defungitur, cujus binos pueros ætatis parvulos, quos de quadam Sanctimoniali femina sibi matrimonio conjuncta genuerat, HENRICUS ejus patruus, quem de prisione Regis Siciliæ supra retulimus evasisse, sub protectione tutoria custodivit. Frater EGIDIUS Augustini post SIMONEM de Bello-loco factum Episcopum Prænestinum per Papam Bonifacium Bituricensis Archiepiscopus est effectus. Hic de Ordine Eremitarum sancti Augustini in Pontificem assumptus, plurimos libros super seriem sacrae scripturæ & Philosophiæ compilavit.

Regis Franciæ ingens classis apud Devoram portum Angliæ applicans, quidquid erat extra muros rapuit & incendit; & cum potuisset tantus exercitus totam Angliam de facili occupasse, MATTHÆI de Monmorenciaci & JOHANNIS de Hardicuria classis illius Amiraliorum auctoritate prohibitus, redire inefficax compulsus est. Regina Franciæ MARGARETA uxor sanctissimi Regis Franciæ LUDOVICI Parisius obiit, & in Ecclesia sancti DIONYSII in Francia juxta Regem sanctissimum Ludovicum conjugem suum honorificè sepelitur. Hæc antequam decessisset, Parisius apud sanctum Marcellum Cœnobium sororum Minorum in quo honestissimè diu vixit constituit & fundavit. ALPHONSO Rege Arragoniæ defuncto, JACOBUS occupator Regni Siciliæ ejus frater in Arragoniam se transferens suscepit apicem regniæ dignitatis; qui facta pace cum CAROLO Rege Siciliæ unam de filiabus suis desponsavit, & obsides quos Alphonsus frater suus Rex defunctus susceperat à Rege Siciliæ liberavit; alter verò frater ejus FREDERICUS Siciliam post eum occupavit.

CÆLESTINUS Papa depositus diem clausit extremum. Scoti Regi Franciæ foederati incurfant Regnum Angliæ & devastant; sed dum à vastatione redeunt, JOHANNES Rex eorum proditus à quibusdam capitur, & Regi Angliæ destinatur. PETRUS & JACOBUS de Columna Romanæ Ecclesiæ Cardinales, qui Cælestini Papæ depositi depositionem indebitam fuisse, & injustam BONIFACII promotionem fieri astruebant, per hoc Romanam Ecclesiam intendentes schismate commoveri, à Cardinalitate per Papam Bonifacium deponuntur, & omnibus bonis Ecclesiasticis & beneficiis sunt privati. ALPHONSUS & FERRANDUS filij Blanchæ filiæ sancti Regis Franciæ LUDOVICI ex filio Regis Castellæ mortuo Ferrando primogenito, qui à jure Regiæ dignitatis & excellentiæ sibi debito per ALPHONSUM avum suum totaliter privati fuerant, & propter hoc in Francia exulabant, Regis SANCIONIS patruum eorum interitu intellecto, itinere festinato petunt Hispanias, & pactum cum JACOBO Rege Arragoniæ facientes, ejus & Fratris sui auxilio, atque filij JOHANNIS Minimi * Baronis Hispaniæ Regnum Legionense primitus incurfante sibi totaliter subjecerunt; quod Alphonsus fratrum primogenitus statim cuidam JOHANNI patruo suo in ejus auxilium adventato * à se in feodum tenendum contulit & permisit, per quod factum gentis suæ corda mirabiliter ad se traxit.

* Nunnij, at in ms. Gall. habetur filius Jean le petit Baron d'Espagne. f. * advocato. * nondum audita. * decernitur.

Exactio quædam non * inolita, quam nominant malam tollam, per Regnum Franciæ *, primò à mercatoribus solummodò, deinde centesimus, post quinquagesimus bonorum omnium cujuscunque tam à Clericis quàm Laïcis propter guerram isto tempore discurrentem inter Reges Franciæ & Angliæ exactatur; propter quod BONIFACIUS Papa sententiam decrevit, ut si Reges aut Principes vel Barones totius Christianitatis de cetero à Prælati, Abbatibus & Clero

Clero Romanâ Ecclesiâ inconsultâ tales exactiones acciperent, aut si Episcopi, Abbates & Clerus talia * *f. * talias.* sibi darent, excommunicationis sententiam incurrerent ipso facto, à qua nisi in mortis articulo possent à nemine absolvi nisi à Romano Pontifice, vel mandato ipsius speciali. Urbs Appania à Tholosano Episcopatu hoc tempore separata proprium Episcopum per Papam Bonifacium obtinuit; sed protinus LUDOVICUS filius Regis Siciliae frater minor duos integraliter est ab ipso Papa Bonifacio consecutus.

EMUNDUS Regis Angliæ frater in Gasconiam contra gentes Regis Franciæ destinatus apud Baionam moritur: post cujus obitum dum gentes Angliæ Regis villas & oppida de parte sua se tenentia munitiones * victualibus parant, ROBERTUS egregius *f. * munire* Comes Attrebatum, qui paulo antea missus ibidem advenerat, eorum providentiam per suos exploratores intelligens, celeriter impedivit; nam cum essent equites septingenti & pedites quinque millia, ita eorum confecit exercitum, quod fugatis Gasconibus & Anglorum Majoribus quingentos in mortem prosterneret, & centum vel circiter retineret. Ibi enim JOHANNES de Sancto-Johanne & juvenis GUILLERMUS de Mari-mortuo capti cum ceteris Anglorum Nobilibus captivi in Franciam transmittuntur. Comes autem Lincolniae & Johannes de Britannia fugati de prælio omnem garnisonem quam ducebant cum bellico apparatu totaliter amiserunt, & nisi nox prælium diremisset, & nemora bello proximo adfuissent, nullus de tanta multitudine evasisset. Sic ergo adversariis Regis Franciæ in Gasconia profligatis, nemo fuit qui auderet de cetero adversus Attrebatensem Comitem aut Francigenas ad bellum progredi vel exire. FLORENTIUS Comes Hollandiæ, & non multum post filius ejus unicus, à quodam milite prodicionaliter occiduntur; quorum necem Comes Hannoniæ JOHANNES vindicans, Frisiam & Hollandiam consanguinitatis obtinuit ratione.

GUIDO Comes Flandriæ per suum deceptus filium ROBERTUM, ut dicunt, apertè insurgere parans contra dominum suum Regem Franciæ PHILIPPUM, per suas patentes litteras eidem mandavit Parisius, quòd nihil ab eo se tenere in feodo aut quoquo modo alio advocabat. Mense Decembri in vigilia sancti Thomæ Apostoli ita Parisius Secanæ fluvius excrevit, quòd nulla ætas meminit aut scriptum reperit tantam aquæ illuviem Parisius inundasse: nam tota civitas aquis totaliter repleta fuit pariter & accincta, ita quòd ingredi ab aliqua parte absque navigio non valeret, nec per vicos ferè omnes aliquis posset incedere sine suffragio batellorum; unde mole aquæ & fluminis rapacitate duo pontes lapidei cum molendinis & domibus superædificatis atque castelleto parvi pontis totaliter corruerunt, & tunc fere oportuit per octo dies de cibariis foris allatis in navibus & batellis civibus succurrisse.

MCCXCVII.

Per Hispanias ALPHONSUS & FERRANDUS fortiter agentes nominis & adventus sui timorem incutiunt universis; ad quos tunc adveniens patruus ipso forum Dominus JOHANNES vires eorum non minimum augmentavit; nam per illum in deditionem villas & castra plurima receperunt: qui dum incautè postea super hostes irrueret & caperetur, Alphonsus inclytus ejus nepos aliter ipsum rehabere non potuit, nisi universa quæ acquisierat restauraret. Unde magna sui cordis liberalitate tractus totum pro ipso reddidit, majores æstimans esse divitias amicorum quàm rerum labentium habere copiam opulentam. Qui de tanto beneficio statim ingritudinem incurrere ad hostes se contulit, & Regnum Legionense quod dono nepotis acceperat reddidit inimicis. Sic igitur amissis omnibus Alphonsus magnanimitate animi adversa superans, Regum Franciæ genus altissimum unde descenderat ad memoriam reducendo, cùm non ha-

beret ubi diverteret, contra suorum opinionem qui consilium sibi dabant in Franciam vel Arragoniam revertendi, ad campos in tentoriis ante quoddam oppidum se contulit, malens pro jure & justitia jus suum requirendo mori quam reverti sine gloria & honore. Cujus videns industriam ejusdem castri dominus, ipsum cum gente sua pietate motus in oppidum introduxit, per cuius auxilium Alphonfus postea damna multa suis intulit inimicis. Et interdum contendit cum hostibus frater ejus Ferrandus in Franciam petiturus auxilium, & inde ad Romanam Curiam accessit; sed hinc inde parum commodi reportavit.

HENRICUS Comes Barri, qui filiam Regis Angliæ EDUARDI desponsaverat, cum magna multitudine armatorum in terram Comitatus Campaniæ, qui Reginam Franciæ JOHANNAM jure hereditario contingebat, hostiliter intravit, & occisis multis hominibus villam quamdam totaliter conflagravit; ad cuius conatus temerarios reprimendos missus à Rege Franciæ GALTERUS de Creciaco Castellionis dominus, Campanenses habens in sua comitiva terram Barrensis Comitatus ferro & ignibus devastavit, & sic eum ad terræ suæ custodiam revocavit. Cardinales de Columna depositi apud Nepesinam Tusciæ civitatem se conferunt, quos tanquam schismaticos Papa damnans, & excommunicatos denuntians, adversus eos Cruce-signatos Italicos cum magno exercitu destinavit.

PHILIPPUS Rex Franciæ contra GUIDONEM Comitem Flandriarum qui à fidelitate ejus recesserat, magno apud Compendium congregato exercitu, ibidem in festo Pentecostes fratrem suum LUDOVICUM Comitem civitatis Ebroicæ, & alium LUDOVICUM Comitis Clarimontis ROBERTI primogenitum cum aliis centum viginti Milites novos fecit: & inde profectus in Flandrias, invitis hostibus terram intrans obsedit in Vigilia sancti Baptistæ Domini Insulanos, & destructâ Monialium feminarum Abbatia

Ffff ij

Margata nomine, ibi prope circumquaque Insulam usque ad leucas quatuor ferro & igne Franci omnia vastaverunt. Tunc etiam sancti Pauli GUIDO Comes & RADULFUS dominus de Nigella Franciæ Conestabularius, atque GUIDO frater ejus exercitus Marescallus cum quibusdam aliis exercitum per leucas quatuor elongantes, super fluvium villæ de Commis cum suis inimicis habito conflictu, ex ipsis quingentos & amplius devicerunt, & pluribus occisis ac eorum retentis tentoriis, quamplures stipendiarios Regni Alemanniæ captos magni nominis Milites & armigeros secum ad Regem Franciæ adduxerunt. Eodem temporis concursu Papa canonizavit apud Urbem veterem sanctum Regem Franciæ LUDOVICUM. Rege Franciæ ad obsidionem Insulæ commorante, ROBERTUS Comes Attrebatensis relinquens Gasconiam Regni Francorum fidelibus conservandam, apud sanctum Audomarum in terram propriam se recepit; & vocato ad se suo filio PHILIPPO cum multis aliorum Nobilibus à parte illa Flandrias est aggressus. Contra quem GUIDO Comes Flandriæ mittens tam equitum quàm peditum ingentem multitudinem armatorum, juxta villam quam Furnas nominant conflictum cum Comite habuerunt; ubi hinc inde aciebus discurrentibus fuit acre prælium, sed Flandrenses cum essent equites sexcenti & sexdecim millia peditum à gente Comitis occiduntur, & multi tam armigeri quàm milites cum GUILLERMO de Juilliers & HENRICO Albi-montis Comite capiuntur. Qui dum Parisius in quadrigis, & alibi per diversos carceres mitterentur, ad laudem & gloriam Roberti Comitis Attrebatensis militiæ emeritiæ ante suas facies vexillum ejus appositum habuerunt. Comes autem Attrebatensis villam de Furnes in deditionem accipiens, Caselum cum tota valle sua postea occupavit.

Interea verò Insulani diversis assultibus gentis Regis Franciæ fatigati, cum viderent machinis ejus muros suos sæpius conquassari, nec auderet Robertus

Comitis Flandrensis primogenitus qui unà cum eisdem erat in oppido ad bellum exire contra Francigenas, inito pacto cum Rege Franciæ ne bonis & vita privarentur, se & villam Regis subijciunt ditioni: sed Robertus cum paucis militibus quos habebat exiens de villa, apud Brugas ubi erat pater suus ocius se recepit. Ibi enim EDUARDUS Rex Angliæ cum paucis parumper antè advenerat à Flandrensi Comite deceptus, ut aiunt, qui sibi pro certo mandaverat quòd captos teneret Comitem Attrebatensem & Carolum fratrem Regis Franciæ apud Brugas, vel ut sanius potest credi, ut in sua guerra Flandrensem Comitem adjuvaret. Rex autem Franciæ de adventu Regis Angliæ auditis rumoribus, munitâ Insulâ gentem suam, versùs Corteriacum oppidum castra movit, quod statim in deditionem accipiens, Brugas postea obsidere festinavit. Sed interim Rex Angliæ & Comes Flandriæ Brugis relictâ cum suis apud Gandavum se ocius propter loci fortitudinem receperunt. Q10 Bru-genses perterriti Regi Franciæ devoti & humiles occurrentes se & villam ejus subijciunt potestati. Ubi Rex parumper exercitu recreato, versùs Gandavum iter arripuit; sed apud quamdam villulam Regis Angliæ receptis nuntiis inducias postulantis, propter instantem hyemem & ob amorem Regis Siciliæ qui propter hoc veniebat in Franciam, usque ad duos annos sibi & Comiti Flandrensi vix annuens *, circa festum Omnium Sanctorum in Franciam remeavit. Exercitus Papæ BONIFACII Nepesinâ Tusciæ civitate expugnatâ inde fugere Cardinales compulit Columnenses, qui apud columnæ oppidum venientes, ibidem denuò sunt obsessi.

* inducias.

Prælati Regni Franciæ Parisius congregatis, ostendit Rex litteras continentes, quomodo sibi Papa BONIFACIUS & suo primo successorì concesserat heredi Ecclesiarum decimam accipiendam, quotiescumque sibi conscientia indicante necessarium esse crederent atque vellent; & item quomodo idem Papa in subsi-

Ffff iij

dium expensarum concesserat guerræ suæ omnes redditus, proventus, & obventiones unius anni præbendarum, præpositurarum, Archidiaconatum, Decanatum, beneficiorum, Ecclesiarum & aliarum quarumlibet Ecclesiasticarum dignitatum per Regnum Franciæ durante guerra vacantium, exceptis Episcopatibus, Archiepiscopatibus & Monasteriis atque Abbatibus universis. Bonifacius Papa Constitutiones quasdam novas quas animo diligenti & cura sollicita pro statu & comodo universalis Ecclesiæ compilari & ordinari fecerat à peritis in iure Canonico & Civili, tertia die Maii in pleno consistorio coram omnibus qui præsentibus erant tradidit ad legendum, & perfectæ sæpius cum magna diligentia atque à Cardinalibus approbatæ, decrevit ipse Pontifex ut libro quinto Decretalium adjunctæ facerent sextum librum.

MCCXCVIII.

Privilegium datum Prædicatoribus & Minoribus de Confessionibus audiendis, à Papa BONIFACIO irritatur, & decrevit idem Papa ut confessus eisdem Fratribus confiteatur eadem peccata proprio Sacerdoti. Mortuo SIMONE Carnotensium Episcopo, successit eidem JOHANNES de Gallendia Subdecanus Ecclesiæ Carnotensis. ALBERTUS Dux Austriæ Regem Romanorum ADULFUM in prælio interfecit, & electus post eum Rex efficitur Romanorum.

Castro de Columna ab exercitu Bonifacii Papæ destructo, & postea Sagarollâ, apud Prænestem urbem fugiunt Columnenses; ubi iterum obsessis dedit vexatio intellectum, ita ut Reatæ ad Papam Idibus Octobris humiliter venientes misericordiam & non iudicium postularent, qui benignè & misericorditer à Papa sunt recepti, sed nequaquam ad status pristinos postea fuerunt restituti. Mortuo LUDOVICO Tholosanæ urbis Episcopo Appamea à Tholosa separata proprium suscepit Episcopum.

Sanctus LUDOVICUS Rex quondam Franciæ

gloriosus, qui anno præcedenti proximo Sanctorum catalogo adscriptus fuerat, cum ingenti lætitia & exultatione à Rege Franciæ PHILIPPO & à totius Regni Principibus & Prælatibus apud Sanctum DIONYSIUM in Francia congregatis, de terra in crastino festi sancti Bartholomæi Apostoli elevatur, revolutis viginti octo annis ex quo in Regno Thunicij subitè Carthaginem in Domino obdormivit. Qui quanti meriti ipse Confessor Domini gloriosus sanctus Rex extiterit Ludovicus, apud Deum miracula prius facta demonstraverunt; specialius tamen post exaltationem corporis ejus à terra, in diversis mundi partibus est ostensum. Nam in tantam curationum gratiam excrevit, ut nemo ab eo sanitatem sive subsidium fidenter & fideliter exposceret, quin sine mora effectum perciperet exoptatum. Filius JOHANNIS Nunij Baro quidam Hispaniarum illustris, qui paulo antè in Franciam pro ALPHONSO & Ferrando auxilium petiturus advenerat, à suis in reditu præventus inimicis, vulneratus capitur in bello, & tamdiu mancipatur in carcere, quousque fide firmaverit quòd nulum deinceps ferret auxilium Alphonso & Ferrando, nec de parte ipsorum amplius se teneret. PHILIPPUS filius ROBERTI Comitis Attrebatensis unicus defungitur, & apud Fratres Prædicatores Parisius sepelitur. Hic ex uxore BLANCHA filia Ducis Britanniae Johannis duos filios & duas filias dereliquit, quarum unam postmodum LUDOVICUS Regis Franciæ frater Comes Ebroicarum in conjugem accepit, alteram verò GASTO filius REMUNDI Bernardi Comitis Fuxinensis. In festo sancti Andreæ Apostoli apud Reatam Italiæ urbem ubi tunc Papa & Curia morabantur, tam ingens & terribilis terræ motus accidit, quòd muris & domibus ferè ruentibus, ad campos omnes fugerunt extra urbem; & versùs finem Januarij per dies plures Cometes visus est in noctis crepusculo apparuisse. ROBERTUS Comes Attrebatensis tertiam uxorem accipiens filiam Johannis Hannoniæ desponsavit.

ALBERTUS. MCCXCIX.

Dux Calabriae ROBERTUS filius Regis Siciliae Caroli quibusdam galeis armatis in Siciliam intravit, & ibidem occupando quaedam castra gentes suas in eisdem protinus introduxit; cuius felix auspiciū frater suus PHILIPPUS egregius Princeps Tarentinus intelligens, dum ipsum sequitur inconsultè, cum gente sua in mari à Siculis captus fuit. Inter Regem Franciae PHILIPPUM & Regem Angliae EDUARDUM quibusdam conditionibus pace facta, idem Rex Angliae MARGARETAM Regis Franciae sororem apud Cantuariam desponsavit, de qua THOMAM suscepit filium anno postea revoluto.

Tartarorum Rex CASSAHAM, qui & magnus Canis dicitur, miraculosè, ut aiunt, ad fidem Christi cum plurima gentis suae multitudine conversus per filiam Regis Armeniae Christianam quam desponsaverat, innumerabilem adversus Sarracenos exercitum congregavit, habens Regem Armeniae Christianum totius sui exercitus Marefcallum, & primò apud Halapiam confliens cum eisdem, postea ad Camelam non absque suorum plurima strage facta victoriam reportavit. Deinde reparatis viribus usque Damascum persequens Sarracenos ubi Soldanus exercitum magnum collegerat, acre bellum habuit cum eisdem, in quo centum millia Sarracenorum & ampliùs caesa sunt, & Soldanus de praelio fugatus cum paucis hominibus apud Babyloniam se recepit. Et sic Sarracenis Dei nutu à Regno Syriae atque Jerusalem eiectionis, dominio illa terra subjacuit Tartarorum, & in Pascha subsequenti, ut dicitur, Christiani in Jerusalem divinum servitium cum exultatione & gaudio celebrarunt. Columnenses misericordiam Papae BONIFACII expectantes cum nullam sibi adesse prospicerent, occultè fugiunt, & quibus locis latuerint usque post mortem ipsius Papae incognitum fuit multis.

ALBERTUS Rex Romanorum & PHILIPPUS
Rex

Rex Franciæ circa adventum Dominicum apud Vallem-coloris insimul congregati, inolita & antiqua utriusque Regni fœdera ibidem ad invicem confirmarunt. Ubi annuentibus Rege Alberto, Barônibus & Prælati Regni Theutonici, concessum fuisse dicitur quòd Regnum Franciæ, quod solummodò usque ad Mosam fluvium illis in partibus se extendit, de cetero usque ad Rhenum potestatis suæ terminos dilataret. Ibidem etiam HENRICO Comiti de Barro trebæ usque ad annum unicum à Rege Franciæ sunt concessæ. Treugarum termino qui inter Regem Franciæ & Flandrensem Comitem concessus fuerat transacto, CAROLUS Comes Valesij missus à Rege in Flandrias post Nativitatem Dominicam cum magno Francorum exercitu, statim recepit Duacum & Bethuniam in deditionem, & post apud Brugas se recipiens, juxta Dam portum maritimum cum ROBERTO Comitis Flandrensis filio acre bellum habuit, sed hinc inde pluribus vulneratis, Flandrenses de prælio recedentes apud Gandavum se ociùs receperunt.

FERRICUS Aurelianensis Episcopus à quodam milite, ut dicebatur, cujus filiam puellam corruerat occisus est; cui successit Magister BERTAUDUS de sancto Dionysio Remensis Archidiaconus, qui sui temporis opinatissimus inter Theologos refulgebat.

MCCC.

CAROLUS Comes Valesij Dam portu Flandriæ expugnato, cum Gandavum disponderet obsidere, GUIDO Comes Flandrensium stultam suam tunc percipiens superbiam, ad ipsum cum duobus filiis Roberto & Guillermo accessit humiliter, & se cum eisdem & reliquum terræ suæ Carolo reddidit, quibusdam conditionibus interjectis. Qui adducti Parisius ad Regem Franciæ postulantes veniam, minimè consequuntur; sed usque ad tempus congruæ miserationis diversis in locis sub custodia reponuntur. Papa BONIFACIUS indultum faciens concessit plenam indul-


Tom. XI.

Gggg

gentiam peccatorum omnium cunctis verè poenitentibus & confessis, accedentibus per anni præsentis spatium & per quemlibet affuturum annum centesimum ad beatorum Apostolorum PETRI & PAULI Basilicas Urbis Romæ voto peregrinationis humiliter & devotè. Regis Romanorum ALBERTI filius RADULFUS Dux Austriæ sororem Regis Franciæ Blancham apud Parisius desponsavit. ROGERUS de Laurea, qui diu pro Siculis adversus Regem Siciliæ & gentes ejus dimicaverat, absolutus nunc à Papa, & Amiralius classis Regis Siciliæ factus, viginti galeas Siculorum in mari expugnans quingentos ex ipsis & ampliùs interfecit. THEOBALDUS Belvacensis Episcopus nutritor pauperum præcipuus obiit, cui successit Simon Noviomensis Episcopus, & apud Noviomum PETRUS, post quem ANDREAS.

CAROLUS Comes Valesij uxore prima mortua secundam accepit CATHARINAM, scilicet PHILIPPI filij BALDUINI Imperatoris Græciæ quondam expulsi filiam, quam Catharinam jus Imperij contingebat. Sarraceni Nuceriæ civitatis Appuliæ, qui ibidem à tempore Imperatoris FREDERICI congregati sub tributo Regum Siciliæ vivebant legibus suis, à Carolo Rege Siciliæ capti, omnes morti traditi sunt qui Christiani effici noluerunt.

Soldanus Babylonæ resumptis viribus Tartaros & Christianos sive Armenios à Regno Jerusalem & Syriæ devictos expellit, & terram suo dominio subjugavit.



CONTINUATIO CHRONICI
Guillelmi de Nangis à Monacho Bene-
dictino Abbatia S. Dionysij in Francia,
ab anno MCCCCI. ad MCCCCLXVIII.

COMPENDIOSE satis ad multa perutilem Chronographiæ seriem à venerabili fratre Coenobij nostri Commonacho GUILLERMO DE NANGIACO ab initio mundi usque huc, hoc est usque ad annum Domini millesimum trecentesium inclusivè studio diligenti stylòque eleganti digestam, ulteriùs quantum ex alto mihi concessum fuerit aut permissum protrahere cupiens, Regnorum subscriptionem & annorum Christi decursum prout in opere suo idem intitulaverat frater, & ego ipse ordine non mutato annotare & intitulare curavi. Verùm cùm breves sint hominis dies, eorùmque paucitas ita finiatur in brevi, ut caduca mortalis ac misera vita nostra multis repleta miseriis & respersa tamquam vapor parens ad modicum non subsistat, sed ut fumus ociùs evanescens, dum interdum adhuc ordiri videtur & incipere, à Domino velut à texente subitò præscindatur vel repente præcurritur; Fratres nostros præsentés ac posteros in visceribus charitatis efflagito, quatinus si quid scripsero minus cautè seu etià viciòse, caritativè corrigant: sed & ubi morte præventus aut alio impedimento detentus legitimo, compulsus fuero stylo finem imponere, ea si placet nostris adjiciant, quæ digna memoriæ pro suis temporibus in futurum evenire continget. Hoc si quidem Fraternalis societatis emolumentum, hoc mutuum veræ dilectionis solatium ex sententia Salomonis fore didicimus, ut dum unus casui proximare visus fuerit, ab alio fulciatur, ac si deciderit sublevetur.

Prefatio.

Gggg ij

Tunc temporis clarebant in Francia illustres & honestæ viduæ, *BLANCHA* videlicet sancti quondam Regis Franciæ *LUDOVICI* filia in sancta conversatione apud sanctum Marcellum prope Parisius Deo vacans, & *MARGARETA* Siciliæ Regina primi *CAROLI* Regis Siciliæ uxor secunda apud Thornodorum Burgundiæ in hospitali pauperum ab ea instructo, pia devotione pauperibus obsequia servitutis & humilitatis impendens. *LUDOVICUS* Comes Ebroicensis frater Regis Franciæ *MARGARETAM* filiam *PHILIPPI ROBERTI* Comitis Attrebatensis filij desponsavit.

CAROLUS Comes Valesij frater Regis Franciæ Romam adiit cum nobili comitiva, disponens postmodum si Papa consuleret Constantinopolitanum Imperium quod hereditario jure suam contingebat uxorem expugnare: qui à Papa & Cardinalibus honorifice susceptus, Vicariusque ac defensor Ecclesiæ constitutus, multos eis rebelles in Tuscia debellavit. *PHILIPPUS* Rex Franciæ Comitatu Flandriæ visitato & oppidanorum fidelitatibus Nobiliumque receptis homagiis, *JACOBUM* sancti Pauli Militem totius custodem dereliquit patriæ. Comes Barri *Henricus* videns quod Francorum Rex *Philippus* terram suam devastare disponderet vi armorum, accessit ad eum humiliter, ac demum veniam de commisso quam à Rege supplex petierat reportavit. Mense Septembris visa est cometa circa noctis crepusculum inflammationis suæ radios sive caudam præcipuè versùs partes Orientis emittens. *EDUARDUS* Angliæ Rex profectus in Scotiam cum parum aut nihil proficeret contra Scotos, ad propria remeavit. Soldanus Babylo niæ resumptis viribus Tartaros, Armenios ceterosque Christianos à Jerusalem & Syria expulit, & terram suo dominio subjugavit. Mense Januario Luna totaliter in aspectu satis horribili eclipsatur.

Legitimatis per Papam BONIFACIUM filiis SANCIONIS Hispaniæ Regis defuncti, paternum Regnum FERRANDUS eorum primogenitus occupavit; sed ALPHONSUS & FERRANDUS frater sancti LUDOVICI ex filia Blancha nepotes, jus Regni sibi vendicantes, eis totis viribus se opponunt. Primus Apamiensis Episcopus in Curia Regis Franciæ super contumeliæ verbis, ut aiunt, prolatis contra Regiam Majestatem dum aliquandiu sub nomine Narbonensis Archiepiscopi fuisset detentus, tandem de mandato Regis Papæ restituitur, ac de regno recedere sub debita & indicta sibi celeritate jubetur. Rex PHILIPPUS ad cautelam Regni sui majorem Regio decrevit edicto sub certarum imponere poenarum, ne aurum, argentum aut quælibet mercaturæ extra Regnum Franciæ veherentur, ob hoc magna diligentia introitus omnes & exitus ceterosque Regni passus faciens custodiri.

MCCCII.

CAROLUS Comes Valesij de Tuscia in Siciliam jussu Papæ profectus, Terme castrum Siciliæ ad quod assultum facere properabat circa Ascensionem Dominicam in deditionem recepit. Apud Brugas Flandiarum propter exactiones indebitas oppressionesque minus justas, quibus per gentem Regis Franciæ, præcipuè per JACOBUM sancti Pauli custodem patriæ deputatum, de quo supra meminimus, se gravari populus sentiens, ut aiunt, gravi dissensione suborta insurgentibus primò minoribus in majores non modicus hinc & inde sanguis effunditur. Quod cum Regi nunciatum fuisset, & statim armatos mille vel circiter ad reprimendam moderatè si posset seditionem hanc direxisset; ecce statim ad aures pervenit Brugen-
sium, quod prædictus se jactaverat custos eorum quamplures esse suspensuros in brevi; quo audito protinus efferati furiosè cum impetu exilientes, ex insperato videlicet & de nocte dum in lectis quiescerent armis

G g g iij

f. * occu-
pant.

depositis, quotquot invenerunt amarissima morti tradunt, præfato Milite vix per occultæ fugæ præsidium evadente. Interea dum Brugeses apertæ rebellionis spiritu sic assumpto, ac cum GUIDONE Namurij Guidonis Comitis Flandrensis filio necnon gente, portum marinum quemdam applicant*; & aliis multis eis illico faventibus eorumque partem foventibus viriliter tueri se præparant, auxilios undique perquirentes: ecce ROBERTUS egregius Attrebatî Comes à Regè missus in Flandrias cum valida robustorum militia ac pedestri multitudine copiosa conflicturus cum ipsis inter Brugas & Corteriacum castra fixit. Porro dum quadam die Julij Mensis ex utriusque partis condito forent in prælio congressuri, Brugeses robusto animo & volenti resistere prompti pariter adunati & densati, valde dispositi venerunt pedites fere omnes; milites verò nostri præsumptuosè nimium in suis viribus confidentes, ipsosque ut homines rusticanos habentes despectui, mox pedites suos qui belli cuneum præcedebant, ex ordine retrahere compellentes, ne peditibus ipsis victoria quam statim obtinere putabant & non equitibus videretur adscribi, in eos pompaticè & incautè absque belli ordine irruerunt; quos Brugeses cum lanceis adjunctis & exquisiti generis quod gothendar vulgò appellant viriliter impetentes, in mortem dejiciunt quotquot illo impetu obviam habuerunt. Sed & Attrebatî Comes egregius illustrisque pugnator succurrere suis accelerans dum in hostes tamquam leorugiens immergit viriliterque decertat, triginta vel amplius sauciatus vulneribus, ut postmodum testati sunt oculi qui viderunt, tandem, proh dolor! cum sua nobili comitiva, videlicet GODEFRIDO de Brabantio consanguineo suo, dominoque Virsionis ejusdem Godefridi filio, Comite Augi, Comite Albemalæ, filio Comitis Hannoniæ, RADULFO domino Nigellæ Franciæ Conestabulario, GUIDONE ejus fratre Franciæ Marefcallo, Cambellano TAN-

QUERVILLE, REGINALDO de Tria emerito Milite, PETRO Flote, JACOBO sancti Pauli, aliisque quasi ducentis Militibus cum multis armigeris probitate conspicuis, ceteris aciebus exercitus nostri in multo majori numero tam nobilium quam ignobilium turpissimè terga vertentibus, cursuque veloci fugam arripientibus, gemebundam totique Regno, & quàm dolentes referimus, lamentabilem occumbit in mortem: Cujus corpus postmodum circa diem tertium Fratrum Minorum Attrebatî Gardianus recolligens in quadam Capella Monialium nondum dedicata, prout potuit servitio celebrato, Ecclesiasticæ tradidit sepulturæ. Hujus verò futuræ demolitionis instantiam cometa Septembri præterito visa, eclipsisque Lunæ, Januario Mense facta veraciter, ut tradunt aliqui, protendebant. Hac igitur Guido Namursij exhilaratus victoriâ, suorum animos totas occupandi Flandrias ambitione succensos extendere nititur ad majora. Nam postmodum insudans * Insulanos nunc dolis, nunc armis tam eos quàm Yprenses ac Gandavos ceterasque Flandriæ villas ad deditionem coëgit pariter & allexit. PHILIPPUS Rex Franciæ post quindenam Assumptionis beatæ MARIE Virginis tanto apud Attrebatum exercitu congregato, ut totam Flandriam cum suis habitatoribus destruere satis de facili potuisset; ad duas leucas vel circiter castra figens, malignorum ut creditur consilio circumventus, ne hostes quos de prope castra metatos habebat, aut villas eorum aliquas assailliri permisit; sed toto Septembri tempus in vacuum ducens, tandem licenciato exercitu tam potenti, inefficax & inglorius in Franciam remeavit. Quo viso statim hostes proximas villas & municipia Comitatus Attrebatî incenderunt; sed Milites cum servientibus & armatis illuc à Rege dimissis cum bellico apparatu conatus crebros Flandrensiū decursusque in terram Attrebatî sæpe viriliter coercentes, cum ipsis habito conflictu in vigilia sancti Nicolai in prælio circiter octingentos versus Aeriam occiderunt.

f. * invadens vel obsidens.

CAROLUS Valesij Comes carorum suorum illustrum in Flandria occisorum morte, ut dicitur, jam audita, perturbationi Regis ac Regni compatiens, gentis suæ consilio cum FREDERICO & Siculis pacem composuit in hunc modum: videlicet quod Fredericus ALIENORDEM Regis Siciliae filiam in uxorem duceret, & sic Insulam Siciliae totam toto tempore vitae suæ pacificè & quietè absque Regis nomine possideret. Ipse verò CAROLUS & Dux Calabriae Robertus Siciliae Regis filius, qui praesens tunc aderat, laborare tenebantur suis pro viribus erga Regem Arragonum & Comitem de Bregna, quod iura Cypriae & Sardiniae Regnorum, quæ ad ipsos pertinere dicebant, quietè dimitterent Frederico, dum tamen Papa super his assentiret, & Fredericus ipse sumptibus propriis ea conquirere sibi posset; vel aliter de Regno quod alteri de praefatis duobus esset æquivalens provideret eidem. Quod si commodè non possent effectui mancipare, Carolus Siciliae Rex teneretur dare centies mille uncias auri post ipsius Frederici decessum, ad emendum videlicet possessiones ac redditus pro pueris ipsius de Alienorde Regis filia procreatis; quidquid autem Fredericus vel aliàs frater ejus Arragoniae Rex in Calabria seu Appulia dudum acquisierant, totum ex nunc Regi Siciliae dimittebant; dimissis nihilominus ab utraque parte injuriis, rancoribus & offensis; captivis qui in Sicilia vel alibi detinebantur absque pretio liberatis. Sic itaque pace composita, & tam per Fredericum quàm per Proceres Siculorum populique Majores ad sancta Dei Evangelia corporaliter tacta praestito juramento, vallata *

* pacta seu
promissa

firmaverunt. Carolus Valesij Comes Siculos absolvi faciens per Capellanum suum cui Papa vices suas in hac parte commiserat Romam redit, ubi Papæ & Cardinalibus quid in Sicilia fecerat enarrato, eisdem vale faciens circa Purificationem beatæ Virginis in Franciam est reversus.

OTHELINUS Burgundiae Comes, qui etiam de dominio

dominio Comitatus Attrebatii ratione MATILDIS conjugis suæ filia R O B E R T I Comitii antea defuncti nuper à Rege fuerat investitus, salvo tamen jure quod filij PHILIPPI ejusdem Matildis fratris olim defuncti in dicto Comitatu habere poterant & petebant, diem clausit extremum. Burdegalenses qui hucusque sub Regis Franciæ fuerant potestate, inefficacem ejus à Flandriis audientes regressum, timentes etiam, ut asserebant quamplurimi, nisi Franciæ & Angliæ Reges inter se pacificari contingeret, denuo potestati Regis Angliæ subderentur, ipseque postmodum eisdem faceret quod ipse jamdudum fecisse civitati Londoniæ recolebat; expulsis à Burdegala Francis, sibi ipsis dominium civitatis usurpant. Die Cenæ Dominicæ apud sanctum Audomarum in Flandria quindecim millia Flandrensium vel circiter à gente Regis Franciæ occiduntur; quod audientes ceteræ Flandrensium phalanges quæ paulo antea JOHANNIS Hannoniæ Comitii terram quam à Rege Franciæ tenebat in feodum devastabant, ejusque castrum fortissimum quod Bouchin nominant jam ad terram prostraverant, datis trebis Hannoniensibus, ad suos tuendos terminos revertuntur.

MCCCIII.

Parisiis ipsâ hebdomadâ Paschæ venerunt ad Regem Franciæ Nuntij Tartarorum, dicentes quòd si Rex & Barones gentes suas in terræ sanctæ subsidium destinarent, eorum dominus Tartarorum Rex Saracenos totis viribus expugnaret, & tam ipse quàm populus suus efficerentur libenti animo Christiani. Apud Insulam Flandriarum die Jouis post octabas Resurrectionis Dominicæ ducenti equites & trecenti pedites Flandrensium armati tam occisi quàm capti sunt à Tornacensibus à FULCANDO DE MULA * Regis Franciæ Marescallo.

PHILIPPUS Rex Franciæ Gasconiæ terram quam diu tenuerat occupatam, EDUARDO Regi Angliæ

Tom. XI.

Hhhh

* Fouquart
du Mele
Senechal le
Roy de
France.
In chr.
Nangij
Gall. ms.

restituit, sicque inter eos pax extitit reformata. Audiens Rex Franciæ Philippus à pluribus fide dignis sublimibusque personis Papam BONIFACIUM de-
testandis infectum criminibus, diversisque hæresibus irretitum; quamvis adhuc de facili Regis obturaverat aures, demum tamen in publico Parlamento Parisius Prælati, Baronibus, Capitulis, Conventibus, Collegiis, Communitatibus & Universitatibus villarum Regni sui, necnon Magistris in Theologia & professoribus juris utriusque, aliisque sapientibus & gravibus personis diversarum partium ac Regnorum præsentibus, importunis denunciatorum clamoribus atque frequentibus pulsatus instantiis, præcipuè LUDOVICI Ebroicensis, GUIDONIS sancti Pauli ac JOHANNIS Drocensis Comitum, qui præstitis ad sancta Dei Evangelia ab eis tacta corporaliter juramentis asseriebant prædicta se credere esse vera & ea legitimè posse probari, Regemque tamquam præcipuum Christianæ fidei defensorem instantissimè requirebant, ut pro deliberatione super præmissis habenda generale convocari Concilium procuraret. Cum urgente conscientia ulterius dissimulare non posset, ad Concilium generale per Sedem Apostolicam promovendum, quod in isto casu Summo præest Pontifici, deliberatione super hoc multa tamen maturitate præhabita, Prælati, Baronibus & aliis supra-
dictis, Abbate Cistertij duntaxat excepto, sibi adherentibus appellavit, appellationesque suas die Nativitatis beati Johannis Baptistæ in horto Regalis Palatii Parisius coram omni Clero & populo palam & publicè legi fecit, ac postmodum Papæ Bonifacio per GUILLERMUM de Nogareto Militem Legumque Professore, Regiis patentibus litteris intimari petens ab eodem convocationem Concilij * protectioni subponens.

f. de. st. *
& hujus
Concilij sc.

EDUARDUS Angliæ Rex de Scotis sibi adversantibus triumphans, magnam Scotiæ partem suo dominio subjugavit. PHILIPPO Comitibus Flandrensis

filio de Apulia, ubi cum Rege Siciliae diu moram contraxerat, circa festum sancti JOHANNIS cum ingenti stipendiariorum comitiva in Flandrias appulso, latus ideo pariter & elatus Flandrensis populus, terram Regis Franciae coepit acrius incurfare; Castrumque sancti Audomari obsidere volentes, cum ibi propter loci fortitudinem non possent proficere, versus Morinum Franci Regis civitatem tendentes Mense Julio obsederunt & lethali tandem incendio conflagrarunt.

PHILIPPUS Rex Franciae circa Mensis Septembris initium proponens iterum in Flandrenses arma corripere, apud Peronam oppidum Veromandense & ejus in confinio expeditionem ac multos valde exercitus congregavit; sed ibidem, ut aiunt, Sabaudiae Comitis maligno consilio circumventus usque ad festum subsequens Pentecostes treugis hostibus datis acceptisque pariter ab eisdem, secundo inglorius à Flandris remeavit.

Papa BONIFACIUS appellatione Regis Franciae praedicta sibi per Guillelmum de Nogareto Militem ad hoc duntaxat à Rege praefato directum, & summatione facta generalique promotione Consilij requisita, sed ab eo, ut dicitur, denegata penitus & expresse etiam per suas litteras valvis Ecclesiarum adfixas; tandem in domo sua quam inhabitabat Anagninae, unde extrahebat originem, à quibusdam urbis civibus, ipsius militibus aliisque, hac causa armata multitudine per praefatum Militem, qui hoc totum fieri, ut communis asserebat opinio, procuraverat, cum communitatibus opemque sibi ferentibus violenter detentus & captus, ne de facto in praedictum Regis aut Regni, appellationibus supradictis non obstantibus quamquam satageret attentaret, Romam usque perducitur; verum tam dolore cordis tactus intrinsecus quam corporis aegritudine detentus paucò post tempore superveniente diem clausit extremum. Cui BENEDICTUS undecimus Fratrum Praedica-

Hhhh ij

totum Ordinis, natione Italicus, Papatui successit.

Defuncto HUGONE de Marchia Comite civitatis Angolismæ ad Regem Franciæ Philippum suus devolvitur Comitatus. Philippus Rex Franciæ Aquitaniæ, Albigenſium & Tholoſæ provincias uſque Narbonenſium fines toto tempore hyemali perlustrans, benignitatis ſuæ liberali munificentia eorum omnium corda tam nobilium quàm ignobilium, quorum nonnulli ut ferebatur malorum ducti conſilio jam ab ipſo volebant deficere, mirabiliter extraxit ad ſe & in ſui gratia confirmavit. Circa idem tempus nimium invaleſcente querela adverſus quosdam Ordinis Prædicatorum Fratres ab Inquiſitoribus pravitatis hæreticæ deputatos Tholoſanis in partibus, ſuper eo videlicet quòd interdum, ut dicebatur, cupiditate magis quàm fidei zelo ducti plures tam nobilium quàm ignobilium accuſantes diverſis mancipari carceribus faciebant, & qui dabant eis pecunias aut munera evadebant impuniti. Factum eſt ut Intendens * de Picquegniaco Miles ſapiens & expertus & in fide Catholicus, qui ex parte Regis, ad cujus aures jam querela memorata pervenerat, illis in partibus factus fuerat Senecaſſus, & legatione tunc temporis fungebatur; ſuper his, prout fertur, informatione præhabita diligenti, quosdam in carceribus ſic detentos innoxios labis hæreticæ reperiens & inſontes invitis ipſis Fratribus de carcere liberaret. Cùmque poſtmodum ab Inquiſitoribus præfatis id indignè ferentibus pro excommunicato Parisius palam & publicè denunciatus fuiſſet, ſed ſtatim ad Sedem Apoſtolicam appellaeſſet; tandem in appellationis proſecutione deceſſit apud Peruſium, ubi tunc Curia reſidebat. Circa Purificationem beatæ Virginis filia GUIDONIS Flandriæ Comitis, quæ Parisius honorificè cum pueris Regis in cuſtodia tenebatur, defuncta eſt.

GUIDO Comes Flandrenſis & GUILLERMUS ejusdem filius ad pacificandum ſi poſſent populum Flandriarum de locis ubi detinebantur ad tempus ſo-

l. * Vice-
dominus,
Gall. ms.
Le Vidame
de Piguigni
Chevalier
ſage, local,
exſpès, gen-
til.

luti, inefficaces ad suæ loca custodiæ revertuntur. GUILLERMUS JOHANNIS Comitis Hannoniæ filius & GUIDO Trajectensis Episcopus ejusdem Guillelmi patruus contra Flandrenses, qui magnam partem Gellandiæ *occupaverant, progredientes, in prælio sunt devicti, capiturque Episcopus, sed Guillelmius in quodam oppido se salvavit. Vigilia sancti Gregorij defuncto bonæ memoriæ Abbate sancti DIONYSII REGINALDO, Ægidius magnus Prior Claustralis tunc temporis successit eidem.

*Hollandia.

MCCCIV.

GUILLERMUS de Hannonia contra Flandrenses viribus reparatis confligens, eos in terra Gelladiæ pluries superavit, & ingentem eorum multitudinem interfecit. Quædam pseudo mulier Metis, ut dicitur oriunda, sub habitu Beguinarum sanctitatem simulabat, & inter earum catervas in Flandria quam paupertatem sive pauperiem appellabant: quæ etiam simulatis fictitiis quibusdam revelationibus ac mendosis tam Regem Franciæ quàm Reginam ac Proceres, maximè cum ipse Rex Flandrenses cum quibus ipsa degebat tunc temporis expugnare parabat, suis verbis fallacibus delusisse dicebatur; necnon CAROLUM Fratrem Regis in regressu suo de terra Sicilia ad suggestionem Flandrensium, prout fertur, extinguere molita fuerat suis maleficiis & veneno malicioso nimis per quemdam juveniculum ibi missum. Tandem de mandato ipsius Caroli capta plantarumque pedum adustione quæstionata pariter & afflicta, maleficia recognovisse dicitur mentionata. Cumque postmodum apud Crespey Caroli castrum carceri mancipata fuisset, & illic aliquandiu sic detenta, demum tamen abire permittitur liberata. JOHANNES de Pontizara Abbas Cistercij sui loci & Ordinis regimen sponte cessit; ob hoc videlicet, ut dicebant, quòd occasione sui, eo quod appellationibus contra Papam BONIFACIUM factis Parisius

Hhhh iij

consentire noluerat, per Regem Franciæ vel ejus Satellites, imminere sui Ordinis Fratribus quamplurimum in temporalibus detrimentum verissimiliter dubitabat, nisi sic cedere decrevisset. Cui successit HENRICUS Abbas Joiacj. Dominica die in Nativitate beati Johannis Baptiste posite sunt sorores Ordinis Fratrum Prædicatorum apud Poissiacum Carnotensis diocesis Monasterio, scilicet à Philippo Rege Franciæ noviter constructo in honorem gloriosi Confessoris quondam Regis Franciæ LUDOVICI.

Orta dissensione Parisius inter Universitatem Regisque Præpositum, pro eo quod ipse quemdam Clericum scholarem præcipitanter capi fecerat & suspendi, diu cessatum est à Lectionibus à qualibet Facultate, quousque Præpositus de mandato Regis Universitati satisfaceret, ac pro suæ absolutionis beneficio obtinendo Sedem Apostolicam adiret; & sic tandem circa festum Omnium Sanctorum fuit facta resumptio Lectionum. Obiit Simon Parisius Episcopus, cui successit GUILLERMUS de Aureliaco Regis Franciæ Physicus, vitæ laudabilis & in medecina multiplici expertus. Vigilia Apostolorum Petri & Pauli Parisius in Ecclesia cathedrali Prælati & Clero præsentibus ad hoc specialiter evocatis, lectæ sunt ex parte Regis Franciæ litteræ continentibus inter alia, quod Papa BENEDICTUS quamvis non fuisset super hoc requisitus, ipsum Regem, Reginam, liberos, eorumque Procures atque Regnum unà cum suis adherentibus ab omnibus excommunicationibus & interdicti sententiis, si quæ vel eorum alterum à Papa Bonifacio qualitercumque latæ fuissent, absolvebat penitus ad cautelam; necnon Ecclesiarum decimas usque biennium, necnon annualia usque triennium Regi Franciæ in suæ guerræ subsidium concedebat, auctoritatem licentiandi Magistros in decretis & Theologia, quam sibi dicebat Papa Bonifacius reservasse, more solito Cancellario Parisiensi restaurans. Papa Benedictus apud Perusium Nonas Julij defunctus est;

cūque Cardinales electionis negotium retardantes juxta constitutionem GREGORII fuissent inclusi, sibi tamen exquisitis fraudibus ministrari victualia procurantes, fere usque annum distulerunt in electionem Summi Pontificis consentire.

PHILIPPUS Rex Franciæ circa festum Magdalenæ post Brugenſium rebellionem tertio profectus in Flandrias cum fratribus suis CAROLO & LUDOVICO aliisque Proceribus multis, necnon exercitu magno valde; tandem apud Montem qui dicitur in Pabula repertis Flandrenſibus cum suo exercitu, illic tentoria sua fixit. Cū itaque die Martis post Assumptionem beatæ Virginis nostri cum hostibus conflictum quantocius habere credentes, de mane se ipsos ad prælia præparassent; postea nihilominus videntes quod in prolocutione pacis, si posset fieri, componendæ per plures sæpius hinc & inde transmissos prolixior se hora protraheret, ad refocillandum paulisper tam suos quàm equorum spiritus, ut dum tempus adesset ad pugnam recentiores possent effici & fortiores adstatione belli paululum devincerent*; quippe qui perfere totum diem sic occupatum tam armorum in vacuum pondere pressi, quàm meridiano solis fervore mirabiliter fatigati fuerant & afflicti, necnon pacem jam factam vel statim fieri verissimiliter æstimabant. Quod perpendens, ut dicitur, Flandrenſis exercitus, quasi advesperascente jam die de suis tentoriis repente profiliens, retrogressu adeò velocj versùs aciem Regis qui etiam tunc erat impertitus* ex insperato progreditur & accurrit, ut à suis utcumque vix armari potuerat competenter. Verùm actore Deo qui inclytam Regno Franciæ coronam hac in die præcipuè protegere eam susceperat, & in suo capite præservare, tanta constantia virtus in domino Rege prævaluit, ut equum potenter ascendens sic impetum belli sustinuerit; quamvis in tanto periculo positus ut HUGONEM de Bouilla Militem suum Sectarium, necnon duos Parisius cives PETRUM scilicet & JACOBUM* Geniani

* devenerunt.

* imparatus.

* Gentiani.

fratres, qui pro suæ fidelitatis industria Regi semper adstabant, præ oculis suis occisos conspiceret posset: sed tunc Deo propitio suis bellatoribus mox ex omni parte in auxilium ejus certatim accelerantibus cessit ei victoriæ gloriosus triumphus. Illic autem de nostris GUILLERMUS Comes Autissiodorensis & ANCELLUS Comes dominus Caprusiæ vir fidelis ac strenuus probatæ Militiæ Regis Vexillifer seu deferens Aurissammam, extincti, ut creditur, calore nimio vel etiam pressura, cum multis aliis qui in prælio occisi corruerunt. Sed de parte Flandrensi multo plures, inter quos præcipue GUILLERMUS de Jullieriis Comitis Flandrensis nepos ex filia, totius exercitus Dux & Capitaneus Principalis. Hac igitur parta victoria cum Rex ipse postmodum satis celeriter totam Flandriæ terram circa Liliæ fluvium positam suo dominio subjugasset, eis qui trans Liliam habitabant usque ad Pascha propter instantem hyemem treugis datis, tandem in Franciam cum laude revertitur & honore. Porro ne collati sibi cælitus à Deo triumphi videretur immemor aut ingratus, Ecclesiæ beatæ MARIÆ Parisius & beati Dionysij in Francia Regni Franciæ specialis patroni, quorum patrociniis confitebatur præcipue se protectum, necnon victoriam memoratam adeptam, aliisque quampluribus Ecclesiis Regni sui, ut Regalem decuit munificentiam, perpetuos ac certos redditus conferre pariter & assignare curavit. Eodem temporis cursu GUIDO Comitis Flandrensis filius per gentem Regis viarum maris & portuum custodiæ deputatam ac GUILLERMI Comitis Hannoniæ filium, bello navali capitur. Insuper Flandrenses à terra Gellandiæ quam occupaverant expelluntur. Mense Decembri ossa ROBERTI quondam Attrebatensis Comitis apud Corteriacum occisi in Franciam delata, & in Monasterio Sanctimonialium quod vulgò dicitur Maladinus * juxta Pontizaram sunt sepulta.

f. * Malo-
dumus
Masebri-
jon

In Parlamento Regis Parisius post Natale de pace
Flandrensi

Flandrensiū fuit, ut dicitur, ordinatum, sed tamen non penitus consumptum. Mense Februario decessit GUIDO Comes Flandrensis in Francia captivatus pariter & detentus; cuius corpus permissione Regis in Flandrias est delatum, & Marguetæ unâ cum suis antecessoribus tumulatum. Ducissa Austriae BLANCHA Regis Franciæ soror ex patre mense Martio unâ cum filio suo unico, quem à Duce viro suo susceperat, veneno, ut ferebatur, intoxicata, diem clausit extremum. Eodem tempore caristia præcipuè Parisius & circa in tantum invaluit, quod frumenti sextarium centum solidos & tandem sex libras monetæ tunc temporis currentis Parisius vendebatur. Porro cū Regio proclamatum fuisset publicè edicto ne ultra quadraginta solidos venderetur; nec dum tamen propter hoc cessavit caristia, sed adeo magis invaluit, ut Parisius panifici qui panem venalem ad sufficientiam habere non poterant, claudere compellerentur fenestras & ostia, ne eis à pressura communis populi per violentiam auferrentur: verumtamen edicto præfato postmodum revocato, necnon divitum horreis perscrutatis ad vendendum iusto pretio compulsorum, dicta caristia paulatim postea cessavit, quæ tempore longiori cessavit, quamvis tantò illa major fuerit respectu temporis præcedentis.

JOHANNA Regina Franciæ & Navarræ; Britanniæ * & Campaniæ Comitissa Mense Aprili apud nemus Vincennarum decedit, & in Ecclesia Fratrum Minorum sepulta, quiescit illuc, quod factum monitis tractatum potius, aut inducta creditur, quàm spiritu suo ducta. Frater JOHANNES de Parisius Ordinis Fratrum Prædicatorum magister in Theologia vir admodum litteratus & ingenio clarus, circa veram existentiam Corporis Christi in Sacramento altaris novum ponendi modum introducere conatur; dicens videlicet non tantum hoc esse possibile commutatione substantiæ panis in corpus Christi verbo adesse * suppositi ipsius, mediante corpore, quod est

* Briæ.

f. * suppositum.

Tom. XI.

Iiii

* popularis
* magis ra-
tionabilis.

* perfecti.

f.* Ambia-
nenfis.
* Docto-
rum.

* fuit,

pars naturæ humanæ; verum etiam hoc esse possibile per assumptionem substantiæ panis vel panicitatis in Christo; nec credebatur primum modum ponendi quem communis Doctorum opinio tenet, esse ita necessario tenendum seu ab Ecclesia destinatum, quin etiam secundus possit teneri tamquam populis*, & fortassis, ut dicebat Magister*, rationabilis & congruus veritati sacramenti, & per quem magis salvatur apparentia circa species sensibiles remanentes. Ceteris Theologiæ Doctoribus contrarium adstruentibus, primum modum tamquam ab Ecclesia destinatum, præsertim per Decretalem Papæ de Summa Trinitate & fide Catholica *Firmiter credimus*, necessario tenendum, & secundum tamquam veritati fidei & etiam sacramenti dissonum merito reprobandum. Examined itaque opinione prædicta dum ea quæ dixerat retractare noller, sed magis videretur pertinaciter sustinere a GUILLERMO Parisius Episcopo de consilio Fratris ÆGIDII Bituricensis Archiepiscopi proveci* Theologi, ac Magistri BERTRANDI de sancto Dionysio præcellentis Doctoris & Aurelianiensis Episcopi, ac GUILLERMI Albaniensis* Episcopi necnon & Doctoris* in Jure Canonico, pariter & Dominorum ad hoc specialiter vocatorum, perpetuum super hoc silentium dicto fratri sub pœna excommunicationis impositum*, à lecturâque pariter & prædicatione privatur. Verum cum ob hoc ad Sedem Apostolicam appellasset, auditoribus sibi datis in Curia sed infecto negotio de medio sublatus est.

MCCCV.

PHILIPPUS Rex Franciæ dissensionem gravem inter Ducem Brabantiae & Comitem Lucemburgi, pro terra Lovaniensi subortam circa Ascensionem Domini pacificasse dicitur & sedasse. Cum Cardinales fere per annum electionem Summi Pontificis distulissent, tandem vigiliâ Pentecostes BERTRANDUM Burdegalis Archiepiscopum elegerunt, qui &

CLEMENS V. Papa ducentissimus primus vocatus est. Pax inter Regem Franciæ & Flandrenses. Apud Belvacum Galliæ urbem dissensio adeò gravis suboritur inter SIMONEM Episcopum & populum civitatis, ut Episcopus urbem tutus ingredi non auderet, propter quod plures Nobiles & Potentes, cum & ipse nobilis generis esset, in subsidium suum convocans, nonnullos cepit è civibus, suburbiūque civitatis succendit. Tandem nihilominus evocati in præsentia Regis utriusque * controversiæ finem f. * antique. compelluntur imponere, quamvis non impunè cum utrique graviter excessissent. Æstivo tempore fuit in Francia siccitas magna valde. LUDOVICUS primogenitus Regis Francorum die Jovis post festum sancti MATTHÆI Apostoli MARGARETAM primogenitam Ducis Burgundiæ sibi consanguinitate propinquam cum dispensatione Papæ duxit in uxorem.

Papa CLEMENTE Dominicâ post festum sancti Martini hyemalis apud Lugdunum in Ecclesia Regalis oppidi, quod dicitur sancti Justi, præsentibus Cardinalibus & Prælatibus, multisque Principibus consecrato, dum suam ad domum in urbem rediens gestans, ut moris est, suæ coronationis insignia, per frenum equi cui insidebat à Rege Franciæ, qui ob hoc pia humilitate se ipsum pedestrem posuerat seu constituerat, per Curiam dumtaxat oppidi memorati deductus maximo cum honore fuisset; illic à fratribus CAROLO & LUDOVICO necnon Duce Britanniæ JOHANNE suscipitur adhuc usque domum modo deducendo consimili. Porro cum maxima populi multitudo ad hoc spectaculum cucurrisset, ut congregata, murus quidam juxta quem ipsi Papæ ejusque comitivæ transitus imminabat, ob pressuram confedentis super eum multitudinis ad terram tam subitò violenter corruit, quòd ex ejus ruina præfatus Britanniæ Dux fuerit prout in brevi subsequens mors probavit, percussus, Carolusque Regis frater læsus graviter, necnon Papa tam in confractione Papaliæ mitræ quam aliàs multi-

pliciter deturbatus, aliis quampluribus læsis graviter aut peremptis; sicque dies ille qui prima facie honoris exultationem prætendebat & gaudium, mœroris confusionem superinduxit & lamentum. Papa CLEMENS antequam Rex Franciæ recederet à Lugduno, concessit ei caput sancti LUDOVICI ravi sui cum una de costis ipsius in Capellam suam Parisius à Monasterio sancti Dionysij transportandum; ejusque precibus PETRUM & JACOBUM de Columna fratres, qui per Papam Bonifacium à Cardinalatu dudum degradati fuerant, ad pristinam restituit dignitatem. Insuper in recompensationem expensarum factarum in Flandriis, decimas Ecclesiarum & annualium usque ad triennium concessit, necnon pro suis fratrūque suorum Capellanis & Clericis de præbendis in proximo vacaturis fere in omnibus Ecclesiis Regni sui favorabiliter providit, necnon ad monetæ debilis quam fecerat meliorationem, & instanter * solutum, reditutionem, ut ferebatur, indixit. CLEMENS Papa Lugduni super numerum Cardinalium, decem & octo novos constituit Cardinales; duos etiam Cardinales pro se transmisit Romam ad servandam Senatoriam dignitatem; duos Episcopos etiam fieri Atrebatensem & Piétaviensem disposuit; Episcopo Dunelmi Patriarcham * Jerosolymitanum concessit, necnon pauperibus Clericis gratias amplas fecit, providens eis de beneficiis secundum exigentiam & merita personarum.

f. * instanter solvendorum reditutionem induxit.

f. * Patriarchatum.

Rex PHILIPPUS post Natale Domini in Francia revertitur à Lugduno. Papa CLEMENS circa Purificationem beatæ Virginis à Lugduno recedens Burdegalis per Matisconem, Brivatum, Bituricas & Lemovicas iter faciens tam Religiosorum quàm sæcularium Ecclesias & Monasteria tam per se quàm per suos satellites deprædando, multa & gravia intulit eis damna; unde & Frater ÆGIDIUS Bituricensis Archiepiscopus per hujusmodi deprædationes ad tantam devenit inopiam, quòd tamquam

trius de suis simplicibus Canonicis ad percipiendum quotidianas distributiones pro vitæ necessariis horas Ecclesiasticas frequentare coactus sit. ROBERTUS Burgundiæ Dux bonæ memoriæ decessit in Martio, cujus corpus in Burgundia ut vivens ordinaverat est delatum, atque Cistercij Monasterio est tumulatum.

MCCCVI.

EDUARDUS Regis Angliæ EDUARDI filius contra Scotos qui ROBERTUM du Brus sibi præferant cum armata multitudine profectus devincitur, multis in prælio de suis interfectis, & sub fugæ præsidio evasit illæsus. Feriâ tertiâ post Ascensionem Domini PHILIPPUS Rex Franciæ caput beati Ludovici absque tamen mento & mandibulis inferioribus, necnon unam de costis ipsius Parisius cum ingenti Cleri plebîsque tripudio transtulit; dictam costam in Ecclesia Cathedrali beatæ MARIÆ relinquens, caputque suum gloriosum in Capella Regalis Palatij, quam ipse sanctissimus Rex sponte construxerat opere in vase pretioso decenter pariter ac devotè reponens. Ceterum ipsum diem Parisius per totam suam diocesim annuatim in perpetuum instituit, & de cetero firmavit habere solemnem. Intemperata fuit siccitas in vere pariter & æstate. Die sanctæ Trinitatis PETRUS de Morneyo Episcopus Autissiodorensis defungitur, cui Magister PETRUS de Bella Pertica in jure nominatissimus successit. Rex Philippus monetam debilem quam fecerat, quæ jam in Regno per undecim annos vel circa cursum suum habuerat, in fortiorem solitam subito commutare volens, præsertim cum paulatim adeò debilitata fuisset, ut contra Florenus parvus Florentiæ xxxvi. sol. Par. hujuscemodi currentis monetæ valuerat *. Circa f. * valeret. ca festum sancti Johannis Baptistæ fecit per Regnum edictum Palatij publicè proclamari, ut à festo beatæ Virginis subsequenti omnes reddituum exceptiones, contractuumque solutiones pretio fortis * deinceps * monetæ.

Iiii iij

fierent quæ tempore beati Ludovici currebat; pro quo multi de populo fuerunt mirabiliter perturbati.

* favorabilis.

Eodem concursu temporis vel circa ad requestam, ut dicitur, Remensis, Senonensis, Rothomagensis, ac Turonensis Archiepiscoporum, qui sibi suisque suffraganeis ac eorum populis ac subditis, tam per Papam quàm per Cardinales aliquos vel illorum satellites ac cursores illata fenserant multipliciter & adhuc sentiebant gravamina, Rex Franciæ PHILIPPUS favorabiliter * in hac parte eis se exhibens, etsi non in toto, in parte tamen eis utiliter subvenire providit. Mense Augusto Rex Philippus omnes Judæos de Regno Franciæ penitus & omnino fecit expelli, certum regressionis terminum sub pœna mortis præfigens eisdem. Tempore hyemali facta inundatione nimia fluvialium aquarum, antequam decrevissent adeò sunt fortiter congelatæ, quòd in locis pluribus damna multa postmodum exinde pervenerint; impetu siquidem glacierum post earum dissolutionem veloci labentium cursu tam domus, quàm pontes molendinæque quamplurima corruerunt. Tunc etiam Parisius in portu Graviæ naves multæ diversis oneratæ mercaturis cum cunctis in eisdem confractæ perierunt.

Occasione mutationis monetæ debilis in fortem, damnosa seditio præcipue propter locationes domorum Parisius exorta est. Cum enim cives Parisius locare domos & earum locationis pretium in forti moneta juxta Regale statutum recipere niterentur; quod tamen communis populi multitudini grave nimium propter triplicationem consueti pretij videbatur; tandem aliqui ex popularibus ipsis tam contra Regem, quàm contra cives conjuncti, pariterque cum multis sibi complicibus adunati, ad domum Templi Parisius, ubi Regem esse sciebant, illico properantes cum ad ipsum accessum habere non possent, statim domus Templi introitus omnes & exitus occuparunt pro viribus, ne Regi victualia deferrentur. Porro dum post-

modum perpendissent STEPHANUM dictum BAR-
BETTE civem Parisius divitem ac potentem * civi-
tatisque viarum, ordinationis hujus circa domorum * opera
locationes præcipuum esse consiliarium ac monetarie
in ipsum crudeliùs efferati, primitus domum suam Præfe-
quam extra portas habebat civitatis suburbio juxta ctum.
sanctum Martinum de Campis, multum locupletem
divitiis concordì vesania deprædari festinant: quo
comperto Rex tam suam quàm præfati civis injuriam
impunè ulterius ferre non sustinens, quotquot re-
perit hujus actores sceleris aut etiam incentores morti
protinus adjudicare decrevit. Plures etiam ex ipsis
qui in factò magis culpabiles fuerant, foris portis ci-
vitatis ad vicinas eis arbores necnon patibula ad hoc
de novo specialiter illic facta, præcipuè ad majores
& insigniores introitus suspendi fecit, quatinus eo-
rum poenæ alios deterrent, & ab hujuscemodi re-
bellione coercent. PHILIPPUS Regis Franciæ
PHILIPPI filius secundus genitus JOHANNAM
primogenitam ODONIS quondam Burgundiæ Co-
mitis ex filia ROBERTI Attrebatì Comitis apud
Corbolum Mense Januario duxit in uxorem. Mense
Martio vel circa Papa CLEMENS & Cardinales
. juerunt & illic circum circa circiter
per Menses sexdecim resederunt.

Pseudo quidam nomine DULCINIUS sub habitu
benigno sanctitatem fingens, sed revera pessimus hæ-
reticus erat. Frater Dulcinius hæreticus in quodam
monte Vercellis, ubi tutum sibi reperisse putabat re-
fugium, à Pontifice civitatis aliisque fidelibus captus
carceri mancipatur, Papæ judicio puniendus, illic-
que de suis complicitibus ducenti vel circiter fuerunt
occisi. Illius enim hæresis inter cetera hunc continere
dicebatur errorem; quòd sicut tempore legis naturæ
vel Mosaicæ regnabat * per Patrem quæ eis præpara-
tur, & Filius per sapientiam à tempore adventus
Christi usque ad adventum Spiritus die Pentecostes;
ita ab adventu Spiritus sancti usque ad finem mundi

f. * Pater
per poten-
tiam & ju-
stitiam quæ
Judæis præ-
paratur.

regnat ipse Spiritus sanctus, qui amor est per clementiam. Itaque prima lex fuit lex religionis & iustitiæ, secunda sapientiæ, tertia quæ nunc est amoris, clementiæ, caritatis; ita quòd quidquid petatur sub nomine caritatis quidquid sit illud, etiam actus fornicationis venereæ, absque peccato potest concedi petenti, immo nec sine peccato potest licitè denegari; quod pessimam sonat in hæresim cuilibet Catholico vel fidei. Hæc eadem fuerunt habita tempore Philippi anno millesimo trecentesimo duodecimo, & auctor fuit ALMARICUS de Leva juxta Montem-fortem, de quo loquitur Decretalis, *Damnamus*. EDUARDUS Angliæ Rex ætate proventus, astutus pariter & cautus Princeps, necnon in præliis fortunatus, anno tricesimo quinto Regni sui decessit; cui successit in Regno Angliæ & dominio Hiberniæ EDUARDUS ejus filius ex Comitissa Pontivi. Siquidem de MARGARETA uxore sua superstite Regis Franciæ sorore tres alios reliquerat filios, quorum primogenitus THOMAS nomine Cornubiæ tenuit Comitatum.

MCCCVII. EDUARDUS.

Circa Pentecostes Rex Franciæ PHILIPPUS locuturus Papæ Pictavim Proficiscitur, & tunc ab eo & à Cardinalibus, ut dicebatur, super pluribus & arduis negotiis deliberatum fuit ac etiam ordinatum, præsertim de Templariorum captione, prout sequens rei exitus declarabit. Tunc siquidem ipse Papa Magistris transmarinis Hospitalis & Templi mandavit expressè ut Pictavis coram ipso infra certum tempus omiſſis omnibus personaliter comparerent: quod Magister Templi nec morâ complevit; sed Magister Hospitalis in itinere apud Rhodum insulam à Sarracenis qui eam occupaverant impeditus, ad præfixum terminum venire non valens, se ipsum legitimè per nuncios excusavit, ac demum per menses aliquos eadem insulâ cum armata manu recuperatâ pariter & obtentâ, ad Papam Pictavis accedere maturavit. Magister

BERNARDUS

BERNARDUS de sancto Dionysio Magister in Theologia famosus Aurelianensis Episcopus decessit; cui successit Magister RADULFUS Ecclesiæ præfatæ Decanus in Jure peritus. LUDOVICUS Navarra Rex Regis Franciæ primogenitus, cognito quòd quidam Miles nomine FORTUNUS quem Regni sui custodem præfecerat & Rectorem, suum Regnum illius calliditatis astutia usurpare tentabat, multos sibi consentaneos habens & complices nobilium ac potentum, præcipuè Boloniæ Comitis, & GALTHERI de Castellione Franciæ Conestabularij comitiva valentis; Mense Julio proficiscitur Navarram, Fortunumque prædictum cum suis complicitibus potenter subiiciens, visitato Regno pariter & sedato, in civitate Pampelonia coronatur in Regem.

PETRUS de Bella-Pertica Autissiodorensis Episcopus decessit, ac PETRUS de Gressibus Cantor Parisiensis ac Navarra Regis Cancellarius successit eidem. Die Jovis post festum beati Dionysij Martyris CATHERINA heres Constantinopolitani Imperij Caroli fratris Regis uxor secunda, quæ præcedenti die Lunæ decesserat in villa sancti Audoeni, apud Prædicatores Parisienses, præsentibus Rege Franciæ & Proceribus & Prælati, necnon Magistro Templi transmarino, qui unà ejus corpus cum aliis ad tumulum deferebat, Ecclesiasticæ traditur sepulturæ.

Die veneris post festum beati Dionysij tertio Idus Octobris omnes Templarij quotquot in Regno Franciæ sunt reperti, quasi sub ejusdem horæ momento, illucescente videlicet sole vel circiter, juxta decretum Regium ac præceptum subito capiuntur ac diversis carceribus mancipantur: inter quos etiam in domo Templi Parisius captus est & detentus generalis totius Ordinis Magister transmarinus. Dudum siquidem ad aures Regis pervenerat ex testimoniis plurimum & relatu, quorum quidam Ordinem ipsum ante professi fuerant, quòd tam Ordo quàm Ordinis professores detestandis criminibus erant irretiti pariter

f. * Præ-
ceptoris.

* *supple*
idoli.

& infecti, quæ etiam si negarent legitimè posset probari. Primò namque (quod dictu nefas est) in professione sua quam ut cautè facerent, intempestæ noctis silentio faciebant, ad præceptum Præceptorum*, necnon Præceptorem ipsum (quod nominandum quasi turpissimum) inferiùs in posterioribus osculabantur immundè: insuper Crucifixi conspuebant imaginem ac etiam conculcabant, quòd caput* secretè cum maxima veneratione tamquam Idolatræ colebant, quin immò Sacerdotes eorum quando celebrare debebant, verba consecrationis minimè proferebant, & licet à mulieribus abstinere voverent, concedebatur tamen eis ad invicem modo Sodomitico commisceri: & hæc omnia de quibus vehementer habebantur suspecti fecit Rex Franciæ Dominica sequenti in Regalis Palatij coram Clero & Populo palam & publicè proclamari; quæ etsi præ horrore quem continent & fidelium imprimunt cordibus, quasi incredibilia videantur, ipse tamen Magister totius Ordinis præfatus apud Templum coram Magistris Universitatis præsentibus ductus, ut dicebatur, sequenti hebdomada recognovit expressè, excepto quod dixit Sodomiticum vitium se minimè commississe, nec in professione sua super imaginem Crucifixi, sed magis super terram à latere conspuisse: etiam per suas patentes litteras suis Fratribus omnibus intimasse fertur, quòd dictam confessionem pœnitentia ductus fecerat, & eos ad faciendum similiter hortabatur. Factumque est quòd eorum nonnulli sponte quædam præmissorum vel omnia etiam lacrymabiliter sunt confessi; alij quidem, ut videbatur, pœnitentiâ ducti, alij autem diversis tormentis quæstionati seu comminatione vel eorum aspectu perterriti, alij blandis tracti promissionibus & illecti, alij arcta carceris inedia cruciati, vel coacti, multipliciterque compulsi; multi tamen penitus omnia negaverunt, & plures qui confessi primò fuerunt, ad negationem postea reversi sunt in ea finaliter persistentes, quorum nonnulli

inter ipsa supplicia perierunt.

Rex itaque Magistrum Generalem apud Corbolum, ceteros verò Parisius & aliis diversis carceribus mancipari fecit, donec cum Sede Apostolica & Prælati deliberationem haberet, qualiter in hac parte procedendum esset secundum Deum & justitiam, tam contra Ordinem quàm personas etiam. Eorum bona ubique saisiri fecit & in manu sua teneri certis ad hoc custodibus ac receptoribus deputatis.

Quidam de Judaismo ad fidem conversus Protus nomine coram Inquisitore pravitatis hæreticæ recognovit, quòd instinctu cujusdam fratris sui nomine Monsseri ad Judaismum redierat, ac primò in aqua calida balneatus & demum circumciscus prout in talibus à Judæis fieri consuevit. Postmodum tamen tractu temporis examinatus super hoc, ac demum requisitus, dixit per omnia se mentitum, & solùm in odium fratris sui præfati, qui aliqua solvere debita volebat, recognovisse præmissa: & quia vertebatur in dubium cui consilio standum esset, tandem de consilio peritorum, assensu pariter Episcopi adjudicatum est confessioni primæ standum potius quàm secundæ: ipsūque tamquam lapsum à fide perpetua pœna carceris puniendum, quod & factum est. Verum postmodum cum recognovisset coram Inquisitore prædicto se dixisse in carcere quod Christianus non erat, sed Judæus Samoéque vocatus, quòdque Christiani comedunt Deum suum, cum instantia requirens quòd si mori eum contingeret, fieret de eo sicut de Judæo, de communi peritorum consilio adjudicatus est statim absque ulla audientia Curia: sæculari tradendus.

Eodem vel circà concursu temporis quidam alius ad fidem conversus Johannes nomine confessus fuit coram Inquisitore prædicto, quòd palam & publicè coram Casteleto Parisius dixerat se Christianum non esse, sed Judæum nomine Mutlotum, atque de peccato quod in aqua commiserat recipiendo baptismum, per ignem purgari se velle. Postmodum tamen

Kkkk ij

cùm hoc fecisse graviter poeniteret, instantèrque requireret sibi super hoc misericorditer indulgeri, dicens se ex melancholia & levitate capitis in talia prorupisse, juxta peritorum consilium imposita est ei poenitentia salutaris.

Mense Januario EDUARDUS Angliæ Rex filiam unicam Regis Franciæ PHILIPPI nomine IZABELLAM annorum duodecim vel circiter, apud Boloniam supra mare dicto Rege Franciæ unà cum filiis suis ac Regni Proceribus illic præsentibus accepit in uxorem, ac majoribus Regni in Anglia associata in Reginam cum honore debito coronatur. Filius Sabaudia Comitis EDUARDUS sororem Reginae Navarrae scilicet secundam filiam Ducis Burgundiæ duxit in uxorem.

CAROLUS Regis Franciæ tertius filius Blancham filiam secundam quondam Ducis Burgundiæ OTHELINI in uxorem accepit. Illustris & femina Venerabilis ac honesta vidua MARGARETA Siciliae Regina relicta primi CAROLI Regis Siciliae fratrisque sancti LUDOVICI, ut piè creditur, migravit ad Christum. JOHANNES de Namursio filius GUIDONIS Flandrensis Comitis accepit in conjugem filiam ROBERTI Comitis Clarimontis.

MCCCVIII.

Rex Franciæ Philippus pro facto Templariorum præcipuè profecturus Piëtavis, ubi adhuc Papa cum Curia residebat, ob hocque plurimis pene de omni civitate sive Castellania Regni apud urbem Turonis Paschali tempore convocatis, copiosam tam nobilium quàm ignobilium secum duxit illic turmam. Sanè de diversis tractatibus inter Regem & Papam præhabitis, totius ordinis Generali Magistro postmodum ad Papæ mandatum adducto cum aliquibus quos nobiliores statu seu præeminentia fuisse constituerat; inter ipsos ibi tandem deliberatum fuit & satis concorditer ordinatum, quòd Rex ipse omnes &

singulos dicti Ordinis professores ubicumque essent mancipati carceribus, ex hoc & deinceps nomine Ecclesiæ & manu Sedis Apostolicæ detineret, ad eorum relationem, expeditionem seu punitionem minimè processurus absque ordinatione Sedis Apostolicæ vel mandato; ac de bonis eorum quorum dispensatio seu custodia ipsi Regi sub debita fidelitate relinquebatur, usque ad Concilium generale post satis celeriter celebrandum, pro modo competenti vitæ necessaria ministraret eisdem.

Papa CLEMENS cùm esset Pictavis de Fratrum consilio propter subsidium terræ sanctæ ac reformationem status universalis Ecclesiæ, necnon præcipuè propter factum quod circa ordinem Templi ejusque professores emergerat, quorum etiam sexaginta vel circiter supradicta eisdem imposita crimina fuisse confessos tam in sua quàm in Cardinalium præsentia, Papales litteræ sub bulla continebant præcipuè; generale Concilium Kal. Octobris usque ad biennium à Kalendis ejusdem mensis proximè sequentibus continuè computando Viennæ celebrandum decrevit, & ubique per suas patentes litteras intimare Archiepiscopis & Episcopis, insuper & Episcopis specialiter in Regno Franciæ constitutis, Inquisitoribusque pravitatis hæreticæ dedit in mandatis, quatinus super facto Templariorum diligenter intenderent, & juxta qualitatem eorum in quantum personas eorum tangere poterant, sine debito terminare juxta peritorum consilium maturarent; Generali tamen Magistro aliquorumque eorum majorum de ordine illo, quamvis numero paucorum, personis usque ad tempus & ex certa sententia Apostolicæ Sedis excommunicationi seu correctioni reservatis.

Circa idem tempus venerunt in Franciam quidam viri de Flandriis sub habitu simplici*, sicut rei exitus comprobavit, ad quorum simulatam astutiam astutamque simulationem confestim in populo frivola quædam sed communis exiit fama, quòd Comes

* sed impostores.

Augi Dominus GODEFRIDUS de Brebento, JOHANNES de Brebento filius ejusdem, dominus Virfionis aliique quamplurimi, qui dudum cum ROBERTO Attrebat Comite apud Corteriacum fuerant interfecti, quasi per miraculum evaserant inde vivi, & propter suæ liberationis beneficium voverant Deo & inter se conduxerant, ac etiam firmaverant sub simplici paupertatis habitu per Regnum Franciæ mendicare, & se ipsos apud suos usque in septennium occultare; tunc enim septennio revoluto, certo loco, scilicet Bologna supra mare simul eodem die comparere debebant, ac palam detegere quinam essent. Et factum est quòd ad quædam levia interfignia in præfatis Flandrensibus visa nonnulli utriusque sexus in tantum festinati & quasi infatuati fuerint, ut eos credentes esse præfatos dominos cum honore susceperent, cum tamen ipsi qui vix & rarò ex certa loquebantur malitia se non assererent de quibus frivola fama communiter referebat. Quædam etiam Matronæ, Nobiles nonnullos ex ipsis ad maritales amplexus tamquam proprios conjuges susceperunt, de quo postmodum sequutæ sunt aliis in derisum, & præcipuè domina.

Comes Valesij CAROLUS tertiam accepit uxorem filiam GUIDONIS Comitis sancti Pauli. ROBERTUS PHILIPPI Attrebatensis filius uxorem BLANCHAM alteram filiarum quondam Ducis Burgundiæ accepit uxorem. Eodem anno GUIDO quondam Comitis Blesensis primogenitus cum filia Caroli Valesij ex conjugē CATHERINA adhuc teneræ ætatis fertur sponsalia contraxisse. Die Sabbati post Ascensionem Domini circa Vesperas, in Diœcesi Parisiensi præcipuè, nix tam copiosa & damnosa nimium, & impetuosa tam ex lapidibus grandibus & grossis descendentibus, quàm ex ventorum flatu vehementer cecidit tempestas. Tunc cum grans segetes & cum botris vineæ perierunt, plures arbores radicitus sunt evulsæ, campanile Ecclesiæ parrochialis de Caprosia

ex impetu venti corrui ipso die.

Æstatis fervore transacto, Papa & Cardinales omnes solutâ ad tempus Curiâ ab urbe Piëtavis ubi diu steterant recesserunt. Papa siquidem ad terram suæ nativitatis properans, cum paucis Cardinalibus secum retentis, illic & circâ postmodum dicitur resedisse, licentiatis ceteris & ad tempus ad invicem separatis. GUICHARDUS Trecensis Episcopus pro suspecto vehementer habetur, quòd mortem JOHANNÆ Reginae quondam Franciæ & Navarræ quibusdam procurasset sortilegiis aut veneno, propter quod audita etiam super hoc quorundam depositione testium, videlicet falsorum, prout sequentia quamvis longo tempore probaverunt, capitur, diutiùsque sub carceris arcta custodia etiam de voluntate Summi Pontificis, prout ferebatur, maximè postquam ad ejus notitiam testium ipsorum pervenit depositio, detinetur. Inter nobiles ac potentes juvenes ERARDUS scilicet de sancto Veranno, & OUDARDUS de Monte-acuto natione Burgundus; ut aiunt, dissensione suborta, tandem ex utraque parte multis Nobilibus die festi beati Dionysij in Comitatu Nivernensi congregatis pro habendo conflictu juxta mutuum utriusque conditum, videlicet ex parte dicti Erardi, Comite Sacri-Cæsaris DROCONE de Mellento, domino MILONE de Noeriis cum aliis multis: Ex parte verò præfati Oudardi DELPHINO Alverniæ domino, BERANDO de Marcolio filio Comitis Bologniæ, tribus fratribus, qui de VIENNA communiter appellantur, aliisque quampluribus arte nimis & valde celeriter consummatus est conflictus inter ipsos. Cessit autem Erardo insignis victoria, & de parte Oudardi dictus Berandus de Marcolio cum quibusdam aliis fuit captus; quare se reddidit Comiti Sacri-Cæsaris, ut dicebant. Postmodum tamen Rex Franciæ dictum Erardum pluresque alios capi fecit & diversis prisonibus detineri. ALBERTUS Romanorum Rex à quodam nepote ex sorore, ut dicitur, inter-

fectus decessit; cui HENRICUS Comes Lucemburgi, Miles siquidem strenuus, prudens ac fidelis successit in Regno.

Circa Purificationem beatæ Virginis filia ROBERTI Comitis Clari-Montis uxor JOHANNIS de Namursio Parisius defuncta sepelitur: post quam ipse Johannes quasi anno postmodum revoluto filiam dominæ BLANCHÆ de Britannia desponsavit. Indulgentia magna valde quæ à CLEMENTE Papa anno præcedenti dum esset Pictavis transfretantibus vel pecuniam suam largientibus in subsidium terræ sanctæ concesserat, cujus executorem vel receptorem Magistrum Hospitalis transmarinum constituerat, per Regnum Franciæ publicatur; factumque est ut in Ecclesia beatæ Mariæ Parisius & pene in omnibus aliis Regni Ecclesiis statuerentur gazophilacia ad pecuniam reponendam, quæ illic à devotione populi durante dumtaxat illa indulgentia, videlicet usque ad quinquennium, deferretur; in quibus multi in exordio publicationis præcipue multa dicebantur misisse.

STEPHANUS quidam nomine de Verbia Sueffionensis diœcesis, accusatus coram Inquisitore hæreticæ pravitatis super quibusdam blasphemiarum verbis, maxime circa corpus CHRISTI, confessus est ea se dixisse, sed tunc non erat bene compos mentis, quia nimis biberat in taberna, nec aliqua quæ dixerat licet malè viderentur sonare, tamen ea non protulit in contumeliam Creatoris vel contemptum, sed subreptitiè, & de hoc poenitebat & petebat sibi misericorditer indulgeri, quod & factum est de consilio peritorum, injuncta tamen prius poenitentia salutari.

HENRICUS. MCCCIX.

Circa festum Pentecostes filius Regis Arragonum habito conflictu contra Regem Granatæ Sarracenum, ingenti Sarracenorum cæde facta gloriosam victoriam reportavit. Mense Junio HENRICUS in Regem Romanorum nuper electus concorditer
solemnes

solemnnes nuntios & ambassiatores cum electionis suæ decreto misit Avenioni, ad petendam benedictionem & consecrationem Imperiique coronam de manu Summi Pontificis, necnon ipsius & Ecclesiæ Romanæ favorem & gratiam consuetos; cuius votis & postulationibus plenè satisfecit, & electum ad sustinendam Imperialis celsitudinis dignitatem de consilio factò circa finem Julij Mensis solemniter approbavit, eidem ad consecrationem & coronam Imperij sumendam in basilica Principum Apostolorum de Urbe concedens: & Concilium ad festum Purificationis beatæ MARIÆ futurum usque ad biennium, computando à proximo festo Purificationis ejusdem, & salvo quòd eidem Summo Pontifici absque inconstantia nota quando & qualiter, & quotiens expedire sibi pro occasione Concilij Generalis aliàs videretur, præfixum & prædictum terminum prorogare liceret.

Papa CLEMENS palam in Palatio suo Avenioni intimationem quamdam appendi fecit, ut aiunt, in qua continebatur quòd generaliter omnes & singuli; qui in facto denunciationis, accusationis seu appellationis contra Papam Bonifacium pro vel contra vellet procedere quoquomodo qualitercumque de præmissis sufficienter instructi, infra Dominicam quâ cantatur, *Oculi*, si sua crederent interesse, se Papæ conspectui præsentarent; aliàs super hoc deinceps nullatenus admitti, quinimmo ex tunc eisdem omni denegatâ audientiâ perpetuum in hac parte imponi silentium ipso facto. Inter quos specialiter & expresse G. de Nogareto Militem, de quo dicebant ad assignatam diem fuisse vocatum personaliter & citatum adscribunt. Qui siquidem ad assignatam diem domini G. de Plaiffiaco astuti Militis & discreti, aliorumque potenti comitiva vallatus Avinioni comparens, tam appellationem contra Papam Bonifacium factam, quàm objecta crimina eidem, innovavit, eaque legitimè probare se offerens, cum instantia petiit ipsius ossa tamquam hæretici exhumari, ac etiam igne de-

f. * nomen
accusatoris
eiusdem.

bere comburi : parte nihilominus aduersa scilicet quorundam Cardinalium & aliorum quamplurium, qui causam Bonifacij Papæ fovebant, se in contrarium viriliter opponente & tam circa sancti * Sebastiani, quam prædicti Guillelmi personam multa gravia & enormia retorquente. Sicque negotium ipsum usque ad pleniorum super hoc deliberationem fuit positum in suspenso.

Tertio Kalendas Novembris ab occidente hyemali vel quasi, tam vehemens per unam horam & amplius irruit ventus, quod ad ejus impetum arbores quamplures multaque ædificia, necnon pinnaculum sancti Macuti de Pontifara corruerint. Arcus etiam magni lapidei qui à parte Orientali sunt Ecclesiæ sancti Dionysij in Francia ob magna ejusmodi suborta stellicidia quamvis ad terram non corruerint, testantibus tamen eorum oculis qui viderunt vacillasse concussique fuisse dicebantur, ut mox ad terram corruere putarentur. Ultima die mensis Januarij post meridiem per unam horam & viginti quatuor minutas visa est eclypsis solis in sui medio sita, scilicet quod centrum Lunæ fuit juxta centrum Solis, & tunc fuit conjunctio Solis & Lunæ juxta vicesimum Aquarij gradum : duravit autem ista eclypsis à principio usque in finem per duas horas naturales & amplius, quia in hora eclypsis aër croceus vel rubeus coloris apparuit. Hujus causam assignabant Astronomi dicentes quod in puncto eclypsis inter tunc croceo fulgore vel aureo coloravit.

f. * Juppiter
dimin-
dium vel
dominium
iter vel in-
ter.

Inter Angliæ Regem & ejus Barones occasione cujusdam Militis nomine PETRI de Gravaestone natione Vasconis, dudum quidem ut dicebatur de Regno Angliæ banniti, sed jam ad tantam Regis familiaritatem assumpti, ut Comitatum sibi Linconensem possidendum hereditate conferret, multasque novitates, ut dicebant, ad ejus suggestionem constitueret contra omnium voluntatem & patriæ consuetudinem, quæ in præjudicium Regni & contra statuta

converterentur; orta est dissensio gravis aded & acerba, quod Proceres ipsi contra Regem tam occasione præmissa quàm simplicitate sua seu fatuitate convicti, ipsum quem sic habebant exosum non solum mediocriter perturbassent, quinimmo, ut communis assererebat opinio, ab omni ministracione Regni privassent, nisi ob gratiam Regis Franciæ ejusque filiæ Reginæ Angliæ, quæ seipsam Baronibus gratiosam & amabilem exhibuerat, refrenati fuissent. Fratres Hospitalarij cum multitudine populi Christiani apud Rhodum insulam, de qua per Sarracenos fuerant Fideles expulsi, transfretasse dicuntur, & ibi laudabiliter se gessisse.

MCCCX.

CLEMENS Papa Generale Concilium, quod ad instantes Kal. Octobris indixerat, ad Kal. Mensis ejusdem anno revoluto subsecuturas prorogare decrevit. Concilium Senonensis provinciæ propter factum Templariorum ab xi. die ad xxvi. diem, secundo Philippo tunc Archiepiscopo præsidente Parisius celebratur; illic sanè Templariorum singularem factis & ea tangentibus diligenter inspectis, pensatis eorumque demeritis, qualitate, necnon circumstantiis cum multiplici veritate; ut secundum mensuram delicti esset & plagarum modus juxta consilium tam in jure divino quàm Canonico peritorum, sacro approbante Concilio adjudicatum est, ac etiam diffinitum quosdam ex ipsis ab Ordine simpliciter absolvi. Quosdam verò post peractam eis injunctam poenitentiam liberos & illæsos abire permitti, alios autem sub arcta carceris custodia detineri, aliosque quamplures inclusione muri perpetuò circumcingi, sed eorum nonnullos tamquam relapsos in hæresim tradi Curia seculari, quod tunc permittunt Canonica sanctiones de eis hujuscemodi sic relapsis, qui titulo Clericalis militiæ fuerant adscripti vel in sacris Ordinibus constituti, primitus ab Episcopo degradatis, quod & fa-

LIII ij

ctum est. Tunc itaque quinquaginta novem Templarij foras civitatem Parisius in campis videlicet ab Abbatia Monialium, quæ dicitur sancti Antonij, non longè distantibus, incendio fuerunt extincti; qui tamen omnes nullo excepto nil omninò finaliter de impositis sibi criminibus cognoverunt, sed constanter & perseveranter in abnegatione communi perstiterunt, dicentes semper sine causa morti se traditos & injustè: quod quidem multi de populo non absque multa admiratione stuporèque vehementi conspicerere nullatenus potuerunt. Circa idem tempus apud Silvanectum provinciæ Remensis Concilium convocatum, & illic quasi consimili in Senonensis provinciæ Concilio celebrato Parisius super Templariorum facto deliberatione præhabita novem Templarij concremantur.

LUDOVICUS ROBERTI Clarimontis filius sororem Comitis Hannoniæ desponsavit; ejus quoque frater JOHANNES nomine Comitissam accepit in uxorem. CLEMENS Papa quamdam bullam, ut dicitur à Cardinali JACOBO Gajetani aliis quoque quondam Papæ Bonifacij partem foventibus præsentatam, per quam adversam ei partem impugnare volebant; præsertim cùm in ea contineretur expressè, quòd Papa de consilio Fratrum unanimitéque consensu appellationes omnes & processus contra Papam Bonifacium attentatos inanes & irritos decernens, partemque ejus multipliciter commendans, reputabat ipsum super objectis ei criminibus innoxium & insontem, in pleno Consistorio, ut aiant, fecit destrui tamquam falsam.

Circa festum Pentecostes accidit Parisius quòd quædam pseudo-mulier de Hannonia nomine MARGARETA, dicta Porrette, quemdam librum ediderat, in quo omnium Theologorum judicio qui ipsum diligenter examinaverunt multi continebantur errores & hæreses, & inter ceteras, quòd anima adnihilata in amore conditoris sine reprehensione conscientie

vel remorsu potest & debet naturæ quidquid appetit & desiderat concedere; quod manifestè sonat in hæresim. Dum libellum hunc aut in eo contentos errores abjurare nollet, quinimmo latam in se excommunicationis sententiam ab Inquisitore hæreticæ pravitatis contemneret, quia coram Episcopo sufficienter monita comparere nolebat, & per annum vel amplius pertinaci sustinisset animo in sua malitia finaliter indurata, tandem in communi platea Graviæ coram Clero & populo ad hoc specialiter evocatis de peritorum consilio exposita est & tradita Curix sæculari; quam Parisiensis Præpositus in sua potestate statim accipiens ibidem in crastino incendio fecit extinguere. Multa tamen in suo exitu poenitentix signa ostendit nobilia pariter ac devota, per quæ multorum viscera ad compatiendum ei piè ac etiam lacrymabiliter fuisse commota testati sunt oculi qui viderunt. Eodem die cum quidam de Judaïsimo dudum ad fidem conversus, iterum sicut canis ad vomitum conversus, in contemptum beatæ Virginis super imagines ejus conspuere niteretur, ibidem incendio concrematur temporali transiens ad sempiternum. Tunc etiam Pseudo quidam GUARDUS nomine de Cressonessart, qui Angelum Philadiæ à Deo immediate missum ad confortandum adhærentes Christo se nominans, dicebat quòd nec cingulum pelliceum quo erat præcinctus, nec habitum quo erat indutus ad mandatum Papæ deponere tenebatur, immo Papa præcipiendo peccaret, tandem incendiij timore habitum, cingulumque deponens, & errorem suum finaliter recognoscens, adjudicatus est perpetua muri inclusione præcingi.

Lugdunenses rebellionis spiritu assumpto contra Regem Franciæ PHILIPPUM castrum Regni quod dicitur sancti Justi violenter diripiunt, ingentique vallo circa civitatem seipso s fatagunt reddere fortiores; ad quorum expugnationem Rex Franciæ primogenitum suum Navarræ Regem cum duobus ejus

LIII iij

* necdum.

fratribus & eorum avunculis, unà cum exercitu copioso circa festum Johannis Baptistæ destinare decrevit. Illic sanè inclyta & felicia juventutis suæ primordia etsi aliàs in talibus inexperta, necnon * cingulo militiæ præcinctus, adeò laudabiliter exercere curavit vel providit, ut suæ sagacitatis & probitatis industria cunctis amabilem & gratiosum se exhibens, suorum mirabili affectu junxerit sibi corda. Dum itaque hostes à nostris assultum sibi imminere considerarent, illicò timore percussi, seipsos & urbem Regis subjiciunt ditioni; sed & Archiepiscopus civitatis PETRUS de Sabaudia nobilitate pollens, qui eorum Capitaneus principalis & totius rebellionis occasio videbatur, per deditionem à Comite Sabaudia ad Regem Philippum in Francia adductus veniam de commissis petens, tandem ad Magnatum obtinuit interventum.

* condemnati.
* cujus.

Ossa cujusdam Templarij dudum defuncti JOHANNIS nomine DE THURO quondam Thesaurarij Templi Parisius exhumantur, & tamquam hæretici quodam * aliàs, scilicet in processu & jam factò contra Templariorum Ordinem & * pars in palam revelata fuit, comburuntur.

HENRICUS Romanorum Rex cum Duce Austriæ, Leodiensi Episcopo multisque aliis Principibus cum exercitu copioso per Comitatum Sabaudia Italiam intrans, primò apud Astensem urbem, & deinde apud Mediolanum vigiliâ Nativitatis Dominicæ cum honore susceptus, in festo Epiphaniæ Domini in Ecclesia sancti Ambrosij à Mediolanensi Episcopo corona ferrea unà cum uxore sua multis Prælatiis præsentibus honorificè coronatur. Quo peracto in ipsa civitate cum opposita sibi parte conflictum habuit, eosque potenter & celeriter subjugavit, ut meritò suis adversariis timorem incuteret & tremorem. Hoc eodem anno facta est mutatio inter Archiepiscopum Narbonensem & Rothomagensem; nam cum Rothomagensis Archiepiscopus BERNARDUS nomine

nepos CLEMENTIS Papæ propter juventutis suæ insolentiam cum Normannis nobilibus pacem bonam non haberet, eo translato ad Archiepiscopatum Narbonensem, ÆGIDIUM pro tunc Narbonensem, præcipuum Regis Consiliarium prudentem in agilibus & utroque jure peritum ad Rothomagensis Archiepiscopi * transtulit dignitatem. Variis circa factum Bonifacij Papæ processibus habitis hinc & inde, Papa CLEMENS de innocentia Regis Franciæ & suorum super captione & assultu Papæ Bonifacij apud Agnaniam, necnon rapina vel dispersione thesauri, seu aliis quibuscumque, quæ in conflictu vel facto hujus captione fuerant attentata tam per confessionem & accersionem Guillelmi de Nogareto Militis cui ista imponebantur, quàm aliàs inquisitione super his diligenti præhabita sufficienter instructus, per suas litteras patentes, de consilio Fratrum, auctoritate Apostolica pronuntiavit, declaravit pariter & decrevit Regem ipsum in præmissis omnibus omnino inculpabilem fuisse, & in appellationis negotio vel processu objectores, denunciatores aut assensores prædictos ad denunciations, objectiones vel assensiones contra personam ipsius Bonifacij Papæ factas præconcepta malignitas, aut alia mala causa non impulit, sed Catholica fidei sincerus aut justus zelus induxit. Demum etiam cum tam illi qui statum & memoriam Bonifacij defendebant ex una parte, quàm ipse Rex pro seipso & Regni incolis universis, necnon objectoribus & denunciatoribus prædictis ex altera, ad Summi Pontificis * attingere, quod hujus negotij rigorosa prosecutio plena periculis existeret, per excitationem laudabilem & precum instantiam totum negotium & plenam decisionem liberæ ditioni ac ordinationi Sedis Apostolicæ dimiserint; de plenitudine potestatis Apostolicæ Regem ipsum omnesque ei adhærentes in hac parte, Regnum & universos ejusdem incolas ab omnibus culpis, offensis, injuriis aut sententiis quibuscumque latis per Papam Bonifacium ab ho-

* Papa

f. * Sum-
mum Pon-
tificem at-
tingere
ausis.

mine vel à jure inflictis in eum sive successorem ejus, in eos aut eorum alterum publicè vel occultè, vel quacumque occasione præmissorum aut alicujus eorum imputari seu infligi quomodolibet possent in posterum vel impingi, etiam si supponerentur vel dicerentur captio prædicta vel aliqua de præmissis facta nomine dicti Regis seu adjutorum vel adhaerentium prædictorum, ad cautelam absolvit, relaxavit & penitus abolevit, & de registris sententias & interdicta, & omnia & singula prædictos processus tangentia, omnino tolli mandavit & penitus amoveri; districtius inhibens, ne quis sententias, excommunicationes, interdicta vel processus prædictos in scriptis publicis vel privatis penes se retinere aut quomodolibet occultare seu aliis communicare præsumat, sed litteras, schedulas, membranas & alias quascumque litteras publicas vel privatas sententias, & processus dumtaxat continentes prædictos penitus destruant & consumant: eos qui in quatuor menses postquam ad eorum notitiam mandatum pervenerit, & tempus lapsum fuerit, ita quòd prædicta facere potuerunt & non paruerunt competenter, excommunicationis sententiam *, à qua tantum possent absolvi, nisi in mortis articulo, per Romanum Pontificem. Quamvis autem à dicta absolutione suis litteris & earum effectu GUILLERMUM de Nogareto prædictum ac REGINALDUM de Supino Milites, decemque alios vel circiter Anagninæ cives, qui captioni, assultui & deprædationi thesauri prædictis interfuisse specialiter dicebantur, nominatim excluserit, & ex certa scientia intendens ex ipsis per aliam viam condignæ promissionis * remedium exhibere; finaliter tamen Guillelmum de Nogareto prædictum consideratione Regis vel contemplatione pro ipso supplicantis ab omnibus sententiis ad cautelam absolvit, injungens ei poenitentiam ad cautelam, videlicet quòd in primo terræ sanctæ pascagio generali cum armis & equis ipse in propria persona in terræ sanctæ subsidium transfretare teneretur, illic

* incurrere

* expiationis.

illic perpetuè moraturus, nisi à Papa vel successoribus ejus subreviationem in posterum obtinere & gratiam mereretur; injungens etiam quòd interim certas peregrinationes quas sibi imposuit efficaciter adimpleret; & sic eum omnium præmissorum participem esse voluit & consortem, dummodò has poenitentias devotè susciperet, & dum vitam ageret in humanis cum effectu perageret, ipso mortuo, heres ejus.

MCCCXI.

HENRICUS Romanorum Rex per Cremonensem urbem Italiæ transitum habens pacificum, quoniam pars Guelfa, quæ major & potentior erat in dominio civitatis de Cremona, unà cum uxoribus & parvulis, rebûsque suis quas secum commodè deferre potuerunt ad civitatem Brixia Guelfam, quæ propter prærupta montium, quæ civitati supereminebant, tutior videbatur, unanimiter propter Imperatoris metum confugerant, relictis palatiis paucisque viris Guibelinis; qui audientes exercitum Imperatoris solum per duo milliaria distare ab urbe, sumptis clavibus civitatis, quæ pacis sunt efficientes *, ab eo pacificè recepti, pacificum sibi præbent introitum civitatis. Satis verò post ingressum civitatis omnes fortes domos & turres illorum qui ad Brixiam confugerant funditus destruxit, portasque civitatis egregias unà cum muris corruï fecit, & ex his amplissima fossata civitatis impleri fecit, ita ut muri & fossata solo coæquarent; deinde accepta redemptione multorum millium florenorum ab his qui in civitate superfuerant, ad civitatem Brixia se transtulit; quam rebellem sibi Brixia civitatem ab Ascensione Domini usque ad Nativitatem beatæ Virginis potenter obsedit. Habito itaque conflictu Capitaneum civitatis dictum THEOBALDUM Brizath vivum capiunt, qui adductus ad Imperatoris præsentiam, videns se mortis periculum effugere non posse, multas conspirationes in mortem Imperatoris & suorum proditoriè factas publicè confitetur, Ma-

* offerentes

Tom. XI.

M m m m

jores de civitate Mediolanensi hujus facti complices accusando; quo audito Imperator per medium exercitus trahi, deinde suspendi quasi per duas horas fecit, ipsum remotum de patibulo decollari ac caput in lancea affixum fecit in eminentiori loco exercitus demonstrari, truncum verò corporis in quatuor partes frustatim decisum fecit per quatuor partes exercitus deportari; tam crudelem mortis ab Imperatore sententiam sustinens, ut ejus mortis atrocitas ceteris proditoribus & conspiratoribus esset de cetero speculum & exemplum, ut sic saltem à malis malorum acerbitas coërceat, quos ad verum * operandum benignitas non inclinat: eandemque civitatem sibi subjiciens, cum illis de civitate & muros quorum præsidio nitebantur destruxit. In hac autem obsidione frater ejus *WALERANNUS* nomine occubuit, cujus mors cordi Principis subinduxit non immeritò mœroris materiam ac doloris. Hujus etiam obsidionis tempore omnes civitates partis Italiae, quæ stricto nomine *Lumbardia* nuncupatur, & fidelitatem & subjectionem tamquam domino suo debitam obtulerunt. Eodemque temporis cursu tres Cardinales à domino Papa missi videlicet *Ostiensis* & alij duo pro sua coronatione venerunt, sequentes eum per totam Italiam deinceps usque Romam. *Brixia* civitate subiecta, *HENRICUS* Romanorum Rex per *Terdonam* Januamque pacificè est profectus, & illic maximo cum honore susceptus; ubi dum aliquamdiu moram contraxit, uxor ejus Romanorum Regina viam carnis ingreditur universæ.

Circa idem tempus in populo Flandriarum rebellionis & guerræ commotio, quæ aliquantisper sopita fuerat, renovatur; & ob hoc vehementer suspectus Comes Flandriarum ad sui purgationem à Rege Francorum convocatur; quo comparente Comes ejus filius *LUDOVICUS*, qui totius hujusmodi commotionis & sceleris culpabilis est repertus, primò apud Moretum, deinde Parisius in custodia de-

tinetur, de qua citò pòst fugit ut conscius hujus mali vel timens sibi ipsi: propter quod postmodum de consilio Procerum Regni de Comitatu suo non immeritò per arrestum in pleno palatio sententialiter est privatus. Philippus Rex Franciæ simplicium ac duplicium Burgensium fieri fecit monetam pro simplicibus duplicibus Parisius * denariis concurrentem. Hæc moneta ratione indebiti valoris & ponderis, & ratione novitatis cursus capi refutabatur, quia ab omnibus atque rectè sapientibus redundare non minimè diceretur in exactionem indebitam rei que publicæ detrimentum; quod etiam nonnulli Nobiles & Magnates, quibus super hoc displicebat, graviter conquerendo ore tenus & expressè exposuerunt eidem.

f. * Parisiensibus.

CLEMENS Papa concessit & misit privilegium Clericis Aurelianensibus studentibus pro constituenda Universitate sub hac tamen conditione, si Regi placeret, & super hoc liber ejus atque spontaneus interveniret assensus; Rege autem non assentiente Clerici sibi invicem juramentis astricti à civitate recedunt studiūque dissolvunt: postmodum tamen anno nondum revoluta tam pœnitentiā ducti quàm per Regem æqualiter sedati iterum ad locum pristinum revertuntur, & sic studium pauco tempore dissolutum de novo reparatur.

Concilium Generale quod Papa CLEMENS fecerat convocari prima die Mensis Octobris apud Viennam urbem Provinciæ centum quatuordecim Prælatorum cum mitris, absque ceteris non mitratis, & absentium Procuratoribus congregatur. In quo duæ Sessiones fuerunt Antiocheno & Alexandrino Patriarchis in medio sedentibus; & antequam celebraretur injunxit Papa Prælatis & aliis qui pro Concilio venerant Missas celebrari & triduo jejunari. In prima itaque Sessione quæ fuit etiam die Sabbati in octabis beati Dionysij in Ecclesia Cathedrali, facta invocatione Spiritus sancti sicut in talibus fieri consuevit, Papa, assumpto Themate isto: *In consilio iustorum & congrega-* Psal. 110. 1. 2.

M m m m ij

tione magna opera Domini, exquisita in omnes voluntates ejus; prædicavit, & exponens causam triplicem con-
 vocationis Concilij Generalis, scilicet propter factum
 Templariorum enorme, propter subsidium terræ san-
 ctæ & reformationem status utilis Ecclesiæ. Et hoc
 facto, datæque benedictione super populum unus-
 quisque ad propria remeavit. Postmodum inter do-
 minum Papam deputatosque ab eodem Papa circum-
 spectos plurimum & discretos admodum viros & Car-
 dinales, Prælatos, Procuratores & alios quorum in-
 tererat, post conventus multos variosque tractatus,
 multæ deliberationes habitæ vel factæ fuerunt in præ-
 missis, usque tamen ad adventum Regis Franciæ, qui
 habitorum à principio contra Templariorum Ordinem & personas processuum specialiter promotor &
 zelator præcipuus in favorem fidei dicebatur. Et erant
 cuncta ardua quæ in Concilio tractabantur, ita ut
 quasi in dubio vel suspenso poni seu in verbo fieri
 videbantur.

MCCCXII.

Die Pentecostes PHILIPPUS Rex Franciæ LU-
 DOVICUM primogenitum suum Navarræ Regem,
 Campaniæ Comitem, necnon & duos ejus fratres
 PHILIPPUM & CAROLUM unà cum HUGONE
 Burgundiæ Duce GUIDONE Blesensi aliisque pluri-
 bus Regni Nobilibus Milites novos fecit vel accinxit
 balteo militari.

Die Lunæ post *Quasimodo* celebratur Viennæ in Ec-
 clesia majori Sessio secunda Concilij generalis, Rege
 Franciæ PHILIPPO, qui circa Quadragesimam illic
 cum filiis & fratribus suis, multorum Prælatorum,
 Nobilium ac Magnatum decenti pariter ac potenti
 comitiva vallatus advenerat, unà cum Cardinalibus,
 Patriarchis, Prælatibus & aliis superiùs nominatis ex
 ipso, à dextris Summi Pontificis præ ceteris omnibus,
 in Sede tamen inferiori aliquantulum, sedente; illic
 sanè post aliqua quæ in talibus fieri sunt consueta,

primò Papa assumpto Themate : *Non resurgent impij* Psal. i. 6.
in iudicio, neque peccatores in Concilio Iustorum ; & per
 modum prædicationis ad Templarios appellato Or-
 dine Templi, non per modum diffinitivæ sententiæ,
 cùm Ordo ut Ordo non esset adhuc conjunctus *, sed * convictus
 per modum provisionis & ordinationis tantùm : tamen
 quia modum recipiendi quem nec antè voluerant de-
 tegere fuerat ab antiquo suspectus, & per infinitos
 Fratres Ordinis & Majores fuerat hoc prolatum; au-
 ctoritate Apostolica sacro approbante Concilio dele-
 vit & amovit, & tam ipsius nomen quàm habitum pe-
 nitus adnullavit, tum quia de cetero esset inutilis Or-
 do cùm nullus bonus vellet deinceps ipsum intrare;
 tum propter alia mala removenda & scandala evitan-
 da. Statimque constitutionem super hoc editam legi
 fecit in omnes qui de cetero habitum retinerent, vel
 de novo sumerent seu alium ad hujus professionem
 reciperent, excommunicationis sententiam profe-
 rens, quam tam recipientes quàm recepti incurrerent
 ipso facto : ordinationem tamen de personis reman-
 entibus & bonis Sedis Apostolicæ dispositioni re-
 servans, super hoc antequam solveretur Concilium
 provisurus attentè.

Ceterum quoad secundum principalem Concilij
 generalis intentum, scilicet subsidium terræ sanctæ,
 assumpto Themate : *Desiderium suum iustis dabitur* ; post Prov. 10.
 verba amaritudinis propinare incipiens verba dulce- 24.
 dinis, exposuit toti Concilio qualiter recuperatio
 terræ sanctæ, quæ sibi fieri præcipuè & generaliter
 cuilibet fidei Catholico summè est desideranda, &
 tamen quia est diutius in dilatione posita, & nimium
 retardata iustorum desiderij * per totius sui & cujus-
 libet Catholici afflictiva * ; nunc erat effici proxima, *adde *,*
 præsertim cùm Rex Franciæ Philippus præsens sibi *completio*
 per suas patentes litteras (quæ statim lectæ sunt in *l. * affli-*
 pleno Concilio) fideliter promississet quòd infra an- *ctionem.*
 num cum liberis, fratribus suis, necnon Procerum
 Regni sui & aliorum Regnorum multitudine copiosa,

M m m m iij

crucem assumeret, & ab instantibus Martij Kalendis ad sex annos iter arriperet ad transfretandum in subsidium terræ sanctæ, quòd si morte vel aliàs esset legitimo impedimento excusandus, primogenitus suus ad hoc exequendum se fideliter obligavit, sed nihil fecit. Quia de causa Prælatis devota affectione decimas ad sex annos concesserunt eidem; quorum videlicet tam Regis devotionem, quàm decimarum obligationem Summus Pontifex & Sacrum Concilium approbarunt: & sic fuit illa Sessio terminata.

Priusquam Concilium solveretur, post habitos tractatus varios de bonis Templariorum, quibus vel ad quos usus essent potiùs applicanda, quibusdam consentientibus quòd nova Religio ad quam applicarentur esset fundanda, aliis alia dicentibus; tandem providit Apostolica Sedes Regibus & Prælatiis assentientibus eadem in favorem terræ sanctæ integraliter ad fratres Hospitalis devolvi, ut ad eosdem * terræ recuperationem sive subsidium possent effici fortiores ex ipsis: Sed ut apparuit processu temporis, facti sunt deteriores. De personis autem remanentibus nondum fuit ad finem. Porro & si de aliquibus statum vel reformationem Ecclesiæ universalis tangentibus, quod tertium principale intentum, aliqua prolocuta fuerint, & eorum ordinatio, seu provisio, seu decisio à Prælatiis & aliis quorum intererat, priusquam Concilium solveretur, & instanter & pluries à Papa peteretur, de quibus etiam ipse Papa, ut dixerunt aliqui, Decretales quasdam, præterea Constitutiones edidit & statuta; numquam tamen in dicto Concilio fuerunt publicè promulgata, sed penitus iudicio Apostolico liberè fuerunt reservata & ad plenum dimissa.

Henricus Romanorum Rex per Pisas, Plumbinium, Viterbium atque alias civitates Italiæ multas in pace pertransiens, circa festum Ascensionis Dominicæ ob fuscipienda suæ coronationis insignia Romam tendens, in ipsius urbis introitu cum fratris Roberti Siciliæ Regis & Ursinorum familia priùs habito vehe-

* ejusdem.

menti conflictu, per portam sanctæ MARIÆ de Populo civitatem ingreditur, & ad sanctum Johannem in Laterano à toto populo recipitur cum honore. Illic sanè etsi à suis præfatis hostibus conflictus terribiles passus fuerit & assultus, ut etiam Leodiensis Episcopus & Albanensis de viris Thrich quidam Comes de Sabaudia & alij plures de suis ibi corruerunt: demum tamen ad festum SS. Petri & Pauli in Ecclesia memorata per præfatos Cardinales, domino Hostiensi Missam celebrante, aliisque Cardinalibus ex utroque latere cum Episcopis, Abbatibus aliisque adstantibus multis de mandato Summi Põntificis quòd ibidem coram omni populo & Clero fuit lectum, cum ingenti suorum gaudio & adversariorum tristitia Imperiali diademate coronatur.

Susceptâ itaque coronâ Imperij famam sui nominis ampliùs dilatare cupiens ut Augustus, suo rebelles Imperio civitates Italiæ circuire & sibi cum valida & armata manu subicere potenter accelerat & audacter: egressus siquidem ab urbe, & Tudertum decima quinta die mensis Julij cum honore susceptus, ac exinde tandem Perusium; cùm ipsum nollent recipere Perusini, villas & domos quamplures comitatus eorum igni vel ferro tradidit, fructus & vineas extirpavit, & castra aliqua expugnavit: & sic venit Aretium quasi per milliare centum à Perusij civitate distantem, ubi vigesima die Mensis Augusti cum gaudio & honore recipitur. Ac deinde Montem-Garchi & Castrum sancti Johannis Comitatus Florentinorum expugnans, castrum quòd Ancisa dicitur occupavit, habito cum eorum Potestate conflictu & eorum quingentis armatis. Demum mense Septembris appulsus Florentiam, & eam obsidens à loco sanctæ Crucis usque ad Hospitale sancti Galli, totam partem illam ad Talpes super Nigellam destruxit, & igne succendit. Pugnavit etiam una vice contra portam sanctæ Candidæ, & habito cum vigore triumpho, cùm Arno transito per Vallem quæ dicitur Hema juxta sanctam Margaretam

venisset, & aliqui ex Lucanis & Senensibus milites gentem suam invaderent, ipsi à Domino de Flandria suo Marefcallo exercitus usque ad portam sancti Petri Gartulini fugati fuerunt, ubi plures de prædictis hostibus corruerunt. Ceterum cum in sancto Cassiano tentoriis fixis totum Ducatum, Livari excepto, & postea podium Bonigi & Casuli recepisset, gente sua terram illam muniens mense Martio revertitur: etiâque Regem Siciliae ROBERTUM quem ibi hostem senserat & rebellem in platea sanctæ Catherinæ publicè citavit, quatinus Aretium coram ipso sub pœna * coronæ & Regni infra tres menses compareret.

* amissionis.

PETRUS de Gavaſcione, natione Gascus, cui Rex EDUARDUS Cornubiæ Comitatum contulerat, sed se ipsum ut supra retulimus erga Barones Angliæ non mediocriter afferebat * & exosum: tandem à Comite de Lancastre, aliis multis assentientibus consiliumque opem & favorem præstantibus, in castro Concilio * repertus detinetur & capitur, moxque à quibusdam Gallantibus, quos prædicti Proceres ad ejus occisionem credebantur ex certa industria misisse, truncato capite ignominiosè * privatur. Et sic quamvis in principio super hujus facti Rex Angliæ non mediocriter contristatus & ad iracundiam multum provocatus fuisset, tandem tamen inter ipsum & Proceres per duos Cardinales Albanensem videlicet Papæ Camerarium & alium quemdam, qui ad hoc missi fuerunt, pax & concordia reformatur. Circa Natale Domini Eduardo Regi Angliæ ex conjugē IZABELLA nascitur filius nomine EDUARDUS. SIMON prius Noviomenſis, sed nunc Belvacensis Episcopus viam universæ carnis ingreditur, cui JOHANNES de Magniaco frater ENGUE RANNI Cantor Parisiensis Ecclesiæ in Episcopatu successit.

* effecerat exosum.

* Scarburgh.

* vita.

MCCCXIII.

Die Pentecostes PHILIPPUS Rex Franciæ LUDOVICUM

DOVICUM primogenitum suum Navarræ Regem
Campaniæ & Briæ Comitem, necnon duos ejus fra-
tres PHILIPPUM & CAROLUM, unâ cum HU-
GONE Duce Burgundiæ, GUIDONE Blefensi, aliis-
que quampluribus Regni Nobilibus Milites novos
fecit vel accinxit balteo militari, Rege Angliæ E-
DUARDO & IZABELLA Regina Regis Franciæ
filia præsentibus, qui ad decorandum Militiæ eorum
nova primordia illuc advenerant cum Anglorum no-
bili comitiva. Eodem concursu temporis die Mercurij
post Pentecostes Philippus Rex Franciæ una cum tri-
bus filiis suis præfatis novis Militibus jam effectis,
necnon Rex Angliæ Eduardus & Regni Angliæ Po-
tentes de manu Cardinalis NICOLAI ad hoc à Sum-
mo Pontifice destinati Crucem pro transfretando in
terræ sanctæ subsidium assumpserunt, & idipsum post-
modum non modica communis populi multitudo,
auditis ad hoc satis primoribus * devotionem facere
maturavit. Princeps Tarentinus circa festum Mag-
dalenes filiam Comitis Valesij ex conjugē CATHE-
RINA heredem Constantinopolitani Imperij despon-
savit, ejusdem juvenem * licet juvenem secum des-
ponsandam filio suo ducens. Die Martis post festum
Magdalenes apud Curteriacum convocatis illic de
mandato Regis Franciæ Baronibus & Prælatiis, inter
Regem & Flandrenses fit pacis compositio in hunc
modum, scilicet quòd Flandrenses de summa pecu-
niæ aliàs ordinata Regi ad plenum satisfacerent, nec-
non fortalitia sua infra certum tempus eis præfixum
ex nunc à Brugis & Gandavo incipientes, & usque
ad operis consummationem perseverantes, propriis
sumptibus & expensis usquequaque, ut fieri judi-
carent à Rege super hoc deputati, qui experti forent
in talibus, facerent demoliri; domino ROBERTO
Comitis Flandrensis filio, necnon totis Cortriaci ca-
stellis cum suis pertinentiis ob hoc datis obsidibus ad
cautelam & firmitatem majorem.

* præmo-
nitionibus
vel prædi-
cationibus
per devor.
f.* iororem

HENRICUS Romanorum Imperator ROBERTUM
Tom. XI. Nnnn

* termina-
vit vel per
fecit.

Siciliæ Regem qui statuto sibi tempore præfixo apud Arecium coram ipso comparere contempserat, palam & publicè Regno & pariter corona privavit. Quam tamen privationem Papa CLEMENS in suis Constitutionibus eo quod citatio facta contra dictum Robertum non esset debita & ritè facta, quia non erat citatus in tuto loco, nullam penitus esse dixit; & si aliqua, totaliter adnullavit. Papa etiam multas alias causas quæ ibidem allegantur, quas * hîc admittere non est præsentis operis. Ordinatóque mense Julio contra eum exercitu per Comitatum Senensium sibi rebellium iter faciens usque ad locum qui dicitur Insula, multa eis intulit detrimenta: tandem verò applicans Bauconventum, post peractas multas & insignes victorias morbo pariter & febre correptus, vel, ut dicebant aliqui, Eucharistiam sumendo de manu Sacerdotis & proprii Confessoris de Ordine fratrum Prædicatorum existentis corrupti pecunia per Regem Robertum, vel ut veriùs creditur, per Florentinos sibi adversarios veneno potionatus, diem vitæ clausit extremum. Cujus corpus Pisas est translatus, & in Ecclesia Cathedrali honorificè tumulatus.

PHILIPPUS Rex Franciæ circa festum Beatæ Virginis monetam Burgensium, quam fieri fecerat, & per biennium Parisius cursum suum habuerat, quod aliàs in Regno Franciæ fuerat inauditum, præsertim cùm justî pretij & ponderis æquitate ceteris paribus solummodò æquipolleret vel parvis Turonensibus in valore ad solidum & antiquum parvorum bonorum Parisiensium cursum volens reducere, Parisiensium & Turonensium monetam ejusdem valoris & ponderis quo fuerant tempore Beati Ludovici fabricari fecit, florenos ad agnum, qui in quindena pro viginti duobus solidis parvorum Burgensium Comitibus ponebantur, usque ad aliam super hoc ordinationem pro quindecim solidis Turonensibus dumtaxat cursum suum habere decernens. Fecit insuper edicto Regio & sub pœna amissionis totalis bonorum

distrietiùs inhiberi publicè & proclamari, ne quis alia moneta quacumque auri vel argenti aliter vel sub alterius æstimatione pretij uteretur publicè vel occultè. Quamquam ex hujus mutationis causa subita multum exierit murmur in populo in brevi, quòd multa damna saltem exinde perpeffi sunt & incommoda, & præcipuè mercatores, qui ob hoc unà cum aliis in locis pluribus, quæ specialiter prope Parisius, infidiati sunt malitiosè nimium & pro tunc per servientes super hoc deputatos.

Eodem concursu temporis Ecclesia beatæ *MARIÆ* de Escoys, quam Anguerannus de Marigniaco nuper ædificaverat & in ea Canonicos instituerat, dedicatur. Cardinalis *NICOLAUS* sub pœna excommunicationis latæ sententiæ auctoritate Apostolica distriètè inhibuit, ne quis constitutionibus novis, quas aliqui post tempus Concilij Generalis emanasse de Curia & eorum copiam se habere dicebant, uti præsumeret in judiciis aut in scholis, cùm de conscientia Summi Pontificis minimè processissent, & aliàs super hoc intenderet providere. Generaliter etiam circa festum beati Dionysij omnia torneamenta distriètè prohibuit, tam in torneantes quàm in eisdem faventes, necnon in Principes permittentes sententiam excommunicationis ipso facto proferens, & eorum terras interdicto Ecclesiastico supponens: postmodum tamen dispensavit Papa ad requestam puero-
rum nobilium ac aliorum nobilium qui novi Milites effecti fuerant cum eisdem, ut nonobstante hujus publicatione per tres dies ante caput instantis *Quadragesimæ* hac vice dumtaxat se ipsos in ludis hujusmodi licitè exercerent.

GUICHARDUS Trecentis Episcopus quem super procuracione mortis quondam Reginæ *JOHANNÆ* fuisse suspectum supra retulimus, per confessionem cujusdam Lombardi cognomine *Nofle* Parisius ad mortem judicati pro suo crimine & suspensi, innoxius est repertus.

N n n n ij

Orta diffensione maxima quamvis occasione minima vel modica, & quæ de facili sedari potuisset à principio, inter Ducem Lotharingæ & Metensem Episcopum, tandem utriusque partis exercitibus congregatis juxta castrum quod Fleve dicitur die Jovis ante festum sancti Martini hyemalis, inter eos acre bellum committitur, & Episcopus cum suo exercitu licet in multitudine, virtute & potentia exercitum Ducis excederet, adversariorum industria & prudenti astutia superatur. Episcopi namque exercitu per villas, planiciem vel districtum contra Ducis exercitum properante, Ducis exercitus, qui jam adversæ partis capitibus eminebat, montem ascendens, & illico de equis descendens, tanto impetu cum calculis & lapidibus quorum illic ingens abundabat copia, aliisque vexilibus utensilibus aptis peditibus potenter in hostes irruit, quod eorum quampluribus quasi ducentis vel circiter interfectis, reliqui fugere sunt compulsi, & nonnullos in proximo decurrens fluvius fugiendo submersit. Illic etiam Comes Barri Metensis Episcopi nepos, Comes de Salmis ejus filius, & alij Nobiles, qui partem præfati fovebant Episcopi, capiuntur, qui tamen postmodum multa pecunia sunt redempti, & sic de carcere & tandem de diuturna Ducis custodia liberati. Mortuis scilicet GUIDONE Sueffionensi & Cathalaunensis Episcopi GIRARDUS de Malomonte Sueffionensis, & PETRUS de Lathiliaco Regis Cancellarius Cathalaunensis, à Pontificibus & à Rothomagensi Archiepiscopo primâ Dominicâ in Adventu in Ecclesia Monialium juxta Pontisaram consecrantur. GUIDONE Silvanectensi defuncto in Episcopatu successit.

Totius quondam Ordinis Templi Generalis sive transmarinus Magister cum aliis tribus, scilicet Visitatore eorum in Francia, necnon Aquitanie & Normanie Magistris, de quibus ordinare finaliter reservaverat sibi Papa, de mandato ipsius per dominum Albanensem aliosque duos Cardinales Legatos, Senonensi

Archiepiscopo, aliisque quibusdam Prælatiſ, necnon in jure Divino & Canonico pariter ob hoc ſpecialiter Pariſius convocatiſ, & eorum communicato conſilio, cùm prædicti quatuor nullo excepto crimina ſibi impoſita palam & publicè confeſſi fuiſſent, & in hujus confeſſione perſiſterent; finaliter quòd velle perſiſtere viderentur, de præfato conſilio multa cum maturitate digeſto in platea communi Parviſij Pariſius Eccleſiæ, die Lunæ poſt feſtum beati Gregorij, adjudicati ſunt muro & carceri perpetuo retrudendi. Sed ecce dum Cardinales finem negotio impoſuiſſe credidiſſent, confeſtim & ex inſperato duo ex ipſiſ, videlicet tranſmarinus Magiſter & Magiſter Normanix, contra Cardinalem, qui tunc ſermonem fecerat, & Senonenſem Archiepiſcopum ſe pertinaciter defendentes, ad abnegationem confeſſionis tam etiam eorum omnium quæ confeſſi ſunt revertuntur, nec reverentiæ parcentes, non abſque multorum admiratione. Et dum à Cardinalibus in manu Præpoſiti Pariſienſiſ, qui præſens tunc aderat, ad cuſtodiendum duntaxat traduntur, quouſque die ſequenti deliberationem ſuper hiſ haberent pleniorẽ; confeſtim ut ad aures Regiſ, qui tunc erat in Regali Palatio, hoc verbum inſonuit, communicato cum ſuiſ, quamvis proinde Clericiſ non vocatiſ, prudenti conſilio, circa veſpertinam horam ipſius diei in parva quadam inſula Secanæ inter hortum Regalem & Eccleſiam Fratrum Heremitarum poſita, ambos pari incendio concremari mandavit: qui ſic paratum incendium prompto animo & volenti ſuſtinuiſſe ſunt viſi, ut pro ſuæ mortis conſtantia & abnegatione finali cunctiſ videntibuſ admirationem multam intulerint ac ſtuporem; duo verò reliqui adjudicato ſibi carceri ſunt recluſi.

MCCCXIV.

MARGARETA Navarræ Regina juvencula, & BLANCHA Regiſ Navarræ CAROLI fratris junioriſ uxor, pro adulterio ab eiſ turpiſſimè frequentato & perpe-

N n n iij

trato cum PHILIPPO & GALTERO de Alneto
fratribus Militibus, à prima videlicet cum Philippo,
& altera cum Galtero, suis exigentibus culpis à pro-
priis repudiatae conjugibus, omni non immeritò ho-
nore temporali privatae, deputantur carceribus, ut
ibi sub arcta custodia omni humano destituta solatio
infelicitè agerent vitam & miserabiliter finirent.
Duo verò præfati Milites cum non solum tamquam
adulteri, sed & dominorum suorum conjugij viola-
tores nequissimi, qui de ipsis tamquam familiaribus
nimis domesticis præcipuam gerebant fiduciam; cum-
que de eorum vestibus * & familia reputarentur verâ
scientiâ, & erant pessimi proditores, necnon mulier-
culis ipsis adhuc ætate juvenculis, quas pro sexu fra-
gili suis lenociniis & blandimentis illexerant, multò
magis in facto culpabiles; apud Pontizaram die ve-
neris post *Quasimodò* confessi sunt hoc scelus quasi per
triennium frequentasse, idque pluribus locis & tem-
poribus sacrosanctis; proque tanti perpetratione fla-
gitij ignominiosæ mortis genus & pœnam lucentes, in
communi platea Martrei cunctis videntibus vivi ex-
coriati, eisque virilibus una cum genitalibus ampu-
tatis, caesisque capitibus ad commune patibulum tra-
cti, cunctisque omnino corio denudatis, per spatu-
las * & brachiorum compagines suspenduntur. Post-
modum juxta eos ostiarius quasi qui fautor & conf-
cius prædicti sceleris meritò videbatur, multi etiam
tam nobilium quam ignobilium utriusque sexus qui
præfati facinoris consentientes videbantur aut conf-
cij, plerique tormentis quæstionati fuerunt, aliqui
verò in aquis vehementibus submersi, plurimi verò
occultis mortibus perierunt, plerique innocentes re-
pertis penitus evaserunt, inter quos præcipuè quidam
frater Prædicator dictus Episcopus sancti Georgij qui
. aut fortilegiis quæ homines provocabant
ad illicita cooperator & conscius memorati flagitij
dicebatur, quem aliqui dixerunt Parisius apud Fratres
Prædicatores carcere fuisse detentum, alij verò Car-

Cal. * li-
vres.

Cal. * ef-
piales.

dinalibus cū jam vacaret Sedes Apostolica destinatum, & eorum iudicio derelictum. Porro etsi JOHANNA dictæ Blanchæ soror sponsa PHILIPPI Comitis Piclavienſis vehementer in casu habita fuerit in principio pro suspecta, & à viro suo aliquandiu separata, & apud * Durdanum castrum sub carcerali custodia reservata, post inquæstam nihilominus ob hoc factam, à prædicta suspitione purgata, inculpabilis & omnino innoxia in Parlamento Parisius præsentibus Comite Valesij & Comite Ebroicensi, multisque Nobilibus aliis iudicatur, & sic anno minimè revoluto reconciliari promeruit Comiti sponso suo.

* Durda-
cum.

Papa CLEMENTE Paschali tempore juxta Avinionem viam universæ carnis ingresso, Sedes Apostolica vacavit diutiùs, discidentibus inter se Cardinalibus & protervè divisis, maximè tamen post palatij, ubi congregati erant propter factum Papalis electionis, incendium, quod apud Carpentras, ubi pro electione convenerant, per Marquisium Vicena nepotem Clementis Papæ nuper defuncti, in favorem Cardinalis Vasconum, qui contra alios Cardinales Italicos scilicet & Gallicos electionem sibi ipsi vindicare volebat, fuisse dicitur procuratum, & ex certa sententia, maximè cū Cardinales & alij, præcipuè mercatores multa & gravia detrimenta in domibus rebûsque ceteris incurrissent. De loci verò ad electionem congrui acceptione, Italicis dicentibus quòd ad civitatem Romanam esset eundum, aliis alibi, reperi sunt non minus quàm si principali facto electionis ageretur contrarij & discordes: verum ob hoc quidam Cardinalium apud Auriacam civitatem, alij verò Avinionem vel alibi, quasi prout proprius ducebat spiritus, usquequaque quasi perdices territæ dispergantur.

Dolens Angliæ Rex EDUARDUS per Scotos cum ROBERTO de Brus eorum Capitaneo principali terram suam sibi tam injustè quàm violenter seu fraudulenter * exceptam fuisse, ut dicebat; pro ejusdem

f. * exceptam

recuperatione nititur totis pro viribus Regnum suum graviter incurfare. Circa festum Decollationis sancti Johannis collecto suorum exercitu copioso indiscretè pariter & pomposè cum eis in planis congreditur, mox de ipsis cum satis pauciores essent in numero præsumens optabilem habere triumphum. Sed confestim aciebus Anglorum valida adversariorum manu potenter contritis, tandem Rex ipse Eduardus divertens à prælio vix cum paucis fugæ præsidio se salvavit: quod deinceps Anglicis omnibus in opprobrium versum est sempiternum. Illic sanè * amino Scotigenæ pede tanti ferè tanti positi os *, eorum memorato Duce scilicet Roberto du Brus quasi corde in medio membrorum posito, quamvis ut asserebant nonnulli, cilicio potius quàm armis protecti, à Domino, qui dat dignis victoriam, speciali fiducia præmuniri, ut in suos omnes & singulos non solum probitatis suæ constantiâ floreret, quin etiam humilitatis obsequio divinum patrocinium provocaret, pro sua & patriæ libertate se ipsos audaci constantia morti si necesse fieret exponentes, adeò verisimiliter decertabant, non solum pariter, sed & insignem victoriam reportaverunt de Anglicis, Glocestre Comite & aliis pluribus interemptis, pluribûsque etiam Magnatibus atque Nobilibus vivis captis, qui se populis postea multa pecunia redemerunt tam ex redemptione captivorum quàm ex præda fugientium collecta spolia dividentes, locupletati sunt admodum & ditati plusquam solito, per omnia fortiores effecti. Ceterum quamvis hac peractâ victoriâ Reginam Angliæ IZABELLAM, quam in castro propinquo cepisse * vel obsessæ ad deditionem compulisse compulsi de facili potuissent, abire tamen liberè & quietè speciali metu vel amore Regis Franciæ cujus erat filia permiserunt. Flandrenses iterum Baillivo Regis de Corteriaci per eos expulso, circa festum solemne contra Regem Franciæ spiritum rebellionis assument; qua de causa excommunicationis publicatur sententia

f. * omni-
no Scoti-
genæ pede-
tentim fere
antè positi
omnes,
* locus cor-
ruptus.

* obsessam
tenebant,
ad deditionem
compellere de
facili.

sententia in omnes pacis perturbatores, dissensionis
 conscios & rebelles, primò Parisius in platea Parvisij,
 ac demum apud Tornacum, sanctum Audomarum,
 Noviomum, Attrebatum & Duacum, videlicet per Re-
 mensensem Archiepiscopum & Abbatem sancti Dionysij
 in Francia executores super hoc auctoritate Apostoli-
 ca deputatos; quamvis in executione sibi commissi
 officij nonnulla insidiarum pericula sint perpeffi; fere-
 batur tamen Flandrenses ab eorum sententia ad Se-
 dem Apostolicam appellasse. Dum itaque PHILIPPUS
 Rex Franciæ ad eorum expugnationem varios dire-
 xisset exercitus circumquaque, LUDOVICUM vi-
 delicet primogenitum suum Navarra Regem apud
 Duacum, PHILIPPUM Comitem Pictavensem apud
 sanctum Audomarum, CAROLUM tertium junio-
 rem filium cum CAROLO Valesij Comite apud Tor-
 nacum, & LUDOVICUM Ebroicensem Comitem
 apud Insulam cum assignato unicuique certo termi-
 no * bellatorum. Demum tamen spe pacis habenda * numero.
 & sub certis conditionibus per Comitem sancti Pauli,
 Ebroicensem & INGERRANNUM mediatores &
 compositores inter partes *; pro qua videlicet confir- * de pace
 manda Comes Flandriæ & Flandrenses venire ad tractatur.
 Regem Franciæ tenebantur infra tempus eidem præ-
 fixum, domino Roberto qui pro obside tenebatur &
 aliis obsidibus primitus liberatis. * Omnis exercitus * sicque.
 Regis Franciæ memoratus inefficax etiam & hac vice
 defraudatus turpiter & illusus satis celeriter & nimis
 de facili in hostibus fidem accommodans ad propria
 remeavit.

Circa idem tempus dum apud Frequewort propter
 electionem Romanorum Regis Electores pariter con-
 gregati fuissent, inter invicem discordantes *, qui * extiterunt
 busdam eorum videntibus * de jure electioni LUDO- * suffra-
 VICI Ducis Baicariæ, & ab aliis Duce Austriæ FRE- * gantibus.
 DERICO *. Dictus LUDOVICUS alteri fortitudine * electo.
 consilij, faventiúmque armorum potentia pariter ac
 virtute prævalens, adversa parte immutata, Aquif-

Tom. XI.

Oooo

grani postmodum in Regem Romanorum Regali diademate coronatur circa festum Nativitatis: Dux verò Austriae postea ab Archiepiscopo Coloniensi, qui ejus partem fovebat, non tamen Aquisgrani, fuit postea circa festum Pentecostes coronatus.

Extortionis indebitae, exactionis injustae inventio nova, insolita in Regno Franciae ab urbe Parisius specialiter ubique dehinc assumpsit exordium, undequaque exactione accepta propter expensas in guerra contra Flandrenses, ut dicebatur, factas; ita videlicet quod ementes & vendentes quilibet pro rata sua de libra sex denarios Parisienses vel amplius Regi solvere cogebantur per ipsius consiliarios Satellites & Ministros. Quam nonnulli nobiles & ignobiles, necnon Picardi cum Campanicis per juramentum ad invicem confederati pro sua & patriae libertate ferre nullatenus sustinentes, ob hoc viriliter se opponunt; & tandem optatam obtinent libertatem, extortione de mandato Regis non solum in terris eorum, sed ubique per Regnum Franciae penitus & omnino cessante: & dixerunt aliqui quod praedicta exactio de conscientia Regis minimè processerat, sed per ipsius consiliarios & iniquos fuerat introducta.

* providens.

PHILIPPUS Rex Franciae diuturna detentus infirmitate, cujus causa Medicis erat incognita, non solum ipsis, sed & aliis multis multi stuporis materiam & admirationis inducit; praesertim cum infirmitatis aut mortis periculum nec pulsus ostenderet nec urina: tandem à suis apud Fontem-Blaudi, unde & oriundus, se deferri praecepit. Illic sanè non multos post dies diem sui obitus imminemtem considerans, tam domui suae quam etiam rei domesticae salubriter & intentè disponens * dominum CAROLUM juniorem filium suum, quem nondum hereditaverat, de Comitatu Marchiae & terra circumjacente investivit. Sed & de salute animae suae attentius cogitans, exactionem maletolae, quae jam ad aures ejus insonuerat, & ei

multum displicebat, cessare fecit penitus & omnino. Tandemque testamento suo multa cum maturitate relecto & sapienter pariter & prudenter quam * fieri ^{* quantum.} commodè potuit ordinato; domino LUDOVICO suo primogenito jam Navarra Regi salubria salutis monita sapienter impendens; & eidem efficaciter ad implenda & sub minitacione divinæ pariter & paternæ maledictionis imponens, necnon Ecclesiam sanctam Catholicam, sed inter ceteras beati Dionysij Regni Franciæ peculiaris patroni specialiùs & familiariùs recommendans. Demum p multorum & cunctis videntibus qui aderant admirabilium nimis & ferventi valde, præcipuè sacramentis devotè receptis, in confessione veræ & Catholicæ fidei anno Regni sui xxx. die Veneris vigiliâ sancti Andreæ Apostoli feliciter spiritum reddidit Creatori. Cujus corpus ut commodiùs & honestiùs fieri posset, ad sepulcrum patrum suorum videlicet Ecclesiam beati Dionysij deportatur, & ibidem in loco quem vivens designaverat in secretis honorificè, ut Regalem decebat Majestatem, die Lunæ sequenti vigesimo quinto, Prælati præsentibus, scilicet Archiepiscopo uno Missam celebrante, decem Episcopis, decem & quatuor Abbatibus, integraliter, corde dumtaxat excepto, Ecclesiasticæ sepulturæ traditur. Cor autem ipsius quod Poissiacum Ecclesiæ Monialium sancti Dominici tumulandum reliquerat, cum eandem Ecclesiam à fundamentis construxisset, ipso die post corporis sepulturam illic in crastino deferretur tumulandum debito cum honore.

LUDOVICUS Rex Franciæ & Navarra Cathalaunensem Episcopum à Cancellaria sua destituit, & eidem STEPHANUM de Marugo in jure civili expertum, & ejusdem CAROLI avunculi sui Cambellanum subrogavit. Misit etiam circa Natale Domini Cambellanum & Secretarium suum HUGONEM de Bouilla Militem cum aliis certis nuntiis ad partes Siciliae ad adducendam CLEMENTIAM Regis Hungariæ filiam sibi matrimonio copulandam. Missi sunt

Oooo ij

etiam Ambaffiatores vel ſolemnes nuntij à Rege Franciæ apud Romanam Curiam, ſcilicet GIRARDUS Sueſſionenſis Epifcopus, Comes Bononiæ, PETRUS de Bleve Miles in jure peritus, pro electione Summi Pontificis promovenda, qui tamen parum aut nihil profecerunt.

LUDOVICUS. MCCCXV.

INGERANNUS de Marigniaco Miles admodum catioſus, cautus, ſapiens, aſtutus, auctoritatis & præ eminentiæ in populo plurimum habuit, Regiſque Franciæ PHILIPPI nuper defuncti præcipuus inter ceteros & principalis Conſiliarius; qui etiam quaſi vel pluſquam alter Major-domus effectus totius Regni Franciæ præſidebat regimini; per quem expediebantur ardua omnia diſponenda, & ad ejus nutum tamquam præcellentem obediebant omnes & ſinguli; * à CAROLO Valeſij Comite LUDOVICI Regis avunculo, aliisſque quibuſdam (quibus in hac parte communis arridebat populi multitudo) præcipuè tam occasione frequentis & ſolitæ mutationis moneta, quàm etiam extortionum quamplurium, quæ tempore Regis Philippi defuncti eis impoſitæ fuerant, ſuo nequam conſilio, ut credebant; coram Ludovico Rege ſuper variis deteſtandiſque nimium criminibus notoriè palam & publicè accuſatur turpiter, & ad ipſius Caroli ſuggeſtionem tam ipſe Ingerannus Pariſius apud Templum, quàm alij, quos plures pro cuſtodiendo Regis theſauro, vel aliis negotiis Regis & Regni præfecerat, Clerici videlicet Officialis, Laici verò Pariſienſis Præpoſiti, quorum etiam nonnulli variis tormentis addicti, quaſtionati ſimiliter, diverſis carceribus mancipantur. * Et licet Miles prædictus ob ſui purgationem legitimam ſæpe & ſæpius cum multa inſtantia audientiam poſtulaffet, obtinere tamen non potuit, prædicti Comitis impeditus potentia; quamquam Rex juvenis libenti animo juvare & ipſi benigniter in hac parte favere, ſaltem in prin-

* Hac &
ſequentia
quædam re-
tulit Auctor
Hiſtoria
Ministro-
rum.
pag. 568.

* Idem
p. 574.

cipio voluisset. Dum itaque quasi viâ mediâ contra eum vellent procedere, & ut cum eodem mitiùs ageretur, jam quasi adjudicatus diceretur in Cyprum insulam usque ad Regis revocationem exilio relegari: * *Idem*
 ecce ad aures Caroli memorati repente pervenit, quas- *p. 575.*
 dam statuarias imagines per JACOBUM dictum de Lor, & ejus uxorem & famulum ad suggestionem uxoris & sororis dicti INGERANNI vel ipsius, pro ipsius liberatione fortilegio factas, & ad maleficium tam in Regis, quàm Caroli vel aliorum personis nequissimè procurandum. Quo comperto dictus Jacobus in carcere vinctus ex desperatione laqueo se suspendit, & postmodum uxor ejus incendio concrematur. Sed & uxor & sorores Ingeranni carceribus mancipantur, & ipse tandem Ingerannus coram militibus judicatus, communi latronum patibulo Parisius est suspensus. Qui tamen de prædictis maleficiis nihil recognovit, *Idem*
 nisi quod exactio-num ac monetæ mutationum cum *p. 578.*
 aliis non solus fuerat in causa, nec audientiam super purgatione sua habuisse potuerat, quamvis eam instantiùs requisisset, & sibi in principio promissa fuisset: unde & ipsius mortis causa, multis non omnino cognita, multam admirationis materiam induxit & stuporis.

PETRUS de Latilliac Cathalaunensis Episcopus de morte Regis Franciæ Philippi ac sui prædecessoris, quæ per eum dicebatur fuisse procurata suspectus, de mandato Regis sub nomine Remensis Archiepiscopi in custodia detinetur. RADULFUS etiam de Penariis suspectus Advocatus in Parlamento præcipuus, vel quasi pro suspicione consimili detentus, & in carcere apud sanctam GENOVEFAM Parisius positus & diversis quæstionatus suppliciis, cum nihil omnino de impositis sibi criminibus ex ejus ore extorqueri potuisset, quamvis ob hoc gravia pariter & varia pertulisset tormenta, tandem liber abire permittitur, plurimis tamen bonis suis mobilibus & immobilibus diversis collatis, aliisque perditis & distractis. MAR-

O o o o iij

GARETA quondam Navarra Regina, quam sui lenocinij exigente infamia carceri mancipatam supra meminimus, universæ carnis viam ingressa, Vernone in Ecclesia Fratrum Minorum Ecclesiasticæ traditur sepulturæ. BLANCHA verò in carcere remanens à serviente quodam ejus custodiæ deputato dicebatur imprægnata fuisse quàm * à proprio Comite * diceretur, vel ab aliis imprægnata. HUGUELINUS frater MARGARETÆ Regina juvenis Burgundiæ Dux, cui successit frater ejus, de præsentī vita decessit.

f. * priusquam, vel quamquam.
* conjuge diceretur ab

In provincia Senonensi confœderati ad invicem multi de populo, ad hoc prout communiter ferebatur, quasi violenter inducti & quadam necessitate compulsi propter vexationes quamplurimas & extortiones indebitas, quas præcipuè in Curia Senonensi Archiepiscopi per insolentiam & proterviam Advocatorum & Procuratorum ipsius Curia nequiter perpetraverant, & de die in diem patiebantur injustè; Regem, Papam ac etiam Cardinales de ipsorum multitudine laicali sibi præficiunt, malum pro malis reddere statuentes, & eorum maliciis obviare pertinaci malitia cupientes: sed dum ipsi plus instationis * excedunt limites, excommunicationis * ad hujus Clericorum instantiam aut pro * se ipsos absolutos pronuntiant, vel absolutos reputant, & eisdem Sacramenta Ecclesiastica subministrant, aut hæc à Sacerdotibus fieri comminatione mortis violenter & terrore procurant. Tandem ad Prælatorum quorundam, qui ob hoc Regem cum instantia adierunt supplicationem & requestam detenti, ne facilitas veniæ ad delinquendum præberet aliis interminium *, poenarum afflictione * condigna pro suorum qualitate excessuum puniuntur.

* justitiæ.
* sententiam incur-
runt ad Clerico-
rum.
* à qua per
se.

* incitamentum.
* inflictione.

Circa Ascensionem Dominicam LUDOVICUS quondam Nivernensis & de Rethel Comes, & JOHANNES de Namursio venientes, in familiaritatem Regis & gratiam revocantur, præfatoque Comiti dicti duo Comitatus, à quibus dudum privatus sententia-

liter fuerat, restituuntur pacificè & quietè, quod plerisque occasione[m] præstitit multi murmurij & cachinni. Die Martis post Trinitatem comparuerunt coram Rege Abbas quidam Cisterciensis Ordinis, & alij procuratores ROBERTI Comitis Flandrensis, dictum Comitem excusantes, quòd quamvis personaliter venire * submonitus pro pace confirmanda, * deberet. quæ anno præterito fuerat prolocuta, venire tamen non poterat competenter, tam propter corporis debilitatem, quàm propter incursum hostium in Comitatu Flandrensi: quæ tamen excusationes reputatæ sunt frivola, prorogatóque die & submonitionis termino transacto; tandem Vigilia Apostolorum Petri & Pauli dictus Comes Flandrensisque populus adjudicatur contumax & rebellis, compulsisque redire procuratoribus, Ludovicus tamen Comes Nivernensis, & filius prædicti Comitis, & dominus Robertus de Namursio remanserunt in Francia cum Rege Ludovico pace Flandrensium sic intacta.

Sabbato ante festum sancti Johannis tres mulieres, quæ potiones confecerant, quibus defunctus Cathalaunensis Episcopus fuerat *, combustæ fuerunt in * suspectus. quadam insula brevi, quæ erat in fluvio Secanæ, ante Ecclesiam fratrum Heremitarum sancti Augustini. JOHANNES filius Flandrensis * Domi- * Comitis, nicâ in octabas Apostolorum desponsavit filiam Comitis sancti Pauli.

Hoc anno medio mensis Aprilis usque ad finem mensis Julij vel circiter facta est inundatio pluviarum quasi continua, frigusque æstivo tempore insolitum, propter quod nec segetes, nec vineæ ad maturitatem congruam poterant pervenire: & ob hoc maximè toto mense Julio vel quasi, factæ sunt processiones devotæ à Clero & populo. Vidimus namque per quindecim dies continuos apud Ecclesiam sancti Martyris * ma- * Dionysij. ximam utriusque sexus multitudinem unâ cum Clero non tantum de prope, immò etiam à quinque leucis & amplius, etiam nudis pedibus, quin immo exceptis

mulieribus totis nudis corporibus processionaliter confluentem, ibique deferebantur corpora Sanctorum devotè & aliæ Reliquiæ venerandæ; non tantum in dioecesi, immo etiam in Carnotensi; Rothomagensi, aliis quoque Regni Franciæ partibus consimiles processiones fiebant. Eodem tempore Julio mense in festo beatæ Christinæ LUDOVICUS Rex Franciæ accepto vexillo apud sanctum Dionysium, quod dicitur Auriflamma & domino HENRICO de Herqueri tradito, proficiscens in Flandriam ultima die mensis ejusdem, Reginam CLEMENTIAM sibi matrimonio copulavit dominicâ sequenti in festo Inventionis sancti Stephani proto-martyris. Ipsi verò pariter coronatis & sacra unctione consecratis, cum ipse Rex ad castrum Flandriæ quod Insula dicitur applicuisset, movensque inde exercitum dum apud locum qui dicitur Bondus fixis tentoriis pontem ibi parari fecisset; hostes enim qui ultra Liliam similiter tentoria fixerant, pontem illi fregerunt, ut ad illos cum exercitu suo transire non posset; tanta illic inundatio pluviarum & ita continua secuta est, ut usque ad poplites tam equi quam homines in luto & cœno multâ angariâ premerentur. Sicque tandem Rex ipse de Baronum communi consilio, licet non absque displicentia & amaritudine cordis, cum nec ad ipsum nec ejus exercitum victualia possent deferri; tandem compulsus est exercitum licentiarie infecto negotio, & reverti: & ne hostes de præda locupletes fierent, ignem in tentoriis jussit apponi; quod videntes adversarij æstimantes nostrorum exercitum in eos velle irruere per pontem paratum, mox igne similiter in tentoriis suis appposito fugam intenderunt. Illic autem ante suum recessum Rex ipse de avunculorum & fratrum Baronumque consilio Reginam Clementiam dicitur de viginti milibus libris in redditibus dotasse, præcipuè apud Lorriz, Bogenciacum, Montargis, Fonte-Blaudi & alibi, & de hoc litteras confecisse. Hoc anno fuit vini defectus universalis in Regno Franciæ aliàs inauditus, non

non solum in quantitate, sed etiam in qualitate.

Menſe Octobri factò Concilio Silvanectenſi præſidente Archiepiſcopo Remenſi ejusque ſuffraganeis, & aliis quibuſdam Prælatiſ, præpoſitiſque duobus prædictiſ caſibus contra Cathalaunenſem Episcopum; petiit idem Episcopuſ ut ante omnia ipſe qui tam in perſona quàm in boniſ ſpoliatus erat, reſtitueretur; quod & obtinuit, ut juſ erat: quo conceſſo voluit quòd ſuper hoc Prælati inquirerent, & ſic ſuper hoc prorogatur Conciliuſ & Pariſiuſ aſſignatur. Circa iſtud tempuſ Papa JOHANNES diviſit Episcopatuſ Tholoſanuſ in ſex Episcopatuſ, & facta eſt civitaſ Tholoſana Sedes Metropolitana.

Episcopatuſ Pictavenſiſ per eundem in treſ Episcopatuſ ſcilicet Pictavenſem, Maleacenſem * & Lutecia-
 nenſem eſt diviſuſ; erant autem priuſ duæ Abbatiaſ ſubditæ Episcopò Pictavenſi, quæ nunc factæ ſunt
 Eccleſiæ Cathedrales, & Abbateſ earundem ſunt
 etiam Episcopì. Quidam Militeſ & alij nobileſ Ver-
 mandenſeſ & Campanenſeſ confœderati invicem con-
 tra Comitiffam MATHILDEM, quæ ipſoſ indebitè
 volebat opprimere, inſurgunt; quemdam Militem,
 quem in carcere detinebat de caſtro fortiffimo, quod
 dicitur Hedin, potenter auferunt, JOHANNA Pi-
 ctavenſi Comitiffa dictæ Mathildis filia & poſtea Re-
 gina Angliæ tunc præſente, & ab eiſ permiſſa liberæ
 fugæ præſidio ſe ipſam ſalvare. Hac verò de cauſa
 quia dicti Militeſ conſpiraffe dicebantur contra Re-
 giam Majeſtatem, vocati ſunt à Rege LUDOVICO
 circa feſtuſ Omnium Sanctoꝝ apud Compendiuſ,
 & ibi comparenteſ emendaverunt Regi ut dicebatur.
 Caroluſ Valeſij & multi alij Baroneſ Regni Franciæ
 in reſreſſu de Flandriiſ fecerunt monetam novam
 Pariſiuſ, & cucurrit, quæ eſſi pauco tempore cur-
 ſuſ aliqualem Pariſiuſ & circa habuerit, non tamen
 diutiùſ, Rege eam prohibente, niſi tantuſ in terriſ
 eorundem qui hanc monetam fecerant fabricari.
 Circa feſtuſ ſancti Thomæ viſa fuit cometa in cælo,

* Maille-
 ſaſ & Lu-
 ſon.

Tom. XI.

P p p p

quæ mortem Regis prænosticare videbatur, ut patuit postmodum in effectu.

MCCCXVI.

Hoc anno præ defectu annonæ, de qua tactum est supra, tanta fuit caristia gravis in Regno Franciæ, quod sextarius bladi Parisius & circa quinquaginta solidi. Parisiensium fortium, ordeï verò triginta & avenæ decem & octo vel amplius vendebatur: & similiter accidit in aliis partibus Regni Franciæ suo modo.

LUDOVICUS Rex Franciæ & Navarræ febre gravi per aliquos dies in domo Regali nemoris Vicenarum correptus, quinta die Mensis Julij diem clausit extremum, Reginam CLEMENTIAM de quodam puero imprægnatam relinquens, habensque filiam unicam nomine JOHANNAM de Margareta prima conjuge defuncta; hujus autem corpus primò Parisius in Ecclesia beatæ Virginis ipso die defertur, die verò sequenti ad Ecclesiam beati Dionysij patrum suorum sepulcrum delatum prout Regalem magnificentiam decuit, tertia die post obitum Ecclesiasticæ traditur sepulturæ. PHILIPPUS Comes Pictavenſis, qui pro creatione Summi Pontificis acceleranda Lugdunum* Avinioni profectus fuerat, audita morte fratris sui Regis Franciæ LUDOVICI reverti Parisius maturavit: includere tamen Cardinales faciens priusquam recederet à Lugduno; Comitem de Forés ad ipsorum custodiam relinquens. Venit autem idem Comes Parisius die Lunæ post translationem beati Benedicti, acceptisque Regiis equis apud Caceriam; die quoque sequenti celebratis obsequiis in ejus præsentia apud Cœnobium sancti Dionysij pro fratre suo Rege Ludovico, revertens inde Parisius Parlamentum fecit congregari, in quo sanè tamen de consilio Procerum & Militum Regni extitit ordinatum, ut usque ad decem & octo annos, etiam si ex Regina CLEMENTIA quam frater ejus gravidam reliquerat puer masculus nasceretur, servaret & regeret Regnum Franciæ &

f. * Lug-
duno.

etiam Navarrae; unde & in ejus magno sigillo sic erat conscriptum: PHILIPPUS Regis Francorum filius Franciae & Navarrae regens Regna. Circa festum Magdalenae LUDOVICUS Comes Clarimontis & JOHANNES frater ejus Comes Sueffionensis cum aliis multis crucem transmarinam de manu Patriarchae Jerosolymitani congregatis Prælati quamplurimis Parisius solemniter assumpserunt, proclamatumque fuit ex parte Comitis Pictavenfis, qui jamdudum patre vivente acceperat, ut qui tunc vel etiam antè crucem acceperat, ad transfretandum cum ipsis in festo Pentecostes ab eodem festo immediatè post annum futurum totis se viribus præpararet. Hoc anno fuit magna mortalitas hominum & maximè pauperum, quorum multi famis inedia perierunt.

Post vacationem Apostolicæ sedis per biennium & ampliùs, tandem Cardinales inclusi dominum JACOBUM Cardinalem, priùs verò Avinionensem Episcopum, virum siquidem in jure peritum & vita laudabilem, natione Caturcensem prima die mensis Augusti festo sancti Petri ad Vincula in summum Pontificem elegerunt: qui mutato nomine JOHANNES XXII. Papa vocatus ibidem ante Nativitatem beatæ Virginis sua suscepit insignia, CAROLO Comite Marchiæ fratre PHILIPPI regentis Regna Franciæ & Navarrae, eorumque avunculo LUDOVICO Ebroicensi Comite frenum equi cui insidebat regentibus, ejusque festum decorantibus ipso die. Die veneris post Nativitatem beatæ Virginis factus est terræmotus apud Pontisaram & villam sancti Dionysij in Francia, quamvis rarus in iis terræ partibus evenire insolitus, & aliàs inauditus. Papa Johannes concessit hoc tempore annualia ad quatuor annos Philippo Pictavenfi Comiti regenti Regna Franciæ & Navarrae. Eclipsis Lunæ facta est prima nocte primi diei Octobris immediatè sequentis. JOHANNES Comes Sueffionensis qui nuper Crucem transmarinam assumpserat, diem clausit extremum.

* *En main
souveraine.*
* In Gual-
therum Co-
nestabula-
rium.

* aduocaba
M.S.

ROBERTUS nepos MATHILDIS Attrebatensis Comitissæ Bellimontis Rogerij occupare volens Comitatum Attrebatum, quod ad ipsum ratione patris sui PHILIPPI dudum defuncti fratris dictæ Mathildis pertinere dicebat; junctis sibi confœderatis de quibus supra meminimus, nonobstante quòd Philippus Regnum Franciæ regens negotium ipsum in manu superiori* posuerat, vel in quacumque inhabitatione à * Galthero Conestabulario Franciæ, qui illic ad ejus motus reprimendos directus fuerat, potenter insurgens, civitatem Attrebatum castrumque Sancti Audomari vi armorum accepit, mandatúsque ad Parlamentum Parisius venire respuit. Quod audiens Comes PHILIPPUS contra ipsum arma corripiens die Sabbati ante festum Omnium Sanctorum apud sanctum Dionysium vexillum accepit Episcopo sancti Maclovij Missam celebrante, & ipsum benedicente, sanctis tamen Martyribus non extractis aut super altare positis, nec ipso vexillo ut aliàs fieri solet eisdem contacto. Cùmque venisset Ambianis civitatem cum exercitu copioso, ante omnem congressum hostilem talis compositio fuit facta, quòd certis personis ad tractandum de pace inter ipsum & Comitissam prædictam deputatis, nisi possent eos pacificare, de plano judicarentur per Pares & Proceres Regni, processu negotij in eodem statu remanente in quo erat tempore quo decessit Robertus Attrebatensis Comes pater dictæ Mathildis, & avus ipsius Roberti, nonobstante judicato quocumque. Interim verò CAROLUS Comes Valesij ejusque frater LUDOVICUS Comes Ebroïcensis Comitatu in manu superiori posito, omnes ejus redditus & proventus recipere; ipse verò Robertus qui confœderatos & eorum factum advocabat * hoc tamen excepto quòd si aliqui contra Regiam Majestatem aliàs attentassent, de quo purgare se ipsos legitimè, loco & tempore offerebant, Parisius in prisione se redderet: quod & factum est. Et sic Comes Philippus licentiatu exercitu Parisius est reversus; Comes verò ROBERTUS

primò in Castellero Parisius & postea apud sanctum Germanum de Pratis in prisione detentus est

Parisius apud Luparam xvii. Kal. Decembris ex Regina CLEMENTIA quartana laborante natus est puer masculus Regis LUDOVICI nuper defuncti primus filius, nocte videlicet die Dominica præcedente, qui natus in Christo regnaturus JOHANNESQUE vocatus xiii. Kal. mensis prædicti ibidem decessit, die scilicet Veneris immediatè sequenti. Die verò sequenti in Ecclesia beati Dionisij ad pedes patris sui defuncti, Philippo Pictavenfi Comite militè *, corpúsque par-
vuli unà cum filiis *, avunculis CAROLO & LUDOVICO
ad tumulum deferente, & extunc pro Rege Franciæ &
Navarræ non immeritò se tenente, traditus est Eccle-
siasticæ sepulturæ. Philippus Regis LUDOVICI de-
functi frater Dominicâ post festum Epiphaniæ unà
cum conjugè sua JOHANNA inunctus est Remis in
Regem, avunculis suis CAROLO & Ludovico Proceri-
búsque Regni, & Paribus licet non omnibus ibidem
præsentibus.

Quamvis enim frater ipsius Carolus Comes Marchiæ
secum Remis usque venisset, ante coronationem ta-
men summo mane ex insperato recessit. Dux etiam
Burgundiæ venire non voluit, immo etiam & * anti-
qua Ducissa Burgundiæ appellatione ut dicebatur fa-
cta, intimari fecit Paribus qui Coronationi intererant,
& præcipuè Prælati, ne in ipsa procederent, donec
tractatum esset de Jure quod JOHANNA juvencula
puella LUDOVICI Regis defuncti primogenitâ habe-
bat in Regno Franciæ & Navarræ: ex quibus aliis si-
gnis & factis nonnullis, multorum concludebatur judi-
cio, prædictos & alios nonnullos Regni Proceres &
Magnates contra Regem ipsum saltem in occulto si-
multatem habere, etiam avunculo ejus CAROLO Comi-
te Valesij Philippus * tunc esset, partem eorum ut di-
cebatur fovens *: istis tamen non obstantibus Corona-
tionis festum fuit solemniter celebratum januis civita-
tis clausis, & armatis ad eorum custodiam deputatis.

Pppp iij

* cemican-

te.

* suis,

* ab

* Redun-
dant forè
ista trin
vaba.

* Fovente.

Quamvis autem esset dissensio inter Belvacensem Episcopum & Lingonensem quis eorum in ordine sessionis ratione præferri deberet Paritatis, tamen adjudicatum extitit pro Episcopo Belvacensi; **MATHILDIS** etiam Comitissa Attrebatensis mater Reginæ tamquam Par Regni coronam Regni cum ceteris Paribus dicitur sustentasse, de quo aliqui indignati fuerant. Defuncto **PHILIPPO** de Marigniaco fratre Ingeranni, de quo supra meminimus, Archiepiscopo Senonensi, successit vir nobilis **GUILLELMUS** Vicecomitis Melduni filius. Circa etiam idem tempus, defuncto **Ægidio** Bithuriæ Archiepiscopo, successit Lemoviensis Episcopus. Decefferunt etiam **GUICHARDUS** quondam Trecentis Episcopus, & **JOHANNES** quondam Cantor Aurelianensis, qui in Episcopatu Trecenti successerat, ipso die consecrationis suæ.

ROBERTUS Attrebatensis Comitissæ nepos ex fratre ex prisione relaxatus, post altercationes aliquas in iudicio & extra ratione juris Comitatus prædicti, tandem compositione amicabili inter ipsos facta, juri Comitatus omnimodè renunciavit, eo pacto videlicet quòd Rex in hoc facto debitè provideret. Duxit autem Robertus filiam Comitis Valesij in uxorem. Circa Purificationem decessit **CORARDUS** Abbas Cisterciensis, cui successit **GALTHERUS**. Circa Purificationem beatæ Virginis congregati fuerunt in præsentia **PETRI** de Arrabloi dudum Regis Philippi Cancellarij, quem Papa de novo Cardinalem effecerat, quamplures Proceres & Regni Nobiles ac Magnates una cum plerisque Prælati & burgensibus Parisiensis civitatis; qui omnes coronationem Regis Philippi pariter approbant, nec non ipsi tamquam Regi pariter obedire, & post eum filio ejus **LUDOVICO** primogenito tamquam successori & heredi legitimo juramento firmarunt, Magistris Universitatis civitatis ipsius hoc ipsum unanimiter approbantibus, quamvis non adhibito juramento. Tunc etiam declaratum fuit quòd ad coronam Regni Franciæ mulier non succedit. Die Mar-

tis ante Cineres factus est in Pictavenſi diœceſi terræ motus. LUDOVICUS puerulus PHILIPPI Regis Franciæ primogenitus die Veneris poſt Cineres defungitur, & apud Fratres Minores Pariſius juxta aviam ſuam JOHANNAM Franciæ & Navarræ Reginam Eccleſiaſtica traditur ſepulturæ. Hoc eodem anno fuit hyems ſatis aſpera continuè à feſto beati Andree vel circiter uſque ad Paſcha.

PHILIPPUS. MCCCXVII.

Hoc anno tractatus eſt habitus cum Flammingis. Comesverò Valeſij malens filiam ſuam fieri Comitiffam Flandriæ quàm filium fratris ſui Comitis Ebroïcenſis, tractavit quomodò illud matrimonium mutaretur; & ad hoc tantum eſt deductum negotium, quòd non obſtante aſſignatione diei nuptiarum præfixa inter eos, non obſtante etiam quòd omnia erant pro dictarum nuptiarum celebratione cum apparatu celebri, ut tantas decebat nuptias, præparata; Rex nihilo minus totum mandavit differri, volens ut aſſerebat, unam de filiabus propriis cum dicto filio maritali. Cùm ergo Rex & Flammingi ſuper tractatum pacis inter eos, ut ſperabatur, reformandæ, non poſſent in omnibus hinc & inde appoſitis conditionibus concordare; ex aſſenſu tam Regis quàm Flandrenſium fuit ordinatum ut ad Papam recurrerent, qui poſſet ordinare ſuper punctis in quibus inter partes diſſenſio intererat, quòd cùm vellet Papa concorditer ordinare, dixerunt Flammingorum nuntij, quòd ipſi non habebant potentiam vel mandatum aliquod * confirmandi, ſed ſuis referrent omnia ſi vellent quòd ordinatum fuerat approbare. Tunc Papa miſit in Franciam Archiepiſcopum Bituricenſem & Magiſtrum Ordinis Prædicatorum, qui partibus auditis concordiam auctoritate Apoſtolica confirmarent. Flammingi verò quærentes occaſiones frivolas diſcordandi, dicebant quòd libenter conſentirent dummodò daretur eis firma ſecuritas, quòd Regales non infringèrent factam pacem, & hæc dum Rex

* aliquid.

annueret, tamen nullam oblatam securitatem recipere voluerunt; & ita nuntij Papæ per Flammingos unâ cum Rege & Franciæ Proceribus delusi infecto negotio redierunt.

Interim Rex Franciæ & Dux Burgundiæ discordantes, amicis partes suas interponentibus, ad concordiam sunt adducti. Rex autem filium non habebat,
 * nam filius * unicus quem de Johanna uxore sua habuerat, cum esset in Burgundia pro congregandis Cardinalibus pro electione Summi Pontificis Johannis, paulò ante obierat; verumtamen plures filias habebat, quarum majorem natu dedit Duci Burgundiæ in uxorem. Et cum guerra Flandrensium timeretur, fuerunt usque ad sequens Pascha treugæ datæ, quæ postea sunt usque ad sequens festum Pentecostes prolongatæ, & tandem usque ad sequens Pascha ut antea protenduntur. Circa idem tempus Rex amicorum Ingerranni suspensi verbis & precibus ut creditur circumventus * de patibulo deponitur & in medio chori fratrum Carthusiensium juxta Parisius sepelitur, ubi frater ejus Johannes Senonensis Archiepiscopus satis citò post decedens positus, sub eodem lapide cum fratre Ecclesiasticæ traditur sepulturæ.

* est, &
ita ist.

Constitutiones, quæ *Clementina* communi vocabulo nuncupantur, eò quod per domnum CLEMENTEM Summum Pontificem in Concilio Viennensi editæ fuissent, cum propter multas latas excommunicationes, suspensiones, & ceteras juris pœnas in ipsis contentas nimis rigidè viderentur, ad tempus suspensas, JOHANNES Papa XXII. fecit Parisius & in aliis studiis solemnibus sub bulla publicari, & eas sub pœnis contentis præcipiens observari: unde ex hoc turbatæ sunt specialiter Beguinæ, quoniam in eis sive omnis * discretionis status Beguinagij condemnatur, sed non obstante condemnatione status earum processu temporis convalescit; nam adhuc & nomen earum perseverat & genus in * Ecclesia, & Papa * sub quadam communitate transeunte, cum longè melius sit eas
 sic

* omni distinctione,
vel, discretionem.
* in Eccl.
Papa.
* permit-
tente & eo
Ordinè.

sic esse quam laxatis habenis in sæculi pompis & vanitatibus evagari; inter ipsas enim sunt multæ bonæ & religiosæ personæ, & inter ipsas exercentur opera pietatis. Quod tamen mandatum non sine consilio & adjutorio creditur esse factum. Nonnulli volunt asserere, quod Ordines Mendicantium non nisi equivocè seu solo nomine mendicabunt, quamdiu Beguinatij status in suo robore perdurabit. Circa ferè idem tempus in Italia insurrexerunt in confinio & Comitatu Mediolani Hæretici, qui tam ratione suæ perversæ vitæ & operationis, quam etiam ratione temporalis potestatis valde perturbaverunt Ecclesiam Dei, scilicet *Matthæus* de Comitibus Mediolanensis, & ejus filius *Galeachius*, *Marchus*, *Luchinus*, *Iohannes* & *Stephanus*, contra quos inquisitione * inventi sunt * facta. hæretici manifesti, & finaliter tamquam hæretici condemnati. Frequenter enim Nuntios Sedis Apostolicæ receperunt, verberaverunt, incarceraverunt, litteras eorum laceraverunt, spoliaverunt Ecclesias, rapuerunt posita in Ecclesiis, Episcopos, Abbates & alias personas Ecclesiasticas de locis propriis expulerunt, flagellaverunt, miserunt in exilium, occiderunt plures, cremaverunt Hospitalia & Ecclesias & alia pia loca. Item *Matthæus* interdixit personis Ecclesiasticis Synodos, Concilia, Capitula, visitationes, prædicationes; ipse abusus est multis puellis & eas corruptas violenter intravit *, in Monasteriis multas * interfecit. Sanctimonialibus violentè corrupit, inhibuit in Mediolano positum interdictum observari, coëgit Clericos solemniter nonobstante interdicto exercere Divina, & filij sui consimiliter in aliis locis, fecit prædicari quod excommunicatio contra eum lata non erat timenda: confœderavit se cum Schismaticis ex quo guerræ * & Schismata sunt secuta, & multæ aliæ hæ- * innumere reses ortum habuerunt. Carnis resurrectionem negabat, vel saltem de ea dubitabat: avus & avia ipsius fuerunt hæretici, propter hoc igne cremati. Manfreda sibi germana * ex hæretica & * ex matre.

combusta Orvaræ, dicebat Spiritum sanctum incarnatum. Inguillina hæretica quæ consimiliter est combusta. Hoc etiam tempore * tamquam excommunicatos & hæreticos condemnatos fecit Papa J O H A N N E S multos processus & multas fulminavit sententias; sed quoniam obstinati erant, in parvo immo in nihilo valuerunt: unde perpendens quòd per hanc viam non proficeret, dedit contra ipsos dimicantibus largas indulgentias in hunc modum; Quòd quicumque Clerici vel laici, qui contra hos schismaticos, hæreticos, excommunicatos, hostes Christi rebelles, sanctæ Matri Ecclesiæ inimicos procedent in propriis personis, suis vel alienis expensis, & manebunt per annum sequendo vexillum Romanæ Ecclesiæ, vel qui mittent idoneos bellatores per annum, hanc indulgentiam, quæ solet dari proficiscentibus in subsidium terræ sanctæ*; qui per partem anni, partem indulgentiæ; qui morientur in via, indulgentiam integram; qui mitterent de suo, participes indulgentiæ secundum quantitatem doni vel donationis*.

* Incerabuntur.

* erunt.

f. * Franc-
fort sur le
Main.

Et quoniam illi qui antea scripserunt à XIII. anno & circiter de Bavaro, qui se Regem Romanorum dicit, nihil scripserunt; idcirco ab ejus electione sumens exordium, licet aliquantulum tactum fuerit superius, hîc annotare curavi cum factis præcedentibus. Qui circa istud tempus Italiam intrans se supradictis immaniter schismaticis & hæreticis sociavit. Anno Domini M^o. CCC^o. XIII^o. post mortem inclytæ recordationis HENRICI Imperatoris Electores Regis Alemanniæ tres Archiepiscopi scilicet Magontinensis, Treuirensis & Coloniensis, cum tribus aliis Ducibus in Franquemont* supra Moïanum fluvium causa Electionis sunt ad invicem congregati, quorumquinque unanimiter LUDOVICUM Ducem Bavariæ in Regem Alemanniæ elegerunt, solo Coloniensi Archiepiscopo Fredericum Ducem Austriæ eligente. Quo facto ceteri Principes Ludovicum prædictum Aquisgranis ducentes ubi soliti sunt Reges Alemanniæ coronari, su-

per sedem Magnifici Imperatoris Caroli Magni circa beatæ MARIÆ Virginis Nativitatem eum statuentes, in Regem Romanorum Regali diademate coronaverunt. Coloniensis verò Archiepiscopus FREDERICUM ab eo electum circa sequens festum Pentecostes non Aquisgrani, sed in villa quæ Bona dicitur quatuor leucis à Colonia distante coronavit. Ludovicus verò qui pro se majorem partem eligentium habuisse* & fortior potior videbatur, de coronatione reversus apud Norremberg, ubi Reges Alemanniae post coronationem suam in Regem Romanorum primam sedem suam ponere consueverunt, fecit Curiam suam publicè proclamari, ibidem homagia Imperij recipiens, jura & jurisdictiones temporales exercens, privilegia confirmans, ceteroque actus Regales faciens qui sibi jure Imperiali & Regali competeabant & competere videbantur & poterant: & hoc dicebat se posse facere absque omni requisitione Ecclesiæ & Papæ, & quòd ipse & prædecessores sui ita fecerant, & præscriperant à tanto tempore quod de contrario memoria non existit. Occasione verò prædictæ electionis orta est gravis dissensio inter dictos electos, terras suas hinc & inde multis incurfibus devastantes: finaliter verò commissum est bellum inter eos campestre, & licet plures & potentiores & fortiores partes essent cum Frederico Duce Austriæ, Ludovicus tamen cum paucis respectivè, multis occisis, multisque ex parte Frederici prædicti fugientibus, capto Frederico & Henrico fratre ejus in dicto prælio gloriòse triumphat. Habito verò dicto de adversariis triumpho, more prædecessorum suorum pro confirmatione Imperij, necnon coronatione & benedictione Imperiali sibi, ut dicebat, de jure debitis, dictus Ludovicus solennes nuntios ad Summum Pontificem destinavit. Quæ tamen Papa omnino facere recusavit, dicens quòd cum ipse in discordia electus esset, antequam ipsum ad jus & dignitatem Imperij confirmaret, ad ipsum pertinebat finalis decisio quis electorum in jure potior

Q999 ij

haberetur. Item quòd ad Papam pertinet, ut dicebat, non solum electionis, sed etiam personæ electæ approbatio, antequam possit licitè jura Imperialia exercere; & ipse Ludovicus in his se immiscuerit, homagia Imperij recipiens, feodósque distribuens minus debitè, & in præjudicium Ecclesiæ Romanæ hoc attentans; si quod prius jus habuerat, hoc exequens, jure suo merito privabatur.

Circa eadem fere tempora in curia Romana orta est quæstio scrupulosa circa statum Fratrum Minorum, quæ in Ecclesia processu temporis, ut oculis nostris inspeximus, perversorum scandalorum & schismaticum seminarium fuerit. Dum enim in dictorum Fratrum Regula contineatur, & de hoc Fratres faciant votum explicitum & expressum, quòd nullus Frater habeat aliquid in proprio vel communi, & quod jure quocumque nullum apud se retineant dominium, sed solum habeant simplicem usum facti; asserentes nihilominus quòd hic est perfectus vivendi modus, hæc est vita Evangelica quam CHRISTUS & Apostoli tenuerunt & tenendam docuerunt, unde & asserunt Christum nihil omnino habuisse, nec in proprio nec in communi: quæ res in admirationem nonnullos induxit, quasi in re cujus usus est ipsa consumptio, sicut in re comestibili, putà pane vel caseo, certum est quòd tali in usu transit dominium, & ille igitur habet dominium qui habet usum, & qui usum dominium: unde cum in istis non possit dominium separari ab usu, & sub voto eorum expresso cadat in nulla re habere dominium, & tamen habere usum dominij in præsentī vita est necessarium; supposito quòd velint vivere, necessarium est professoribus istius Regulæ frangere votum, immo apparet quòd omni die fit fractio talis voti. Unde concludebant multi, tales non esse in statu salutis, & votum non esse sanctitatis sed magis assumptæ sineratione voluntatis; & ad hanc partem dicebatur quòd magis se Summus Pontifex inclinabat. Adhuc toto anno isto

durabat caristia bladi in Regno Franciæ.

MCCCXVIII.

Cùm ut priùs dictum fuit , inter Regem Franciæ PHILIPPUM & Ducem Burgundiæ aliqua discordia occasio appareret , quæ amicis intervenientibus de facili est sopita & ad concordiam revocata ; etiam in majus signum concordiæ magna inter ipsos amicitia fœdera sunt sequuta. In festo Trinitatis duxit Dux Burgundiæ filiam Regis primogenitam in uxorem , & de voluntate Regis & Ducis neptis eorum Regis Ludovici nuper defuncti ex sorore Ducis filia primogenita Comitis Ebroïcensis Ludovico * data est uxor , & quod multis admirationis materiam ministravit , nonobstante quòd essent impuberes , nihilominus per verba de præsentis fuit inter eos solemniter matrimonium celebratum.

* Ludovici
filio Philip-
po.

LUDOVICUS primogenitus Comitis Flandriæ homo ligius Regis Franciæ de Comitatu Nivernensi , & de Baronia de Donziaco , & de Comitatu Restelli quod sibi ratione conjugis contingebat , accusatus super multis machinationibus per eum factis contra Regem & Regnum , ut pote Flammingos in rebellione nutriens , pacem impediens , castra sua & fortalitia contra Regem & Regnum muniens , pueros & familiam ad pueros * transmittens , se cum omnibus quos æstimare poterat Regi infestos aut etiam inimicos consocians ; ad quindenam assumptionis beatæ MARIE coram Rege & Regalibus super præmissis responsurus solemniter citatus apud Compendium , cum intimatione sive veniret sive non sibi tamen fieret justitiæ complementum , nondum comparuit , quinimmo se & sua transtulit ad Flammingos ; propter quod Rex in sua manu supra dictos posuit Comitatus , facta sufficienti provisione uxori suæ ratione Comitatus de Rethel , quam ille ut malus per omnia repudiaverat , cùm tamen ut fama publica testabatur esset sancta mulier & honesta. Comitissa Attrebatensis MATILDIS filia Roberti Attrebaten-

* hostes.

Q999 iij

sis, volens per terram suam ingredi cum manu armata, resistens sibi contra eam multis Militibus in dicto Comitatu & circa confœderatis, sibi que significantibus quod si sine armis terram ingredi vellet, libenter annuerent, si verò in manu armata, sibi in passibus resisterent: quod audiens Comitissa prædicta timens periculum desistit ab incœpto.

Papa iterum alios nuntios dirigit ad Flammingos, scilicet Magistrum P E T R U M de Plaude Fratrem Prædicatorem & Doctorem in Theologia, & duos Fratres Minores cum littera Papæ, cujus series erat, quod Papa securitates quas Rex offerebat sufficientes reputabat, consulens quod eas pacificè acceptarent, sin autem, eos reputabat perjuros & impeditores passagij Transmarini. Qui responderunt; Papa nihil nobis præcipit, sed tantum consulit, unde non reputamus nos tamquam obligatos. Acceptaverunt tamen diem ad tractandum apud Compendium in Octabas Assumptionis, ad quam diem Papa misit Magistrum Ordinis Prædicatorum cum uno Magistro in Theologia Fratre Minore, Rex etiam solennes nuntios ad dictum diem destinavit; sed ex parte Flammingorum nullus comparuit, nisi soli duo juvenes filij burgensium, qui dicebant senon esse missos ad aliquid ordinandum; quæsito ab eis cur venerant, responderunt, animalia perdidimus & exivimus ad quærendum. Et sic delusi tam Papales quàm Regales nuntij ad domum sunt reversi. Tentaverunt autem Flammingi antea se confœderatis * cum Pictavia * conjungere simili juramento, ut contra Regem fierent fortiores; sed ipsi eos recipere noluerunt.

* confœderatione.

* Pictavis,

* burgensium.

Eodem anno fuit guerra in Lotharingia in civitate Virdunensi inter cives ad invicem, ita ut pars partem compelleret extra urbem. Comes autem Barri qui partem exteriorum * defendebat contra Episcopum civitatis & ejus fratrem dominum de Asperomonte, congregato exercitu, post longam obsessionem circa castrum solenne quod Diulandum dicitur, muris diruptis & confractis illud cepit cum alio castro nomine Sa-

pigniacum: Sed Rex Franciæ qui gardiam habet villæ, misso Connestabulario Franciæ, per ipsum ad concordiam ducti sunt, expulsis ad propria revocatis. Hoc anno renovavit Dominus antiquum miraculum de multiplicatione panum. Nam cum jam esset caristia bladi pervalida undique in Regno Franciæ, ut sextarius bladi ascenderit ad quadraginta solidos in valore, ante omnem messionem & collectionem fructuum redactum est ad valorem duodecim solidorum & circiter, Deo gratiam apponente sicut vidimus manifestè: nam panis qui vix ad unam horam parvam sufficiebat homini ad edendum, quinimmo quasi esuriens post comestionem surgebat, transacta caristia copiosè tota die sufficeret pro duobus.

Regina CLEMENTIA vidua Ludovici quondam Regis Franciæ relicta, credens avunculum suum Regem Siciliæ ibidem invenire, circa festum Omnium Sanctorum Avinionem intravit; sed quamvis ab ipsa ibidem aliquamdiu expectatus, quasi * ita citò propter guerram Rinuesium per quos transitum fecerat, illuc venire non potuit. Ipsa salutato Papa à quo multum benigniter recepta fuerat, de ejusdem consilio Aquis in Conventu Sororum Sancti Dominici se transtulit, & avunculi sui Regis adventum diutius expectavit. Hoc anno Rex Siciliæ civitatem Januam applicuit, & ita * urbem à Guelfis, qui intra urbem remanentes Guibellinos expulerant, cum honore receptus: sed desiderans Summum Pontificem visitare ab urbe: nihilominus Guelforum instantiâ, cum sibi improperant si eos contra Guibelinos qui eorum civitatem obsidebant indefensos dimitteret, imminere sibi confusionem & opprobrium sempiternum, & hujusmodi rationibus . . . Sed . . . ibidem disposuit diutius quod * ante crediderat immorari.

Transacta igitur hyeme Rex versus Sagoniam * galeis * cum multitudine armatorum, sed resistentibus fortiter Guibelinis portum ibidem apprehendere nequiverunt, sed divertentes * ad portum qui dicitur Sancti

* tamen

* non f. deest

* intrans

* est

* discedere

* quàm

* appulit

cum

* &

* plurimi

Andreas, castrum ut dicebatur à Guibelinis præmunitum obsidentes, & brevi in tempore capientes, copiosam in eo flammam accenderunt: quod Rex & Januenses videntes suorum succursum, navigaverunt cum ingenti multitudine armatorum; quod perpendentes adversarij eis obviam procedentes gravissimè sunt congressi, ita ut nox superveniens eos separaret: cumque invicem conditum esset ut crastino mane ad locum reverterentur iterum sicut agmina pugnaturi, illi qui dictum castrum acceperant, exeuntes mane in campum neminem inveniunt; alij autem fugientes timentes Sagoniam amittere, cum quibus potuerunt ... * ... tota nocte fugere non cessaverunt. Quod advertentes qui ad pugnam exierant, ad castra descendentes cibaria & reliquam suppellectilem rapientes, quotquot ibidem invenerunt homines occiderunt. Post hæc verò Rex ad auxilium obsidentium Sagoniam misit copiosam multitudinem armatorum; cujus Capitaneus dominus PETRUS de Genesio dum pro quærendis victualibus à castris suorum per longum spatium elongatus * præhabita pugna gravissimâ suis omnibus occisis, finaliter ab adversariis captus est.

* sarcinis simul saccis

* fuisset

Capto FREDERICO Duce Austriæ & HENRICO fratre ejus in bello campestri per Ducem Baviaræ electum in Regem Romanorum, ut præmissum est, iterum Dux BELPODUS dicti Frederici frater, nitens fratrem de manibus Bavari eripere terras ejus multipliciter incurfat, sed Bavaro sibi viriliter resistente, Regéque Bohemiæ auxilium ferente, deficit ab interim.*

* intento

* Lauduno

* Menandri-
no Patavinus
cujus
Defensor
pacis, seu
apologia
pro Ludovico
IV. Imp.
Bavaro E-
dit. an. 1599

Circa ista tempora de flore lilij Parisius studij exierunt duo filij nequam genimina viperarum, scilicet Magister JOHANNES DE JANDUNO * natione Gallicus, & Magister MARSILIUS de Padua * natione Italicus, multa falsa & erronea mentientes contra Ecclesiam & ejus honorem, multos latratus pestiferos emittentes Bavari contubernio sociati, moventes & excitantes non debere cum timere ad verba frivola Papæ, quinimmo jura Imperij more prædecessorum suorum etiam

etiam contra Ecclesiam viriliter observare, quinimmo jura Ecclesiae magis ex dignitate Imperij processisse quam alibi *.

* aliunde.

Circa ista tempora Papa JOHANNES circa Regulam Fratrum Minorum aliquas declarationes promulgavit. Nam cum dicerent Fratres, ut aliquo modo dictum est, in quacumque re solum usum praecise se habere, & dominium reservari Papae; Papa ex isto dominio nihil omnino * utilitatis ratione acrescere Ecclesiae, cum apud Fratres remaneat usus facti, a se dominio tale tamquam sibi & Ecclesiae ratione inutile abdicavit, procuratorem * ipsorum super dominio talis rei omnimode revocavit; solum illarum rerum apud se retinens in rebus Fratrum spirituale, & directioni mandatum dominium, praeter commune dominium quod habet universaliter in bonis totius Ecclesiae, in domibus & in libris & rebus divino servitio deputatis. Et super his fecit Papa Constitutiones & Decretales quas Parisius & aliis solemnibus Studiis sub bulla transiit, & sicut ceteras Decretales publice legendas praecipit: decernens quod in rebus usu consumptibilibus dominium non potest separari ab usu, nec e contra. Quae res multos in dubitationes vehementer induxit quaestionis, * sine magno conscientiae scrupulo & animarum periculo poterat talis viris observantiae discretio ab ipsis Regulae Professoribus cum tam gravi sarcina diutius supportari.

* utilitatis ratione videns.

* factum vel procuraciones.

* utrum sine.

Circa fere eadem tempora Bavarus audiens Papam sibi Imperialem benedictionem renuere, cum tamen sibi de jure deberetur, ut dicebat; tamen quia majorem partem eligentium habebat pro se, se electum pacifice reputabat: unde ex hoc sibi dicebat quod de jure & approbata de praedecessoribus suis consuetudine Imperij temporalia omnia competeat ministrare, feodos distribuere, homagia recipere, honores Imperij distribuere, & hoc praedecessores sui consimiliter electi fecerant, Papa super hoc nullatenus requisito: * ad Generale Concilium appellavit, & apud * itaque.

Tom. XI.

R r r r

pellationem suam in locis publicari fecit; asserens Papam esse hæreticum, maximè, ut dicebat, cum ipse videretur niti ad subversionem Regulæ S. Francisci & Ordinis Fratrum Minorum, quæ à sanctis suis prædecessoribus fuit antea confirmata, & tantis ipsius Regulæ sanctis professoribus laudabiliter observata; ita ut non nisi dementiæ sit & erroris in fide Catholica & CHRISTI, velle contra Regulam tam sanctam vel Regulæ professores aliquid attentare, maximè cum in ea præcipiatur observanda professio * totius Spiritualis vitæ, hujusque Regulæ professores vitam * observant paupertatis Evangelicæ, quam CHRISTUS tenuit & tenendam Apostolis & Apostolicis viris, quales sunt hujus professores Regulæ, præcepit & docuit.

* perfectio

* viam.

* suppl.,
Imperator
Occidentis.

Nullus *. MCCCXIX.

Anno Domini millesimo trecentesimo decimo nono, Sabbato post Ascensionem Domini obiit vir illustris dominus LUDOVICUS Comes Ebroicensis, & sequente feria tertia præsentem Rege Franciæ dicti defuncti Comitis nepote, multisque Proceribus, Episcopis & Abbatibus, GONCELINO tituli sanctorum Marcellini & Petri Presbytero Cardinali, qui de pace Flandrensi Parisius advenerat, Missam solemniter celebrante, juxta uxorem suam in Ecclesia Fratrum Prædicatorum Parisius est sepultus. Prædictus Cardinalis unâ cum Trecense Episcopo pro Flamingorum pace reformanda in Francia directus, versus Flandriam proficiscens, mandat Episcopo Tornacensi in cujus Episcopatu situatur, ut Flandrensis adventum suum innotesceret & mandatum Apostolicum nuntiaret; qui timens in propria persona illuc *, duobus fratribus Minoribus dictum negotium commisit nuntiandum; quo nuntiato statim fuerunt de mandato Comitis captivati.

* proficisci

Hoc eodem tempore Comes Flandriæ convocato exercitu unâ cum comitiva Gandavenfi, timens In-

fulenses in & sub manu regia exeuntes *, intendens * existen-
debellare, voluit Lise fluvium pertransire; sed Gan- tes, & hos.
davenſes dicentes de trenga ſervanda cum Rege Fran-
ciæ juramentum feciſſe, noluerunt cum ipſo ulterius
pertransire, quinimmo Gandavenſes omiſſo præcepto
Comitis ſunt reverſi: unde indignatus Comes eos ad
magnam pecuniæ ſummam ſibi ſolvendam condem-
navit: quam renuentes ſolvere, Comes paſſus & vias
per quas erat tranſitus in Gandavum cuſtodiri ſolli-
citè faciens, quosdam redimens, quosdam carceribus
mancipans, nonnullos occidens, eiſdem multimodas
injurias irrogavit; è contra verò Gandavenſes po-
tenter reſiſtentes ſe * & ſuos viriliter impugnabant. * ipſum
Circa idem tempus hoc obtinuit Cardinalis prædictus
à Comite Flandriæ, ut ipſe cum filiis ſuis in terræ
Papæ confinio ſecum ad colloquium accederet ſuper
informatione pacis cum Rege, cum eodem & Regis
nuntiis ſolemnibus ibidem ex parte Regis aſſiſtentibus
tractaturus: unde & ibidem extitit concordatum, quòd
Comes veniret Pariſius in media Quadrageſima factu-
rus Regi homagium, & conventiones priùs habitas
firmaturus; ad quem tamen diem nullatenus compa-
ruit, more ſuo excuſationes frivolas per internuntios
allegando.

Eodem anno Rex ROBERTUS ad Papam venit
auxilium petiturus; Papa verò decem galeas arma-
verat in futurum ſubſidium paſſagij terræ ſanctæ,
quas Rex impetrans quatuordecim de ſuis cum eis ad-
junctis miſit omnes ſimul ad auxilium Januenſium ob-
ſeſſorum; quarum adventum Guibellini extrinſeci
præſcientes, ipſos prævenire cupientes, eidem civitati
inſultum fortiffimum intulerunt. Eodem anno PHI-
LIPPUS Comitis Valeſij filius aſſumpto ſecum CA-
ROLO fratre ſuo necnon multis de Regno Franciæ
nobilibus, in Guelforum ſubſidium ad requeſtam Re-
gis Roberti ex parte matris avunculi ſui contra Gui-
belinos Lombardiam ingreditur; ad civitatem Ver-
cellenſem veniens, cujus partem Guibellini, alteram

R r r ij

Guelfi tenebant, à Guelfis cum gaudio recipitur; Guibelinos impugnans ut poterat; sed Guibelinis habentibus liberum introitum & exitum civitatis, parum vel nihil contra eos proficiebat: unde ob hoc cum suis super hoc inito consilio, egressus civitatem & obsidionem ponens retro, eos ita arctavit ut nec possent civitatem ingredi, nec eisdem victualia deportari; quo comperto Guibellini miserunt ad Capitaneum Mediolanensem ab eo auxilium postulantes. Rex Robertus Avinioni cum Papa residebat, ita eum circa sua negotia occupatum detinens, ut non solum aliena sed etiam propria negotia Papa negligere videretur.

Eodem anno circa festum beati Johannis Baptistæ in Hispania accidit, fortè peccatis nostrorum exigentibus, quoddam grave infortunium Christianis. Vir enim nobilis & annorum probitate strenuus Regis Castellæ pueri tutor & avunculus nomine JOHANNES, cum suâ & cujusdam avunculi sui probitate Sarracenos Regni Granatæ multoties impugnasset, jam parte dicti Regni Sarracenis profugatis per eum occupata, sperabatur per ipsius probitatem totum dictum Regnum in brevi posse subjici Christianis. Sed Deus, cujus voluntatis non est investiganda ratio, prædictum negotium immutavit; nam cum quinquaginta millia tam equitum quàm peditum armatorum, stante secum avunculo suo prædicto Johanne contra quinque tantum millia Sarracenorum congregasset, accidit ut ante congressionem exercituum ad invicem dictus Johannes decumbens lectulo moreretur: quo audito Christianorum exercitus in tantum mente prosternatus est, ut licet parvum viderent de facili vincibilem adversariorum numerum, nihilominus tamen cujuscumque prece vel pretio illa die congredi noluerunt; unde dictus pueri Regis Castellæ tutor & avunculus tota die fervida per exercitum quasi totus extra se positus per exercitum & admonens de hostium aggressu, cum se conspiceret nihil proficere, nimio calore suffocatus, necnon dolore

cordis attritus intrinsecus, expiravit, & tunc fugam totus Christianorum exercitus arripuit, & cum à Sarra-
cenis adversariis potuissent faciliter debellari, nullus
tamen vice versa ausus fuit persequi fugientes, unde &
quidam miles Sarracenus Regi Granatæ qui ad hoc
præfens non fuit sic ait: Sciatis quòd nobis & Christia-
nis offensus est Dominus, ~~illis~~, quòd cum tot essent ut de
nobis possent faciliter triumphare, non permisit Deus;
nobis etiam quia cum eos fugientes ut inermes pueros
capere & occidere potuissemus, tenens nos Dominus
non permisit. Circa ista tempora in Alemannia inter
LUDOVICUM Ducem Bavarie & FREDERICUM
Ducem Austrie & fratres ejus LEOPOLDUM, HEN-
RICUM, ODOM & JOHANNEM occasione
electionis inter duos Duces in discordia celebratæ, orta
sunt multa & magna discrimina, terras suas rapinis & in-
cendiis mutuò desolantes, quæ mortifera pestis in Ale-
mannia, & præcipuè in terris prædictorum Ducum
multas fecit viduas desolatas, terrasque desertas, multos-
que cives exules, & divites dimisit pauperes & inanes.

Nullus Imperator. MCCCXX.

Anno Domini millesimo trecentesimo vigesimo
Comes Flandrie venit Parisius cum Comite Nivernen-
si, & Procuratoribus Communiarum Flandrie habenti-
bus ab eisdem potestatem & mandatum cum Rege
Francie pacem & concordiam unà cum Comite Flan-
drie faciendi; & ad instantiam Cardinalis, qui speciali-
ter propter Flandrenses à Papa in Franciam directus
fuerat, fecit homagium Regi, & lætati sunt multi cum
firmiter crederent pacem esse firmandam. Verunta-
men Comes ad diem assignatam pro de articulatione
pacis in pacem noluit consentire, nisi sibi redderentur
Bethuna, Insula & Duacum, quas ut dicebat, Rex so-
lo pignore detinebat. Unde indignatus Rex remisit *
in Ramensium publicum, quòd villarum illarum domi-
nium de cetero non haberet, rogans fratrem suum Ca-
rolum Comitem Marchie, dominum etiam Carolum

*juravit per
sacramen-
tum, aut
aliud quid

R r r r iij

avunculum suum Comitem Valesij, ceterosque Barones & præcipuè illos de Regia stirpe ibidem præsentem, quod juramentum hujusmodi confirmarent, quod & ipsi unanimiter consenserunt. Comes verò recessit de Parisius hospite infalutato; Procuratores verò Communiarum de Parisius exeuntes post illum miserunt dicentes; Certi sumus quod si ad illos qui miserunt nos pace infecta cum Rege redierimus, non remanebunt nobis capita quæ in capuciis nostris ponere valeamus, unde vobis constet nos numquam de Francia recessuros donec inter nos & Regem fuerit concordia confirmata. Comes verò hoc audiens, sciensque quod si sibi rebelles haberet Communias totum de facili posset amittere Comitatum, Parisius rediens in pacem prolocutam consistit & juramento firmavit, qui necnon in sponsalia inter unam de filiabus Regis & filium Comitis Nivernensis consentit; ratione quorum Comiti Nivernensi redditus est Comitatus Nivernensis & Restellensis sub hac conditione, ut supra Nobiles & Religiosos, qui contra eum ad Curiam Franciæ appellaverant, appellatione durante, nullatenus exerceret.* Fuit verò post prædicta sponsalia inter prædictum Comitis filium & Regis filiam in die Magdalene solemniter celebratum*, licet Comes subterfugia quærens & frivola vellet dictum negotium dissipare; sed Cardinalis timens ne ad Papam rediens in vacuum laborasset, hoc exegit à Comite, ut quod promiserat adimpleret.

* domi-
nium, vel
potestatem.

* matrimo-
nium.

Circa istud tempus cum Henricus dictus Caparel natione Picardus Parisius in prisione Casteleti quemdam divitem homicidam & reum mortis detineret, ut dicitur, diesque immineret quo suspendi juxta sua facinora debuisset, alter pauper & innocens imposito sibi nomine divitis, loco divitis subrogatus patibulo affigitur, altero homicida sub nomine pauperis innocentis ire permissio; de quo scelere convictus, ut dicitur, multisque aliis criminibus, suæ nequitiae poenas luens super hoc à deputatis à Rege ad suspendium judicatur; licet tamen nonnulli velint asserere hoc eidem ex suo.

rum amulorum invidia processisse. Eodem anno quædam impetuosa hominum commotio ad modum turbinis in Regno Franciæ subito ex insperato erupit. Quædam enim Pastorum congeries & hominum simplicium usque ad magnum numerum se in unum cuneum congregavit, dicentes se ultra mare velle procedere & contra fidei inimicos velle pugnare, asserentes quòd per ipsos deberet acquiri terra sancta. Habebant autem in comitatu suo quasi duces fallaciæ compositores, unum scilicet Sacerdotem, qui propter sua maleficia fuerat sua Ecclesia spoliatus, alium verò Monachum Apostatam ex Ordine Sancti Benedicti. Hi duo ita istos simplices dementaverant, ut congregati post ipsos currentes, etiam pueri xvi. annorum invitis parentibus, cum solis pera & baculo sine pecunia, dimissis in campis porcis & pecoribus, post ipsos quasi pecora confluebant in tantum, ut fieret hominum maxima multitudo. Utebantur autem voluntate & potestate potiùs quàm ratione & æquitate; unde si quis judiciaria potestate eorum aliquem vel aliquos vellet secundum malitiam suam punire, ipsi potenter resistebant, necnon si detenti carceribus essent, infringentes carceres eos invitis dominis de carceribus extrahebant; unde Parisiensem Castellum intrantes propter quorundam suorum liberationem ibidem detentorum, Parisiensem Præpositum reniti volentem per Castelleti gradus gravissimè præcipitantes colliserunt, & quos detinebat in carcere de suis vellet nollet carceribus fractis extraxerunt. Unde & in prato Sancti Germani, quod dicitur Pratum Clericorum, se quasi defensuri ad prælium paraverunt, nullus tamen contra eos exivit; quinimmo liberi permisi sunt de Parisius exire; unde & ex hoc versùs Aquitaniam properantes, nullam ex quo Parisius immunes & liberi abscefferant resistantiam se de cetero invenire sperantes, ex hoc jam animosiores effecti, passim omnes Judæos quotquot invenire poterant obsidebant, & bonis propriis spoliabant. Unde & quamdam turrin Regis Franciæ fortem & altam, ad

* existentes

* propriis
que

* &

quam Judæi propter ipsorum metum undique confugerant, obsederunt, & contra infra turrem exeuntes*, projectis innumerabilibus lignis & lapidibus loco eorum, propriis* projectis pueris se viriliter & inhumaniter defendebant; sed nihilominus obsidio non cessavit, nam Pastorelli ad portam turris ignem applicantes, interclusos Judæos fumo & igne graviter afflixerunt. Videntes autem dicti Judæi quod evadere non valebant, malentes se occidere quam ab incircumcisis occidi, locaverunt unum de suis qui eorum fortior videbatur, ut eos gladio jugularet, qui eis assentiens quasi* quingentos protinus interfecit: descendens verò de turri cum paucis viventibus* reservatis Judæorum pueris, impetrato cum eis colloquio, pastorellis quod fecerat nuntiavit, petens cum pueris baptizari: cui pastorelli; Tu in gente tua tantum flagitium perpetrasti, & vis ita subterfugere pœnas mortis? quem statim membratim discerpentes occiderunt, parcentes pueris quos fecerunt à Catholicis & fidelibus baptizari. Inde verò juxta Carcassonam pro facto simili procedentes, multa in via facinora committebant; unde & Custos patriæ ex parte Regis Franciæ præconisari fecit in villis in dictis pastorellorum itinere constitutis, ut eis se opponerent; & Judæos ut Regis homines defensarent; quod tamen multi Christianorum gaudentes de interitu Judæorum facere recusabant, dicentes æquum non esse quod infideles Judæos & Christianæ fidei hætenus inimicos contra fideles & Catholicos defensarent. Quod animadvertens Custos patriæ, sub pœna capitis præcepit ne quis saltem favorem aliquem impenderet Pastorellis. Unde & copioso contra eos congregato exercitu, aliquibus occisis, aliquibus diversis vinculis mancipatis, aliis se præsidio fugæ tuentibus, quasi ferè ad nihilum in brevi tempore sunt redacti: unde & procedens dictus custos versus Tholosam & loca circum adjacentia, ubi plurima commiserant flagitia, illic viginti, illic triginta secundum plus & minus suspendens in patibulis & arboribus, posteris immutabile reliquit judicium, ut ad talia com-

committenda flagitia non de cetero facile animum declinarent. Et sicut fumus subito evanuit tota illa commotio indiscreta; quia quod in principio non valuit, vix in processu temporis convalescit.

Matthæus Mediolanensis Capitaneus comperta Vercellensium Guibellinorum urgente necessitate victualium, propter obsidionem civitatis per dominum PHILIPPUM Comitis Valesij filium & plures Franciæ Nobiles, Lombardis Guelphis eis auxiliantibus, factam; pro ferendo Guibelinis obsessis auxilio GALEATIUM filium suum eis misit, cujus adventum dominus Philippus audiens per internuntios, quæsit si cum ipso configere intendebat? qui respondit suæ intentionis non esse cum aliquo de domo Franciæ pugnare, sed tantum defendere terras suas, & amicis succurrere in prælio constitutis: cui Philippus iterum remandavit, quod si Vercellensibus intendebat victualia deportare*, quomodo posset resistere, & eum resiliere faceret ab intento. Sperabat enim firmiter se proximorum Guelphorum copiosum bellatorum auxilium accepturum. Cui Galeatius sic dicitur respondisse: Victualia inclusis deferam, & si quis me impugnaverit, me defendam, quia justè non possum ab aliquo de hoc reprehendi. Tunc Philippus supponens quod eum configere oporteret, dimissa obsessione, retrocessit per unum milliare, locum ad pugnam congruum electurus, & in quadam planicie prope viam quâ transiturus erat Galeatius exercitum congregavit seu collocavit. Ad quem locum veniens Galeatius, præmisit centum quatuor Theutonicos cum equis & dextrariis ad pugnam congruentissimè præparatos, quos sequebatur copia victualium, quam quasi secundo ordine sequebantur stipendiarii quasi numero infiniti ad victualium custodiam deputati, quos ordine tertio sequebatur Galeatius cum maxima militia Lombardorum, ita quod tam primi, quàm secundi, quàm tertij exercitum Philippi fere in decuplo excedebant. Et cum jam primi ejus exercitum

* intende-
bat ipse
quomodo
melius.

præterissent, nec adhuc unum tantum de Guelphis haberet, quos sibi firmiter sperabat succursum & auxilium impensuros, timens ne inclusus ab hostibus periculum pateretur, petivit quod Galeatius datis treugis secum ad amicabile colloquium conveniret; qui sponte & gratanter veniens, secrete diu mutuo sunt locuti, quorum locutio licet ignoretur, expressè tamen qui vel qualis fuit effectus sequens luculentissime demonstravit. Ambo enim Principes cum utroque exercitu sine pugna simul ingressi sunt civitatem, in qua cum Philippus per dies aliquos convenisset, accepto securo conductu usque extra hostium terminos à Galeatio, maximè cum sibi & suo exercitui stipendia pro victualibus deficerent, licet dolens tamen * consilio cum suo exercitu in Franciam ingloriosus est reversus. Rex ROBERTUS Avinioni relidebat cum Papa, licet Guelphi & Januenses magnis periculis subjacerent.

* habito.

Eodem anno fuit impositum Comiti Nivernensi quod patrem suum Comitem Flandriæ veneno moliretur extinguere; FERRICUS enim de Picqueniaco molestè ferens quod sine ipso & domino de Ranty ipse esset Regi Franciæ fœderatus, adduxit ad patrem quemdam garcionem cum lacrymis veniam postulantem super malo proposito quod ipse conceperat contra ipsum, paraverat enim, ut dicebat, venenum sibi dare; cūque pater quæreretur quare facere voluisset, respondit, filius vester Nivernensis Comes mihi præceperat fratri Galthero per omnia obedire, erat autem frater iste Galtherus de ordine Heremitarum sancti Guillelmi, quem dictus Comes quasi in suam Curiam retinebat. Quod pater audiens turbatus est, & de voluntate sua & filij sui ROBERTI, prædicti Milites, scilicet Ferricus de Picqueniaco, dominus de Frennes, & dominus de Rethel domino Nivernensi Comiti ponentes insidias, captum ad sua fortalitia in imperio deduxerunt. Dictus autem frater licet captus & plurimis tormentis expositus nihil penitus recogno-

vit, & sic crimen impositum improbatum remansit. Necdum tamen propter hoc Nivernensis Comes de carcere liberatur, & licet super hoc Comes à Rege solennes litteras habuisset, detentores noluerunt assentire nisi eis suam prisonem remitteret, data cautione idonea, quod nec per se nec per alium inferret eis in posterum aliquod detrimentum; hac tamen conditione apposta, ut quamdiu pater viveret Comitatum Flandriæ non intraret; hoc malitiosè contra ipsum agentes ut patre mortuo Robertus alter Comitatus filius in possessione se poneret Comitatus. Qui Nivernensis Comes licet diu super hoc assentire noluerit & distulerit, videns quod aliter liberari non potuit*. ad assensum in hoc carceris vix egit.

* postea,
præbuit assensum; &
sic de carceris vix
exivit.

Nullus Imperator. MCCCXXI.

Anno Domini millesimo trecentesimo vigesimo primo Rex Franciæ terram suam, unde concedente eam sibi patre jure hereditario Comes fuerat Pictaviensis scilicet sollicitè visitabat, & diutius, ut dicebatur, ibidem commorari disposuerat; cum quasi circa festum sancti Johannis Baptistæ rumor publicus apud eum & apud omnes insonuit, quod in tota Aquitania fontes & putei erant vel statim essent veneno infecti per leprosos, propter quod crimen confidentes multi leprosi in superioribus partibus Aquitaniæ jam morti adjudicati fuerant & combusti, intendentes, ut ad ignem applicati confitebantur, per venenum ubique diffusa hoc contra Christianos efficere, ut omnes morerentur, vel saltem sicut & ipsi leprosi efficerentur, intendentes per totam Franciam & Germaniam istud tantum maleficium dilatare. Unde & ad horum rumorum confirmationem majorem dicitur dominum de Pernayo circa istud tempus Regi scripsisse sub sigillo suo confessionem cujusdam magni leprosi in terra sua capti; qui, ut dicitur, recognovit, quod quidam Judæus dives induxerat eum ad hæc

Ssss ij

Gallicè *
recupse.

maleficia facienda, & sibi tradiderat potiones, & datis sibi decem libris promisit sibi quòd ad ceteros corrumpendos leprosos sibi copiosam pecuniam ministraret. Et cum ab eo recepta * talium potionum quæreretur, respondit quòd fiebant de sanguine humano & urina, de tribus herbis quæ nescivit aut noluit nominare. Ponebatur etiam in eis, ut dicebat, Corpus CHRISTI, & cum essent omnia difficata usque ad pulverem terebantur, quæ missa in sacculis ligata cum aliquo ponderoso, ab ipsis in puteis & in fontibus jactabantur. Aliàs verò in villa nostra & nobis subjecta in Pictavia oculis conspeximus potiones à leprosa quadam faciente per villam transitum, quæ timens capi projecit post se panniculum ligatum, qui delatus ad justitiam statim fuit, & inventum est in panno caput colubri, pedes bufonis & capilli quasi mulieris infecti quodam liquore nigerrimo & fetido, itaut horribile esset non solum sentire, sed etiam videre: quod totum in ignem copiosum propter hoc accensum projectum, nullomodo comburi potuit, habito manifesto experimento & hoc itidem esse venenum fortissimum. His & hujusmodi Regis auribus infonantibus, Rex concito gradu in Franciam repedavit, mandans ubique per Regnum ut omnes leprosi incarcerationentur, usquequo de ipsis deliberatum esset quid justitia suaderet.

* de historis
rumor
invaluit.

* machinatus est.

Unde * talis tenor habuit, unde multi multa dixerunt: verior tamen ut communiter dicitur, modus est dicendi qui sequitur. Rex Granatæ dolens se sæpius per Christianos superatum & maximè per avunculum Regis Castellæ, de quo supra meminimus, nec potens se ad libitum vindicare; quod vi armatorum non potuit, excogitatâ perficere nequitia machinavit *. Unde & cum Judæis dicitur colloquium habuisse si per eos posset aliquod maleficium fieri unde Christianitas deleteretur, qui promisit eis infinitam pecuniam se daturum; qui de maleficio pollicentes, dixerunt quòd per ipsos executio maleficij nullatenus

posset ad effectum perducere, erant enim ut, dicebant, Christianis suspecti, sed per leprosos, qui continuè cum Christianis conversantur, projectis in fontibus & puteis Christianorum per eos venenis & potionibus, dicebant hoc maleficium posse congruentissimè procurari. Unde & Judæi quosdam leproforum majores ad consilium convocantes, ita ad ipsorum falsam suggestionem interveniente diabolo sunt delusi, ut abnegata primitus fide Catholica, & in dictis pestiferis potionibus, quod terribile est audire, Corpore CHRISTI cribrato & appposito, sicut plurimi postea sunt confessi leprosi, in dictum perpetrandum maleficium consenserunt. Dicti igitur leprosi Majores ex omni parte Christianitatis convocati quatuor Concilia quasi generalia collegerunt, nec fuit, exceptis duabus de Anglia leprofabus, ut aliqui postea sunt confessi, aliqua leprofaria nobilis, in * qua dictorum quatuor Conciliorum non aliquis interesset leprosus, qui quod in dictis Conciliis fieret ceteris nuntiaret. Fuit igitur in dictis leproforum Conciliis per eorum Majores ceteris propositum suadente diabolo per ministerium Judæorum, quòd cum ipsi leprosi essent apud Christianos vilissimæ & abjectæ personæ nec ab ipsis reputatæ, bonum esset aliquod tale committere ut Christiani omnes morerentur, vel omnes uniformiter leprosi efficerentur, & sic cum omnes essent uniformes nullus ab alio despiceretur; quod consilium licet pestiferum omnibus placuit, & quilibet cuilibet in sua provincia nuntiavit. Unde multi secundum falsas eis promissiones factas, Regnorum, Comitatum ceterorumque bonorum temporalium * seduæti, inter seipsos nunciabant, & ita esse futurum se firmiter æstimabant: unde circa festum beati Johannis Baptistæ combustus fuit hoc anno unus in civitate Turonensi, qui se Abbatem Majoris Monasterij nominabat. Unde & per totum Regnum Franciæ hoc flagitium per leprosos ad Judæorum instantiam quasi venenum mortiferum diffundebat, & ampliùs diffu-

f. * ex qua
in dictis
quatuor
Conciliis.

* spe.

SSff iij

disset, nisi ita citò Dominus eorum perfidiam detexisset. Unde & super dictos leprosos edictum Regis processit, quòd culpabiles igni traderentur, alij in leprosariis perpetuò clauderentur, & si aliqua leprosa culpabilis esset prægnaus, usque ad partum servata, incendio traderetur. Judæi verò in aliquibus partibus sine differentia sunt combusti, & maximè in Aquitania. Unde & in Baillivia Turonensi in quodam castro Regis, quod dicitur Chinon, una die facta quadam fovea permaxima, igne copioso ip eam injecto octies viginti sexus promiscui sunt combusti; unde & multi illorum & illarum cantantes, quasque invitati ad nuptias, in dictam foveam saliebant, multæ verò mulieres viduæ fecerunt filios proprios in ignem projicere, ne ad baptismum à Christianis & nobilibus ibidem assistentibus raperentur. Parisius verò solùm inventi culpabiles sunt combusti, alij verò perpetuo exilio condemnati, aliqui verò ditiores reservati usquequo eorum divitiæ scirentur & fisco Regio applicarentur unà cum omnibus bonis suis, centum videlicet quinquaginta millibus *, quas Rex ab ipsis dicitur habuisse.

* libris aut
quid aliud

Eodem tempore fertur apud Vitriacum talis casus accidisse. Cùm quasi quadraginta Judæj propter causam prædictam in Regis carcere haberentur, & jam se morti proximos aestimarent, ne in manus incircumcisorum inciderent, cœperunt tractare invicem ut unus eorum omnes alios jugularet, & fuit omnium consensus unanimis & voluntas, ut per manus unius antiqui omnes morti traderentur qui ab eis inter ceteros sanctior & melior videbatur, unde & ob ejus bonitatem & antiquitatem pater ab aliis vocabatur; qui noluit acquiescere nisi ad hoc opus pietatis exequendum aliquis solùm juvenis secum adderetur, quod omnes annuentes, omnes nullo excepto ambo pariter occiderunt: cùmque ambo se solos conspicerent & quis eorum alterum occideret inter eos quæstio verteretur, juvene volente à sene occidi & è contra sene à juvene; tandem prævaluit verbum senis, & ut occideretur à juvene suis

precibus impetravit. Cúmque sene occiso & ceteris omnibus, juvenis se contpiceret solum, accepto auro & argento quod circa mortuos reperire potuit, facto funiculo de panniculis se de turri inferiùs deponere cogitavit; sed cùm funis esset brevior quàm deberet, dimittens se deorsum cadere, tibiam sibi fregit auri & argenti præ maximo pondere gravatus; qui ad justitiam adductus prædictum flagitium commissum recognovit, & ad ignominiosæ mortis cum ceteris mortuis pœnam applicatus.*

* est

Circa ista tempora incœpit Rex ordinare ut in toto Regno suo non esset nisi unica mensura vini & bladi & omnium vendibilium & emptibilium, sed præventus infirmitate quod incœperat opus non implevit. Proposuit etiam idem Rex ut in toto Regno omnes monetæ ad unicam redigerentur; & quoniam tantum negotium sine magnis sumptibus impleri non poterat, falso, ut dicitur, defensus consilio, proposuerat ab omnibus Regni sui quintam partem bonorum suorum extorquere; unde & propter hoc ad diversas partes solemnes nuncios mittens*, * Prælati & Principibus quibus ab antiquo competit jus diversas monetas secundùm diversitates locorum suorum & hominum exigentiam faciendi, unâ cum Communitatibus bonarum villarum Regni dissentientibus, infecto negotio ad dominum sunt reversi. Eodem anno circa principium Augusti Regem duplex arripuit ægritudo, dysenteria & quartana, quæ nunquam potuerunt quorumcumque medicorum auxilio curari, sed per quinque menses continuè jacuit in languore. Dubitant autem nonnulli propter maledictiones populi sub ejus regimine constituti propter comminatas exactiones & extortiones hætenus inauditas in dictam ægritudinem incidisse; nihilominus tamen durante tempore ægritudinis fuit dictæ extortionis negotium suspensum, licet non totaliter prætermisum. Interim verò convalescente ægritudine Abbas & Conventus beati Dionysij pro ipsius recuperanda sanitate, nudis pedibus, unâ cum cruce & clavo Domini, nec-

* misit

* qui

non & brachio S. Symeonis usque ad locum in quo ægrotabat, qui dicitur Longus campus, cum processione devotè & humiliter accesserunt: qui Reliquias Sacro-sanctas humiliter & devotè suscipiens, protinus eis tactis & oscularis sensit se notabiliter melius habuisse, unde & publicè ferebatur Regem curatum esse. Sed quia antiquatæ & radicatæ ægritudines nisi cautè ducantur, faciliter revertuntur, Rex minùs prudenter sibi ipsi præcavens in prædictam ægritudinem reincidit; unde & fertur postea dixisse, scio me meritis & precibus beati Dionysij curatum fuisse, & malo meo regimine iterum in eandem ægritudinem incidisse. Unde tertia die sequentis Januarij, priùs tamen devotè susceptis cunctis Ecclesiasticis Sacramentis, circa mediam noctem migravit ad CHRISTUM, & die Epiphaniæ sequenti in Monasterio beati Dionysij juxta magnum altare venerabiliter est sepultus. Cui sine cujuscunque controversia vel contradictione successit in Regno Comes Marchiæ CAROLUS frater ejus.

Satis citò post obiit MARIA quondam Regina Franciæ orta de Brabanto, & quondam Ducis filia, uxor PHILIPPI Regis Franciæ filij Sancti Ludovici qui obiit in Arragonia, ex qua genuit filium LUDOVICUM Comitem Ebroicensem: cujus Reginæ corpus apud Fratres Minores Parisius est sepultum, cor verò apud Prædicatores. Defuncto igitur PHILIPPO Rege, CAROLUS frater suus Regnum sortitus est. Ad cujus aures delatum est quòd matrimonium inter ipsum & BLANCHAM filiam Comitissæ Attrebatensis propter adulterium ab ipsa confessum & commissum in castris Gaillardi carcere detentam, jamdiu celebratum, ratione cognationis spiritualis inter ipsum Regem & matrem dictæ Blanchæ, cùm ipsam Blancham levasset de Sacro fonte, erat nullum, præcipuè cùm super hoc non fuisset per summum Pontificem dispensatum. Quam occasionem, ut dicitur, libenter amplectens, scripsit Papæ ut super hoc provideret de remedio competenti: quod audiens Papa commisit Episcopis Parisiensi & Belvacensi

centi & domino GAUFRIDO de Plesseiaci proto-
notario Curiae Romanae, ut super hoc diligenter in-
quirent, & quod inveniretur iterum Curiae Roma-
nae nunciarent.

CAROLUS.

Nullus Imperator. MCCCXXII.

Anno Domini millesimo trecentesimo vigesimo se-
cundo in Vigilia Ascensionis, Papa sufficienter infor-
matus quod dicta Comitissa Attrebatensis dictae
BLANCHAE mater de sacro fonte levaverat dictum
Regem, quare fuit spiritualis cognatio contracta inter
Regem & dictae spiritualis matris prolem, cum qua
sine dispensatione matrimonialiter copulari non po-
terat: & quia copulatus fuit dispensatione praetermis-
sa, Papa in publico consistorio sententiavit illud ma-
trimonium nullum esse. Eodem anno circa festum
Purificationis Comes Nivernensis de carcere libera-
tur; sed satis citò post Parisius veniens diuturno lan-
guore vexatus ibidem moritur, & apud Fratres Mi-
nores Parisius est sepultus. Hoc eodem anno Rex
uxore carens, ne tam nobile Regnum successionem ca-
reret, accepit MARIAM filiam HENRICI quon-
dam Imperatoris & quondam Comitis de Lucem-
burg, & sororem Regis Boemiae virginem gratiosam
in festo beati Matthaei Apostoli in primo * castro
Regio.

* f Prui-
no.

Comes Flandriae moritur, & LUDOVICUS pri-
mogenitus Comitis Nivernensis habens uxorem fi-
liam Regis defuncti, non obstante quod ROBERTUS
defuncti Comitis secundogenitus aliqua castra & for-
talitia Flandriae sustentatus in hoc à Comite de Nay-
muc, contra id quod Rex ei matrimonio filiae suae
promiserat, occupasset, de voluntate Communiarum
Flandriae, quae se nullum alterum in Comitem recep-
turas juraverant, in Comitem Flandriae sublimatur;
quinimmo Regi significaverunt, ut si alium aliquem
praeter dominum Ludovicum ad homagia admitteret

Tom. XI.

T t t

Comitatus Flandriæ, ipsi villarum suarum sine Comite regimen exercerent: & sic non obstantibus quibuscumque contradicentibus, ipse ad Regis homagium & ad Comitatus dominium pacificè est receptus.

Circa ista tempora in Anglia inter Regem Angliæ & plurimos Baronum, quorum capitaneus & principalis erat Comes de Lenclastre, vir præpotens in Anglia & nobilis multum, utpote avunculus Regis Franciæ ex parte matris, & germanus Regis Angliæ ex parte patris, orta est gravis dissensio; nam cum Rex aliquas novitates indebitas & contra bonum commune totius Angliæ vellet in Regnum introducere, quas sine ipsorum consensu facere non poterat, ut dicebant, & maximè quia ipsum idiotam & ineptum ad Regni regimen referebant, contra ipsum rebellionis materiam acceperunt: unde aliis partem Regis foventibus, aliis partem Baronum, in tota Anglia turbatio maxima est secuta. Accidit autem ut Miles quidam de Anglia nomine ANDREAS de Karle Regi Angliæ placere desiderans, in villa de Bourbrique Comiti de Lenclastre ponens insidias proditoriè cepit eum, & occiso Comite de Harrefort super pontem, ipsum Comitem de Lenclastre cum multis Baronibus nobilibus Angliæ ad Regem captum adduxit. Quem post auditam Missam, & Confessionem devotè ut moris est, ut dicunt in Anglia, Sacerdoti factam, Corpore Dominico assumpto, omnes pariter Rex tamquam conspiratores in Regem, & domini sui proditores abjudicavit; ceteris omnibus ad diversas partes missis diversa passuris supplicia, dictum ibidem Comitem decollari præcepit: corpus verò Comitis in quadam Abbatia prope locum in quo decollatum fuit sepultum est, ubi ut multi asserunt, Dominus per eum & propter eum super infirmos multa hodie miracula operatur. Rex verò Angliæ in recompensationem beneficij accepti dicto Andream de Karle, qui dictum Comitem & ceteros acceperat, dedit Comitatum

Karleoli, in quo est civitas & plura fortia castra. Sæpe dictus Andreas Miles decollato Comite de Lenclastre apud se cogitans non esse tutum in Anglia diutiùs commorari, per Scotos se posse tueri apud se cogitavit, & cum ROBERTO de Brus, qui pro Rege Scotiæ se gerebat, confœderatus, totum sibi datum Comitatum, & sororem dicti Roberti promisit se accipere in uxorem; hoc tamen totum factum est Rege Angliæ nesciente.

Isto anno Rex Angliæ magno congregato exercitu Scotiam intravit, & omnia vastans usque ad castrum Pendebonum, quod dicitur castrum Puellarum, ultra procedere non potuit, quia exercitus victualia non habebat. Rediit igitur usque ad montem qui dicitur Blancha-mora, in cuius pede est Abbatia ad quam major pars exercitus declinavit, Rex verò retendit tentoria sua extra aliquantulum à remotis, Regina etiam prope eum erat, quæ dominum sequebatur: Rex verò licentiavit exercitum; nam cum Scoti per quadraginta octo milliaria à loco ubi Rex erat distarent, suspicari non poterat quidquam mali; dominus tamen * JOHANNES de Britannia Comes Richemondia & dominus de Sulliaco, quem Rex Franciæ ^{* etiam.} ad Regem Angliæ nuntium transmiserat, cum bona comitiva in Abbatia residebant. Et * ecce dictus Miles ^{* Cum Rex} Andreas de Karle Anglicus significavit Scotis ut venirent, quia Regem Angliæ invenirent exercitu denudatum: qui quasi effrenati per silvas currentes, usque prope Abbatiam prædictam venerunt, una die & una nocte XLVIII. milliaria peragentes, ubi Comes prædictus Richemondia & dominus de Sulliaco comedebant: qui vix adventum Scotorum nunciantibus credere volentes sumptis armis quemdam strictum passum, per quem erat aditus Scotorum, obstruere cupientes, licet ibidem plures Scotos occiderent, tamen non valentes resistere multitudini, Scotis se finaliter reddiderunt. Quod audiens Rex, vix cum paucis se salvavit; Regina verò ad quoddam castrum fortissi-

Tttt ij

num cui mare adjacet, situm in quadam rupe, per quod ad Scotos est transitus Flammingorum. Timens Regina ne à Scotis, & fortassis etiam à Flammingorum auxilio si ibidem diutius staret sibi obsidio pararetur, maluit se maris periculis exponere, quàm in manus inimicorum suorum se ponere; unde intrans mare ipsa & qui cum ipsa erant, gravissima & quasi intolerabilia mala perpeffi sunt, unde & una de sibi ancillantibus mulieribus expiravit, & altera peperit ante tempus, ipsa tamen adjuvante Deo ad Securam locum Angliæ post multas angustias applicavit. Rex verò Angliæ positus undique insidiis Andream de Karle capi fecit, & captum ad mortem terribilem adjudicavit. Trahitur enim primitus ad caudas duorum equorum, quo sic tracto & non mortuo, eum exenterari fecit, & exenterata viscera ante proprios oculos comburi, postea caput amputari & truncum per spatulas suspendi; deinde per quatuor partes dividi, & divisum ad quatuor civitates mitti, ut hoc horribile mortis judicium fieret de cetero ceteris ad exemplum. Robertus de Brus se pro Rege Scotiæ gerens, ad mandatum Regis Franciæ, qui sicut nuntius missus est ad Regem Angliæ tunc in Scotia existentem; dominum de Suilliaco sine quacumque redemptione in sequenti Quadragesima liberè Regis Franciæ tradidit voluntati, Comite Richemundiæ apud se retento, quem pactione quacumque noluit liberare.

* quia

* avunculum suum
* vertetur

LUDOVICUS filius LUDOVICI Comitis Nivernensis nuper defuncti Parisius de Flandria veniens, qui * sine consensu Regis homagia receperat apud Luparam arrestatur; sed data cautione post modicum relaxatur. Cum igitur inter ipsum & amitam * suam quæstio videretur *, quis avo in Comitatu Flandriæ deberet succedere, consideratis pactionibus per juramenta firmatis, inter partes judicatum est pro dicto juvene Ludovico, & aliis super his de cetero silentium impositum, & sic ad homagium receptus possedit pacificè Comitatum. CAROLUS Rex novus contra bonum

commune patris sui sequens vestigia, qui suo tempore monetas mutaverat, hoc anno quorundam seductus puer suorum consilio debilem monetam poni instituit; unde in populo postea damna innumerabilia sunt secuta. In Alemannia Duces in controversia electi, cum suis complicitibus, rapinis & incendiis atrociter secum pugnant.

Nullus Imperator. MCCCXXIII.

Hoc eodem anno JORDANUS dictus DE INSULA inter Vascones nobilis valde genere, sed ignobilis actione, cum fama publica referente in multis criminibus coram Rege accusatus esset, nec se de ipsis legitimè purgare posset ratione nobilitatis & generis; nihilominus Papa JOHANNES eidem neptem suam contulit in uxorem, ad cujus Papæ preces Rex eidem Jordano XVIII. casus de quibus accusatus erat in Curia Franciæ, & de quorum quolibet secundum consuetudinem Franciæ dignus erat morte, misericorditer condonavit. Qui dicti beneficii immemor ad nominatum malum malis * accumulans, utpote virgines opprimens, homicidia perpetrans, malos & homicidas nutriens, prædones diligens, Regi rebellans; unde & in quemdam fervientem Regis in baculo suo ut moris est Regis fervientibus, Regis insignia deferentem, proprio baculo interfecit. His auditis Parisius ad judicium advocatur; qui multa Comitum & nobilium Baronum Aquitaniæ nobili turba circumdatus Parisius veniens, stantibus ex opposito sibi Marchione de Aguonitano quondam Domini Papæ CLEMENTIS defuncti nepote, & domino de Lebret *, multisque aliis: super sibi impositis criminibus auditis ejus allegationibus & responsionibus, prius in Castelleti carcerem repositus dignus morte per Magistros Palatii finaliter condemnatur, & in vigilia Trinitatis ad caudas equorum tractus, in communi Parisius patibulo suis exigentibus meritis est suspensus. In subsequenti festo Pentecostes Regina MARIA uxor CAROLI Regis soror Regis Boemiæ, ipso & avuncu-

* mala

* d' Albret

T t t t iij

lo ipsius Trevirensi Episcopo præsentibus, multisque Francorum nobilibus, Missam celebrante & ipsam junngente Senonensi Archiepiscopo, in Capella Regis Parisius coronatur. Eodem anno frater THOMAS de Aquino Ordinis Prædicatorum, natione Italicus, vir secundum sæculi dignitatem nobilis, ut pote frater Comitis de Aquino, sed nobilior sanctitate, in Theologia Doctor excellentissimus, cujus doctrina fulget Ecclesia universalis ut Sole & Luna, de consensu fratrum diligenti examinatione præhabita de vita, moribus, doctrina, per Summum Pontificem canonizatur, & de cetero Sanctorum catalogo decernitur describendus.

* fautores
eorum

* hic est

* protende-
bantur
* quas

* præposito

In diœcesi Senonensi in quodam castro Regis Francia, quod dicitur Castrum Landonis, Gallicè *Chasteau Landon*, quidam maleficus & sortilegiator cuidam Abbati de Ordine Cisterciensi promiserat magnam pecuniæ summam ab ipso perditam facere restitui, nec non fures pecuniarum & factores * earumdem sibi facere nominari. Modus autem per quem venire voluit & credidit dictus sortilegiator obtinere intentum *, catum enim sumens nigrum & in quadam cista sive scrinio includens, cibum confectum de pane madefacto in chrismate, oleo sancto & aqua benedicta quod sibi ad triduanum victum posset sufficere cum ipso in dicta cista reponens, dictum catum in cista repositum in quodam quadrivio publico sub terra defossum inferius per triduum reposuit, eundem post triduum ad se iterum accepturum, proviso tamen dicto cato de duabus fistulis concavis quæ à scrinio usque ad terræ superficiem protendebant *, per quem * posset aerem aspirare & iterum respirare. Contigit autem quod pastores per dictum quadrivium cum canibus more solito pertransirent; sed canes odorem cati sentientes, scilicet ac si talpas sentirent, cum unguibus scalpentes & terram fortiter effodientes à loco illo nullo modo evelli poterant: quod quidam ceteris sapientior Justitiæ nunciavit *, qui illuc cum plurimis veniens, rem ut gesta erat reperiens, ipsum & omnes alios in vehementem

admirationem impendit. Sed cū Judex apud se anxius cogitaret quomodo actorem tam horrendi maleficij inveniret, sciebat enim quod hoc propter aliquod maleficium inventum erat, sed ad quod vel à quo penitus ignorabat; unde cū apud se cogitans revolveret, & cistam de novo fabricatam agnosceret, vocavit omnes carpentarios: cūque quis artifex esset inquireret, unus in medio procedens confessus est eam fecisse, sed cuidam qui se Johannem Præpositi nominabat vendidisse, nesciens ad quos usus ipsam intenderet applicare. Qui propter suspicionem captus & ad quaestiones applicatus omnia confitetur; primò accusans quemdam qui dicebatur Johannes de Persant hujus maleficij principalem adinventorem & magistrum illius artis, complices verò illius maleficij accusavit quemdam Cisterciensem Monachum apostatam & hujus de Persant specialem discipulum, & Abbatem Sarcuncellis Cisterciensis Ordinis, & quosdam Canonicos Regulares: qui omnes capiuntur, & coram Officiali Archiepiscopi & aliis Inquisitoribus hæreticæ pravitatis vincti Parisius adducuntur. Cūque ab illis qui in hoc maleficio credebantur quaereretur de modo hujus maleficij operandi, dixerunt quod si per * triduum extractum de cista excoriassent, & de * post corio ipsius corrigias fecissent quas tantum pertraxissent, ut colligatæ possent tunum circulum tantum facere ut homo aliquis posset in medio circuli ambitus stare spatio, quo sic facto invocans * dicti circuli se ponens, * in medio prius tamen in posterioribus suis ponens de prædicto cibo cati aliud nihil facturum, Berich dæmonem invocaret, & * veniens ad omnia interrogata respondens furta * hic veniens & ad * quodcumque esset necessarium revelaret. Quorum auditis confessionibus Johannes Præpositi & Johannes de Persant tamquam actores maleficij ad pœnam ignis sunt adjudicati: sed dum istud factum aliquantulum protelaretur, alter istorum decessit, cujus ossa in detestationem criminis comburuntur, altero in crastino Sancti Nicolai

* habebat
* etiam

vitam miserabilem per pœnam incendij finiente. Abbas verò & alter apostata & ceteri Canonici Regulares, qui ad perpetrandum maleficium Sanctum Christum & oleum sanctum ministraverunt, penitus degradati, secundum diversa eorum demerita affligendi ad diversos carceres perpetuò mancipantur. Eodem anno liber quidam cujusdam Mōnachi de Morigniaco juxta Stampas, qui liber haberet * Beatae MARIÆ multas depictas imagines, qui causam * cum hoc continebat multa ignota nomina quæ ut firmiter dicebatur nomina dæmonum credebantur, quia delicias & divitias promittebat, quinimmo & quidquid homo optaret si librum pro se depingi faceret, & nomen proprium bis in illo inscriberet, & multa alia quæ nihil, vel error, videbantur, meritò tamquam superstitiosus Parisius condemnatur.

* puto tamen
* parua

Eodem anno dominus de Partanayo vir nobilis & potens in Piclavia per fratrem MAURITIUM deputatum per Papam in Aquitaniam præcipuè Inquisitorem super factis hæreticæ pravitate, Ordine Prædicatorum sed natione Britonem, super multis casibus hæreticalibus præ honore à quocumque viro Catholico vix dicibilibus apud Regem Franciæ graviter infamatur. Cui Rex citius quàm debuisset acquiescens, ut puro * tamen hoc zelo fidei ductus, nulla deliberatione vel pœna * præhabita, ipsum capi præcepit, & Parisius ad suam audientiam evocari: qui captis omnibus bonis suis & in manu Regis positus, Parisius adducitur & in domo Templi Parisius per aliquos dies arrestatur. Postea verò in præsentia plurium Prælatorum & peritorum copia numerosa dicto nobili personaliter constituto, proposuit contra ipsum dictus Inquisitor multos articulos hæreticos, petens ut ad eos responderet, & de veritate dicenda juraret: qui contra dicti Inquisitoris personam multa proponens per quæ eum ineptum ad inquisitionis officium asserebat, nolens jurare nec etiam respondere ad ejus audientiam si quæ esset, ad Romanam Curiam appellavit. Quo Rex comperto, nolens

nolens alicui viam juris præcludere, prius sibi bonis suis integraliter restitutis ipsum sub tuta custodia ad Summum Pontificem destinavit. Cum igitur in præsentia Papæ dictus Inquisitor prædictos articulos proposuisset contra dictum Nobilem; Papa eidem alios auditores assignavit, dicto Inquisitori præcipiens ut siquid vellet contra ipsum proponere, proponeret coram illis, & ita secundum consuetudinem Curiae Romanæ negotium ibidem diutius est protractum.

In fine istius anni LUDOVICUS juvenis apud villam de Brugis veniens benignè ab omnibus recipitur, & multis eisdem concessis libertatibus ab ipso, in ipsius receptione multa gaudia renovantur: sed hoc eis summè displicebat quia utebatur, relicto Flammingerum consilio Abbatis Verziliacensis consilio, filij quondam Petri FLOTE ante Curtracumcum Comite Attrebatensi ROBERTO occisi, quem propter mortem patris reputabant capitalem inimicum Flandrensem *, unde & si quid in toto Comitatu ordinatum esset, quod ad ipsorum votum succederet quantumcumque bene & justè ordinatum esset, si scirent ex Abbatis processisse consilio, quasi injustum & malum reputabant; unde & coactus est Comes illum dimittere, & * ad propria remeare. * hic
Hoc eodem tempore orta est Brugis dissensio. Nam cum Comes villis ruralibus talliam imposuisset satis gravem, collectores autem longè majorem levaverant quàm imposita fuisset: unde rurales seu forenses graviter provocati, inito cum mediocribus de villa consilio quos consimiliter Majores de villa gravaverant, fuit ab ipsis per dictas villulas unanimiter ordinatum, quò dceratâ horâ campanæ in eorum Ecclesiis pulsarentur, & omnes ad sonitum pararentur, & sic congregati villam de Brugis subito pariter sunt ingressi, & præcedente quodam quem sibi ad hoc ducem statuerant, quosdam de gentibus Comitum & quosdam de Majoribus occiderunt.

Circa ista tempora mortuo MATTHÆO Vicecomite Mediolanensi & Capitaneo Guibelinorum successit in Regnum GALTHERUS filius ejus. Contra

Tom. XI.

Vuuu

quem Papa & Rex ROBERTUS unâ cum Cardinali de Pogeto & domino HENRICO de Flandria pugnantium Capitaneo misit copiosam multitudinem bellatorum; qui adjunctis sibi Guelfis inter Mediolanum & Placentiam cum Galeacio & ceteris Guibelinis conflictum gravissimum habuerunt. Sed domino Henrico de Flandria fratre Comitis de Namurco occiso, ut dicebatur, & fratre Cardinalis * occiso, Cardinali fugiente occisi sunt ex parte Guelfa mille quingenti & amplius bellatorum; & sic cessit victoria Guibelinis.

* etiam

Circa finem istius anni quasi in medio Quadragesimæ redeunte Rege de partibus Tholosanis, cum apud Castrum * in diocesi Bituricensi Rex cum uxore sua prægnante devenisset, fortè gravata ex itinere per mensem vel circiter ante tempus peperit filium, qui baptizatus satis citò post modicum tempus expiravit; & aliquibus diebus * mater post filium decessit & apud Montem-Argi in Ecclesia Fratrum * sancti Dominici deportata honorificè est sepulta.

* Exoldanum situm

* clapsis

* fororum

* Alemann. discordia continuante

Causâ electionis Regis Romanorum inter Electores Alemannos in discordia celebrante*, post multas terrarum spoliaciones, incendia & rapinas, ex consensu Electorum ad bellum campestre dies assumitur, dies scilicet ultima Septembris. Ex parte Ducis Baviaræ erat Rex Boëmiæ, Dux verò Austriæ conduxerat secum maximam multitudinem Sarracenorum & Barbarorum, quos in prima fronte belli posuit, Duce eorum fratre suo HENRICO*. Contra quos ex parte Bavarum Rex Boëmiæ primum bellum habuit; post diuturnum verò conflictum Sarracenis & Barbaris interfectis, capto Henrico fratre Ducis Austriæ cum multis aliis, cessit Regi Boëmiæ victoria gloriosa. Sequenti verò die, fuit prima dies Octobris, pugnavit Bavarus contra Ducem Austriæ FREDERICUM, quo capto in prælio cum multis Nobilibus multisque occisis, Bavarus die ipso gloriosissimè triumphavit. Captis autem utrisque Frederico videlicet Austriæ & Henrico fratre suo, Henricus se citius liberavit; pro redemptione enim sua

* constituto

dedit Regi Boëmiæ undecim millia marchas argenti boni & puri, restituit etiam quamdam terram quam dudum pater dicti Henrici Rex videlicet ALBERTUS violenter abstulerat Regi Boëmiæ, in qua terra erant sexdecim munitiones, scilicet civitates & castra bona & fortia, exceptis villis campestribus quæ in isto numero clauduntur. Hanc terram Rex Boëmiæ recepit, & Henricum fratrem Ducis liberum abire permittit. Fredericus verò Dux Austriæ per duos annos & septem menses apud Bavarum captus continuè detinetur; sed non obstante captione Ducis Frederici Dux LEOPOLDUS frater Ducis & ceteri fratres ejus à frequentibus bellorum incurfibus contra Bavarum nullatenus quieverunt, unde Ducis captivitas guerram non abstulit sed potius aggravavit.

Nullus Imp. MCCCXXIV.

Hoc anno uxore Regis Franciæ sorore Regis Boëmiæ defuncta, Rex JOHANNAM quondam filiam Comitis Ebroicensis cognatam suam germanam, utpote avunculi sui filiam, accepit in uxorem.

Super hoc tempore in Vasconia per dominum de Montepesato bastidia quædam in dominio Regis Franciæ de novo fundatur, quam tamen esse in dominio Regis Angliæ dictus asserbat. Cùm igitur super his inter gentes Regis Franciæ & Regis Angliæ quæstio oriretur, lata est pro Rege Franciæ sententia, unde ex hoc dicta bastidia Regi Franciæ adjudicatur & ad dominium Regni Francorum applicatur. Unde offensus ex hoc dominus de Montepesato ducens secum * Senescalum Regis Angliæ advocavit; qui simul ad dictam bastidiam venientes, omnes ibi inventos de hominibus Regis Franciæ occiderunt, & aliquos de ibi receptis * Majoribus, ut dicitur, suspendentes, bastidiâ funditus destructâ, ad castrum de Montepesato omnia quæ ibi poterant inveniri portaverunt. Et licet Rex per se ipsum potuisset injuriam vindicare, nihilominus tamen volens omnia rectè facere, Regi Angliæ hanc signifi-

* milites

* receptis

V u u u ij

* Edmundum

* quam petebat Rex Franciæ
* Artablayo

* Agennensem
* ipsa

cavit injuriam, ut in terra sua factam juxta condignum sibi faceret emendari. Ad quod faciendum Rex Angliæ fratrem suum de secunda uxore patris sui cognatum germanum Regis Franciæ ex parte matris, RAYMUNDUM * nomine, cum quibusdam Magnatum Angliæ ad Regem Franciæ misit, cum potestate ab eodem concessa tractandi cum Rege Franciæ de emendatione, & tractatum cum eo habitum integraliter confirmandi. Rex verò voluit ut unà cum Senescalo Angliæ in Vasconia partibus deputato dominus de Montepesato cum quibusdam, quorum consilio dictum maleficiū dicebatur perpetratum fuisse, omnimodè suæ voluntati pro emenda traderetur, hoc adjuncto etiam quòd castrum redderetur. Cūque manifestè cognoscerent Anglici Regis animum ad aliam recipiendam emendam * quam, ut prædictum est, nullatenus inclinari, in eam simulatoriè consenserunt; adjunctoque eis domino JOHANNES de Anebleyo * Milite Regis, ut in ejus præsentia nomine Regis fieret dicti negotij executio, versùs Vasconiam properarunt; sed pactum non tenuerunt, & nuntians Regi quomodo ab Anglicis sit delusus, & quomodo castra & villas Anglicis munientes se ad bellum ut poterant præparabant: Rex avunculum suum Comitem Valesij cum duobus ejusdem avunculi filiis PHILIPPO & CAROLO & domino de Attrebato Comite Bellimontis Rogerij in Vasconiam misit cum electa copia pugnatorum: qui veniens apud civitatem Agiensem *, * voluntariè se reddidit sine pugna. Audiens verò Comes Valesij fratrem prædictum Regis Angliæ cum Anglicis in villa quæ dicitur Regula, quæ vulgari Gallicorum dicitur *La Riolle*, cum pugnatorum suorum potentia residere; illuc cum exercitu applicuit. Sed cū quidam de nostris nimis prope portam accessissent, & incautè illos de villa ad pugnam provocassent, occiso domino de Florentino cum quibusdam aliis Militibus, turpiter sunt devicti. Quod graviter ferens dictus Comes Valesij, erectis machinis & ceteris ad destructionem villæ necessariis

instrumentis, obliuionem posuit contra villam, ita ut ex nulla parte pateret in villam ingressus vel egressus. Videntes verò illi de villa sibi & suis undique periculum imminere, quæ pacis erant protinus obtulerunt. Fuit autem ordinatum hoc modo, quòd villa redderetur, & habitatores qui adhuc vellent Regi Angliæ adhærere possent salvâ vitâ & supellectili ad loca alia se liberè transferre: qui verò vellent ibidem remanere fidelitatem facerent Regi Franciæ, & obedirent Custodibus ibidem ex parte Regis Franciæ deputatis. Dictus verò Edmundus Capitaneus dicti belli & frater Regis Angliæ ex parte patris, nepos verò domini CAROLI ex parte matris, permissus est redire ad Regem Angliæ, ut si Rex Angliæ vellet tenere pacta quæ Regi Franciæ Parisius promiserat, pax firma esset, si non, ipsemet rediret ad dominum Carolum tradendus Regis Franciæ voluntati; & ob hoc dati sunt obsides quatuor Milites Anglici, & datæ sunt treugæ usque ad sequens Pascha; & sic licentiatu Edmundus per Burdegaliâ in Angliam remeavit, dicentes * eum primitus debuissè ad Regem adduxisse, vel ante dictam licentiam, Regis super hoc imperium expectasse. Sic igitur capta est Regula, & castrum de Montepesato funditus est destructum, cujus dominus antea mortuus fuerat, & ut dicitur præ tristitia & dolore. Et sic sedata * est Vasconia tota sub dominio Regis Franciæ, exceptis Burdegali & Baïona & Sanctus Severus, quæ adhuc sunt sub obedientia Regis Angliæ remanentes. Dominus verò Carolus licentiato exercitu in Franciam repedavit.

Isto anno præcepit Papa Prælati & universis aliis tam Religiosis quàm non Religiosis habentibus officium prædicandi in virtute sanctæ obedientiæ, ut processus quos contra LUDOVICUM Ducem Baviariæ fecerat, Clero & populo publicè nuntiarent; interdicens sub pœna inobedienciæ ne quis ipsum Imperatorem diceret nec etiam nominaret: unde & omnes vassallos ejus à juramento fidelitatis absolvens, præ-

Vuuu iij

cepit nè quis durante ejus rebellione & inobedientia contra Ecclesiam, sibi præberet auxilium, consilium vel favorem. Si quis verò secùs facere videretur, si Prælatus, esset suspensus, si laicus, excommunicatus, & terra ejus Ecclesiastico supposita interdicto. Præcepit etiam ut Decretalis nova ab eo edita damnans quorundam doctrinam hæreticam asserentium CHRISTUM nihil habuisse in proprio vel in communi, ut Evangelio & scripturæ sanctæ, quæ clamat Christum loculos habuisse, dissonam & contrariam Parisius & in aliis Studiis generalibus publicaretur. Fecit etiam specialiùs eodem anno publicari indulgentias datas contra Galeacium & fratres ejus, patre eorum jam defuncto, de quibus supra fecimus jam mentionem. In fine quasi istius anni ad preces sororis suæ Reginæ Angliæ ad eum humiliter veniens *, Rex * treugas inter ipsum & Regem Angliæ per dominum CAROLUM usque ad Pascha positas, usque ad festum beati Johannis Baptistæ prolongavit; ut interim per utriusque amicos inter duos Reges de concordia tractaretur.

* venientis.

* Franciæ.

Dux Austriæ per Bavarum captivus detinetur, sed Dux Lepodus ceterique fratres Ducis Austriæ in eum & terram suam multa maleficia moliuntur.

Nullus Imp. MCCCXXV.

Hoc anno ad Reginæ uxoris suæ submonitionem, ut firmiter creditur, Rex Angliæ ad diem certum promisit in Franciam se venturum, & Regi de terra Vasconia & Pontivi homagium se facturum. Hoc instanti tempore Regina Franciæ nova prægnans erat & partui proxima, unde & Regis Angliæ adventus dilatio tolerabilior habebatur, sperabatur enim sicut & quidam Astronomi prænosticaverant, ut dicitur, ipsam filium habituram, Regis enim adventus novi partus gaudium multipliciter augmentasset: sed Dominus qui omnia disponit prout vult, aliter quàm humana mentiebatur opinio, ordinavit; non enim multum

pōst filiam peperit sibi primogenitam. Illo in tempore Regina Angliæ residente in Francia apud fratrem suum Regem Franciæ, Rex Angliæ, qui certa die promiserat venire & Regi Franciæ homagium se facturum, mutato proposito quidquid juris habebat in Ducatu Aquitaniæ dedit filio suo primogenito EDUARDO qui post eum erat in Anglia regnaturus; veniensque de mandato patris in Franciam intercedente matre ad homagium benigniter est receptus. Regina Angliæ residens in Francia ut ad eum veniret in Angliam interim revocatur; sed Regina sciens Regem habere Consiliarium, qui sibi quantum poterat confusionem & vituperium procurabat, post cujus tamen vocem Rex indifferenter omnia faciebat, timuit & non immeritò illic ire: unde & remittens in Angliam armigeros & ancillas & etiam Milites quos secum veniens adduxerat, paucis retentis elegit in Francia remanere; interim verò Rex Franciæ pro se & retenta familia expensas & necessaria faciebat ministrari.

Juvenis Comes Flandriæ habens dominum ROBERTUM avunculum suum suspectum nè in ejus mortem malum aliquod moliretur, hominibus in villa de Warneston prope Insulam ad tres leucas habentibus, ubi dictus avunculus residebat, per litteras mandavit, ut visis litteris dictum avunculum suum interficerent tamquam proditorem; sed Cancellarius Comitis antequam litteræ sigillatæ traderentur hominibus dictæ villæ, hoc domino Roberto significavit. Quo comperto dominus Robertus se à villa quàm citius potuit elongavit, & sic litteræ Comitis postea venientes ad villam effectum ipso domino Roberto absente nullatenus habuerunt; unde ex hoc inter dictum Comitem & dominum Robertum pergrandes inimicitie sunt secutæ. Comes verò captum Cancellarium interrogans cur sic secretum suum revelasset, respondit confitens se hoc factum fecisse nè honor Comitis deperiret; nihilominus tamen dictus Cancellarius in carcere Comitis est detentus. Satis citò postea fortè ipsius

* pactis.

suis exigentibus peccatis dicto Comiti grande fortunium accidit in Curtraco, quod cum præcedentibus factis * in compositione pacis Comes & Flandrenses Regi maximam summam pecuniæ promississent super Comitatus villarum collectam, per dominum Comitem impositam & ad eandem levandam & explectandam aliqui Nobiles, aliqui etiam de Majoribus de Brugis, & de Ypra, & de Curtraco per dictum Comitem deputantur. Communitatibus verò & hominibus villarum campestrium visum est quod major pecuniæ quantitas per dictos collectores levaretur quam esset summa quæ Regi Franciæ debebatur, ignorantes etiam quod ex hoc Regi erat aliqua satisfactio facta: unde Rectores Communitatum à Comite petierunt ut de receptis rationem redderent collectores; sed renuente Comite orta est gravis dissensio inter ipsos. Collectores verò unà cum Comite se in Curtraco recipientes, inito simul consilio cogitarunt villæ suburbia incendere, ut venientes qui pro Communitatibus ab eis compotum exigebant, non habentes ubi se protegerent facilius possent superari: illic enim convenerant cum armatorum multitudine copiosa. Sed Dominus quod contra alios malitiosè composuerant in ipsos retorfit; ignis enim in suburbio positus in tantum invaluit, ut non tantum suburbium sed etiam totius villæ residuum concremaverit. Quod illi de Curtraco perpendentes, & hoc esse factum à Comite & suis proditoriè æstimantes, qui prius pro ipso & cum ipso erant contra eum unanimiter arripuerunt arma, & utriusque partis multi occiduntur etiam Nobiles, & maximè dominus JOHANNES de Flandria aliàs dictus ex parte matris de Nigella. Comes verò capitur, & quinque Milites, & duo alij nobiles domicelli, qui omnes sic capti illis de Brugis sunt traditi & carceri mancipati. Unde ex hoc Majores cum Communitatibus & villis circumadjacentibus, exceptis Gandavensibus, concordati dominum ROBERTUM Comitis avunculum, & ut prædictum est Comitis

mitis inimicum Ducem sibi concorditer elegerunt: qui super ipsos Ducatu accepto incarceratum, ut prius dictum fuerat, Comitis Cancellarium liberavit, & liberatum multipliciter honoravit. Gandavenses verò partem foventes Comitis contra Brugenses tenentes incarceratum Comitem arma sumplerunt, & in ipsos virilem impetum facientes, fere quingentos ex ipsis, ut dicitur, occiderunt; nec tamen Comes sic fuit à carcere liberatus. Unde & circa idem tempus Rex Franciæ solennes nuntios misit Brugensibus, rogans & exhortans super Comitis liberatione, sed nuntij vacui redierunt.

Circa festum Magdalenæ & in tota præcedente & sequente æstate maxima fuit siccitas, itaut per quatuor lunationes continuas vix plueret, quod juxta æstimationem pluvix duorum dierum debuerit æstimari, etiam si omnes pluvix quæ in illis quatuor lunationibus successivæ fuerunt, etiam simul & in unum adunatæ*; & quamvis æstus esset permaximus, non fuerunt tamen tonitrua vel fulgura, vel etiam tempestates, unde & fuerunt fructus pauci, sed vina solito meliora. In sequenti hyeme fuerunt frigora permaxima, itaut in brevi tempore bis Secana gelaretur in tantum ut super glaciem onerati transirent homines, & dolia plena desuper traherentur, glaciei verò magnitudinem attestatur utriusque pontis Parisius lignei post glaciei dissolutionem ruptio secuta.

* fuissent.

Circa ista tempora CAROLUM Comitem Valesij gravis arripuit ægrotudo, itaut usu membrorum suorum parte media corporis privaretur. Et quoniam vexatio dat intellectum, creditur firmiter factum Ingerranni de Marigniaco per eum suspensi, ut dicebatur, ad conscientiam revocasse; quod ex hoc perpendi potuit; nam cum quotidie ingravesceret ejus ægrotudo, fuit Parisius pauperibus quædam generalis pecuniæ distributio facta, cumque pecuniæ prædictæ distributores singulis pauperibus singulos darent denarios, dicebant pauperibus, *Orate pro domino Inge-*

Tom. XI.

X x x x

ranno & pro domino Carolo, Ingerannum domino Carolo præponentes; unde & ex hoc plurimi collegerunt quòd de & super ipsius morte conscientiam faciebat. Qui post diuturnum languorem in villa quæ dicitur Partecum Carnotensis diocesis decima die anni expiravit. Cujus corpus sepultum est apud Fratres Prædicatores Parisius; adserunt tamen nonnulli quòd ibi est locus propriæ supulturæ, sed propter malitiam temporis & ineptitudinem non valens ulterius deportari fuit ibidem sub custodia depositum, tempore magis competenti ad locum Cartusiensium quem ipse fundaverat & dotaverat, & ubi ut dicitur vivens sepulturam elegerat, aliàs deportandum; cor verò ipsius apud Fratres Minores Parisius est sepultum. Hoc eodem anno multi de diversis mundi partibus audientes quòd dominus LUDOVICUS de Claromonte in sequenti proximo Paschate transfretaret ad terram sanctam, fervore devotionis & fidei excitati, rebus propriis distractis, nonnulli venditis patrimoniis sepulcrum Domini nostri JESU CHRISTI cupientes, si esset eis possibile, visitare, & adorare eum in loco ubi steterunt pedes ejus, Parisius advenerunt: quod perpendens dictus dominus Ludovicus, & videns quòd sibi nihil esset prosperum * ad dictum passagium peragendum, maximè cum deesset facultas unde ad tam arduum aggrediendum passagium opportuna navigia pararentur; in die sancta Veneris quæ est Parasceve ante Pascha Parisius in Regali Palatio in pleno sermone fecit eis publicè prædicari, quòd illo anno non intendebat nec poterat transfretare, sed quòd eadem die anno revoluta & in civitate Lugdunensi super Rhodanum parati cum eo transfretarent, & ibidem nominaretur eis portus ad quem omnes peregrini deberent pariter applicare; quod dictum multis versum est in scandalum, nonnullis etiam in derisum, & sic fraudati ab intento ad propria vacui redierunt.

* præparatum.

Hoc eodem anno in fine Januarij vir venerabilis de

Pontizara aliàs de Chambeliaco Abbas Monasterij
S. Dionysij in Francia ex futuris * exem-
perutile dereliquit, quòd novam domum infirmorum plum Mos-
sui Monasterij inchoavit, & inchoatum miro & valde nachis.
sumptuoso opere consummavit. Cui successit sequenti
mense Martij à Fratribus dicti Monasterij pacificè &
concorditer electus Frater GUIDO de Castris, vir
Religionis honestate conspicuus, omnique morum
honestate præclarus, cujus electionem Avinioni posi-
tus dominus Summus Pontifex sequenti mense Aprilis,
quinto videlicet Kalendas Maij confirmavit.

Nullus Imp. MCCCXXVI.

Hoc anno Regina JOHANNA viri illustris LUDO-
VICI quondam filia cum magno sumptu & apparatu
licèt * fructuosè die Pentecostes Pari. * parum.
suis coronatur. Hoc eodem anno Regina Angliæ
IZABELLA soror Regis Franciæ timens mariti sui
offensam incurrere si diutius in Francia moram pro-
traheret, necnon & credens eum placare offensum si
ipsam unà cum filio suo primogenito præsentialiter
conspiceret, unà cum filio suo versùs Angliam acceptà
à Rege & Regalibus licentià iter arripuit; & expectans
nova de domino suo Rege Angliæ, in Comitatu Pon-
tivi, qui sibi ut dicebatur ratione dotis fuerat à Rege
Angliæ assignatus, aliquamdiu disposuit immorari.
Interim autem venerant rumores ad Regem Franciæ,
ut dicebatur, quòd Rex Angliæ in toto Regno suo
omnes de Regno Franciæ existentes in Anglia occidi
præceperat, bonaque omnia eorum confiscaverat;
unde Rex Franciæ permotus præcepit omnes Angli-
cos in Regno Franciæ existentes capi, & eorum bona
confiscari, necnon in diversis Regni carceribus ip-
sorum corpora detineri: quod & factum est una die &
una hora in toto Regno Franciæ, in crastino videli-
cet Assumptionis beatæ MARIE Quod factum om-
nes Anglicos de Regno Franciæ mirabiliter terruit,
timebant enim quòd sicut una die capti fuerant, una
Xxxx ij

* Solet.

die morti pariter traderentur : sed Deus qui sic etiam malè ordinata in melius immutare*, aliter ordinavit. Nam Rex cognoscens falsam esse suggestionem de captione & occisione Gallicorum in Anglia, Anglicos captos in Francia liberari præcepit : illorum tamen Anglorum, qui divites apparebant, bona quoad partem quæ ad eos contingere poterat confiscavit, in quo facto omnes boni homines de Regno turbati sunt, nam ibi notabatur in Rege & Consiliariis hujus facti nota detestabilis avaritiæ fuisse potius quam propter Regis vindicandam injuriam.

Interim Regina Angliæ de transfretando deliberat in Angliam, sed quomodò fieri posset verisimiliter dubitabat. Nam Rex Angliæ per malos Consiliarios suos & præcipuè per dominum HUGONEM dictum

* *Spenser* * *Le Despensier* contra eam gravissimè permotus, per omnes portus mandaverat ut si ipsam ad ipsorum aliquem applicari contingeret, utpote Regali * & Regalibus præceptis inobediens tamquam rea criminis caperetur. Quod perpendens Regina assumpto secum domino JOHANNE de Hanonia viro nobili & potenti & in armis industrio & probato, cum trecentis armatis hominibus ad quemdam portum de quo nullatenus sperabant Anglici esse eam transituram, eo quòd portus est nimis distans à Francia & nimis periculosus, cum magna sui & suorum anxietate applicuit, unde & quædam domicellarum suarum præ timore &urbatione maris mortua, altera antequam tempus esset pariendi protulit abortivum. Ipsa verò cum suis ad portum, ut prædicitur applicatâ, illi de portu qui etiam super hujus captione Regis mandatum acceperant, acceptis armis, ad Regis implendum præceptum se quàm citius poterant disponebant. Sed Regina prudenti usâ consilio eorum furorem barbaricum sine armis & sine quocumque bellico apparatu prudenter & mansuetè compescuit. Nam ipsis ad se ad alloquium evocatis, ostendit eis filium suum futurum eorum Regem & dominum, asserens se terram intrasse

* Regi.

sic non propter Regis domini sui vel certè * turbatio-
 nem, sed propter malorum Consiliariorum Regis, qui
 suis malis consiliis Regem videbantur dementare, & ex
 hoc totius Angliæ pacem & concordiam perturbare, si
 posset, excusationem *, vel si non posset, saltem à Rege
 elongationem, ut per hoc malè acta corrigerentur, & ter-
 ra, ad statum pacificum reduceretur. Viso verò Anglici
 eorum domino filio scilicet Regis tota eorum ferocitas
 in mansuetudinem commutatur, & Reginam cum filio
 sibi que coassistentibus cum magno gaudio susceperunt,
 & Regi Angliæ Reginæ uxoris suæ & filij adventum si-
 bi & Regno pacificum quàm citiùs innotescere cura-
 verunt, eamque ab ipso clementer & benigniter debe-
 re recipi supplicantes. Sed Rex Angliæ obstinatus in
 malo animo, prædictam admissionem gratanter non
 accepit, sed indignanter remandavit, sibi displicere
 quòd cum manu armata visa esset terram Angliæ sub-
 intrare, præsertim cùm eam Regni & Regis assereret
 inimicam. Quibus auditis Regina sibi de cetero magis ti-
 muit, sed favorem Baronum & bonarum villarum &
 maximè Londoniæ civitatis quantum potuit procura-
 vit, & obtinuit. Postmodum Regina sperans cor Re-
 gis ad amorem & mansuetudinem posse inflectere, ver-
 sus ipsum aliquamdiu properavit, sed Rex eam mali-
 gnorum depravatus consilio quasi sibi omnino abomi-
 nabilem nec audire voluit, nec videre. Unde Barones
 indignati unà cum domino JOHANNES de Hanonia
 contra Regem ad bellum processerunt, & multis ex
 parte Regis occisis, inter ceteros HUGO Dispensator
 præcipuus & primus inter Regis Consiliarios vivus ca-
 pitur, & Rex fugiens de prælio cum paucis de suis in
 quodam castro fortissimo sito in finibus Walliæ & An-
 gliæ se recepit. Deinde verò cùm de illo castro voluis-
 set prædictus Rex ad locum alium se transferre, à qui-
 busdam Baronibus ibidem in insidiis positus violenter
 capitur, & fratri Comitis de Lenclastre, qui dicebatur
 ad Curtum-collum eo quòd ejus fratrem dominum
 THOMAM de Lenclastre decollari fecisset, custo-

Xxxx iij

diendus traditur, quem sub tuta & arcta custodia usque ad vitæ suæ finem diligentissimè custodivit. Deinde convocato in Londoniis Consilio Baronum & Comitum, EDUARDUS nuper Rex unanimi omnium consensu tamquam indignus & inhabilis ad Regni Angliæ regimen judicatur, dignitate & auctoritate Regia necnon & Regis nomine meritò de cetero decernitur esse privandus, filium verò suum licet parvulum * renitentem ipso patre adhuc vivente super se Regem coronavit *. Satis citò post Hugo Dispensator per Baronum judicium ad caudas equorum fuit tractus, & ipso exenterato, ipso vivente viscera ejus sunt combusta, & deinde suspensus vitam suam miserabiliter terminavit. Deinde verò plures alij, qui sibi in malis suis favebant consiliis, diversis mortis generibus atrociter perierunt.

*plurimum

* corona-
sunt

Hoc anno mittitur in Italiam ex parte Summi Pontificis Legatus scilicet dominus BERTRANDUS de Pogeto, & aliquantulum post adjungitur eidem dominus JOANNES Gayetanus Cardinales, ut partem foverent Ecclesiæ contra Guibelinos, & maximè contra illos dominos de civitate Mediolani, ratione quorum totam civitatem & patriam dominus Papa Ecclesiam suo supposuerat interdicto, quod tamen interdictum ipsi nullatenus observabant, & si qui utpote religiosi aliqui illud observare vellent, necessariò cogebant fugere & patriam relinquere, vel diversis afflicti suppliciiis interire, unde & ob hoc adserunt nonnulli quòd multi occisi sunt cum nollent in eorum præsentia celebrare, vel eis Sacramenta Ecclesiastica ministrare. Circa ista tempora moritur EDUARDUS Rex Angliæ, & in loco patrum suorum honorificè ab uxore & filio suo ceterisque Regni sui Proceribus sepelitur, & filius ejus EDUARDUS ei succedens in Regno Angliæ confirmatur: utrum tamen mors accelerata fuerit vel non, novit ille qui nihil ignorat. Circa ista fere tempora inter Comitem Sabaudia & Delphinum grave initum est bellum, sed multis ex parte Ducis corruentibus, multis cum Comite fugientibus, capiuntur multi No-

biles, putà frater Ducis Burgundiæ, Comes Autisiodorensis & multi alij Nobiles & Potentes, & sic Delphino quem pater prædicti Sabaudia Comitis per malitiam diu opprefferat cessit victoria, sed pars Comitis major & fortior videbatur.

LUDOVICO Duce Bavariæ in Imperatorem, sicut prædictum est*, detentòque apud eum in vinculis Duce * se habente Austriæ FREDERICO, per Ducem LEPODUM & fratres ejus, frater * videlicet Ducis Austriæ, Ale- * fratres mannia multis in modis inquietatur & rapinis hinc inde. Sed Dominus qui immutat corda hominum sicut vult cum in eo sint non solum Regnorum sed etiam Regum omnium jura & potestates, cor prædicti Ludovici erga prædictum Fredericum Ducem Austriæ ejus antea inimicum, licet cognatum germanum, taliter ad misericordiam inclinavit, ut ei omnem offensam remitteret, & eum à carcere & vinculis cum pluribus Nobilibus qui cum ipso captivi detinebantur, sine prece vel pretio liberatum vel liberum & immunem ad propria transmiserit, facto tamen sibi prius juramento supra Corpus CHRIS- TI, de quo uterque hostià divisâ in duas in eadem Missa communicavit, de servanda sibi in posterum fidelitate, quam * & Dux Austriæ fecit, & sic liber cum suis ad * quod propria remeavit.

Circa ista fere tempora ad Ludovicum Ducem Bavariæ se Regem Romanorum publicè nominantem venerunt in nomine Bereth de Studio Parisius duo filij diaboli, videlicet Magister JOHANNES de Gonduno * natione Gallicus & Magister MARSILIUS de Padua natione Italicus, & cum fuissent Parisius in scientia satis famosi, à quibusdam de Ducis familia, qui eos à Parisius agnoverant circumspecti & agniti, ad eorum relationem ad Ducis non solum Curiam, sed etiam gratiam finaliter admittuntur. Unde & dicitur Ducem prædictum eos esse taliter adlocutos: Pro Deo, quis movit vos venire de terra pacis & gloriæ ad hanc terram bellicosam refertam omnis tribulationis & angustia? Responderunt, ut dicitur: Error quem in Eccle-

* Dicitur Johan. de Gauduno in Epist. Greg. x. PP. ad Richardum Regem Angliæ præfixa Defensori pacis.

fia Dei intuemur nos fecit hucusque exulare, & non
 valentes hoc ampliùs cum bona conscientia sustinere,
 ad vos confugimus, cui cùm de jure debeat Imperi-
 um ad vos pertinet errata corrigere, & malè acta ad
 statum debitum revocare: Non enim, ut dicebant,
 Imperium subest Ecclesiæ, cùm esset Imperium ante-
 quam haberet Ecclesia quidquam dominij vel Princi-
 patûs; nec regulari debet Imperium per regulas Eccle-
 siæ, cùm inveniuntur Imperatores plures electiones
 Summorum Pontificum consummasse*, Synodos con-
 vocasse & auctoritatem eisdem etiam de diffiniendis eis
 quæ fidei erant jure Imperij concessisse; unde si per
 aliqua tempora contra Imperium & Imperij liber-
 tates aliquid* proscripsit Ecclesia, hoc dicebant
 non ritè & justè factum, sed malitiosè & fraudulentè
 contra Imperium ab Ecclesia usurpatum: asserentes se
 hanc quam dicebant veritatem contra omnem homi-
 nem velle defendere, & si necessitas esset etiam pro
 ejus defensione quodcumque supplicium & mortem fi-
 naliter sustinere. Cui tamen sententiæ quin potiùs ve-
 sania Bavarus non totaliter*; quinimmo convocatis
 super hoc peritis, invenit hanc esse prophanam & pe-
 stiferam persuasionem, cui si acquiesceret, eo ipso cùm
 sit hæretica jure Imperij se privaret, & ex hoc viam
 Papæ aperiret per quam contra ipsum procederet.
 Unde & persuasum est ei ut illos puniret, cùm ad Im-
 peratorem pertineat non solum Catholicam fidem &
 fideles servare, sed etiam hæreticos extirpare. Quibus di-
 citur sic Bavarus respondisse; Inhumanum esse homines
 punire vel interficere sua castra secutos, qui propter
 eum dimiserunt propriam patriam, fortunam prospe-
 ram & honores; unde eis non acquiescens eos semper
 adistere præcepit, juxta eorum statum suamque ma-
 gnificentiam eos donis & honoribus ampliavit. Quod
 tamen factum dominum Papam JOHANNEM non
 latuit; unde & super hoc factis multis secundum vias
 juris contra eos processibus, excommunicationis sen-
 tentiam contra ipsos & Bavarum fulminavit, eamque
 mittens

* confir-
masse

* præscrip-
sit

□ acquieuit

mittens Parisius ceterisque locis solemnibus fecit publicè proclamari.

Hoc eodem anno dominus Papa multis conductis stipendiariis contra Guibelinos & maximè contra GALEACIUM & fratres ejus * Vicecomites, Mediolanensi patre eorum domino MATTHÆO in excommunicatione defuncto, ceterosque, Mediolanum multos stipendiarios data eis plena indulgentia misit. Qui in Italiam venientes, & se contra Italicos ad prælium opposcentes, omnes, vim eorum evadente Capitaneo, pariter sunt occisi. Unde & super his & non sine causa dicitur domnum Papam meritò ista pati, * inimicos suos materiali gladio Ecclesia non utatur, maximè cùm hæc dicerent nonnulli, hoc domnum Papam proprio motu inconsultis Fratribus inchoasse. Papa igitur depauperatum se videns misit nuntios speciales per universas provincias Regni Franciæ, ad petendum Ecclesiarum & Ecclesiasticarum personarum Regni Franciæ subsidium pro guerra sua in Italia prosequenda. Quod Rex Franciæ asserens hoc in Regno Franciæ inconsuetum, prohibuit; sed domino Papa sibi super his rescribente, postmodum Rex considerans *Do ut des*, faciliter concessit; unde & pro duobus succedentibus annis Papa Regi biennem decimam super Ecclesiam concessit: & ita dum miseram Ecclesiam unus tondet, alter exco-
* cum com-
tia
 riat. Valuit istud subsidium multum Domino Papæ, nam ab aliis decimam integram, ab aliis mediam, à nonnullis quidquid exigere * potuerunt. Unde & ab omnibus qui beneficia Ecclesiastica tenebant auctoritate Apostolica habuit Papa valorem totius beneficii unius anni, quod usque nunc in Regno Franciæ fuerat inauditum; unde & meritò formidandum nè futuris temporibus Gallicanæ Ecclesiæ desolatae, cùm non sit qui se opponat, magnum præjudicium generetur.

Hoc eodem anno quidam bastardi nobilium virorum de Wasconia in concubinato filij, terras & villas Regis Franciæ cum armis & bellico apparatu multi-

pliciter & hostiliter invaserunt; contra quos Rex misit consanguineum suum dominum ALPHONSUM de Hispania nuper de Canonico & Archidiacono scilicet Parisius factum Militem; sed licet circa hujus persecutionem negotij multam Regis pecuniam expenderet, parum tamen vel nihil profecit, & accepta inibi febre quartana, de qua satis citò postmodum mortuus est, infecto negotio inglorius in Franciam remeavit. Bastardi verò prædicti de Vasconia usque ad civitatem Xanctonensem in Pictavia cum quibusdam Anglicis applicuerunt. Erat autem civitas Xanctonarum Regis Franciæ, sed castrum fortissimum quod super eminebat civitati erat Regi Angliæ; in quo se prædicti bastardi Vascones contra civitatem & Comitem Augi cum multis aliis nobilibus ibidem ex parte Regis Franciæ transmissis viriliter protegabant. Sed cum multos insultus illi Vascones cum Anglicis in castro sustinuissent, relictis paucis ad custodiam castri ad campos bene distantes à civitate clam confugerunt, mandantes Comiti Augi, & eis qui in civitate erant ex parte Regis Franciæ, quod ipsum in tali loco & ad diem certum & præfixum ad bellum campestre expectarent: qui Comes prædictus libenter annuit, & acceptis suis & hominibus de civitate ad bellum aptis ad locum eidem designatum quantum potuit properavit. Perpendentes verò Vascones cum Anglicis eum à civitate elongatum, per aliam occultam viam divertentes civitatem ingressi, eam etiam cum civitatis Ecclesiis totaliter combusserunt. Quod * Comes Augi unà cum domino ROBERTO Bertrando Marescallo Franciæ se deceptos videntes, eos usque in Vasconiam persecuti sunt, & multas ibidem terras & villas Regis Franciæ submittentibus dominio, prædictos Vascones & Anglicos ita fugere compulerunt, ut nullomodo præsumerent vel auderent deinceps in propriis partibus apparere. Hoc eodem anno Regina Franciæ apud Castrum-novum juxta Aurelianis prægnans ducitur, quia sperabatur

* quapropter.

ipsam in dicto castro * quàm alibi filium masculum ha-
bituram, sicut prænosciverant quidam sortilegi &
sortilegæ; sed Deus volens mendaces eos ostendere
aliter ordinavit, nam & Regina filiam peperit, & fa-
tis citò post altera ejus primogenita filia expiravit.

Circa fere idem tempus Comes Flandriæ Brugis
per Brugeses detentus aliquamdiu in carcere, deli-
beratur; prius tamen præstito juramento, quòd jura,
libertates & consuetudines eorum fideliter & inviola-
biliter observaret, & quòd occasione prisionis seu
detentionis sibi factæ nullum eis malum inferret vel
inferri faceret in futurum, quia ut ipsi asseriebant ad
ejus magnam utilitatem fuerat properatum. * Juravit
etiam quòd de cetero in suis arduis negotiis eorum
consilio specialiter uteretur; quod tamen ut rei pro-
bavit eventus notabiliter ut promiserat * adimplevit. * non

MCCCXXVII.

Hoc anno Rex Franciæ CAROLUS misit nuntios
ad Regem Angliæ novum, ut ad eum accederet de
Ducatu Aquitaniæ, homagium facturum; sed Rex
Angliæ propter recentem mortem patris asserens sibi
non tutum esse patriam elongare, verisimiliter sibi
timens aliquos latentes inimicos, se ex hoc erga Re-
gem Franciæ excusavit, & Rex Franciæ excusatio-
nem libenter acceptavit. Parisius pro sedanda discor-
dia inter Comitem Sabaudia & Delphinum cum Rege
multi Barones congregantur, sed non invenientes in
eis pacis materiam vacui revertuntur *, eorum unicui-
que de jure suo defendendo, nonobstante quòd com-
missum * fuisset in Regem, licentia conceditur. Hoc
eodem fere tempore dominus LUDOVICUS Comes
Clarimontis volens occultè omnibus ostendere devo-
tionem & affectionem quam habebat ad terram san-
ctam, proponens, ut dicitur, quàm citiùs posset com-
modè transfretare, licentiam accepit in Ecclesia bea-
tæ Mariæ Parisius, * in Capella Regis jurans publicè * &
se ab illa die Parisius nullatenus ingressurum, donec

Yyyy ij

juramentum factum adimplevisset de passagio transmarino; & licet post emissum juramentum ignoraretur Parisius intravisse, non tamen ab eo multum se elongavit; nam in domo Templi, & in Lupera*, & in ceteris juxta Parisius suburbiis tutum portum inveniens, ibidemque continuè permanens juramentum emissum, ut credebatur*, à longè conspiciens laudabiliter observavit.

* Lupara.

* credebatur.

Hoc eodem anno concordatum est inter Regem Franciæ & Regem Angliæ, Hispaniæ, Arragoniæ, Siciliæ & Majoricarum, ut Mercatores undecumque terrarum cum securo conductu possent de Regno ad Regnum tam per terram quàm per mare cum mercimoniis suis incedere, & mercimonia sua deportare: & ut hoc edictum nulli lateret vel latere potuisset, fuit hoc per singula Regna proclamatum publicè. Hoc anno dominus Alphonfus de Hispania ex Clerico & Parisius Canonico nuper factus Miles, ex infirmitate quam in Vasconia acceperat, apud Gentiliacum juxta Parisius in domo Comitis Sabaudia moritur, & apud Prædicatores Parisienses Ecclesiasticæ traditur sepulturæ.

Hoc eodem anno circa finem Augusti LUDOVICUS Dux Baviaræ se Regem Alemannorum publicè nominans, cum viginti tantum equis vel circiter quasi venationi vacans Alpes transgreditur; quod ut ad notitiam Lombardorum deventum est, & maximè Nobilium, domini scilicet CANIS de Verona, domini CASTRUCII, domini GALEATII ceterorumque fratrum suorum filiorum domini Matthæi, ceterorumque de Comitatu Mediolanense Nobilium cum magno exercitu* occurritur, & productus* usque Mediolanum, à primoribus civitatis & patriæ honorificè, multis & magnis ditatus muneribus, ibidem recipitur; & ibidem permanens, & cum prædictis Nobilibus de rebus suis disponens, in Octabis Epiphaniæ in Imperatorem coronâ ferreâ coronatur.

* ei.

*productus.

Hoc eodem anno in die Natalis Domini circa me-

diam noctem Regem Franciæ CAROLUM gravis ægritudo arripuit; quâ diu laborans, in vigilia Purificationis beatæ MARIÆ apud nemus Vicenarum prope Parisius expiravit, relicta Regina uxore sua desolata vidua & prægnante. Cujus corpus juxta PHILIPPUM Fratrem suum more patrum suorum sepulcris Regum Franciæ apud sanctum Dionysium honorificè sepelitur. Cor verò ipsius apud Prædicatores Parisius tumulatur. Et ita tota progenies filiorum PHILIPPI PULCRI qua in Regno Franciæ numquam pulcrior visa fuerat, in quatuordecim annis totaliter exterminatur.

Defuncto Rege CAROLO Barones ad tractandum de Regni regimine congregantur: nam cùm Regina esset prægnans, & incertum esset de sexu, nullus audebat sub incerto sibi nomine assumere Regis nomen, sed solum erat quæstio inter eos, cui tamquam propinquiore deberet Regni regimen committi, præcipuè cùm in Regno Franciæ mulier ad Regnum personaliter non accedat. Anglici autem dicebant quòd EDUARDUS juvenis Rex Angliæ tamquam propinquior, quia filius filia Philippi Pulcri, & per consequens nepos Caroli ultimò defuncti, ad regimen Regni & etiam ad Regnum, si Regina non haberet masculum, deberet accedere, & non PHILIPPUS Comes Valesij, qui solum erat cognatus germanus Caroli ultimò defuncti Regis. Unde & in hanc sententiam multi peritorum in jure Canonico & Civili conveniebant; dicebant enim quod IZABELLA Regina Angliæ filia Philippi Pulcri & soror Caroli ultimò defuncti repellebatur à Regno & Regni regimine, non quia non esset genere propinquior, sed propter defectum sexus; ubi igitur poterat dari sexus genere propinquior ubi non esset defectus, putà masculus, ille deberet in Regno & regimine succedere: * & continuo verò illi de Regno Franciæ non æquanimiter ferentes subdi Regimini Anglicorum*; quòd si dictus filius Izabellis haberet aliquod jus in Regno, hoc sibi

* E contrariò.

* dicebant.

Y y y iij

naturaliter accederet ratione matris, ubi ergo mater nullum jus haberet, per consequens nec filius, aliter accessorium esset principalius principali. Et hac sententia tamquam saniori accepta, & à Baronibus approbata, traditum est regimen Regni PHILIPPO Comiti Valesij, & vocatus est tunc Regnum Regens seu Regni: & ex tunc accepit homagia Regni Franciæ; non autem Regni Navarræ, quia Comes Ebroicensis PHILIPPUS ratione uxoris quæ fuerat filia LUDOVICI primogeniti Philippi Pulcri, cui ratione matris debebatur Regnum Navarræ, dicebat se in eo jus habere. E contra Regina JOHANNA de Burgundia quondam uxor Philippi Longi, dicebat jus illius Regni debere filiæ suæ uxori Ducis Burgundiæ ratione patris sui, qui prædicti Regni & jurium & pertinentiarum ejusdem saisitus mortuus fuerat & vestitus. Simili etiam & per eandem rationem Regina JOHANNA Ebroicensis uxor CAROLI Regis dicebat illud eidem filiæ suæ ratione patris sui, qui inter ceteros ultimus prædicti Regni jurium & pertinentiarum mortuus fuerat saisitus & vestitus, fortiori ratione deberi. Hinc & inde multis altercationibus habitis aliquamdiu remansit negotium in suspenso.

H. des Ministres d'Etat p. 606.

Circa fere idem tempus captus est PETRUS Remigij principalis Thesaurarius CAROLI Regis ultimo defuncti. Nam cum accusatus esset à multis super multimoda infideli dispensatione bonorum Regalium, plurimumque mobilium & immobilium, itaut nonnulli & Magni assererent valorem bonorum suorum ultra duodecim & amplius centum millia libras ascendere mirabili depauperatione: cumque haberet thesaurum innumerabilem, & requisitus esset de villicationis suæ sibi commissæ reddenda ratione, cum non haberet quid convenienter responderet, adjudicatus est ad suspendendum. Qui cum esset ad patibulum juxta Parisius, confessus est prodicionem fecisse Regi & Regno in Vasconia; unde & propter hanc confessionem ad caudam quadrigæ quæ eum ad patibulum portaverat ap-

plicatus *, statim de paruo patibulo usque ad magnum * alligatus
 patibulum, quod ipse novum fieri fecerat, modumque
 faciendi & ordinem cum magna, ut dicitur, diligentia
 operariis tradiderat, trahitur, & primus ibidem sus-
 penditur. Justum enim iudicium est, laborantem de la-
 borum suorum fructibus aliquid percipere. Suspensus
 est autem xxv. die Aprilis quæ fuit dies beati Marci
 Evangelistæ, quod fuit anno MCCCXXVIII. li-
 cèt ejus captio fuisset anno xxvii. aliquantulum post
 mortem Caroli Regis.

Circa finem istius anni die scilicet Veneris Sancti *, * sancta
 quæ tunc fuit prima dies Mensis Aprilis, Regina JO-
 HANNA uxor nuper CAROLI Regis apud nemus
 Vicenarum peperit femellam; & cum mulier ad digni-
 tatem Regiam non ascendat, PHILIPPUS Comes
 Valesij qui dicebatur Regens de cetero dictus est Rex.
 Unde apparet liquidè quòd recta linea Regum Fran-
 ciæ defecit in isto, & translatus * est ad lineam trans- * transla-
 versalem; iste enim Philippus nunc Rex, fuit filius tum est
 CAROLI Comitis Valesij, qui Carolus Comes erat Regnum
 avunculus Caroli Regis ultimò defuncti, & ita iste
 Philippus prius dictus Regens modò verò Rex, so-
 lum erat germanus Caroli Regis, & ita à germano
 ad germanum translatus est Regnum in linea trans-
 versali.

PHILIPPUS VALESIUS MCCCXXVIII.

Hoc anno aliquantulum post Pascha LUDOVICUS
 Dux Baviaræ apud Mediolanum coronatus, sub con-
 ductu CASTRUTII, qui pro tunc dominabatur in civita-
 te Lucana & plurium aliorum Guibelinorum versùs
 Romam proficiscitur; quod audientes cives Romani
 ultramodum gavisi sunt, & eidem venienti cum ap-
 paratu & ingenti gaudio occurrerunt; quem cum
 hymnis & canticis usque ad Ecclesiam sancti Petri tam
 Clerus quàm Populus perducentes, assensu omnium
 Imperator semper Augustus est nominatus: & sic con-
 summato toto mysterio quod in coronatione Impera-

torum consuetum est fieri, eum ad Imperiale palatium perduxerunt. Cūque per mensem vel circiter in civitate Romana permansisset, surrexerunt quidam filij diaboli zizaniam pessimam in horto Ecclesiæ seminantes, & dixerunt sic: Ex quo Deus dedit nobis & civitati Romanæ, quæ ab antiquo dicitur & est caput totius mundi, * per unum
 * per unum
 brachio potentia suæ temporaliter nos & civitatem nostram immo & totum mundum defendi & tueri, bonum est & omnino expedit quod habeamus & caput aliud quod in sede sancti PETRI resideat, & more prudentium * Patrum nobis spiritualia ministret, maxime ut ipsi dicebant, quod ipsi habebant chartas authenticas & prudentium * Patrum Sanctorum auctoritate factas, in quibus contineri videbatur, quod ubi Papa sufficienter requisitus per cives & populum Romanorum nollet vel differret ad sedem sancti Petri accedere, ex hoc Canonicos sancti Petri & sancti Johannis Lateranensis devolvebatur potestas & auctoritas Papalis * alium eligendi. Quod verbum toti populo placuit, & sic ad electionem alterius Papæ processerunt, & quemdam fratrem Minorem qui dicebatur Frater PETRUS Rainalutij unanimiter licet nequiter elegerunt, & electum consecraverunt, & in Cathedra sancti Petri honorificè quomodò solitum est aliis Papis antiquitus fieri posuerunt. Qui sic introductus aliquos apud se Cardinales ordinavit, & fere quotquot fuerunt per eum ordinati erant de ordinibus Mendicantium, & omnes Guibellini, unde & ille qui proposuit verbum de illius electione dicitur fuisse de ordine Fratrum Minorum sancti Augustini. Afferunt tamen nonnulli quod hujusmodi non Papæ sed Antipapæ electio de LUDOVICI Ducis assensu & conscientia non processit, sed nequius tumultuationem tumultuantis populi sedare, quod voluit populus facere, necessitate magis quàm voluntate compulsus toleravit. Dictus verò Antipapa, qui prius dicebatur Frater Petrus, vocavit se NICOLAUM quintum, cui aliquæ civitates Italiæ Guibelinæ

Guibelinæ & terra Ducis Baviaræ in spiritualibus obediebant. Cùm verò dictus Antipapa & Bavarus aliquamdiu in civitate Romana resedissent, & importabiles expensas quotidie super civitatem facerent, nec plus posset nec vellet eos populus Romanus tolerare, necessariò compulsi sunt de civitate exire, & hinc inde per civitates Italiæ evagari.

Circa ista tempora Papa JOHANNES fratrem MICHAELM Generalem totius Ordinis Fratrum Minorum ad se evocat in Avinione tunc temporis existentem, eidem in virtute sanctæ obedientiæ præcipiens, ut ea quæ circa declarationem Regulæ eorum, & maximè ea quæ de paupertate Evangelica ipse tenenda præceperat, ipse firmiter observaret, & sibi subditis inviolabiliter observari præciperet; qui sibi super his, ut fertur, satis arroganter respondit. Verumtamen finaliter super his hujusmodi responsionis deliberatione octo dierum inducias impetravit, sed durante induciarum tempore non expectans tempus ad sibi respondendum præfixum, ipse cum quodam fratre dicto Bonagrata, qui in Curia Romana nuper optimus Advocatus fuerat, & cum quodam dicto fratre Francisco Doctore in Theologia, clam de nocte fugit, & mare Mariliæ cum suis intravit: post quem Papa Cardinalem de Arrebleyo ut caperetur misit, sed cùm jam mare intrasset in vanum laboravit. Qui frater Michael, ut dicitur, usque Januam navigavit, & de Janua versùs Antipapam & Bavarum se transferens, se eorum, ut fertur, contubernio sociavit. Papa verò contra prædictos generaliter scilicet Bavarum, Antipapam & Fratrem Michaelm prædictum, & contra quemlibet eorum specialiter multos processus fecit, & eos finaliter tamquam hæreticos condemnavit, fratremque Michaelm ab administratione Generalis Ordinis deposuit, & fratribus Ordinis præcepit quatinus providerent se de alio Generali. Sed super his & aliis gravaminibus sibi, ut dicebatur, per Papam factis frater dictus Michael cum suis complicibus à Papa

Tom. IX.

Z z z z

* melius
consultum.

non bene consulto ad Papam * dicitur appellasse.

Rex Franciæ cum Baronibus suis tractatum habuit super ordinatione Regni Navarræ & Comitatus Campaniæ, & convocatis plurimis Nobilibus de Regno Navarræ, de eorum voluntate & assensu, hoc approbante Procerum Francorum consilio, restituit Rex dictum Regnum & dignitatem Regiam PHILIPPO Comiti Ebroicensi, ratione uxoris suæ, cui de jure Regnum debebatur, cum esset filia LUDOVICI primogeniti JOHANNÆ Reginæ Navarræ quondam uxoris PHILIPPI Pulcri; ratione verò Comitatus Campaniæ, in Comitatu Marchiæ juxta civitatem Angolismensem alios redditus assignavit. In hoc autem facto Rex principium Regni sui mirifice decoravit, qui à rectitudine justitiæ incipiens non solum in aliis & de aliis, sed etiam de seipso exhibuit justitiæ complementum.

* vale.
* pluribus.
* imposuit.

Circa istud tempus Comes Flandriæ suo domino Regi Franciæ sicut debebat fecit homagium: quo facto Comes * dicto Regi plurium * subditorum suorum & maximè de Brugis, de Ypra & de Casello, & de pluribus aliis locis intolerabiles extorsiones exposuit *. Et quòd ipsæ tantæ potestatis non esset quòd solus posset eorum maliciis obviare & rebellionis materiam extirpare; Unde & sibi à dicto Rege fieri auxilium humiliter supplicavit; quod Rex libenter annuit, sed quando & quo tempore hoc fieret, cum tempus hyemis instaret, & ipse & Barones sui improvisi essent, sub deliberatione sui consilij determinandum dereliquit. Interim verò pro coronatione Regis & Reginæ Remis fiebat maximus apparatus, itaut pro tunc non esset memoria aliquorum, quòd in Regno fuisset talis vel tantus apparatus factus, & duravit festum coronationis per quindecim dies continuos. Coronatus verò Rex est cum Regina uxore sua Remis per manum Archiepiscopi Remensis, domini videlicet GUILLERMI de Tria, dominica die in festo sanctæ Trinitatis. Statim post coronationem suam Rex cum suis

Baronibus super facto Flammingerum tractatum habuit, an videlicet eodem anno illuc ire ad pugnam contra eos ut contra rebelles & hæcenus incorrigibiles expeditur, vel differre usque ad annum sequentem. Cùmque plurimi * & majoris partis esset sententia, ut dicitur, expedientius esse differre usque ad annum sequentem, & hoc quia, ut dicebant, antequam Rex & Barones sui parati essent, & antequam essent parata ea quæ tanto exercitui erant necessaria, tempus propter instantem hyemem esse omnimodè ad præliandum inaptum. Quod verbum dicitur multum displicuisse Regi, cùm haberet propositum firmatum illic ire, unde auditâ istorum sententiâ domino GALTHERO de Crecyaco pro tunc Regni Franciæ Conestabulario, viro in armis strenuo & probato fertur dixisse: Et vos Conestabularis quid super hoc dicitis? qui licet plurimum renuens dicitur respondisse: Semper bonum tempus inveniunt qui bonum cor habent. Quod Rex audiens gavisus valde est, surgens amplexatus est eum, dicens: Qui me diligit me sequatur. Unde & statim proclamatum est, ut omnes in festo Magdelenæ essent apud Attrebatum parati ad pugnam. Unusquisque aliarum civitatum & locorum insignium non se paraverunt ad prælium, quia datâ ob hoc Regi pecuniâ in suis locis & civitatibus resederunt.

* plurimorum

Rex de coronatione sua rediens visitato priùs beato Dionysio Patrono suo, Parisius cum magno honore recipitur, & Ecclesia Cathedrali beatæ MARIÆ devotè visitata Regale Palatium Parisiense ingreditur, ubi parato Regali convivio à sui Regni Primoribus, ut Rex magnificus magnificè honoratur. Interim verò Parisius cum aliquot diebus persisteret, & de Regni negociis maximè de Flandrensi itinere cùm suis dispo-neret, ipse mane surgens Parisienses Ecclesias devotè cum paucis secum assumptis visitabat, & maximè pauperes domus Dei, unde & dicitur plurimum eorundem pauperum manus osculatus fuisse, & cibos manu propria eisdem porrexisse, & multa eisdem & domui

Z z z ij

elemosynarum & pietatis opera impendisse. Peractis
verò aliquibus diebus, Rex interim apud sanctum
Dionysium revertitur; & extractis corporibus beato-
rum Martyrum Dionysij, Rustici & Eleutherij de locis
propriis ubi positi requiescunt, capucio & cucupha
depositis, usque ad eorum altare propriis manibus ve-
ctavit, & ibidem ea devotissimè collocavit, per ipsum
juxta posito corpori * beati Ludovici, & auditâ Missâ
ab Abbate sancti Dionysij super altare sanctorum Mar-
tyrum solemniter celebratâ, vexillum quod Aurisflam-
meum dicitur, ab eodem Abbate super dictum altare
benedictum in præsencia Prælatorum & Baronum de
ejusdem Abbatis manu recepit & domino Miloni de
Nucherico, viro utique in cunctis bonis actionibus
strenuo & probato, ad portandum tradidit & servan-
dum. Quibus strenuè peractis Rex sanctorum Mar-
tyrum corpora propriis manibus usque ad cryptam
eorum reportavit devotissimè; & quod nullum præde-
cessorum legimus antea fecisse, ipse etiam personaliter
cryptam eorundem intravit humiliter non sine lachry-
mis ut notabiliter videri potuit, implorans auxilium
quorum patrocinio post Deum & beatam MARIAM
indubitanter sperabat de adversariis suis obtinere vi-
ctoriam. Die verò sequenti post sumptionem sacri ve-
xilli Rex iter suum versùs Flandriam egreditur*, & ex-
pectans aliquandiu Baronum suorum exercitus, multis
aliis ad ejus auxilium continuè affluentibus, transiens
Attrebatum derelictis paludibus, qui aliquamdiu præ-
decessorum suorum aliquantulum fuerant occasio scandali
& ruinæ, versùs castrum Flammingorum quod dicitur
Casellum iter arripuit, fixisque contra dictum ca-
strum tentoriis, terras circumquaque deprædantes *
multipliciter devastavit. Flammingi verò Regis &
ejus exercitus adventum sentientes se properanter ad
prælium paraverunt. In dicto verò castro in Regis &
totius Francorum exercitus derisum & subsannationem
in quodam eminenti loco posuerant Flammingi quem-
dam gallum per maximum de tela tincta, dicentes:

* corpore

* aggredi-
tur

* deprædans

Quando gallus iste cantabit, Rex Casellum capiet vi armorum; unde & gallicè in gallo scriptum erat: *Quand ce coq chanté aura, le Roy Cassel conquerra*. Volentes per hoc astruere castrum prædictum nullo tempore capiendum. Unde & subiannantes Regi dicebant eum & vocabant Regem inventum; sed ut in processu apparere poterit, in malum suum prophetauerunt, bene enim invenit eos, & melius eis fuisset esse perditum quàm totaliter inventum.

Hoc eodem tempore dominus Papa decimam biennalem prius CAROLO Regi defuncto *, Philippo Regi modo consimili ut CAROLO noviter confirmavit. Hoc eodem anno pacificati sunt Scoti & Anglici, qui à multis temporibus fuerant inter se discordantes, sub hac, ut dicitur, forma: *Quod* filius Regis Scotiæ haberet sororem novi Regis Angliæ in uxorem, & quod de cetero Rex Scotiæ, ut dicitur, teneretur juvare Regem Angliæ in omnibus guerris suis, excepto solo Rege Franciæ. Hoc eodem anno moritur vir nobilis & in armis potens & strenuus dominus JOHANNES Dux Calabriae, unicûsque filius Regis Siciliae ROBERTI, principalis Capitaneus totius Guelfæ in Italia. Hoc eodem anno mense Septembri fuit in Italia magnus terræ motus, & maximè circa civitatem Perusij, & circa adjacentia loca, itaut illius terræ aliqua funditus pro parte castra corruerint. Unde & in Francia in principio Octobris, & directè in vigilia beati Dionysij, & in octabis, venti permaximi fuerunt, itaut aliquæ domus & aliqua pinnacula corruerint, & maximè pinnaculum sancti Petri de Calvomonte in territorio Balgassini *.

Hoc eodem anno affixæ sunt clam & de nocte quædam litteræ apertæ in valuis beatæ Mariæ Parisius, & in Ecclesiis Minorum & Prædicatorum, ex parte Bavari & Antipapæ, & etiam Michaelis nuper Generalis Ordinis Fratrum Minorum; in quibus continebantur multa nefanda contra domnum Johannem Papam, asserentes eum hæreticum & ab Ecclesia præcisum,

Z z z z iij

* permif-
sam.

* f. Vulca-
mini.

maximè quia paupertatem Evangelicam quam CHRIS-
TUS & Apostoli tenuerant & viventes docuerant, ni-
tebatur destruere, ut dicebant, & ob hoc Concilium
generale per dictum Antipapam & Bavarum in civi-
tate Mediolanensi celebrandum convocabant. Quas-
dam etiam litteras clausas Episcopo Parisiensi & Uni-
versitati mittebant; & quoniam eis suspectæ erant,
habita deliberatione super his, easdem clausas domno
Summo Pontifici remiserunt, expectantes quid super
his esset ordinandum.

* lex Gall.
Palestis.

In vigilia beati Bartholomæi Apostoli post pran-
dium cùm Rex vellet more solito sopori aliquantulum
inclinari, Marescaliæ & aliis exercitus custodiis hinc
& inde dispersis, post aliqualem * Paletationem fa-
ctam cum Bidaldis prope Castellum, Bidaldis fugienti-
bus, sicut solet, aliquantula commotio in exercitu
Francorum habetur & statim sedatur: quo facto sta-
tim pòst nullo clamore præmissò, & ecce exercitus
Flamingorum juxta Castellum collectus quasi in mo-
dum cunei prorupit tendens in quantum poterat di-
rectè versùs tentorium Regis; & cùm jam bene infra

* pene in-
tra.

* tentoria Francorum positi essent, & Regis tento-
rium multum appropinquarent, nullumque ex ore
suo dicerent verbum, semperque ante se incederent,
credebant Franci non inimicos esse sed potiùs aliquos
extraneos qui ad Regis auxilium incederent, & ab
aliquibus dominis immitterentur; unde & quidam no-
bilis Miles dictus REGINALDUS de Lor credens eos
de Franciæ exercitu, volens eos ut amicos licèt per-
turbantes quietem exercitus corripere, ab eis in via
occiditur; & ecce subitò in exercitu Franciæ clamor
attollitur, & ad arma clamatur. Primus verò qui hoc
Regi volenti quiescere nunciavit, fuit unus frater
Prædicator Regis Confessor, cùm omnes alij dormi-

* vel sear-
marent.

rent vel stupefacti essent, & * se citiùs quàm poterant
armabant. Cùmque Rex super hoc esset incredulus,
& nuntianti Fratri nollet acquiescere, videns eum quòd
Clericus vel Sacerdos esset, & quòd non ita esset, sed

quia territus hoc diceret, illo contrariò affirmante fir-
miter ita esse, & inimicos Flammingos jam propè esse.
Cùmque sic verbis ad invicem contenderent Rex &
Frater, ecce dominus MILLO de Nucheriis Regis ve-
xillifer tentorium Regis ingreditur, & confirmans ver-
bum Fratris, de se armando velociter exhortatur.
Quo audito Rex ad arma cucurrit, sed qui eum
armarent armigerum vel militem non habebat cùm * non
unusquisque ad arma curreret, & de se salvando co-
gitaret; sed soli eum suæ Capellæ Capellani & Cle-
rici armaverunt. quo armato licet minùs completè
quàm deberet, Rex ascenso equo cum paucis de suis,
eis obviàm de fronte voluit incedere, sed dictus de Nu-
cheriis Regis vexillifer in armis doctissimus eum duxit
per viam à latere, dicens non esse tutum eis frontaliter
obviare. Et ecce interim cùm Rex per devium cum suis
paucis deducitur, visis Regalibus insigniis totus eque-
stris exercitus, multis peditum fugientibus, ad eum
quasi unus homo congregatur. Quod perpendentes
Flammingi statim se in uno globo quasi involuto po-
suerunt; cùmque aliquandiu hinc inde concertarent,
nec dividi possent cùm omnes pedites essent, uterentur
etiam fortissimis & acutissimis baculis quos equorum
pectoribus apponebant; finaliter tamen equorum &
equitantium potentia sunt divisi, & quasi in momento
occisi. Cùmque eorum nonnulli vellent fugæ præsi-
dio se salvare, habuerunt obviàm Comitem Hanoniæ
cum toto suo exercitu, * quasi leo super fugientes ir- * qui
ruens fere omnes in momento trucidavit; & sic illis
mortuis cessit victoria Regi & Franciscis. De Franciscis
verò pauci sunt mortui, itaut numerus mortuorum
in ipso conflictu ultra decem & septem personas tam
nobilium quàm ignobilium non excederet, * equorum * at
permaximus numerus. De Flammingis verò morientibus
satis dissimili * est loquendum, nam morientium * modo
in loco ubi conflictus habitus fuerat numerus XI. ^m V. ^c
XLVII. * exceptis his qui per diverticula fugientes fue- * 11547.
runt occisi hinc & inde miserabiliter, unde & suspica-

*18800.

batur numerus occisorum tam in loco conflictus quam extra per diverticula xx.^m cc.^e minus *, sicut Rex Franciæ testificatus fuit per suas sigillatas litteras super hoc Abbati sancti Dionysij directas, quas vidi. Rex verò hac habitâ victoriâ, tentorium ingressus antequam arma deponeret præcepit solemniter cantari *Te Deum Laudamus*; quo finito incœpta est antiphona beatæ MARIÆ & post Antiphonam beatæ MARIÆ antiphona beati Dionysij, de victoriâ sibi & suis nihil attribuens, sed potius Deo, beatæ MARIÆ & Sanctis Martyribus, qui per eorum ministerium hoc operati sunt opus. Unde sæpe & sæpius Rex postea testificatus est, & non solum ipse, sed & omnes qui in prædicto prælio fuerunt hoc idem adserunt, quòd in hoc facto non fuit opus hominis sed Dei, qui in hac die voluit malignorum superbiam deponere *, & Regem ad eos in humilitate & iustitia accedentem exaltare, & coronam Franciæ per eos vilipensam & contemptui habitam, contra eos per orationem beatæ MARIÆ & Sanctorum Martyrum protegere & tueri.

*deprimere

Consummato verò ad honorem Dei & Regni Franciæ de adversariis triumpho, positus est ignis in castro Casselli & funditus est destructum. Quo facto Rex cum exercitu versùs Ypram iter arripuit, & aliquantulum distanter à terra tentoria fixit; quod videntes illi de Ypra, quæ pacis sunt conferentes, ad Regem humiliter accesserunt, petentes recipi ad misericordiam salva vita & patria; sed Rex noluit, nisi totaliter ad voluntatem suam se obligarent, quod & factum est: Et ita Rege extra villam remanente de præcepto Regis dominus de Nucheriis ingressus est villam cum multitudine armatorum. Cùmque super tractatu pacis esset inter se invicem magna discordia, & inter eas gentes quæ ex parte Regis dirigebantur, tamen finaliter concordatum est, quòd quingenti de villa quos Rex vellet accipere, traderentur in hostagium & Parisius ducerentur, omnes conspiratores contra Regem & Comitem & etiam eorum complices usque ad Regis revocationem

nem bannirentur, fortalitia verò funditus destruerentur. In hac verò pace quidam Sacerdos de villa nullatenus concordabat, sed Yprenses à concordia quantum poterat & obedientia Regis revocabat, & jam multos de villa à bono proposito retrahebat, quod audientes qui ex parte Regis directi fuerant, statim contra eum arma moverunt, quem fugientem ad quamdam domum de villa fortissimam cum quasi quatuordecim sibi fatuè adhærentibus, ipsum & domum pariter combusserunt. Cives verò Brugeses datis de villa mille hostagiis, voluntati Regis se penitus subjecerunt. Tota verò Flandria jam quasi quietata & sub obedientia Regis posita, Rex in præsentia Baronum convocari fecit coram se Comitem Flandriæ, cui fertur sic dixisse: *Comes, ad requestam vestram huc veni, & fortè quia negligens fuistis de justitia facienda, ut tamen vos scitis, venire non potui sine * & meorum maximis * meis. expensis & laboribus; ecce de liberalitate totam terram vestram quietam & pacificam vobis restituo, expensas condono; sed de cetero caveatis nè propter defectum justitiæ oporteat me redire, scientes quòd si ob defectum vestrum rediero, non ad vestram sed ad meam utilitatem redibo.* Et sic quibusdam dimissis de suis ad auxilium Comitibus, Rex reversus est ad Franciam victor.

Comes verò memor verbi Regis in Flandria remansens, de conspiratoribus & malefactoribus diligenter investigans, infra tres menses vel circiter de eis, ut dicitur, diversis mortis generibus fere decem millia extirpavit. Rex verò in Francia existens beatum Dionysium penitus * devotè & humiliter visitavit, & postea ivit Carnotum *, & Ecclesiam beatæ MARIÆ * Parisios. ingressus, coram imagine eisdem armis quibus in bello armatus fuerat se armari *, & super equum cui existenti * fecit. in bello infederat ascensus, beatæ MARIÆ, cui se hoc in belli periculo facturum * donaverat, Ecclesiæ ejusdem arma & equum deferens devotissimè præsentavit, eidem de tanti evasione periculi gratias agens. Cùmque Comes Flandriæ conspiratores & malefacto-

res diligenter, ut prædictum est, inquireret; quidam dictus GUILLERMUS Decani de Brugis, qui totius conspirationis contra bonum pacis & patris causa movens & principalis fuerat, sibiipso non immerito timens, ad Ducem Brabantiae fugit petens ab eo auxilium contra Comitem Flandriae, qui, ut assererat, multos bonos & probos viros de Flandria morti & sine causa inhumaniter tradiderat, nec adhuc, ut dicebat, desistere proponebat, promittens Duci si hoc vellet facere, equos, arma & pecuniam. Cui Dux super hoc deliberatione habita dicitur respondisse, se hoc sine Regis Franciae consilio & assensu nullatenus velle facere, sed primitus ipsum & gentes suas ad Regem mitteret, & de facto quod petebat auxilium * Regis consilium ordinaret. Qui Guillermus captus ad laqueum quem tenderat sub tuta custodia ad Regem Parisius adducitur, & inquisitus de vita & regimine ad durissimam mortem adjudicatur, qui * enim in pilorio vertitur, & deinde ambae manus scinduntur, & in rota eminenti ligatus ponitur pugnibus abscisis ante eum ad circumferentiam rotæ pendentibus; cum verò morti videretur jam proximus ob nimiam sanguinis effusionem, deponitur & sequenti die tractus ad caudam quadrigæ ipse cum suis pugnibus abscisis in magno patibulo suspenditur, laborum suorum mercedem recipiens per duos dies ante Natale Domini.

Hoc anno circa medium mensis Octobris CLEMENTIA uxor quondam Regis LUDOVICI primogeniti Regis PHILIPPI Pulcri Parisius moritur, & in Ecclesia Fratrum Prædicatorum Parisius sepelitur. Hoc eodem anno JOHANNES dictus de Cherchemont Pictaviensis diocesis & Cancellarius Regis Franciae, vir utique in secularibus negotiis hujus mundi peritissimus, in curiis Regis & Papæ præstantissimus, utpotè apud omnes potens opere & sermone, sed in victu delicatissimus, & in exteriori gestu secundum quod apparere poterat superbissimus fere

* judicatus

* secundum.

* prius.

Capellam Canonorum in loco ubi natus fuerat ædificatam visitare, magis, ut creditur, inter suos, quod natus esset de humili plebe, magnitudinem nominis & potentie sue volens ostendere, quam Deum in huiusmodi facto honorare; statim ut diocesim & territorium Pictaviensem ubi multum honoris & glorie mundane se indubitanter accipere credebat ingreditur, nemini loquens morte subitanea suffocatus est. Sigillum vero Regis quod super se gestabat ad Regem misit, corpus vero ad Capellam quam ædificaverat deferretur, ubi per Pictaviensem Episcopum qui tunc præsens aderat tumulatur.

Hoc eodem anno Rex misit in Angliam ad Regem nuntios scilicet Magistrum PETRUM Rogerij Abbatem Fiscanensem, Doctorem in Theologia, virum summæ memoriæ & ultra modum communem hominum eloquentem cum pluribus aliis, ut eum citarent venire ad Regem pro homagio Ducatus Aquitanie faciendo: sed Regis Francie nuntij diutius expectantes, loqui cum Rege Anglie nullatenus potuerunt, sed ut dicitur, cum ejus matre loquentes ineptum modo muliebri responsum acceperunt, & sic cum haberent præfixum terminum, ad Regem Francie sunt reversi, quæ fecerant & audierant referentes. Hoc eodem anno & tempore Dominus Papa JOHANNES quosdam processus per Episcopum Relatensem * contra fratrem PETRUM Rainalutium factos, qui falso f. * Reatinensem. nomine se Papam NICOLAUM vocare faciebat, Parisius publicari fecit. In quibus continebatur quod prædictus frater Petrus cum quadam muliere dicta Johanna Mathie ante ingressum Ordinis matrimonium consummaverat, & ad uxoris petitionem ut ad eam rediret secundum legem matrimonialem pluries citatus & monitus, claves vilipendens Ecclesie venire contempserat, & ob hoc ipsum sicut contumacem excommunicatum virtute dictorum processuum publice nuntiabat.

Rex Francie cum suo Consilio deliberat utrum

A a a a ij

propter defectum hominis & homagij, Ducatus Aquitaniae sibi & suo dominio debeat applicari, & accepto ex deliberatione sui Consilij, quod non, sed solum & durante vacationis homagij tempore supposita citatione sufficienter debita, dominus interim de terra vassalli potest facere fructus suos, usquequo vassallus ad homagium revertatur. Propter quod missi sunt in Vasconiam dominus Petrus Rogerij nuper Filsanen-
 * Craon. sis Abbas, modò verò Attrebatensis Episcopus, & vir nobilis dominus de Creduno * ut emolumenta terrae Vasconiae ponerent in manu Regis Franciae, usquequo Rex Angliae de dicta terra homagium debitum fecisset: & interim ex abundanti Rex alios nuntios misit in Angliam ad Regem, ut eum citarent una vice pro omnibus super praedicto homagio faciendo, protestans quod si hoc negligeret Rex, contra eum procederet quantum de jure esset in talibus procedendum.

Circa fere ista tempora Regina peperit filium, qui statim natus moritur, & in Ecclesia Fratrum Minorum Parisius sepelitur.

MCCCXXIX.

Anno Domini millesimo trecentesimo vigesimo nono, Dominicâ post festum Trinitatis Rex Angliae cum suis deliberatione praehabita, cum paucis, ut dicitur, mare transiens venit Ambianis ubi Rex Franciae tunc praesens erat pro homagio ducatus Aquitaniae faciendo. Sed cum Rex Angliae magna parte illius per patrem Regis Franciae dominum videlicet CAROLUM quondam Comitem Valesij spoliatum se diceret, & in sui & Regis Angliae praedictum ad dominium Regni Franciae applicatum esse diceret minus justè; dicebat ad dictum homagium non teneri, nisi ipso de tota terra prius in integrum restituto. Cui responsum fuit, quod pater ejus EDUARDUS forefecerat, & quod Rex Franciae per dominum avunculum suum scilicet CAROLUM de Valesio, & patrem Regis qui nunc est, eam jure belli justè acquisierat; quare dicebat Rex Franciae

se ad restitutionem aliquam non teneri. Finaliter verò inter eos concordatum est, quòd Rex Angliæ homagium faceret Regi Franciæ de Ducatu Aquitaniæ pro portione quam tenebat, remanente parte acquisita Regi Franciæ, & si in hoc Rex Angliæ sentiret se in aliquo læsum esse, veniret ad Parlamentum Regis Franciæ Parisius, & super hoc Rex per iudicium Regni sui sibi exhiberet iustitia complementum: & sic factò homagio Rex Franciæ Belvacum revertitur, Rege Angliæ statim in Angliam transfretante.

Circa istud tempus misit in Franciam Rex Cypri solemnes nuncios, unum videlicet Archiepiscopum cum quibusdam aliis ad dominum Comitem Clarimontis, ut eidem * pro filio suo daret filiam suam matrimonio copulandam; gaudebat enim Rex Cypri posteritatem de Francorum semine & Sanguine prorogari. Hoc eodem tempore frater PETRUS de Palude de Ordine Prædicatorum vir utique magnæ vitæ & famæ, Doctor in Theologia, Avinioni existens, Patriarcha Jerosolymitanus per Summum Pontificem ordinatur. Circa istud tempus Rex Franciæ missis in Flandria ad hoc solemnibus nunciis, domino scilicet JOHANNES de Vienna Episcopo Ebroicensi cum multis aliis, portas de Brugis, de Ypra & de Curtraco cum fortalitiis eorum funditus destrui & dirumpi fecit, quod tamen nullus prædecessorum suorum ante fecerat. Sibi & posteris Regibus Francorum providens de remedio opportuno ad demendam superbiam Flammingorum. Hoc anno dominus ROBERTUS dictus de Brus Rex Scotorum pace facta cum Anglicis, ut prædiximus, moritur, & successit in Regno suo filius ejus pro eo.

Dominicâ secundâ Junij Episcopus Parisiensis Pontificalibus inductus in Parvisio Ecclesiæ beatæ Mariæ Parisius coassistentibus sibi quibusdam Episcopis, convocato ad hoc Clero & populo multos processus factos contra fratrem PETRUM Rainultij de Ordine Fratrum Minorum, in animæ suæ & multarum aliarum dispendium ultra montes pro Papa se gerentem, necnon &

A a a a iij

LUDOVICUM Regem Bavariae, & fratrem MICHAELEM quondam Fratrum Minorum Generalem per dominum Papam depositum, & ipsorum complices, promulgavit, & in eos sicut hæreticos & ab unitate fidei Catholica & Ecclesiae præcisos auctoritate Apostolica excommunicationis sententiam fulminavit. Quasdam etiam litteras per eos Parisius directas, & clam de nocte in valvis Ecclesiae beatæ MARIAE Parisius & in valvis Ecclesiarum Fratrum Minorum & Prædicatorum affixas, in quibus multæ blasphemiae de domino Papa JOHANNES falsè inferebantur, tamquam manifestam hæresim ibidem auctoritate Apostolica condemnavit, & videntibus cunctis qui aderant, easdem in ignem ibi accensum projiciens concremavit. Quo sic peracto incontinenti frater HENRICUS de Semons Doctor in Theologia & Provincialis Ordinis Fratrum Minorum in præsentia omnium surrexit, & ex parte generalis eorum Capituli, quod pro tunc Parisius tenebatur, ne in aliquo viderentur falsis fratribus se favorabiles exhibere, facta, processus & excommunicationes contra Fratres prædictos Ordinis eorum per dominum Papam factas, dicens hæc verba: *Fidelia omnia mandata ejus, confirmata in sæculum sæculi, facta in veritate & æquitate*; palam & publicè approbavit, depositionemque fratris Michaëlis quondam Generalis eorum Ministri per dominum Papam factam ex parte generalis eorum consilij & etiam Capituli & Ordinis, justam & laudabilem protestatus fuit, factaque Antipapæ & prædicti fratris Michaëlis, fratris etiam Bonagratia, & fratris etiam Francisci de Ordine Fratrum Minorum, & eorum si qui essent consortes vel complices tamquam falsa & hæretica, & eorum Ordini inimica & contraria reprobavit, & de eorum factis vel maleficiis Fratres & Ordinem multipliciter excusavit.

Circa principium Julij Patriarcha Jerosolymitanus unà cum Episcopo Mimatensi & nunciis Regis Cypri ducentes secum filiam Comitis Clarimontis filio Regis Cypri deponendam, cum multis aliis peregrinis, ac-

Pfal. 10. 7.

ceptâ licentiâ à domno Papa per portum Marfilia ad Insulam Cypri tendunt, sperantes Domini nostri **JESU CHRISTI** auxilio ab illo loco usque Jerusalem transfricare, ut Dominum nostrum **JESUM CHRISTUM** verum Deum adorent in loco ubi steterunt pedes ejus. Hoc eodem tempore Dux Britannia in Ecclesia beatae **MARIAE** Carnotensi praesente Rege Francia **PHILIPPO**, ejusdem loci Episcopo Missam celebrante, sororem Comitis Flandriae desponsavit. Hoc anno in mense Septembri Mediolanum & multae civitates Italiae Ecclesiastico suppositae interdicto ad obedientiam humilem accedentes, satisfactionem debitam promittentes, siqui excommunicati erant, dominus Papa absoluit, & interdictum Ecclesiasticum amovit. Hoc anno mense Novembris circa festum beati Clementis quadam die **MATILDAM** Comitissam Attrebatensem matrem Reginae **JOHANNAE** de Burgundia reverentem Parisius de Sancto Germano in Laya, ubi colloquium habuerat cum Rege pro quibusdam de novo contra eam emergentibus arduis negotiis ratione Comitatus Attrebatensis, procurante domino **ROBERTO** Attrebatensi nepote suo, utpote filio fratris sui, scilicet domini **PHILIPPI** de Attrebato, dicente & adferente praedictum Comitatum ex successione patris sui deberi sibi occasione quarundam litterarum ab eo de novo inventarum, licet in Parlamento Parisius in praesentia **PHILIPPI** Pulcri Regis esset antea de contrario contra eum judicatum, in via gravis arripuit aegritudo, & infra octavum diem sequentem mortua est Parisius, & sepulta in domo Fratrum Minorum. Cui in Comitatu Attrebatensi successit Regina Johanna de Burgundia ejusdem filia.

Hoc eodem anno circa finem ejus, **PHILIPPUS** Comes Ebroicensis positus super scutum ante altare in civitate Pampelona una cum uxore sua, rationes cujus competeat sibi Regnum, in Regem & Reginam Navarrae unanimi consensu totius terrae Procerum & Nobilium elevantur, & inuncti more solito ibidem coro-

nantur. Circa ista tempora fuit in Episcopatu Parisien-
si, in quadam villa quæ dicitur Pomponne, quidam puer
octo annorum vel circiter, qui dicebatur infirmos solo
verbo curare, unde & multi infirmi ex diversis partibus
ad eum confluebant; unde & si quis febricitans ad eum
veniret præcipiebat ei comedere pisa vel anguillam &
cetera talia, quæ noscuntur omnino esse contraria sani-
tati. Quod Episcopus Parisiensis & sapientes perpen-
dentes, statim eum cum sua medecina & vaticinationi-
bus contempserunt: unde & Parisiensis Episcopus vo-
catis patre & matre unâ cum puero evidenter cognos-
cens superstitiosum esse & fatuum quidquid per pue-
rum agebatur, præcepit patri & matri sub pœna ex-
communicationis ne eum taliter agere permitterent,
cunctisque subditis ne de cetero ad eum causâ expe-
ctandæ * sanitatis * sub pœna anathematis interdicens.
Hoc eodem anno dominus **GUILLERMUS** de Mel-
duno Senonensis Archiepiscopus, vir siquidem humil-
limus & devotus, mense Novembris moritur, & in
quoddam Monasterium Regularium quod dicitur *Le*
Jars prope Meldunum honorificè sepelitur. Cui in
Archiepiscopatu successit Magister **PETRUS** Roge-
rij Doctor in Theologia Ordinis sancti **BENEDICTI**,
& ex Abbate Fiscanensi factus Attrebatensis, & de-
mum Senonensis Archiepiscopus.

Circa finem hujus anni in mense Martij **LUDOVICUS**
Dux Baviaræ audiens mortuum **FREDERICUM**
Ducem Austriæ, qui contra eum in Regem Alemanniæ
electus, & contra juramentum suum in præjudicium
Bavari Regem Alemanniæ, omiſſa fidelitate quam
promiserat publicè se nominans, partem Bavari con-
trariam sustinebat, de Italia in Alemanniam se retraxit;
ubi dicitur multorum Nobilium & Majorum Aleman-
niæ auxilium impetrasse ad procuranda jura Imperij &
tuenda. Interim autem Bavaro stante in Alemannia
Antipapa non multum audebat se ostendere, sed clam
hic & ibi ubi poterat cum suis falsis Cardinalibus &
fratre Michaële quondam Ordinis Fratrum Minorum
Generali

* expeten-
dæ
* accede-
rent

Generali & quibusdam aliis excommunicatis & condemnatis de hæresi falsis fratribus Minoribus latitabat.

Circa ista tempora adductus est Avinioni quidam frater Minorum de Provincia oriundus, nomine VERANUS, qui apud Montem-Pessulanum & in aliis eorumdem locis solemnibus dicebatur fuisse Lector, ob hoc quia contra Papam dicitur publicè prædicasse; qui ad ejus adductus præsentiam nullâ sibi factâ reverentiâ, dixit sibi in facie quòd erat verus hæreticus & non Papa, & quòd pro ista veritate desiderabat mori: requisitus de causa, dixit; Quia tu destruis vel destruere niteris paupertatem Evangelicam quam Christus verbo docuit & exemplo, propter quod dictum detentus est in carcere cum quindecim aliis ejusdem Ordinis Fratribus, qui de diversis mundi partibus adducti propter sua dicta hæretica in diversis carceribus miseri detinentur.

Circa ista tempora Rex Franciæ PHILIPPUS convocavit Parisius omnes Prælatos Regni Franciæ super corrigendis excessibus Prælatorum & Officialium eorumdem. Cùmque multi casus in prædicto Consilio ex parte Regis & multorum dominorum Nobilium temporalium contra Prælatos in medio producerentur, qui jurisdictionem eorumdem multum prope tangere viderentur, verisimiliter à nonnullis ambigebatur ut Rex ab Ecclesiis jurisdictionem intenderet amovere temporalem: quod Rex quàm citiùs perpendere potuit fecit eis responderi, quòd jura & libertates quæ Ecclesia ab antiquo habuerat, & quæ prædecessores sui & sua libertate * & magnificentia eidem con-
tulerant, non intendebat quoquomodo minuere vel
auferre, sed potiùs augmentare; sed ob hoc Concilium vocaverat, ut Officialium non solum Ecclesiæ
sed etiam Regalium corrigerentur excessus, & nominatis pluribus excessibus & etiam erroribus, monitione præmissa ut corrigerentur, * soluit Concilium abire. *
In Anglia EDMUNDUS avunculus juvenis Regis An-

* liberalitate.

* sivit.

glia afferens fratrem suum **EDUARDUM** Regem patrem Regis juvenis vivere, & ob hoc nolens ejus filio, vivente patre, sicut Regi legitimo obedire; insuper accusatus de prodicione facta contra Regnum & Regem, ex præcepto Regis nepotis absceso capite vitæ transmissus est perpetuæ.

Comes Hannoniæ **GUILLERMUS** existens in Claromonte civitate Arvernæ, missis Ambassiatoribus ad Papam, & per eos audiens ejus adventum non esse gratum Papæ, indignatus contra eum vehementer, ad propria remeavit.

MCCCXXX.

PHILIPPUS filius Regis Majoricarum vir utique nobilis, utpote de eximio genere Hispanorum, & illustri prosapia Regum Francorum, utpote cognatus germanus **PHILIPPI PULCRI** ex parte matris; cum abundanti gauderet patrimonio, beneficiâque Ecclesiastica plura & pingua in Regno ultra omnes Clericos obtineret, omnibus dimissis peditanter ut pauper quærens eleemosynas in habitu Begardorum per mundum progreditur, nec à quoquam volens aliquid accipere etiam fratre vel sorore, nisi sibi pietatis intuitu & titulo eleemosynæ concedatur. In Lombardia homines Cardinalis de Pogeto ex parte domni Papæ ibidem Legati in mensē Junij cum Guibelinis congregiuntur ad bellum, & vincuntur ab eis, vivi aliqui capiuntur, sed major pars occiditur. Circa medium istius mensis Regi Franciæ ex uxore sua sorore Ducis Burgundiæ nascitur filius cui nomen imponitur **LUDOVICUS**, propter quem Rex Franciæ ad sanctum **LUDOVICUM** de Marsilia ipsius Regis ex parte matris avunculum peregrè profectus est, sed hoc non obstante puer quintadecima die ab ortu suo moritur, & in Ecclesia Fratrum Minorum Parisius sepelitur. Rex verò de Marsilia revertens ubi peregrè profectus fuerat, domnum Papam humiliter & devotè visitavit, & ab eodem honorificè susceptus sumpto secum convi-

vio ad propria remeavit. In secunda Dominica mensis Augusti istius anni processus facti contra Bavarum & Antipapam & eorum complices Parisius auctoritate Apostolica reperuntur.

In xxiii. die mensis Augusti Antipapa in habitu sæculari propter timorem vulgi non audens in proprio apparere habitu, Avinionem ingreditur, & die sequenti posito sibi pulpito ut eminenter & evidenter ab omnibus posset videri, domno Papæ & Cardinalibus * in Consistorio Fratrum Minorum existens ha-^{f. * confi-}bitu, præsentatur, & ascendens pulpitum sumpto the-^{dentibus, in}mate: *Pater peccavi in calum & coram te; & pro * the-*^{Luc 15. 18.}
*mate: Erravi sicut ovis quæ periit, require servum tuum; * altero.*^{Psalm. 118.}
 multos confitens & enumerans errores in quibus ipse^{176.} inciderat, & multos in periculum animæ suæ aberrare fecerat, omni venia se se indignum judicans, & omnem pœnam in comparatione errorum suorum tamquam arenam & quasi nihil esse asserens, nihilominus ad gremium veniens Ecclesiæ veniam humiliter precabatur, asserens, & domnum Papam super hoc testem invocans, cui super hoc ut dicebat, (& domnus Papa super hoc testimonium perhibebat) quod per unum annum ante & quatuor menses scripserat se voluisse citius ad Ecclesiæ obedientiam redire, sed malignorum Guibelinorum & aliorum multorum detentus violentia, quæ jam diu ante bonum propositum conceperat, pro voluntate sua citius non potuerat deducere ad effectum. Dominus Papa ipso descenso de pulpito partem sui thematis resumens, videlicet: *Require servum tuum;* priusquàm * multa de erroribus^{* cum prius} suis & de errorum periculis prædicasset, nihilominus tamen subjunxit ovem errabundam non esse morsibus luporum imponendam, vel omnino ut abjectam inter pericula dimittendam, sed diligenter requirendam, & requisitam ac inventam super humeros repositam ad ceterarum caules ovium reducendam. Quibus dictis dictus Antipapa ad pedes domini Papæ fune in collo posito cum lacrymis veniam postulans humiliter se

B b b b b ij

prostravit; dominus verò Papa funem de ejus collo deponens, primò eum recepit ad osculum pedis, deinde manus, tertio oris; & de hoc mirati sunt multi; & *Te Deum Laudamus* incipiens Cardinalibus & aliis assistentibus subsequenter, Deo cum tóto Clero & populo celebratis Missarum solemnibus gratias egit, qui hac die tantum & tam opprobrosam & intolerabile malum contrito sub pedibus Ecclesiæ suæ sanctæ patre & capite totius dissensionis diabolo, ab unitate Ecclesiæ * extirpavit: & hoc idem dominus per universalem * per suas bullas fieri demandavit, dictum verò Antipapam in quadam camera juxta domum Cambellani sui poni præcepit, usquequo plenius deliberasset quid super his esset facturus.

* schisma.

* Ecclesiam

Circa medium mensis Septembris Rex Hispaniæ & Arragoniæ cum Sarracenis in Regno Granatæ congregiuntur, & Deo favente cessit victoria Christianis, ex Paganorum sex millibus equitum & decem millibus peditum interemptis, & multis cum hoc captis. Prima die Novembris in toto Regno Franciæ una hora & die de mandato domni Papæ capti sunt omnes fratres Hospitalis de Altopassu cum omnibus bonis, quia litteris & indulgentiis abutebantur Apostolicis, & plura in suis litteris quæ vidimus nominanter continebantur, quàm in bullis principalibus; & idcirco in diversis carceribus Episcoporum secundum diversas quas inhabitabant diœceses detenti sunt. Hoc anno in Regno Franciæ universaliter fuerunt vina pessima & pauca, nam circa festum beati Dionysij & modicum ante superveniens gelu fortissimum ipsi vindemiæ licet modicæ, ita eam attrivit quòd nullo modo postea potuerit ad maturitatem perducì. Hoc eodem anno in mense Novembris & in principio Decembris fuerunt quasi continuè permaximi venti, & aquæ fluviales valde magnæ propter frequentem inundantiam pluvialem.

Hoc eodem anno in vigilia beati ANDRÆ Apostoli apud Londonias in Anglia dominus R O G E R U S dictus

de Mortuò-Mari Miles, de quo & pro quo Regina Angliæ mater Regis Angliæ, filia quondam Regis Franciæ Philippi Pulcri à multis multipliciter fuerat diffamata, ob hoc quòd eidem Militi ut exterius apparebat nimis familiarem se reddebat, convictus de conspiratione facta contra Regem & Regnum Angliæ, ipsa Regina totius facti complice & conscia ut dicebatur, per civitatem ad caudas equorum tractus proditorum & maleficia confessus est, & maximè de^{* mortis} procuratione Regis Eduardi patris istius Regis, usque ad patibulum tractus suspenditur, filio ipsius in carcere remanente usquequo Rex & Barones super hoc plenius ordinassent. Propter quod ipsa Regina de mandato sui filij Regis & Baronum in quodam castro sub tuta custodia detinetur. Hoc eodem anno quarta die Januarij dominus Papa Avenioni existens fecit Consistorium publicum, ubi recitati sunt processus facti contra Bavarum & ejus fautores, & contra Magistrum Michaëlem quondam Generalem Ordinis Fratrum Minorum, & contra alium ejusdem Ordinis fratrem dictum Bonagratia, & plures alios. Et quoniam audiverat Papa quòd Bavarus quamdam convocationem Baronum & Nobilium aliquorum fecerat in Alemannia, & aliam post Purificationem beatæ MARIÆ facere proponebat, idcirco monuit ipsum Bavarum de non faciendo, & omnes de non adessendo, sibi que & mandatis suis non parendo, alioquin si secus facerent excommunicationis sententiam incurrerent ipso facto: & multas ibidem contra tales excommunicationes terribiles sublimavit. *

In festo Purificationis beatæ MARIÆ Rex Franciæ primum terminum habuit de biennali decima sibi super Gallicanam Ecclesiam à domno Papa concessa. Sarcina quædam intolerabilis quæ suo tempore Gallicanam Ecclesiam mirabiliter suffocavit, & invalescente semper avaritia meritò formidandum est ne per hoc finaliter ad nihilum reducatur, nisi Deus solus, cujus solius regimine protegitur, ei sic oppressæ subveniat

B b b b b iij

intuitu pietatis. Circa ista tempora obiit Archiepiscopus Rothomagensis, & Magister PETRUS Rogeri Monachus & Doctor in Theologia vir eloquentissimus de Episcopatu Senonensi, quem vix per annum integrum tenuerat; in Rothomagensem translatus est. Archiepiscopus Bituricensis auctoritate Apostolica translatus sunt. Eodem tempore mortuus est Episcopus Noviomensis, cui dominus de Vienna Episcopus Abrincensis*; Magister verò JOHANNES Hantfune natione Normannus, procurator Regis Franciæ in Curia Romana per provisionem Apostolicam factus est Episcopus Abrincensis: ut sic multiplicato numero mutatorum, multiplicaretur in Curia Romana numerus servitorum. Instante prædicto conflictu mutationum in Prælationibus, ut est dictum, misit dominus Papa dignitatem Episcopatus Noviomensis tunc vacantis domino GUILLERMO de Sancta-Maura Tornacensis Diœcesis Cancellario Regis Franciæ, qui tamen noluit eam acceptare; & sic eam dominus Papa contulit domino BERTRANDO fratri dicti Guillermi natione Normanno.

Hoc eodem anno cùm Anglici in castro Xantonensi congregati se parare ad bellum viderentur, & appareret inter Regem Franciæ & Angliæ notabilis materia dissensionis & belli; misit Rex Franciæ fratrem suum Comitem cum exercitu copioso de Alençon, qui illuc cum exercitu veniens castrum illud fortissimum Anglicorum hætenus tutamentum & refugium funditus diruit & ad terram prostravit, licet super hoc, ut dicitur, à Rege Franciæ mandatum non haberet. Satis citò verò post Rex Angliæ Franciam intravit, & pace inter se inita & Regem Franciæ facti sunt non inimici. Hoc eodem anno post inundationem pluviarum permaximam, quæ à principio Novembris incœperat & duraverat usque ad principium Martij & deinceps, * ut terræ quamplurimæ, quæ propter duritiam arari non poterant, remanerent incultæ.

Circa idem tempus Rex Boëmæ magis, ut asserunt,

deest hic
nonnihil

* successit

f. * tanta
siccitas se-
cuta est

causâ curiositatis & patriæ videndæ quàm alia quacumque ratione , Italiam intravit ; quem videntes Italici Ghibellini , & agnoscentes eum fuisse HENRICI Pij Imperatoris ultimò defuncti filium , eum cum gaudio & magno honore susceperunt , & se sibi abiugato * *f. * abnegato Bavaro* & Bavaro & ejus dominio cum pluribus civitatibus subdiderunt. Ab illo verò tempore multùm inœcepit fortuna Bavari discurrere , & jam de eo fama pauca vel nulla currere videbatur , ipso de die descendente in diem* , Theutonicorum semper consuetudo fuerit , quòd nullum libenter sequitur cujus fortuna secunda non est. Circa ista tempora multi Nobiles , Principes , Barones & alij nobiles ac milites parabant se optantes proficisci in auxilium Christianorum in Regnum Granatæ ; sed licèt ad hoc multi avido desiderio ob favorem & zelum fidei devotè moverentur , nihilominus fraudati sunt desiderio suo. Nam Rex Hispaniæ Sarracenis treugas dederat , qui tamen totius negotij principium & caput fuerat , & per cujus terram ad Sarracenos ingressus fuerat , * & aliunde nullus esset ad eos accessus. * *cùm* Quas treugas dicunt multi Regem Hispaniæ corruptum pecunia concessisse.

MCCCXXI.

Hoc anno lata est Sententia in Parlamento Regis Franciæ pro Duce Burgundiæ pro Comitatu Attrebatensi , contra dominum ROBERTUM dictum de Attrebatu Comitem Bellimontis in Normannia ; nam litteræ quas dicebat se quasi miraculosè invenisse inventæ sunt falsæ : unde & ob hoc capta est quædam domicella quæ falsitatem fecerat , sicut ipsamet recognovit & modum faciendi & placandi sigillum coram Rege ostendit. Ob hoc etiam captus est quidam Prædicator Confessor prædicti Roberti : dictus verò dominus Robertus licentiatus à Rege & Optimatibus cum confusione discessit. Circa istud tempus Burgundi de ultra Sonam de Comitatu videlicet Burgundiæ contra Ducem Burgundiæ rebellaverunt , nolentes ei

homagium facere, cum tamen ratione uxoris suae Comitatus eidem deberetur: unde utrimque facta est maxima praeparatio ad bellum, & convocatio Magnorum & Potentium & Nobilium utrobique; sed antequam aliquantulum congregarentur, Rege Franciae mediante & multis aliis Nobilibus & Potentibus prudentibus, fuit inter eos pax reformata: unde venientes ad ejus homagium, ipsum uxoremque suam per civitates, castra & fortalitia patriae associantes, ut dominum suum proprium receperunt. Circa ista tempora Comes Fuxensis matrem suam sororem videlicet domini Roberti Attrebatensis in quodam castro incarceratam *, quia in confusionem sui totiusque generis sui nimis effrenate nimiam corporis sui lasciviam sequebatur; quod sine assensu & auctoritate Regis Franciae non creditur esse factum. In Italia fuerunt hoc mense Septembris inundationes aquarum permaximae, & similiter in Arragonia & Provincia in tantum, ut aquarum impetu multa castra & villae dicantur ruisse. In Francia vero nihil horum vel minimè, licet tota hyems sequens fuerit pluviosa & gelu paucum & quasi nullum.

* tenebat

Circa medium mensis Octobris quaedam domicella pro facto litterarum, quas dominus Robertus Attrebatensis dicebat se miraculose vel quasi invenisse, capitur, & quia confessà est se dictas litteras placasse de mandato dicti domini Roberti, idcirco confessione ista facta ad plateam porcorum ducitur, & praesentibus Praeposito Parisiensi & multis aliis comburitur, multis tamen malis & machinationibus quamplurimis primitus, ut dicitur, confessis. His ut praemittitur ita gestis, dominus Robertus praedictus sibi ipsi meritò metuens, ad sui defensionem corporis extra metas Regni Franciae posuit se & ad Ducem Brabantiae cognatum suum se transtulit, dimissis uxore & filiis infra Regnum: quo audito Rex praecipit statim ut tota terra dicti domini Roberti in manu sua poneretur; & quoniam Rex volebat contra eum procedere de facto, juris ordine praetermisso, idcirco misit Rex ad eum nuncios in Ducatu Brabantiae,

Brabantia; qui eum personaliter citaverunt coram Rege & Paribus Regni ad certum & præfixum diem juri pariturum, & quamquam *ratione posset se de sibi impositis criminibus defensurum.

* quacum-
que.

Primâ Dominicâ Adventus hujus anni dominus Papa debuit publicè prædicare, quòd animæ decedentium in gratia non videant Deum per essentiam, nec sint perfectè beatæ nisi post resurrectionem corporis: quod dictum multos scandalisavit, verumtamen magis creditur hoc opinativè, quam cum assertione dixisse, quoniam ut multi & Majores asserunt, dictum est in se hæreticum, & qui hoc cum assertione diceret, non posset faciliter ab hæresi excusari; & licet in principio scandalum magnum de hoc fuerit, nihilominus paulativè cessavit in tantum ut vix de hoc mentio aliqua haberetur.

Quidam frater Prædicator Confessor domini Roberti prædicti ad aulam Episcopi Parisiensis in præsentia aliquorum Magistrorum in Theologia, & præcipuè fratris P E T R I de Palude tunc Patriarchæ Jerosolymitani, & aliquorum aliorum Magistrorum, & præcipuè Mendicantium, & aliquorum de Secretariis Regis adducitur, & de illis falsis litteris quid & quantum sciret diligenter interrogatur; & quoniam ibi & alibi semper dixerat quòd illud quod de prædictis litteris sciebat erat sub sigillo Confessionis, & per consequens illud non poterat nec debebat revelare, & in hoc proposito viriliter persistebat: verumtamen quia antequam in ipsorum Magistrorum præsentiam veniret, ipse consenserat quòd si Magistri in Theologia vellet in præsentia ejus asserere quòd ipse posset istud sine peccato revelare, ipse revelaret de litteris & earum mutatione, quando & quomodò inventæ fuerunt, edoceret; idcirco Patriarcha prædictus de Ordine Prædicatorum Doctor in Theologia assumpto verbo in præsentia dicti fratris Confessoris & omnium aliorum coassistentium, dixit quòd ipse poterat istud sine peccato vel periculo revelare, quoniam, ut di-

Tom. XI.

Ccccc

cebat, sola peccata sub sigillo Confessionis cadunt, & quia istud non erat peccatum, sed magis erat ad manifestationem & elucidationem veritatis & propter pacem & tranquillitatem totius Regni, & per hoc si sciretur, iustitia præclarissima virtutum in Regno Franciæ fieret & etiam servaretur, & idcirco de revelatione nullum sibi periculum imminebat, immo sibi deberet pro merito compensari. Cui finienti alij assistentes Magistri consenserunt unanimiter, magis ut plurimi credunt, volentes hominibus placere quam secundum nominis sui professionem perhibere testimonium veritati, cum istud sit contra doctrinam communem, quam Prædicatores reputant verissimam, & quam ipsi quotidie defendere nituntur, quæ dicit, quod ea quæ sub eodem contextu cum peccatis dicuntur, licet peccata non sint, sub eodem sigillo Confessionis cum peccatis habentur. Nihilominus cum hæc doctrina ibi locum non habuerit, quia veritas ibi nullum professorem, & impletum est illud propheticum: *veritas corruit in plateis*: verumtamen hac sententia ligatus frater prædictus adserit quod ea quæ de prædictis sciebat libenter diceret; quo audito gravissimi consilij & familiares Regis, & pacti sunt in dolo bonum verbum facere de eo cum Rege, & tunc duxerunt eum cum Patriarcha prædicto ad Capellam Episcopi juxta aulam, & ibi in præsentia eorum qui ad hoc vocati fuerant, ea quæ de prædictis litteris & earum inventionem sciebat plenè revelavit. Quid tamen sigillatim dixerit non fuit vulgariter scitum, hoc tamen bene fuit vulgariter scitum, quod facta confessione sua ipse iterum ad carcerem unde exierat reducitur, & de eo postea memoria vel mentio non habetur, & quid de eo factum fuerit penitus à communi populo ignoratur.

In mense Februarij in domo Regia quæ dicitur Lupara, coassistentibus Paribus Regni Franciæ, Rege sedente pro tribunali, unà cum multis aliis Regni Baronibus & Nobilibus, multisque Prælati & Consi-

liariis Regni fuit prædictus dominus Robertus tertio vocatus, quoniam hæc erat tertia dies sibi præfixa ad respondendum articulis criminalibus sibi impositis; ad quam diem personaliter non comparuit, misit tamen unum Abbatem Ordinis sancti BENEDICTI cum aliquibus Militibus sine tamen procuratorio, qui instantè rogabant Regem & Pares ceterosque iudices ut ex abundanti quarta sibi dilatio concederetur, promittentes quòd infra illud tempus personaliter compareret, & de sibi impositis legitimè se purgaret. Eodem verò die in præsentia Regis & Procerum adducta fuit quædam domicella quæ multum familiaris fuerat dicto domino Roberto & uxori suæ, quæ à Francia fugerat in Brabantiam; & cum multa ibidem detegerentur crimina contra dictum dominum Robertum & uxorem suam, quamplurima de ipsis in præsentia omnium qui aderant confessæ est esse vera, uxorem tamen dicti Roberti sororem Regis Franciæ gravius quàm dominum Robertum in ejus præsentia accusabat, & maximè de falsitate sigillationis litteræ de qua dominus Robertus fuerat accusatus. Eodem verò die negotio sic peracto, genu flexo Rex Boemiæ & JOHANNES primogenitus Regis Franciæ cum multis aliis Baronibus Regem instantè rogabant ut dicto domino Roberto quartam dilationem gratiâ concederet, & quòd ipsius bona durante termino nullatenus confiscarentur; quod Rex concessit usque ad sequentem mensem Maij de gratia speciali.

Hoc anno frater PETRUS de Palude Patriarcha Jerusalem, qui missus fuerat ad Soldanum ad sciendum utrum via posset inveniri, quâ terra sancta recuperaretur, rediens ad JOHANNEM Papam, * deinde * ipsi PHILIPPO Regi Franciæ in præsentia multorum Prælatorum & Baronum relationem suam de obstinatione Soldani faciens, nimium voluntatem Regis & Baronum commovit, ut quasi unanimiter concordarent pro recuperatione terræ sanctæ transfretare. Quod videns Summus Pontifex ad requestam Regis

Ccccc ij

Franciae mandavit & commisit Patriarchae & omnibus aliis Prælatiſ, quatinus in locis ſuis Crucem prædicarent ac prædicari diligenter facerent, admonentes ut Crucis ſignatione omnes diligenter ad tranſfretandum ſe præpararent. Hoc anno quintadecima die menſis Decembris fuit eclipſis Lunæ valde magna modicum poſt mediam noctem, & duravit per tres horas & ampliùs, ſed quia tali hora accidit, ideo à paucis fuit viſa. Hoc eodem anno Philippus Rex monetam antea mutabilem valde in meliori ſtatu poſuit; nam ipſe ordinavit quòd unus florenus de Florentia non valeret niſi decem ſolidos Pariſienſes, & aliæ monetæ de auro ſecundùm tale pretium, unus groſſus Turonenſis de argento novem Pariſienſes parvos, & parvus denarius qui valebat duos denarios reduxit ad unum; & ſic res multæ quæ ante erant caræ valde quaſi ad medium reducuntur.

MCCCXXXII.

* differen-
do.

* expellere-
tur.

Hoc anno dominus Robertus ſæpe nominatus fuit bannitus per Barones Regni Francia, & omnia bona ejus Regi conſiſcata; ſed adhuc ex abundanti ad preces aliquorum Magiſtrorum Rex noluit bannire uſque ad menſem poſt Paſcha differendum*, & ſic ſi infra talem terminum veniret & in voluntate ſua ſe poneret, ipſe faceret ei talem gratiam qualis expediens ſibi videretur, ſi autem non veniret omnino extorqueretur*. Hoc anno tranſacto termino gratioſo domino Roberto de Attrebato ſæpedito à Rege conſeſſo Pariſius xix. die menſis Martij, per omnia quadruvia principalia, tubis præcinentibus, præconibus proclamantibus, idem dominus Robertus in ſua pertinacia perſiſtens, nec ad voluntatem Regis veniens, ſolemniter fuit bannitus; & in auribus totius populi recitatum eſt quomodò per falſas litteras Comitatum Attrebatenſem tentaverat obtinere, & quomodò ad reſpondendum ſuper hoc & ſuper alios quamplurimos articulos ante Regem & ante Pares Regni Francia pluries fuerat

adjornatus, & sic quia ad dies sibi super hoc assignatos non venit, nec procuratorem sufficienter fundatum pro se misit, per contumaciam fuit positus in defectu.

Hoc anno Rex PHILIPPUS apud Meldunum fecit nuptias JOHANNIS filij sui Ducis Normanniæ & filiæ JOHANNIS Regis Boëmiæ quondam HENRICI Imperatoris filij. Hoc eodem anno Philippus Rex in die sancti Michaëlis fecit Militem filium suum Johannem Parisius cum magna solemnitate & gaudio totius populi, & fuit ibi magna congregatio Magnatum, inter quos fuit Rex Boëmiæ qui erat pater uxoris novi Militis, Rex Navarræ, Dux Burgundiæ, Dux Britanniæ, Dux Lotharingiæ, Dux Brabantiæ, Dux Borbonensis cum multis aliis Nobilibus sine numero, & eodem die Rex fecit desponsari filiam suam MARIAM cum filio Ducis Brabantiæ. Eodem anno die Veneris post festum sancti Michaëlis congregatis omnibus prænominationis Principibus cum aliquibus Prælati multisque Militibus ac notabilibus Parisius in Capella Regia, Rex fecit proponere coram omnibus quod ipse intendebat terræ sanctæ iter arripere, & filium suum Johannem circa quartum decimum annum agentem custodem Regni dimittere, rogans eos quatinus extensis manibus ad sacrosanctas Reliquias jurarent ei obedientiam tamquam domino & heredi Regni, & si contingeret in ista via ipsum Regem decedere, quamcitiùs bono modo possent ipsum in Regem coronarent, quod omnes simul tam Prælati quàm Barones elevatis manibus ad sanctas Reliquias juraverunt, & postea quilibet per se illud idem juravit.

MCCCXXXIII.

Hoc anno die Veneris post festum sancti Michaëlis in prato * juxta Abbatiam sancti Germani de Pratis Ar- * pro
chidiacono Rotomagensi, de commissione JOHANNIS
Papæ Crucem prædicante, cum * liberatione terræ * Clerico-
sanctæ à Sarracenis iniquè & injustè occupatæ, PHI-
LIPPUS Rex primus, & Patriarcha Jerosolymitanus
Ccccc iij

cum multis aliis magistris & probis personis Crucem assumpserunt; & fuit ordinatum quatinus per totum Regnum Franciæ Crux prædicaretur, & quòd omnes Crucesignati parati essent ad transfretandum à mense Augusti transacto in annis tribus. Hoc eodem anno in crastino Ascensionis Domini fuit eclipsis solis valde magna per duas horas post meridiem.

Hoc anno cùm prædicatio quam dominus JOHANNES Papa debuit prædicare, in qua publicè, ut ferebatur, dixerat; quod animæ decedentium, (ut dictum est primâ Dominicâ Adventus Domini anno millesimo trecentesimo trigesimo primo) quòd inquam, animæ decedentium in gratia non vident Deum per essentiam, nec sunt perfectè beatæ usque post resurrectionem corporum, (quod multos scandalisaverat) quasi sopita videretur; publicè tamen apud Avinionem ubi Papa tunc residebat istud dictum est à pluribus, & maxime à quibusdam Cardinalibus ob favorem, aliis propter timorem summi Pontificis prædicti: nam quemdam fratrem Prædicatorum, qui contra istud dictum sive errorem istum prædicaverat, statim in carcerem fecit poni, * ut sustineretur ac etiam prædicaretur. Parisius autem * à Magistris & tota facultate Theologiæ reprobaretur, missi sunt à latere ipsius Papæ Parisius duo Magistri in Theologia, unus de Ordine Fratrum Minorum, ejusdem Ordinis Generalis, alter de Ordine Fratrum Prædicatorum, qui sibi in opinione sua consentiebant; & quamvis fingerent quòd * pro reformanda pace inter Regem Angliæ & Regem Scotiæ esse missos, apparuit tamen quòd pro alio non venerant nisi ut Magistros in Theologia regentes Parisius cum aliis de Regno Franciæ subverterent, & ad opinionem suam adducerent. Sed ita per Dei gratiam non accidit; nam cùm idem generalis Minister eandem quæstionem in præsentia Scholarium quasi infinitorum determinaret, & teneret pro conclusione, affirmando quòd animæ decedentium seu animæ Sanctorum non vident nec videbunt Deum visione beatifica & gloriosa usque ad

* volens

* cùm

* se

assumptionem corporum in die extremi Iudicii: hoc audito magnum murmur inter Scholares auditum est, dicentes talem errorem sine punitione transire non debere. Audiens autem scandalum qui erat Parisius pro hac determinatione frater Prædicator qui cum illo, ut dictum est, venerat, quid de his pro quibus missus fuerat in Franciam faceret vel diceret, nisi statim ad Papam rediret? Sed in quodam sermone ipsum Summum Pontificem super errore prædicto excusavit, dicens quod numquam * tenebat, nec umquam istam tenuerat doctrinam, quæ ponit quod animæ Sanctorum non videbant Deum usque ad diem Iudicii. Et cum ad aures Regis Franciæ PHILIPPI ista devenissent, tamquam verus Catholicus ac pugil Christi fidei fortissimus valde condoluit quod talis zizania erroris in medio tritici fidei, quæ semper in Regno Franciæ viguit, superfeminaretur: & cum audiret prædictus Minister quod Rex super hoc malè contentus erat, iuit ad eum ut super hoc se excusaret; sed Rex animadvertens & dubitans ne ipse * verbis involveret, dixit ipsum in præsentia bonorum Clericorum in Theologia libenter audire. Tunc Rex accersitis decem Magistris in Theologia de sufficientioribus qui tunc Parisius potuerunt inveniri, quorum quatuor erant de Ordine Minorum, interrogavit eos in præsentia dicti Magistri * quid eis de doctrina quam nuper Parisius seminaverat videretur? Qui omnes reprobaverunt eam, ipsam cum determinatione sua falsam & hæreticam reputantes; sed ad hoc non potuerunt eum adducere ut cum eis concordaret. Sed Rex adhuc super hoc non contentus, altera die satis citò post fecit vocari in domo sua de nemore Vincennarum omnes Magistros in Theologia cum omnibus Episcopis & Abbatibus, qui tunc Parisius potuerunt inveniri, vocato etiam prædicto Ministro. Cum resedissent, Rex in Gallico suo duo eis quærendo proposuit. Primum fuit utrum animæ Sanctorum ex tunc videant faciem Dei. Aliud fuit utrum ista visio qua nunc vident faciem Dei in die Iudicii deficiat alia superveniente vi-

* nequam

* seipsum

* Ministri

* affirmati-
vam

sione. Ad primam quæstionem omnes responderunt affirmativam *; ad secundam similiter, responderunt quòd ista visio non in die iudicii deficiet, sed permanebit æternaliter. Verum est quod aliqui dixerunt quòd ista visio in die iudicii perfectior erit, & cum istis prædictus Minister non sponte sed quasi coactus, ut videbatur, concordatus est. Et de ista sententia Rex petivit ab omnibus Magistris ibidem assistentibus unam litteram sigillis istorum singulorum munitam; quod & factum est; nam factæ sunt tres litteræ eamdem formam continentes, sigillatæ singulæ xxix. sigillis quia tot erant ibi Magistri: quarum litterarum ex parte Regis una fuit missa Papæ, mandans sibi à latere quatinus sententiam Magistrorum de Parisius, qui melius sciunt quid debet teneri & credi in fide quàm Juristæ & alij Clerici, qui parum aut nihil sciunt de Theologia, approbare, & quòd sustinentes contrarium corrigeret.

Hoc anno Rege Scotiæ ROBERTO du Brus mortuo, & filio suo DAVID, qui filiam Regis Angliæ EDUARDI desponsaverat, in Regno Scotiæ succedente, contigit EDUARDUM de Bailleul venire ad Regem Angliæ tamquam ad superiorem in isto casu, ut dicebat, dicentem Regnum Scotiæ ad ipsum & non ad David nec ad alterum alium pertinere, cum ipse de primogenita ALEXANDRI Regis Scotiæ natus esset, & David de secunda genita; petere ab eo tamquam à superiori, ut dictum est, ut ad homagium Regni Scotiæ ipsum reciperet. Quod Rex Angliæ libenter faciens statim ut ipsum in saisinam ejusdem Regni poneret contra Scotos, non obstantibus pactionibus & confederationibus quas cum Roberto de Brus Rege habuerat, arma paravit, Scotis etiam ad defendendum se viriliter præparatis: quibus congregantibus Scoti succubuerunt, multisque eorum interfectis & quàm plurimis captis civitas de Barawic Sedes Regni Scotiæ obsidione tuita *, ut aliqui, dixerunt, proditoriè capitur. Hoc anno decem naves munitæ armis & victualibus à Rege Franciæ Philippo in auxilium Scottorum

* cincta

torum in civitate de Barwic per gentes Regis Angliæ obsectoribus * missæ sunt, sed vento impellente contrario ad portum optatum pervenire non valentes portui de Schusa in partibus Flandriæ appulerunt, & ibi venditis omnibus, immo quasi dissipatis parvum aut nullum effectum habuerunt. In isto anno fuit tanta fertilitas vini in Regno Franciæ quod sextarium vini mundi & clari denarium venderetur, & aliquando pro minori pretio haberetur. Hoc eodem anno Delphinus de Vienna dimisso exercitu, cum paucis quoddam castrum Comitis Sabaudia quod obsederat explorans, à quodam balistaria percussus, postea nisi per medium diem supervixit, fratre suo, quia non habebat heredem de corpore proprio, herede relicto.

MCCCXXXIV.

Hoc anno fuit caristia magna in Regno Franciæ, & maximè in partibus meridionalibus, sed vinum pro nihilo habebatur. Hoc etiam anno illi de Bonia * contra Legatum à Papa missum ad submitteudos Guibellinos rebellaverunt, & ipsum extra patriam fugaverunt, magnâ copiâ de suis interfectâ, & quoddam castrum fortissimum quod extra muros civitatis ædificaverant * funditus everterunt. Eodem anno orta est magna materia guerræ inter Ducem Brabantia & Comitem Flandriæ pro quibusdam redibentiis, quas Episcopus Leodiensis in villa de Malignes in Brabantia dicebat se habere (quas redibentias aliqui dicebant quod prædictus Comes Flandriæ fraudulenter à prædicto Episcopo emerat ut materia discordiæ inter eos oriretur) itaut ex utraque parte magnis viribus ac magno apparatu arma pararentur, Rege Boemiæ, Episcopo Leodiensi prædicto, Comite Hanoniæ cum Johanne fratre ejus, Comite de Guellis cum plurimis magnis de Alemannia partem Comitis adjuvantibus, Rege Navarra, Comite Alençonis fratre Regis Franciæ, Comite Barri, Comite de Stampis cum multis aliis Nobilibus de Regno Franciæ partem Ducis foventi.

Tom. IX.

D d d d

bus : sed interveniente Rege Franciæ PHILIPPO
 quasi pro mediatore, ad pacis concordiam sunt ad-
 ducti. Eodem anno DAVID de Brus filius Roberti
 * quondam de Brus quidam * Scotiæ, juvenis quasi tredecim an-
 Regis. norum cum uxore sua sorore Regis Angliæ, ut contra
 * Regem. æmulos suos Regem Angliæ & Eduardum de Bailleul
 de novo creatum * sub alis Franciæ tuerentur, ab ali-
 quibus sibi benivolis latenter in Franciam sunt adducti,
 & apud castrum Gaillardum in Normannia morati
 sunt.

Hoc anno Rex Franciæ Philippus ordinata quadam
 domo pro Religione, quæ Moncellus dicitur, juxta
 pontem sanctæ Maxentiæ, quæ ad fiscum Regium per
 quamdam forefacturam pervenerat, feminas posuit
 ad serviendum Deo in perpetuum sub Regula Fra-
 trum Minorum, & ibidem inclusit, redditibus pro
 earum vita sufficienter assignatis. Eodem anno uxor
 domini ROBERTI de Attrebato soror Regis Fran-
 ciæ quarundam immutationum *, ut dicebatur, sus-
 pecta cum filiis suis, mater apud Chinonum in Picta-
 via, filij verò apud Nemosum in Vastinetum sub qua-
 dam custodia detinentur. Hoc etiam anno ut dixerunt
 quidam Astrologi, propter siccitatem æstatis & ma-
 ximam hyemis humiditatem, quæ qualitates ut astru-
 xerant ipsi, ratione eclipsis Solis anni præcedentis,
 quæ fuit in Gemini signo humano provenerant, maxi-
 ma utriusque sexus mortalitas secuta est non solum in
 Regno Franciæ, sed maximè in locis illi signo magis
 appropinquantibus. Hoc etiam anno maxima fuit
 vini abundantia, sed non æquè matura nec fortia fue-
 runt sicut in anno præterito. Hoc anno Scoti repara-
 tis resumptisque viribus contra EDUARDUM de
 Bailleul quem Rex Angliæ super eos Regem statuerat,
 & contra Anglicos ab eodem Rege dimissos ad custo-
 diam munitionum quas super eos acquisierat, pugnant,
 omnia quæ perdiderant civitate de Barwic excepta,
 recuperantes, ipsumque Eduardum de Regno ac de
 finibus suis turpiter ejicientes.

f. * eumul-
 tum.

Nemours.

Hoc anno JOHANNES Papa XXII. quarta die mensis Decembris defunctus est Avinioni postquam sedisset XIX. annos incompletos : qui errorem de beatitudine animæ quam ipse diu tenuerat, publicè prædicaverat, insufficienter tamen, ut aliqui dicunt, moriens revocavit; & XIX. die mensis ejusdem JACOBUS Presbyter Cardinalis sanctæ Priscæ Cisterciensis Ordinis electus est, ac etiam octava die Januarij consecratus ac BENEDICTUS XII. vocatus. Hoc anno circa Parisius in vigilia sancti Nicolai hyemalis audita sunt magna tonitrua, gelu & nive aëre frigefcente, & satis citò post in die Octavarum sancti Johannis Evangelistæ audita sunt ita magna & horribilia cum coruscationibus ac si esset circa festum beatæ Mariæ Magdalenæ, vento tamen & pluviam aëre madefcente, ac etiam XIX. à die Januarij aëre, nive, gelu, grandine, frigefcente. Hoc anno Rex Franciæ PHILIPPUS ut Summum Pontificem de novo creatum visiteret cum magno apparatu*, sed superveniente infirmitate cum jam esset quasi in medio itineris, consilio medicorum * profectus est. ad propria remeavit. Hoc eodem tempore missi sunt ab eodem Rege solennes nuntij ad Summum Pontificem cum certis petitionibus passagium terræ sanctæ maximè rangentibus, in quibus bene & gratiose Papa se habuit, aliquibus tamen deliberationi reservatis.

Hoc anno JOHANNES Dux Britanniae cernens de corpore suo heredem non habere, & considerans utilitatem & pacem Regni Franciæ quam summè diligebat, necnon & benevolentiam quam erga personam PHILIPPI Regis habebat, considerans etiam multa incommoda quæ in eodem Regno possent accidere, si talis terra sicut Ducatus Britanniae * in manus feminæ neptis videlicet, quæ in eodem Ducatu se dicebat jus habere, voluit Regi Philippo Ducatum suum prædictum post decessum suum dimittere, ita tamen quòd si post decessum ejus aliquis probabilis heres appareret, aliqua terra sufficiens ei ab eodem Rege assignaretur. Et ideo sic ordinatum fuit, quòd

D d d d d ij

si aliquis heres probabilis appareret in eodem Ducatu post prædicti Ducis decessum, Rex Ducatum Aurelianensem pro dicta recompensatione assignaret; sed contradicentibus aliquibus Brittonibus negotium imperfectum tunc remansit, & assignata est dies ad tractandum iterum de isto negotio ad Octabas beatæ Mariæ Magdalenæ, & iterum prolongata est usque ad crastinum ejusdem, deinde usque ad aliam diem Dominicam sequentem, & in die illa negotium sub quadam dissimulatione transiit & in pendulo remansit, & finaliter ad nihilum redactum est.

MCCCXXXV.

* de S. poio,
Cepoy.

Hoc anno dominus JOHANNES de Septio*, qui missus fuerat à Rege Franciæ maximè in terram Turcorum ad explorandos portus & passus, ad faciendas aliquas munitiones & præparationes victualium pro passagio terræ sanctæ, patratibus aliquibus victoriis satis insignibus, sicut in tam parva manu pugnatorum quam ipse habebat, quia non habebat nisi solos pedites, potuit fieri, in Franciam rediit. Episcopus etiam Belvacensis JOHANNES, qui diu peregrè, causâ à pluribus ignoratâ profectus fuerat, & cum eodem domino Johanne in terra ista Turcorum, & in aliquibus bellis in quibus egregiè se habuit, aliquandiu fuerat, ad propria reversus est.

Hoc eodem anno circa medium Junij dominum JOHANNEM primogenitum immo tunc unigenitum PHILIPPI Regis Franciæ Normanniæ Ducem gravis & valde periculosa infirmitas arripuit; nam, ut asserabant medici, non solum quotidiano typo per quatuordecim dies continuos laboravit, verum etiam plures accessus febris tertianæ sustinuit: & cum à medicis omnino desperaretur de eo & humanum solatium deficeret, Rex & Regina ad Divinum auxilium confugerunt, mittentes ad omnes Ecclesias Cathedrales & ad omnia Collegia tam Mendicantium quàm non Mendicantium quibus tunc mitti potuit Prædica-

tores ad exhortandum populum, rogantes omnes humiliter quatinus processiones devotas facerent, & Divinas aures lacrymis & orationibus sollicitarent, quatinus filio suo Regni heredi in tanta necessitate subveniret Divina misericordia. Nam Rex tantum de misericordia Dei & de ejus auxilio precibus Sanctorum & bonarum personarum confidebat, quod pluries dixit Regina & aliquibus aliis, quod si Dux predictus eorum filius mortuus esset, non citò eum sepeliret, sperans firmiter quod Deus eum à morte resuscitaret. Unde factum est, quod * à Clero & populo, & maximè à Canonicis Ecclesiæ Cathedralis beatæ Mariæ de Parisius, & ab omnibus Collegiis ejusdem civitatis, necnon & à Conventu sancti Dionysij ter nudis pedibus delatis ad Taverniacum ubi erat infirmus sacrosanctis reliquiis, clavo scilicet & corona Domini, cum digito sancti Dionysij, quæ ibi fere per quindecim dies remanserunt, processiones solennes & devotæ factæ fuissent, prædictus infirmus convaluit & sanatus est, parentibus * ejus Rege videlicet & Regina & plurimis, qui prædicto Duci in infirmitate adstiterant, necnon & aliquibus medicis prædicantibus quod Deus Sanctorum & bonarum personarum precibus eum non solum ab infirmitate curaverat, immo etiam quasi à morte resuscitaverat. Hoc anno septima die Julij quæ fuit dies Veneris, in festo sancti Martialis Rex Franciæ Philippus filio suo domino Johanne Duce Normanniæ de gravi ac periculosa infirmitate per preces bonarum personarum, ac etiam ut pro certo credendum est, per merita Sanctorum mirabiliter convalescente, de villa quæ Taverniacus dicitur, in qua prædictus infirmus in infirmitate jacuerat, ab Ecclesia sancti Dionysij quatuor miliaribus & amplius distante, gloriosum Martyrem Dionysium specialem patronum, protectorem & adiutorem suum cum sociis suis petendo, non sine magno labore ac difficultate propter inconfuetum laborem & propter opus tali viro inusi-

D d d d d iij

tatum, devotissimè visitaturus advenit; & cum gratias egisset salutans sanctos Martyres, & facta brevi oratione, cum jam maxima pars noctis transisset, post laborem tanti itineris ad quiescendum se ordinavit usque in crastinum. Adveniente autem crastina die Missâ suâ devotissimè auditâ, & osculatis cum magna reverentia sacrosanctis reliquiis clavo & corona, cum aliis pransum ivit. Facto autem vespere post cœnam & post Matutinas Conventûs inopinatè iterum ad Ecclesiam veniens, ibidem peroravit & totum servitium suum de sanctis Martyribus Dionysio scilicet & sociis ejus non à Capellanis suis sed à Monachis aliquibus, non tamen à toto Conventu fieri jussit. Iterum autem cum vigiliis & omnibus horis Canonicis sic celebratis, locum illum ubi requiescunt Sanctorum corpora in scriniis electrinis aperiri fecit, & ibidem solus intrans cum summa devotione quasi per spatium horarum duarum remansit. Deinde subsequenter auditâ Missâ suâ domno Abbate celebrante ad altare sanctorum Martyrum, post prandium sic visitatis sanctis Martyribus & regratiatis, ad visitanda alia loca sancta iter arripiens cum gaudio recessit.

Hoc anno circa festum Magdelenes Rex Angliæ EDUARDUS cum manu valida tam equitum quàm peditum adjuvante sibi Comite Namurcij uxoris suæ cognato, & Comite de Guellis qui sororem suam desponsaverat, cum aliquibus aliis de Alemannia vadum illud quod Mare Scoticum dicitur sine aliquo obice seu impedimento transiens, Scotiam intravit; nam Scoti propter suorum paucitatem in respectu sui exercitus eidem obviare non sunt ausi. Deinde ad villam sancti Johannis se transferens, & illam muniens, ibidem EDUARDUM de Bailleul cum fratre suo Comite Cornubiæ dimisit; & ad sanctum Andream veniens, cum ibidem aliqualem moram traheret, venerunt ad homagium aliqui Magni & Nobiles de Regno Scotiæ, quos ipse pacificè recipiens, licèt aliqui Magni & Nobiles de eodem Regno adhuc sibi non

obedirent, nec ad homagium ejus venissent, subli-
mato & confirmato in eodem Regno Eduardo de
Bailleul, sic ordinavit: videlicet quòd idem Eduardus
& successores sui Reges Scotiæ Regibus Angliæ ho-
magium facerent, & eisdem contra omnes auxilium
ferrent ad supplementum exercitus eorum trecenti * * trecentos
homines de armis cum mille peditibus quancumque
neceffe fuerit, per unum annum integrum ducendo
vel mittendo; & * Reges Angliæ ultra noluerunt re- * si &c. no-
luerint
tinere ipsos ad proprias expensas eorum, remanere
minimè tenebuntur. Eodem tempore quasi post tri-
dum cum ad notitiam Scotorum devenisset, quòd
Comes Namursij qui tardè Regem Angliæ secutus
fuerat, & ad ipsum venire festinabat, transitum ma-
ris Scotici vellet cum suis attentare, eidem insidias
paraverunt, mittentes ante ipsum in via de suis par-
tem non modicam, altera in insidiis remanente; &
cum ipsos pertransisset, ipsi à tergo secuti sunt eum,
aliis eidem obviantibus; & sic inter eos inclusus,
commisso prælio, multis suorum captis, & quam-
plurimis interfectis, ipsemet etiam capitur. Et cum
unus ex Scotorum Majoribus contra voluntatem alio-
rum ob favorem Regis Franciæ, ut prætendebat,
vellet eum liberare, & eidem cum quatuor viginti
solum armatis conductum præberet, in gressu suo ab
Anglicis in insidiis positis & ipse capitur, ac omni-
bus suis interfectis carceri Regis Angliæ mancipatur.
Hoc anno vina fuerunt ita cruda, viridia & indige-
sta, quòd vix sine indignatione gustus sumi potue-
rint.

MCCCXXXVI.

Hoc anno Rex Franciæ PHILIPPUS remotis parti-
bus Regni visitatis, ab omnibus civitatibus valde ho-
noricè & cum gaudio magno suscipitur; & cum
Summum Pontificem in civitate Avinionensi etiam
visitasset, & ab eodem cum filio suo domino JOHAN-
NE Duce Normanniæ susceptus fuisset, ac de aliqui-

bus etiam negotiis, & maximè de passagio terræ Sanctæ, & auxilio Scotorum, utrùm eisdem Scotis contra Regem Angliæ, qui eos graviter opprimebat, auxilium ferre consideratis confœderationibus quas inter se habebant teneretur, tractasset, Marsiliam intrans, ad visitanda limina sancti Ludovici Massiliensis, necnon & navigium quod ad passagium terræ Sanctæ parari faciebat, se transtulit: ubi à Massiliensibus quamvis sub dominio ejus non essent tanto cum honore & reverentia susceptus est, ut in mare navibus ordinatis ad bellum in præsentia ejus simularent certamen navale, pomis Orengeniis se invicem impugnantes. Hoc anno fuit eclipsis Solis die tertia mensis Martij, attingens fere usque ad centrum ipsius, Marte etiam & Saturno ipsum Solem aspicientibus, qui tunc incipiebant retrogradari, & duravit per duas horas cum aliquibus minutis.

Hoc etiam anno Rege Franciæ Philippo à visitatione Summi Pontificis BENEDICTI per Burgundiam revertente, & à Duce Comitæque Burgundiæ, cujus Sororem desponsaverat, valde honorificè suscepto, magnam discordiam inter ipsum Ducem & JOHANNEM de Chalon, aliquosque tam Nobiles Burgundiæ quàm Alemanniæ eidem domino Johanni adhærentes, pro quibusdam redibentiis in Comitatu Burgundiæ, & maximè super villam & puteum Salinarum, ut assererat, sibi debitis, quas prædictus Dux & Comes sibi injustè subtrahere nitebantur, invenit: & cum ipsos ad pacis concordiam adducere satageret, Duce eorum sibi contradicente, in præsentia ipsius Regis ex parte domini Johannis prædicti ac sibi adhærentium defidatus est; & statim in crastinum adjunctis sibi confœderatis suis cum magna copia Alemannorum stipendiariorum hostiliter in Comitatum Burgundiæ, non tamen in Ducatum qui ad Regnum Franciæ pertinet, subintravit, ac magnam partem ejusdem Comitatus igne ac deprædationibus magis quàm ferro prostravit, & sic in aliquibus ca-

stris

stris suis, quæ ipse diu ante scienter propter hoc muniri fecerat, cum complicitibus se recepit. Hoc etiam anno Dux Burgundiæ, & non solum Burgundiæ, sed & Normanniæ, cujus dominus Johannes filius primogenitus Regis Franciæ Philippi Dux erat, nepos ejus ex sorore, necnon & Flandriæ, quia & ipse Comes Flandriæ duas uxores sorores filias Philippi Regis Longi quondam Regis Franciæ duxerat, adjuvante etiam sibi Rege Navarræ qui neptem suam desponsaverat, cum fratre suo Comite de Stampis magnum exercitum congregavit, ac castrum domini GIRALDI de Monte-falconis, qui domino Johanni de Chalon adhærebat, Chaufiacum nomine vallatus maximis auxiliatoribus potenter obsedit ac etiam primus * obsi-
dione quasi ix. hebdomadarum in deditione accepit. * post obsi-
dionem.

Deinde Bisentium civitatem, quæ partem domini Johannis supradicti fovebat, se transferens, ibi exercitum quia pro tanto exercitu minuebantur victualia, datis induciis usque ad sequens Natale licentiavit, & sic inglorius negotium imperfectum dimisit.

Hoc etiam anno grave incendium tam in pannis Indicti quàm in aliis mercimoniis xiv. die Junij conflagravit; in quo multi mercatores, qui ibidem divites & potentes venerant, ita damnificati sunt, quòd pauperes ad propria reversi sunt. Hoc anno secunda die Julij natus est Philippo Regis Franciæ filius in domo de nemore Vincennarum ex uxore sua legitima, qui baptizatus est, & PHILIPPUS nominatus. Hoc anno xxi. die Julij in Vigilia sanctæ Mariæ Magdalene HUGO de Cuiſiaco Miles natione Burgundus, qui fuerat Præpositus Parisius, & postea in numero Magistrorum Regalis palatii sublimatus, tamquam subversor judiciorum multorum propter munera quamplurima accusatus, etiam multis aliis criminibus convictus, Parisius communi patibulo suspenditur. Hoc anno quarta die Augusti circa Parisius & in confiniis ejus tam horribilis ac valida tempeſtas exorta est, ut pavilliones ac tentoria quæ cum maxima ambitione &

apparatu, ut dicebatur, inordinato in domo Regia-
nemoris Vicennarum propter purificationem Regi-
næ, ac etiam arbores magnæ magnitudinis & grossi-
tudinis everteret, aliquosque occideret, & plures læ-
deret non sine metu & admiratione multorum.

* *Acqs.*

Hoc anno cum magna materia discordiæ & guerræ
inter Regem Franciæ PHILIPPUM & Regem An-
gliæ EDUARDUM exorta fuisset, & maximè prop-
ter everisionem castri Xantonensis, quod dominus CA-
ROLUS frater Regis Franciæ Comes Alençonij dirui
fecerat, necnon & Comitatum Aquiensem * & ali-
quas villas & munitiones, quas dominus CAROLUS
Comes Valesij, pater Regis Philippi à Rege CAROLO
defuncto in Vasconia missus propter contumacias Re-
gis Angliæ Eduardi defuncti patris istius Eduardi præ-
dicti, meritò abstulerat, quæ omnia idem Rex Angliæ
ab ipso Rege Franciæ repetebat; & propter hoc plu-
res nuntij inter ipsos pro reformanda pace hinc inde
transfretassent; ad pacis tamen concordiam non po-
tuerunt reduci, instigante domino Roberto de At-
trebato, qui ad Regem Angliæ transfugerat, ut di-
cebatur.

Hoc etiam anno cum magna guerra esset inter Re-
gem Angliæ & Regem Navarræ pro custodia cujus-
dam Abbatæ in confiniis Regnorum sitæ, prius ta-
men non modicum damnificati sunt; ad pacis tandem
concordiam per Summum Pontificem, & per Regem
Franciæ, administrante tunc JOHANNES de Vienna
Archiepiscopo Remensi, qui ex parte Regis Franciæ
& Navarræ ad hoc missus fuerat, sunt adducti. Hoc
anno factæ sunt & confirmatæ confœderationes so-
lemnes inter Regem Franciæ & Hispaniæ. Anno eo-
dem Eduardus Rex Angliæ videns quod Rex Franciæ
Philippus partem Scotorum volebat fovere, & eos
contra eum sustinere propter confœderationes, quas
Rex Franciæ Philippus Pulcher cognominatus avun-
culus istius Regis Philippi cum ipsis tamquam Rex
Franciæ inierat, magnum apparatus navium cum

fuis adjutoribus in mare disposuit, & confederationes cum Duce Bavarie LUDOVICO iniit qui tunc pro Imperatore se gerebat, quamvis per Papam JOHANNEM Imperio esset privatus, nonobstante quod auctoritate ipsius Summi Pontificis esset excommunicatus, Duce eodem eidem auxilium promittente. Hoc anno inter ipsum Regem Francie & Regem Anglie predictum multa fuerunt bella tam in mari quam in terra.

MCCCXXXVII.

Hoc anno Rex Francie PHILIPPUS multos solidarios marinos quaesivit & procuravit, & maxime Januensium, inter quos erat unus magnus qui oppressiones fecerat in Regno Francie in partibus Marsilie & Aquarum-mortuarum, & Admiraldus ipsorum factus est. Eodem anno cum magna materia discordie orta esset inter Ducem Burgundie, ut dictum est, & dominum Johannem de Chalon, per dominum Regem Francie pacificati sunt. Hoc etiam anno circa festum beati Johannis Baptiste apparuit quaedam stella, quae cometa dicitur, quae, ut dicebant Astrologi sapientes, in signo Geminorum fuit orta ratione eclipsis Solis anni praecedentis, quae fuit tertia die Martij per Martem & Saturnum qui tunc aspiciebant eclipsim eandem, & tunc incipiebant retrogradari effectu deducta; & dicebant quod ratione signi in quo fuit generata, & ratione generantium, Martis scilicet & Saturni, significabat quod sanguis immundus abundaret in multis corruptis vel infectis melancholia vel colera, & ideo non erit mirum si voluntates & inordinati appetitus a multis postea effectui adducentur, & propter hoc potuerunt esse plures aegritudines in dispositis & diverse secundum diversitatem recipientium. Item ratione Martis exeuntis in * Scorpione, significabat falsitatem, fraudes, mendacia, latrocinia & guerras, sed ratione Saturni dicebant quod significabat invidiam, cupiditatem & extortionem, rancore.

Eeeee ij

* & indif-
positiones
diversae.

* inobedi-
entiam,

res & odia, machinationes, inobedientes * cordis mis-
ferias, mortem, rumores terribiles & pavorem. Item
ipsum signum Geminorum secundum Astrologos est
signum humanum, avium, & Magnatorum, ac Deo
deservientium: ideo dicebant quod cometa illa mi-
nabatur omnes tales, vel in statu. Item dicebant quod
consideratis imaginibus celi ab ea pertransitis, & consi-
derato signo conjunctionis Martis & Saturni, non so-
lum minabatur quadrupedia, sed in aquis natantia,
& in eis navigantia, & quod in aquis vel per aquas
multa inconvenientia subsequi deberent.

Eodem anno circa festum Omnium Sanctorum ce-
perunt gentes Regis Angliæ in Xantonia castrum quod
Paracolum dicitur, quod ad Regis Franciæ pertinebat
dominium, multas villas circa illud ferro & igne va-
stantes, & multos interficientes. Hoc eodem anno
Rex Angliæ Eduardus multas expensas Regi Franciæ
fecit fieri, propter hoc quod communiter dicebatur,
quod idem Rex Angliæ Regnum Franciæ intendebat
invadere, & ideo oportuit quod omnia confinia Re-
gni muniret ac custodiri faceret; & dicebatur com-
muniter quod dominus Robertus de Attrebato omnia
ista procurabat. Hoc etiam anno BENEDICTUS
Papa duos Cardinales pro reformanda pace inter Re-
gem Franciæ & Regem Angliæ misit; qui tamen in
hoc minimè profecerunt. Hoc etiam anno Thesau-
rarius Regis NICOLAUS Behucheti scilicet unum por-
tum bonum seu villam in Anglia combussit, qui Port-
muth vocabatur, cum aliis villis plurimis; insulas etiam
de Grenesiaco mediante vorante flamma, excepto uno
castro quod ibi erat, totaliter consumpsit. Eodem
anno satis citò post captionem castri quod Paracolum
in Xantonia, ut dictum est, nominatur; quidam nobi-
lis homo de Linga Orcitana*, qui RENALDUS de Nor-
mannia vocabatur, Parisius in platea porcorum securi
judicio Regis percutitur, & sic capite ejus amputato
communi patibulo est suspensus, pro eo quod ejus pro-
ditione castrum illud ab Anglicis captum fuerat.

* Oxitana,
Languedoc.

Hoc eodem anno per Comitem Augi Conestabularium Regis Franciæ, adjuvantibus sibi Comitibus Fuxi & de Armeniaco, cum aliquibus Baronibus de Linga Orcitana ac Tholosanis plurimæ villæ ac castra in Vasconia receperant*. Hoc etiam anno Scoti multa gravamina ab Anglicis patiuntur eos comprimantibus, Rege Franciæ non ferente eisdem auxilium ut tenebatur. Hoc anno audientibus Rege Navarræ, Comite Alençonis fratre Regis Franciæ cum aliquibus Magnatibus & Baronibus ejusdem Regis Franciæ, quod Rex Angliæ apud Boloniam debebat terram capere cum magno exercitu illuc ierunt; sed ipso non veniente vacui ac delusi reversi sunt. Hoc etiam anno Anglici apud Schlusam cum sexdecim navibus se receperunt; qui post aliquantulum repulsam passi, in mare receperunt se: sed animadvertentes quod bastardus Flandriæ frater Comitis Flandriæ, cui commissâ fuerat custodia portûs incaute se gerebat; sedebat enim cum suis & comedeat, super eos ruentes subito quasi omnes interfecerunt, prædictum verò bastardum captum in Hollandiam deduxerunt, pluribus tam de suis quàm de Flammingis interfectis. Hoc anno venerunt aliqui in Curiam Regis Franciæ sub specie Religionis, qui Regem cum tota Curia impotionare volebant; sed capti ac deprehenfi*, quid de eis postea factum sit ignoratum est. Hoc anno aliqui Flandrenses & maxime illi de Gandavo contra Regem Franciæ ac contra Comitem Flandriæ rebellare nisi sunt; sed auctoritate Summi Pontificis per Episcopum Silvanectensem ac Abbatem Sancti Remigij excommunicati repressi sunt.

MCCCXXXVIII.

Hoc anno xv. die mensis Aprilis apparuit altera cometa satis propè, & erat parum clara & jocunda sine capillis, & sic fuerunt duæ cometæ in uno anno. Hoc etiam anno Rex Angliæ EDUARDUS ad par-

Eeeee iij

tes Brabantiae uxorem suam sororem Comitis Hano-
niae & neptem Regis Franciae secum adducens, cum
magno exercitu transfretavit; deinde ad Alemanniam
se transferens cum LUDOVICO Bavariae Duce, qui
tunc pro Imperatore se gerebat licet esset excommu-
nicatus, cum pluribus aliis Baronibus ac Magnatibus
Alemanniae confederatus est, factique sunt ejus sol-
darii, cuilibet secundum factum suum certam sum-
mam pecuniae pro stipendiis promittendo, certis ter-
minis persolvendam, ita tamen quod si in aliquo
terminorum praefixorum a solutione deficeret, con-
foederationes praedictae nullae reputarentur. Hoc eo-
dem anno idem Rex EDUARDUS a praedicto Duce
Bavariae LUDOVICO in Imperium Vicarius consti-
tutus est, qui vocationes ac citationes suas tamquam
Vicarius Imperij faciens ut Regnum Franciae hostili-
ter invaderet, pauci eidem obedierunt. Hoc etiam
anno audiens Rex Franciae PHILIPPUS quod Rex
Angliae cum Alemannis sibi confederatis Regnum
Franciae vellet invadere hostiliter, apud Ambianis,
ut sibi occurreret, exercitum quasi innumerabilem
congregavit, ut non legatur aliquem Regem tam va-
lidum ac potentissimum congregasse; sed cum ibi diu
expectasset cum exercitu suo, nec videret praedi-
ctum Regem Angliae amplius facientem quam inter
Alemannos delitescere, volens etiam terminos Im-
perij finaliter ac sine maxima deliberatione invadere,
sufficiens confiniis respicientibus *, unumquemque
ad propria remeare licentiavit. Hoc anno duae naves
notabiles Regis Angliae, quorum una vocabatur
Christophora, altera vero Eduarda cum aliquibus
aliis navibus communibus multis oneratis per gentes
Regis Franciae in mari capiuntur, non tamen sine
magna sanguinis effusione; nam ibi de Anglicis plus-
quam mille mortui sunt, & duravit bellum ferre per
unum diem integrum. Hoc eodem anno Scoti quia*
inter ipsos & Regem Angliae induciae erant, ad vo-
luntatem tamen Regis Franciae contra Anglicos * nihil

f. * munitis
vel aliud
quid

f. * quam-
vis
foris * cer-
taverunt,
sed

fecerunt. Hoc etiam anno cum Flammingi & maxime Gandavenſes à Comite ſuo Flandriæ, ut dicebant, multa gravamina paterentur, ſpiritu rebellionis arrepti ſunt & agitati, eundemque Comitem ſuum de finibus Flandriæ fugere compulerunt, multos minoris populi bonarum aliarum villarum ſibi conjungentes, & contra Magnos qui eiſdem reſiſtebant prævidentes pericula inſurgentes, multa mala gravamina eiſdem intulerunt; quorum caput & princeps fuit unus qui vocabatur *JACOBUS* de Ardevilla, non tamen, ut dicebant aliqui, contra Regem & Regnum Franciæ intendentes, ſed ſuum Comitem ſuis demeritis exigentibus perſequentes. Hoc etiam anno in Vaſconia, aliqua caſtra per gentes Regis Franciæ capiuntur, & maxime caſtrum munitiſſimum quod Penna de Agenſio diu obſeſſum in deditiōe recipitur. Hoc anno quædam bona villa in Regno Angliæ, quæ Hanonia dicitur, per gentes Regis Franciæ capitur, & deſpoliatur, & flamma vorace conſumitur. Hoc etiam anno *PHILIPPUS* Rex Franciæ quædam privilegia Normannorum confirmavit & renovavit, & ideo ipſi ut ad Angliam transfretarent magnis viribus ſe præparaverunt, nihil tamen de omnibus iſtis ad effectum deductum eſt. Hoc anno dominus de Haricuria qui antea Comitis nomine ac titulo uſus non fuerat, auctoritate Regia titulum ac nomen Comitis adeptus eſt.

MCCCXXXIX.

Hoc anno duo caſtra fortiſſima in terra Vaſconia, Burgum ſcilicet & Blavia per Regis Franciæ gentes capta ſunt, ibique videlicet in captiōe caſtri Blaviæ aliqui Nobiles & maxime dominus Caumont cum fratre Domini de Labret capiuntur. Eodem anno quædam villa in Comitatu Augi quæ vocatur Treportus ſuper mare cum Abbatia quæ erat ibi per gentes Regis Angliæ comburitur. Hoc etiam anno omnes Januenſes ſoldarij, qui mare per totam æſta-

tem custodierant cum Normannis, Picardis ac Britonibus marinariis, multumque Regnum Angliæ damnificaverant, circa festum sancti Michaelis ad propria sunt reversi.

Hoc anno circa idem festum Rex Angliæ magnum exercitum Anglorum, Brabantinorum, Alemannorum, soldatorum ac prædonum congregavit, ut Regnum Franciæ invaderet; cui Rex Franciæ obviare cupiens, exercitum permaximum, fortem ac robustissimum apud sanctum Quintinum in Viromandia congregavit. Sed cum ipse volens terminos Imperij faciliter subintrare bellum aliquandiu dissimularet, exercitumque suum nondum congregatum expectaret; idem Rex Angliæ cum prædonibus suis Regnum Franciæ hostiliter subintravit, ac partem non modicam Therachiæ incendit ac prædatus est, & tunc Rex Franciæ, nescitur quali usus consilio, eidem obviare differret *, propter quod magnum scandalum ac murmur non solum in exercitu, sed etiam in toto Regno contra ipsum exortum est. Tandem audito ejus ingressu apud villam quæ Vurefosse * dicitur, quadam die Veneris ei occurrit; nolensque bellum ulterius dissimulare statim arma arripuit, & armatus ad exhortandos ad bellum Duces & Barones suos ac totam militiam, necnon & totum exercitum profiluit: sed cum aliqui nescio quo spiritu ducti eidem bellum dissuaderent, quatuor sibi maximè proponentes: primò Dei reverentiam, quia ut dictum est dies Veneris erat: secundò quia cum exercitu suo jam per quinque leucas equitaverat: tertio quia ipsi nec equi sui de tota ista die comederant nec biberant: quartò difficultatem cujusdam passus inter ipsum & inimicos suos positi; differre bellum, licet eisdem multum resisteret, usque in crastinum adquevit, admonens & præcipiens omnes ut in crastinum ad bellum parati essent, Sacramentisque sacre Confessionis & Corporis Domini Nostri JESU CHRISTI diligenter se munirent. Quæ dilatio non solum sibi, sed

* distulit,

* Virefosse

sed toti Regno multum fuit nocua; nam, cum minori exercitu sine comparatione quam habebat potuisset inimicos debellare, ac Regnum suum de ipsis liberare, locum eis de loco ubi erant exeundi ac manus ejus ef- fugiendi tribuit: cum enim Rex Angliæ per referen- darios suos audiret ejus potentiam, ipsamque metuens, circa mediam noctem fugam iniit, & de Regno Fran- ciæ exivit, ac sicut vulpes ad foveam suam fugiens, infra terminos Imperij se se recepit.

Hoc eodem anno suburbia Bononiæ super mare cum aliquibus vasis in alveo & juxta in sicco positis per gentes Regis Angliæ combusta sunt. Hoc etiam anno Flammingi & maxime Gandavenfes spiritu rebellionis agitati contra Regem Franciæ cum Rege Angliæ con- fœderati sunt, ipsique tamquam Regi Franciæ ho- magium fecerunt. Quo factò, satis citò post Rex Angliæ ad Angliam transfretavit, ut à suis pecunias extorqueret, & exercitum copiosum contra Regnum Franciæ, & * auxilium Flammingorum adduceret. *f. * ad*
Hoc eodem anno illi de Episcopatu Cameracensi cum illis de Therachia plurimas villas de terra domini Jo- HANNIS de Hanonia combusserunt; & tamen * ex *f. * cum* pacto cum domino JOHANNES de Nemurs Capitaneo ipsorum pro parte Regis Franciæ se gerente, feriâ quintâ in Cœna Domini deberent configere, ipsis ad locum belli venientibus, idem dominus Johannes mi- nimè comparuit, sed ex adverso ad villam quæ Au- bantonnum dicitur, cujus homines expediti ad bellum processerant, se maliciose transferens, ipsam incen- dit ac prædatus est.

MCCCXL.

Hoc anno calamitatis & miseriæ, ignominia & con- fusionis, inter duos Reges Francorum & Angliæ nihil laudabile patratum est, quia quidquid in eo factum est non de Spiritu sancto sed ab Angelo Satanæ cre- dendum est processisse. Nam cum duobus seu tribus annis præcedentibus multa gravamina pauperibus Ec-

Tom. XI.

Fffff

* imposita.

clefius fuerint illata, necnon & exactiones gravissimæ
 omni communi populo *: hoc eodem anno maximæ
 confusiones convaluerunt, non tamen ad utilitatem
 Reipublicæ prædictorum Regnorum in aliquo, sed,
 prohi dolor! ad dedecus & confusionem totius Chri-
 stianitatis, & sanctæ & universalis matris Ecclesiæ,
 cujus præfati Principes principaliter & maximè de-
 buerant esse sustentamentum & fulcimen, hoc notum
 est accidisse. Hoc anno cum Rex Angliæ à Flandrensi-
 bus & maximè à Gandavensibus cum quibus confœ-
 deratus erat se absentasset, atque ad Angliam, ut di-
 cebatur, ut pecunias & auxilia congregaret, transfre-
 tasset, Comitēque Sarisbariæ cum Comite Auxo-
 niæ * loco sui in partibus Flandriæ dimisisset; iidem
 Comites consilio inito inter eos ut Insulam obsiderent,
 exercitum Anglorum atque Flammingorum non mo-
 dicum congregaverunt, quem ad duo milliaria vel
 circa ab Insula dimittentes, cum paucis quasi cum du-
 centis ut locum obsidioni congruum explorarent mi-
 nus tamen cautè processerunt, in exercitu suo quem
 dimiserant confidentes: quos videntes Insulani incau-
 tē procedere, ex adverso de villa profilierunt, ipsō-
 que Comite Sabariæ * de equo ictu lanceæ turpiter
 dejecto ac graviter vulnerato, ipsum cum suis qui ibi-
 dem advenerant antequam à suo exercitu auxilium
 possent habere, ceperunt, ac Francorum Regi præ-
 sentari fecerunt. Ibi etiam quidam Nobilis interfectus
 est, cujus inimici amputato capite omnino celaverunt
 ejus nomen, & fuit dictum à pluribus quod ipse erat
 Rex Angliæ, propter hoc quia tunc ita se occultabat
 quod vix aut numquam poterat inveniri; sed finaliter
 rei exitus contrarium comprobavit.

* Sarisbe-
ria.

Hoc etiam anno Flammingi, Brabantini & Hano-
 nes pacem Regi Franciæ obtulerunt, sed condiciones
 pacis quas offerebant non admisit, & eos vacuos abire
 permisit. Hoc anno Rex Franciæ PHILIPPUS con-
 tra Flammingos, Brabantinos & Hanones exercitum
 movens, & Attrebatum veniens diu ibi exercitum ex-

pectavit; filiumque suum dominum Johannem Ducem
Normanniæ ad devastandam terram Comitis Hano-
niæ præmittens, hic ipsam non modicum damnificavit,
ac castrum quod Eschauduerre dicitur cepit & fundi-
tus evertit, deinde aliud castrum quod Thini dicitur in
deditionem accepit. Deinde Rex Pontem Avendin
transiens, inter Duacum & Insulam venit, ubi exer-
citus ejus tam homines quàm equi diversis infirmitati-
bus graviter vexari cœpit. Hoc anno Rex Franciæ
Philippus audiens quòd Rex Angliæ EDUARDUS
qui diu latuerat, magnum navigium ad transfretandum
in auxilium Flammingorum præparasset, classem non
modicam Picardiæ ac Normanniæ accepit, ipsamque
munivit * ad impediendum transitum ejus, necnon &
domini Roberti de Attrebato qui cum eo erat. Con-
gregavit duos Admiraldos dominum scilicet HUGO-
NEM Queret & NICOLAUM dictum Buchet, ei-
dem classi præficiens: sed cùm in die beati Johannis
Baptistæ vel circa transfretasset & ventum esset ad
conflictum, nostri ad portum Scusæ Regem Angliæ
cum navibus suis expectantes ut à captione portus ip-
sum impedirent, (licet aliqui consulerent in medio
maris obviare sibi melius esse ad finem, quòd nec An-
glici nec Flammingi possent sibi auxilium ferre) primo
imperu satis bene se habuerunt; sed supervenientibus
Flammingis tam de portibus Scusæ quàm de portu-
bus vicinis in auxilium Anglorum, ipsos sustinere non
valentes fugam arripuerunt, multique in mari præci-
pites se dederunt, ut natando evaderent, sed à Flam-
mingis statim occidebantur in littore, & amissis pluri-
bus navibus, Nicolaum dictum Buchet etiam occi-
derunt, & in despectum Regis Franciæ ad malum na-
vis suspenderunt, dominum etiam Hugonem dictum
Queret in navi acceperunt. At ut aliqui asseriebant,
hoc totum accidit, quia isti duo Admiraldi malè con-
cordes erant, ac felle invidiæ commoti unus alterius
dignitatem ferre non valebat, secundum Lucani ver-
ba, qui dicit,

F ffff ij

*Nulla fides Regni sociis, omnisque potestas
Impatiens consortis erit, nec gentibus ullis
Credite, nec longè factorum exempla petentur;
Fraterno primi maduerunt sanguine muri.*

Volens dicere & annuere quòd quidquid dicatur seu fingatur, nullus vult habere socium in auctoritate, sed totam sibi attribuere auctoritatem.

Hoc etiam anno dominus Robertus de Attrebatò de sententiis in Curia Regis Franciæ contra eum latis non contentus propter Comitatum Attrebatensem, in quo jus se dicebat habere, Duce Burgundiæ ratione uxoris suæ per iudicium ac sententiàm diffinitiuam in saisina posito, ut villam sancti Audomari ad Comitatum Attrebatensem pertinentem obsideret, exercitum non modicum congregavit, & in loco ejusdem villæ satis propinquo tentoria collocans cum apparatu bellico, ut villam & locum obsidioni congruum exploraret, venit: sed Dux Burgundiæ qui intus erat obsidioni locum dare bonum esse non arbitrans, summatis oppidanis ut secum ad bellum exirent, & ipsis exire recusantibus, dicentibus villam suam velle custodire, cum illis qui cum ipso erant exivit ad bellum; & primò ab adversariis suis passus repulsam multum gravatus est ac periculosè pugnavit: sed PHILIPPO ejus filio ad adiutorium ejus cum Comite Armeniaci valente & potente Milite supervenientibus, inimicos fugere compulerunt. Sed nec hac victoria contenti usque ad tentoria sua in quibus quiescere cupiebant insecuti sunt, ipsorum suppellectilem cum tentoriis suis, & maximè tentorium Jacobi de Artevella sectæ Flammingerum pessimæ Capitaneo qui cum prædicto domino erat, ac insignia præcipua ejusdem domini Roberti diripuerunt, Regi Franciæ omnia præsentantes, & ipsos ultrà fugere compulerunt.

Hoc anno Rex Angliæ Eduardus collecto exercitu validissimo Anglorum, Flammingerum, Alemannorum, Brabantinorum, Hanoniorum Tornacum civitatem potentissimam in Regno Franciæ potenter ob-

fedit, & diu ibi moratus, fere ob defectum victua-
lium usque ad deditionem coëgit. Hoc etiam anno
Rex Franciæ PHILIPPUS audiens quòd Rex An-
gliæ Tornacum civitatem manu valida obsedisset, &
quòd cives ejusdem civitatis cum illis qui in villa ex
parte sua erant multum gravarentur, de loco inter
Insulam & Duacum ubi fere per quinque hebdo-
madas moratus fuerat castra movit, pontemque Bovi-
narum transiens, ad duo millaria vel circa ab exerci-
tu Regis Angliæ tentoria fixit; ibique inter duos
Reges, discurrentibus internunciis tam ex parte ip-
sorum, quàm ex parte Summi Pontificis, de indu-
ciis dandis diu fere per sex hebdomadas tractatum
est: quæ tandem de consilio bonorum virorum, ad
procuracionem maximè nobilis & religiosæ do-
minæ veteris Comitissæ de Hanonia Franciæ Re-
gis sororis, Comitissæ Hanoniæ matris, administran-
tibus prudentibus JOHANNES Rege Boëmiæ & Co-
mite Lucentisburgi, ARNULFO Leodiensi Epif-
copo, RADULFO Duce Lotharingiæ, AYMONE
Comite Sabaudia, JOHANNES Comite de Arme-
niaco, de voluntate & consensu utriusque Regis à
die * vicesima Septembris usque ad sequens fe-
stum sancti Johannis Baptistæ proximè venientis, &
usque ad ortum solis die sequenti in modum qui se-
quitur concessæ sunt.

al. * vigesi-
ma quinta

Omnibus præsentibus litteras inspecturis Johannes
per Dei gratiam Rex Boëmiæ & Comes Lucentis-
burgi, Arnulfus Episcopus Leodiensis, Radulfus Dux
Lotharingiæ, Aymo Comes Sabaudia, Johannes Co-
mes de Armeniaco, salutem & notitiam veritatis.
Omnibus notum facimus quòd ad dandas vel conce-
dendas treugas seu inducias inter Altos & Potentes
Principes duos Reges Franciæ & Angliæ, pro ipsis
& pro adjutoribus suis ac confœderatis, sive sint
Principes, Prælati vel Barones, aliæ gentes cujus-
cumque conditionis sint Ecclesiasticæ vel sæculares,
quas dictas treugas seu inducias alti homines ac po-

F ffff iij

» tentes Dux Brabantiae, Dux de Gueldris, Marchi-
 » sius de Juillers ac dominus de Hanonia & dominus
 » Bellimontis ex una parte, & nos praedicti Milites
 » ex altera parte, per potestatem nobis & aliis pra-
 » nominatis datam per praedictos Reges concessimus,
 » pacto firmavimus, & quilibet nostrum per fidem
 » suam posita manu in altera * affidavimus ex parte di-
 » ctorum Regum coadjutorum & confederatorum suo-
 » rum qualescumque sint, quilibet de parte sua ab ho-
 » dierna die usque ad diem Nativitatis beati Johannis
 » Baptistae proximè venientis, & per diem totam in-
 » tegram usque ad diem sequentem in ortu Solis. Et
 » hoc fuit tractatum, concessum, pacto firmatum, con-
 » cordatum & affirmatum per consilium praedictorum
 » Regum, & per nos in modum & formam quae sequi-
 » tur: Primò quòd durantibus dictis treugis nulla no-
 » vitas, nullum malum sive gravamen fiet ab illa * par-
 » te super alteram in praedictum dictarum treuga-
 » rum seu induciarum. Item concordatum est, quòd
 » dicti domini, coadjutores & confederati ipsorum qui-
 » cumque sint, in tali possessione & saisina sicut die
 » hodierna sunt de omnibus bonis, terris & possessio-
 » nibus quas modò tenent & acquisierunt quolibet
 » modo, durantibus dictis treugis remanebunt. Item
 » concordatum est quòd durantibus dictis treugis dicti
 » domini, coadjutores & confederati quicumque sint
 » illi poterunt pacificè ire de terra ad terram, & om-
 » nes mercatores cum mercimoniis ipsorum, necnon &
 » omnes personae, & omnia bona, & omnes providen-
 » tia * tam per terram quàm per mare & aquam ire
 » & venire liberè, sicut facere solebant temporibus an-
 » te exercitus Regum praedictorum; solvendo tamen
 » pedagia, roagia, cum consuetudinibus antiquitus as-
 » suetis, exceptis bannitis dictorum Regum, vel aliqui-
 » bus ipsorum Regum bannitis * pro aliquo forefacto
 » quàm pro guerra Regum praedictorum; sed Baro-
 » nes * de Vasconia ac de Ducatu Aquitaniae cum aliis
 » personis quae sunt de Vasconia, ac de Ducatu eo-

* altare

* una

 f * rerum
 necessari-
 arum ap-
 paratus.
 vulgò,
 provisions

* tam

* qui

dem sunt banniti vel aliter, in prædictis treugis com-
prehenduntur, ac de uno Regno poterunt ad aliud
Regnum securè durantibus treugis prædictis ire &
venire.

Item concordatum est quòd prædicti duo Reges
non poterunt procurare nec procurari facere per ip-
sos nec per alios quòd aliqua novitas seu gravamen
fiant per Curiam Romanam, vel per alias personas
Ecclesiasticas qualescumque sint illæ, super aliquo
modo dictorum Regum coadjutorum & confæde-
ratorum Episcoporum, nec per terras ipsorum vel
subditorum eorundem occasione dictæ terræ *, vel * guerra
pro alia causa, seu etiam pro aliquo servitio impen-
so ipsis confæderatis, vel eorum coadjutoribus Regi-
bus sæpèdictis vel civibus ipsorum: & si Pater San-
ctus Summus Pontifex vel aliqua alia persona hoc vel-
let facere, dicti duo Reges hoc impedirent sine inge-
nio * vel malitia durantibus dictis treugis. Item scien- * dolo
dum est quòd dictæ treugæ sunt proclamatæ in duo-
bus exercitibus Regum prædictorum, & tenentur eas
custodire & servare omnes tam præsentés quàm ab-
sentes qui hoc scire poterunt aut debebunt. Item
concordatum est quòd viginti dies ab hordierna die
computando, quilibet dictorum Regum in Vasconia
& in Ducatu Aquitaniæ in terris quas nunc tenent
& possident facient dictas treugas proclamari ad istum
finem, ut pro scitis & notoriis habeantur.

Item concordatum est quòd si per aliquem dicto-
rum Regum per gentes suas seu confæderatos vel
adjutores ipsorum aliqua obsidiones positæ sunt in
Vasconia & in Ducatu Aquitaniæ, seu aliquibus in-
sulis maris in Guerrisiaco vel alibi, omnes istæ obsi-
diones solventur prædictis treugis ad notitiam obsi-
dentium devenientibus, & quatuordecim personæ
septem per quemlibet dictorum Regum intrabunt
in villis, castris seu fortalitiis obsessis ex nunc, & po-
nentur * numero & quantitate victualium & perso- * finitis
narum in quali invenientur per dictas quatuordecim * treugis vi-
tualia

& perso- » personas supradictas. Item concordatum est quòd
 na in nu- » banniti & fugitivi de terra Flandriæ qui sunt & fue-
 mero & » runt de parte Regis Franciæ, non poterunt in Flan-
 quantita- » driam dictis treugis durantibus intrare seu venire, & si
 te in qua- » ita esset quòd aliqui prædictorum irent contra treugas
 li inve- » infra Regnum, fieret de eis iustitia: & omnia bona
 nientur » quæ haberent in terra Flandriæ essent confiscata.
 » Item concordatum est quòd debita apud Attreba-
 » tum, Crespinetis seu aliis quibuscumque non repe-
 » tentur nec exequentur * durantibus dictis treugis.
 *exigen- » Item concordatum est quòd omnes captivi seu pri-
 tur » sionarij in ista guerra, durantibus dictis treugis rela-
 » xabuntur à prisionibus suis, ad eas per fidem suam &
 » juramentum suum quilibet revertendo, nisi ita esset
 » quòd essent redempti ante datam treugam istarum
 » præsentium, salvo etiam quòd dicti prisionarij rever-
 » tentur ad prisiones suas per fidem suam & juramen-
 » tum deficientibus dictis treugis: & si contingeret
 » quòd aliquis prisionarius esset rebellis ad prisionem
 » suam revertendi, dominus sub quo esset cogeret eum
 » ad hoc faciendum indilatè.
 » Item ordinatum est, quòd omnia levata qualia-
 » cumque sint & qualitercumque sint ante dictas treu-
 » gas tempore guerræ, sive sint de bonis spiritualibus *
 » vel aliter, remanebunt levata sine hoc quòd aliquis
 » teneatur ad restitutionem durantibus dictis treugis.
 » Item concordatum est quòd ex nunc treugæ capiun-
 » tur inter Anglicos & Scotos, dominos eorum, coad-
 » jutores & confederatos eorum super sufferentiam
 » guerræ quam habent inter ipsos, usque ad Nativita-
 » tem beati Johannis Baptistæ duraturæ, & quòd cer-
 » tæ personæ sint deputatæ per prædictas partes ad con-
 » veniendum ad certam diem & ad certum locum in con-
 » finiis Angliæ & Scotiæ ad dictas treugas confirmandas
 » sub tali conditione, sicut aliàs consuetum est in par-
 » tibus illis, ita quòd durantibus dictis treugis Franci
 » nec dominus eorum in aliquo non fortificarent eos
 » nec in gentibus nec in armis; & in casu quòd gen-
 » tes

* Ecce-
 stasticis

tes Scotiæ & dominus eorum dictis treugis non vel-
lent allentire, vel eas vellent infringere, tunc Fran-
ci nec dominus eorum non fortificarent eos duranti-
bus dictis treugis. Item concordatum est quod istæ
prædictæ treugæ erunt notificatæ in partibus Angliæ
& Scotiæ infra viginti quinque dies post datam præ-
sentium litterarum. Item concordatum est quod in
istis treugis comprehenduntur Hispani, Castellani,
Januenses & Provinciales, Episcopus cum Capitulo
Cameracensi & Castellum Cameracense cum omni-
bus Cameracensibus, dominus de Labret Vicecomes
Fronfaci, Gasto de Insula, dominus de Treubon, do-
minus Johannes de Vervinno, dominus de Roya. In
cujus rei testimonium præsentem litteras nostris sigillis
sigillavimus, factas, concordatas & datas in Ecclesia
de Espechin die Lunæ xx. Septembris, Anno Domini 1340.
millesimo tricesimo quadragesimo.

Hoc etiam anno Rex Hispaniæ & Rex Portugaliæ
contra Sarracenos feliciter pugnaverunt, & ex ipsis
Sarracenis circa centum quinquaginta millia interfe-
cerunt. Hoc anno Rex Scotiæ D A V I D cum uxore
sua Regis Angliæ sorore, qui diu Regis Angliæ timore
ad Regem Franciæ exulaverant, & in castro Gaillardi
morati fuerant, ad Regnum proprium sunt reversi.

CONTINUATIO ALTERA

Chronici Guillelmi de Nangis.

Siquis ad memoriam reducere voluerit magnam par-
tem eventuum satis mirandorum ab anno Domini
1340. & deinceps, legat præsentem scripturam quam
ego Frater quidam * per hos apices, prout in parte * quondam
vidi & audiui, sub brevibus memoriæ commendavi.
Imprimis ad manus meas pervenerunt quasi prophetiæ
ignotæ, sed quid in parte significarent ignoratur,
utrum autem veritatem dicant vel aliud non dico, sed
arbitrio legentium relinquatur. Sacerdos quidam diœ-
cesis Turonensis anno Domini 1309. liberatus de ma-

Tom. XI.

G g g g g

nibus Sarracenorum, qui ipsum captivum detinuerant per spatium tredecim annorum & trium mensium, celebrat Missam suam in Berhleem ubi Dominus fuit natus, & dum esset in Secretum Missæ suæ & oraret pro populo Christiano, apparuerunt litteræ aureæ coram eo scriptæ per hunc modum: *Anno Domini 1315. die decima quinta mensis Martij incipiet tanta fames, quod populus humilium certabit & curret contra potentes sæculi & divites. Item Corona Pugilis potentissimi corruet postea satis citò. Item flores & rami ejus quassabuntur seu frangentur. Item una nobilis & libera civitas à servis occupabitur & capietur. Item extranei ibidem trahent moram. Item Ecclesia cancellabit & genus sancti Petri. Item sanguis multorum fundetur super terram. Item una crux rubea exaudietur & elevabitur* *; ideo vos boni Christiani vigilate. Hæc sunt verba hujus visionis, sed quid significant veraciter ignoratur.

* exaltabitur.

Ætas auctoris hoc anno.

Sciendum est quod famem illam quam prædixit magnam & prævalidam eodem anno millesimo trecentesimo decimo quinto vidi inchoatam dum eram ætatis septem vel octo annorum, quæ adeò fuit gravis & dura in Francia, quod maxima pars hominum fame & penuria interiit; & duravit fames illa per duos annos & amplius, nam anno xv. inchoavit & anno xviii. cessavit; & sicut fuerat caristia magna bladorum, ita Deo disponente quasi inopinatè rediit abundantia, & cessavit caristia supradicta; sed & mulieres quàm solito abundantius concipiebant & prolem gignebant elegantem. De aliis enim punctis dictæ visionis si quæ postea ex eis evenerunt postea apparebit.

Alia autem prophetia talis magis est obscura. *Filius regnans in meliori parte mundi movebitur contra semen leonis, & stabit in agro inter spinas regionis: tunc filius hominis veniet ferens feras in brachio, cujus Regnum est in terra lune, cum magno exercitu transibit & ingreditur in terra leonis carentis auxilio, quia bestia regionis suæ carnem suam dilaceraverunt. Illo anno veniet aquila à parte Orientali alis extensis sub dolo cum magna multitudine pullorum suo-*

rum in adiutorium filij hominis: illo anno castra destruentur, terror magnus erit in populo, & in quadam parte leonis erit lilium; inter plures Reges in illa die erit sanguinis diluvium, & lilium perdet coronam suam, de qua postea filius hominis coronabitur; per quatuor annos sequentes fient in mundo praelia inter fidem tenentes, major pars mundi destruetur, caput mundi ad terram erit declinatum; sed filius hominis cum aquila praevalabit; tunc erit pax in toto orbe terrarum & copia fructuum, tunc filius * hominis admirabile signum f. * filij transibit ad terram promissionis, quia omnia primæ causæ promissa tunc permanebunt impleta. Ista sunt verba hujus prophetiæ, quam ut fertur, fecit Magister JOHANNES de Muis qui temporibus suis fuit magnus Astronomus, quid autem significet ego & multi alij ignoramus. Alteram autem prophetiam magis claram loco suo subscribendam, inferius bene post superaddam. Nunc ad aliquos mirandos eventus & fortuitos sed non ad omnes qui in Regno Franciæ, & ad pauca quæ alibi evenerunt circa annum Domini 1340. & deinceps sicut vidi & audiui veraciter declarandos venio ut promisi.

Circa igitur annum Domini 1340. visa fuit stella 1340.
cometa in istis partibus Gallicanis versus partes meridionales, seu inter meridionalem plagam & occidentalem, mittens caudam suam & radios ad partem orientalem & aquilonarem; quæ quidem stella præfagium fuit futurarum tribulationum in Regno, ut creditur, & bellorum. Nam circa idem tempus regnante in Francia domino PHILIPPO de Valesio, qui jam regnaverat per duodecim annos, qui erat filius domini CAROLI de Valesio quondam Comitis Andegaviæ, qui fuerat frater PHILIPPI Regis Pulcri, EDUARDUS Rex Angliæ opinionem acceperat quod deberet regnare in Francia & nullus alius, & hoc ratione matris suæ ISABELLIS, quæ fuerat filia dicti Philippi Regis Pulcri, quia nullus heres masculus erat propinquior, ut dicebat, & ob hoc ante hos annos diffidaverat dictus Rex Angliæ dictum Regem Franciæ Phil.
G g g g ij

lippum de Valesio, licet tamen sibi dudum fecisset homagium de terris quas à dicto Rege in Gallia tenuerat & tenebat, & ideo disposuit movere guerram contra dictum Regem Francorum Philippum, & transfretare ad partes Gallicanas, & hoc de consilio domini ROBERTI de Artesio & GUILLERMI Comitis Hanoniæ, cujus filiam desponsaverat dictus Rex Angliæ Eduardus. Igitur in illis diebus, factis per dictum Regem Angliæ magnis confœderationibus cum JOHANNE Duce Brabantiæ, & cum prædicto Guillelmo Comite Hanoniæ, & cum multis Alemannis, ac etiam cum gente Flandriæ, quæ dictum Ludovicum Comitem suum à Flandria expulerat illis temporibus, & quemdam burgensem de Gandavis nomine JACOBUM de Artevella eloquentem valde sibi in Rectorem monstruose præfecerat. Dictus Rex Eduardus cum magna gente armorum in mare ut transfretaret ad Franciam se posuit. Quod sentiens PHILIPPUS Rex Francorum, ad resistendum ne applicaret ad portum, Johannem dictum Behucher quemdam burgensem Turoniæ vel Cenomaniæ per mare cum magna multitudine navium & hominum bellatorum sibi obviam misit, & navali bello inito ante Scusam in Flandria versùs Catat dictus Behucher, qui strenuè se habuit cum suis ab Anglicis devictus est & occisus, Flammings adhuc adjuvantibus dictum Regem Anglorum, quampluribus tamen de Anglicis nobilibus & aliis à dictis Gallis interfectis, & tunc Rex Angliæ ad Scusam & ultra per mare transiens venit usque Antuerpiam in Ducatu Brabantino. Temporibus autem istis videns Rex Francorum Philippus Flammingsos rebellantes contra suum Comitem, supplicavit Ecclesiæ ut in partibus Flandriæ interdictum poneretur, & sic factum est, quod quidem interdictum à toto Clero fideliter & obedienter non sine magno periculo est observatum, non tamen, ut dixi, sine magno periculo, quia iste Jacobus qui tunc in tota terra Flandriæ tyrannicè præsidebat Clerum interdictum observantem in-

terficere molitus est, sed Deus qui suorum est custos obedientium non permisit. Rex verò Angliæ cum suo exercitu per Brabantiam veniens ad partes Therassiae per Hanoniam transiens versùs Guisiam applicuit, totam terram Gallicanam deprædando, cremando & vastando. Quod audiens Rex Francorum PHILIP-
pus sibi cum maxima multitudine armatorum tam de Aquitania quàm de Britannia & aliis diuersis Regni partibus obuiam perrexit usque apud Byron fossam in Therassia prope Guisiam, sed non pugnauerunt, quinimmo treugis datis Rex Angliæ per Flandriam ad partes suas remeavit, & Rex Franciæ cum suis ad partes Parisienses reversus est. Non multum post verò temporis Rex Angliæ Eduardus adhuc citra mare veniens per Flammings iterum receptus est, & de consilio ipsorum se Regem Franciæ & Angliæ vocari fecit, arma sua sive signa armorum per quarta-
ria dividens, scilicet signa Angliæ & Franciæ in scuto & aliis ponens novum dominium designando, & dum esset in Gandavia trahens moram uxor sua quæ cum eo de Anglia prægnans advenerat peperit filium, quem de sacris fontibus levatum ut Leo vocaretur ordinavit. Sic igitur nomen Regis Franciæ & arma scilicet cum suis permixta usurpavit tunc temporis & accepit, quod non modicum scandalum & indignationem Regi Franciæ & multis aliis tam viris Ecclesiasticis quàm ceteris generavit, & tunc à Ludovico Duce Baviaræ qui tunc temporis Imperium contra voluntatem Ecclesiæ usurpavit, & ob hoc excommunicatus & Schismaticus reputatus, impetravit dictus Rex Angliæ ut esset ejus Vicarius in partibus Hanoniensibus & Cameracensibus; quo concessio venit per Hanoniam volens inuadere civitatem Cameracensem, pro eo quòd Episcopus & cives ferebant auxilium Regi Francorum seu juvamen, qui quidem Cameracenses multa mala à dicto Rege Angliæ & Hanoniensibus eos sustinentibus eis viriliter resisterunt, & tunc domini Cardinales, qui à domno Pa-

G g g g iij

pa in Franciam missi fuerant, pro pace componenda treugas inter Reges posuerunt, & sic Rex Angliæ ad Flandriam remeavit, ubi stetit per magnum tempus, cogitans Regnum Francorum inuadere, quod & fecit postea, ut dicetur: sed prius dicemus de aliis quibus aliis accidentibus qui temporibus istis in diversis partibus acciderunt.

In temporibus autem istis incœperunt homines & specialiter Nobiles, ut putâ nobiles scutiferi & eorum sequaces sicut aliqui burghenses, & quasi omnes servientes seipsos in robis & habitu deformare, nam gestare cœperunt robas curtas, & ita breves, quod quasi eorum nates & pudenda confusibiliter apparerent, quæ fuit res in populo satis mirabilis, quia antea honestius incesserant, barbas longas omnes viri ut in pluribus nutrire cœperunt. Illum autem modum quasi omnes exceptis illis qui erant de sanguine Regio in Francis receperunt, qui quidem modus derisionem in communi plebe non modicam generavit. Ex tunc namque fuerunt tales multi ad fugiendum coram inimicis magis apti, prout eventus pluries comprobavit. Eodem anno Philippus de Valesio sororem suam, quam dominus ROBERTUS de Artesio duxerat in uxorem, tenuit in carceribus cum suis liberis propter dictum dominum Robertum, qui banitus erat de Francia & fugerat in Angliam, stans ibi cum Rege Angliæ & assistens in omnibus guerris suis contra Regem supradictum Francorum.

1341.

Anno autem sequenti, scilicet anno Domini 1341. obiit Princeps inclytus videlicet Dux Britanniae Johannes secundus filius Ducis Arturi, qui habebat in uxorem dominam JOHANNEM de Sabaudia, & sepultus est in Plameluo in Britannia, in Monasterio Fratrum Beatae MARIAE in Carmelo, juxta avum suum JOHANNEM Maucclare Ducem, primum Fundatorem dicti loci, qui fuit progenitor Arturi supradicti. Obiit autem Dux JOHANNES sine liberis, quapropter postea fuit orta gravis & dolorosa

guerra in partibus Britanniae propter Ducatum supradictum; de qua guerra & per quam plusquam triginta millia hominum postea in istis partibus evenerunt. Nam dictus Dux fratrem habebat Comitem Montis-fortis in Francia, qui superveniens voluit se facere Ducem Britanniae loco fratris sui jam defuncti. Ex altera parte supererat quaedam domina JOHANNA nomine filia alterius fratris istorum duorum, qui fuerat antiquior isto Comite Johanne, sed mortuus fuerat ante Ducem Johannem; & illam filiam duxerat Carolus filius Comitis Blesensis in uxorem, qui dicebat Ducatum ratione dictae filiae quae erat ejus uxor sibi deberi, quia filia illa tenebat locum patris sui licet defunctus esset. Ex hac autem controversia fuit orta dissensio inter eos, & tandem venientes ad Judicium Regis Franciae Philippi in Parlamento Parisius, auditis rationibus & allegationibus partium, & visis consuetudinibus Britanniae, adjudicata fuit terra & Ducatus deberi dictae filiae & Carolo ejus marito, & non Johanni Comiti Montis-fortis: quod videns dictus Comes clam de Parisius recessit nec judicatum tenuit, sed ad civitatem *Nantes* pergens cum civibus & aliis villis per aliquam partem Britanniae confederationes faciens rebellare disposuit, & terram obtinere credidit vi armorum, mittens uxorem suam JOHANNAM sororem LUDOVICI Comitis Flandriae in Angliam cum unico filio quem habebat, Johannem nomine, ut Rege Angliae qui inimicus erat Regis Franciae finaliter tueretur. Videns autem Rex Flandriae Philippus rebellionem dicti Comitis misit contra eum ad partes Britanniae dominum JOHANNEM de Francia Ducem Normanniae primogenitum suum cum magna multitudine armatorum, qui veniens cum gente sua ad castrum quod dicitur *Chantoeaux* locum fortissimum supra fluvium Ligeris in introitu Britanniae, cepit dictum castrum vi armorum, & burgum totum concremavit; & inde propugnavit civitatem Nanatensem. Quod sentientes

cives Nanatenses & timentes valde, claves portaverunt dicto domino Johanni Duci Normanniæ, reddentes ei civitatem, & promittentes ei obedientiam observare CAROLO de Blesis & ejus uxori tanquam Duci Britannię. Comes autem Montis-fortis qui recesserat ad inferiores partes Britannię, hoc audiens recessit post uxorem suam ad Angliam, volens habere auxilium à Rege Angliæ Ducatum Britannię contra CAROLUM de Blesis & ejus uxorem recuperando quando posset. Habebat enim magnam partem Britannię pro se & aliquos Barones Britannię, sed non omnes: nam dominus CAROLUS de Blesis plures pro parte sua de Nobilibus obtinebat. Sic igitur villa Nanatensis Duci Normanniæ reddita, Dux pacificè dictam civitatem Nanatensem intravit, pacificèque recessit, & cives Nanatenses dictum Carolum & ejus uxorem in suum dominum atque suum Ducem unanimiter receperunt. Sed non sic postea negotia in pace permanserunt, quinimmo multa mala & magna guerra satis citò exorta sunt, ut inferiùs describetur.

Temporibus illis obiit GUILLERMUS Comes Hannoniæ pater Reginæ Angliæ & pater uxoris Ludovici Ducis Baviaræ, qui Ludovicus pro Imperatore se gerebat. Hic Guillelmus multum contrarius erat Regi & Regno Franciæ, favens partem Regis Angliæ propter Reginam Angliæ filiam suam, & tamen habebat sororem Regis Franciæ in uxorem, quæ sancta domina erat & devota ut apparuit; nam videns quòd post mortem viri sui mala inolecebant atque guerræ, & quòd filius suus juvenis Guillelmus Comes Hannoniæ erat contra Regem Franciæ fratrem suum, sicut fuerat pater ejus; dolens de hoc, nec valens apponere remedium ut optabat, effecta est Monialis in Abbatia de Fontenellis juxta Valentianas ordinis Cisterciensis, ubi quantæ devotionis & sanctitatis ibidem floruerit sciunt sorores dicti loci. Illis autem diebus regebat sanctam Matrem Ecclesiam

fiam dominus Papa XII. BENEDICTUS, Ordinis Cisterciensis. Nunc ad gesta de Regibus Franciæ & Angliæ, & de eorum guerra de cetero dicendum est.

Eodem anno 1341. EDUARDUS Rex Angliæ confederatus cum Duce Brabantiæ JOHANNE sicut aliàs cum Jacobo de Artevella, qui Flammingis, ut dictum est, monstruosè & tyrannicè præsidebat, & cum Alemannis multis civitatem Tornacensem cum magna copia armatorum obsessit, existentibus Flammingis in obsidione prædicta versùs partes Flandrenses, Duce Brabantiæ cum suis versùs partes suas, Comite Hannoniæ Guillermo juvene versùs partes Hanonienses, & Rege Angliæ cum suis Anglicis & Alemannis versùs partes Insularum & sancti Audomari, & durante dicta obsidione dicta patria Tornacensis multa gravia passa fuit: Nam inimici prædictam patriam devastaverunt, & Comes Hannoniæ unà cum illis de Valenchis, villam de sancto Amando in Pabula ad tres leucas de Valenchis sitam, totam unà cum Monasterio ceperunt, cremaverunt ac etiam spoliaverunt, & multas alias villas adjacentes. Audiens autem Rex Franciæ PHILIPPUS Regem Angliæ obsidere civitatem Tornacensem & suos cum Hanoniensibus patriam Franciæ eis vicinam devastare, misit ad partes Hannoniæ filium suum primogenitum JOHANNEM Ducem Normanniæ ut patriam Franciæ ab inimicis defensaret, qui videns patriam Franciæ circa Hannoniam ab Hanoniensibus ita devastatam, terram eorum similiter devastavit in parte; unde Appram cremavit & multas alias villas in confinio etiam usque ad portas Valentianas: quo facto ad Regem patrem suum est reversus. Rex verò PHILIPPUS appropinquans ad partes Tornacenses Attrebarum cum magna gente accessit, & habitis multis tractatibus cum Rege Angliæ & cum Flammingis, ordinatum fuit quòd Rex Franciæ interdictum quod procuraverat apponi in Flandria faceret amoveri, & ipsi omnes de obsidione Tornacensi re-

Tom. IX.

H h h h h

cederent. Ad quod faciendum Rex Franciæ consentiens interdictum quantum in se fuit amoveri fecit, quod maximum gaudium in Flandria generavit, & per hoc Flammingi ab obsidione recesserunt, & similiter Rex Angliæ & ceteri inimici & civitas Tornacensis, quæ jam penuriam victualium habere inchoabat, fuit ab omni periculo liberata, & Flammingi tantum Ecclesiasticum & organa resumpserunt. Inconsultâ tamen de hac re, Romanâ Ecclesiâ, à qua omnis pœnitentia & omnis gratia atque relaxatio derivatur, unde ipsam restitutionem sic sine sancta Matre Ecclesia factam non approbavit ipsa dicta Ecclesia nisi usque ad magna tempora sequentia, videlicet usque ad tempora Papæ Innocentij VI. qui ad eorum humilem petitionem dictum interdictum approbando totaliter relaxavit, & obnoxios absolvi misericorditer mandavit, mortuo jam eorum Capitaneo Jacobo de Artevella & occiso per suos, qui ei diu fuerant in rebellionibus contra suum Comitem aliquando assistentes.

1342.

Post hæc anno Domini 1342. obiit domnus Papa BENEDICTUS XII. & domnus PETRUS Roge-rij Cardinalis Monachus est in Papatu consecratus, & CLEMENS VI. est vocatus, Doctor in Sacra Theologia, natione Lemovicensis, dilectus & benignus; fuerat enim ante Cardinalatum Archiepiscopus Rothomagensis. Eodem anno Rex Angliæ EDUARDUS supradictus à Comite Montis-fortis, de quo supradixi, ut ad terram suam scilicet Ducatum Britannia acquirendum adjuvaret requisitus est, qui quidem Rex Angliæ ei annuens ad Britannicas partes per maria navigavit, & magnam partem obtinuit vi armorum, ut putâ, civitatem Nannetensem & alia castra multa usque ad Malumstrictum * inclusivè. Quod audiens Rex Franciæ contra ipsum ad Britanniam deffendendam celeriter se paravit, & veniens usque Planelium ubi Dux Johannes defunctus sepultus cum dicto Rege Angliæ se obtulit pugnaturum, sed

vulgo * *Mal-lestrois.*

ibi fuerunt duo Cardinales missi per dominum Papam, qui de consensu utriusque treugas per duos annos inter eos posuerunt sub hoc pacto, quod civitas Nannerensis in manu Ecclesiæ reverteret usquedum de pace bona inter ipsos esset finaliter ordinatum, & Rex Angliæ illa alia loca quæ ceperat in manu sua teneret, donec ordinatum esset cui terra deberetur, & sic taliter treugis datis ambo Reges ad propria redierunt, sic tamen quod Rex Angliæ pro parte sua custodem dimisit Thomam d'Agorne Militem strenuum & nobilem valde, & Rex Franciæ dimisit Carolum de Blesis pro alia parte, cui tota terra ratione uxoris suæ meritò subiacebat. Eodem autem tempore Comes Montis-fortis, pro quo Rex Angliæ certaverat, in partibus Britannicis obiit habens unicū filium nomine Johannem in Anglia, & sic pars ejus debilitata magis fuit.

Anno Domini millesimo trecentesimo quadragesimo quarto siluit satis terra, sed anno 1345. accidit quod dominus Carolus de Blesio Dux Britanniae supradictus iniit bellum apud Ruppam de Naut *, in Britannia profunda contra Thomam d'Agorne, qui positus erat in Britannia pro parte Regis Angliæ, qui instabat pro Comite Montis-fortis, ut dictum est, vel saltem pro ejus filio, qui quidem filius erat in Anglia cum matre sua adhuc puer & juvenis: unde in dicto conflictu sic evenit quod multis ex utraque parte interfectis, & potissimè quam pluribus Baronibus, Militibus & aliis de partibus Britanniae, CAROLUS Dux ab Anglicis est devictus & captus, & tandem in Angliam ductus est prisionarius & captivus, sed postmodum ad duram & magnam redemptionem positus ad partes Britannicas est reversus, manentibus liberis suis in hostagione apud Angliam donèc de redemptione sua pecuniaria esset Regi Angliæ plenariè satisfactum. Interim autem remansit tota Britannia multum desolata atque læsa; nam Anglici postea dictam civitatem Nanetensem in manu sua receperunt, domi-

H h h h h ij

1344.

1345.

Gal. * Roche du rien

nium occupantes & multas alias villas atque castra postmodum ceperunt, cremaverunt, patriam in locis plurimis devastantes, sicut Plamelium & alia plura loca de quibus supersedeo quoad presens. Multa etiam fuerunt in partibus illis bella particularia inter Gallicos missos illuc per dominum Philippum Regem Franciæ pro tuitione terræ Britanniae, & inter Anglicos & alios Britones de parte eorum ibidem existentes, in quibus bellis particularibus aliquando Anglici perdiderunt sicut in conflictu de Redone, ubi Thomas d'Agorne cum suis interiit, & sicut in Plamelio ubi triginta de parte Gallicorum contra triginta de parte Anglicorum insimul concorditer pugnauerunt, ubi pars Anglicorum devicta est. E contrario etiam alios conflictus habuerunt sicut apud Maurrout, ubi GUIDO de Nigella, dominus de Offemonte Marecallus Franciæ Miles probus & strenuus, unâ cum ROBERTO Muleti Senascallo Andegaviæ, cum multis aliis tam Gallicis Britonibus quàm Normannis qui in prælio ceciderunt.

1345.

Eodem anno 1345. GUILLERMUS juvenis Comes de Hanonia ad Frisones cum magna multitudine Baronum & Militum de partibus Hanoniæ debellandos navigio transfretavit, volens eos subjugare totaliter & domare, sed non sicut crediderat actum fuit; Nam dum de navi descendisset ad eos nondum adhuc tota gente sua transfretata Frisones armatos quasi in littore obvios habuit, qui contra ipsum & contra plures Nobiles debellantes dictum Comitem Hanoniæ cum quamplurimis Militibus & aliis de gente sua celeriter occiderunt: quod videntes qui prædictum Comitem navigio sequebantur festinanter ad propria sicut venerant, sunt reversi, dominum suum Comitem mortuum & alios in terra Frisonum in navibus dimittentes. Hic autem Comes sicut fuerat in guerra pater suus contrarius Regi Franciæ pro Rege Angliæ, ita & ipse, & tamen Rex Franciæ erat avunculus suus, sed tamen, ut dicitur, incipiebat ad

partem Regis Franciæ reverti, unde pius Rex PHILIPPUS avunculus ejus de morte quamplurimum doluit sciens eum esse nobilem & magnanimum & fuisset si diu vixisset. Ista autem quæ dicta sunt initia sunt mirandorum eventuum & malorum quæ postea deinceps & in diversis mundi partibus evenerunt, sed plius in Francia quàm alibi, ideò de his majorem partem prout vidi & audiui scire volentibus hic describam pleniorē & prolixiorē descriptionem & declarationem, aliis qui ista gesta scribere voluerint relinquendo. Nolo autem aliud nisi tangere in grosso gesta quæ sequuntur atque volo tempora eorum quæ temporibus meis vidi certius scribere & notare.

Quæ vidit
Auctor describit.

1346.

Igitur anno Domini millesimo trecentesimo quadragésimo sexto, mense Julij EDUARDUS Rex Angliæ qui se Regem Franciæ nominabat & arma Francorum cum suis jam permixerat, scilicet Lilia & Leopardos, qui etiam jam fuerat in Britannia pro Comite Montisfortis contra dominum PHILIPPUM de Valesio Regem Francorum, & contra dominum CAROLUM de Bleseo Ducem Britannia, ut satis superius fuit dictum. Idem EDUARDUS Rex Angliæ anno prænotato defuncto jam diu prædicto Comite Montisfortis, & etiam domino ROBERTO de Artesio mortuo, de cujus consilio Rex Angliæ præfatus guerram contra Francos inceperat, transfretavit ab Anglia cum magna multitudine armatorum, & applicans ad partes Normanniæ, videlicet in partibus Neustriæ, capere voluit Cadomum, quod & fecit. Hoc autem sentiens Rex Franciæ misit contra eum virum potentem in armis, videlicet Comitem d'Eu qui erat Conestabilis Franciæ cum multis, GUILLELMUM de Tancarvilla, sequens eos usque ad Rothomagum. Veniens autem Rex Angliæ apud Cadomum fixit tentoria prope villam, & quia villa Cadomi muros non habebat tunc temporis nec clausuram, Anglici manu armata habentes Ductorem suum Godefridum de Haricuria, qui bannitus antea fuerat de Francia, Miles strenuus in

H h h h h iij

seu *Cam-
bellano.

armis & astutus, villam Cadoni intraverunt cum impetu ut eam deprædarentur & vastarent. Illi autem de villa cum dicto Conestabili & Camerlingo* cum aliis Nobilibus quos habebat eis viriliter resisterunt pugnantes contra eos in medio dictæ villæ, videlicet iuxta pontem & suprâ ante Ecclesiam sancti Petri, in quo ponte est nunc ædificatum castrum valde pulcrum. Pugnantibus autem illis multi ex utraque parte ceciderunt, tandem Anglicis existentibus potentioribus pro eo quod sibi invicem succedebant, & de campis ubi Rex Angliæ versus Monasterium Monialium tentoria fixerat successivè ad sibi succurrendum ad prælium mutuo accurrebant, Cadomenses in bello ceciderunt, ita quod Conestabilis & Camerlingus capti fuerunt ab Anglicis & ducti ad Angliam. Rex verò Angliæ cepit villam & spoliavit eam, & magnam partem vastavit & cremavit, & inde recedens multos viros & mulieres secum captivos duxit, castrum tamen quod est fortissimum non cepit, quia non potuit. Deinde dictus Rex Angliæ à Cadomo recedens versus Rothomagum dirigens gressus suos totam patriam vel majorem partem concremando & vastando, sicut est *Crouchart* & aliæ villæ multæ, & iter suum facientes Anglici cum Rege suo per Monasterium de Becco Helliuni transierunt, ibique non nocuerunt nisi quod victualia receperunt, & sic per illas partes venientes juxta Rothomagum, ubi Rex Francorum PHILIPPUS tunc temporis erat, in principio mensis Augusti posuerunt ignem in aliquibus domunculis juxta Monasterium beatæ MARIÆ de Prato, & statim versus Franciam recedentes ante Pontem-Archæ venerunt, & suburbia & ligna quæ erant in littore maris cremaverunt, & simili modo apud Vernonem fecerunt; & sic semper procedentes per partem quæ est supra flumen Sequanæ versus Carnotum cremando & patriam miserabiliter devastando, nemine eis resistente nisi quando bonas villas invadebant, ut putà, Vernonem & Meulant, usque Poissiacum pervenerunt. Rex autem

Franciæ PHILIPPUS de Rothomago recedens ad alteram partem Sequanæ eos celeriter insequens Parisius accessit, Rege Angliæ cum suis in Poissiaco manente: qui quidem Rex Angliæ veniens usque ad villam sancti Germani in Laya eam spoliavit, incendit & domum Regiam, quæ ibi est, & etiam alias villulas adjacentes sicut est *Nantere*, Caroli-Venna, *Ruel*, & cetera usque ad portum de *Nully*, quinimmo etiam turrem quæ dicitur *Monjoye* cremaverunt, quam quidem turrem fecerat Rex Francorum non erat diu solemniter reparari. Omnes autem hos eventus ut in pluribus vidi ego qui hæc scripsi, & poterant videre illi de Parisius qui super tures ascendebant; sed hæc sunt modica in comparatione futurorum. In primo autem exercitu Anglicorum erat Godefridus de Haricuria Normannus Miles de Regno Franciæ qui de Regno fuerat exulatus.

*Vidit quæ
scribit Au-
tor.*

Hæc verò eis agentibus nemo eis obviabat, sed finem sui recessus Rex Franciæ PHILIPPUS expectabat, unde in vigilia Assumptionis Beatæ Virginis dicti anni fuit dictum dicto domino Regi quod Rex Angliæ cum suis versùs partes Tornacenses ire disponebat, quod verbum credens Rex Francorum esse verum, statim ad sibi obviandum se viriliter disposuit exiens de Parisius, & veniens apud Antoniacum ultra Burgum Reginæ tentoria fixit, & dum ibi Regem Angliæ ut dicebatur transiturum expectaret Rex prædictus, pontem de Poissiaco reparari fecit, qui propter eum fractus fuerat, & pontem transiens cum suis apud Belluacum arripuit iter suum, Rege Franciæ illuso in Antoniaco per duos ibidem dies expectante. In fine autem pontis de Poissiaco Rex Angliæ obviam habuit Communiam Ambianensem ubi erant multi boni viri qui Anglicos invadentes se viriliter portaverunt, sed Anglici multò plures & cum sagittis se defendentes & prævalentes omnes alios occiderunt; & sic versùs Picardiam procedentes patriam igne & gladio devastantes prope Belyacum transientes, non ta-

* vulgo
Poix.

* de Fay.

men intrantes, quia civitas clausa erat, Monasterium sancti Luciani Monachorum nigrorum extra muros tunc situm valde solemne cum Ecclesia cremaverunt, & transeuntes ultra Pisas * & castrum ceperunt, & venientes juxta villam de Abbatis-villa ad fluvium Sommae dictum applicantes ad quemdam passum ubi aqua erat magis bassa, in loco qui dicitur Albatanqua, Gallicè *Blanquetaque*, cum suis equis & necessariis liberè transierunt & sine periculo, domino Godemardo * cum pluribus aliis armatis in altera parte, ut Anglicis resisteret expectante, sed dictus Godemardus Miles Burgundus eos videns strenuè transire, & cum magna multitudine ipsos in littore non expectans immo cum suis revertens fugit & recessit, & sic Sommam fluvium liberè transeuntes per villam quæ *Crotoy* dicitur, quam cremaverunt. Tunc juxta Cressiacum in Pontivo quem etiam cremaverunt, tentoria sua seu logiamenta & stationem facientes, se ibidem securiùs posuerunt, juxta nemus expectantes siquis eos invadere voluisset. Rex autem Franciæ PHILIPPUS qui dictum Regem Angliæ expectabat in Antoniano audiens quòd sic de Poissiaco recesserat, & pontem reparatum quod à Francis credebatur quasi impossibile transierat, delusum se esse & proditum reputavit & doluit, & coadunato iterum exercitu maximo Nobilium & peditum ultrà quàm credi posset cum multis Januensibus balistariis opertis, Regem Angliæ usque apud Cressiacum est celeriter infecutus, habens secum in comitatu suo & exercitu Regem Boemiæ strenuum valde & doctum in armis, cujus strenuitatem probat effectus armorum & cordis magnanimitas, nam ex ambobus oculis cæcus erat atque senex, & tamen non propter hunc defectum relinquerat vim armorum. Hic habuit filium CAROLUM qui postea fuit Romanus Imperator, & ipse etiam erat ibi præsens, ipse etiam habebat filiam BONAM dictam, quam desponsaverat dominus JOHANNES Dux Normanniæ primogenitus Regis Philippi nunc regnantis.

Igitur

Igitur veniente Rege Francorum Philippo versùs Cressiacum cum suis ubi Rex Angliæ jam aderat, præfatus dominus Rex Francorum cum suis Regem Angliæ in campali bello ibidem juxta Cressiacum in die sancti Ludovici Regis anno supradicto scilicet 1346. audaci animo est aggressus, horâ nonâ jam transactâ, Anglicis ex opposito ad pugnandum cum sagittariorum suorum magna multitudine præparatis. Dum autem nostri Gallici se ad pugnandum disponerent, ecce subito pluvia de cælo descendit, aër totus qui antea clarus fuerat se turbavit, & pluvia de cælo cadens cordas balistarum Januensium qui venerant pro Francis sic restrinxit, quòd ipsi quando trahere contra Anglicos debuerunt balistas suas, ex cordarum madidatione, restrictione & breviatione tendere, proh dolor ! minimè potuerunt. Non sic autem de sagittariis, arcubusque Anglicorum, quia jam ante pluviam bellum expectantes citius arcus suos præparaverant, appositis in caputibus arcuum cordis suis, unde factum est ut appropinquantibus aciebus Gallicis adhuc nondum bene nec totaliter ordinati, sed ut fertur à Rege nimium festinati, dixerunt balistariis ut contra Anglicos statim traherent de balistis, qui quidem balistarij trahere cœperunt, sed cogentes cordas ad invicem, arcus ascendere nullatenus poterant, quia restrictæ fuerant pro pluvia, ut dictum est, & sic Januenses balistarij nullum tractum fecerunt de balistis suis illâ horâ, qui tamen in aggressu belli more solito debuerant esse primi : quod videntes nostri Gallici & non advertentes causam dictam seu impedimentum prædictum, crediderunt quòd dicti balistarij dolose se fingerent & trahere non curarent, eis imponentes quòd ad talem simulationem faciendam pecunias à parte altera recepissent, eos trucidare & interficere cœperunt, nullam eorum excusationem recipere volentes, cum tamen se validis clamoribus excusarent, quod videntes adversarij qui prius erant perterriti audaciam receperunt, & tunc nostros Gallicos minùs bene ordinatos

1346.

fortiter invadentes cum suis gladiis, arcubus & sagittis letaliter percusserunt in tantum, quòd in illo conflictu Gallici resistere non valentes, maxima eorum multitudo ultra quàm credi posset in dicto praelio ceciderunt, & qui evadere potuerunt velociter terga vertentes recesserunt, & sic campum perdescentes de parte Gallicorum ibidem mortui sunt magnus numerus Nobilium & aliorum tam equitum quàm peditum, inter quos cecidit Rex Boemiæ, qui erat cæcus, de quo dictum est supra, qui quidem ad prælum se faciens duci, tam suos quàm alios, quia non videns gladio feriebatur. Cecidit etiam ibi Comes de Alençonio Comes Regis, Comes Blesensis Regis nepos, Comes Flandriæ LUDOVICUS, qui à suis Flammingis per JACOBUM de Artevella de Flandria expulsus fuerat, Comes Barrensis, Comes de Haricuria, qui de dicto Comitatu fuit primus Comes; nam ante ipsum erant non Comites sed Barones dicti. Cecidit etiam ibi Comes de Sanferria, Dux Lotharingiæ, & alius Dux de quo non recolo: inter istos verò credendum est quòd multi alij perempti sunt. De Anglicis verò plurimi sed non sicut nostri perierunt. Rex verò PHILIPPUS dolens illa nocte Ambianis revertens, & post Parisius, & Rex Angliæ victor recedens cum spoliis & multis equis & aliis divitiis, juxta Musterolum transiens Stapulas cremavit, & ulterius procedens venit ante Calesium, & ibidem in pratis versus Ecclesiam sancti Petri, quæ erat tunc in pratis, prope villam tentoria fixit, totam illam patriam occupans & devastans, volens villam Calesiensem capere vi armorum vel aliter, quod & fecit.

1346.

Eodem anno 1346. dominus JOHANNES Dux Normanniæ primogenitus Regis Philippi cum magna multitudo armatorum obsedit villam & castrum quod dicitur Aculeum * in Vasconia, sed parum ibi profecit: ibidem obiit nobilis & inclytus princeps PHILIPPUS Dux Burgundiæ non in bello sed de infirmitate naturali. Audiens autem Dux Normanniæ quòd Rex

* Aquillon.

Angliæ venerat & transierat ad partes Gallia, dimisit obsidionem Aculei, & in habitu Hospitalarij cum gente sua reversus est in Franciam. Ex tunc & jam in Francia incœperant vigere tallia multæ, gabellæ salis & impositiones pecuniariæ super mercimonias, sed istud non gravabat tantum populum, sicut manulevationes pecuniarum quæ fiebant. Tunc etiam & deinceps & antea superscindebantur floreni propter novas monetas quæ noviter fiebant, & super quos inveniebantur aliæ monetae quàm illæ quæ erant noviter factæ sine misericordiâ scindebantur, & adhuc illi cujus erant tradebant salarium non voluntarium scindentibus pro labore, & tunc oportebat tales pecunias tradere camforibus cum damno non modicæ quantitatis. Tunc similiter fuit tanta & totiens iterata mutatio monetarum, quod populus communis de hoc & in hoc damnificatus nimium dolebat & gemebat. Illis etiam diebus levabat dominus Rex decimas Ecclesiarum de voluntate domini Papæ nostri & Ecclesiæ Romanæ, & sic infinitæ pecuniæ per diversas cautelas levabantur, sed re vera quanto plures nummi in Francia per tales extorquebantur, tanto magis dominus Rex depauperabatur, & nulla prosperitas, immo omnia infortunia in regno, proh dolor! sequebantur. Officiales ditabantur, Princeps depauperabatur, pecuniæ militibus multis & Nobilibus ut patriam & regnum juvarent & defensarent contributebantur, sed omnia ad usus inutiles ludorum, ad taxillos & alios indecentes jocos contumaciter exponebantur.

Anno domini 1347. Rex EDUARDUS prædictus sedens ante Caesum multos insultus villæ fecit, sed illi de villa ab infra se egregiè defenderunt per machinas & alia genera balistarum, quoscumque etiam exeuntes quamplures de Anglicis trucidabant & de ipsis triumphabant. Rex autem Franciæ PHILIPPUS confortabat Caesenses victualia eis per terram vel per mare mittendo, quæ quidem victualia si sufficienter habuissent, numquam eos de Anglicis dubitare convenisset,

1347.

Iiiii ij

sed illi quibus pro eis provisiones committebantur, illas ad propria commoda convertebant, ut dicebatur, Rege tamen Francorum & Consilio ignorante. Videns autem Rex Franciæ quòd Rex Angliæ ab illo loco obsidionem non dimitteret, cum magna multitudine armatorum ivit illuc, quoniam dictum fuit sibi quòd illi de villa victus suos ulterius non habebant, & ita erat. Nam jam comedebant equos suos, mures & ratos, & aliqui fame deficientes miserabiliter moriebantur. Veniens autem Rex Franciæ prope Calesium, & illum videntes illi de infra, maximo gaudio nec mirum sunt repleti, credentes per eum ab obsidione & omnibus periculis relevari, facientes signa à longè per ignes ostensos in turribus, quòd se adhuc per tres dies vel quatuor poterant sustinere, dummodò eos Rex viriliter adjuvaret, quod & facere proposuerat & fecisset si bonum consilium habuisset. Audientes autem Anglici adventum Regis Franciæ miserunt ad eum legationem in dolo, dicentes quòd Rex eorum Eduardus libenter de pace & recessu cum eo tractaret, si tamen treugas & inducias daret sibi per tres dies. Rex autem Franciæ minùs bene consultus, & ignorantibus illis de villa, dedit dictas treugas sic in dolo requisitas & petitas; & tunc interim Anglici fossata magna fecerunt inter villam Calesiensem & exercitum Regis Franciæ, & ita manu valida & veloci per prata & per paludes quod impossibile fuisset Regem Franciæ cum gente sua ad Calesium pertransire. Sic etiam Anglici ita se & circa se fossatis & turribus atque bigis in circuitu munierunt, quòd præter eorum voluntatem nemo ad eos accedere potuisset, habentes ad partem Flandriæ Flammingos amicos, qui de Ypra & aliis villis illius patriæ victualia & alia contra Gallicos monstrabant. Fossatis igitur factis & passibus sic obstructis Rex Franciæ se deceptum videns, & quòd nullo modo posset ad Calesium accedere, dolens nec Calesiacensibus succurrere, nec inimicos evadere, reversus est in Franciam indilatè: quod percipientes Calesij à longè

recessum videntes, & quòd Rex sine auxilio eis dato vel dando confusus recedebat, in stuporem & pavorem tam ex defectu auxilij quàm victualium conversi sunt, unde non post multum temporis se, villam totam Regi Angliæ coacti, salvis vitis eorùm & salvo quantum super se de bonis suis portare possent, finaliter reddiderunt; & sic Rex Angliæ villam Calesiensem cepit, omnesque habitantes eiecit, omnesque Religiosos fratres Beatæ MARIÆ de Carmelo qui ibidem morabantur, & alios de Anglia ibi ponens, villam totam de Anglicis populando, aliis eiectis, quorum multi deinceps depauperati & nudi cum liberis & uxoribus coacti sunt per mundum necessaria mendicare, & hoc tam de villa quàm de patria adjacente. Nam Anglici non multum post castrum de Guynes ceperunt & patriam vastaverunt, & sic illa fortalitia atque villas in partibus illis tenent & occupant usque in præsentem diem in detrimentum illius patriæ non modicum atque Regni.

Circa dictum tempus, scilicet anno 1347. CAROLUS de Boëmia filius illius Regis Boëmiæ, qui cæcus obiit in conflictu de Cressiaco, fuit in Imperatorem Romanum electus, & per Ecclesiam confirmatus & coronatus in villa quæ Boëmia dicitur prope Aquisgranum, Ludovico Bavaro adhuc Imperium usurpante. Eodem anno vel circiter David Rex Scotiæ tempore quo Rex Angliæ erat cum suis in obsidione Calesij venit cum multis viris ad obsidendum villam Londoniorum in Anglia, sed dictus Rex David scorus ibidem captus fuit & detentus ab Anglicis, quæ quidem captio gaudium Anglicorum cumlavit. Eodem anno LUDOVICUS Bavarus qui se dixerat per multos annos Imperatorem, & imperium contra voluntatem Ecclesiæ usurpaverat, mala morte interiit, nam supra equum sedens venationi intendens cecidit, & fractis cervicibus expiravit excommunicatus & propter excommunicationis contumaciam aggravatus; & tunc Carolus Rex Boëmiæ jam

1347.

I i i i i i j

in Imperatorem antea electus, fuit in Aquisgrani pacificè coronatus, qui quidem ivit postea Romam pro corona altera & alibi prout Imperatores facere consueverunt.

Temporibus illis LUDOVICUS juvenis Comes Flandriæ, filius videlicet illius Comitis qui in bello de Cressiaco cum aliis Nobilibus obierat, retentus per Flammingos contra ejus voluntatem atque dominæ matris suæ, quæ fuerat filia Regis Franciæ Philippi Longi piæ memoriæ, in partibus Flandriæ & ductus ad curiam Regis Angliæ, qui adhuc in partibus illis se tenebat, seductus per Regem Angliæ supradictum & per aliquos Flammingos, qui sibi ad adhærebant, coactus promisit dicto Regi quòd filiam suam quam in Anglia habebat duceret in uxorem. Igitur durantibus sic sponsalibus dictus juvenis dolens nec cordialiter assensum præbens matrimonio supradicto, sed revoluens in animo qualiter posset quieto corde stare inter eos qui patrem suum quamquam in bello, occiderant, cogitavit quòd dictum matrimonium numquam compleret, quia coactus promiserat & non voluntariè; unde cogitavit quòd de Curia Regis fugeret ubi erat diligentissimè observatus. Et factum est dum una dierum obtinisset licentiam ad venationem avium peragendam, videns se in equis cum paucis, & sedens super equum velocissimum percussit eum de calcaribus festinanter, & accipiens iter versùs Franciam non cessavit currere donec à suis custodibus fuisset evasus & perditus, & accessit recto itinere ad Regem Philippum, qui tunc erat Parisius, qui ipsum juvenem consobrinum suum recepit cum maximo gaudio laudans Deum. Et sic Rex Angliæ & Flammingi utputà Jacobus de Artevella qui prædictum matrimonium tractaverat, videntes se delusos, tristitia sunt repleti, maximè Regis Angliæ filia supradicta; unde nomine ejus facta fuit cantilena quæ in Francia ubique cantabatur, Gallicè: *I'ay failly à qui je estoie donnée par amour, &c.* Processu verò temporis rece-

dente Rege Angliæ ad partes suas, dictus juvenis Comes Flandriæ à suis in Flandria est receptus pacificè cum honore, & accepit uxorem filiam Ducis Brabantiae, de qua postea habuit unam filiam, quæ desponsata est nunc Duci Burgundiæ. Et sic juvenis habet juvenem in uxorem impuberem & sub annis.

Anno Domini 1348. percussa est gens Franciæ & quasi totius mundi, & hoc alio modo quàm per bellum; nam sicut fames, ut dictum est in principio, & bella, ut dictum est in processu hujus narrationis, affuerant, ita pestilentia & tribulationes in diversis mundi partibus iterum acciderunt. Unde eodem anno 1348. in mense Augusti visa fuit quædam stella supra Parisius versùs partem Occidentalem magna & clara valde post horam vesperam, adhuc lucente sole & tendente ad occasum, & hæc erat non multum longè sicut sunt ceteræ à nostro hemisphærio elevata, immo videbatur propinqua satis. Et factum est ut Sole occidente & nocte appropinquante dicta stella me & multis aliis Fratribus eam aspicientibus non videbatur de uno loco se movere, tandem nocte jam veniente nobis videntibus & multum admirantibus dicta stella valde grossa in plures & diversos radios est dispersa, quæ radios ferè Parisius & versùs Orientem projiciens totaliter disparuit & ex integro annullata fuit. Unde an fuerit una cometa, vel alia, aut ex aliquibus exhalationibus formata & tandem in vaporibus resoluta, Astronomorum judicio derelinquo. Possibile tamen est quòd ipsa fuit præfagium pestilentia futuræ admirandæ, quæ satis citò ut dicam, Parisius & per totam Franciam sicut alibi secuta est; unde in eodem anno Parisius & in Regno Franciæ & non minùs, ut fertur, in diversis mundi partibus & in sequenti anno fuit tanta mortalitas hominum utriusque sexus & magis juvenum quàm senum, quòd vix poterant sepeliri, & vix ultra duos vel tres dies in infirmitate jacebant, sed subito & quasi sani moriebantur; unde qui hodie erat

1348.

1349. sanus, cras mortuus ad foveam portabatur; habebant enim subito bossas sub assellis vel in inguine, quibus insurgentibus erat infallibile signum mortis: & hæc infirmitas seu pestilentia à medicis epidimia vocabatur. Tanta autem abundantia populi tunc, videlicet anno Domini 1348. & 1349. decessit, quod numquam auditum, neque visum, neque lectum fuit in temporibus retroactis: & veniebat mors prædicta & infirmitas ex imaginatione vel societate ad invicem & contagione; nam qui sanus aliquem visitabat infirmum, vix aut raro mortis periculum evadebat. Unde in multis villis parvis & magnis Sacerdotes timidi recedebant, Religiosis aliquibus magis audacibus administrationem dimittentes, & breviter in multis locis de viginti hominibus non remanserunt duo viventes. Tanta enim fuit in Domo Dei Parisius mortalitas, ut per magnum tempus ultra quingenti mortui omni die ad cimiterium sancti Innocentij Parisius ad sepeliendum in curribus portabantur, & istæ sanctæ Sorores Domus Dei mori non timentes dulcissimè & humillimè omni honore postposito pertractabant, quarum multiplex numerus dictarum Sororum sapius revocatus * per mortem in pace cum Christo ut piè creditur requiescit.

f. * renova-
tus.

Dicta autem mortalitas, ut dicitur, inter incredulos inchoavit, deinde ad Italiam venit, postea montes pertransiens ad Avinionem accessit, ubi etiam aliquos dominos Cardinales invasit, totam familiam abstulit tunc ab eis; deinde per Vasconiam & Hispaniam paulativè de villa ad villam, de vico ad vicum, & ultimò de domo ad domum, immo de persona ad personam inopinatè ad has partes Gallicanas accedens usque ad Alemanniam transivit, minùs tamen ad ipsos quàm ad nos. Durante tamen epidimia dicta Dominus tantam gratiam ex sua pietate conferre dignatus est, ut decedentes quamquam subito quasi omnes læsi mortem expectabant, nec erat aliquis quin confessus & cum sacratissimo viatico moreretur,

reretur, & quod plus ad bonum decedentium fuit, domnus Papa Clemens misericordia usus in quamplurimis civitatibus & castris absolutionem à poena & culpa decedentibus per suos Confessores dedit misericorditer & concessit, unde libentius moriebantur, hereditates multas & bona temporalia Ecclesiis & Religiosis dimittentes, quia proprios heredes ante se mori videbant. Dicebant quòd hæc pestilentia ex aëris infectione & aquarum oriebatur, quia tunc temporis non erat fames nec defectus victualium quorumcumque, sed abundantia magna, unde ex ejus opinione aëris infecti & aquarum, & mortis ita subitæ impositum fuit Judæis, quòd ipsi puteos & aquas infecerant & aërem corruperant, propter quod mundus contra eos crudeliter insurrexit in tantum, quòd in Alemannia & alibi per diversas partes mundi ubi Judæi habitabant fuerunt trucidati & occisi à Christianis & cremati passim & indifferenter multa millia Judæorum, & est mirandum de eorum & sua uxorum fatua constantia, nam dum cremarentur ne eorum parvuli ad baptismum convolarent matres eorum primò in ignem projiciebant liberos, deinde post ipsos eadem matres super ipsos in ignem se præcipitabant, ut cum maritis & eorum parvulis cremarentur. Multi etiam mali Christiani fuerunt reperti, ut dicitur, qui similiter venena per puteos imponebant, sed revera tales intoxicationes, posito quòd factæ fuissent, non potuissent tantam plagam & tantum populum infecisse. Alia igitur fuit causa, utputà, Dei voluntas, ut humores corrupti & aëris malitia seu terrarum, & fortè tales portiones si factæ fuerunt in aliquibus locis ad hoc potuerunt adjuvare: Duravit autem dicta mortalitas in istis partibus Gallicanis per magnam partem anni 48. & 49. & tunc cessavit, multis villis campestribus & domibus in bonis villis quasi vacuis remanentibus & orbatis, & tunc ceciderunt domus multæ satis citò & tales & ita solennes & plures ceciderunt Parisius, de quarum ruina minùs quàm de multis aliis apparebat.

Tom. XI.

K k k k k

Cessante autem dicta epidimia, pestilentia & mortalitate nupserunt viri qui remanserunt & mulieres ad invicem, conceperunt uxores residuæ per mundum ultramodum, nulla sterilis efficiebatur, sed prægnantes hinc inde videbantur, & plures geminos pariebant, & aliquæ tres infantes insimul vivos emittebant, sed quod ultramodum admirationem facit, est quòd dicti pueri nati post tempus illud mortalitatis supradictæ & deinceps dum ad ætatem dentium devenerunt, non nisi viginti dentes vel viginti duos in ore communiter habuerunt, cùm ante dicta tempora homines de communi cursu triginta duos dentes sub & supra simul in mandibulis habuissent. Quid autem numerus iste dentium in post natis significet, multùm miror, nisi dicatur, quòd per talem & tantam mortalitatem hominum infinitorum & successionem aliorum & reliquorum qui remanserant, mundus est quadammodò renovatus & sæculum, ut sic sit quædam nova ætas; sed proh dolor! ex hujus renovatione sæculi non est mundus propter hoc in melius commutatus. Nam homines fuerunt postea magis avari & tenaces cum multò plura bona quàm antea possiderent; magis etiam cupidi & per lites, brigas & rixas atque per placita seipsos conturbantes, nec per hujusmodi terribilem mortis pestem à Deo inflictam fuit pax inter Reges & dominos reformata, quinimmo inimici Regis Franciæ ac etiam guerræ Ecclesiæ fortiores & pejores quàm antè per mare & per terram suscitaverunt, & mala ampliora ubique pullularunt. Et quod iterum mirabile fuit; nam cùm omnis abundantia omnium bonorum esset, cuncta tamen cariora in duplo fuerunt tam de rebus utensilibus quàm de victualibus, ac etiam de mercimoniis & mercenariis & agricolis & servis, exceptis aliquibus hereditatibus & domibus quæ superflue remanserant his diebus. Charitas etiam ab illo tempore refrigerare cœpit valde, & iniquitas abundavit cum ignorantis & peccatis; nam pauci inveniebantur qui scirent aut vellent in domibus, villis & castris infor-

mare pueros in grammaticalibus rudimentis.

Eodem anno 1348. **HELORI** * de Britannia minori Presbyter & Confessor miræ virtutis & gratiæ fuit ab Ecclesia & Domino Papa Clemente sexto canonizatus, & anno sequenti à Prælati & Clero Britanniae de terra elevatus multis signis & miraculis per eum seu à Domino tunc factis propter ipsum & ostensis, & Ecclesia nomine ejus in vico sancti Jacobi inchoata primitus & fundata. Quantis autem virtutibus & sanctitate floruerit in Ecclesia Tregorensi * in dicta Britannia, ubi corpus ejus quiescit, liquidè declaratur.

* Est s. lvo
qui Helori
al. Kai-
martin co-
gnomina-
tur.

vulgo *
Treguer.

Anno Domini 1349. durante adhuc prædicta mortalitate & de villa in villam ulteriùs procedente surrexerunt multi viri de Alemannia, de Flandria, de Hannonia & de Lotharingia novam sectam auctoritate propria inchoantes: nam denudati in femoralibus per hospitia & plateas civitatum & bonarum villarum cum magnis societatibus & turmis incedebant nudi, cum flagellis conglobinati processionaliter & circulariter seipsos aculeis affligentes, jubilando vocibus altisonis & cantando cantilenas suo ritui aptas & noviter adinventas, & sic processerunt per multas villas per triginta tres dies magna spectacula in populis admirantibus facientes, poenitentiam talem agentes, seipsos per spatulas & brachia flagellis aculeatis usque ad sanguinis effusionem acriter verberando. Parisius autem non venerunt neque ad partes Gallicanas, prohibiti per dominum Regem Franciæ qui noluit, & hoc fecit de consilio Magistrorum in Theologia Universitatis Parisiensis, dicentium quòd nova secta erat contra Deum inchoata & contra formam sanctæ matris Ecclesiæ, & contra salutem animarum omnium ipsorum, sicut revera verum est, & erat, ut patuit factis citò. Nam Dominus Papa Clemens vi. de hoc facto novo ritu per Magistros Parisienses, qui ad eum nuntios reverenter miserant, plenariè informatus, cum esset contra jura damnabiliter adinventum, eos flagellatores sub auctoritate prohibuit & prohiberi

1349.

К К К К К ij

fecit ne de cetero tales publicas pœnitentias à seipsis præsumptuosè assumptas ampliùs exercerent. Et meritò inhibuit, quia jam inveniabant tales flagellatores fulti aliquibus Sacerdotibus fatuis & Religiosis sectas erroneas & malas atque opiniones deceptorias ultra modum. Nam dicebant quòd eorum sanguis sic per flagella tractus & effusus cum Christi sanguine miscbatur, & multa alia erronea jam adinveniabant, & dicebant quod minùs bene & minùs sanè ad fidem Catholicam spectabat, unde sicut à seipsis, & non à Deo, fatuè incœperunt, sic etiam eorum secta & ritus infra breve tempus ad nihilum redacti sunt, quia moniti destiterunt, absolutionem & pœnitentiam à suis Prælatiis ex parte Domni Papæ de huiusmodi errore humiliter acceptantes. Nec est prætermittendum quòd multæ mulieres honestæ & matronæ devotæ hanc præfatam pœnitentiam de flagellis procedentes & cantantes per villas & Ecclesias similiter faciebant, sed hæc omnia in parvo tempore sicut alij postea dimiserunt.

1349.

Eodem anno 1349. obiit domina Regina Navarræ JOHANNA, filia quondam Ludovici dicti Hustin Regis Franciæ, quæ quidem obtinebat Regnum Navarræ ratione parentum suorum, qui fuerunt dicti Regni possessores. Hæc domina maritum habuerat nomine Philippum de Ebroicis Comitem nobilem virum & probum, qui ex parte dictæ dominæ dicebatur Rex Navarræ dum viveret. Hic Philippus jam ante decesserat in Prusia vel Granata ad quas partes transierat contra Infideles pro fide & Ecclesia pugnaturus. Ista domina de dicto viro suo tres nobiles filios habuit, CAROLUM primogenitum, PHILIPPUM & LUDOVICUM, filiarum verò fuerunt duæ, prima fuit BLANCHA dicta, cui postea nupsit PHILIPPUS de Valesio Rex Franciæ. Post mortem verò huius Reginæ Navarræ, CAROLUS ejus primogenitus fuit Comes de Ebroicis loco patris, & fuit Rex Navarræ loco matris, de quo Carolo postea dicetur.

Eodem anno 1349. obiit BONA uxor domini JOHANNIS de Francia primogeniti Regis Francorum Philippi de Valesio, qui quidem Johannes erat Dux Normanniæ & Aquitaniæ, & habebat quatuor filios, primogenitum CAROLUM & alios tres, & duas filias. Eodem anno decessit domina JOHANNA de Burgundia Regina Franciæ: tunc etiam uxor PHILIPPI de Valesio nunc regnantis. Hæc de domino Rege habebat duos filios, videlicet dominum JOHANNEM Ducem Normanniæ primogenitum, & alium Ducem Aurelianensem, & unam filiam, quam CAROLUS de Ebroicis Rex Navarræ duxit in uxorem juvenculam valde, & adhuc unam aliam quam assumpsit postea in uxorem BARNABAS Dux Mediolanensis, habuitque tertiam quæ Barrensi desponsata fuit Duci. Mortuâ autem dictâ JOHANNA Reginâ Franciæ, ut dictum est, PHILIPPUS de Valesio Rex Francorum accepit in uxorem dominam BLANCHAM filiam defunctæ Reginæ Navarræ, de qua statim dictum est, scilicet sororem Caroli Regis novi Navarræ, & de ea habuit unam filiam. Illo anno dominus Rex Philippus & satis citò postea mortuus est, ut dicitur.

Anno Domini 1350. Dominus Clemens Papa Sextus volens salutem animarum hominum procurare, statuit ut indulgentiæ plenariæ quæ erant & quæ solebant esse in sacra urbe Roma de centum annis in centum annis, in Circumcisione Domini nostri JESU CHRISTI reducerentur ad quinquagenos annos, quia vita hominum labitur & decrescit, & malitia superabundat in mundo, proh dolor! & accrescit: ideò illo anno 1350. fuerunt indulgentiæ plenariæ concessæ per dictum Dominum Apostolicum omnibus verè pœnitentibus, volentibus pergere & visitare loca Apostolorum Petri & Pauli in Romana urbe aliorumque Sanctorum. Ad quam quidem peregrinationem ierunt per totum annum illum quamplurimi utriusque sexus nonobstante mortalitate magna quæ fuerat nuper, & quæ adhuc in aliquibus mundi partibus discurrebat.

K k k k k iij

1350.

1350.

Eodem anno 1350. obiit inclytus Princeps dominus PHILIPPUS de Valesio Rex Franciæ durante adhuc dura guerra inter ipsum & Eduardum Regem Anglorum: & Regnavit in Francia dominus JOHANNES Dux Normanniæ primogenitus ejus, & fuit coronatus pacificè eodem anno Remis cum magna solemnitate mense Septembri, quæ fuit dies Dominica anno primo. Hic autem Philippus Rex videns quòd moreretur, vocavit duos filios suos, videlicet dominum JOHANNEM primogenitum & PHILIPPUM Ducem Aurelianensem, & ostendens eis litteras solemnes, in quibus determinationes & rationes efficaces Doctorum solemnium tam Theologorum quàm Decretorum, quàm etiam Legum, erant scriptæ, qualiter hereditas & Corona Regni Franciæ ad ipsum Regem & ad liberos suos successores jure hereditario pertinebat & non ad Regem Angliæ, qui propter istam dictam hereditatem & Coronam contra ipsum guerram indebitè suscitabat. Ostendit etiam eis solutiones argumentorum de contrario ipsorum Anglicorum, monens ipsos & specialiter primogenitum post ejus decessum regnaturum, ut audacter jus suum & Regnum contra Anglicos defenderet & pugnaret, dicens quòd justa causa semper indiget defensione, & quòd illi qui pro defendenda ea certant semper vincunt, sed aliquando in parte succumbunt; verumtamen in fine, non ita citò sicut vellent, auxiliante Domino & fortuna redeunte prævalent, & suos inimicos viriliter superant & devincunt. Sic enim erit vobis si boni æmulatores fueritis & Deum timueritis & zelum ad Rempubicam gubernandam habueritis & amorem. Deinde monuit ipsos multùm ut se mutuò diligerent, pacem ad invicem & concordiam perpetuam similiter conservarent, dicens quòd volebat, sicut & justum erat, quòd dominus JOHANNES regnum & Coronam obtineret, & alter dominus PHILIPPUS secundò genitus Dux Aurelianensis, Comitatum de Valesio, à quo ipse Rex Philippus cognomen habuerat,

possideret: ad quod dominus Johannes libenti animo condescendit, & sic dominus Rex Philippus de Valensio spiritum reddens migravit ad Dominum, relinquens supradictos & unam filiam de secunda uxore, scilicet de domina BLANCHA sorore Caroli Regis Navarra; & sepultus est cum aliis Regibus in Monasterio sancti Dionysij in Francia honorificè & devotè. Rex autem JOHANNES satis citò post ejus coronationem veniens Parisius fecit capi Comitem de Guyennes qui erat Connestabilis Franciæ, & ipsum fecit decollari de nocte in hospitio Nigellæ Parisius juxta domum Fratrum Ordinis sancti Augustini.

Anno Domini 1351. insurrexerunt Domni Cardinales & Prelati alij multi cum magna multitudine Curatorum contra Religiosos Mendicantes in Curia Romana, volentes & petentes à Domno Papa Clemente sexto eorum adnullationem, & quòd deficerent in se, Episcopi allegantes fortiter in Consistorio quòd ipsi Mendicantes non erant ab Ecclesia vocati & electi, & quòd eis non incumberebat fidelibus prædicare, neque confessiones audire, sed neque sepulturas recipere alienas: unde requirebant dicti Prælati cum Curatis quòd ipsi Mendicantes cassarentur, vel quòd saltem cessarent à præmissis, aut ad minùs quòd non solum quarta portio de sepulturis alienis daretur, sed totum emolumentum ipsis Curatis ex integro redderetur, quia nimis erant ditati ipsi Mendicantes de talibus sepulturis, prout dicebant ipsi Prælati & Curati. Hæc & similia Prælati & Curati allegabant contra Mendicantes, & multò plura magno de hoc sermone contra ipsos facto per Dominum Cardinalem, & præfatis Mendicantibus ibidem præsentibus & nihil ad objecta respondentibus, sed potiùs cogitantibus illud quod scriptum est, *Esote in pace, & Dominus pugnabit pro vobis*: quod statim ibidem factum fuit. Nam finitis dictis allegationibus contra ipsos Dominus Papa statim pro Mendicantibus verbum sumpsit, allegans pro parte Mendicantium eleganter ostendens per multa

1351.

jura & scripturas dictos Mendicantes non esse sic
spemendos, ut illi dixerant, nec cassandos, probans
eos à Deo & Ecclesia fore vocatos ad auxilium regi-
minis Ecclesiæ, licet tardiùs quàm de multis, etiam
eos inter alios vocatos deberi meritò computandos,
probans hoc inter cetera exemplo Beati Pauli Apo-
stoli, qui cùm non fuisset à principio de numero duo-
decim Apostolorum, sed potiùs esset magnus Ecclesiæ
persecutor, postea tamen fuit à Christo inspiratus,
vocatus, & vas electionis factus, & inter Apostolos
excellentiôr commendatus. Objecit etiam Domnus
Papa ipsis Prælati & Curati, de quo si ipsi Mendi-
cantes tacerent, de quo ipsi populo prædicarent? quia
si de humilitate prædicaveritis, Vos, inquit Domnus
Papa, estis super omnes status mundi magni, superbi
& elati & pomposi, & in equitaturis & aliis: si de
paupertate, vos estis magis tenaces & cupidi, unde
non vobis sufficiunt omnes præbendæ ac beneficia
mundi: si prædictis prædicetis de castitate, de hoc,
inquit, nos tacemus, quia Deus scit qualiter quilibet
agit, & qualiter quamplurimi in deliciis nutriunt
corpus suum. Addidit autem Domnus Papa, quòd
idcirco multi Prælati & Curati odio habebant Men-
dicantes, & eis claudebant portas suas pro tanto ne
viderent vitas eorum, sed bene lenonibus & truffa-
toribus, & non mendicantibus bona temporalia sæ-
piùs ministrabant, dicens iterum eis quòd dolere non
debant si Mendicantes aliqua bona tempore mor-
talitatis, quæ nuper fuerat, receperant in visitatio-
nibus Mendicantium, & curam quam dicti Mendi-
cantes fugientibus Curatis multis solemniter exer-
cuerant circa decedentes; etsi de dictis temporalibus
aliqua ædificia construxerant, non erat dolendum,
cùm hoc totum esset, ut dicebat Domnus Papa, in
suis ædificiis appositum ad decorem totius universalis
sanctæ Dei Ecclesiæ, non in voluptatibus & actibus
impudicis. Et quia non sic facitis nec fecistis, ideò
sic doletis, quia totum non habetis ut omnia exponatis
ad

ad usus vestros tales quales. Et idcirco ipsos Mendicantes acriter accusatis; qui tamen, ut de pluribus vestrum vera loquamur, dixit Dominus Papa, nonnisi ad vana & temporalia vacatis sæpius & studetis; & modò huc contra Mendicantes venistis sicut una congregatio taurorum in vaccis populorum, ut excludatis eos qui probati sunt argento. Tandem dixit eis Dominus Papa, quæ & qualia mala & quanta emergebant Ecclesiæ, si ea quæ ipsi Prælati petebant contra Mendicantes finaliter obtinerent: dixit tamen eis quòd si aliqua haberent contra ipsos Religiosos, ponerent in scriptis, & alij è converso, & ipse Dominus Papa daret eis optimos Auditores. Et sic vacui recesserunt dolentes & confusi, Religiosis gaudentibus & laudantibus Deum verum. Quid autem factum fuerit post hæc ignoratur.

Anno Domini 1352. involuto sæculo in multis gueris & tribulationibus Dominus Papa CLEMENS VI. migravit à sæculo, natione Lemovicensis, ut dictum est, Magister in Theologia, magnus & egregius Prædicator, & quia Monachus fuerat, dictus PETRUS Rogerij ante ejus assumptionem ad Papatum, unde in Abbatia fuerat Monachus, scilicet in Monasterio Casæ - Dei Diocesis sancti Flori in Alvernia voluit sepeliri. Et post ipsum fuit electus in Papam Dominus Papa INNOCENTIUS VI. natione etiam Lemovicensis, qui quidem STEPHANUS Alberti antea vocabatur, Presbyter Cardinalis, utriusque juris Doctor, homo bonus, simplex, & justus.

Anno Domini 1353. fuerunt multa bella particularia per Anglicos contra Francos tam in Britannia quàm in Normannia, quàm etiam in Picardia, & multa castra & villæ per Britanniam & per Normanniam, & in Diocesi Constantiensi & Bajocensi, quæ fuerunt crematæ per Anglicos & destructæ, & etiam in Diocesi Cenomanensi & Carnotensi, & castrum de Damfronte captum per Anglicos, & multa alia damna facta.

Anno Domini 1354. fuit terræ motus magnus in
Tom. XI. LIIII

nocte, & in die sancti Lucæ Evangelistæ. Interim multa castra & civitates ex huiusmodi terræ motu in diversis mundi partibus corruerunt & specialiter in Alemannia, utputà civitas quæ dicitur Basilia quæ tota funditus corruit, & etiam Ecclesia Major & domus cadentes oppresserunt quamplurimos, & post ruinam domorum exiliit ignis à domibus prostratis, qui ligna & alias materias eorum resolvit in cinerem & redegit. Dictus autem terræ motus sentitus fuit Remis & etiam Parisius & alibi, prout fertur.

3354.

Eodem anno 1354. dominus CAROLUS de Hispania Conestablis Franciæ, cujus parentela olim à radice sanguinis Regum Francorum processerat, & qui multum dilectus à Rege Franciæ JOHANNNE erat, & familiaris fuerat valde, verbis rancorosis, ut dicitur, habitis inter CAROLUM de Ebroicis Regem Navarræ & ipsum Conestabilem, & aliis causis ignotis nobis, fuit de mandato & ordinatione dicti Regis Navarræ etiam eo præsentem interfectus in villa quæ dicitur Aquila in Comitatu de Alençonio, & quod fuit inhumanum valde, quia de nocte in lecto suo ipso nudo misericordiam & pietatem implorante sicut homo armis & vestimentis omnibus spoliatus. Ad hoc factum fuerunt præsentem Comes de Haricuria, qui tunc erat PHILIPPUS de Navarra, frater prædicti Regis Navarri, dominus de Girardi-villa, unus alius Miles vocatus MAUBUE, & NICOLAUS Dubleri Scutifer, & quamplures alij. De hoc autem facto Rex Franciæ JOHANNES quamplurimum doluit quando scivit, & multi alij per mundum & per Regnum horrorem habentes de modo faciendi. Ex hoc autem dictus Rex Navarræ indignationem non modicam Regis Franciæ Johannis incurrit. Unde licet Rex Navarræ haberet ejus filiam in uxorem, ut supra alibi dictum est, tamen Rex Franciæ volebat & voluit tantum flagitium modo judiciali corrigere & punire, & fecisset, sed tunc temporis erat in Fran-

cia Cardinalis dominus GUIDO de Valonia, qui per
Domnum Papam propter pacem inter Reges Fran-
ciae & Angliae erat missus, qui quidem Cardinalis
unà cum domina Regina JOHANNA de Ebroicis
relictà, uxore quondam Caroli Regis Franciae & ma-
tertera dicti Regis Navarrae, unà cum domina BLAN-
CHIA relictà domini PHILIPPI de Valesio Regis
nuper defuncti, cum multis aliis Baronibus & Præ-
latis apud Regem Johannem pro dicto Rege Navar-
rae intercedentes, pacem ejus cum magnis instantiis
& precibus impetrarunt cum pactis & conditionibus,
& specialiter quòd dictus Rex Navarrae Capellas &
Capellanas multas fundaret, in quibus Sacerdotes
multi pro anima dicti defuncti de cetero celebrarent,
& sic Rex Franciae Johannes pepercit alteri & fuit
in ejus gratiam receptus & positus, quia Rex Na-
varrae prædictus tunc temporis erat ab omnibus ama-
bilis & dilectus, quæ quidem reconciliatio multum
placuit toti Regno, sed proh dolor! non stetit diu.

Anno Domini 1355. Eduardus Rex Angliae transi-
vit ad Calesium, & exinde cum magno exercitu ve-
nit usque Hesdinum multas villas devastando, &
ibidem in confinio per plures dies stetit. Audiens au-
tem hoc Rex Franciae JOHANNES statim cum ar-
matis plurimis versùs eum iter fecit, & veniens Am-
bianis misit ad Regem Angliae nuncios, qui dicerent
ei ut ambo Reges cum suis ad campale bellum pari-
ter convenirent: qui quidem Rex Angliae videns
non sibi expedire, respondit quòd satis expectaverat,
& nullum qui cum eo pugnaret invenerat, & ideo à
modo neminem expectaret; & tunc versùs Calesium
velociter abiit. Rex verò Franciae Parisius est re-
versus.

Eodem anno 1355. tempore Quadragesimali acci-
dit in castro Rothomagensi lamentabile factum: Dux
enim Normanniae CAROLUS primogenitus Regis
Franciae Johannis fecit unum solemne convivium in
castro Rothomagi supradicto, & vocavit ad pran-

LIII ij

dium Carolum de Ebroicis Regem Navarræ generum Regis Franciæ, de quo dictum est supra. Invitati etiam fuerant Comes de Haricuria ac dominus de Grand-villa Miles potens in patria & multi alij Milites ac Nobiles. De Rege autem Navarræ supradicto, & de Comite de Haricuria & aliquibus aliis in convivio illo prandentibus fuerant aliqua sinistra Regi Franciæ Johanni relata, ut creditur, propter quæ statim ea quæ facta fuerunt, evenerunt. Nam cum dicti convivantes cum Duce adhuc epularentur & federent clausis januis ipsius castri interiùs & firmatis; ecce subitò Rex Franciæ JOHANNES, qui non multùm longè à civitate comederat, inopinatè & subitò armatus cum multis per parvam portam castri, quæ ad campos tendit, super dictos convivantes eis non cogitantibus subintravit, quem sic armatum intuentes omnes in stuporem nimium sunt conversi, qui super eos cum suis in armis veniens, manus apponens ad Regem Navarræ, aliis omnibus qui in illo prandio fuerant hinc inde fugientibus & per muros saltantibus præ timore: captis autem Comite de Haricuria & aliis tribus nominatis, scilicet domino de

* *Graville* Giral-di-villa *, Maubue & Nicolao Dupleri, statim fecit Rex ipsos poni in biga jam parata, & per dictum ostium posteriùs eos duci ad patibulum rectâ viâ, & factum est dum ad campos devenit Rege præsentem cum Duce filio, præcepit Rex in medio itinere eos decollari, & deinde omnes tres Duces ad patibulum suspendi eorum corporibus cum catenis ferreis per spatulas fortiter alligatis, & capitibus desuper in lanceis apposis & affixis, hominibus de civitate hoc nescientibus, donec circa finem captionis fuerunt per rumores fugientium excitati. Istud autem factum, magnum stuporem & admirationem in populo ubique per Franciam & alibi generavit. Rex autem Navarræ sic captus, ut dictum est, fuit in carcere trusus, & durè pertractatus, deinde in castro Gaillardi, missus postea in Casteleto Parisius, &

deinde per diversa castra & loca hinc inde, modò in Pontifara, modò in Picardia ductus miserabiliter & reductus. Imponebatur enim sibi quòd aliquando machinatus fuerat contra Regem & contra Carolum Ducem Normanniæ primogenitum Regis, sed quid & qualia & utrùm verum hoc fuerit hoc ignoro. Dum autem sic fuit in carceribus, multa gravia sustinuit & stupenda: nam aliquando mittebantur ad eum quidam qui fingeant ipsum velle sine medio decollari, sed tunc superveniebant alij prohibentes. Ipse autem, ut dicitur, sustinebat omnia patienter nihil mali operis recognoscens, & sic stetit in carceribus diversimodè vinculatus & durè tractatus per unum annum cum dimidio & ampliùs.

Ipso autem Rege Navarræ in carceribus sic retruso Rex Franciæ JOHANNES terras suas & istorum qui cum eo capti fuerant dedit postea & divisit, sed sic eas obtinere faciliter non potuit ad libitum ita citò; nam gentes dicti Regis Navarræ qui cum eo non iverant Rothomagum, sed remanserant Ebroïcis, unde ipse Rex Navarræ erat Comes, in castro & fortalitio dictæ civitatis Ebroïcensis se receperunt. Venientes autem multi homines armorum de Francia ad civitatem Ebroïcensem, villam & castrum fortiter invaserunt, quod videntes Navarrenses qui in castro erant quòd non poterant se tenere, ignem in civitate posuerunt, sic quòd Ecclesiam Majorem & domos Canonorum cum magna parte villæ crenaverunt, & ut dicitur, locum Fratrum Minorum, & Monasterium sancti Taurini ubi est Abbatia nigrarum dominarum*: & sic recesserunt ponentes se in castro fortissimo Pontis-Audomari, quod quidem contra Regem Franciæ & contra Ducem Normanniæ per magna tempora postea tenuerunt, multis tamen insultibus à Gallicis fortiter irrogatis; & sic in illis partibus Normannicis tribulationes & dolores deinceps sicut in Francia multipliciter accreverunt; nam postmodum gentes Navarrenses cum gente Angli-

* nigrorum
Monachorum

Llll iij

cana sibi invicem adhæserunt, & ita pars Anglicana contra Francos fortior solito visa fuit. Nam dictus PHILIPPUS de Navarra frater Regis Navarræ capti & detenti, prout dictum est, illi patriæ intulit multa gravamina.

His diebus fratre suo Rege Navarræ adhuc clauso in carcere & detento, alter autem frater eorum Ludovicus illius junior ivit ad Navarram, & illud Regnum Navarræ loco fratris sui Regis strenuè gubernavit. Hæc autem mala & alia multa illis duobus annis 1354. & 1355. tam in bellis particularibus quàm aliter per diversa loca Franciæ, Picardiæ, Britanniæ & Normanniæ evenerunt. Nunc ad mirabiliora transeamus.

1356.

Anno Domini 1356. erat quidam Frater Minor detentus in carceribus Domni nostri Papæ in Avinione, honestè tamen. Detinebatur verò pro eo quòd multos futuros eventus quasi spiritu prophetico prædicabat, & dubitabatur à multis ne falleret, vel ne mendacia diceret, vel aliquo spiritu Pitonico seu maligno loqueretur; ipse tamen vitam sanctam ducebat, sobriam & honestam, & erat Clericus intelligens in Scripturis & testibus sacri Canonis, & profanalibus libris, prout patet in operibus & libellis pluribus ab eo dictatis super eventibus contingentibus & futuris, quorum duos vidi, unus *Ostensor* intitulatur, & alter intitulatur *Vade mecum in tribulatione*. Et licet dictis libellis fidem non adhibeam, tamen multa vidi evenire postea de his quæ prænosticant in eisdem, nec reputo impossibile, quin Deus possit sibi multa, sicut aliàs fecit sanctis Patribus, revelare, utputà interpretationes aliquas sacrarum Prophetiarum. Huic autem Fratri Minori sic incarcerato anno Domini 1356. fuit facta quæstio ista ab Archiepiscopo Tholosano in Avinione per scedulam in hunc modum. Quantum adhuc durabunt guerræ quæ nunc sunt in Francia & fuerunt. Et sequitur responsio. Vos misistis ad me hanc scedulam, salvo honore ve-

stro, ad maximam blphemiam Dei, quia solus Deus
 potest ista quæ continentur scire; ego autem sicut
 unus vilis & abhominabilis peccator, ea quæ dico,
 non dico de capite meo nec sum Propheta, sed tan-
 tum per intelligentias Prophetarum; quare nunc
 desistatis quærere à me & à quocumque homine id
 quod est in potestate Dei. Quod autem quæritis de
 bellis an durabunt, dico quod durabunt & crescent
 usque ad cælum, & adhuc quidquid videmus nihil,
 quia necesse est totum statum sæculi immutari, & ci-
 rò tyrannia ubique regnabit, multi potentes & no-
 biles cadent & per civitates crudeliter occidentur &
 deicientur à dignitatibus suis. Infideles Regna La-
 tinorum invadent, & duricies flagelli Anglicorum
 plus ingravabitur, donec omnis Regni pars sit per-
 cussa: & sunt plusquam viginti anni & antequam
 guerræ hodiernæ inciperent, quia ista publicè præ-
 dicabam, & idè stultus reputabar & amens. De
 redditibus Ecclesiæ hoc vobis notum sit, quod om-
 nes in brevi perdescentes *, quia populi Ecclesiasticos
 viros spoliabunt à rebus temporalibus itaut, vix ha-
 beant victum suum. Curia Romana fugiet à civitate
 peccatrice Avinione, & non erit ibi ubi nunc est, an-
 tequam compleantur sex anni ab anno 1356. Tota
 superbia Clericorum quantumcumque magnorum
 concludetur in luto, & tota orbis pravitas destrue-
 tur. Omnis homo præ honore malorum propinquo-
 rum lugebit & prævalebunt prædones, sed postmo-
 dum prædicabuntur & ipsi. Mulierum superbia &
 fastus marcescet; plures defcedabuntur, & viduæ tri-
 stissimè derelinquentur. Civitatis deliciæ convertentur
 in luctum, & Orbis avaritia semetipsam consumet;
 sed post tribulationes mutatas & transactas periculis
 in Christianitate propinquis, misericordia Domini
 veniet ad gentem desolatam, quia unus Angelus
 Christi Vicarius transmittetur à corde Christi, qui
 faciet omnes voluntates ejus, & omnes viros Ecclesia-
 sticos reducet ad modum vivendi Christi & Aposto-
f. * per-
dentur.

„lorum. Univerſa ſcelera ſcrutabitur & extirpabit, &
 „univerſas virtutes Eccleſiaſticas in mundo ſeminabit.
 „Iudæos convertet, plurimos deſtruet, Sarracenos,
 „Tartaros & Turcos convertet, ante autem deſtruet
 „nolentes converti ad ipſum. Totus Orbis ſub ipſo
 „pacificabitur & fere mille annis durabit, & ideò ab
 „hoc tempore & ultrà creſcent mala in mundo. Prin-
 „ceps magnus lugebit, & Rex induetur mœrore; ma-
 „nus populi diſſolventur donec mittatur ille Dei Vi-
 „carius futurus totius ſæculi Dei reformator felix,
 „qui orabit ut citò veniat. Si tamen orator pœniten-
 „tiam agat interim ſalvabuntur, qui fugerunt de me-
 „dio malorum ad Montem Carmeli, quia vindicta
 „Domini generalis & ſpecialis ſuper omnes. Felices
 „igitur omnes prænominati in ſcedula, ſi bene mo-
 „riantur in pace & citò ne videant tot mala, & ad
 „quos devoluatur eorum hereditas ne curent, quia
 „qui acquirit non poſſidebit, & qui poſſidet non reti-
 „nebit, quia rota fortunæ jam pervenit ad curſum.

Hæc eſt interpretatio ſeu prophetia illius Fratris Mi-
 noris prædicti de futuris eventibus illo anno 1356. &
 deinceps. Quæ quidem prophetia licet fidem non
 faciat, neque dictis ejus ſit adhærendum, quia Eccle-
 ſia non approbat, tamen ſi aliqua quæ ibi dicuntur
 poſtea in parte vel in toto evenerunt, ſequentes api-
 ces declarabunt.

1356.

Anno igitur 1356. faſtus & diſſolutio in multis perſo-
 nis nobilibus & militaribus quamplurimum inolevit;
 nam cum habitus antea decurtatos, ut ſupradixi, & bre-
 ves nimis accepiſſent hoc anno, tamen magis ſe in-
 cœperunt ſumptuoſe deformare, perlas & margari-
 tas in capuciis & zonis deauratis & argenteis depor-
 tare, gemmis diverſis & lapidibus precioſis ſe per
 totum curioſius adornare, & in tantum ſe curioſe
 omnes à magno uſque ad primum de talibus laſciviis
 cooperiebant, quòd perlæ & lapides magno pretio
 vendebantur, & vix Pariſius poterant talia reperiri;
 unde recordor me viſiſſe tales duas perlas vel mar-
 garitas

garitas quas quidam dudum emerat pro octo denariis, eas tamen illo tempore vendidit decem libris. Incæperunt etiam tunc gestare plumas avium in pileis adaptatas, laxantes ultra modum se ad voluptates carnis & ad ludos taxillorum de nocte, & pilæ cum palma de die nimium intendentes, unde populus communis multum lugere poterat & lugebat pecunias ab eo profecto guerræ levatas in talibus ludis inutilibus & usibus positas & conversas. Tunc temporis Nobiles derisiones de rusticis & simplicibus facientes, vocabant eos, *Iaque bon homme*. Unde illo anno qui in bellis rusticaliter portabant arma sua, triumphati & sprete ab aliis hoc nomen *Iaque bon homme* acceperunt, & rustici perdiderunt nomen. Quo quidem nomine omnes rustici fuerunt postea tam à Gallicis quam Anglicis diutius nominati. Sed proh dolor! multi qui hoc tempore deriserunt à quamplurimis postmodum delusi sunt. Nam multi postea per manus rusticorum, ut dicitur, miserabiliter perierunt, & deinde vice versa plurimi rustici per aliquos Nobiles occisi sunt, & villæ eorum in huiusmodi vindictam concrematae. Sed his pro nunc dimissis ad magis admiranda & plus terribilia transeamus.

Præsenti anno 1356. Princeps Walliæ primogenitus Regis Angliæ EDUARDI missus à patre suo, scilicet Rege Angliæ, cum magna multitudine hominum armatorum tam Anglicorum quam Vasconum & Alemanorum stipendiariorum per Regnum Franciæ devastando, cremando fortiter equitavit, Rege Anglorum patre suo in Anglia remanente: & venit sic agens usque ad terminos Pictavenfes. Rex autem Franciæ JOHANNES hoc audiens debellatis & ejectis inimicis qui se posuerant in castro de Britolio & in castro de Vernolio versùs partes Carnotenses, statim congregato valde magno exercitu & potenti, unà cum domino CAROLO Duce Normanniæ ejus primogenito, & aliis duobus filiis suis, & in PHILIPPO ejusdem Regis ultimo genito, celerer accessit prope Pictavis

1356.

Tom. XI.

M m m m m

contra gentem & Principem Anglorum. In cuius Regis exercitu erat Dux Borboniæ nobilis atque potens: Dux etiam Atheniensis Conestabilis Franciæ, & multi Marecalli, quamplurimi alij Barones, Comites, Milites & Nobiles multi valde. Fuerunt etiam ibi duo Prælati in armis, scilicet dominus Guillelmus de Melduno Archiepiscopus Senonensis, & unus alius qui erat Episcopus Cathalaunensis: de peditibus & aliis brigantibus erat numerus valde magnus. Venerunt autem illuc duo Cardinales, qui pro pace tractanda ex parte Ecclesiæ sicut aliàs missi fuerant ad has partes. Appropinquantibus autem utriusque partis aciebus prope civitatem Pictavensem ad duas leucas, domni Cardinales pro pace ambas partes sæpiùs adierunt interponentes vices suas sollicitè; sed impediende humani generis inimico cum aliquibus filiis Belial, partibus discordantibus non potuit pax apponi, quinimmo superbia regnante & confidentia in potentia & multitudine armatorum hominum durante, campale bellum statuitur ordinatè. Rex verò Franciæ JOHANNES bellum aggrediens animosè pedester cum suis bellare disposuit, quod & fecit, & equis dimissis veniens in conflictu inimicos suos fortiter & audacter invadens plures occidit & multos lethaliter vulneravit; unde si omnes alij nobiles & milites se ita gessissent strenuè ut Rex fecit, de inimicis gloriosè triumphassent: sed non sic fuit, quia quamplurimi pusillanimes effecti atque lenti adversarios suos invadere noluerunt. Propter quod Anglici animosiores effecti in Regem Franciæ prædictum acriùs irruerunt, qui quidem viriliter se defendens & multos occidens non potuit tantæ multitudini ipsum opprimenti resistere, multis tamen de Gallicis nobilibus præliantibus interfectis, utputà, Duce Borboniæ cum omnibus suis, & Duce Atheniensi cum suis, volente Domino, & adversante fortuna quæ bellorum ambiguos dat eventus, dictus dominus Rex Franciæ JOHANNES captus est ab Anglicis & detentus unà cum filio suo ultimo genito PHI-

LIPPO jam nominato : quod videns primogenitus ejus **C**AROLUS Dux Normanniæ cum omnibus suis qui secum in armis aderant dimisit prælium & recessit, & alij duo fratres sui similiter, videlicet Dux Andegavensis & Comes Pictavensis filij Regis. A dicto autem bello fugerunt omnes qui evadere potuerunt; quod videntes Anglici eos in fugam conversos post ipsos currunt, quamplurimos occidunt, & plurimos tam pedites quàm equites capiunt & prædantur; qui etiam garcionibus & pagotis sine defensione aliqua fugere non valentes se reddebant, aliis interemptis qui furiis adversariorum & gladiis cedere nesciebant.

Capto itaque Rege & detento & aliquibus de gente sua multatis, aliis fugientibus & dispersis, aliis captis & ad redemptionem positis, sicut fuerunt multi Barones & Milites & etiam sicut fuit Archiepiscopus Senonensis, & Episcopo Cathalaunensi occiso, dictus dominus **J**OHANNES Rex Franciæ ductus est cum filio suo juniore Philippo & cum multis aliis prisionariis per Anglicos & per Vascones, qui ad auxilium Anglicorum venerant, apud Burdegalem civitatem rectâ viâ, & licet prisionarius esset, tamen à Principe Walliæ & Anglicis multum honorificè tractabatur. Venientes autem Burdegalam, pacem seu tractatum pacis, qui tamen non valuit, ordinaverunt, sed Rex Angliæ dictum tractatum noluit concordare, quinimmo mandavit quòd Rex Franciæ ad Angliam prisionarius duceretur, quod & factum est satis citò. Rege autem Franciæ **J**OHANNE sic abeunte & postea ducto in Angliam ad civitatem Londoniensem per Anglicos, dominus **C**AROLUS primogenitus suus Dux Normanniæ de bello sic recedens cum multis Nobilibus ut dictum est, primò in civitate Pictaviæ se recepit: post hæc inde recedens accessit Parisius, ubi dolentibus dominis pro captione domini Regis patris sui honorificè receptus est. Considerabat enim plebs tota quòd per dominum **C**AROLUM & ipsius auxilium pater reverteretur & tota patria salvaretur. Eo igitur adven-

M m m m m ij

tato Parisius convenerunt cives omnium bonarum villarum ad ejus praesentiam, & etiam Praelati & Milites, ut provideretur de recuperatione dicti Regis & de gubernatione Reipublicae atque Regni: & tunc statuto domino Carolo primogenito Regis qui erat Dux Normanniae, ut dictum est, pro Regente ipsius Regni & etiam defensore, omnes unanimiter & ejus consensu, ut tres praedicti status vel aliqui sapientes electi de illis tribus statubus eligerentur, videlicet aliqui de Praelatis pro parte Cleri, aliqui de Nobilibus pro parte Nobilium, & aliqui de civibus pro parte popularium communium, qui de dicta gubernatione auctoritate dicti Principis negotia pertractarent. Qui quidem tres status sic electi multa de negotiis & reformationibus & punitionibus tractantes, obtulerunt Regenti tria milia pugnatorum ad expensas civitatum Regni, & semper manutenere in numero suprascripto, si pro recuperando domino patre suo vellet ad Angliam se transferre: sed hoc totum neglexit, & ivit satis citò ad visitandum avunculum suum CAROLUM de Boemia qui erat tunc temporis Romanus Imperator, & venerat Metis, & illuc ivit Carolus Regens cum magnis sumptibus & expensis, & postea Parisius est reversus. Regina verò JOHANNNA filia quondam Comitis de Bolo-
nia uxor Regis in Anglia existentis recessit ad Burgundiam ad filium suum Ducem Burgundiae, quem olim susceperat à Duce Burgundiae Philippo, qui apud Aculeum in Vasconia decesserat elapsis decem annis. Remeato autem domino Regente praedicto de Metis adhuc steterunt illi tres status Rempublicam gubernantes, sed non multum diu postea in illo officio remanserunt, quia Nobiles ab aliis duobus statubus, scilicet à Clero & Burgenfibus solvere aliqua, sicut volebant facere, alij recusarunt, & sic discordia mota illi tres status ab incepto proposito cessaverunt. Ex tunc enim Regni negotia male ire & Respublica deperire, & praedones per totam patriam insurgere, Nobiles alios despiciere & odire, & utilitatem & profi-

cuum domini & subditorum non curare, rusticos de villulis & homines subicere & spoliare, patriam ab inimicis nullo modo defendere, sed conculcare, bonorum rapere & auferre, domino Regente, ut apparebat liquidè, non curante.

Tunc enim incepit patria & tota terra Franciæ induere confusionem & mœrorem, quia non habebat defensorem in aliquo nec tutorem. Tunc enim terra & patria illa Franciæ, quæ antea præ omnibus Regnis mundi & partibus gloria, & honore & divitiis, pacisque præconio secura, & omnibus bonorum affluentis fuerat opulenta, incepit magis ac magis haberi contemptui, & aliis nationibus, prohi dolor! in derisum esse & in opprobrium aliorum; viæ & itinera quasi ubique dubia & periculosa propter pedites & latrones. Quid plura? ab illo tempore & deinceps damna infinita & mala & pericula Francigenis acciderunt ex defectu boni regiminis & populi minimè defensati.

Eodem anno 1356. cives Parisienses catenas ferreas, timentes de inimicis, & modicum in Nobilibus confidentes, per vicos Parisienses & per compita posuerunt, fossata circa muros ad partem Occidentalem & circa suburbia ad partem Orientalem, quia nulli ibi antea fuerant, facientes, & muros novos parvos similiter supra illos cum portis & bastillis ad prædicta construxerunt, munientes turres balistis, garretis, canonibus & machinis, & aliis bellicis instrumentis, destruentes domos omnes quæ intus & extra muros antea jungebantur. Tunc enim fuerunt multa pulcra & solemnia hospitia tam interiùs quàm exteriùs ad demolitionem & ruinam funditùs condemnata, ut fossata fienda per dicta hospitia caperent iter suum, quorum ruinam & fossatorum atque murorum sequenti anno & deinceps fabricam vidi prosequi diligenter, de quibus adhuc in sequentibus fiet sermo.

Anno Domini 1357. Rege Franciæ JOHANN E in Anglia existente, mala malis, ut dictum est, in Francia & circa Parisius accreverunt; nam inimici multiplicati

M m m m m iij

sunt per patriam & prædones ampliùs augmentati, in tantum quòd plures in villis spoliabantur campestribus in domibus suis, Duce Normanniæ, qui Rempubli- cam & Regnum jure hereditario, videlicet domino CAROLO primogenito Regis defendere & regere tenebatur, nullo remedio apponente, unde magna pars populi rustici ampliùs in villagiis stare non valentes, ad civitatem Parisiensem cum uxoribus & liberis & aliis bonis suis ut in pluribus pro tuitione accurrere tunc cœperunt. Inimici autem castra multa & fortalitia receperunt homines circumadjacentes capi- endo, alioquin miserabiliter trucidabantur, nec parcebatur in hoc Religiosis quibuscumque; propter quod Monachi & Moniales Monasteria dimittentes Parisius & alibi ad amicos suos se sicut poterant receperunt; unde sorores de Poissiaco, de Longo-campo, Moniales de Malodunio, de sancto Antonio, & Minoritæ de sancto Marcello juxta Parisius, & breviter aliæ Religiosæ extra villas clausas commorantes compul- sæ sunt sicut & Monachi præ timore dimittere loca sua & intrare finaliter fortiora. Quod quidem factum admirationem non modicam generavit in populis & stuporem, nemine ad prædicta stupenda remedium aliquod apponente.

Dum admirantibus de hoc & dolentibus Præposito Mercatorum villæ Parisiensis & civibus, quòd per Regentem & Nobiles qui circa eum erant non remediabatur, ipsum pluries adierunt exorantes & deprecantes ut circa præmissa de opportuno providerent remedio, qui optimè eis facere promittebat, sed effectus per eum nullatenus sequebatur, quinimmo magis gaudere de malis insurgentibus in populis & afflictionibus & tunc & postea Nobiles videbantur. Quod considerantes, Præpositus Mercatorum Parisiensis, qui tunc erat nomine STEPHANUS Marcelli, de Republica multum sollicitus pro tunc cum aliis Consulibus civitatis habuit consilium cum civibus, quod utinam numquam ad effectum finaliter devenisset. Et fuit

istud, prout iste Præpositus cum suis me & multis audientibus confessus est. Nam quia dominus Regens remedium apponere ad prædicta pericula eis civibus cum Præposito requirentibus sæpius promiserat, & tamen quidquid ore dicebat de facto non complebat; crediderunt prædicti Præpositus & Communitas quod hoc negligeret de consilio aliquorum secum assistentium, qui ut opinati sunt dissuadebant Regenti ne eis crederet in agendis; & idcirco Præpositus atque cives de Parisius habuerunt consilium intra se, quod bonum esset ut aliqui de assistentibus ipsi Regenti de medio tolleretur; unde ordinatum fuit per ipsos ut omnes caperent capucia cærulea ex una parte, & ex altera rubea deferenda in signum confœderationis Reip. defendendæ. Quibus habitis de consilio inito, de aliis tollendis, ut dictum est, congregaverunt se in multitudine non modica omnes unâ cum Præposito superiùs nominato, & accedentes ad regale Palatium ubi dominus Dux Normanniæ primogenitus Regis Regnum regens, ut diximus, præsens erat, ad thalamum suum ascenderunt dicto Regente & illis qui cum eo erant mirantibus quid quærerent aut quid vellent. Et accedentes prope Regentem dixit Præpositus Mercatorum sibi: Domine mi Dux nolite expavescere, nos habemus aliqua exequi in hoc loco. Tunc dirigens verba illis sic capuciatibus dixit: Eia breviter facite hoc propter quod huc venistis, qui aspicientes duos Milites qui juxta dominum Regentem aderant & de Consilio suo, videlicet ROBERTUM de Claromonte Marefcallum Franciæ virum strenuum in armis, sed tunc inermis erat, & Marefcallum Campaniæ hominem probum & devotum & bene nobilem, ensibus extractis irruunt in eos coram Duce percutiunt & occidunt. Deinde vidente Duce & dolente eos ita trucidatos per gradus Palatij ad plateam juxta lapidem marmoreum mortuos attraxerunt, horribile spectaculum de eorum cruentatis corporibus facientes. Quod sentientes plurimi de Consilio Ducis

Regentis recesserunt celeriter fugientes, inter quos erat unus Advocatus solemnus & eloquens, & concivis Parisiensis, Reginaldus de Arfoye, quem recedentem cursu rapido insequentes in uno vico prope domum suam crudeliter occiderunt, sed heu! quare ista flagitia perpetrarunt? Nam quæ & quanta mala ex hoc excessu provenerunt? quot homines postea ex hoc occasionaliter sunt occisi, & villæ devastatæ describere non valerem. Tantum nefas impunitum non remansit, prout in parte videbitur consequenter. Acta sunt hæc eodem anno millesimo trecentesimo quinquagesimo septimo secundum compotum Franciæ, in Cathedra sancti Petri.

1357.

Eodem anno 1357. antequam prædictæ interemptiones accidissent, Rex Navarræ CAROLUS de Ebroicis, qui jam per magnum tempus steterat missus & captus dudum per Regem Franciæ Johannem, ut superius fuit dictum, per industriam & diligentiam aliquorum de Picardia nobilium, utputà JOHANNIS de Pequigny, & similiter aliquorum burgensium fuit à dictis carceribus liberatus, & veniens Ambianis primò fuit à civibus & populo receptus cum gaudio multo, valde deinde ab eis donariis receptis, & prædicatis miseriis quas in ergastulo carceris passus fuerat, accessit Parisius in Monasterio sancti Germani de Pratis accipiens hospitium pro quiete, & captata hora & congregato & advocato magno populo in pratis sancti Germani dicti Monasterij, fossatis nondum factis, dictus Rex Navarræ stans supra muros incepit prædicare ad populum alta voce, assumens pro themate in latino valde pulcro ista verba: *Iustus Dominus & justitias dilexit; æquitatem vidit vultus ejus*: Quæ quidem verba ad propositum suum exponens, contendit coram omnibus sermone valde prolixo, quomodo & qualiter sine causa, ut dicebat, fuerat tractatus, captus & carceribus mancipatus, anxietates & dolores quos in dictis locis sustinuerat, in tantum quòd populum ad fletum & lacrymas provocabat. Tandem intercedentibus multis Magnatibus

Psal. 10. 8.

Magnatibus & specialiter nobilissima & devotissima domina Regina JOHANNA de Ebroicis ejus matertera, quondam uxore defuncti CAROLI Regis Franciæ, & domina BLANCHA ejus sorore Regina & relicta defuncti PHILIPPI de Valesio Regis, pax & concordia fuit reformata inter dominum Ducem Normanniæ Regentem pro nunc & Regem Navarræ supradictum. Nam antea erant non multum amici ad invicem ratione dictæ captionis, quæ facta fuit dudum in castro Rothomagensi in præsentia dicti Ducis; sub hoc pacto fuit pax illa reformata inter eos, quòd dominus Dux Normanniæ qui Regens erat Regni, recipiebat ipsum Regem Navarræ & omnes suos in amicitia & amore, condonans ei omnia forefacta si quæ essent, & reddens terras suas ablatas dicto Regi Navarræ tam in Normannia quàm alibi; & similiter illorum dominorum qui tempore quo fuerat captus in Rothomago fuerunt mortui & patibulo tunc affixi, concedens licentiam dicto Regi Navarræ ut illorum corpora de patibulo faceret deponi si vellet, & ipsa tradi Ecclesiasticæ sepulturæ. Et sic pax inter dictos dominos fuit cunctis gaudentibus reformata.

Rex autem Navarræ prædictus his peractis Ducem dimittens Parisius gaudens ad partes Rothomagenses accessit, donis tamen & pecuniis multis à civibus Parisiensibus receptis, & veniens Rothomagum honorificè est receptus, ubi populis suas misérias exposuit sicut Parisius fecerat eleganter: quo facto corpora illa patibulo affixa, scilicet Comitis de Haricuria & duorum suorum sociorum (de quibus dictum est in capitulo de anno 1355.) de patibulo in die Innocentium deponi fecit, & cum magnis cereis processionaliter cum magna multitudine populi ad majorem Ecclesiam, scilicet beatæ MARIÆ Rothomagensis deferri fecit, & in ipsa campanis pulsatis & Missis solemniter celebratis, sermone per dictum Regem prius facto, ubi assumpsit thema istud: *Innocentes Psal. 24. 21.*

Tom. IX.

N n n n

834 *Continuatio altera Chronici*

& recti adhæserunt mihi, &c. in Capella Innocentium honorificè sepultra sunt omni populo non modicū admirante. Rex autem prædictus Navarræ volens recuperare terras suas omnino non potuit omnes, quia plures qui castra tenebant ea sibi reddere non volebant, dicentes & allegantes quòd Rex Franciæ Johannes, qui in Anglia erat, eis tradiderat illa castra, ideò non sibi neque Duci sed tantummodò Regi Franciæ ea reddere tenebantur. Ex hac igitur occasione dolens Rex Navarræ, & credens quòd hoc esset ex ordinatione Ducis Normanniæ qui erat Regens, in offensam, & discordiam contra Ducem est iterum provocatus, & sic pax quæ prius nuper firmata fuerat non tenuit nec valuit, sed discordia & guerra dura inter eos tunc inchoata fuit, ex qua tota patria Franciæ, proh dolor! & alibi postea doluit, ut dicetur; & omnia ista de Rege Navarræ facta sunt modicū antequam illi Milites in præsentia Ducis Regentis per istos cives Parisienses gladio ferirentur, & tunc crudelis mors illorum accidit satis citò postea.

1357.

Eodem anno 1357. Archiepiscopus Armacanus Primas Hiberniæ transivit ad Curiam Romanam prædicaturus contra Religiosos Mendicantes, faciens contra ipsos libellos & tractatus, allegans fortissimè ipsos ab Ecclesia non debere sustineri, & dicens inter cetera & asserens, quòd Christus & Apostolici licet essent viri pauperes non fuerunt mendicantes. Allegat autem multa jura & scripturas ut ab Ecclesia deleantur, vel saltem ut auxilio privilegiorum pro prædicationibus, Confessionibus ac sepulturis, & exemptionibus priventur. E contra autem Religiosi præfati non ampliùs se * multos articulos hæreicos sibi * obijciunt & opponunt, sed qui prævalebunt, in fine liquidiùs apparebit, ideò his dimissis ad propositum revertamur.

f. * sex.

f. * ipsi.

1358.

Anno Domini 1358. nova mirabilia succreverunt: nam dominus CAROLUS Dux Normanniæ primo-

genitus Regis Franciæ Johannis in Anglia existentis, regens, ut diximus, Regnum Franciæ loco patris, indignatus contra cives Parisienses, & principaliter contra illos qui mortem duorum illorum Nobilium in ejus præsentia & illius advocati sic acriter & irreverenter tractaverant, à civitate Parisiensi consternatus animo abiit & recessit, proponens ad eam non reverti nisi priùs vindicta aliqualis de præfatis fuerit subsequuta, & sic ab urbe recedens indignatus apud Compendium citiùs properavit, & ibi diutiùs trahens moram vocavit Nobiles quamplurimos, ut cum eis haberet consilium qualiter de Præposito Mercatorum Parisiensium & aliis suis complicitibus, qui talia in ejus palatio & præsentia agere præsumpserant vindictam debitam obtineret: qui omnes uno corde & animo adhærentes, & specialiter amici occisorum, consuluerunt sibi ut illos principales occidi faceret, vel si non posset pro aliis eos defendere volentibus expugnaret viriliter civitatem, & tamdiu dictam urbem Parisiensem tam vi armorum quàm per impedimentum suorum victualium molestaret, donec ipsis auxiliantibus à dicto Præposito Mercatorum & suis complicitibus & consulibus intentum mortis plenariè perciperet & sentiret. Quod intelligens Præpositus præfatus & alij qui gubernationem civitatis sibi post recessum Ducis acceperunt, supplicaverunt Universitati studij Parisiensis quatinus ad dictum Ducem regentem accederent, & ei ex parte eorum & totius urbis humiliter supplicarent, quatinus indignationem quam erga ipsos cives conceperat à corde suo dulciter amoveret, promittentes & offerentes emendam condignam sibi facere, salvâ vitâ omnium, honore & reverentia qua decebat. Universitas autem pro bono civitatis libenti animo misit plures solemnes deputatos supplicaturos pro negociis supradictis. Qui quidem à domino Duce & aliis dominis cum omni benignitate recepti reportarunt quòd unus numerus satis parvus, utputà decem vel duodecim, vel.

Nnnnn ij

saltem quinque vel sex virorum, qui magis de illo negotio perpetrato Parisius suspecti habebantur sibi mitterentur, non intendens eorum mortem; & tunc si hoc facerent, libenter Dux, ut dicebat, seipsum intimum amicitia sicut antea reformaret. Præpositus autem & alij qui sibi dubitabant hoc audientes, & non credentes quod si tenerentur ab aliis mortem non evaderent terribilem, merito timuerunt, nec se voluerunt exponere tanto periculo non modicum formidando. Unde assumentes audaciam se voluerunt exponere, quasi omnes cives & confederationem facientes ad invicem, & pluries misso ad dominum Regentem sive Ducem præfatum simili modo sicut prius tam in Compendio quam apud civitatem Meldensem, ubi se aliquando transferebat, & nullo alio amicabili habito responso sed potius verba dura & aspera & comminatoria, timentes de periclitatione civitatis ad quam ut apparebat Dux regens & Nobiles quamplurimum sibi assistentes videbantur anhellere; & volentes urbem ab omni periculo eminenti totaliter defensare incœperunt se munire. Unde castrum de Lupara juxta antiquos muros Parisienses in manu sua cives receperunt, illos qui ipsum ex parte Ducis Regentis custodiebant citius expellentes, portas versùs aquas obstruentes: & introitum versùs villam de cetero facientes, quod quidem factum ipsum dominum Ducem ad indignationem amplius provocavit. Tunc enim omnes incœperunt se acrius defendere & munire, muros reparare, fossata jam inchoata sollicitè profundare, & super fossata ad partem Orientalem muros parvos novos construere, ballistas ad exitus portarum elevare.

1358.

Eodem anno 1358. fuerunt clausæ perpetuò plures portæ, & tunc fossata ante portas exterius elevata, utputa inferni quæ prætendebat ad Carrusienses inter Prædicatores & Minores, porta sancti Victoris & suburbium destructum, porta quæ prætendebat ad prata sancti Germani, & plures aliæ quarum nomina ignoramus.

Eodem anno fuerunt destructa hospitia & domus quas Fratres Prædicatores habebant & Minores extra muros Parisienses. Nam Prædicatores habebant infirmarias & capellas, notatas aulas & alias domos honorificas Regias & solemnes, & Fratres Minores refectorium constructum muro lapideo, tabulata, coquinas ac dispensas domosque alias utiles ac decentes, & tam illi quam isti ad domos istas per domos civitatis officiosissime subintrabant, similiter & ad hortos quos foris habebant speciosissimos & amœnos, & non solum domos quas ædificaverant perdiderunt exterius, sed etiam domus intra mœnia, & illas quæ muris ab infra jungebantur, ut inter ipsorum habitaculum & dictos muros aditus fieret atque via: & similiter factum est ad omnes muros ad plagam Occidentalem circumdantes civitatem, & quod mirum oculis fodientium fossata apparuit evidenter, circa centrum fossatorum ante domum Prædicatorum prope murum ab extra reperta sunt fundamenta turrium & castrorum tantæ fortitudinis & tam miranda conglutinatione cementorum, ut vix à quibuscumque malleis vel etiam instrumentis ferreis posset dictum opus, utpote Sarracenicum, destrui aliquatenus vel dissolui, quod fiebat ut fossata profundius aptarentur, &, ut fertur, olim ibi fuerat palatium sive castrum quod ab antiquis in gestis quæ nunc adhuc habentur Altum-folium vocabatur, de quibus adhuc vestigia restant.

Sic igitur negotiis Parisiensibus ad defensionem dispositis & aptatis, mala & damna per patriam circumquaque per Nobiles aliquos & prædones amplius accreverunt. Nam dominus Fulco de Laval cum Britonibus multis Belciam prædabatur ignes villulis ponendo, Stampas quæ jam antea capta & cremata per similes prædones fuerat, iterum spoliando: & sic prædones incedebant usque Aurelianis & ultra, in tantum quòd de Parisius usque Aurelianis nemo audebat incedere rectâ viâ, sed nec usque Compendium nec alibi erat tuta via nec secura. Dux autem Normanniæ tunc

Nnnnn iij

Regens illis diebus exiens de Compendio accessit ad civitatem Meldensem seu fortalitium quod ibi est, & ibidem fortificato loco se clausurunt, victualia civitatis Meldensis capiendo. Præpositus autem Mercatorum Parisiensium atque cives videntes quod dominus Regens erat eis contrarius, habito consilio super regimine civitatis, & carentes Capitano miserunt ad CAROLUM de Ebroicis Regem Navarra qui tunc erat ad partes Normanniæ, quem sciebant esse in disensionem novam & discordiam contra Ducem, rogantes eum ut veniret cum bona copia armatorum ad ipsos Parisius ut esset eorum Capitaneus & defensor contra suos quoscumque adversarios, excepto contra dominum Regem Franciæ Johannem qui in Anglia tenebatur; qui libenter acceptans venit Parisius, adducens secum Navarrenses multos & Anglicos quamplurimos stipendiarios & robustos: qui quidem Rex Navarra à civibus est receptus solemniter cum omnibus viris suis. Credebant enim Parisienses ab ipso & à suis contra Ducem Regentem & Nobiles optimè defensari. Dicta autem vocatio præfatum Ducem & suos & revera multos alios ad majorem indignationem iterum provocavit, unde tunc Nobiles incœperunt appropinquare Parisius, & se per campos ostendere in equis phaleratis & in armis ad pugnam aptissimè paratis, si illi de Parisius exivissent contra eos ad bellandum: sed Parisienses infra mœnia existentes, resistentes & tenentes, exire noluerunt; dicebant enim quod contra dominum suum non pugnarent, sed bene à quibuscumque eis nocere volentibus se defenderent resistendo. Una tamen vice fuit eis dictum quod inimici eorum in Corbolio se posuerant ut impedirent ne panis, qui de Corbolio ferri solet, Parisius per Secanam ampliùs pertransiret: Nobiles etiam super Secanam pontem fecerant inter Parisius & Corbolium, per quod transibant ad ambas partes fluminis incommoda non modica Parisiensibus inferentes. Quod videntes Præpositus Mercatorum atque cives cum bona mul-

titudine Corbolum accesserunt in armis, illos eiecerunt, pontem eis nocuum destruxerunt & cum lætitia sani & hilares Parisius redierunt. Dux autem in illis diebus aliquando in Melduno residebat & alibi, sed plus Meldis.

Altera autem vice contigit, quod Nobiles cum Duce in armis partes illas ubi pons fuerat, ut dicitur, prope pontem *de Charenton* accesserunt, ut Regem Navarræ cum Parisiensibus expugnarent, contra quos Rex Navarræ Capitaneus Parisiensis cum suis armatus aggressus est, & veniens ad ipsos locutus est multis sermonibus eis sine pugna, & deinde reversus est Parisius, quod videntes Parisienses suspicati sunt contra ipsum, quod quia nobilis erat cum aliis conspirasset aliqua Parisiensibus secreta forsitan vel nocua, propter quod dictum Regem Navarræ cum suis spreverunt, & ipsum ab illo officio removerunt. Ipse autem tunc de Parisius recessit indignatus cum suis, qui quidem dum recedebant & potissimè Anglici, quos dictus Rex secum adduxerat, rædia & opprobria hominibus de Parisius aliquibus facere nitebantur, sed illi antequam possent exire civitatem quamplures de illis fuerunt per illos de Parisius atrociter gladio trucidati. Rex autem prædictus Navarræ ad Monasterium sancti Dionysij in Francia exiens tunc de Parisius accessit, & dum ibi per aliquos dies sterisset, gens sua multa mala circa Parisius perpetravit. Nam tam Anglici qui de Parisius evaserunt quàm alij Navarrenses per agros & vineas tunc currentes, homines quos in campis & extra inveniebant occidebant vel captivos ducebant, villulas hinc inde in pluribus locis incendebant, sicut Capellam juxta sanctum Lazarum & burgum sancti Laurentij de Parisius, & horreum de Laudeto, sanctum Clodoaldum & aliquas villas adjacentes. Parisienses verò clausi in civitate se tenebant portas suas cum viris armatis custodientes sollicitè de die, sed de nocte magnas excubias facientes supra mœnia. Quadam tamen die scilicet in die Magdalenes

plures armati versùs sanctum Clodoaldum contra Anglicos exierunt de Parisius, qui ibi trucidati amplius non redierunt, & tunc ad omnem partem extra fortalitia omnia vastabantur, populares communes deprædabantur & nesciebatur ad cuius instantiam hæc fiebant nisi per Regem Navarræ. Nam tam ab amicis quàm inimicis plebibus ruralibus & Monasteriis campestribus & forensibus dispendia & incommoda ferebantur, & bona eorum ab omnibus rapiebantur, & non erat qui ipsos in aliquo defensaret. Propter quod quamplurimi tam de laicis quàm de Religiosis viris ac mulieribus coacti sunt, & etiam dominæ de Monte Martyrum & aliæ ubique loca sua relinquere sicut aliàs & petere civitatem, & ut breviter dicam, non fuit Monasterium juxta Parisius quantumcumque propinquum, quin ex timore prædonum cogeretur ingredi civitatem aut alia fortalitia, Monasteriis relictis & divinis officiis tunc, proh dolor! prætermisissis.

Eadem autem tribulatio non solum circa Parisius sed simili modo circa Aurelianis & per totum usque Turonis & ultra usque Nanetis in Britannia, & in patria Carnotensi & Cenomanensi mirabiliter grassabatur; nam villæ cremabantur, populares deprædabantur, & ad civitates cum bigis & cum bonis suis & uxoribus & liberis lamentabiliter accurrebant. Tunc enim villa de Meun juxta Aurelias & Bogenciacum in festo sancti Johannis Baptistæ ab Anglicis captæ fuerunt, & Bogenciacum præter castrum incendio devastatum. Tempore illo civitas in Loconensi in Pictavia fuit cremata, & Ecclesia ubi populus se receperat fortiter invasa sed non capta, populo villæ se viriliter defendente. Hæc & similia per totam patriam perpetrabantur, sed non erat qui remediando debitè obviaret.

Aliis igitur civitatibus & civitate Parisiensi sic malè tractatis & minimè defensatis, accidit prope Parisius casus aliàs inauditus; nam eodem anno 1358. in æstate rustici habitantes circa sanctum Lupum de Cherunto, & circa

1358.

& circa Cleremontem in diœcesi Belvacensi videntes mala & oppressiones quæ ab omni parte eis inferebantur, nec à Nobilibus suis tuebantur, immo potius ipsos sicut inimici gravius opprimebant, contra Nobiles Franciæ insurgentes arma sumpserunt, & seipsos in magna multitudine combinantes Capitaneum quemdam de villa, quæ Mello dicitur, rusticum magis astutum ordinarunt scilicet GUILLERMUM dictum *Karle*, & sic cum armis suis & vexillis procedentes per patriam cucurrerunt, & omnes viros nobiles quos invenire poterant, etiam dominos suos proprios occidebant, trucidabant & sine misericordia perimebant; & non solum sic contenti erant, sed & domos & fortalitia Nobilium ad terram prosternebant, & quod lamentabilius est, dominas nobiles & liberos parvos eorum quos inveniebant atrociter morti dabant; unde castrum de Curnovilla in Francia fortissimum tunc fregerunt, & ibi multos viros nobiles & mulieres qui se ibi tuebantur lethaliter ferierunt; & in tantum dicta tribulatio convaluit, quod etiam circa Parisius idem fuit; nam vix audebat nobilis aliquis extra loca fortia comparere, qui si à rusticis visus fuisset aut in manibus eorum incidisset, interemptus aut malè tractatus ab eis recessisset: & in tantum invaluerunt rurales supradicti, quod ultra quinque millia poterant aestimari, quærentes Nobiles & eorum maneria cum uxoribus & liberis extirpare; propter quod Nobiles se aliquo tempore retrahentes non videbantur incedere sicut prius. Sed istud negotium monstruosum diu non duravit, quin immo sicut à seipso & non à Deo, nec auctoritate debita utputà domini superioris dicti rurales hoc inchoaverunt, sed à semetipsis; ita totum eorum desiderium citò desiit & finivit; nam ipsi qui prius ut eis videbatur, quodam zelo justitiæ hoc inchoaverant, quia domini sui eos non defendebant sed opprimebant, converterunt se ad opera vilia & nefanda, quia, ut fertur, dominas nobiles suas vili libidine opprimebant, parvulos nobiles, ut diximus, innocentulos

perimebant, bona reperta rapiebant, se ipsos & feminas suas rusticanas curiosius vestientes, idcirco quod malè agebant durare diu non poterat, nec decebat. Unde Nobiles hoc videntes se paulativè adunaverunt & sagaci armorum cautela ad eos venerunt, & potissimè Rex Navarrae, qui aliquos de eorum Capitaneis blanditijs advocavit, & non credentes aut cogitantes interfecit, quibus mortuis versùs villam Montisdesiderij super alios quamplures adunatos & ipse Rex cum gente sua unà etiam cum Comite sancti Pauli irruit, & eos gladio occidit & peremit: sed adhuc sic non remansit dictum fatuum negotium impunitum, nam Milites & Nobiles resumentes vires suas se de prædictis vindicare cupientes, se fortius adunaverunt & per villas campestris multas discurrentes quamplures flammis incenderunt, rusticos tam illos quos credebant nocuos fuisse, quam alios per domos, per vineas fodientes, & per agros miserabiliter occidebant. De incendio prædicto lugent Verbria & Crux sancti Audæni prope Compendium, & multæ aliæ villæ rurales campestris, quas non vidi nec hîc noto.

 1358.

Eodem anno 1358. durante adhuc indignatione Ducis Normanniæ regentis Regnum, ut dictum est, contra cives Parisienses fortitudo & congregatio ipsorum major erat Meldis. Unde domina Ducissa cum Nobilibus exeunte, in fortalitio Meldensi, Duce absente & remotius exeunte, mota est controversia inter Nobiles clausos in fortalitio illo, & inter Majores civitatis Meldensis & concives; nam, prout fertur, aliqui de Parisiis armati acceperunt Meldis, quia cives Meldenses qui Nobiles propter eorum oppressiones odiebant, libenter eos bellicis ictibus, ut dicitur, invasisent, si subsidium bonum à Parisiis habuissent, quod & factum est; nam cives Nobiles in fortalitio cum Ducissa invaserunt, in porta super pontem pugnantes ad invicem, sed Nobiles magis docti in armis cives superaverunt ensibus & vicerunt;

quibus superatis Nobiles fortalitium exeuntes per civitatem Meldensem currentes sicut rabidi populum passim & indifferenter occiderunt, exceptis his qui fugere potuerunt, villam totam deprædati sunt, viros & mulieres captivos duxerunt & in fortalitio Meldensi recluserunt, nihil quod portare possent in Ecclesiis & domibus dimittentes. Deinde totam civitatem incendio tradiderunt, & quantum potuerunt præter fortalitium destruxerunt. Post hæc per adjacentem patriam furibundè currentes, homines quos reperiebant occidebant, ignes in diversis villis apponentes; & sic illo tempore tanta tribulatio in partibus Meldensibus fuit per Nobiles Franciæ & invaluit, quòd non oportebat ad destruendam patriam Anglicos accedere inimicos: nam revera Anglici qui erant Regni inimici capitales non potuissent egisse quod Nobiles intranei tunc egerunt. Hoc excidium non suffecit dictis Nobilibus, sed in magna multitudine armatorum ad civitatem Sylvanectensem venientes de Meldis ut eam caperent accesserunt. Cives autem Sylvanectenses præmuniti se optimè paraverunt, nam bigas aptatas posuerunt superius in capite magni vici, qui ascensum habet aliquantè montuosum, adhibentes viros robustos qui bigas illas contra inimicos per vicum illum gradientes fortiter impellerent & propulsarent. Posuerunt etiam viros armatos qui in domibus latitarent, ut dum illi intrantes eos non perciperent super eos irruerent vehementer. Posuerunt iterum mulieres ad fenestras ut super eos aquas bullientes abundanter effunderent. Omnibus igitur his negotiis sagaciter adaptatis venerunt illi Nobiles & clamantes ad portam quæ tendit Parisius, petierunt ex parte domini Ducis Regentis sibi portas aperiri, & eis claves & civitatem in eorum reddi manibus festinanter; & hoc non erat verum, quia non de mandato Ducis sed propria temeritate & fatua audacia hoc agebant. Cives autem muniti habentes secum aliquos Nobiles alios quos antea vocaverant, portas suas aperientes eos liberè intrare per-

O o o o o ij

miserunt. Illi autem cum fastu totum habere credentes cum magna superbia intraverunt, & dum essent in medio vici spatii evaginatis & neminem adhuc resistentem videntes clamare cœperunt sicut clamare solent invasores, quod audientes illi qui ad bigas fuerant ordinati cum maximo impetu bigas illas contra illos per descensum impinxerunt, illi verò qui in descensu erant resistere nec subsistere valentes per terram turpiter corruebant; homines verò in domibus latitantes extrà venientes eos ad terram prostratos gladiis ferebant, quod videntes eorum sequaces & qui paulativè portam intrabant ordinati ab aquis ferventibus in fugam velociter sunt conversi. Sic igitur multis interfectis illi qui evadere poterant fugere & recedere confusibiliter coacti sunt, qui usque Meldis ad suos revertentes & damnum suum narrantes facti sunt omnibus in derisum; qui verò mortui remanserunt genti Silva-nectensi ampliùs non nocebunt. Nunc autem ad cives Parisienses breviter est revertendum & dicendum.

1358.

In anno prænotato 1358. durante adhuc indignatione domini Ducis Normanniæ, ut dictum est sæpè, tunc Regentis, accidit Parisius factum ampliùs admirandum. Nam prout Præpositus Mercatorum cum multis de Majoribus civibus per quos tota civitas regi videbatur, considerabant quòd propter mortem illorum qui in festo Cathedræ sancti Petri præterito interfecti fuerant in palatio coram Duce, ut superiùs fuit declaratum, indignatio Ducis magis accrescebat, timentes ne deterius eis forsitan, ut putà mors, finaliter contingeret, cogitaverunt ut secretè de sua salute diligentius pertractarent, unde ut eis impositum est postea iverunt ad Regem Navarræ dominum CAROLUM de Ebroidis, qui antea per eos tamquam Capitaneus vocatus fuerat sed repulsus & contra eos offensus, ordinaverunt secretè ut iterum per ipsos vocaretur, & taliter fieret quòd ad eorum regimen & defensionem contra dominum Ducem; & tandem cum ipse Rex Navarræ esset de linea & prosapia Regia,

ad sceptrum Regale & Regnum Franciæ ascenderet & regnaret. Nam dictus Rex Navarræ ad hoc totis viribus anhelabat. Sic igitur fuit per prædictum Præpositum Mercatorum & per plures burgenſes ſibi adhærentes ordinatum & ſecrètè, ut tali die dictus Rex Navarræ Pariſius cum magna copia armatorum latenter appropinquaret, & ſic alicubi cum ſuis uſque ad tempus in embuchiis latitaret, & ipſe Præpoſitus Mercatorum cum ſuis claves portarum acciperet, & per ſe vel per ſuos eas cuſtodiri faceret, & dum non cogitarent de hoc homines, ipſe Rex Navarræ cum ſuis omnibus villam Pariſienſem citiùs ſubintraret, & homines ſibi contrarios tales & tales quorum oſtia ſignata reperiret trucidaret, & ſic ignorantibus popularibus de eis triumpharet, & totam civitatem per talem modum ad ſuum libitum obtineret, & deinceps honorem regium, ut opinabatur, repulſo Duce & ejecto, & etiam Rege qui captus erat in Anglia qui ſibi tot mala fecerat, culmen Regni & Coronam attingeret finaliter regnaturus. Nam, ut ſibi videbatur & eis, ſi civitatem Pariſienſem ad ſuum velle qualitercumque habuiſſet, alias civitates & villas ſuo conſenſui, ut credebant, faciliter inclinaret, & ſic illi qui talia procurabant fuiſſent tunc ab omni mortis periculo per hunc modum eo auxiliante penitus liberati. Sed unum proponit homo aliter ordinat Deus & diſponit, foderunt enim aliis foveam & inciderunt in eam: nam aliter iverunt negotia quàm ipſi inter ſe facere cogitabant.

Unde accidit in feſto ſancti Petri ad vincula, quæ eſt prima dies Auguſti, anno eodem 1358. quòd Præpoſitus Mercatorum & pauci burgenſes qui in caſtris & negotiis civitatis Pariſienſis ſecum adſtabunt, acceſſerunt ſimul ad portas civitatis clara die & voluerunt de cuſtodibus aliquos amovere, & ad ſua hoſpitia remittere, dicentes quòd ſufficiebant pro cuſtodia, pauciores amoventes de factò tamquam Gubernatores Reipublicæ, claves portarum & eas aliis

Ooooo iij

quos ordinaverant committentes, & accedentes ad portam novam seu bastillam que tendit ad sanctum Antonium, voluerunt facere similiter. Quod videntes aliqui solemnes burgenſes qui jamdiu dictam portam & claves in custodiam habuerant mirabantur, quare sic de novo Præpositus Mercatorum & illi qui cum eo erant, volebant sic ab eis auferre noviter claves illas, & custodiam portarum tradere aliquibus non ita sufficientibus prout eis liquidè videbatur. Ex hac igitur causa statim suspicio in animo dictorum custodum portarum & clavium de malo & proditione non modica extitit generata super Præpositum prædictum & super illos qui illuc modò venerant cum eodem; dicebant enim custodes se esse sufficientes, & què bene sicut illi quibus custodiam committere nitebantur. Præpositus autem & sui contrarium asseriebant. Ipsis igitur sic altercantibus de custodia & discordantibus, & etiam de clamoribus cum tuba facientibus, qui custodes volebant quòd proclamationes nomine domini Ducis Regentis fierent, & Præpositus volebat quòd nomen Ducis taceretur sed nomen Regis personaretur, & de hoc mirabantur alij cives: & sic eis insimul altercantibus, adfuit quidam de dictis portam aut claves custodientibus, qui dixit alta voce: Verè nos sumus per istum Præpositum proditi & traditi: & quidem hoc & his similia dicentibus & altercantibus, adfuit unus ex illis custodibus qui elevans cum magno impetu gladium vel hastam percussit valide Præpositum Mercatorum & eum crudeliter interfecit; quod videntes alij assistentes in socios Præpositi, qui illuc secum erant quinquaginta quatuor, irruerunt & ipsos omnes cum dicto Præposito subito gladiis suis vulnerantes occiderunt, & eos sic peremptos ad domum Fratrum de Valle Scholarium in platea ante Ecclesiam attraxerunt, & denudatis corporibus per plures dies cunctis videntibus ignominiose steterunt inhumati, nec permitti sunt de loco deporni donec dominus Dux veniret, & aspiceret se de

inimicis suis, illis videlicet occisis esse de cetero vindicatum. Præposito igitur Mercatorum cum sociis suis interfectis magnus clamor & maxima admiratio per totam urbem Parisiensem invaluit, & tota opinio vulgi & odium quod contra ducem Regentem prius habebatur in contrarium commutatum est, unde qui de mane contra Ducem Regentem se armabant, nunc in sero pro Duce stare, & ipsum recipere, ac sibi reconcilari uniformiter parati sunt. Gaudium & lætitia per civitatem insonuit, & clamor benivolus acclamabatur Duci, & illa rubea capucia quæ antea pomposè gerebantur deinceps abscondita sunt & dimissa. In crastino autem proclamatum est bene mane, quòd quicumque sciret aliquos de secta illorum occisorum eos caperet & adduceret ad Castelletum, sed bona ipsorum non tangeret neque uxores nec liberos irritaret. Sicque factum est, plures capti sunt & quæstionibus appositi & infra certum diem ad forum tracti fuerunt & judicialiter decollati, & isti fuerunt illi qui cum prædicto Præposito villam antea gubernabant, & de quorum consilio in omnibus agebatur, inter quos fuerunt aliqui burgenſes multum solemnes & eloquentes quamplurimum & docti, quorum unus dum traheretur, ut fertur, prorupit in hæc verba vel similia: *Heu me, ô Rex Navarrae, utinam te numquam vidissem vel audivissem.* His igitur sic peractis Dux prius contra cives indignatus, ut dictum est, ut audiuit quæ gesta sunt, Parisius infra quinque dies vel citius accessit, qui receptus est honorificè ab omnibus, & sciens punitiones factas omnem indignationem deposuit quam habebat prius, & reconciliatus est pacificè civitati, & cives novum Præpositum Mercatorum concorditer elegerunt.

Rex autem Navarrae videns quòd de Parisius non habebat opratum, cogitavit quòd alibi si posset intentum suum, quod de Regno obtinendo conceperat adimpleret; unde accessit cum magna gente armorum Ambianis & attrahens sibi majorem dictæ villæ

partem & unum Abbatem propinqui Monasterij blanditiis & promissis sibi consensum dederunt, ut ipsum ad obtinendam civitatem Ambianensem totis viribus adjuvarent; qui quidem Rex Navarrae de scitu Majoris dictae villae gentem suam infra ponens cogitavit illam capere, & in ea postea dominari. Verumtamen hominibus non credentibus subito Rex Navarrae & gens sua in suburbiis hospitati inter muros noviter factos & antiquos in populum insurrexerunt, gentem invaserunt trucidando, quamplurimos occidendo, ignem nihilominus in domibus apponentes, quod sentientes cives in corde villae manentes ad arma cucurrerunt, campanam Communitatis pulsaverunt, Majorem villae qui Capitaneus eorum erat ac defensor, & qui primus esse debebat vocaverunt, ut ad dictum periculum cum eis remedium apponeret & tali dispendio succurreret indilate, qui quidem quasi dissimulans, adjutorium prolongabat in tantum quod nisi fuisset Comes sancti Pauli, qui tunc volente domino erat Ambianis cum magna potentia, à Navarrensisibus Majore villae gratis negligenter tardante, fuisset ab illo tunc capta penitus; sed Comes sancti Pauli cum suis viriliter dictis Navarrensisibus restitit & ferventer; qui quidem Navarrenses sentientes dictam resistantiam & audientes campanam & populum ad arma concurrentem ab urbe & incendio violenter recedere & fugere coacti sunt. Suburbii civitatis sic vastatis & crematis cives Ambianenses quamplurimum doluerunt, & suspicantes dictum Majorem villae huic tantae jacturae operam modo proditorio contulisse, ipsum ceperunt una cum dicto quondam Abbate solemni, qui vicinus erat civitati, & ambos tortionibus submiserunt, qui quidem dictum maleficium & prodicionem finaliter se fecisse confessi sunt; unde ipsi ambo sic capti & confessati poenam sui reatus condignam suscipientes capitalem sententiam publice subierunt, novo Majore postea succedente. Et quia suburbia sic, ut dictum est, flammis fuerant dissipata, cives videntes

videntes quòd plus posset eis residuum nocere de cetero forsitan, quàm valere, quia magna fuerant atque lata, reliquias unà cum domibus Fratrum Prædicatorum & Minorum, quæ adhuc ibi remanserunt solemnita valde, & locum Fratrum sancti Augustini penitus destruxerunt, & ad terram penitus & ex integro prostraverunt, assignantes eis maneria usque ad tempus infra muros.

CAROLUS autem Rex Navarræ confusus cum suis ad partes Normannicas est reversus. Ex tunc autem & propter ista maleficia odium letale & discordia immensa ampliùs orta est inter Ducem Regentem & Regem Navarræ memoratum, & guerra fortissima inchoata, ex qua præfatus Rex Navarræ multa dispendia populo Franciæ postea intulit & gravamina inaudita: nam Regi Angliæ contra Ducem & Gallicos secum PHILIPPO Navarræ fratre suo confœderavit, & per Normanniam in terra non sua damna intulit non modica. His diebus Vernonem munivit & Medontem atque Meullen, & ita fluvium Secanæ ad partes illas Occidentales clausum tenuit, ita quòd nihil de Rothomago aut de mari usque Parisius navigio duci potuisset nec portari. Et sic eodem anno dictus Rex Navarræ per Franciam equitans terram & villas vastabat, cremabat, populares deprædabatur & captivos miseros deducebat, & quod plus fuit, apud Meldunum villam, quam soror sua Regina Blancha in dote tenebat, & quæ sibi restituta fuerat, ubi erat tunc præsens, ante Nativitatem Domini eodem anno 1358. accedens cum multis armatis intravit, & fortalium cum dicta recepit ipsa consentiente & munivit, Capitaneis & aliis hominibus alteram partem villæ ex parte Ducis Regentis tenentibus & custodientibus contra Regem Navarræ prædictum & contra suos adjuutores. Ista verò occupatio & munitio dicti Regis Navarræ in Melduno multum fuit dura Parisius & nociva. Nam ipsi Navarrenses adeò cursum navium concluderunt, quòd ligna de Burgundia non poterant

1358.

Tom. XI.

PPPPP

descendere Parisius neque vina. Dicitur autem Rex Navarrae vel gentes ejus ibi diu stantes multa gravamina fecerunt toti patriae adjacenti, multas deprædationes & concremationes hospitiorum & villarum, & magna caristia multorum bonorum tam de lignis quam de rebus aliis Parisiensem populum sæpius offende-
bant. Tunc enim quia à parte Rothomagensi, quæ est pars inferior, nec ab altera parte aliqua de talibus descendere vel ascendere per aquas poterant ut sole-
bant, unde arbores per itinera & per vineas incide-
bantur, & annulus lignorum qui ante pro duobus so-
lidis dabatur, nunc pro unius floreni pretio venditur;
propter quod dictus Regens finaliter cum populo Pa-
risiensi ad obsidendum dictam villam Meleun com-
puli sunt, contra quam aliquando fortiter cum ma-
chinis insilientes, nec sic eam vincere aut capere po-
tuerunt, quinimmo pars illa fortior in manu dicti Re-
gis Navarrae & suorum sic remansit, usque dum Deo
volente ejus animus fuit in melius postea commutatus,
& pax etiam inter eos dictos dominos deinceps refor-
mata, de quo dicitur sub quota anni subsequenti.

Sic igitur istis durantibus patria Franciæ gladio du-
plicata guerræ afflictæ fuit multipliciter & percussa,
paucis tamen remedio à Nobilibus appposito.

1358.

Eodem anno 1358. fuerunt multa fortalitia ab An-
glicis ad magnum detrimentum patriæ Franciæ forti-
ter occupata, utputà nobile castrum quod dicitur
Malum. consilium juxta civitatem Noviomensem, ubi
fuit captus ab Anglicis Episcopus dictæ urbis & multi
alii Nobiles in conflictu. Item castrum fortissimum
quod dicitur Credolium gallice *Creel* supra Izaræ flu-
vium versus pontem sanctæ Maxentiæ Belvacensis
diocesis, & castrum de Remino juxta Compendium
& Harelam jam tenebant. Item ceperunt in pago vel
territorio Silvanectensi Chauvressy & Jully, & multa
alia quorum nomina nunc ignoro. Item versus Aure-
lianis ceperunt locum de Castro-novo supra flumen
Ligeris domum pulchram & solemnem, & Foyacum

fatis prope. Alia autem fortalitia & loca hinc inde in diversis partibus Franciæ receperunt, & jam diu alibi receperant, ex quibus populus totus & viæ ac itinera lugere poterant ac dolere: nam propter hujusmodi captiones & prædationes jam viæ claudebantur, Mercatores & alij itinerare nisi timidè non poterant aut viare: & non solum lugere & dolere debebant itinera herbis plena, sed etiam Monasteria extra mœnia fortaliorum, ut Monasterium sancti Bartholomæi in Noviomio Canonorum Regularium, & sancti Evurtij juxta Aurelianis talis Ordinis, & sancti Aniani solemne collegium Canonorum secularium, ibidemque hoc anno ad terram funditus sunt prostrata, & hoc per cives ne inimici in eis se ponerent ad nocendum. Tales enim destructiones Ecclesiarum extra mœnia existentia in diversis & in pluribus civitatibus & locis factæ sunt per incolas & propinquos, ac Monasteria multa deleta penitus & destructa in Francia, Pictavia Andegavia, Ambianis atque Tornacensi & alibi, quorum nomina exprimere & quorum reparatio dispositioni divinæ suo tempore reservatur. Eodem anno contra civitatem Aurelianensem accedentes suburbia omnia vastaverunt, ignibus per ipsos in suo recessu apposis, aliis nonobstantibus nec defendentibus.

Anno eodem 1358. fuit prohibitum Parisius per omnes Ecclesias & Collegia ne ab hora vesperarum cantatarum usque in crastino luce clara fieret sonitus campanarum, ne vigiles & qui faciebant excubias in suo officio si venirent inimici forsitan turbarentur, excepto igniregio in nostra Domina quod horâ serotinâ pulsabatur, & tunc Canonici post Completorium suas cantabant celeriter Matutinas, quas antea consueverant hora noctis mediæ signis solemniter pulsatis devotius perorare. Eodem anno Anglici Latigniacum intraverunt, villam ceperunt, spoliaverunt, multos Nobiles occiderunt & duxerunt apud fortalium quod habebant apud *La Ferié*, & igne in villa appposito illæsi recesserunt nemine obviantre. Anno eodem

1358.

P P P P P ij

multæ villæ campestræ in Francia & alibi fortalitia non habentes, munierunt de se Ecclesias suas, de quibus inhabitantes populares fecerunt sibi fortalitia bona, fossata circa eas facientes, turres & campanilia muniendo ex assribus ad modum castrorum repleta lapidibus ac balistis, ut seipsos defenderent si eos invaderent inimici, quod audiui sæpius esse factum, & de nocte supra turres Ecclesiarum speculas habebant, in quibus pueri adstantes à longè speculabantur inimicos venientes, & tunc his visis cornu personabant vel campanas, quibus auditis rurales in agris vel alijs negotiis in domibus occupati ad Ecclesiam citissimè currentes se salvabant, & alij in aliquibus partibus supra Ligerim ad insulas se trahebant; ibidem de nocte dormientes, vel in navibus longè à ripis evulsis, logiis & tuguriis, tam in naviculis quàm in insulis ad sui salvationem cum familia & pecudibus.

1358.

Isto anno 1358. Anglici civitatem Autissiodorensē intraverunt, prædatique sunt eam & spoliaverunt eam infinitis bonis, & postea abierunt. Deinde alij Anglici ceperunt Spernacum Remensis diœcesis, & homines occidentes, innumerabilia bona ad ibidem deportaverunt, & alias plures villas ceperunt circa Remis usque Cathalanum & Sueffionem. Similiter aggressi sunt Anglici illis temporibus oppugnare & capere civitatem Trecensem vi armorum, sed Episcopus dictæ urbis cum Comite de *Vaudemont* domino de Jainvilla in armis viriliter se opponens ad ipsos in campali bello exeuntes illos Anglicos strenuè invaserunt, qui ad invicem diutius præliantes Trecenses de Anglicis victoriam retulerunt, eos superaverunt & vicerunt, & ceciderunt in illo bello de Anglicis ducenti & quadraginta præter captos & fugientes. Hæc & similia in illo bello dictus Episcopus Trecensis cum suis, & similiter dictus Comes egregiè perpetrarunt. Anno eodem Anglici de *Creel* villam de Montmorency juxta sanctum Dionysium in Francia ceperunt, spoliaverunt & postea cremaverunt, viros plures secum apud lo-

cum suum miserabiliter ducentes, & ut se redimerent quamplurimis contumeliis affligentes, & discurrebant continuè per vias & itinera inter Parisius & Compendium, & etiam ante Silvanectum, & quos in viis reperiabant aut in villulis, secum captivos ad Credolium Gallicè *Creel* deducebant, vel occidebant & pauci audebant incedere per viam, quia nullus ab eis inventus erat salvus, nisi qui ab eis saluum conductum litteratoriè obtinebat. In illis diebus incepit status fastuosus multorum Prælatorum humiliari quamplurimum per Franciam & minui multum valde; non enim poterant gaudere suis redditibus fertilibus & prædiis ut solebant. Erant enim nobilia maneria, Abbatia & Monasteria per inimicos in diversis locis, ubi etiam divinum servitium fieri solebat, diversimodè & ignominiosè pro dolor! occupata vel per amicos destructa similiter & obruta, ne inimici de eis forsitan se juvarent & sic multi Abbates & Monachj depauperati, & etiam Abbatissæ varia & aliena loca per Parisius & alibi divitiis diminutis quærere cogeantur. Tunc enim qui olim cum magna equorum scutiferorum caterva visi fuerant incedere, nunc peditando unico famulo & Monacho cum victu sobrio poterant contentari, suis domibus & Monasteriis in parte vel in toto, ut diximus, dissipatis, ac debonis suis & victualibus deprædatis.

Anno Domini 1359. inchoando annum in Paschate, sicut priùs, evenerunt ea quæ sequuntur. Circa istud tempus Connestabilis Franciæ, videlicet dominus *de Fiennes* cum multis armatis de Picardia fuit ante fortalitium de Walerico supra mare in Picardia contra Anglicos qui ibidem stabant, Monasterio totaliter concremato, & nostri qui poterant dictos Anglicos debellare, finaliter & capere, permiserunt eos cum bonis quæ per patriam & villam illam prædati fuerant gratis & liberè recedere & abire; de quo dolentes quamplurimi obviaverunt multis quibus multa spolia abstulerunt & plurimos occiderunt.

P p p p p iij

1359.

Simili modo ejecerunt alios de aliquibus fortalitiis dictæ terræ Picardiæ qui nocebant. Noviomenses autem illo anno videntes quòd non possent ejicere Anglicos de Castro Mali-Consilij prope se, considerantes mala & pericula quæ eminebant per illos, emerunt à dictis Anglicis dictum castrum, quo dimisso & ipsis exeuntibus & pecunia recepta statim Noviomenses dictum castrum funditus destruxerunt; & sic tota illa patria & itinera deinceps secura remanserunt. Monasterium tunc Ursicampi Cisterciensis Ordinis ex opposito situm damna sibi irrecoverabiliter ab Anglicis illata & incendia ex magna sui parte cognoscens, fari potest lamentabiliter & dicere seu precari, quòd Malum Consilium fuit sibi malè vicinum, & ideo de cetero maledictionibus repleatur. Quale autem Castrum & quantæ fortitudinis fuerit & pulcritudinis antiquitus dictum Malum-consilium, restantia ruinarum vestigia adhuc transeuntibus manifestant.

Eodem anno PHILIPPUS de Navarra frater Regis Navarrae cum magna copia armatorum oppositus multum Gallicis stans pro Anglicis venit in Viromandia volens nocere villæ optimæ sancti Quintini & patriæ adjacenti, & posuit se apud Frafagenes*
 f. * Frafagenes
 locus fortissimo dominarum Religiosarum mulierum inter aquas & paludes satis fortes, nec tamen est locus adeò fortis quin à gente bene bellicosa faciliter posset capi. Quod audiens Conestabilis Franciæ dominus de Fiennes cum bene forti & potenti comitiva venit illuc, quibus adventatis tota gens de patria illa illos Navarrenses & Anglicos invadere nimium animosè & statim fortiter cupiebat. Erant autem multo pauciores de viribus atque resistentia, ut constabat illis de patria & aliis, jamplurimum desperati, sed factò quodam ignoto consilio, Conestabilis illos invadere pro tunc prohibuit dicens, quòd utilius & melius expectato crastino ad libitum caperentur. Illi igitur de patria ad mandatum Conestabilis se quam-

quam invitè retraxerunt, crastina die prædictam de inimicorum suorum ad suum libitum spoliis & corporibus ultionem expectantes; & factum est dum ipsi in crastinum ditari sperarent, nocte intermedia inimici præfati eis ignorantibus liberè recesserunt. Isti autem spe sua frustrati & confusi dolentes quòd sic illos sine læsione amiserant, ad propria sunt reversi, non sine magna suspitione Connestabili imposita de vituperio sibi acquisito non modico illa vice in populo, remoto similiter & propinquo, & forsitan sine causa.

Anno eodem 1359. videntes cives Parisienses unà cum Regente Regnum videlicet Duce Normanniæ CAROLO, de quo sæpè dictum est, quòd Rex Navarræ CAROLUS de Ebroïcis nimium civitatem Parisiensem gravabat & patriam, quia ut dictum est ambos passus & meatus fluminis Secanæ pro navigio retinebat, nec valebat impugnatio quanquam fortis quam dominus Regens cum gente sua magna apud Meldunum jam pluries fecerat impetuosè, & adhuc personaliter accedendo fortiter facere non cessabat, unde bonum visum fuit eis ut per nobiles & notabiles personas de pace inter ambos dominos amicabiliter tractaretur, quod & factum est de utriusque beneplacito & assensu; unde venientibus ambobus dominis pacificè apud Pontisaram, & interjectis multis tractatibus atque viis ut pax posset haberi, vix inter arbitros potuit concordari; nam illi de parte Regis Navarræ multa petebant, utputà, villas, pecunias atque castra. Illi autem arbitri partis alterius multa de petitis recusantes, allegantes fortiter quæ sciebant. Sic igitur ipsis consulibus qui in tractatibus illis persistebant, formam pacis ad honorem cujuslibet partis non poterant invenire; nam isti plus petebant, alij minus reddere volebant, licet tamen dominus Dux sive Regens multa offerret dicto Regi, utputà, castra plura in Normannia atque villas, & cum hoc Comitatum Campaniæ Gallicanæ cum pecuniis satis

1359.

magnis. Tandem dum sic tractatus illi in discordia agerentur, neque possent consiliarij invenire debitam viam pacis, sed facto prandio quaelibet pars satis melancholicè vellent & disponderent ad propria remeare, ecce quoddà subito Rex Navarra memoratus quasi spiritu sancto inspiratus dixit suis: *Ego volo loqui cum domino Duce Regente fratre meo.* Frater enim ejus Legalis erat, quia sororem desponsaverat dicti Ducis. Audito autem ab aliis de suo consilio quoddà sic loqueretur, gavisi sunt gaudio magno valde. Et factum est convenientibus ambobus dominis insimul dixit Rex Navarra Duci valde benignè & modestè per hæc verba, prout fertur: *Ecce domine mi Dux & frater sciatis quoddà ego reputo vos & teneo dominum meum specialem; & licet habuerim diutius guerram contra vos & patriam Franciæ, sciatis quoddà ego nolo amplius dictam guerram ducere vel fovere, sed volo esse bonus Gallicus de cetero, & fidelis amicus vester & adiutor intimus & defensor contra Anglicos & quoscunque: & quidquid hætenus feci vobis, supplico quatinus mihi parcatis integraliter atque meis. Neque volo terras aut villas mihi oblatas vel promissas, sed si ego bene egero & fidelitatem de cetero in me inveneritis, detis mihi & faciatis secundum quod mea merita suffragabuntur & requirunt.* Hiis auditis dominus Dux adurrexit sibi, & egit magnas, benignas & intimas gratiarum actiones: & tunc ad invicem in signum pacis vinum & species cum gaudio receperunt, omnibus aliis existentibus & de pace dicta antea tractantibus, exultantibus de his quæ videbant & audiebant ac latantibus, reddentes Deo gratias, qui ita ubi vult spirat & peragit in momento ea quæ homines proprio sensu intuentes per multa temporis intervalla facere nesciunt vel non possunt. Et extunc restituta fuit villa de Melduno domino Duci, & fluvius ad navigium liberum restitutus, tam superius quàm inferius undequaque; & Parisius gaudium ac tripudium non modicum adfuit & toti patriæ similiter his

his auditis. Pace autem dictorum dominorum sic edita, ut dictum est, & melius ac melius confecta, ambo Domini cum suis ad propria recesserunt.

De hac autem pace Anglici dolentes amplius gravare patriam conati sunt, sed non semper optatum in factis suis ut voluissent per omnia reportarunt. Nam in aliquibus particularibus praeliis volente Domino aliquando perdiderunt, de quibus unum factum in hac presenti pagina ut accepi relatione veridica recitabo, quia etiam accidit in partibus propinquis unde extiti oriundus, & fuit negotium per rusticos, seu *Iaque bon homme*, strenue expeditum. Est quidam fortis locus satis honestus in una parva villa dicta Longolium versus Compendium, Belvacensis diocesis satis prope Verbriam fluvio Isaræ adjacente, & spectat locus ille ad Monasterium sancti Cornelij de Compendio jam præscripto. Viderunt autem dicti incolæ adjacentes dicti loci quod periculum esset eis si inimici locum illum occuparent, unde petierunt licentiâ à domino Rege & etiam ab Abbate Monasterij supradicti, posuerunt se in manerio illo munientes se armis & victualibus ut decuit, & fecerunt unum Capitaneum de suis de licentia domini Ducis, ut dictum est, promittentes ei, quod locum illum usque ad mortis periculum defenserent. Habitâ dictâ licentiâ multi de villagiis rurales se ibi tutius receperunt, Capitaneum de ipsis facientes unum magnum elegantem nomine GUILLERMUM dictum Alaudis. Hic secum habuit pro famulo quemdam alium ruralem quasi ad frænum suum mira fortitudine roboris & membrorum ac corporis elegantis, corpulentia & altitudinis quantitate, & non minus audacia ac vigore, & juxta ejus corporis magnitudinem habebat in se humilitatem & reputationis intrinsecæ parvitatem, nomine Magnus-Ferratus. Posuerunt ergo se ibi usque ad numerum ducentorum hominum: omnes fuerunt laboratores, & se de manualibus laboribus suis vitam suam humilem sustentantes. Anglici verò qui erant apud Credolium in castro audientes

Tom. XI.

Q9999

quòd ibi erant tales & tales resistere parati, spernentes eos & parum dantes venerunt ad ipsos dicentes : *Ejiciamus rusticos illos de tali loco, & possideamus fortalitium ita munitum & honestum.* Et factum est dum de ipsis ducenti advenissent aliis non prævidentibus, sed portis apertis ipsi Anglici audacter plateam intraverunt illis de infra superius in aulis existentibus ad fenestras, & videntes eos armatos valde compertè obstupuerunt ad ingressum, Capitaneus tamen cum paucis de suis descendens cœpit hinc inde percutere, sed parum valuit quia à multis circumdatus statim invasus ab Anglicis lethaliter percussus est, quod sentientes illi alij socij sui qui erant adhuc in aulis & Magnus Ferratus, dixerunt : Descendamus & vendamus nos, alioquin isti sine misericordia occident nos; & recolligentes se prudenter per diversa ostia descenderunt qui percutientes in brachiis potentibus, super Anglicos ita se habebant ac si blada in horreis more suo consueto flagellassent. Levabant enim brachia in altum & sic aeriter de brachiis suis super Anglicos attingebant, quod numquam ictus aliquis sine lethali vulnere procedebat. Videns autem Magnus Ferratus magistrum suum scilicet Capitaneum jam ad mortem dejectum, summè ingemuit & doluit, & appropinquans ad Anglicos omnes tam suos quàm alios ab humero & sursum eminebat & elevans hachiam suam lethales ictus ponderosos super alios geminabat & taliter percutiebat, quòd ante se plateam vacuum faciebat; non enim attingebat aliquem, quem si recto tramite percuteret quin cassidem frangeret, & illum cerebro effuso ad terram prosterneret interemptum; unde uni frangebat caput, alteri brachia, alterum ad terram dejiciebat & in tantum se egregiè habuit quòd in brevi hora ad primum aggressum decem & octo sine aliis vulneratis suo brachio interfecit, quem videntes socij sui animosè super Anglicos percusserunt. Quid plura? Torante eos & maximè coram Magno Ferrato cædebantur, quòd tota illa societas Anglicorum terga dare

& fugere coacta est, unde aliqui per aquam salientes seipſos ſubmergebant, alij per portam fugere credentes ab intraneorum ictibus titubabant. Magnus autem Ferratus ad locum medium ubi fixerant Anglici vexillum ſuum veniens extraxit illud occiſo portatore, & uni de ſociis ſuis dixit quod vexillum iſtud porraret ad foſſatum, ubi erat apertura muri nondum facti plenarie nec completi, qui renuens dixit hoc non poſſe facere, quia inter eos & ſuper foſſatum erat adhuc nimia copia Anglicorum. Quod videns Magnus Ferratus dixit illi ſequere me cum vexillo. Et tunc præcedens levavit hachiam ſuam ambabus manibus vehementer, & veniens illuc ac percutiens hinc inde à dextris & à ſiniſtris ſic viam & inter foſſatum ſua fortitudine patefecit, quamplurimis occiſis ibidem ſecundario & proſtratis, quod alter potuit liberè vexillum projicere in foſſatum, & revertens Magnus Ferratus iterum ad prælium aliquantulum repauſatus adeo percuſſit ſuper illos qui remanſerant, quod omnes in fugam qui revertere poterant breviter ſunt converſi. Et ſic illa die occiſi, vel ſubmerſi, vel proſtrati ſunt de Anglicis quaſi omnes quotquot venerant ad hoc factum, Deo auxiliante & Magno Ferrato qui in illo conſpectu prout fertur ultra quadraginta viros proſtravit & occidit; in hoc tamen prælio fuit percuſſus lethaliter, ſicut dixi, Capitaneus eorum ſcilicet Guillelmius Alaudis, unde finito bello nondum obierat, ſed portatus ad lectum vocavit eos omnes in præſentia ſua, & ſtatuerunt ſtatim unum alium Capitaneum loco ejus, & deinde vulneribus urgentibus continuo obiit & deceſſit, & ſepelierunt eum ſtentes multum quia ſapiens fuerat & benignus.

Anglici autem audientes interitum & caſum ſuorum doluerunt valde, dicentes quod nimium dedecus erat quod tot & tanti boni pugiles de ſuis eſſent à talibus ruſticis interempti; unde in craſtino ſe congregaverunt de fortaliis ſuis quæ prope erant, & acceſſerunt apud Longolium ad prædictos, qui tamen de

Q9999 ij

Anglicis pro tunc non timebant ampliùs : illi igitur subito venientes ad locum prædictum eos fortiter invaserunt. Quod sentientes isti de infra exierunt ad prælium animosè præparati & in prima fronte adfuit ille fortissimus Magnus Ferratus, de quo ipsi Anglici jam antea audierant, & de ejus ictibus ponderosis, quem videntes & sentientes experimentaliter suæ hachia & brachiorum fortitudinem, bene voluissent quòd ad illud prælium illa die non venissent : nam ut breviter dicam, quotquot venerunt, vel fugerunt, vel lethaliter vulnerati sunt vel occisi, & aliqui bene nobiles de Anglicis capti per illos de illo loco, quòd si reddidissent eos pro pecuniis, sicut nobiles viri faciunt, maximum lucrum habuissent ab Anglicis si voluissent, sed noluerunt, quinimmo dixerunt, quòd amodò eis nocumenta graviora non inferrent. Sic igitur Anglicos bis devicerunt Magno Ferrato percutiente & sic agente, quòd ipsi ab ejus ictibus taliter illatis non potuerunt se tueri. Finito igitur illo prælio & Anglicis devictis, Magnus Ferratus nimio calore & labore astuans aquam frigidam in magna hausit quantitate, & potavit & statim febribus est correptus, qui dimittens socios suos ad casam propriam remeavit ad villam proximam quæ dicitur Rupecuria unde erat, & posuit se ad lectulum infirmatus non tamen sine hachia ferrea quæ tanti ponderis ferri erat, ut vix unus homo communis cum duabus manibus eam levare à terra poterat ad spatulas. Audientes autem Anglici Magnum Ferratum infirmari gavisi sunt multum, quia eo præsentè nulli ibi audebant accedere propter eum, & timentes ne fortè sanaretur, miserunt ad ejus hospitium duodecim socios secretè, qui eum in hospitio jugularent, quos videns à longè uxor sua venientes cucurrit ad ipsum in lecto ubi jacebat dicens ei, heu carissime Ferrate adsunt Anglici, ut opinor veraciter, te quærentes, quid facies ? Ille autem sui morbi immemor velociter se armavit & accipiens suam hachiam ponderosam cum qua jam alias percusserat lethaliter

inimicos, exivit domum & veniens in curtiuncula sua vidit ipsos, & exclamans ad eos dixit: O latrones venistis vos ad me in lectulo pro capiendū me, adhuc me non habetis, & posuit se juxta unum murum ne ab eis giro forsitan vallaretur, & irruens in eos vehementer de hachia sua cum animi sui fortitudine viriliter se defendit, illi autem contra eum crudeliter insistant ipsum capere aut occidere tota intentione cupientes, ille verò ab eis mirabiliter se videns oppressum, impetu iræ suæ sic se contra eos mittit, quòd nullum de eis attigit quin oportuerit illum cadere mala morte. Sic enim eos invasit illâ horâ quòd vix habuerunt visis ictibus suis animum defendendi, unde in illo conflictu modico quinque ex eis prostravit ad terram lethaliter vulneratos: quod videntes alij septem eo dimisso omnes in fugam conversi sunt, ipse autem sic triumphans de eis ad lectum reversus & calefactus ex ictibus datis, aquam bibit frigidam abundanter, & sic in febrem acrius lapsus est, qua invalescente infra paucos dies sacris sacramentis perceptis dictus Magnus Ferratus migravit à sæculo, & sepultus est in cimiterio villæ suæ. Planxit autem illum illa tota societas & patria similiter, quia quamdiu vixisset ad locum illum Anglici non venissent.

Post hæc Anglici multas villulas & vilagia circa illas partes Belvacensis diocesis destruentes eas cremabant, prædabantur, homines capiebant vel etiam occidebant. Propter incendium enim villa de qua natus eram, quæ Veneta * juxta Compendium dicitur, cum multis aliis adjacentibus lamentatur: in partibus illis vineæ quæ amœnissimum illum desideratum liquorem ministrant, qui lætificare solet cor hominis, non fuerunt factæ neque laboribus manuum hominum cultivatæ, agri non fuerunt seminati nec arati, non remanserunt boves nec oves in pascuis. Tecta Ecclesiarum & domorum non arridebant novis reparationibus ut aliàs, sed potiùs flammis voracibus crebris, ruinas turbidas & fumosas & lamentabiles ostendebant: in

* Venette
patria Au-
choris.

Qq q q iij

pascuis virentibus & agris frumentorum & aliorum leguminum delectabilibus coloribus antè solentibus non poterant applaudere visus hominis nec aspectus, sed potiùs gemere pro urticis & cardonibus insurgentibus. Undequaque campanarum amœnus sonus pro divinis laudibus non audiebatur, sed bene pro inimicorum discursibus, ut sic à popularibus dum transibant latibula quærentur. Quid plura? omnis miseria undique invaluit & potissimè contra populares & rurales campestres; nam domini eorum quamplurimùm aggravabant eos, extorquentes ab eis totam substantiam & pauperem vitam suam: verumtamen quamquam essent armenta pauca sive greges, adhuc domini eorum cogeabant illos qui in illa possidebant ad solvendum pecunias pro quolibet animali, utputà, pro bove decem solidos, pro ove quatuor vel quinque, nec propter hoc inimicos repellebant nec invadere conabantur nisi rarò.

Eodem anno Anglici ceperunt castrum *de Roucy* Laudunensis Diœcesis & Comitem in eodem, sed eo redempto ejecerunt eum, castrum sibi retinentes, quod tamen postea Remenses ab eis redemerunt, & illis abeuntibus castrum ex integro destruxerunt.

1359.

Anno eodem 1359. similiter Parisienses & aliquæ aliæ bonæ villæ sicut est *Sylvanectum* & *Compendium*, fortalitium *de Creel* quod Anglici tenebant redemerunt pro magnis pecuniis, sed ipsi Anglici habitis denariis & ipsis recedentibus inde statim villam *Pontis sanctæ Maxentiæ* satis propè intraverunt, & eam fortificantes ad suum libitum tenuerunt. Deinde satis citò postea castrum fortissimum de *Claromonte* satis prope in *Belvacino* receperunt, viris nostris ejectis fraudulenter, villam in magna sui parte cremaverunt sed antea deprædatum & gente capta vel occisa vel in fugam conversa: & sic mala illi patriæ & Franciæ ampliùs accreverunt. Abbatix multæ illo tempore & multa Monasteria penitus in *Andegavia*, *Pictavia*, *Turonis* & *Aurelianis* & alibi destructa sunt,

& quatuor loca quatuor Mendicantium Aurelianis funditus deleta sunt, quia extra muros erant, & Monasterium Beatæ Mariæ Magdelenes ubi erant Moniales ultra sexaginta. Prioratus autem sancti Laurentij extra muros, & etiam sancti Aniani sicut jam antea fuerat, Monasterium sancti Evurcij & multæ aliæ Ecclesiæ: & hoc totum per gentem intraneam, ne inimici se reciperent in eisdem. Eisdem temporibus multæ villæ campestris tam in Francia quàm in Pictavia, Turonia, Andegavia & Britannia videntes quòd à propriis dominis non defendebantur, sed ab inimicis perdebantur & deprædabantur continuè stimulari per Anglicos, se eis tributarios reddiderunt, & sic pacificè manentes ab Anglicis colere terras & agros suos ac vineas permissæ sunt. Quod videntes etiam multi de dominis naturalibus voluerunt etiam eos cogere ad tributa solvenda sibi sicut ab Anglicis cogebantur, alioquin volebant eos perdere & evertere, & ipsos tamen contra adversarios minimè defendebant: & sic miseri rurales undique opprimebantur ab inimicis videlicet & ab amicis, nec mittebantur ab ambabus partibus vineas colere neque terras nisi tributis datis eis.

Illo anno 1359. Circa festum Omnium Sanctorum Rex Angliæ EDUARDUS cum Principe Walliæ primogenito suo & Duce Lenclastriæ, cum magna multitudine armatorum ad partes Franciæ iterum est reversus, quorum Anglicorum una pars villulas aliquas & castra invasit & specialiter *Bray* super Summam transeundo. Sed illi de infra se viriliter defendentes eis fortiter restiterunt, nec oppugnari ab Anglicis potuerunt, quinimmo multos de eis occiderunt & postea alij recesserunt. Rex autem Angliæ transiens per Hanoniam & per Terraciam venit cum suo exercitu potentissimo ante Remis, ut se ibi civitate expugnata faceret coronari in Regem Franciæ, prout fertur, & sic regnaret sicut alter Antiochus super duo Regna, sed videns civitatem opulentam & quasi inex-

864 *Continuatio altera Chronici*

pugnabilem, & gentem totam ad resistendum fortiter & cordialiter præparatam, postquam ante civitatem aliquamdiu steterat patriam devastando, nil aliud faciens, ivit ante Cathalanum, & simili modo videns eam fortiter munitam, oppugnationibus dimissis accessit versùs Burgundiam indilatè, quem sentientes Burgundi inierunt pactum secum per hunc modum, videlicet quòd promitteret eis nullum inferre nocumentum, & ipsi darent ei pecunias satis magnas, & etiam quòd ipsi permetterent eum & gentem suam intrare Burgundiam pacificè & exire, & cum hoc pro expensis eorum victualia ministrarent & venderent quamdiu staret in partibus Gallicanis, dum tamen eos in aliquo non gravaret. Ita narrabatur Parisius ubi eram quando hos apices describebam. Sed an verum sit vel non postea forsitan poterit apparere. Non enim de facili credere volo quòd gens illa tam nobilis & fidelis, & ubi domina Regina Franciæ domini Regis JOHANNIS uxor quamquam capti residebat tunc temporis, voluisset hoc facere pro inimicis dicti Regni, vel quòd ad ejus detrimentum cederet quoquo modo. Si enim hoc egissent, quod non credo, esset eis in derisum & opprobrium sempiternum, & meritò, nisi excusationem legitimam domino Regi nostro & Regenti ostenderent de præmissis, verum esse audiui quod ipsi se redemerunt pecuniis, ut dictum est.

* Audemari.

Ipso anno habuerunt Normanni conflictum contra Anglicos juxta Pontem Austomari*, ut licet Normanni strenuè se portarent, supervenientibus Anglicis secundum modum suum de una latente embuchia, Normanni in prælio à dictis Anglicis devicti sunt; multis tamen interfectis atque captis: ibi enim cecidit lethaliter vulneratus GUILLERMUS Marcelli Miles strenuus atque fortis, & etiam ibi captus fuit nobilis Miles LUDOVICUS de Haricuria, & unus alius dictus *Le Baudran de la Heuse*, & alij plures secum. Tandem infine hujus anni 1359. scilicet Pascha

1359.

Pascha sequens debet annum pro miseratione consequenter inchoare. Multi Nobiles de Picardia & Burgenses & alij pedites cum magna multitudine armatorum & manuum dictæ patriæ, & aliquarum aliarum nationum, scilicet, ut dicitur, de Normannia atque Flandria posuerunt se in mare ut ad Angliam invadendum totis viribus transfretarent, & ut Regem Franciæ JOHANNEM in Anglia detentum, si Deus bonam fortunam eis daret cum triumpho reducerent, & cum victoria gloriosa; & ut etiam qui in cespite patriæ ab inimicis se defendere nolente domino & propriis forsitan demeritis non poterant, in aliena gleba magis humiles effecti famam apud se perditam atque bona cum diligentia recuperare possent, & ad propria cum honoris præconio & auxilio Divino feliciter reportare, & ob hoc intraverunt spatia quarta decima die Martij hujus anni 1359. Qui quidem per mare navigantes terram in Anglia receperunt & villam quæ dicitur Nuinsele sic ceperunt vi armorum, ut eâ deprædatâ & crematâ, & populo interfecto, statim post duos dies ad propria redierint. De his autem quæ usque ad hos dies mensis Martij dicti anni acta scio clariùs quàm potui in præsentibus paginis conscribere dignum duxi, sed recordor adhuc quæ tunc Parisius moneta proponebatur, quia grossus S. Ludovici argenteus pro viginti solidis Parisiensibus computabatur & ulteriùs curribiliter seu communiter: & Florenus de Florentia ad viginti libras Parisienses computabatur ad campsores, quod non fuit visum aliàs, saltem de tempore viventium. His diebus & ob hoc omnia victualia cara erant: nam sextarium frumenti, quod aliquando pro duodecim solidis habebatur, nunc triginta libris Parisiensibus venditur & ampliùs: quarta autem boni vini non dabatur bonis sociis ad potandum, nisi viginti quatuor solid. Parisienses pro eadem solverent.

Mense autem isto & anno intraverunt Anglici locum unum supra fluvium Izaræ inter Pontizaram &

Tom. XI.

R r r r r

Bellimontem, qui dicitur Insula Adeliæ sive Adam, & fortalitium ampliùs munientes ita locum illum tenuerunt, quòd in hac Quadragesima pisces & alia victualia, quæ de mari usque Parisius vehebantur, transire non poterant rectâ viâ; & sic civitas Parisiensis piscibus marinis & hælecibus nisi paucis caruit, viâ per illos Anglicos damnabiliter impeditâ; nec propter hoc pigri homines Parisienses apponebant remedium debitum ad prædicta impedimenta celeriter amovenda, sed defectus prædictos inaniter sustinebant. Tamen finaliter omnes fuerunt occisi, & locus destructus per Nobiles & alios. Sed non est silendum quòd vernale tempus in mense Martij anno prædicto per Quadragesimam ita clarum fuit dulce & amœnum ac calidum, sicut homines aliqui recordari poterant aliàs se non vidisse, propter quod agricolæ multum affligebantur in corde de hoc quòd tale tempus elaberetur sine vinearum agricultura debita & agrorum, timentes valde ne anno futuro ex ejus defectu culturarum de agris & vineis caristia magna victualium per Franciam forsitan oriretur. Circa finem autem hujus anni scilicet ante Pascha moneta cecidit Parisius vigiliâ Annunciationis, sic quòd Florenus de Florentia, qui priùs valebat xx. lib. non valuit nisi xxxii. solid. & denarius albus qui valebat duos solidos non valuit nisi xii. ^{cim.} denarios Paris. ut sic qui priùs habebat viginti solidos Par. non habuit nisi xx. denarios in valore, & ob hoc omnes res in majori caristia ceciderunt, quia priùs quod dabatur pro duobus albis valentibus iiii. solid. nunc pro quatuor albis venditur solum valentibus octo denarios pecuniæ fortioris. Hæc & multa alia mirabilia isto anno acciderunt.

1360.

Anno Domini 1360. EDUARDUS Rex Angliæ cum filio suo primogenito Principe Walliæ, & cum Duce Lanclastriæ partes Burgundiæ deferens accessit ad partes magis Gallicanas, & descendit versùs partes Nivernenses cremando & vastando totam terram illam, applicans finaliter in Paschate juxta Parisius ad

sex leucas juxta *Chates & Montlebery*. In die autem Paschæ celebravit Pascha suum in uno solemnī & amœnissimo manerio quod dicitur Cantus-Lupus, Gallicè *Chant-de-loup*, inter *Montlebery & Chates*, & jam ibi steterat per sex dies, gente sua Anglicana hinc inde dispersa per patriam adjacentem totum devastando & cremando, in tantum quòd in omnibus villis campestribus circa Parisius saltem versùs partes illas, scilicet à fluvio Secanæ usque ad Estampas & ultra, nec remansit vir nec mulier, sed omnes ad civitates se præ timore ut aliàs receperunt, utputà Parisius & alibi se salvantes; sed & habitantes in tribus suburbiis Parisiensibus, scilicet apud sanctum Germanum de Pratis, apud Nostram Dominam de campis, & apud sanctum Marcellum omnes infra urbem relictiis domibus vacuis intraverunt: unde in sancto Sabbato Paschæ illud famosum carnificium sancti Marcelli translatum fuit in plateam Mauberti juxta fratres de Carmelo, & carnificium de sancto Germano translatum fuit alibi infra muros. Anglici autem omnia fortalitia quæ fuerant facta in turribus Ecclesiarum per villas campestres circa Parisius & alibi ceperunt & finaliter destruxerunt. Inter quæ erat unum fortalitium factum in Ecclesia & ejus turre in villa quadam prope Parisius, quæ dicitur *Oly*, quod fecerunt omnes villæ illius patriæ, & illud homines optimè paraverant & armaverant ad fortiter resistendum, & dictam Ecclesiam sic munitam illi homines numero ducentorum hominum dictæ villæ cum balistis & aliis defensionibus bonis habentes victualia satis largè retinebant, sed & ipsi in fortitudine confidentes & fortalitio sunt decepti finaliter; nam venientibus ad eos Anglicis in die Veneris sancta eos impugnari fecerunt, & interfecerunt de eis circa centum reliquis captis vel fugientibus qui fugere potuerunt. Tandem locum illum Anglici desolantes & victualia spoliantes ad locum sui exercitus, scilicet versùs *Chates & Montlebery* recesserunt. Illa autem die Veneris sancta & Sabbato Paschæ posuerunt ignes

R r r r ij

868 *Continuatio altera Chronici*

Anglici apud *Monlebery* in burgo & apud Longum-
Jumellum, & apud multas alias villas circum circa ad-
jacentes, unde fumi & flammæ usque ad cælum as-
cendentes videbantur Parisius in locis infinitis. Tunc
enim populus de villis campestribus fugerat Parisius,
quod erat lamentabile, mulieres, parvulos & homines
desolatos videre; in die sancto Paschæ vidi in Mona-
sterio Fratrum de Carmelo Parisius populum & Sacer-
dotes de decem parrochiis campestribus Sacramen-
tum ministrantes, & Pascha suum ibidem per diversas
capellas & loca alia celebrantes. In crastino verò Pas-
chæ domini & cives Parisienses ignes fecerunt apponi
in suburbiis illis de sancto Germano, & de Nostra Do-
mina de Campis & de sancto Marcello, & fuit, ut di-
citur, data licentia quòd quicumque posset rapere de
domibus ligna, ferra, tegulas & ceteras materias au-
dacter illuc iret ad diripiendum quidquid posset &
portandum, unde quamplurimi ad hoc faciendum in-
venti sunt qui cursu veloci edictum illud alacriter im-
pleverunt. Tunc enim vidissetis aliquos gaudentes
propter prædam, alios dolentes & gementes propter
damnum proprium quod videbant.

Die autem illa fuerunt destructa & cremata per in-
traneos aliqua hospitia solemnia & sumptuosa valde,
& pulchra maneria ne inimici se ponerent in eisdem
domibus ad nocendum, non tamen fuerunt tot do-
mus destructæ vel crematæ quin multæ integræ re-
manerent. In hebdomada verò Paschæ homines &
populus de villa de *Chates* sub campo illo de Campo-
Lupi fortificaverant Ecclesiam suam quæ erat tunc
pulchra & sollemnis, habens turrem magnam lapideam
pro campanis coopertam de plumbo, & in ea posue-
rant munitionem magnam victualium & aliorum bo-
norum suorum cum supellectilibus & utensilibus suis,
& illam Ecclesiam paraverant optimè cum balistis,
fundis & lapidibus & aliis instrumentis bellicis ad for-
titer resistendum, ostiis cum lapidibus obstructis &
fenestris, necnon & eam vallaverant fossato magno

fatis atque lato, & se omnes cum mulieribus & parvulis receperant in eadem, sperantes & credentes cum suo Capitaneo bene resistere; quod sentientes inimici Anglici machinas paraverunt festinanter ad projiciendum lapides super eos: nam ipsi Anglici erant superius in monte & Ecclesia illa posita erat in declivo sicut & tota villa illa. Videntes autem Capitaneus & aliqui de magis potentibus & timentes de machinis immixtis popularibus in Ecclesia & in garitis circa turrem, posuerunt se in una alia turre magis forti & minus possibili ad cedendum. Populares autem se considerantes esse in periculo & illos alios in magis tuto, & quod dimittebant eos, inceperunt illos potentes increpare & dicere quod male faciebant quod sic eos solos & ignaros dimittebant, & quod pro certo volebant Anglicis se reddere ad misericordiam ipsorum. Capitaneus verò & illi qui secum erant timentes ne illi populares se redderent, & sic per consequens ipse Capitaneus & alij caperentur, fecerunt apponi ignem in Ecclesia ab infra per unum de suis famulis vel mangonibus: ignis autem appositus statim saltavit per intus & cremare cœpit totam Ecclesiam tam infra quàm extra, sed & citius convolvit ad locum ubi dictus Capitaneus cum suis sociis latitabat, in tantum autem convaluit ille ignis quod totam Ecclesiam cum turre & campanis devoravit, & quod magis lamentabile, proh dolor: dici debet, quod de mille & ducentis personis tam virorum quàm mulierum quàm parvulorum non remanserunt trecenti, quin à flamma voraci miserabiliter cremarentur, quia tota Ecclesia clausa erat ubique bono muro tam in portis, ut supra diximus, quàm in vitreis fenestris, & quod plus fuit illi qui evadere poterant saltando vel per cordas descendendo inveniebant Anglicos in exitu eventum considerantes & eos deridentes, quia à seipsis & non ab Anglicis acceperant illud damnum & eos ibidem acriter trucidabant. Ipse tamen Capitaneus unus

R r r r iij

evasit & se Anglicis reddidit ibidem, quia nobilis homo erat. Sic enim fuit illa Ecclesia cum omnibus bonis quæ intus erant funditus destructa, quæ tamen solemnitas valde fuerat, quia ibidem erat unus bonus prioratus & Claustrum spectans ad Monasterium Sancti Mauri de Fossatis, & erat cum hac Ecclesia parochialis dictæ villæ quæ bona fuerat & opulenta, & populus ille fuit miserabiliter mortuus & extinctus. Hoc enim lamentabile factum, ut dictum est, audiui sic narrari Parisius à quodam qui ibidem clausus fuerat & evaserat vivus, volente Domino nostro JESU CHRISTO quem de sua salute colaudabat.

Eodem tempore similis & æquè lamentabilis casus accidit apud *Thoury* in Belcia; fuerat enim *Thoury* villa seu vicus in Belcia situs in plano in via inter Estampas & Aurelianis pulcris & honestis ædificiis fabricatus, & ad hospitandum in quamplurimis locis magnos Principes & Barones & alios populares, habens in medio castrum quod incolæ ipsi munitum fossatis & garitis tenebant ad fortiter resistendum; unde advenientibus Anglicis ad partes illas ipsi habitatores villæ unà cum bonis suis, mulieribus ac parvulis se infra dictum fortalitium receperunt, figentes logias & tuguria infra castrum, in quibus pro tempore latitarent. Nam tam ipsi pro Anglicis quàm Anglici pro ipsis tradiderunt domos suas incendio. Contigit autem ut dum Anglici essent juxta quòd una parva domus prope castrum evaserat periculum incendij quasi sola, quam videns Capitaneus qui de castro custos erat mandavit eam igni tradi, sed pro dolor! quanta jactura ob hoc contigerit, narratio intuentium declarat dolorosa: nam igne in domo illa accenso subito surrexit ventorum magnus afflatus, carbonem accensos ingentes cum magnis voracibus flammis usque ad castrum & infra deferens, omnia illa tuguria cum rota multitudine populari miserabiliter comburens tam virorum quàm mulierum & par-

vulorum, paucis qui evadere poterant & saltare per muros exceptis. Quanta autem copia vinorum, nummorum, bladorum, vasorum & suppellectilium ibidem tunc periit tacendum est, cum de personis periclitatis amplius sit curandum; & sic illa villa campestris quæ honesta multum fuerat in populo & hospitibus, ad nihilum redacta est miserabiliter à seipsa. In octabis autem Paschæ Anglici nolentes ab obsidione in qua steterant ante Parisius recedere, accesserunt prope civitatem Parisiensem cum magna multitudine armatorum, currentes & se ostendentes versus nostram Dominam de Campis & circa Monasterium per vineas & per campos, quod perspicientes Gallici ad muros cucurrerunt qui ad hoc fuerant ordinati, & alij utputà Nobiles qui in urbe tunc erant cum domino Regente in bona copia armis protecti se extra muros posuerunt non multum elongantes à fortaliis & fossatis, quia Anglici eos videntes paratos ad prælium se longius retraxerunt, ita quòd non fuit tunc temporis prælium. Hanc autem ostentationem Anglici fecerunt, ut dicitur, ut alij cum bigis suis & ceteris munimentis & curribus tutius recederent Gallicis per eos impeditis, ne eis impedimentum inferrent forsitan in recessu quem egerunt in partes Carnotenses. In crastino autem scilicet feria secunda sequente per totum diem fuit tantorum imbrium & grandinum abundantia, quòd maxima pars bigarum & curruum ipsorum Anglicorum in viis & itineribus imbre nimio madentibus remansit equis deficientibus nec trahere valentibus, sed potius multis cum ductoribus suis à grandinibus & aquis pluvialibus inæstimabilibus miserabiliter suffocatis, in tantum quòd illa die Anglici ex hujusmodi impedimento jacturam maximam de rebus suis & de corporibus multorum qui deficiebant, ut dicitur, incurrerunt; & sic partibus Parisiensibus derelictis versus partes Carnotenses Anglici accesserunt, multis tamen fortaliis per eos occupatis & aliis dirup-

tis, & villis deprædatis similiter & crematis. Multa alia incommoda ipso tempore per ipsos Anglicos in pluribus locis acciderunt, sicut apud Compendium inter villam & nemus conflictu habito inter illos de villa & Anglicos qui in nemore latuerant, plures de villa ab Anglicis vulnerati sunt & occisi ex indiscreto regimine atque capti, qui plures de villa ad debellandum Anglicos quos infra nemus pauciores esse putabant, exiverant animosè. Nobilibus tamen pluribus de patria qui se infra villam pro tuitione suorum corporum receperant nullum auxilium illis de villa in hoc negotio ministrantes. De aliis autem gravaminibus & incommodis hîc finem agendo ad ea quæ gaudium & lætitiâ adferunt, id est de pace inter ambos Reges nunc præsens narratio breviter convertetur. Sequitur ergo de pace & ejus tractatu.

Appropinquante autem tempore quo Dominus noster JESUS CHRISTUS pace inter Deum Patrem & humanum genus mirabiliter reformata ad cælos ascendere cum jubilatione secundum reputationem Ecclesiæ debuerat, hoc est, tempore adveniente Ascensionis ejusdem Domini Salvatoris ipse Dominus videns afflictionem miserorum & gemitum pauperum captivorum, & audiens noluit ulterius contritionem populi Gallicani sufferre, qui jam per viginti quatuor annorum cursus & ampliùs oppressiones guerrarum per Anglicos & alios adversarios suos sustinuerat & jacturas, sed potiùs voluit misereri populo tam afflicto. Unde factum est ipso Salvatore disponente quòd Dominicâ quâ cantatur in Ecclesia *Cantate*, accesserunt solemnes Ambassiatores & Consiliatores Domini Regentis supra sæpiùs nominati apud Urbem Carnotensem, in quibus partibus Rex Angliæ cum suis patriam invadebat, pro pace tractanda inter dominos partis utriusque. Rex verò Angliæ pacem libenter volens, alios solemnes nuncios ex parte ejus ad dictam civitatem securitate tradita pro pacis tractatu cum aliis similiter destinavit. Qui quidem
simul

simul agentes ad pacis finalem concordiam inspirante Spiritu sancto, lætantibus, ut credimus cum eis etiam Angelis devenerunt: qua pace inter partes jurata plurimi de Nobilibus Angliæ nudis pedibus usque ad Ecclesiam Beatæ MARIÆ Carnotensis ex devotione gaudiosa satis remoti à suis tentoriis peregrè processerunt. Ambassiatores autem Francorum sive pacis tractatores statim Parisius redierunt, adducentes secum alios qui pro Rege Angliæ & ejus consilio apud dominum Regentem juramentum de pace tractata facerent, & Regentis sacramentum similiter reciperent fideliter prout decet. Præfatis autem Ambassiatoribus tam Anglicis quàm Gallicis Parisius adventatis cum omni honore recepti sunt à domino Duce & à civibus universis. Et factum est, in Dominica qua cantatur in Ecclesia *Vocem jucunditatis*, ante Ascensionem Domini accessit Regens cum suis Ambassiatoribus, & similiter accesserunt Anglici qui venerant ad Ecclesiam Virginis gloriøsæ Parisius pro pacis tractatu, audiendo & iterum repetendo & jurando placuit domino Duci seu Regenti ac toti consilio ejus & civibus. Quo audito ipse dominus Regens pro se & suis, & alij pro Rege Angliæ & suis, dictum pacis tractatum in basilica Beatæ MARIÆ super altare Reliquiis sanctis tactis se tenere & firmiter servare juraverunt. Pace igitur sic firmata & jurata ineffabile gaudium adfuit toti plebi, & statim in Ecclesia illa omnes campanæ cum magno mugitu & devota melodia sunt pulsata, Canonicis omnibus & Clericis, *Te Deum Laudamus* lætè & devotè cantantibus & Dominum laudantibus, & pro pace reddentibus Deo gratiarum debitas actiones, & sic factum est quasi eadem hora per universas Ecclesias & collegia dictæ urbis. Tunc enim audita est illa die per totam civitatem vox jucunditatis & lætitiæ in tabernaculis justorum & omnium afflictorum. Gaudebant enim quasi omnes & meritò, exceptis forsitan illis qui in tempore guerrarum & in factis earum aliis perdentibus reperiunt magna lucra, sicut sunt armi-

factores, & aliqui alij qui rapinas illicitas & opera nefaria in tali tempore Dei timore postposito cupiunt exercere, & de rebus non suis sua replere marsupia minus justè, de quibus in die judicii districtam eis oportebit reddere rationem. Doluerunt etiam falsi proditores & notorij raptores, timentes ne postea in patibulis pro suis sceleratis actibus & demeritis accusati & cogniti alligentur. Sed de hiis non plus.

Sic autem pacis concordia diu desiderata fuit inter eos volente Domino reformata sub hoc pacto: Quòd dominus Rex Franciæ JOHANNES qui in Anglia tenebatur ad dicta Regni gubernacula reverteretur sanus & alacer indilatè, multis inde conditionibus appositis, videlicet: Quòd Regi Angliæ remaneret pacificè Ducatus Guyanæ seu Aquitaniæ, & Comitatus Xanctonensis, Angolismensis, Pictavenfis, Bigerrensis, Petragoricensis, Pontivenfis, & Guynarum, atque villa Rupellæ & Calesij; & pro suis expensis atque pro redemptione Francorum Regis præfati tres miliones florenorum ad scutum boni auri & ponderis solverentur infra tempus limitatum, & nihilominus alia pecunia pro fortalitiis circa Parisius recuperandis quæ occupata per Anglicos tenebantur. Et nota quòd quilibet milio florenorum valet decies centum millia florenorum: summa triginta vicibus centum millia ad scutum florenorum. Ipsæ erant conditiones famosæ quæ in vulgo dicebantur pro pace obtinenda; & ad eas implendas datæ erant treugæ inter prædictas partes in festo sancti Michaelis sequentis usque ad festum sequens sancti Michaelis; atque fuit proclamatum ut nemo Anglicos quoscumque vituperaret aut molestaret quovismodo, sed permetterentur ire, venire, emere, vel vendere pacificè, & quicumque vellet cum eis mercancias exercere pacificè & quietè. Rex autem Angliæ poterat ire Calesium tutè & sine impedimento & ibi facere adduci dominum JOHANNEM Regem, & dictum pacis tractatum confirmare insimul & jurare. Et hoc facto idem dominus Rex Franciæ Jo-

HANNES debebat Parisius cum gaudio remeare.

Pace autem sic volente Domino confirmata non fuit propter hoc à malis & gravaminibus tunc cessatum. Nam licet Anglici cessassent, Gallici tamen multi non continuerunt se populares opprimere & prædari, unde tunc latrones & prædones per vias & itinera & nemora fortia insurgentes viatores acrius infestabant eos depredando, & quod facere antea non consueverant sine misericordia jugulando. De quibus latronibus & homicidis multi postea capiebantur & patibulis per Justitias adducebantur. Quinimò adhuc Anglici qui fortalitia detinebant, tales latrones capiebant & modo judiciario ad arbores suspendebant, magis mites se habentes ad populares de villagiis quàm domini naturales.

In diebus illis orta fuit dissensio maxima post tractatum pacis inter dominum JOHANNEM de Artesio & inter villam de Peronna Noviomensis diœcesis, ratione munitionis castri dictæ villæ. Qua controversia durante dictus dominus Johannes villam obsessit quæ erat bona, fortis, clausa & satis populosa; qui quidem advocans ad suum auxilium Nobiles multos de Francia, videlicet Ducem Aurelianensem, qui erat domini Regis Johannis frater, & alios plures, similiter quamplurimos stipendiarios Anglicos, multos insultus dedit villæ prædictæ, qui quidem villam ceperunt, spoliaverunt, cremaverunt, & homines in magna copia occiderunt, & etiam multas villas adjacentes cremaverunt. Alias multas bonas villas & civitates ipsi Nobiles de Francia tunc diffidaverunt, & Burgenses quasi extra proficiscentes damna rerum & corporum simul perdiderunt: villam etiam de Chauniaco super Izaram bonam valde Nobiles destruxerunt: & sic qui patriam defendere tenebantur, eam isto tempore magis infestabant. Unde cives Parisienses sibi quamplurimum de eis dubitantes excubias de nocte ad custodiendas portas sollicitè de die exhibebant, & æquè diligenter ac si Anglici in partibus illis guerras duce-

ssss ij

id est, *
Indictum,
vulgo, le
Landit;
Nundinae.

rent contra ipsos, multum desiderantes reversionem seu adventum domini Regis JOHANNIS, ut justitia de malis hominibus nobilibus Franciae sic patriam molestantibus, & etiam de praedonibus aliis exerceretur similiter, & ut tota terra in tuto habitaretur, & itinera seu nemora ab hujusmodi praedonibus qui quasi infiniti ad omnem partem latitabant similiter purgarentur; nam viae & itinera minus tuta erant pro nunc quam quando Anglici guerrarum discrimina per Franciam inferebant, exceptis de ignibus in domibus apponendis & de prisonariis capiendis. Landitum * more solito juxta sanctum Dionysium in Francia fuit tunc, sed pauci ibi mercatores ad emendum mercantias advenierunt, timentes per itinera depradari vel propter suas pecunias interfici a latronibus qui in magna multitudine in itineribus tunc & nemoribus latitabant, ut dictum est.

1360.

Eodem anno 1360. circa festum beati Johannis Baptistae reversus dominus JOHANNES Rex Franciae pacifice de Anglia ad Franciam, primo applicuit apud Calesium & ibi stetit per aliquod tempus, videlicet usque dum prima solutio redemptionis suae fuit Regi Angliae persoluta, & quod obsides de utraque parte dati fuerunt, ut conditiones pacis inchoatae finaliter complerentur. Quo facto in Adventu Domini ejusdem anni venit dictus dominus Johannes Rex Franciae Parisius, ubi fuit cum solemnitate maxima & honore a civibus & aliis receptus, tam a Clero quam a ceteris universis. Ex tunc incœperunt spoliatores viarum & nemorum diminui paulatim, & hoc versus Campaniam & Picardiam, sed ultra Aurelianis non fuit in aliquo tuta via, quia Anglici occupantes fortalitia noluerunt reddere ita citò.

Item anno eodem infurrexerunt filij Belial & viri iniqui, videlicet multi guerratores de diversis nationibus non habentes titulum aliquem neque causam aliquos invadendi, nisi proprio motu seu nequitia affectata sub spe depradandi, & vocabatur magna So-

cietas. Qui quidem scelerati adunantes se in magna copia valde, accesserunt in armis propè Avinionem volentes debellare Dominum nostrum Summum Pontificem & dominos Cardinales & Ecclesiam sanctam Dei; & venientes ad pontem Sancti Spiritus prope Avinionem acceperunt illam villam celeriter vi armorum, & ibi diutius stantes totam adjacentem patriam horribiliter devastabant, volentes quomodocumque civitatem Avinionensem, ubi dominus Papa INNOCENTIUS Sextus morabatur cum Cardinalibus, sibi ipsis finaliter subjugare, & non solum illam urbem, sed & alias villas & fortalitia patriæ supradictæ usque ad Montempeffulanum & Tholosam, Narbonam & Carcassonam & ceteras partes illas. Verumtamen in fine receptis magnis pecuniis à Domino nostro Papa & habita absolutione ab eodem, ut dicitur, loca circa Avinionem dimiserunt, & ad diversas mundi partes nocendo semper finaliter respexerunt vel destruxerunt. Eodem anno 1360. tantus defectus vinorum fuit & fructuum, quòd cauda vini competentis vendebatur Parisius xxv. florenos & amplius, cerasa non fuerunt, blada pauca, & unum pomum tribus vel quatuor denariis vendebatur Parisius. Magna mortalitas anno illo in Flandria & in Picardia fuit, & in sequenti anno Parisius.

Anno Domini 1361. fuit magna abundantia fructuum & vinorum, sed antequam ad maturitatem devenissent, caristia victualium in Francia fuerat, ut dictum est, magna nimis tam de vino quàm de blado & fructibus, quia defecerant anno præcedente. Tempus hyemale fuerat longum, sed tempus vernale fuit satis siccum, æstivale verò temperatum. Multi moriebantur Parisius, & specialiter pauperes qui de villagiis affluebant angustii fame ac penuria & defectu, unde in Domo Dei Parisius communiter efferebantur mortui septuaginta funera vel octoginta: tempore æstivali & vernali finaliter in Anglia multi obibant; ibi enim obiit Comes de San-

S ffff ij

1361.

cto Paulo qui erat obses cum aliis pro domino Rege Johanne & pro pace, & plures alij domini & Burgenfes de Francia ibidem obsides fimiliter obierunt.

Eodem anno 1361. venerunt Britones & Vascones spoliatores per aliquas partes Pictaviæ & per Andegaviam sine titulo deprædantes & spoliantes omnes illas partes, capientes plura fortalitia & castra, unde occupaverunt Prioratum de *Quinaut* super Ligerim, & totam patriam illam omnia deprædando. Item ceperunt castrum de Vindocino & Comitissam cum filia sua intus cum multis Nobilibus, aliis dominis & dominabus, ibi de nocte per quemdam Anglicum qui vocabatur Robertus *Marcant*, qui erat vir ignobilis & de nihilo per tales modos indebitè elevatus, & tunc effectus est vir nobilis & strenuus de parte domini Regis Franciæ, qui antea semper fuerat Anglicus & de parte Anglicorum. Tandem postea satis citò Britones multi modò venerunt per partes Carnotenses & Aurelianenses deprædando totam terram, fugientibus de locis suis populis rusticis & venientibus Parisius. Interim prope Parisius versus partem Occidentalem accedentes illi qui in suburbis morabantur quamplurimum formidabant, nec apponebatur per quoscumque dominos aliquale remedium, quinimmo fuit per dominos Principes & eorum consilium prohibitum burgensibus Parisiensibus, ne de hoc contra illos Britones aut Vascones se intromitterent in aliquo, sed potiùs vacarent suis mercantiis sicut possent; & sic deprædabantur pauperes & rurales, nemine eos in aliquo adjuvante, & vix audebat aliquis ire inter Parisius & Aurelianis & Carnotem, & alias civitates de partibus illis: & omnia ista ortum habuerunt isto anno, sed amplius anno sequenti & fortiùs duraverunt. Ipso anno in Quadragesima visa fuit in Turonia & Andegavia una stella ante diem pluries magna valde & fulgida atque inconsueta, utputà stella cometa. In isto anno 1361. fuit Hyems valde humida & calida contra naturam

suam, in tantum quod arbores multæ in diversis mundi partibus floruerunt & flores produxerunt ante festum Nativitatis Domini, sed postea non profecerunt nec pro tunc nec pro toto anno sequenti.

Eodem anno fecit fieri Rex Franciæ monetam valde bonam, scilicet grossos albos duodecim denariorum Parisiens. non tamen ita magnos sicut erant grossi antiqui, quia illi xvj Parisiens. tunc temporis valuerunt. Item fuerunt impositiones super rebus venalibus satis graves & gabellæ, pestis atque mortalitas in aliquibus villis atque locis.

Anno Domini 1362. inchoando annum in Paschate quod fuit xvii. die mensis Aprilis, erant abores atque vineæ in apparentia magna valde fertili atque bona, sed in hebdomada ejusdem Paschatis fuit unum gelu valde grave, quod vineas hinc in Francia, Turonia & Andegavia usque Lotharingiam & ultra destruxit penitus & extinxit vineas, nuces & alias arbores fructiferas, sic quod propter gelu & propter hyemem humidam & quasi continuè pluviolosam vinum, nuces & alij fructus anno isto exceptis de paucis locis totaliter defecerunt; & similiter blada non fuerunt in tanta abundantia ut aliàs fuit visum, sed satis bene transivit annus iste propter magnam abundantiam vinorum, fructuum & bladorum quæ fuerunt anno præcedenti, avenæque multæ fuerunt propter abundantiam pluviarum. Isto anno in mense Octobri obiit Dominus INNOCENTIUS Papa Sextus in Avinione, & domni Cardinales in electione procedentes & diutius conclusi in aliquem de suo collegio concordare non valentes, elegerunt Abbatem sancti Victoris Marsiliensis Ordinis sancti Benedicti nomine tunc Guillelmum Grimouart, & fuit vocatus Urbanus quintus & coronatus in Avinione infra Octabas Omnium Sanctorum; & tunc fuit magnum murmur in Clero & alio populo contra Cardinales, qui cum haberent de suo Collegio multos probos dominos & valentes nullos de eis eligere curaverant.

1362.

Causam autem Spiritus Sanctus ut firmiter credo non ignorat.

Eodem tempore dominus Rex JOHANNES ad novam creationem hujus domini Papæ ad Avinionem accessit, ut copularet sibi in uxorem dominam JOHANNAM viduam Reginam Appuliæ & Siciliae, quæ jam duos maritos habuerat, videlicet Regem ANDREAM fratrem Regis Hungariæ, & post istum habuerat LUDOVICUM Comitem; sicut etiam dictus dominus Rex Franciæ duas uxores habuerat scilicet dominam BONAM de Boëmia, & dominam JOHANNAM filiam Comitis Boloniæ relictam Philippi de Burgundia quondam filiam domini supradicti, sed tamen dictus dominus Rex illam dominam in conjugem non habuit nec accepit. Eodem anno ante ista facta obiit Dux Burgundiæ juvenis valde, qui desponsaverat filiam Comitis Flandriæ Ludovici, non tamen fuerat inter eos carnalis copula subsequuta, quia juvenes erant & impuberes, & devenit Ducatus Burgundiæ ad dominum Regem Franciæ JOHANNEM propter hereditariam propinquitatem; nam mater ejus Regina Johanna fuerat soror seu matertera Ducis nuper defuncti, & senior Comitissa Flandriæ scilicet mater Ludovici Comitis Flandriæ moderni, fuit Comitissa de Artesio & Attrebatu propter hereditariam propinquitatem supradictam. Eodem anno 1362. fuit maxima mortalitas in Pictavia, Burgundia & Andegavia, & moriebantur homines de infirmitate bovis passim & indifferenter sicut aliis temporibus fuit visum, & nihilominus non cessabant prædones patriam circa partes illas, & similiter in Francia, videlicet in Belcia usque Parisius & circa Carnotum totam patriam & populum spoliare fortius anno seu tempore præcedente, cogentes gentem campestrem ad loca fortiora seu tutiora fugere. Ipso etiam anno obiit Dux Lanclastriæ de Anglia vir nobilis & in armis strenuus, ex cujus consilio Rex Angliæ hucusque duxerat contra Franciam guerras

guerras suas. Eodem anno Rex & regentes Regnum imposuerunt gravissimas impositiones & tallias, quæ aliter dicuntur *maletotes*, super rebus venalibus seu quibuscumque mercantiis. Nam cauda vini Burgundiae ad sexaginta quatuor solidos Parisienses taxabatur, & de vino Gallicano pro qualibet cauda xxxii. solid. Parisiens. ad collectores ex parte Regis solvebantur; & sic de omnibus aliis quæ vendebantur solvebant mercatores modo suo, in tantum quod quamplurimum populus gravabatur & conquerebatur pro præmissis: multi verò ad alias patrias suas mansiones cum uxoribus & liberis eligebant. Eodem anno 1362. Comes Armeniaci in Vasconia à Comite Fuxi & multi de suis occiduntur.

Anno isto die Cœnæ Domini de nocte prædones Anglici & alij, qui tunc temporis patriam occupabant, accesserunt latenter juxta muros Aurelianenses in numero ferè quingentorum virorum licet non omnes apparerent manifestè, & civitatem per muros tunc intrassent desuper ut eam caperent & vastarent, nisi fuisset quidam puer qui supra muros aliis dormientibus qui excubias facere debebant, vigilabat & eos percepit & clamavit, & quidam molendinarius qui erat vidit similiter & percepit, ad cujus clamorem aliis excitatis illi prædones timentes citius recesserunt, qui transeuntes per locum Fratrum de Carmelo qui extra muros villæ morabantur, quidquid potuerunt reperire apud eos, utputà, calices, vestes, & omnia alia rapientes secum modo prædonum reportaverunt. Hoc anno Robertus *Marcant* Anglicus, de quo supra dictum est quod ipse ceperat castrum Vindocinense, fingens se esse amicum benivolum patriæ Cenomanensis venit ad quoddam castrum prope civitatem Cenomansem *Toutnoye*, & est Episcopi Cenomanens. & dimittens gentem multam in nemore prope castrum latitantem, venit ut castrum posset capere astutiâ plenâ dolo, & veniens cum paucis prope castrum dixit illis qui intus erant super muros, quod veniebat causâ

Tom. XI.

Ttttt

amicitiæ ad eos, nec eos in aliquo gravare proponebat. Illi autem qui castrum custodiebant cognoscen-
tes ejus malitiam, & percipientes alios qui in nemore
armati, ut diximus, latitabant, statim sophisticave-
runt pontem levaticum, deponentes cavillas quæ po-
stes pontis & asseres retinebant, ne volveretur in de-
clivum; quibus depositis & aliis debilibus & falsis ut
non perciperetur apposis, pontem inferius remise-
runt, quem dictus Robertus cum paucis ascendens,
utputà XVI. viris eum associantibus, dum in medio
pontis erant, cavillæ pontis, quia falsæ erant con-
fractæ sunt & pontis postes in altum ex una parte
revolutæ sunt, & omnes illi in aqua quæ profunda erat
cecidērunt, & tam dictus Robertus quàm major pars
suorum statim submersi sunt, aliqui autem leviores
evaserunt; quod perspicientes illi qui erant in nemore
confusi & dolentes nimium aufugerunt. Episcopus au-
tem magnis pecuniis receptis reddidit corpora eorum
suis uxoribus & amicis in Carnoto ubi erant.

1363.

Anno Domini 1363. inchoando in Paschate, fuerunt
multæ pressuræ & oppressiones in populo de Francia
& de Normannia per totum de Parisius usque Picta-
viam & Britanniam, tam propter prædones & latro-
nes nimium abundantes per itinera & villas rusticales,
quàm propter gravissimas exactiones nihilominus &
impositiones & multa homicidia per villas & per ne-
mora, & non erat qui populum defensaret, nec qui
talibus discriminibus & periculis obviaret, quia vide-
bantur quòd talia quæ populis inferebantur gravami-
na dominis placerent & principalioribus, qui tamen
ad ista maleficia, remedia manu valida apposuisse de-
buissent. Eodem anno in vigilia SS. Trinitatis visa fuit
Parisius ante meridiem vel circa horam tertiam, una
stella valde parva in cælo in parte ubi sol in meridie
communiter solet esse per aliquot dies, & dixerunt
Astronomi de Parisius quòd dicta stella significabat
periclitationem mulierum in partu, quod apparuit
postea in aliquibus fatis citò, sed revera, multa plura

ex ejus significatione mirabiliter volente Domino, ut credimus, secuta sunt. Nam eodem anno 1363. in mense Julij & modicum ante usque ad festum sancti Lucæ sicut aliàs & post fuit tanta mortalitas hominum Parisius, & specialiter puerorum utriusque sexus & juvenum, & plùs virorum quàm mulierum, quòd erat mirabile dictù & stupendum; valde senes enim in respectu juvenum obibant pauci, unde quando mors intrabat aliquod hospitium primò moriebantur pueri parvi, deinde familia, ad extremum verò parentes vel alter eorum; nec posset aliquis veraciter enarrare multitudinem mortuorum tam puerorum quàm aliorum hominum pauperum & divitum: & quod mirum est, hodie sani erant & jucundi, infra biduum vel triduum moriebantur: nec evaserunt mortem Religiosi, Sacerdotes & Curati, quinimmo in magno numero tunc temporis tam in civitate Parisiensi quàm alibi in confinio festinante morte volente Domino mortui sunt. Unde dicebatur tunc temporis quòd in multis parvis villulis eo modo sicut Parisius, in tanto numero obierunt, quòd in Argentolio specialiter, ubi ante mortalitatem erant * xvii. ignes seu maneria, non reman-
serunt quadraginta vel quinquaginta. Sed de numero mortuorum in Domo Dei Parisius omni die tempore illo stupor esset legere vel audire finaliter veritatem; sed quis posset dicere numerum mulierum quæ de nigro colore indutæ per civitatem videbantur viduæ propter dictam pestilentiam, & à maritorum solatiis & puerorum ut in pluribus orbatæ pariter & relictæ. Tandem verò dicta peste cessante Parisius obiit dominus JOHANNES *de Meullent* Episcopus Parisiens. in die beatæ Cecilie Virginis & Martyris, vir nobilis & venerabilis & discretus, anno Pontificatus sui xix. ætatis verò ejus octogesimo; cui successit in Episcopatu dominus STEPHANUS de Parisius Doctor Decretorum & Decanus Parisiens. Hic Dominus Stephanus postea fuit factus Cardinalis per sanctæ memoria Domnum Urbanum quintum Summum Pon-

* f. 117-

Tttt ij

884 *Continuatio altera Chronici*

tificem anno Domini 1368. in civitate Montis-flasconis prope Viterbium.

Eo tempore & anno circa festum Omnium Sanctorum raptores & inimici, qui erant in Belcia & in partibus versus Aurelianis & versus Carnotum venerunt in parvo numero & habitu mercatorum, porcorum seu ductorum vaccarum latenter armati ad quoddam fortalium, quod est juxta Corbolium quod Muros vocant, & inveniētes extra portam loci dominum castri qui erat Miles, petierunt ab eo ut faceret eis reddi porcos eorum quos heri receperant, ut dicebant, famuli Militis supradicti, & hoc dicebant fingendo quia falsum erat; quod audiens dominus dicti loci permisit eos intrare, ut si sic esset cognoscerent, porcos suos & recederent cum eisdem: & ecce dum fuerunt supra pontem castri illius acceperunt dominum deponentes habitum simulatum quem habebant, & in armis strenue apparentes & clamantes in cornubus, & statim venerunt alij socij ipsorum qui latebant in nemore, & sic ceperunt castrum illud cum domino & domina & cum tota familia Militis supradicti; & satis citò postea inceperunt currere per patriam illam propinquam populum depradando, & dictum castrum de victualibus ablatis in patria amplius muniendo. Castro igitur illo sic fraudulentè capto, immo potiùs furato, accesserunt multi homines armorum ad partes illas ut prædictos inimicos expellerent, & castrum illud ab eis eriperent vi armorum, & facientes unum insultum nihil penitus profecerunt, sed potiùs apud Corbolium reversi sunt, & ibi moram & munitionem facientes patriam adjacentem sicut alij vastare cœperunt, capientes vina per villulas & alia victualia nihil inde solventes, & ad Corbolium ut viverent apportabant, & taliter se habebant quòd tantum vel plus à popularibus de dicta villa & aliis villagiis formidabantur sicut ceteri inimici. Interim quod satis citò postea, tam propter eos quàm propter alios inimicos populus & gentes de villagiis adjacentibus dimissis laboribus & hospitiiis propriis

cum liberis & bonis suis quæ habebant de residuo Parisius accurrebant ad tutius manendum: & nihilominus sub prætextu & colore patriam & inimicos defendendi, maximæ talliæ & impositiones atque graves exactiones inconfuetae super vinis & aliis mercantiis tam Parisius quàm extra levabantur. Et sic tunc temporis totus populus tam in urbe quàm extra in partibus illis sicut ab inimicis ita & ab amicis & tutoribus graviter opprimebantur, ut jam videretur verificari fabula de cane & lupo: nam fuit canis quondam fortis valde in quo dominus suus confidebat, sperans quòd si lupo ad oves devorandas accederet, ab illo cane repelleretur, & oves illæ ab illo fortiùs tuerentur, quod aliquando & pluries factum fuit. Tandem processu temporis lupo cum cane traxit amititiam valde magnam, & tunc dixit canis lupo quòd audacter oves invaderet & raperet, & ipse canis post ipsum lupum sollicitè curreret ac si ovem retrahere ac restituere domino videretur; sed dum essent ambo prope nemus & longe ab aspectibus pastoris, ambo simul illam ovem integram devoraverunt, & sic sæpiùs fecerunt, & quando revertebatur à domino decepto laudabatur, credente quòd canis post lupum currendo fecisset optimè posse suum de ove recuperanda; & sic canis ille maledictus pluries se fingeat atque finxit in tantum finaliter, quòd ipse cum lupo omnes oves domini sui fraudulenter & nequiter devoravit.

His temporibus & jam ante istos dies, eodem tamen anno, erat & fuerat guerra magna valde in partibus Lotharingiæ usque Metis de Comite de Vaudemont; scilicet domino JOHANNÉ de Joinvilla contra Ducem Lotharingiæ & Ducem Barrensem & contra multos Alemannos, & habebat in suo Comitatu quemdam strenuum Militem qui vocabatur Archipresbyter, & cum eo multos strenuos Britones in armis qui patriam multum damnificaverunt, & damna quamplurima illis partibus intulerunt, & similiter in partibus Burgundiæ, deprædando tenebant se; ille Ar.

Ttttt iij

chipresbyter sic vocatus & Britones supradicti multa dispendia illi terræ & omnibus viatoribus inferebant, & cum difficultate poterant transire itinerantes quin essent ab illis modo prædonico spoliati, & si se defendissent forsitan interfecti fuissent. Idem erat versùs Aurelianis & versùs Carnotum & in Normannia ultra Secanam, & jam his temporibus tenebant turrem *de Rouleboise*, & discurrebant per totum sicut volebant & usque Poissiacum & ultra, & aliquando fluvium Secanæ transeuntes per Velcinum * usque ad partes propinquas de Pontizara deprædando sæpius discurrebant, & nisi fuissent Rothomagenses qui eos per aquam Secanæ impediabant, nullæ naves propter eos de Parisius ad Rothomagum nec è converso transivissent.

* *Le Vexin*

Præsenti anno antequam Rex Franciæ JOHANNES de Curia Romana ad Franciam remearet, in qua Curia per æstatem hujus anni tempore satis longo de voluntate & assensu domini nostri Papæ URBANI V. unà cum Rege Cypri, qui ibidem secum erat, crucem accepit pro peregrinatio & via transmarina, ut contra Sarracenos & incredulos unà cum multis aliis nobilibus & dicto Rege Cypri militaret, & si Domino placeret terram sanctam visitando recuperaret & eriperet de manibus impiorum; ita quòd infra duos annos ab isto præsentis anno ordinaverunt arripere iter suum. Et istis sic ordinatis reversus est Rex ad Franciam indilatè, & Rex Cypri similiter venit illuc, & ivit dominus Rex Cypri usque Rothomagum atque Cadomum, ubi fuit in mense Septembri hujus anni receptus solemniter per Ducem Normanniæ, scilicet dominum CAROLUM primogenitum Regis Franciæ & per Nobiles & Burgenses. Postea verò satis citò ad Angliam transfretavit, ut Anglicos ad Crucem pro dicto passagio sumendam similiter animaret. Tandem circa festum beati Andreæ hujus anni dominus Rex Franciæ JOHANNES Ambianis accessit, manente adhuc patria Franciæ & populo in

oppressionibus prædonum & discriminibus supradictis, & fecit convocari Nobiles & Prælatos & Abbates ac Burgenses, ut peteret ab eis consilia & subsidia pro residuo Franciæ redemptionis suæ, in qua adhuc in Anglia de dicta redemptione & financia in parte non modica tenebatur. Sed quid fecit postea Rex dicitur. In festo autem sancti Thomæ obsessi fuerunt & inclusi per Comitem Autissiodorenses prædones, qui castrum de Muris juxta Corbolum, de quo supradictum est, indebitè detinebant, qui sentientes lapides qui cum machinis de foris eis mittebantur, se finaliter reddiderunt, salvâ tamen vitâ eorum, & tunc recesserunt tuti à nostris gentibus armorum conducti ultra partes Carnotenses, ut sic ad suos qui alia fortalitia versùs partes Cenomanenses occupabant se reciperent & sani se redderent & illæsi: qui statim quòd fuerunt à nostris dimissi, ad prædandum homines & spoliandum sicut priùs validè incœperunt. Mira res: quos nostri debuissent interficisse ad exemplum aliorum prædonum, cum non essent nisi homines miseri & latrones & ribaldi, illos tales abire miserè permiserunt, quinimmo extra terminos propinquos, ut dictum est, etiam conduxerunt, sed fortè ideò fecerunt quia dominum illius castri secum captum detinebant, idcirco ne eum interficerent eis talia forsitan promiserant.

Circa istud tempus vel modicum antè, unus de filiis Regis Franciæ Johannis nomine LUDOVICUS Dux Andegaviæ, qui jam diu steterat obses in Anglia cum dominis & burgensibus Franciæ pro dicto domino Rege patre suo, dimissa dicta obsidione latenter & sine licentia Regis Angliæ recessit & ad Franciam est reversus, & ad Guysiam castrum ubi uxor sua erat citius venit & accessit, & tandem veniens Parisius post Nativitatem Domini, ubi tunc erat dominus CAROLUS Dux Normanniæ primogenitus Regis Franciæ regens ibi Regnum loco patris eorum, dixit coram dicto domino Regente fra-

tre suo & Rege Cypri qui tunc erant Parisius, & coram burgenſibus in palatio congregatis, quòd quando dominus Rex pater eorum ſciret cauſam ſui reſeſſus & populus ſimiliter, ipſe dominus Rex & populus haberent eum laudabiliter excuſatum; & dixit ulterius quòd ipſe volebat equitare in armis ſuper campos, & extirpare omnes prædones & latrones, & ejicere omnes extra caſtra & fortalitia & patriam reddere in pace, auxiliante Domino, vi armorum, & ad hæc peragenda petiit à domino Duce Normanniæ fratre ſuo ibidem auxilium & favorem. Qui quidem ſibi reſpondit quòd ſuper hiis haberet conſilium ut deceret. Quid autem ſuper hoc factum fuerit forſitan inferius apparebit.

1363.

Iſto anno 1363. circa Nativitatem Domini reſeſſit de Ambianis dominus Rex Franciæ JOHANNES, & ivit ad Angliam quia nondum ſolverat totam redemptionem ſuam, vel ut ſic teneret pactum ſuum atque fidem erga Regem Angliæ, à quo filius ſuus ibi obſes ſine licentia reſeſſerat, ut ſupradiximus in hoc anno. Aliqui verò dicebant quòd illuc iverat cauſâ joci, & hoc contra voluntatem & conſilium plurium Nobilium, qui ſibi dictum paſſagium verbis humilibus diſſuadere non ceſſabant, & meritò, quia de ejus ſanitate conſervanda vel lædenda quamplurimum formidabant. Regimen autem Regni ſui commiſit domino CAROLO primogenito ſuo qui erat Dux inclytus Normannorum. Et ſic Rex Franciæ Johannes ſecunda vice tranſiit ad Angliam, nonobſtante quòd Crucem à domno Papa URBANO quinto accepiſſet in Avinione, ut tranſiret ultra mare ad expugnandum inimicos Crucifixi cum Rege Cypri & cum multis aliis Nobilibus Regni ſui; ſed pro dolor! vivus de Anglia non redibit. Eodem anno 1363. fuit hyems horrida valde atque longa, & factum eſt aſperum gelu, quod duravit ſerè uſque ad finem Martij nimbis plurimum interjectis. Circa verò finem menſis Martij vix gelu ceſſavit, quod quidem
vineas

vineas in multis locis etiam in stipite congelavit, & arbores quæ nuces dicuntur in multis locis similiter devastavit; sed & oves atque agniculi ex frigore in locis quamplurimis & ex defectu pabuli perierunt. Vidi enim quod in aliquibus locis, in testudinibus & caveis bene profundis, ubi scilicet calor solet vigere in hyeme, panes ibi reconditi & alia cibaria propter aërem congelidum & similiter paleis cooperta ibidem inferius congelata, quod mirum erat: & sic multis vineis in stipite & ligno congelatis cum arboribus quas vidimus. Quale tempus fuerit postea de vineis & fructibus vel secutum sit, favente Domino dicturi sumus, quando de actis in anno sequenti tractabitur, scribetur. De his autem quæ acta sunt in Britannia & aliis locis hîc non scribo licet multa sint, sed ab aliis conscribenda derelinquo, qui de hiis plenius sciunt veritatem, sed ad ea quæ anno sequenti acciderunt licet non ad omnia recitanda me verbis rudibus applicabo ruditer cum sim rudis.

Anno Domini 1364. inchoando in Paschate, Archiepiscopus Remensis JOHANNES de Craon procuravit in Parlamento Parisius in vigilia Ascensionis * Dominicæ, in quo tunc fuit Pascha, scilicet octava * die Martij, Rege JOHANNES stante, ut diximus in Anglia, quod muri quidem magni & spissi valde atque alti, quos Remenses firmaverant ante fores castri sui Remensis, quod dicitur Porta Martis, & construxerant antea tempore guerrarum Anglicorum funditus destruerentur: & venit de Parisius apud Remis in octabis Paschæ festinanter cum commissariis ad hoc ex parte Parlamenti deputatis: quod & factum fuit videntibus civibus non recalcitrantibus, sed tacentibus, licet eis quamplurimum displiceret, sed tamen ordinatum fuit tunc quod alibi fierent sine despectu domini & sine detrimento aliquo castri sui, quod Porta Martis nominatur, ut dictum est. Et hoc facto discordia, quæ propter hoc & multa alia fuerat inter dictum dominum Archiepiscopum & cives, pacificata

Tom. XI.

Vuuuu

1364.

* Annun-
ciationis.
* l. 24.

fuit amicabilem & sedata.

Circa istud tempus CAROLUS de Ebroicis Rex Navarra, qui de stirpe regali, ut superius dixi, erat oriundus, & qui desponsaverat filiam Regis Franciæ Johannis, de quo Rege Navarra alibi multa dicta sunt superius, existens in Regno suo Navarra factis multis confederationibus plurium Regum diversarum nationum, utputa Arragoniæ, & aliis Baronibus pluribus & dominis qui tenebant magnam partem terræ Normanniæ, utputa in Neustria & etiam versus partes Gallicanas, sicut in Ebroicas, Medunta & *Meul-lent* & *Pacy* & Anetum, diffidavit dominum suum à quo dictas terras in feodo possidebat, scilicet dominum CAROLUM Ducem Normanniæ & Delphinum de Vienna primogenitum Regis Franciæ Johannis, Regentis tunc Regnum pro patre suo qui tunc erat, ut diximus, in Anglia. Quo facto dominus Dux Normanniæ Regens statim misit ad partes illas Normanniæ multos viros potentes & nobiles in armis, inter quos erat Comes Autissiodorensis cum suis, & Bertrandus de *Cliquin* Miles natione Brito, vir strenuus in armis, cum multis bellatoribus de Francia & Britannia: & venientes apud Meduntam castrum florentissimum & amœnum, situm super Secanam ultra Poissiacum, habens arcem excelsum & muros potentes atque pontem, & intrantes in villam non vi armorum sed per cautelam aliis ignotam, totam villam ceperunt & eam deprædati sunt totaliter, trucidantes illos qui se ad defensionem præparabant, & quos sine defensione repererunt non tetigerunt, sed omnibus burgensibus & aliis omnibus bonis suis quibuscumque expoliatis, omnes à villa penitus vacuos ejecerunt, qui ex tunc recesserunt pauperes & mendici. Et postea venientes ad arcem sive turrem, ipsam vi acceperunt multos trucidantes, & plures ibi inveniētes de Parisius & de S. Dionysio in Francia & de aliis partibus Franciæ, qui cum aliis Navarrensisibus & ceteris indigenis se in turre viriliter defendebant, sed tandem

violenter capti Parisius adducti sunt numero xxviii. viri, qui Parisius venientes aliqui ibi decapitati sunt, & postea ad patibulum ducti, & aliqui Præposito sancti Dionysij redditi pari poena similiter puniti sunt. Post hoc autem ceperunt castrum illud fortissimum, & villam *de Meullent* supra Secanam, & expugnantes turrem quæ magna erat valde, maxima mmuri partem ejus ad terram prostraverunt funditus. Et sic terram illam & patriam quæ erat Regis Navarræ in modico tempore turpiter vastaverunt, & discurrentes per patriam homines etiam viatores tam amicos quàm alios indifferenter eorum garciones spoliabant, in tantum quod nullus tutè poterat per partes illas ad Rothomagum accedere nec venire, satellitibus hoc patientibus qui cum Nobilibus in dictis obsidionibus residebant. Et sic Medunta quæ olim & nuper fuerat castrum & villa opulentissima & fertilis, temporibus antiquis bellicosa quàm plurimum & strenua, ut patet in gestis antiquis, cum suis habitatoribus fuit nunc tanto discrimini propter favorem quem habebat ad dictum Regem Navarræ exposita cum sua vicina, scilicet *Meullent*, & proh dolor! cum patria adjacente. Verumtamen qui eam ceperunt, Ecclesiæ quæ miro opere lapideo constructa est, nocumentum aliquale minimè contulerunt. Et hæc omnia facta sunt ad hunc finem, ut si Rex Navarræ supradictus veniret ad expugnandum partes Gallicanas & propinquas Parisius, non inveniret in dictis castris auxilium aliquod vel juvamen per quod transire posset ulterius ad nocendum & ne impediret cursum navium euntium Parisius de Rothomago & de Parisius Rothomagum sicut aliàs fecit, ut supradiximus in anno 58. Causa autem quare diffidaverat Regem Franciæ & Ducem Normanniæ Regentem ista erat, quia dictus Rex Navarræ dicebat se habere jus in Ducatu Burgundiæ, asserens quod propinquior heres erat, quod Rex Franciæ JOHANNES qui jam dictum Ducatum in possessione pacifica detinebat, & Barones Burgundiæ & rota patria illa sibi

Vuuu ij

dudum homagia fecerat tamquam vero domino de eodem, ut superius fuit dictum; quod tamen Rex Navarrae memoratus nunc totis viribus indebitè contradicere nitebatur. Audientes autem ista viri armorum qui ex parte Regis Navarrae erant Ebroicis, timentes ne Gallici ad dictam civitatem simili modo accederent, & castrum seu fortalitium expugnarent, statim totam villam ut esset ad defensionem fortior aptaverunt.

Istis temporibus deletus est dominus ENGEBERTUS dominus *de Anguien* versùs Brebantiam apud Ducem ALBERTUM, filium quondam LUDOVICI Ducis Bavariae, qui olim usurpaverat Imperium contra voluntatem Ecclesiae, locum tenentem pro patre suo Comite Hanoniae in illis partibus Hanoniensibus; quòd dictus dominus *de Anguien* nobilis Princeps & satis strenuus Miles conspiraverat aliquas prodiciones contra terram & Comitatum Hanoniae; qua de causa dictus Dux Albertus cepit eum nocte in Beyuzensi juxta Valentianas ad tres leucas, & in castro ibidem capite truncatus est sine iudicio & sine mora multa; qua de causa timuerunt multi de partibus illis ne multa mala orirentur supra patriam illam in futurum, quia de magno genere & nobili erat ille dominus memoratus in partibus remotis.

Isto anno satis citò post Pascha, scilicet octava die Aprilis vel decima obiit & migravit à saeculo in Anglia inclytus Princeps & nobilis Rex Franciae JOHANNES bonae memoriae, & flevit eum plurimum Rex Angliae EDUARDUS, & tota Anglia similiter cum Regina & liberis dicti Regis Angliae & aliis Nobilibus dicti Regni, assumptis pro eo lugubribus vestimentis: qui quidem Rex Angliae fecit sibi in Anglia nobiles exequias & magnificas ac sumptuosas valde in Ecclesia sancti Pauli Londoniarum, offerens pro eo equos multos insignitos armis Franciae à summo usque deorsum cum equitibus simili modo, & nihilominus quatuor millia torticia, ut referebant illi qui interfuerant,

quodlibet torticium de duodecim pedibus in altitudine, & quatuor millia cereorum, quilibet cereus de sex libris ceræ. Et expletis illis nobilibus exequiis funeris conduxerunt corpus Regis exanime usque ad littora maris, & vale dicto toti familiæ dicti defuncti Regis, & eam totam cum dicto Rege defuncto remittentes cum lacrymis ad propria sunt reversi, reducentes tamen secum apud Londonias omnes obsides de Francia, qui jam ibi aderant antequam dictus Rex Franciæ secundario ad Angliam transfretaret: & delatum est corpus primò ad Ecclesiam Monialium sancti Antonij extra Parisius, deinde ad Ecclesiam Beatae MARIE Parisiensis cum solemnitate maxima totius Cleri tam de Universitate Parisiensi quàm de aliis, atque populi infiniti præsentibus multis Prælati & Baronibus ac Nobilibus aliis, præsentem etiam Rege Cypri associante dominos tres filios dicti Regis defuncti, videlicet dominum CAROLUM ejus primogenitum, & alios fratres ejus Dominicâ infra Octabas Ascensionis, quæ fuit vigilia Beati Johannis ante Portam Latinam. Deinde in crastinum celebratis solemnibus exequiis cum vigiliarum & devotis officiis Missarum, deportatum est dictum corpus præfati Regis cum comitiva prædicta ad Ecclesiam beati Dionysij in Francia, & ibidem cum magna solemnitate in crastino sancti Johannis ante Portam Latinam traditum est Ecclesiasticæ sepulturæ prope majus altare Ecclesiæ Monachorum, ubi requiescit cum pluribus in spelunca ex lapidibus decenter aptata, in qua spelunca dum aperiiebatur ad præparandum inventi sunt annuli adornati ex gemmis magni valoris & corona una aurea non modici pretij, sed tamen ibi nulla ossa sunt reperta.

Sepulto igitur Rege Franciæ JOHANNNE in sancto Dionysio, ut dictum est, regnavit dominus CAROLUS primogenitus ejus qui tunc erat Normanniæ Dux & Delphinus Viennæ, & in festo sanctæ Trinitatis dominus Rex Carolus unâ cum JOHANNA de
Vuuu iij

Borbonio uxore sua suscepit Sacramenta de manu Archiepiscopi Remensis Johanne *de Craon*, similiter & coronam & sanctam unctionem anno supradicto apud Remis. Accidit autem quod dum ipse dominus CAROLUS Delphinus ratione Delphinatus Viennæ ad eum pertinentis erat Remis pro sua coronatione & sacra unctione, in festo sanctæ Trinitatis anno 1364. ut superius diximus obtinenda, CAROLUS de Ebroïcis Rex Navarræ; de quo etiam superius diximus satis, qui jamdudum Regem prædictum ante suam coronationem diffidaverat, audiens in partibus Navarræ quod BERTRANDUS *de Claquin* acceperat ex parte Regis Franciæ villam suam Meduntam atque *Meulent*, ut supra narratum est, & eas posuerat in manibus dicti Regis Franciæ dum adhuc erat Regens, doluit de hoc, & admirans dictus Rex Navarræ & volens dictas suas villas recuperare, celeriter juxta posse volens etiam defendere dictam terram suam apud Ebroïcas & in confinio adjacentem, misit ad partes illas Ebroïcenses magnum exercitum tam de Vasconibus stipendiariis quam etiam de Navarrensis viris suis, inter quos pro parte sua erat Capitaneus dicti exercitus quidam Miles Vasco vir nobilis & strenuus in armis valde vocatus *Castal de beuf* * cum multis aliis Militibus & aliorum armatorum multitudine copiosa, & cum multis aliis Capitaneis qui aliquas partes maris descendentes & specialiter in Neustria, castra quamplurima & fortalitia ceperunt, ea viriliter occupantes. Tandem veniens dictus Capitaneus *Castal* cum multis prædictis usque ad portas Ebroïcenses intravit civitatem Ebroïcensem, in qua erat magna multitudo Navarrorum, qui eam pro domino suo Rege Navarræ in manibus suis detinebant, & eam contra Gallicos viriliter defendebant. Qui quidem dictum *Castal de beuf* lætissimè susceperunt. Audiens autem Rex Franciæ adventum dictorum misit eis obviam Comitem Autisiodorensē, & BERTRANDUM *de Claquin* su-

* *Capital
de Buch*

prædictum, qui ducentes secum magnam multitudinem Britonum & aliarum nationum ad debellandum contra illos Vascones & Navarros, campum & diem dimicandi multis verbis ad invicem habitis statuerunt, ut factum est die assignata, scilicet die Jovis infra Octabas Pentecostes, in campo ad pugnam dum in loco qui dicitur ad Crucem sancti Laufridi ex utraque parte animosè convenerunt, & inito bello acriter pugnatum est, Vasconibus cum Navarrensisibus nostros Gallicos & Britones viriliter invadendo, qui se nihilominus eis fortiter cum lanceis, gladiis, arcubus & sagittis modis similiter defendebant, & hoc pedester* & non in equis. Gens verò illa Vasc. *l. pedestres
conum cum Navarris & aliis multis de Normannia, qui de dominio Regis Navarræ aderant, densitate sui exercitus quasi impenetrabilis velut murus primò nostrorum Francorum & Britonum impetus viriliter repulit, & multos de nostris interfecit & lethaliter vulneravit: unde ibi ceciderunt de Francis dominus d'Annequin Miles strenuus Picardus, qui erat Magister balistariorum Franciæ, dominus Vicecomes de Bellomonte in Andegavia, dominus de Lantecuria de Caux, dominus de Villequier qui erat Capitaneus de Caudebec cum multis aliis Nobilibus quos ignoro. Videns autem dominus Bertrandus de Claquin, qui erat unus de Capitaneis Gallicorum, quòd tanta densitas armatorum Vasconum & Navarrorum cum suis non poterat à Gallicis finaliter penetrari, & per consequens nec superari, cautelam ut vir in armis edoctus apud se cogitavit, unde à bello se aliquantulum subtrahens una cum paucis de suis Britonibus equum armatus ascendit, & à tergo alios viriliter invadens totam illam Phalangem Vasconum & Navarrorum penetravit, Comite Autissiodorensi una cum suis Gallicis contra alios nihilominus dimicante: quibus Vasconibus & aliis de eorum parte aliquantulum sparsis, fuit ibi durissimè & acriter pugnatum multis ex utraque parte occisis & lethaliter sauciatis, sed plus

de parte Vasconum & Navarrorum quàm de Gallicis; unde ex parte Vasconum & suorum occisi sunt in bello illo, primò *J O H A N N E S Ioel* Capitaneus *de Roleboise* & multorum aliorum fortalitorum, qui se dicebat jactando esse Ducem Normanniæ. Item *Vasco de Mareul* vir valde robustus & agilis. *J A C O B U S Plantain* Anglicus; item dominus de Sarkanvilla Normannus ibidem captus fuit, cujus consilio Rex Navarra contra Regem Franciæ ut in pluribus utebatur, & qui fecerat in partibus Normanniæ multa mala; & ipse postea sic captus ductus fuit Rothomagum & ibidem in communi theatro civitatis coram cunctis capite truncatus, cujus caput est virga ibidem affixum, cunctis cernentibus usque in hodiernum diem. Cùm ergo vidissent Vascones & Navarri multos de suis interemptos, & Francos & Britones quasi indefessos in suos acriter insævere, & strage suorum jam facta valde magna, statim se fugæ præsidio magis quàm armorum beneficio salvare procurarunt, sed circumstantium nostrorum occurribus & eorum infestationibus impediti longè fugam omnes evadere nequiverunt, quinimmo quasi illa societas Vasconum & aliorum in majori parte tam de Capitaneis quàm de aliis fuit aut gladiis detruncata aut impressione Gallicorum & Britonum reddita, ipsorum tamen salva vita, inter quos dominus *Castal de beuf* eorum Capitaneus principalis Vasco, cum aliis multis Capitaneis de parte Navarrorum qui mortem evaserunt, se *B E R T R A N D O de Claquin* reddidit prisonarium captivatum: qui quidem *Castal de beuf* sic captus pro aliquibus aliis Capitaneis correspondens, quia solemnibus Baro erat, incontinenti apud Rothomagum prisonarius adductus est, ut dominus *C A R O L U S* novus Rex Franciæ quando reversus esset de Remis de sacra unctione & coronatione, de eo secundum beneplacitum suum ordinaret. Sic igitur illo bello taliter victo, & per Gallicos & Britones de istis Vasconibus & Navarrensisibus ibidem triumphato, magnum gaudium

gaudium & tripudium in cordibus hominum per Franciam subortum est laudantium Dominum, qui suos adjuvat quando placet : nam revera si nostri succubissent & alij triumphassent, multa mala, pericula & damna per partes Franciæ ex impetu aliorum accrevissent ex eorum superbia nimia atque fastu.

Istis temporibus multæ victoriæ & multa particularia contra Navarrenses in diœcesi Constantiensi ratione Regis Navarra per Normannos, & per Nobiles & cives patriæ commissa sunt ex parte Regis Franciæ & mandato, de quibus bellis & victoriis particularibus hîc non facio mentionem, sed tantum dico & scio quod nec ibidem nec alibi, utputa in Andegavia, Turonia, Cenomania, Belcia & prope Aurelianis & in confinibus dictarum regionum usque prope Parisius, non erat patria ulla à prædonibus & latronibus vacuata, quinimmo ubique tot erant, tam in pluribus fortalitiis per eos occupatis quàm etiam per villulas atque villas, quod non poterant homines & mercatores sine dispendio & periculo per itinera proficisci. Verumtamen amici qui debebant nostros rurales & viatores defendere, omnes ad prædas & spoliandos homines itinerantes indifferenter & turpiter, prohdolor ! intendebant, & similiter in Burgundia & versus illas partes. Et hoc faciebant simili modo aliqui Milites tenentes secum brigantes, qui tantum se amicos Regis & Majestatis Regiæ ficto modo, ut dicitur, prætendebant, quorum nomina hîc scribere non intendo. Et quod plus est admirandum, quando ad civitates, utputa Parisius & alibi declinabant, optimè prætendebantur & cognoscebantur ab omnibus, nihilominus tamen in eis ultrix manus non intendebat : nam una nocte audiavi quod Parisius in suburbio S. Germani de Pratis, dum dormirent homines, attentarunt aliqui prædones, qui tunc Parisius cum dominis suis erant, aliqua hospitia & eorum bona furtivè deprædari, qui percepti atque violenter capti & in Castelleto positi, excusati tandem velut innocentes absque

aliqua poena redditi sunt liberati, & ita ex facilitate veniæ incentiuum habuerunt unâ cum aliis ad ampliùs delinquendum.

Habitâ victoriâ supradictâ dominus Rex Franciæ post ejus reversionem à coronatione sua facta Remis, & auditis rumoribus de victoria hujusmodi facta per dominum *BERTRANDUM de Claquin* supradictum, & dictum Comitem Autissiodorensem, dedit liberaliter dicto domino Bertrando modo magnifico, cui laus victoriæ acclamatur, totum Comitatum de Longavilla Rothomagensis diœcesis in Caleto; qui quidem olim fuerat domini Philippi de Navarra & nunc spectabat ad Regem Navarræ fratrem ejus. Qui quidem *BERTRANDUS* possessione dicti Comitatus accepta in recessu promisit Regi Franciæ, quòd omnes inimicos Regni prædones & latrones de partibus expelleret vi armorum, sed revera non fecit, sed sui Britones in reversione veniendo de Rothomago quidquid in villagiis reperire poterant & in viis, totum rapiebant, tam pecunias quàm vestes, equos, oves, boves, bestias & jumenta. Diebus istis Navarrenses, qui civitatem Ebroicensem pro suo domino Rege Navarræ detinebant, multis victualibus munierunt & castrum similiter fortificantes, & ne damnum propter aliqua fortalitia sustinerent, Ecclesias & domos Fratrum Prædicatorum & Minorum penitus subverterunt, eis paucatuguria relinquentes. Et sic semper quasi continuè mala malis, proh dolor! per patriam addebant. Rege igitur Francorum *CAROLO* cognomento Delphino Viennæ, quem Delphinatum dominus *HUMBERTUS* quondam naturalis Delphinus Viennæ, & dicti domini ex affinitate domini Philippi avi dicti Caroli Regis Franciæ, de consensu Baronum contulerat, quia sine liberis, & quia dominus *HUMBERTUS* effectus fuerat Frater Prædicator, licet ibi non diu stetisset, quia postea Patriarcha Alexandrinus & Archiepiscopus Remensis per modum commendæ factus, habitu Prædicatorum derelicto, & dictum Carolum

quasi in filium adoptato; & ideo Delphinus sic vocatus est. Remeato verò de Remis CAROLO accessit Parisius & ibi cum maxima solemnitate receptus est, & post hæc Rothomagum satis citò accessit, ubi simili modo cum magno honore à Normannis & omnibus civibus est receptus circa festum S. Barnabæ Apostoli. Deinde Parisius est reversus; post cujus reversionem decapitatus est dominus de Sarkanvilla, de quo jam supradictum est, & similiter eodem tempore fuit captus & decapitatus Ambianis *Kieret* indigena Canonicus Ecclesiæ Ambianensis, quia multum fecerat pro Rege Navarra contra Regem Franciæ; & non redditus est Ecclesiasticæ Curia, quia Ecclesia cum lentè & quasi non curando requirebat, quoniam odibilis erat Ecclesiæ tamquam vir armorum & in pluribus malefactor, verumtamen si eum efficaciter requisisset, non est dubium quin eum Justitia Regia faciliter eis reddidisset; sed Dominus, ut videtur, exigentibus suis demeritis, sic eum puniri per manus hominum sæcularium finaliter dereliquit.

Post hæc isto anno scilicet 1364. magna guerra orta est inter Comitem Flandriæ cum domino novo *de Anguien* & suis ex parte una, & Comitem Hanoniæ seu regentem Comitatum ex altera parte, scilicet Ducem ALBERTUM quondam filium Ludovici Ducis Bavariæ, qui suo tempore pro Imperatore se gerebat indebitè & gesserat. Causa hujus guerræ fuit propter mortem domini principalis *de Anguien*, quem, ut dixi, dominus Dux ALBERTUS decapitari fecerat apud *le Quesnoy* sine forma judicij sive legis, unde Flammingi & alij amici dicti domini mortui intrantes Hanoniam isto anno multa mala fecerunt in diversis partibus, plures villas & Ecclesias devastantes flebiliter; propter quod tota terra multum timuit & doluit & multus populus, ac Monasteria dimissis locis propriis ad loca fortiora & villas clausas cum bonis suis, uxoribus ac liberis se salvantes attoniti confugerunt. Crematæ autem fuerunt per Flammingos in Hanonia temporibus

1364.

XXXXX ij

illis multæ villæ, utputa *Soinguiet*, *Havrech*, & aliæ
 quamplures, & ut guerra & defensio pro pecunia ha-
 beretur, voluit Dux ALBERTUS Regens patriam
 Hanoniæ pro Comite GUILLERMO fratre suo,
 qui infatuatus jacebat in villa de *Quesnoy*, facere im-
 positiones in populo ad modum Franciæ, & gabellas
 super vina & alias mercantias; sed villa Valentiana
 hoc noluit concordare pro toto posse domini supra-
 dicti; quinimmo ipsa villa toto conamine restitit ne
 fieret hujusmodi insolita exactio quoquo modo: &
 quia sic refutavit & restitit sicut principalior inter
 omnes, ideò ceteræ villæ prædictæ patriæ Hanoniæ
 eidem castro sive villæ Valentianæ modo simili facere
 tallias denegarunt: quæ quidem denegatio magnam
 indignationem in animo dicti Principis generavit.
 Obrulerunt tamen dictæ villæ omnes se juxta suas fa-
 cultates, dummodò Ecclesiæ & Milites ac Nobiles
 sic facerent, velle contribuere ad præsidium guerræ &
 defensionem patriæ liberè omni hora. Dux autem
 ALBERTUS videns quòd ad impositiones & exactio-
 nes ac gabellas secundum suum velle assentire non
 vellent, indignationem contra eos concepit satis ma-
 gnā, de qua cives Valentianæ & aliarum villarum
 modicum turbabantur. Dicebant enim intra se: Si
 fecerimus sicut nunc fit Parisius & alibi per Franciam,
 servi erimus & perditī, & postea in magna parte qui
 lanificium frequentant à patria ista recedent & ad alias
 partes se transferrent indilatè, & forsitan tales exa-
 ctiones in perpetuum non cessabunt. Sed quid de
 guerra illa actum fuerit, usque adhuc finaliter non est
 notum.

Regnante igitur domino CAROLO Delphino in
 Francia eodem anno 1364. accidit in Britannia minori
 lamentabile bellum, licet Deo volente dictum bellum
 finis fuit, ut credimus, in illa patria guerræ & initium
 bonæ pacis, juxta illud proverbium: *Finis belli pax.*
 Nam dominus CAROLUS de Blesis, qui se gerebat
 Ducem Britannia ratione uxoris suæ de qua & de quo

fatis dictum est superius, & JOHANNES de Monteforti, qui etiam dicebat dictum Ducatum sibi deberi ratione patris sui, de quibus etiam superius fuit dictum, tractatus plurimos habuerunt, de quibus nolo hic facere mentionem, quia errare possem descriptione veridica, quod non vellem. Igitur non valentes dictæ partes seu domini pacis tractatum finaliter inter se invenire, campale bellum contra se invicem ad pugnandum mutuo statuerunt. Et factum est ut in festo sancti Michaëlis mense Septembri accedentes apud *Alrey* castrum in Britannia Venetensis dice-^{scilicet; Aut-} censis, in campo magno prope dictum castrum acie-^{roy} bus ordinatis in multitudine gravi Nobilium & armorum ex utraque parte se invadentium acriter pugnatum est. In bello hoc ex parte CAROLI de Blesis bellatoris nobilis, qui ibidem præsens erat, adstiterunt pugnares tam de Francia quàm de Britannia Nobiles multi valde, & ex parte JOHANNIS de Monteforti alia multitudo tam Britonum quàm Anglicorum in numero satis magno. Ambabus igitur partibus cum suis duriter pugnantibus, sicut Domino placuit, in cujus manibus omnia sunt posita, pars seu acies Johannis de Monteforti prævaluit & alios superavit illa vice campum obtinens. In hoc autem bello cecidit CAROLUS de Blesis, pro dolor! morti datus vir inclytus, Nobilis & strenuus, ac dulcis, affabilis & formosus, & cum hoc similiter obiit in hoc bello frater Comitis Autissiodorensis Miles generosus. Item dominus GUILLERMUS de Rupeforti in Britannia Gallicana, & alij multi Milites & Nobiles quamplurimi, & alij bellatores usque ad numerum septingentorum septuaginta pugnantium, qui omnes in illo bello & campo mortui jacuerunt, & alia duo millia lethaliter percussi vulneribus fuerunt ad hospitia deportati, & nihilominus fuerunt in dicto bello capti de parte succumbente Comes Autissiodorensis, Comes de Joignyaco, BERTRANDUS de Clatquin Miles strenuus, & cum eis

Xxxxx iij

Nobiles plurimi se aliis reddentes, qui postea cum maximis pecuniis finaliter redemerunt. De fugitivis autem hîc me intromittere non est cura, quia de talibus non sum informatus plenariè. Sic igitur mortuo præfato CAROLO de Blesis bellatore nobili ac Milite gratissimo, corpus ejus apud Quincampum in partibus illis Britannicis cum multis fletibus & gemitibus delatum est, & ibidem in Ecclesia Fratrum Minorum traditum est honorabilî sepulturæ. Audiens autem ejus casum seu necem uxor sua domina JOHANNA de Britannia, ratione cujus Ducatum dicebat se justè possidere, quæ tunc Nannetis residebat, quantum doluit quantîsve anxietatibus & innarrabilibus gemitibus & lacrymosis suspiriis cruciata tunc fuit, non est mihi possibile ad plenum veraciter enarrare. Sed quid actum est circa ipsam? statim auditis illis rumoribus dolorosis castro Nanetensi derelicto unâ cum parvulo ejus filio ad civitatem Andegavensem cum pauca familia ne perciperetur accessit, ubi ejus filia quæ Ducem Andegavensem, filium scilicet quondam Regis Franciæ JOHANNIS desponsaverat, in castro Andegavensi sæpius moratur. Confluctu igitur prædicto expleto & victoriâ habitâ, dictus JOHANNES de Monteforti victor per Britanniam ad diversa loca potenter equitavit, & diversa castra in partibus illis viriliter oppugnavit quæ sibi rebellaverant aliquando, & obtinuit munitiones plures, eas sibi subjiciens & ejiciens rebellantes. Tandem venit Nanetis cum multitudine armatorum ad expugnandum civitatem, quæ quidem muris, fossatis, turribus & aliis defensionibus erat gratissimè atque fortissimè præmunita. Verumtamen turris illa nobilis atque fortis *de Pilleuril*, quæ in principio pontis versùs nemus est supra Ligerim situata, jam erat à suis occupata subtiliter atque capta & suburbia juxta turrem, unâ cum Ecclesia ubi sunt Monachi aliqui pro Prioratu, destructa & à flamma voraci concremata. Actum est dum dominus JOHANNES de

Monteforti ibi erat & partes illas ac fortalitia peragrabat, Rex Franciæ misit illuc solemnes Ambassiatores, utputà dominum JOHANNEM de Craon tunc Remensem Archiepiscopum, & alios Nobiles satis magnos, qui unà cum Baronibus illius patriæ pro pace tractanda inter dominum JOHANNEM de Monteforti & Relictam quondam dicti defuncti CAROLI de Blesis, quæ se adhuc pro Ducissa Britannæ gerebat, & tractando interponerent vices suas; unde volente Domino qui terræ illi & populo Britannico per tot annos de guerris & spoliis & aliis miseriis afflicto compati voluit, & de pace & quiete de cetero providere, pax bona intervenientibus personis supradictis, & interjectis matrimoniis de ambarum partium liberis, aliis pactis factis ibidem, cum magno gaudio est firmata. Sicque Ducatus totus & Comitatus Nanetensis dicto domino JOHANNI de Monteforti debuit remanere, & Dux in perpetuum appellari. Terræ autem quæ de patrimonio dictæ dominæ contingebant, eidem dominæ remanebant, sicut est *Pontevre*, & nihilominus super dictum Ducatum dicta domina debebat percipere omni anno quatuordecim millia librarum, & ulterius Vicecomitatus Lemovicensis debebatur uni de suis liberis, qui debebat alteri libero cum sorore dicti Johannis de Monteforti, utputà filius unius cum sorore alterius matrimonio copulari. Et sic fuit pax firmata in patria illa, laus Deo, & dictus JOHANNES Dux effectus Britannæ, & cum gaudio visus ab omnibus, receptus per civitates & castella, & ambulavit per patriam sua homagia à Nobilibus suscipiens, & inimicos ac latrones à fortalitiis ejiciens viriliter & oppugnans; & sic Ducatum Britannæ obtinuit, quod non potuit facere pater ejus dum vivebat, dominus JOHANNES Comes Montisfortis in Francia, frater quondam domini JOHANNIS Ducis Britannæ defuncti, licet tamen Rex Angliæ EDUARDUS ad ejus auxilium ad dictas partes Britannæ manu valida

pertransisset, isto JOHANNES moderno cum puerulo exente, de quibus auxiliis & gestis satis est dictum in capitulo de anno 1341. & 1342. Utrum autem dicta pacta atque pax durare debeant & teneri ab aliis quibus dubitatur, qui dicunt dictam dominam relictam CAROLI de Blesis defuncti fuisse malè consultam & seductam, & quod dicta pacta & per consequens pax prædicta ab aliis forsitan cassabuntur vel poterunt retractari, & major guerra quàm antea, ut dubitatur, iterum oriretur. Hoc autem avertat Dominus omnipotens & Rex pacis. Quid autem de hoc acciderit, forsitan videbitur & narrabitur in futurum & scribetur, si vixero, consequenter.

Eodem anno magna dissensio mota est inter populares seu nimis potentes civitatis Tornacensis ex una parte, & inter magis potentes seu grossiores ex alia parte & etiam ditiores dictæ urbis & burgenſes, quia populares consentire nolebant ad gabellas & exactiones magnas super mercantias appositas per dominum Regem Franciæ propter guerras. Dicebant enim populares quòd dicti divites seu burgenſes idè ad prædicta consentiebant, quòd illas impositiones & gabellas levaverant aliàs & levabant, & eas pretio accensebant, & quòd de eis minùs quàm alij solvebant, ita quòd populares oppressos propter consensum talium reputabant quamplurimùm, eas propter eas persolvere recusabant omnimodè: unde propter hujusmodi dissensionem lethalis guerra nisi Deus & alij sapientes apposuissent remedium citiùs insurgebat; nam populares ad arma currebant & ad phalam * accedentes campanas ad vocandum civitatem per plures dies & noctes incessanter pulsaverunt armati, ut ribaldi per plateas discurrentes vagi & ad mala proni nullum opus mechanicum peragentes, sed in foro seu theatro nocte dièque per plura temporis spatia armis protecti debaccantes steterunt, quorum propter furiam plures burgenſes notabiles fugerunt ne ab eis multarentur, & alij in domibus suis

* Gal. Bef.
fioy

suis sub silentio latuerunt, atque alij plures ab urbe dubitantes similiter ad tempus se sapienter & tutius subtraxerunt. Et sic illæ impositiones & gabellæ propter popularium dictæ urbis ineptam resistantiam pro illo tempore penitus cessaverunt: scripserunt enim domino Regi Franciæ ambæ partes & nuntios transmiserunt suas rationes motiva fortiter ostendendo, quibus consideratis dominus Rex & Consilium dimissis dictis impositionibus usque ad tempus, ambas partes ad invicem mitigandas atque pacificandas per prudentes homines citius ordinavit, dans eis & assignans pro gubernatore dictæ civitatis quemdam Militem sapientem & in armis strenuum, videlicet dominum EDUARDUM de Renty Picardum, qui eos prudenter ex parte Regis & pacificè gubernavit, dissimulando multa de factis eorum, & popularibus consentiendo in pluribus propter pacis bonum. Anno Domini 1365. inchoando in Paschate more Franciæ, quod quidem Pascha fuit XIII. die mensis Aprilis, tempore Paschali recesserunt prædones de turre quæ dicitur *Rouleboise* pecuniâ eis datâ. Erat autem illa turris ad duas leucas de Medunta, in via inter Meduntam & Vernonem prope Roigniacum in monte super fluvium Secanæ, & illam tenebant pauci homines valde cum una muliere annis, ut dicebatur, sex vel decem, & eam ita fortiter defendebant, licet plures insultus habuissent contra se à Rothomagensibus & ab aliis de patria, tamen capi non poterat dicta turris, quia alta nimis erat & quasi inexpugnabilis habebatur. De illa igitur, sicut superius dictum est, multa mala accidebant, quia nullus poterat transire per vias illas, sed neque per Secanam, quin ab illis qui eam tenebant damna plurima sustineret. Illis igitur recedentibus, receptis pecuniis ut dictum est, dicta turris demolita est à populo illius patriæ volente Rege funditus & destructa ad finem, ne maligni homines ibidem ampliùs se ponerent ad nocendum; & ut dicebatur dicta turris tan-

1365.

Tom. XI.

Yyyyy

tæ spissitudinis erat in muro, quòd vix poterat ab hominibus fortissimis cum malleis ferreis per magna tempora demoliri; nam spissitudo ejus ultra novem pedes cum cemento fortissimo colligatis lapidibus fortissimis excedebat. Erat etiam dicta turris sicut sæpius vidi miræ altitudinis superiùs elevata, & nunc parva jacet in terris humilis & prostrata.

Eodem tempore castrum *de Meulent* totum fortalitium & quasi tota villa, quæ olim fuerat opulenta, clausa muris fortissimis & fossatis fuit similiter à Gallicis cum turre nobili forte & quadrata atque alta valde funditus destructa & vastata; spectabat enim ad Regem Navarræ, ut Medunta, & tunc durabat guerra inter ambos Reges, scilicet CAROLUM Regem franciæ & CAROLUM de Ebroïcis Regem Navarræ, de quo superiùs satis fuit dictum: dicta villa & castrum spectabat ad dictum Regem Navarræ ratione Comitatus Ebroïcensis, unde fuerat oriundus dominus & natus. Erat autem dicta villa supra Secanam locus seu vicus pulcher & amœnus valde & quamplurimum opulentus, habens unum solemnem Prioratum in ejus insula, spectantem ad Beccense Monasterium, & similiter pontem supra Secanam qui adhuc firmis lapidibus & solidis factus & utiliter constructus, & etiam est & erat locus fertilis, ornatus multis vineis & aliis bonis, & pro navigantibus & itinerantibus retinendis die noctûque necessarius & utilis ultra modum, & per Dei gratiam adhuc erit.

Tempore & anno isto Miles ille cognominatus Archipresbyter, de quo aliàs fuit dictum, audiens quòd pax tractabatur inter Reges Franciæ & Navarræ, dimissis partibus Gallicanis, ubi gens sua multas deprædationes fecerat guerra durante sub umbra victus habendi, quia Regi Franciæ adhæserat, transivit versùs partes Lotharingiæ & cum eis vel pòst magna copia Britonum & aliorum prædonum, qui transiens per Comitatum Campaniæ totam illam patriam per villas rurales non fortificatas & per itinera tam

mercatores quàm alias rapidè spoliabant, equos, pecunias vestes hominum & supellectilia, per domos & per rura ut poterant victualia deprædantes: tandem Ducatum Barrensem, qui ante pauca tempora Comitatus dicebatur, adjunctis sibi aliis societatibus prædonum subintravit, & similiter Ducatum Lotharingiæ, & finaliter circa partes Virdunenses & ultra usque Metis civitatem opulentissimam, se ipsos liberè transfulerunt patriam spoliando, & eam quamplurimum devastando. Accesserat autem illis diebus CAROLUS Imperator Romanus, qui erat Rex Boëmiae, Miles inclytus, obediens Ecclesiæ & vir Ecclesiasticus & fidelis ad curiam Romanam in Avinione ad Dominum Papam URBANUM quintum, & illuc similiter convenerunt Nobiles quamplurimi vocati, ut dicitur, per Dominum nostrum Papam tam de Alemannia quàm de partibus alienis; de Francia autem missi fuerunt ex parte domini CAROLI Regis Franciæ Dux Andegavensis frater ejus, & alij Barones & Prælati, inter quos erat dominus GUILLERMUS de Melduno Senonensis Archiepiscopus, & dominus GUILLERMUS de Dormans Cancellarius Normannorum, & alij plures secum. Causa autem hujus vocationis fuit, ut succurreretur per Principes ad auxilium ferendum Christianis & terræ quæ à Turcis & aliis infidelibus quamplurimum turbabatur. Propter quod, ut dicebatur, Parisius dum ista scriberentur dominus Imperator memoratus obtulerat domno Papæ in succursum hujus decimas sui Regni, & medietatem reddituum dicti Regni ejus capiendas pro stipendiariis fulciendis per tres annos, & super hoc intentio domini Papæ & Imperatoris fuit illuc mittere plures Nobiles & solemnes ac strenuos in armis, utputà Regem Cypri qui dudum propter hanc causam ad Curiam Romanam & ad Franciam accesserat, nihilominus vocare illos omnes prædones, qui in Francia ita diu steterant, & qui, ut dixi superius, Lotharingiam devastabant, & remissionis be-

Y y y y ij

neficiū de suis maleficiis si pæniterent impendere, & largis stipendiis eis datis ad dictum negocium & auxilium & defensionem fidelium contra illos infideles & inimicos crucis Christi in Christi nomine citiùs destinare. Quid autem super huiusmodi facto erit, aliàs forsitan describetur.

Ceterum isto anno post festum Pentecostes per aliquos dies fuerunt in Francia & in Burgundia tonitrua magna & periculosa die & nocte, nec non coruscationes fulguris & tempestates, quæ per aliqua loca bladorum copiam in campis depressoerunt, & ob hoc bladorum caristia invaluit & increvit, atque dicta tempestas multos homines & domos læsit de fulminibus & extinxit. Unde quidam homo inter Parisius & sanctum Dionysium perambulans eques fulmine percussus interiit. In Ecclesia etiam Sanctimonialium juxta Parisius fulgur intra Ecclesiam forti impulsu conflagrans adeò Moniales orantes, & aliquas dominas de Parisius quæ ibi peregrè convenerant exterruit, quòd quasi semivivæ super terram jacentes mortuæ credebantur. Iterum in civitate Trecensi in Ecclesia fratrum Minorum dum ipsi propter horrorem tonitruorum & fulguris Dominum deprecarentur, unus de Fratribus qui ipsa die Missam celebraverat, orando cum aliis à fulgure lethaliter oppressus spiritum exhalavit: Frater verò qui signum de campanili cum corda trahebat sensibiliter percepit coruscationes atque fulgur per campanile descendere & per manicam latam brachij sui, quod trahendo cordam sublevabat, subtiliter ad intra ad carnem subintrare, in tantum quod pilos sub asellis combussit, carne tamen illæsa penitus remanente, propter quod ut debuit Dominum collaudavit; & quod mirum fuit soleas aliorum fratrum orantium combussit vel decoxit illæsis pedibus & intactis, nihilominus fulgur illud sive fulmen Reliquiarum repositorium seu armarium sine aliqua violentia fenestrarum & parietis intravit, & bonos pannicu-

los ex quibus Reliquiæ involvebantur concremavit, vasculis & jocalibus Reliquiarum intactis & illæsis, nisi quod denigrata admodum remanserunt, & non apparuit foramen nec fractio aliqua per quam intraverit vel exierit ab eisdem. Campanile etiam majoris Ecclesiæ Trecensis quod erat miræ altitudinis fulgur ad terram dejecit. Porro in Burgundia in illo tempore, in villa quadam versûs Divionem fuit cum dicto tonitruo inundantia pluviarum, quod una nubes ad modum cataractæ cæli crepuit & tantum diluvium fecit, quod à torrentibus validissimum impetum villa illa, quæ in colle sita erat, unâ cum domibus, viris plurimis, mulieribus atque infantulis in cunabulis raptu aquarum descendentium & mirabili lapsu deperiit, & ad vallem inferiùs & longiùs omnia prædicta imbrum rapacitate involuta & deducta demolitioni subdita sunt, & animantia & infantuli ac cetera viventia mortem lamentabilem aquarum voragine similiter incurrerunt. In Divione etiam muri qui oppidum circumdabant, & qui de novo propter guerrarum pericula fuerant refarciti, ex pluvialibus torrentibus & earum impulsibus abundantibus solo tenus in parte maxima collapsi sunt; sed & vineæ in aliquibus locis botris suis & racemis apparentibus licet nondum formatis tristitiam bonis potatoribus & damna earum cultoribus & suis dominis tunc temporis intulerunt. Sed certè satis citò post rediit serenum siccum & calidum ante & post festum beati Johannis Baptistæ & horâ bonâ, quæ alias vineas & cetera terræ nascentia copiose & in meliùs volente Domino reparavit & caristiam temperavit. Nunc autem ad alia gesta revertamur, quæ ad laudem Dei sicut præcedentia & ad Regni Franciæ gaudium non modicum & lætitiâ populi pertinent, & nihilominus solatium & quietem.

Appropinquante festo beati Johannis Baptistæ isto anno 1365. in cujus gloriosi Præconis ortu, & ex sacro Evangelio colligitur, multi fideles & devoti tunc temporis gaudio sunt repleti: Dominus Noster

Y y y y iij

1365.

JESUS CHRISTUS compati voluit populo Gallicano, qui jam per spatium xxv. annorum, ut patet ex decursu hujus libelli qui ab initio usque huc insperxit, tot tribulationes, afflictiones, oppressiones, pericula, damna, multa mala, homicidia, exactiones, depredationes villarum, Ecclesiarum, Monasteriorum, castrorum depopulationes, mortalitates, violentias & violationes mulierum, & infinitas tribulationes quasi continuè sustinuit & passus est, & hoc propter guerrarum discrimina, quæ longo tempore inter Regem Franciæ immo inter duos Reges successivè, videlicet dominum Regem PHILIPPUM de Valesio & dominum Regem JOHANNEM filium ejus ex una parte, & ex altera parte dominum EDUARDUM Regem Angliæ & alios, inter dictos duos Reges Franciæ, & tertium scilicet dominum CAROLUM Delphinum Regem Franciæ post eos ex una parte, & dominum CAROLUM de Ebroicis Regem Navarræ ex parte altera, secundum quod in serie hujus scripti si non in toto, tamen in aliqua parte licet ruditer declaratur, ut diximus, duraverunt: unde dominus Deus, ut dixi, videns tantas afflictiones & ita tanto temporis spatio jam durasse, tristitiam & dolorem populi sui voluit vertere in gaudium & solamen; quoniam ipse est qui non deserit finaliter sperantes in sua misericordia & ejus auxilio in tempore opportuno, & vult pacem ponere in plebem suam. Factum itaque est, ut ipso inspirante his diebus tractatus pacis inter dictos dominos Regem Franciæ & Regem Navarræ CAROLUM de Ebroicis nominatum, quia Comes erat Ebroicensis ratione patris sui, & Rex Navarræ ratione matris suæ, fuit habitus & inceptus, & interveniente domino *Castal de beuf*, licet esset captivus Regis Franciæ, qui missus fuit ad dictum Regem Navarræ super pace & concordia pertractanda, & reverens à dicto Rege Navarræ pacta pacis & ea quæ dictus Rex Navarræ postulabat Regi Franciæ & consilio ut nuntius reportavit; quibus à Rege & Consilio auditis

dictæ conditiones aliquibus minimè placuerunt, nec pax fuit; de quo plures populo afflicto compatientes multum de pace non inventa, immo quamplurimum doluerunt altiùs cogitantes. Tandem nihilominus Dominus, qui suscitavit olim spiritum & sapientiam juvenis Danielis, inspiravit unum de dominis Consilij qui inter ceteros junior videbatur, sed non propter hoc junioris prudentiæ. Erat enim vir prudens, nobilis, honestus & pius erga pauperes & afflictos, & pia gestiens viscera, videlicet dominus LUDOVICUS Comes Stampensis de nobili & Regia stirpe & prosapia Franciæ natus & genitus, & in hospitio Regis & secum educatus. Hic videns, ut dixi, mala & pericula quæ ex hujus pacis denegatione poterant evenire, & etiam populo afflicto compatiens supplicavit domino Regi ut iteratò Consilium vocaretur, dicens quòd si nullus esset qui vellet de tractatu reinchoando proponere, ipsemet Comes propter bonum commune hoc se offerebat coram omnibus proponendum. Cui dominus Rex annuit quod fieret & concessit. Et factum est paucis diebus ante festum beati Johannis Baptistæ tempore nundinarum de *Landeto* dominus Comes Stampensis missis nuntiis apud Religiosos Parisienses ut orarent Dominum Deum pro pace habenda, convocari fecit ex parte Domini Regis & coram eo consilium iteratò; quibus congregatis dominus qui aperuit os Zachariæ Prophetæ in Natali beati Johannis Baptistæ, aperuit similiter os Comitis supradicti, qui loquens inter sapientes prudentiam ostendit quæ & quanta bona possent domino Regi & toti Regno pace facta provenire, & è contrà mala infinita quæ si non fieret in populo devenirent, & qualiter populus totus per tot & tanta tempora per tales guerras damna sustinuerit incessanter. Sic igitur Spiritus sanctus ipsum in loquendo taliter edocuit, quòd ejus consilio & precibus Rex cum suo Consilio ad bonæ pacis & tranquillitatis statum animum (laus Deo à quo omnia bona procedunt) penitus inclinavit, conditionibus interjectis quas alter

vulgò *Landeto*
dicitur.

non rationabiliter videbatur petere, & quæ domino Regi & Consilio placuerunt, & quæ etiam rationabiles videbantur, videlicet inter cetera, quòd terræ quas Rex Navarra in Normannia, scilicet in Neustria & in Constantiensi plaga, & Comitatus Ebroicensis, exceptis Medunta & *Meullent*, sibi ut aliàs remanerent; & nihilominus debuit habere Baroniam illam nobilem de Monte-pestulano cum dicta opulentissima villa seu castro, sed nihil in campania repetere tenebatur, nec, ut creditur, in Burgundia. De pecuniis autem quid & qualiter, hîc scribere non curavi. Igitur pace sic concessa fecerunt etiam per præcones publicè proclamari Parisius per plura compita, & in palatio Regis & in nundinis in Landeto, & hoc die quarta ante festum Johannis Baptistæ tunc nascentis ut ex his novis auditis populus in tanta festivitate Deo gratias redderet, & in gaudio & lætitia permaneret. Et revera ita fuit: Nam quantum gaudium inter populares adfuit, & quot gratiarum actiones factæ sunt apud Deum, scribere longum esset.

Sic igitur guerris in Regno Franciæ tam in Gallia quàm in Britannia per pacem sedatis, ut dictum est, territi prædones & latrones qui guerrarum tempore mala malis, damna damnis in populo cumulabant, inceperunt paulativè decrescere & minui, alias terrarum regiones requirentes vel seipsos ab infestationibus & malis suis cautiùs retrahentes, & etiam illi qui castra & fortalitia indebitè occupaverant eas in diversis locis dimiserunt, & hoc vel metu, vel pecuniis inde habitis & receptis à civitatibus propinquis vel à dominis earundem, sed tamen sic recedentes quod ex consuetudine habuerant, scilicet deprædari, adhuc ab hujusmodi raptu per itinera & per ruralia loca non poterant abstinere; sed quid valuerunt rapinæ eorum sic exortæ? revera parum aut nihil, nam omnia in manibus ipsorum ut nix ad solem exposita evanescere videbantur, quinimmo ad loca & urbes opulentas venientes quot vendebant debita si quæ vellent eis credere contrahebant

trahebant, pauperes & miseri tandem in oculis omnium se reddebant, verbum vulgare verum esse comprobantes, quo dicitur: *Malè acquisita disperguntur*, ita & finis talium tandem interitus & dolor, sicut finis Justorum dicitur esse in conspectu Domini pretiosus. Ergo benedictus Dominus per omnia, Amen. Verum quia istis temporibus guerræ duraverunt, viri nobiles & quasi omnes, paucis de honestioribus exceptis, se ipsos nimis in gestis & habitibus ac vestimentis deformaverant, & à modis antiquorum & proborum in talibus alienatos & alteratos se turpiter reddiderant; nam vestes strictissimas & usque ad nates decurtatas deportabant, & nihilominus quod magis monstruosum erat, sotulares habebant in quibus rostra longissima in parte anteriori ad modum unius cornu, in longum, aliqui, alij in obliquum ut griffones habent retrò & naturaliter pro unguibus gerunt, ipsi communiter deportabant, quæ quidem rostra *Pouleanas* * Gallicè * *Poulaines* nominabant, & quia res erat valde turpis & quasi contra procreationem naturalium membrorum circa pedes, quinimmo abusus naturæ videbatur, ideò dominus Rex Franciæ CAROLUS fecit per præcones Parisius proclamari publicè, ne aliquis quicumque esset qui auderet amplius talia deportare, & etiam quòd neque artifices sub magna pœna de cetero tales calceos, sed neque ocreas sic punctatas facere præsumerent nec vendere cuicumque: nam simili modo Dominus Papa URBANUS quintus in Romana Curia inhibuerat valde strictè. Sic etiam de robis brevibus & aliis dissolutionibus vestimentorum tam virorum quàm dominarum feminarum infra breve tempus mutatus est habitus. Sperent illi qui talia spernunt fore per dominos Prælatos & Principes tam in Clero quàm in laicis inspirante Domino firmiter inhibendum, & totum Regnum in melius reformandum.

Anno Domini 1366. recesserunt inimici & prædones de fortalitiis quæ in Normannia & alibi occupaverant, & iverunt versùs Hispaniam, ubi Rex Hisp.

1366.

Tom. XI.

Z z z z z

paniæ PETRUS & frater ejus HENRICUS pro possessione Regni Hispaniæ adversum se disceptabant: dicebat enim Henricus quòd licet dominus Petrus Regnum obtinisset diutius, quòd hoc erat contra Deum & justitiam, & quòd magis ad eum scilicet Henricum pertinebat: imponebat enim illi, quòd non erat verus Regis filius defuncti, sed potius mutatus, & quòd erat filius Judæorum subrogatus per matrem Reginam secretè citò post partum ejus loco filiæ quam pepererat, & quòd hoc juraverunt Milites Secretarij dictæ Reginæ in morte, qui dictum filium loco filiæ rapuerant silenter à Judæis, & filiam absconderant, quia Rex juraverat se interfectorum Reginam nisi filium illa vice procrearet; & timore Regis fuit iste Petrus de Judæis secretiùs subrogatus, servatâ filiâ à Regina patre nesciente, prout dominus Henricus ei fortiter imponebat. Item objiciebat dicto Petro ipsum esse hæreticum, & quod pejus est, legi Judæorum & eis adhærentem, & legem Domini Nostri JESU CHRISTI vilipendentem & spernentem, & ob hoc secundum Regni antiqua jura à Regno ejiciendum & penitus deponendum, & quòd alius institui debeat & eligi loco ejus, quod & factum fuit. Nam populus Hispaniæ, ut dicebatur, elegerat istum HENRICUM altero deposito atque spreto. Item dictus erat sanguine suorum sitiens atque vilis vitæ & inhonestæ, ut patuit, quia uxorem propriam de Regali Franciæ prosapia progenitam, pudicam, castam, sanctam & honestam propter unam aliam superinductam, quæ ut dicebatur Judæa erat, interfecit fecit & sine causa suffocari: de cujus morte indebita & injusta rota patria condolet & deplorat; & nihilominus dictus Rex PETRUS per Judæos qui in maxima abundantia erant in Hispania seipsum & domum suam regebat, & totum Regnum suum per eos gubernabat. Hæc & multa alia enormia de dicto Rege Petro à pluribus dicebantur, & ob hoc Henricus frater ejus fultus auxilio multorum Baronum dicti Regni & burgensium ac Militum

dictum Regnum Hispaniæ invaserat, & se Regem de jure & pro Rege spreto Petro præferebat. Unde exorta est propter hoc magna discordia in illa patria, & guerra non modicæ inter populares & dominos surrexerunt: quo audito à pluribus nobilibus & militaribus de Francia, Britannia, Alemannia lucra & spolia appetentes, & ut cupidi eorum more abundantius desiderantes illuc ad Hispaniam cucurrerunt, inter quos dominus Bertrandus *de Claquin* * Miles bene strenuus cum suis, qui multo tempore modo prædonico per Franciam nuper & per Normanniam debachando patriam & rurales diutiùs spoliaverant, in magna multitudo armatorum progressus est in auxilium HENRICI qui pro Rege Hispanorum contra præfatum Regem PETRUM, ut diximus, se gerebat, & ibi multos actus strenuos in armis dictus Bertrandus cum suis Britonibus executus est, multos adversarios occidendo & Henrico subjugando, & potissimè infinitos Judæos, qui in potentia armorum Regem Petrum adjuvabant, trucidando potenter in magna potentia: qui interfecti, trucidati & effugati de illis partibus turpiter perierunt, de quibus sunt multi hodie Parisius & alibi in diversis civitatibus commorantes per usuras Christianos nostros multos subtiliter deprædantes, sed *Væ qui prædatis*; nam ut credimus & ipsi finaliter expellentur & similiter prædabuntur secundum quod aliàs pluries visum fuit.

vulgo * *des Guiselin.*

Igitur virtute & potentia dicti Henrici & multorum de patria sibi adhærentium, & forti auxilio tam Britonum prædictorum quàm Gallicorum & aliorum; præfatus Rex PETRUS frater illius Henrici compulsus est Regnum pro tunc dimittere & fugere, non valens resistere potentia supradictæ. Et tunc cum paucis accessit ad Principem Valliæ primogenitum Regis Angliæ, Ducem Aquitaniæ, & Pictaviæ Comitem, qui tunc temporis in Vasconia erat in partibus Burdegaliæ, petens auxilium ab eo, & ut ad recuperandum Regnum suum Hispaniæ adjuvaret ratione pro-

Zzzzz ij

pinquitate generis. Qui quidem Princeps collecta maxima multitudine armatorum tam de Anglia quàm de Vasconia, de Pictavia & Rupella in tempore hyemali anno illo isthuc ivit, ubi propter tempestates hyemis & propter imbres & frigora magnam partem de gente sua & de equis & curribus perdidit, & etiam propter penuriam victualium & defectum, ibidem etiam in quodam conflictu habito contra & inter suos & alios Hispanos cecidit in bello ejus Vexillarius scilicet *GUILLERMUS Felton* Miles strenuus & nobilis, Senescallus Pictaviæ, vir magni consilij, prudens & devotus. Eodem tempore Rex Navariæ *CAROLUS* de Ebroicis captus fuit à Rege, ut dicitur, Aragonum, sed postea redditus & restitutus fuit. Deinde in alio conflictu ibidem per dictum Principem *EDUARDUM* contra Henricum factò dominus *HENRICUS* à bello recessit, & *BERTRANDUS de Claquin*, qui pro dicto Henrico pugnabat captus fuit ab Anglicis cum multis Britonibus suis & aliis nobilibus & famosis: & hoc, ut dicitur, quia dictus Henricus cum suis lentè & pigrè pugnaverunt, & citò campo dimisso in fugam cum aliis remanentibus conversi sunt. Sed quia finis hujus guerræ adhuc dum ista scribebantur non erat ad partes illas Gallicanas veraciter declaratus, ad alia procedimus.

1367.

Anno Domini 1367. inchoando in Paschate dominus Papa *URBANUS* v. postquam fuerat in Montepessulano; ubi fundaverat unum solemne Monasterium noviter Monachorum Nigrorum Ordinis S. Benedicti in honore sancti Germani, reversus ad Avinionem statim post Pascha, scilicet in mense Maij arripuit iter suum versùs Romam cum domnis Cardinalibus & tota Curia, & se transtulit in Viterbio cum maximo apparatu. Et dum ibi erat cum Cardinalibus mota est contentio inter quemdam de familia Cardinalium & unum de civibus præfatæ urbis; qua contentione invalescente, maxima pars civium & plebis dictæ urbis currentes ad arma invaserunt familiam dictorum Car-

dinalium etiam in domibus dominorum suorum, & conflictu inito plures de dictis familiis morte multaverunt; & in tantam rabiem & insaniam proruperunt dicti cives, quod manus sacrilegas in personam unius Cardinalis violenter iniecissent nisi ipse præ timore citius fugam cautè adisset; & quod magis nefandum est, proposuerant, ut dicitur, Domnum Papam & Cardinales similiter trucidare; sed Deus noluit quod tantum nefas & scandalum Ecclesia sustineret. Videns autem hoc Domnus Papa & tantum excessum illorum volens meritò reprimere & punire, vocavit magnum exercitum contra illos, & tunc quamplurimis de civibus & malefactoribus illis captis & examinatis, fecit eos omnes ante domos suas patibulis affigi & suspendi, & eorum fortalitia & muros præcepit funditus demoliri. His peractis recessit Domnus Papa cum Cardinalibus & tota Curia, & se transtulit ad illam inclytam & famosam urbem Romæ, & ubi est Sedes & Curia usque ad hodiernum diem. Acta autem sunt hæc isto anno 1367.

Eodem anno in mense Decembri in nocte sanctæ Lucie Virginis fuit tantus flatus ventorum & ita vehemens in partibus Flandriæ, Picardiæ, & Brabantie, sicut aliàs numquam fuit visum, & erat ventus veniens à parte maris & septentrionali, & duravit per totam noctem illam, unde de venti vehementia nimia atque flatu impetuoso multæ domus & Ecclesiæ corruerunt, & quæ non ceciderunt quia fortiores, tamen tam de regulis quàm stipulis in maiore sui parte disruptæ remanserunt; unde multi homines & parvuli in diversis locis dormientes in cubilibus & lectulis ex nimia domorum suarum & caminorum tempestate & casu ac ruinâ mortui, proh dolor! & oppressi postea reperti sunt. Sed de molendinis prostratis qui ad ventum volvuntur magnus numerus est inventus; & quod mirabile fuit ex magno ventorum impulsu campanile de Ecclesia beatæ MARIÆ de Bologna Canonorum Regularium, quod erat pul-

Zzzzz iij

crum valde nimis & forte, illa nocte corruit, & tectum chori sub eo demolivit, & ulterius voltas lapideas fregit ex suo casu similiter & quassavit, & nihilominus multa alia magna campanilia alibi ventorum impulsu ceciderunt. Mare etiam Oceanum in partibus illis ex nimio flatu venti undas maris & fluctuosos scopulos adeò impulit, & ultra suos consuetos terminos in tantum excrevit & exivit, quòd multas domos & villulas quæ super littora ejus sitæ erant & aliàs securè remanentes, nunc cum dictis fluctuosis impulsibus oppressæ & inopinatè suffocatae penitus cum suis habitatoribus perierunt.

Eodem anno & tempore in Adventu, clientes qui vigilando de nocte civitatem pro custodia circuibant in nocte sancti Nicolai, aliquos scholares nunc pro dicto festo sancti Nicolai cantantes & jocantes violenter invaserunt etiam sine causa, & eos ultra rationem & contra libertatem privilegiorum Universitatis Parisiensis plures ex eis ad Casteletum traxerunt & plures vulneraverunt atrociter, quia se conabantur ab eis defendere: & horribile fuit, quia unum ex illis scholaribus ad mortem multatum in Secanæ fluvio quia prope erat & nox similiter projecerunt, nemine hoc vidente nisi ab eisdem qui flagitium perpetraverunt. Quod nefandum crimen Universitas sentiens in crastino dominum Regem CAROLUM adiit, & querimoniam gravem meritò faciens magnam emendam ab illis clientibus recepit: sed quia ille in fluvio projectus reperiri non poterat, non habuit illo tempore tunc Universitas emendam condignam juxta demerita prædictorum. Dicebatur enim quòd ad partes suas recesserat secretè, ut sic posset dici quòd ab illis clientibus fuisset forsan interfectus. Nec mirum si tunc in aqua non inveniebatur versùs illas partes propinquas, quia rapacitas & cæcitas fluvij ad partes bene inferiores corpus mortuum detulerat descendendo. Tandem post aliquantum temporum curricula ejus pulmone rupto & aquis fluvialibus diminu-

tis incepit corpus illius mortui superius apparere, & sic in fine civitatis versùs ultimas domos ultra habitationem & locum Fratrum Augustinorum Parisiens. est repertum corpus ejus; quo extracto & elevato sepultum est in domo Fratrum beatæ MARIÆ de Carmelo Parisius cum honore maximo à tota Universitate solemniter & publicè sibi factò: & tunc nova querimonia apud dominum Regem per Universitatem & per amicos iteratò inchoata de clientibus supradictis; sed quidam ex eis fugerunt, alij capti fuerunt, & qualis justitia de eis facta fuerit nescio.


Anno Domini 1368. inchoando annum in Pascha-
te, quod tunc fuit nona die mensis Aprilis, & cucurrit illo anno Luna per, I, hoc est quòd aureus numerus scilicet Lunæ currebat per unum. Igitur isto tempore die Paschæ præsentì visa fuit cometa, id est stella comata, & jam apparuerat per plures dies in hebdomada sancta præcedente, & duravit ejus apparitio per magnum tempus. Apparebat autem in principio noctis vel in nocte satis citò, & hoc in parte Septentrionali, quasi inter partem occidentalem & Septentrionalem plagam, & hoc versùs mare Oceanum erat caput sive stella illa, & projiciebat caudam suam comatam versùs partes Orientales, aliquando declinando ad Septentrionem, in alto tamen radios suos emittebat, & quasi cuspidem rubeam ad modum flammæ unius campanilis altissimi totaliter inflammata vel ardentis radios suos emittebat valde fursùm; unde quando ego dictam cometam primò vidi, ex arrupto credidi quòd esset campanile ad longè ignitum & mirabiliter inflammatum: nam pyramidem seu cuspidem rubeam ad modum flammæ fursùm versùs cælum & versùs partes ubi tunc eram, scilicet Remis, emittebat, & quasi totus populus & specialiter qui excubias & vigilias noctis super muros Remenses agebant, dictam stellam comatam visibiliter contemplati sunt. Quid autem significet talis apparitio stellæ comatæ dicit Beda, prout recitat


1368.

Frater Bartholomæus in compilatione sua, quod hîc notare curavi. Dicit enim Beda quòd cometa est quædam stella flammis circumdata repente nascens, & significat permutationem aut pestilentiam, sive bella, vel ventos, sive æstus: nescio tamen, quia tunc temporis, scilicet in isto Paschate, erat clarus aër, alioquin visa non fuisset illa cometa, sed erat tempus bene frigidum & ventus frigidus & urens intensivè, & similiter aër totus frigidus & nocivus, & licet dicat Beda quòd semper apparet in parte Septentrionali, ita fuit de ista, tamen circa annum Domini 1340. apparuit alia cometa in parte meridionali versùs partem occidentalem, quæ emittebat radios suos versùs partes Orientales declinantes ad partes Septentrionales; quæ quidem cometa sic apparens fuit significatio magnarum tribulationum futurarum in Francia tunc temporis. Nam secutæ fuerunt pestilentia & mortalitates magnæ & horribiles & alia inaudita quæ anno 1348. postea inchoarunt, ut patuit universis: & deinde fuerunt guerræ horribiles, & gravamina importabilia in Francia, & occisiones, ut patuit per guerras longas per Regem Angliæ EDUARDUM contra Regem Franciæ durius deductas, prout patet in serie hujus libelli de talibus memoriam breviter faciente, à quibus de cetero nos eripiat potentia Salvatoris, Amen. Verùm nos de eventibus & tribulationibus quæ in diversis Regni Franciæ partibus tempore apparitionis prædictæ stellæ comatæ, quæ sic isto tempore Paschali & jam antea per pauca tempora & deinceps evenerunt, sicut vidi & veraciter audiui, hæc consequenter conscribere ad futurorum memoriam dignum duxi.*

* Hic desinit Continuatio in Ms. codice nostro.

FINIS.





MARIO BACCETTI
BIBLIOTECARIO DI LIBRI
Via del Corso 111
BIBLIOTECARIO DI LIBRI

005646036